

মহর্ষি-বেদব্যাস-প্রণীত

পদ্মপুরাণ ।

ভূমিখণ্ড ।



বাস্কাল গদ্যানুবাদ ।

জহরলাল লাহা কর্তৃক সংগৃহীত ও তৎকর্তৃক

৯১ নং তুর্গাচরণ মিত্রের স্ট্রীট হইতে প্রকাশিত ।

কলিকাতা

বেদান্ত-প্রেস,—১২৭ নং মসজিদ বাড়ী স্ট্রীট ।

শ্রীনীলান্বর বিদ্যারত্ন দ্বারা মুদ্রিত ।

১২২১ সাল ।



# পদ্মপুরাণ ।

## ভূমিকা ।

প্রথম অধ্যায় ।

সর্বশক্তিময়, সর্ববিদ্যাধিষ্ঠতা, সর্বজ্ঞাননিলয় বিশ্ব-  
পতি-বাসুদেকে নমস্কার ।

মহাতপা মহর্ষিগণ মহাভাগ সূতের নানাপ্রকার  
প্রশংসা করিয়া কহিলেন, হে সূত ! দেবাসুরের তুমুল  
সংগ্রাম সমাগত হইলে, নিয়ত স্বধর্মাবলম্বী পরম বৈষ্ণব  
মহাভাগ দৈত্যপতি কিরূপে বিশ্বপাতা নারায়ণের সহিত  
সমরে প্রবৃত্ত হইবেন এবং কিরূপেই বা তিনি বিষ্ণুর শরীরে  
প্রবেশ করিয়াছিলেন, আমরা তাহা আনুপূর্ব্বিক শ্রবণ  
করিতে অভিলাষ করি । হে সূত ! তুমি সর্বশাস্ত্র-  
বেত্তা ও পরম পৌরাণিক, অতএব সেই সমস্ত সবিস্তর  
কীর্তন করিয়া আমাদের কৌতূহলাক্রান্ত চিত্তকে সুস্থ কর ।

দ্বিজাতিগণের সেই প্রকার বাক্য শ্রবণ করিয়া, সূত  
কহিলেন, হে মহর্ষিগণ ! পূর্বে লোক-পিতামহ ব্রহ্মা পরম  
বুদ্ধগান ব্যাস কর্তৃক পরিপুষ্ট হইয়া তাঁহাকে এই সমস্ত  
সবিস্তর কীর্তন করিয়াছিলেন । অগ্নি ভগবান কৃষ্ণদ্বৈপায়ন

দেবব্যাসের নিকট হইতে সেই সমস্ত বিশেষ রূপে  
করিয়াছি। এক্ষণে তিনি আমার নিকট যেরূপ বর্ণন  
করিয়াছিলেন, আমি তদনুসারে আপনাদিগের নিকটে কীর্তন  
করিতেছি শ্রবণ করুন।

ভগবান ব্যাসদেব কহিলেন, হে সূত ! তুমি আমাকে যে  
প্রশ্ন জিজ্ঞাসা করিলে, পূর্বে আমি জগদ্ভাবন ব্রহ্মাকে এই  
সমস্ত প্রশ্ন জিজ্ঞাসা করিয়াছিলাম, তাহাতে তিনি আমাকে  
যেরূপ বলিয়াছিলেন আমিও তোমার নিকটে সেই রূপ  
পরিকীর্তন করিতেছি শ্রবণ কর। দৈত্যপতি প্রহ্লাদ  
পরম বৈষ্ণব ও সকলের পূজনীয় হইয়াছিলেন। তিনি জন্ম-  
কাল হইতেই ভগবান বিষ্ণুর পরমভক্ত ছিলেন বলিয়া জগতে  
এ প্রকার খ্যাতি-প্রতিপত্তি লাভ করিয়াছেন। যেরূপ দেবা-  
স্বরের তুমুল সংগ্রামে তিনি বিষ্ণু কর্তৃক নিহত হইয়া পরি-  
শেষে তদীয় শরীরে প্রবেশ করেন, এবং তাঁহার জন্মবিব-  
রণাদি আদ্যোপান্ত বর্ণন করিতেছি শ্রবণ কর।

ভগবান ব্যাসদেব কহিলেন, হে সূত ! পশ্চিম সমুদ্রতীরে  
সর্বশুদ্ধ-সিদ্ধি শোভা-সমৃদ্ধি-সমম্বিতা দ্বারকা নাম্নী এক  
নগরী আছে। তথায় শিবশর্মা নামে একজন সর্বশাস্ত্রবিৎ  
যোগজ্ঞ ব্রাহ্মণ বাস করিতেন। সেই শিবশর্মার, যজ্ঞ শর্মা,  
বেদশর্মা, ধর্ম্মশর্মা, বিষ্ণুশর্মা, ও সোমশর্মা নামক পাঁচ পুত্র  
ছিল। সেই পাঁচপুত্রের মধ্যে সকলেই সমধিক পিতৃভক্তি-  
পরায়ণ ও সর্বশাস্ত্র-পারদর্শী ছিলেন। সেই নিরতিশয়  
উৎকর্ষপ্রকৃতি পুত্রগণের ঐকান্তিক পিতৃভক্তি সন্দর্শন করিয়া  
শিবশর্মার তাহা পরীক্ষা কবিবার বাসনা হইল। ভগবান  
বিষ্ণুর প্রসাদে তিনি সূর্ববিষয়ে সিদ্ধিলাভ করিয়াছিলেন।

মায়াবিস্তার করিতেও তাঁহার সমধিক ক্ষমতা ছিল । সেই মায়া-প্রভাবে তাঁহার সহধর্মণীকে মৃত্যুরূপে পরি-  
করিলেন । শিবশর্ম্মার পুত্রগণ জননীকে গতাস্থ নিরী-  
করিয়া দারুণ শোকে অভিভূত হইলেন । শিবশর্ম্মা জন-  
বিয়োগ-সন্তপ্ত সন্ততিগণকে নানাপ্রকার প্রবোধ বা-  
সান্ত্বনা করিতে লাগিলেন । পুত্রেরা কহিলেন, যে জন  
আমাদিগকে গর্ভে ধারণ করিয়াছিলেন, যাঁহার স্তন দু-  
আমাদের দেহের পুষ্টি সাধন হইয়াছে, যিনি না থাকিলে  
আমরা পৃথিবী দেখিতে পাইতাম না, সেই স্নেহময়ী জন-  
নম্বর জীবনের সহিত এই মর্ত্যধাম পরিত্যাগ করিয়া স্বরগ-  
নিষেবিত সুখ-সদনে প্রস্থান করিলেন ।

অনন্তর শিবশর্ম্মা যজ্ঞশর্ম্মাকে সুতীক্ষ্ণ অস্ত্রদ্বারা তাহা  
মৃত্যু মাতার অঙ্গ-প্রত্যঙ্গ সকল ছেদন করিয়া ইতস্তত  
নিষ্ক্ষেপ করিতে আদেশ করিলেন । নিরতিশয় পিতৃভক্তি  
পরায়ণ যজ্ঞশর্ম্মা কালবিলম্ব ব্যতিরেকে তৎক্ষণাৎ পিতা  
আজ্ঞা প্রতিপালন করিয়া কহিতে লাগিলেন, হে তাত  
আপনি আমাদের জনক । আপনা হইতে আমরা এই পৃথিবী  
দেখিতে পাইয়াছি । অতএব আপনি যখন যাহা আজ্ঞা  
করিবেন তাহা সদসদ বা কার্য্যাকার্য্য বিবেচনা না করিয়াই  
তৎক্ষণাৎ সম্পাদন করিব । আপনি যাহাঁ আদেশ করিয়াছি-  
লেন তাহা আমি সম্পন্ন করিয়াছি ; এক্ষণে আপনার আ-  
কি প্রিয়ানুষ্ঠান করিতে হইবে, তাহাঁ আদেশ করিয়া আমা-  
বে অনুগৃহীত করুন ।

ব্যাসদেব কহিলেন, মহামনা বিষ্ণুশর্ম্মা জ্যেষ্ঠ পুত্রের  
তাদৃশী অচলা পিতৃভক্তি সন্দর্শনে সাতিশয় প্রীতিনাত

দ্বিতীয় পুত্র বেদশর্মা কে পরীক্ষা করিতে মানস  
করিলেন। এবং বেদশর্মা কে আহ্বান করিয়া কহিলেন,  
সুস ! আমি কামশরে জর্জরীভূত হইয়াছি। তুমি শীঘ্র  
আমার কোন প্রতিবিধান কর। পর্বত প্রদেশে গলয়ানাম্নী যে  
গুহা বাস করে, তাহাকে তুমি সত্বরে আমার নিকটে আন-  
বান কর। ইহাতে কোন রূপ অন্যথা করিওনা। বেদশর্মা  
কহিলেন, হে পিতঃ ! আপনার আদেশ সর্বথা পালনীয়।  
কারণ পুত্রের নাম আত্মা, অর্থাৎ মনুষ্যের আত্মাই পুত্র  
রূপে জন্মগ্রহণ করে। অতএব পিতা ও পুত্র কিছুমাত্র  
বিভিন্নতা নাই। পিতৃকার্য আত্মকার্যের ন্যায় জ্ঞান করিতে  
হইবে। যে পুত্র হইয়া পিতার প্রিয়ানুষ্ঠান বা তাঁহার  
আজ্ঞা প্রাণপণে প্রতিপালন না করে, সে পুত্র-নাম ধারণের  
যোগ্য নহে। পিতাই ধর্মার্থকামমোক্ষের দ্বার-স্বরূপ  
পিতৃসেবার তুল্য ধর্ম নাই। জনক হইতে জননীশব্দ সিদ্ধ  
হইয়াছে। জননী ব্যতিরেকে পুত্রোৎপত্তি হইতে পারে।  
মনোষিগণ মানসপুত্রের কথা উল্লেখ করিয়া থাকেন।

মহাভাগ বেদশর্মা এই প্রকার কহিয়া, শ্রদ্ধাভক্তি সহ-  
কারে পিতার চরণ বন্দনা পূর্বক অবিলম্বে নির্দিষ্ট স্থানে  
গমন করিলেন। এবং পর্বত-প্রদেশবাসিনী গলয়াকে  
সম্বোধন করিয়া কহিলেন, হে শোভনে ! মদীয় জনক আপ-  
নাকে প্রার্থনা করিয়াছেন। ছুরন্ত কন্দর্প, তাঁহাকে তাঁহার  
বিষম কুসুম শরের লক্ষ্য করিয়াছে। অতএব আপনি সত্বরে  
আমার পিতার নিকটে গমন করিয়া, তাঁহাকে ভজনা করুন।  
যেযোরূপবিনাশিনী জরা অদ্যাপি তাঁহাকে আক্রমণ করে-  
নাই। গলয়া! কহিলেন, হে মানদ ! তোমার পিতা বৃদ্ধ ও

তুমি খণ্ড।

জরাভারাক্রান্ত হইয়াছেন। অতএব তাঁহাতে আমার অনুমাত্র অভিলাষ নাই। বয়োরূপবিনাশিনী লোক দুষ্ণী জরার অনেক প্রকার দোষ। জরাগ্রস্থ ব্যক্তির গাত্র শিথিল ও কেশ শুক্লবর্ণ হয়, এবং ভোগম্পৃহা মন্দীভূত ও শক্তি বিগলিত হইয়া যায়। জরাক্রান্ত ব্যক্তির মনোবৃত্তি সকল নিস্তেজ ও অবমন হইয়া থাকে। এইজন্য আমি তোমার পিতাকে কোন মতে ভজনা করিতে পারিবনা। তুমি পরম সুন্দর যুবা পুরুষ ও আমার সর্বতোভাবে উপযুক্ত। অতএব তোমার সহিত বিহার করিতে আমার একান্ত অভিলাষ হইয়াছে। তোমার বৃদ্ধ পিতাকে ভজনা করিলে কি হইবে? তাঁহার প্রতি আমার অনুমাত্র অনুরাগ নাই। তুমি আমার বাক্য শ্রবণ কর। তোমার উপস্থিত সংকল্প পরিত্যাগ করিয়া আমার সহবাস-সুখ-সন্তোকে প্রবৃত্ত হও। আমি তোমাকে স্বেচ্ছায় রতিদান করিতে উদ্যত হইয়াছি। আমি তোমার সকল মনোরথ সম্পন্ন করিব, তুমি আমার অভিলাষ পূর্ণ কর। তুমি আপন স্বার্থ পরিত্যাগ করিওনা। অযাচিতা হইয়াও যখন আমি তোমাকে প্রসাদ বিতরণে প্রস্তুত আছি, তখন তোমার সেই উপস্থিত প্রসাদ পরিত্যাগ করা সর্বতোভাবে অবৈধ। ইহার নিমিত্ত পরিণামে তোমাকে বিস্তর অনুতাপ করিতে হইবে।

কিন্তু নিরতিশয় পিতৃভক্তিপরায়ণ মহাগনা বেদশর্মা মলয়ার সেই প্রকার প্রলোভন বাক্যে কিছুমাত্র কর্ণপাত না করিয়া কহিলেন, দেবি! আপনি যাহা যাহা কহিলেন সে নমস্তুই আমার অপ্রিয় ও নিতান্ত পাপমঙ্গুল। এরূপ অযুক্তি-ক্রমে পাপমিশ্রিত কুৎসিত বাক্য সকল প্রয়োগ করা আপনার

অনুচিত হইয়াছে । পিতৃঅজ্ঞা প্রতিপালন করাই আমার প্রধান ধর্ম । পিতা তোমাকে প্রার্থনা করিয়াছেন । আমি পিতার নিমিত্ত আপনাকে প্রার্থনা করিতেছি । অতএব অনুগ্রহ করিয়া আপনি আমার পিতাকে ভজনা করুন । আপনি আমার পিতাকে ভজন করুন, আমি আপনার সকল অভিলাষ পূর্ণ করিব । এই ত্রিভুবনের মধ্যে আপনার যাহাতে বাসনা হয়, আমি দেবতাগণের প্রসাদে আপনাকে তাহাই প্রদান করিব । তচ্ছবণে মলয়া কহিলেন, হে মনোজ্ঞ ! তুমি আমাকে এই মুহূর্ত্তে সমুদায় মহেশ্বরগণ-পরিবেষ্টিত সুররাজ শচীপতিকে দেখাইতে পারিলে, আমি তোমার পিতাকে ভজনা করিব । এক্ষণে কাল-বিলাস না করিয়া স্বীয় ক্রমতার পরিচয় প্রদান কর ।

অনন্তর মহামনা বেদশর্মা স্বীয় তপঃ-প্রভাবে সুরসত্তম-গণকে মলয়ার দর্শন পথে আনয়ন করিলেন । দেবতাগণ তাঁহার প্রতি সমধিক প্রসন্ন হইয়া কহিলেন, হে বিপ্রশ্রেষ্ঠ ! তোমার অভিলষিত বর প্রার্থনা কর । বেদশর্মা কহিলেন, হে দেবগণ ! আমাকে অনুগ্রহ করিয়া এই বর প্রদান করুন, যে, আমার পিতৃভক্তি অচলা হউক । দেবতাগণ তথাস্ত বলিয়া স্ব স্ব স্থানে প্রস্থান করিলেন, বরবর্ণিনী মলয়া বেদ-শর্মার তাদৃশ সামর্থ্য ও তপঃ প্রভাব সন্দর্শনে অত্যন্ত আশ্চর্য হইয়া কহিলেন, হে দ্বিজোত্তম ! দেবতাগণে আমার প্রয়োজন নাই ; এক্ষণে তুমি যদি স্বহস্তে নিজ মস্তক কর্তন করিয়া আমাকে প্রদান করিতে পার তাহা হইলে আমি তোমার পিতাকে ভজনা করিতে পারি । তচ্ছবণে পিতৃভক্তি পরায়ণ বেদশর্মা কহিলেন, হে দেবি ! অদ্য আমার জীবন



## ভূমি ৪৩।

ধন্য হইল, আমি এই মুহূর্তেই নিজ মস্তক ছেদন করিয়া দিতেছি। যে জনক হইতে এই জীবন প্রাপ্ত হইয়াছি, সেই জগৎপূজ্য জনকের প্রিয়ানুষ্ঠানের জন্য এই জীবন উৎসর্গ করিব, ইহা অপেক্ষা আমার সৌভাগ্যের বিষয় আর কি আছে? এই বলিয়া তিনি অগ্নানবদনে স্বহস্তে নিজ মস্তক ছেদন করিয়া সহাস্য আস্যে মলয়ার হস্তে প্রদান করিলেন।

মলয়া মহাত্মা বেদশর্ম্মার এই প্রকার অলৌকিক পিতৃভক্তি পরিদর্শন করিয়া পরম পুলকিত হইলেন, তাঁহার সম্পূর্ণ অভিলাষ ছিল যে, সর্বরূপগুণসম্পন্ন যবীয়ান্ বেদশর্ম্মাকেই আত্মসমর্পণ করিয়া যৌবনস্থখ পরিত্যক্ত করেন। কিন্তু তাঁহার এইরূপ অসাধারণ পিতৃভক্তি দর্শন করিয়া তদীয় ছিন্নমস্তক গ্রহণ করতঃ অগত্যা শিবশর্ম্মা সমীপে উপস্থিত হইলেন।

মলয়া কহিলেন, হে মহাভাগ! আপনার পুত্র বেদশর্ম্মা আমাকে আপনার নিকট প্রেরণ করিয়াছেন, আপনি আমাকে গ্রহণ করুন, আপনার পুত্র নিরতিশয় পিতৃভক্ত, তাহার নিদর্শনের নিমিত্ত তিনি স্বীয় মস্তক ছেদন করিয়া পাঠাইয়া দিয়াছেন, ইহাও আপনি গ্রহণ করুন।

ব্যাসদেব কহিলেন, হে সূত! মহাশয়! শিবশর্ম্মা পুত্রের সেই প্রকার অসাধারণ পিতৃভক্তি সন্দর্শন করিয়া যৎপরোনাস্তি প্রীতিলাভ করিলেন, এবং অন্যান্য পুত্রগণকে আহ্বান পূর্ব্বক কহিতে লাগিলেন, হে বৎসগণ! তোমাদিগের সহোদর বেদশর্ম্মা অসীম পিতৃভক্তিপরতন্ত্র হইয়া স্বহস্তে নিজ মস্তক ছেদন করিয়া প্রদান করিয়াছেন, এই বলিয়া তিনি তাহাদিগকে সেই ছিন্নমস্তক দেখাইলেন। তাঁহার

অন্যান্য পুত্রগণ বেদশর্ম্মার সেইরূপ লোকাভীতা অদ্ভুত পিতৃভক্তি ও অনন্যসাধারণ সাহসের জন্য সাতিশয় বিস্ময়াপন্ন হইয়া ভূয়সী প্রশংসা করিতে লাগিলেন। তাঁহারা কহিলেন, আমরাদিগের জননী পতির প্রীত্যর্থে আজ্ঞ-জীবন বিসর্জন করিয়া পরম গতি লাভ করিয়াছেন, এক্ষণে ভ্রাতা বেদশর্ম্মাও পিতৃ-প্রয়োজন সাধনোদ্দেশে নিজ জীবন পরিত্যাগ করিয়া আপনাকে ধন্য ও যশাহঁ করিলেন। যাহারা সর্বদেবময় জনকজননীর প্রিয়ানুষ্ঠানের জন্য এই প্রকার দৃঢ়াভক্তি প্রদর্শন করেন তাঁহারা সর্বলোকের পূজ্য হইয়া অক্ষয় স্বর্গলাভে সমর্থ হইবেন।

## দ্বিতীয় অধ্যায়

অনন্তর মহামতি শিবশর্ম্মা ধর্ম্মশর্ম্মাকে কহিলেন, হে বৎস! যাহাতে তোমার ভ্রাতা বেদশর্ম্মা পুনর্জীবন প্রাপ্ত হন, শীঘ্র তাহার উপায় প্রতিবিধান কর। ধর্ম্মশর্ম্মা পিতৃ-আজ্ঞা শ্রবণ মাত্র আপনাকে কৃতার্থ জ্ঞান করিয়া বেদশর্ম্মার সেই ছিন্নমস্তক গ্রহণ করতঃ তৎক্ষণাৎ তথা হইতে প্রস্থান করিলেন। এবং কঠোর তপশ্চরণ আরম্ভ করিয়া একান্ত-চিত্তে ধর্ম্মের আরাধনা করিতে লাগিলেন। ভগবান্ ধর্ম্ম তদীয় সেই প্রকার তপস্যায় মস্তক হইয়া তৎদকাশে সমুপস্থিত হইলেন, এবং মহাতপা মহাত্মা ধর্ম্মশর্ম্মাকে অভিলষিত বর

## ভূমি খণ্ড ।

এহণের নিমিত্ত অনুরোধ করিতে লাগিলেন । অতীষ্টদেবকে সম্মুখীন দেখিয়া ধর্ম্মাত্মা ধর্ম্মশর্মা কহিলেন, ধর্ম্মরাজ ! যদি ধর্ম্মে আমার অচলা মতি থাকে, এবং কায়মনোবাক্যে পিতৃ-পাদপদ্ম সেবা করিয়া থাকি, তাহা হইলে সেই পুণ্যবলে ভ্রাতা বেদশর্মা এই দণ্ডেই পুনর্জীবন লাভ করুন, আমার অন্য কোন বরে অভিলাষ নাই, আমি পিতৃনিদেশ-পরতন্ত্র হইয়া এই কার্য্যে শ্রবৃত হইয়াছি । পিতৃ আজ্ঞা প্রাণপণে প্রতিপালন করাই পুত্রের একমাত্র ভ্রত ।

ধর্ম্মশর্ম্মার সেই প্রকার ধর্ম্ম-সঙ্গত বাক্য শ্রবণ করিয়া ধর্ম্মরাজ সমধিক সম্ভ্রান্তের সহিত তাহাকে সম্বোধন করিয়া কহিলেন, হে স্বভ্রত ! তোমার এই অসাধারণ পিতৃভক্তি ও লৌকাতীত তপঃপ্রভাব সন্দর্শন করিয়া সাতিশয় সন্তুষ্ট হইয়াছি, তুমি মত্যা, শুচি প্রভৃতি সর্ব্ববিধ সঙ্গুণের আধার-স্বরূপ । তোমার সেই সমস্ত গুণপ্রভাবে মহাত্মা বেদশর্মা পুনর্জীবন লাভ করিবেন । এক্ষণে তুমি অন্য কিছু বর প্রার্থনা কর, তাহা ব্রহ্মবিদগণের দুর্লভ হইলেও আমি তোমাকে প্রদান করিব । যশস্বী ধর্ম্ম-শর্মা সূর্য্য-তনয়ের সেইরূপ বাক্য শ্রবণ করিয়া বিনয়গর্ভ-মধুর বচনে কহিলেন যে, তাঁহার যেন পিতৃপাদপদ্মে অচলা ভক্তি ও ধর্ম্মানুষ্ঠানে ঐকান্তিক মতি থাকে । এবং চরমে যেন তিনি মোক্ষ-পদ লাভে সমর্থ হইবেন, ধর্ম্মরাজও তথাস্তু বলিয়া স্বস্থানে প্রস্থান করিলেন ।

অনন্তর, মহাযশা বেদশর্মা ধর্ম্মরাজের বর-প্রভাবে পুনর্জীবন লাভ করিলেন । তাঁহার বোধ হইল, যেন তিনি এতাবৎ কাল নিদ্রিত ছিলেন । এক্ষণে তিনি গাট্রোথান করিয়া নিকটে

ধর্মশর্মাকে নিরীক্ষণ করতঃ সাতিশয় বিস্মিত হইয়া কহিলেন, ভ্রাতঃ । পিতা আমাকে মলয়া-নাম্নী সর্ব-রূপলাবণ্য-সম্পন্ন বরঙ্গনাকে লইয়া যাইতে প্রেরণ করিয়াছিলেন ? এক্ষণে "সেই রঙ্গী" কোথায়, পিতাইবা কি করিতেছেন, তাহাতে ধর্মশর্মা তাঁহাকে সমুদায় ঘটনা আনুপূর্বিক বর্ণন করিলেন । তচ্ছবণে বেদশর্মা পরম প্রীতি লাভ করিয়া আত্মাকে ধন্য ও কৃতার্থম্বন্য জ্ঞান করিতে লাগিলেন । বেদশর্মা কহিলেন, হে ভ্রাতঃ ! জগতে জনকের সমান আর কেহই নাই । জনক হইতেই আমরা এ দেহ ও জীবন লাভ করিয়াছি । আমাদের সমস্তই তাঁহার অধিকৃত । সুতরাং তাঁহার প্রিয়ানুষ্ঠানের জন্য আমাদের সর্বদা সর্বতোভাবে যত্নশীল হওয়া কর্তব্য । যে পুত্র পিতার নিয়োগ প্রতিপালন না করে, তাহার সহিত পিতাপুত্রের সম্বন্ধ কিছুই থাকিতে পারে না এবং সেই পুত্র পুত্রপদবাচ্য নহে । প্রাণপণে পিতার সেবা করাই পুত্রের কার্য্য ।

অনন্তর উভয়ে পিতৃ-সকাশে সমুপস্থিত হইয়া পরম প্রীতি সহকারে তাঁহার চরণ বন্দনা করিলেন । ধর্মশর্মা কহিলেন, হে ভ্রাতঃ ! আপনার শ্রীচরণ প্রসাদে ধর্মরাজ যমকে পরিতুষ্ট করিয়া বেদশর্মাকে পুনর্জীবিত করিয়াছি । এই তাঁহাকে গ্রহণ করুন ।

তাঁহাদের তাদৃশী পিতৃভক্তি সন্দর্শনে শিবশর্মা পরম পরিতুষ্ট হইয়া পুনর্বার কহিলেন, বৎস ! তুমি এদ্যই অরলোক হইতে আমার জন্য অমৃত আনয়ন কর । আমি বৃদ্ধ ও জরাগ্রস্থ হইয়াছি । বয়োরূপ-বিনাশিনী জরা আমার ভোগস্থথের বহাঘাত সম্পাদন করিতেছে । আমি

প্রিয়তমার সহিত অমৃতপান করিয়া চিরযৌবন লাভ করিতে বাসনা করিয়াছি। তাহা হইলে লোকদূষণী জরা আমাকে আর আক্রমণ করিতে পারিবে না। বিশেষতঃ এই সর্ব্বাক্ষ-সুন্দরী বরকামিনী আমাকে বৃদ্ধ বলিয়া ঘৃণা করিতে পারেন। হে পুণ্যাত্মা! ভূমি শীঘ্র আমার জন্য অমৃত আনয়ন কর। তাহা হইলে আমি প্রিয়তমার সহিত স্নেহে কালাতিপাত করিতে পারিব।

নিরতিশয় পিতৃভক্তি-পরায়ণ মহাতেজা মহামনা বেদশর্মা পিতার সেই প্রকার নিদেশবাক্য শ্রবণে আপনাকে একান্ত অনুগৃহীত ও কৃতার্থস্বন্য জ্ঞান করিয়া পরম পরিতোষ সহকারে কহিলেন, পিতঃ! আমি প্রাণপণে আপনার প্রিয়-মুষ্ঠান করিতে প্রস্তুত আছি। এই দণ্ডে আমি আপনার বাসনা পূর্ণ করিব। সর্ব্বদেবময় জনক যাহার কল্যাণাভি-লাষী তাহার কিছুরই অভাব নাই। আপনি কোন চিন্তা করিবেন না। আমি এই মুহূর্ত্তেই অমৃতানয়নের জন্য দেবলোকে চলিলাম। এই বলিয়া ভক্তিভাবে পিতৃপদে প্রণাম করিয়া অভিপ্রেত সাধনের জন্য শূন্যপথে প্রস্থান করিলেন। বিশুদ্ধ তপোবলসম্পন্ন, সত্যনিষ্ঠ ব্যক্তিগণের অসাধ্য কোন কার্যই নাই। মহামতি . বেদশর্মা সেই অন্যান্যসাধারণী নিয়মনিষ্ঠা ও অনীম পিতৃ-ভক্তি বলে বিমান-চারী বিবুধবর্গের ন্যায় অবলীলাক্রমে বিমানপথে গমন করিতে লাগিলেন। এবং . গ্রহ-নক্ষত্রমণ্ডলাদি ভেদ করিয়া ক্রমে সুরপতি-সদনোদ্দেশে ধাবিত হইলেন। সুরবালাগণ একান্ত বিস্ময়াপন্ন হইয়া স্তম্ভিতলোচনে তাঁহার এই অপ্রতিহত গতিবেগ নিরীক্ষণ করিতে লাগিলেন।

## তৃতীয় অধ্যায় ।

সূত কহিলেন, দেবরাজ ইন্দ্র বেদশর্ম্মাকে সেই প্রকারে আসিতে দেখিয়া, স্বীয় অপার বুদ্ধিবলে তাঁহার অভিপ্রায় অবগত হইলেন । এবং পরম রূপলাবণ্যসম্পন্ন মেয়নকাকে আহ্বান করিয়া বেদশর্ম্মার উদ্দেশ্য সাধনে বিঘ্ন সম্পাদন করিতে আদেশ করিলেন । মেয়নকাও সুরপতির অনুমতি ক্রমে দ্বিজপুত্রের মনোহরণ মানসে নন্দ-কানন-প্রান্তে গমন করিয়া বীণাবাদন পূর্বক স্তমধুরস্বরে সঙ্গীত আরম্ভ করিল । সংসার-সম্মোহন-রূপগুণ-সম্পন্ন সেই দিব্যাস্রনা মেয়নকাকে দর্শন করিলে সংযত-চিত্ত সাধুগণের চিত্তও বিচলিত হয় । তাহার শরীরে একরূপ বিশ্ব-বিমোহিনী-শক্তি ছিল যে, সে সেই অদ্ভুত শক্তি প্রভাবে, দৃষ্টবিষ সর্প বা গায়ত্রি মোহিনী মন্ত্রের ন্যায় দর্শন মাত্রেই দর্শকগণের চৈতন্য অপহরণ করিতে পারিত । এক্ষণে দ্বিজকুমারকে বিমুগ্ধ করিবার নিমিত্তই বিষম গায়ত্রি বিস্তার পূর্বক নন্দনপ্রান্তে অবস্থান করিতে লাগিল । প্রভূত তপঃপ্রভাবসম্পন্ন মহাত্মা শিবশর্ম্মাজ্ঞান তাঁহাকে দর্শনমাত্র অপরিমিত বিজ্ঞানবলে তাঁহার ছুরভিনক্ষির মর্ম্ম অবগত হইলেন । লোকে যেমন পুরীষহৃদ বা শ্মশান-ভূমির দৃশ্যকে ঘৃণার সহিত পরিত্যাগ করে, সংযতাত্মা শিবশর্ম্মাজ্ঞানও তাঁহাকে সেই প্রকার পরিহার পূর্বক সত্ত্বর গমনে গমন করিতে লাগিলেন ।

তখন মেনকা তাহার উদ্যম বিফল হইল দেখিয়া, অপূৰ্ণ হাবভাব-বিকাশ-পূৰ্বক কুটিল কটাক্ষ বিস্তার করিয়া সস্মিতমনে কহিলেন, হে মানদ ! ময়ুরী যেমন নবীন নীরদ-দামের প্রত্যাশায় কালযাপন করে, সে যেমন সততই বারিদ-পটলের পক্ষপাতিনী, আমিও সেই প্রকার তোমার আশা-পথ প্রতীক্ষায় অপেক্ষা করিয়া রহিয়াছি। আমি তোমার প্রেমানুরাগিনী, অতএব আমার মনোভিলাষ পূর্ণ না করিয়া কোথাও যাইতে পারিব না। তচ্ছবনে বেদশর্ম্মা কহিলেন, হে সুভগে ! আমি পিতৃ-নিদেশ-বশবর্তী হইয়া সুরপতি-সদনে গমন করিতেছি। এক্ষণে আমি তোমার কোন কথায় কর্ণপাত করিতে পারিব না। মেনকা কহিলেন, হে মহামতে ! দুরাচার কুসুমচাপের শানিত কুসুমশরে আমার হৃদয় জর্জরিত হইতেছে। তুমি যদি আমাকে পরিত্যাগ করিয়া যাও, তাহা হইলে আমি ক্ষণমাত্রও জীবন ধারণ করিয়া থাকিতে পারিব না। আমি তোমার শরণাগত হইয়াছি। এক্ষণে আমাকে রক্ষা করিয়া অক্ষয়ধর্ম্ম সঞ্চয় কর। শরণাগতকে কদাচ পরিত্যাগ করিতে নাই। তোমার ঐ মনোহিনী মূর্ত্তি নিরীক্ষণ করিয়া অবধি মদীয় চিত্ত কামজ্বরে একান্ত অভিভূত হইয়াছে, আমি কোন মতে হৃদয়-বেগ সম্বরণ করিতে পারিতেছি না। দারুণ মদনানল প্রজ্বলিত হইয় আমাকে দগ্ধ করিতেছে। অতএব তুমি আমাকে রক্ষা কর

প্রভু-প্রয়োজন-সাধনাভিলাষিনী বরারোহা মেনকার সেই প্রকার প্রলোভনবাক্য শ্রবণ করিয়াও তপঃপ্রভাব বেদশর্ম্মার হৃদয় বিছুমাত্র বিচলিত হইল না। তিনি

কহিলেন, হে শোভনে ! আমি তোমার ও তোমার প্রভুর  
 চেষ্টাচরিত্র সমুদায় অবগত হইয়াছি । তোমাদের হৃদয়  
 স্বভাবতই কুটিল, সরলপ্রকৃতি নিরপরাধীগণের সর্বনাশ-  
 সাধন করাই তোমাদের সার উদ্দেশ্য । দৃষ্টবিষ ভুজঙ্গের  
 ন্যায় তোমরা অনায়াসে লোকের চেতনা অপহরণ করিয়া  
 থাক । অপরে তোমাদের মোহমন্ত্রে মুগ্ধ হইতে পারে,  
 কিন্তু আমি কখনই তোমার প্রতারণায় প্রতারিত হইব না ।  
 বিশ্বামিত্র প্রভৃতি তপস্বীগণ অনায়াসে তোমার অভিলাষ  
 পূর্ণ করিবেন, তুমি তাঁহাদের শরণ গ্রহণ কর । আমি সিদ্ধত্রয়  
 মহাত্মা শিবশর্ম্মার পুত্র । পৃথিবী মধ্যে অদ্বিতীয় তেজঃ-  
 প্রভাবসম্পন্ন মদীয় পিতার তপঃপ্রভাবে স্বয়ং হব্যবাহনও  
 মলিনত্ব প্রাপ্ত হইয়াছেন । কামাদি রিপুগণ মৎকর্তৃক  
 পরাজিত হইয়াছে । অতএব তুমি আমার আশা পরিত্যাগ  
 পূর্বক অন্যের শরণ লও । আমি পিতৃ-কার্য্য-সাধনোদ্দেশে  
 ইন্দ্রলোকে গমন করিতেছি । আমার কার্য্যসিদ্ধি বিষয়ে  
 কোন বিঘ্ন প্রদান করিও না । তোমার মঙ্গল সাধন হইবে ।  
 এই বলিয়া দ্বিজ-শ্রেষ্ঠ বেদশর্ম্মা ক্রতবেগে প্রস্থান করিতে  
 লাগিলেন । ইতর যুবকেরা যেমন কোন বরাঙ্গনা দর্শনে  
 তাহার প্রতি কটাক্ষপাত করিয়া থাকে । জিতেন্দ্রিয় শিব-  
 শর্ম্মা-নন্দন যেনকার প্রতি একবারও দৃষ্টিপাত করিলেন না ।  
 যেনকাও বিফলমনোরথ হইয়া ইন্দ্রসকাশে গমন পূর্বক  
 সমুদায় বৃত্তান্ত আদ্যোপান্ত নিবেদন করিল ।

ভগবান বেদব্যাস কহিলেন, হে সূত ! তখন দেবরাজ  
 ইন্দ্র ভগ্নমনোরথ হইয়া বিপ্র-কুমারের বিঘ্ন সাধনের নিমিত্ত  
 অন্যবিধ উপায় অবলম্বন করিলেন, তিনি নানাপ্রকার



বিভীষিকা প্রদর্শন করিয়া বেদশর্মার ভয় উৎপাদনের চেষ্টা করিতে লাগিলেন। কিন্তু নিরতিশয় পিতৃভক্ত মহাত্মা বেদশর্মা স্বীয় অপরিমিত তপঃশক্তিপ্রভাবে ইন্দ্রপ্রেরিত যাবতীয় বিভীষিকা প্রজ্জ্বলিত-অনল-বিনিহিত তুলারশির ন্যায় ভস্মীভূত করিয়া ফেলিলেন। বর্ষাকালীন অপ্রতিহত স্রোতবেগের ন্যায় তাঁহার তেজোরশি অপ্রতিহতগতিতে উত্তরোত্তর পরিবর্দ্ধিত হইতে লাগিল। ত্রিদশাধিপতি তাঁহার বিঘ্নসাধনে সক্ষম না হইয়া সাতিশয় শঙ্কিত হইলেন, এবং পুনরায় অন্যবিধ উপায় অবলম্বন পূর্বক বেদশর্মার বিঘ্নসাধনে প্রবৃত্ত হইলেন। কিন্তু মহাপ্রভাব মহাতপা বেদশর্মা স্বীয় অসীম তপঃশক্তি-বলে সেই সুদারুণ মহান্ বিঘ্ন সমস্ত নিরাকৃত করিয়া সুপ্রোথিত সিংহের ন্যায় অপ্রতিহতগতিতে নন্দন-কাননে প্রবেশ করিলেন। মেঘ-বিনিম্বুক্ত বিবস্বানের ন্যায় তাঁহার অসীম তপঃপ্রভাব-প্রতিভায় সুররাজের বুদ্ধিকৌশল নিষ্প্রভ হইয়া গেল। তখন তিনি রোমকষায়িত-লোচনে সুররাজকে স্বর্গচ্যুত করিবার কল্পনা করিলেন। তিনি বলিতে লাগিলেন, হে শতক্রতো! আমি তোমার দুরভিসন্ধি সমস্ত অবগত হইয়াছি। এই কারণে আমি তোমাকে সমুচিত দণ্ড প্রদান করিব। অদ্য আমি তপোবলে তোমাকে বিনিপাতিত করিয়া পুনরায় নূতন ইন্দ্রের সৃষ্টি করিব। বিশ্বসংসার আমার তপোবল অবলোকন করুক। এই বলিয়া তিনি ইন্দ্র বিনিপাতনে কৃত-নিশ্চয় হইলেন। বায়ুর অলাতচক্রবৎ পরিঘূর্ণায়মাণ লোচন দ্বয় হইতে অনর্গল অগ্নিফুলিঙ্গ বহির্গত হইতে লাগিল।

হে সূত ! তখন দেবরাজ ইন্দ্র নিতান্ত শঙ্কায়ুক্ত হইয়া

বেদশাস্ত্রের সম্মুখে আগমন পূর্বক বিনয়বচনে কহিতে লাগিলেন, হে বিজসত্তম ! আমি তোমার অন্যান্যসাধারণী পিতৃভক্তি, লোকাতিশয়ী প্রজ্ঞা, অপ্রতিহত তপঃপ্রভাব ও অত্যদ্ভুত-শ্রমাদি সন্দর্শন করিয়া দেবতাগণের সহিত পরাজিত ও পরম পুলকিত হইয়াছি। আমি কেবল তোমর পিতৃভক্তির পরীক্ষা মানসে এই প্রকার মায়াজাল বিস্তার করিয়াছিলাম, নতুবা আমার অন্য কোন উদ্দেশ্য ছিল না। অতএব তুমি আমার সমুদায় অপরাধ মার্জনা করিবে। এক্ষণে তুমি তোমার অভিলষিত বর প্রার্থনা কর, অদেয় হইলেও তাহা এই মুহূর্ত্তেই তোমাকে প্রদান করিব। তুমি যে প্রকার তপস্বী, জিতেন্দ্রিয়, সত্যনিষ্ঠ ও পিতৃভক্তিপরায়ণ, তাহাতে তোমাকে আমার অদেয় বিছুই নাই। তোমার এই সমস্ত সদগুণরাশি পরিদর্শন করিয়া আমি পরম প্রীত হইয়াছি। এক্ষণে আমার প্রসাদ গ্রহণ কর। সুররাজ শচীপতির সেই রূপ স্তুতিমিনতি শ্রবণ করিয়া, মহামতি বেদশাস্ত্রের ক্রোধের শান্তি হইল। তখন তিনি কহিলেন, হে পুরন্দর ! অত্যাশ্রিত্রাক্ষতেজে দেবদৈত্য কাহারও নিকৃতি নাই। ত্রাক্ষতেজঃ ভঙ্গ করা সর্বথা অবর্তব্য। বিশেষতঃ যাঁহারা নিরতিশয় পিতৃভক্তি-পরায়ণ, তাঁহাদের তেজঃ হলাহল-মিশ্রিত নিশিত-শায়কের ন্যায় অতীব ভয়াবহ। ত্রাক্ষগণের কোপানলে পতিত হইলে বিশ্বস্থিতি লোপ হইতে পারে। তোমাকে অধিক বলা বাহুল্যমাত্র। তুমি এ সমস্তই পরিজ্ঞাত আছ। অদ্য তোমার এ প্রকার অবিনয় দর্শনে আমি একান্ত ক্রোধাক্ত হইয়া তোমাকেই স্বর্গ-রাজ্য হইতে পরিভ্রষ্ট করিতে সঙ্কল্প করিয়াছিলাম। 'যাহা হউক, এক্ষণে তোমাকে স্বয়ং

সমাগত দেখিয়া, আমার সে ক্রোধের শান্তি-সাধন হইয়াছে।  
 হে সুরনাথ! আমি পিতার জন্য অমৃত আনয়ন করিতে  
 আসিয়াছি, আমার নিজের তাহাতে কিছুমাত্র অভিলাষ নাই।  
 অতএব তুমি আমাকে সেই অমৃত প্রদান কর। দেখ, পিতাই  
 সাক্ষাৎ পরমাত্মা। স্বয়ং বিশ্বস্রষ্টা বিধাতা পিতৃশক্তি  
 প্রভাবেই সৃষ্টিকার্য সম্পাদন করিয়াছিলেন। এই নিমিত্ত  
 পিতার তুল্য পূজনীয় জগতে আর কেহ নাই। এক্ষণে তুমি  
 যদি আমার প্রতি প্রসন্ন হইয়া থাক, তাহা হইলে আমাকে  
 অমৃতকুম্ভ আনয়ন করিয়া দাও, এবং এই বর প্রদান কর,  
 যে, পিতৃপদে আমার যেন অচলা ভক্তি থাকে। তখন  
 দেবরাজ অতীব হৃষ্টান্তঃকরণে মহাভাগ বেদশর্ম্মাকে অমৃত-  
 কুম্ভ প্রদান করিয়া কহিলেন, তুমি অচলা পিতৃভক্তি লাভ  
 করিবে, এবং দেবতাগণ সর্বদা তোমার মঙ্গল-সাধন করিবেন।  
 এক্ষণে তুমি এই সকুম্ভ অমৃত লইয়া পিতৃ সকাশে গমন কর।  
 এই বলিয়া সুরাজ শচীপতি সংশিতব্রত শিবশর্ম্মাত্মজকে  
 সুমধুর সস্তাষণে বিদায় প্রদান করিলেন।

অনন্তর বেদশর্ম্মা অমৃত লইয়া হৃষ্টান্তঃকরণে পিতৃসকাশে  
 আগমন পূর্বক সবিনয়ে কহিলেন, পিতঃ! আমি সুরপতি-  
 সদন হইতে এই অনন্যমূল্য সুধারামি আনয়ন করিয়াছি।  
 ইহা আপনি গ্রহণ করুন। এই অমৃত পান করিলে আপনি  
 নিরোগ ও নির্জর হইয়া পরমানন্দে ভোগবাসনার পরিতৃপ্তি  
 সাধন করিতে পারিবেন।

তখন শিবশর্ম্মা স্বীয় পুত্রগণের তাদৃশী অকৃত্রিম পিতৃ-  
 ভক্তি সন্দর্শনে সান্তিশয় সন্তুষ্ট হইয়া তাহাদিগকে একত্রে  
 আহ্বান করতঃ সস্নেহ-বচনে কহিলেন, বৎসগণ! আমার

প্রতি তোমাদের এই প্রকার অপার অকপট শ্রদ্ধা ভক্তি ও অমুরাগ অবলোকনে এবং তোমাদিগকে সর্বপ্রকারে আমার হিতসাধনে নিয়ত নিরত নিরীক্ষণে তোমাদের প্রতি আমি নিরতিশয় প্রীতি লাভ করিয়াছি। তোমরাই যথার্থ পুত্র-নাগ-ধারণের উপযুক্ত ! তোমাদের ন্যায় সর্ব-সদ্গুণ-সম্পন্ন প্রিয়তম পুত্রের পিতা হওয়া এ সংসারে সহজে সকলের ভাগ্যে সংঘটন হয় না। এক্ষণে তোমরা তোমাদের এই অপার পিতৃভক্তির প্রতিদান-স্বরূপ আমার নিকট হইতে স্বাভিলষিত বর প্রার্থনা কর। তাহা জগতের দুর্লভ হইলেও আমি তোমাদিগকে অকপটে প্রদান করিব।

পরামুক্তিপদ-প্রদায়িনী-পিতৃভক্তি-পরায়ণ পুণ্যচেতা প্রাপ্ত-রূপ পুত্রগণ পূজ্যপাদ-পিতৃদেবের সেই প্রকার প্রিয়বাক্য শ্রবণে পরম পরিতোষ লাভ করিয়া প্রীতিপ্রফুল্ল-লোচনে বিনয়-বচনে কহিলেন, হে পুণ্যাত্মনু ! পিতাই স্বর্গ, পিতাই ধর্ম পিতাই পরম তপঃস্বরূপ, পিতা সর্বদেবগয়। পিতা প্রীত হইলে দেবতাগণ প্রীত হইয়া থাকেন। আপনি যে আমাদের প্রতি প্রীতলাভ করিয়াছেন, ইহাই আমাদের পরম লাভ। তথাপি আপনার নিদেশানুবর্তী হইয়া এই বর প্রার্থনা করিতেছি যে, আমাদের স্নেহময়ী-জননী যেন পুনর্জীবিত হয়েন। এবং জন্মজন্মান্তরেও যেন আপনাদিগকেই জনকজননী-রূপে প্রাপ্ত হই।

পুত্রবৎসল শিবশর্মা কহিলেন, তোমাদের সকল অভিলাষ পূর্ণ হইবে, এবং এই দণ্ডেই তোমাদের জননী পুনর্জীবন লাভ করিবেন। এই কথা বলিবারাত্র সাধ্বী শিবশর্মা-পত্নী পুনর্জীবন লাভ করিয়া, অতি প্রীতিভরে কহিতে

## কুমি খণ্ড ।

লাগিলেন, হে বৎসগণ ! স্বধর্মনিরত সং পুত্র হইতেই বংশকুলের মুখোজ্জ্বল ও পিতামাতার প্রিয়সাধন হইয়া থাকে । এইরূপ পুত্র জগতে সকলেরই বঞ্ছনীয় । পুণ্যবতী রমণীরাই এইরূপ পুত্ররত্ন লক্ষ্য করিয়া থাকেন । সমধিক পুণ্য ব্যতিরেকে কুলধর্মপ্রতিপালক পিতৃমাতৃ-সেবা-পরায়ণ পুণ্যশীল পুত্ররত্ন লাভ করা যায় না । অনেকেই পুত্রবতী হইয়া থাকেন, কিন্তু কয় জন এরূপ কুলপ্রদীপ পুত্রের জননী হইতে পারেন ? আমি বহু পুণ্যফলে এরূপ ধর্মাত্মা মহাগতিকে পতিরূপে প্রাপ্ত হইয়া, তোমাদের ন্যায় সর্বগুণ-সম্পন্ন সং-পুত্রের জননী হইয়াছি । এবং আমারই পুণ্যপ্রভাবে তোমরা এরূপ পিতৃভক্তিপরায়ণ ও পুণ্যচেতা হইয়াছ । তোমা-দিগকে লাভ করিয়া আমার নারীজন্ম সার্থক হইয়াছে । আমি যে এরূপ মহাবশা, তপস্বেজঃসম্পন্ন, পুণ্যশীল পুত্র লাভ করিব ইহা স্বপ্নের অগোচর । আমি যেন জন্মজন্মান্তরে তোমাদিগকেই পুত্ররূপে প্রাপ্ত হই ।

জননীর বাক্যাবসান হইলে, শিবশর্ম্মার পুত্রগণ প্রীতি ও ভক্তি সহকারে তাঁহার চরণ বন্দনা করিয়া কহিলেন, হে মাতঃ ! আমাদের ভাগ্য ও পুণ্যবলেই আপনাকে জননীরূপে প্রাপ্ত হইয়াছি । আশীর্ব্বাদ করুন জন্মে জন্মে যেন আপনাকেই জননীরূপে প্রাপ্ত হই । আপনাদের আশীর্ব্বাদেই অমরনাথ শচীপতি আমাদের প্রতি প্রসন্ন হইয়া পরমদুল্লভ অমৃতকুস্ত প্রদান করিয়াছেন ।

অনন্তর শিবশর্ম্মা পুত্রগণকে পুনরায় বর প্রদানে উদ্যত হইলেন । পুত্রগণ কহিলেন, হে মহাভাগ ! আমরা যেন আপনার বরপ্রভাবে অক্ষয় বৈষ্ণব লোক প্রাপ্ত হইয়া অনন্ত-

কাল তথায় অবস্থান করিতে পারি। শিবশর্মাও তথাস্ত  
বলিয়া তাহাদিগকে স্বাভিলষিত বর প্রদান করিলেন।

ব্যাসদেব কহিলেন, হে সূত ! মহাত্মা শিবশর্মা সেই  
প্রকার আশীর্বাদ ও বর প্রদান করিবামাত্র গগনমণ্ডল  
অকস্মাৎ জ্যোতির্ময় হইয়া উঠিল, এবং শঙ্খচক্র-গদা-পদ্ম-  
ধারী, মণি-কুণ্ডল-সমন্বিত, নীল-নীরদকান্তি ভগবান গরুড়-  
বাহন বিষ্ণু সেই মুহূর্ত্তে তাহাদের সম্মুখে আবির্ভূত হইয়া  
সাদর-সম্ভাষণে কহিলেন, হে মহাত্মন ! তোমাদের পিতা-  
পুত্রের এই প্রকার অসাধারণ ভক্তি সন্দর্শনে আমি পরম  
প্রীতি লাভ করিয়াছি। এক্ষণে তোমরা সকলে আমার  
সহিত ক্ষয়-প্রলয়বর্জিত বিষ্ণুলোকে আগমন কর। ভগবান  
বিষ্ণুর সেই প্রকার বাক্য শ্রবণে মহামতি শিবশর্মা ভক্তি-  
বিষ্ফারিত-লোচনে গদগদবচনে কহিলেন, হে ভগবন !  
আপনি একান্ত ভক্তবৎসল বলিয়াই আমরা অদ্য আপনার  
দর্শনলাভে কৃতকার্য হইয়াছি। এই পুত্রবতী পতিব্রতা  
ভার্য্যা ও পরম ধর্মশীল সোমশর্মাকে লইয়া আমি আরও  
কিয়ৎকাল সংসার-সুখ ভোগ করিতে অভিলাষ করি। এবং  
আমার অপর পুত্র-চতুষ্টয় আপনার প্রসাদে শাস্বতলোকে  
গমন করুক। তাহাতে ভগবান বিষ্ণু শিবশর্মার অপর  
পুত্রগণকে সম্বোধন করিয়া তাহাদিগকে সেই মুহূর্ত্তে অক্ষয়  
সোক্ষ-ধাগে গমন করিতে আদেশ করিলেন। দেবাদিদেব  
নারায়ণের নিদেশমাত্র দ্বিজ-পুত্রগণ শঙ্খচক্রগদাপদ্মধারী,  
নানাভরণ-ভূষিত শান্তি-সম্মীর আধারভূত নীল-কলেবর  
ধারণ করিয়া মহাভাগ শিবশর্মাসমক্ষেই একে একে বিষ্ণু-  
দেহে প্রবেশ করতঃ ক্রমে নির্বাণ প্রাপ্ত হইলেন।

## ভূমি ৩৩। ৪

হে সূত ! অকৃত্রিম ভক্তি সহকারে ঐহারা পিতামাতার  
এই প্রকার সেবা ও প্রাণপণে তাঁহাদের আদেশ প্রতিপালন  
করিয়া থাকেন, তাঁহারা চরমে এইরূপ পরমপদ লাভ করিতে  
সমর্থ হবেন। পিতাকে যিনি ঈশ্বর-স্বরূপ ও মাতাকে  
সাক্ষাৎ শক্তিরূপা জ্ঞান করিয়া প্রাণপণে তাঁহাদের প্রিয়-  
সুষ্ঠান করিয়া থাকেন, তিনি পরম পিতা পরমেশ্বর ও বিশ্ব-  
জননী ভগবতী প্রকৃতিদেবীর পরম প্রিয়পাত্র হইয়া পরিণামে  
পরমা গতি লাভ করিতে পারেন। পিতামাতার অহিতাচারী  
ব্যক্তির পরিণাম অতীব ভয়ঙ্কর। যে পাপাত্মা পাপ-পথের  
পথিক হইয়া পরম পূজ্যপাদ জনক-জননীর প্রতি কঠোর  
ব্যবহার করে অথবা প্রাণপণে তাঁহাদের আজ্ঞা প্রতিপালন  
না করে, সে ইহলোকে অসীম যাতনা ভোগ করিয়া  
পরিশেষে অনন্তকাল পর্য্যন্ত দারুণ নবকের অসহ্য যন্ত্রণার  
দগ্ধ হয়। যাহা হউক এক্ষণে অতঃপর কি হইল শ্রবণ কর।

## চতুর্থ অধ্যায়।

পুত্রগণের বিষ্ণুলোক প্রাপ্তির পবে, শিবশর্মা সোম-  
শর্মা'কে সম্বোধন করিয়া কহিলেন, 'বৎস ! আমি ভার্য্যার  
সহিত সাধুগণানুমোদিত তীর্থ-পর্য্যটনে অভিলাষী হইয়াছি।  
দেখ, ব্যক্তিমাত্রেই তীর্থ দর্শন সর্ব্বথা কর্তব্য। তীর্থ-পর্য্যটনে  
আত্মা পবিত্র, শরীর নির্ম্মল, চিত্ত সংযত, দেবতাগণ পরিভ্রষ্ট

পরম পুণ্য সঞ্চয় হইয়া থাকে। অতএব আমি এক্ষণে এই সর্ব-পুণ্যের আধার তীর্থপর্যটনে বিনির্গত হইব। এবং যাবৎ প্রত্যাগমন না করি তাবৎকাল তুমি অতি সাবধানে এই অমৃত-কুম্ভ রক্ষা করিবে। দেবতাগণ যেন কোনরূপে তোমাকে প্রতারণা করিয়া ইহা অপহরণ করিয়া না লয়েন। পিতৃভক্তি-তৎপর সত্যবান্ সাধুসত্তম সোমশর্মা কহিলেন, পিতঃ। সে বিষয়ে আপনার কিছুমাত্র চিন্তা নাই। আমি প্রাণপণে এই অমৃত-কুম্ভ রক্ষা করিব। দেবতাগণের এমন ক্ষমতা নাই যে, আমাকে প্রতারিত করেন। আমি আপনার আশীর্ব্বাদে ও স্বীয় অসীম তপোবীর্য্য প্রভাবে স্বয়ং জগদীশ্বরকে পর্য্যন্ত পরাজিত করিতে পারি। আপনি নিশ্চিন্ত হইয়া অভিলষিত সাধনে প্রস্থান করুন। অনন্তর মহাত্মা শিবশর্মা সোমশর্ম্মাকে অমৃতকুম্ভ রক্ষায় নিযুক্ত করিয়া দ্বাদশবার্ষিক তপশ্চরণে প্রবৃত্ত হইলেন। মহাতপা সোমশর্মা পিতৃ-নিদেশ-বশবর্তী হইয়া প্রাণপণে অমৃতকুম্ভ রক্ষা করিতে লাগিলেন।

কিয়ৎকাল অতিবাহিত হইলে মহাত্মা শিবশর্মা পুনরায় পুত্রের ভক্তি পরীক্ষার্থ মায়াবলে সভার্য্যা গলিতকুষ্ঠ রোগীর দেহ ধারণ করিয়া পুত্র-সকাশে সমাগত হইলেন। কৃমিপরাষ্পরাপরিপূর্ণ মাংসপিণ্ডাকার পিতামাতাকে দর্শন করিয়া পিতৃভক্ত সোমশর্ম্মার অস্থূষের পরিসীমা রহিল না। তিনি মনে করিয়াছিলেন বহুদিনের পর পিতৃ-পদারবিন্দ সন্দর্শন করিয়া বিমল ৫ মন্দ লাভ করিবেন। কিন্তু দুর্দৈব বশতঃ তাঁহার সে বাসনা সিদ্ধ না হওয়ায় শোকে ও দুঃখে একান্ত জর্জরীভূত হইলেন। তাঁহার মুখমণ্ডল পরিশুদ্ধ ও



সর্ব শরীর কল্পিত হইতে লাগিল । তিনি ছিন্নমূৰ্খ ভক্ত  
ন্যায় তাঁহাদের চরণতলে নিপতিত হইয়া গদগদবচনে  
কহিতে লাগিলেন, হে পিতঃ । আপনি তপস্যা, দান  
পুণ্যাদি সর্ববিষয়ে ইহ জগতে অদ্বিতীয় । সমুদায় দেবতা  
গণ আপনার আজ্ঞাকারী ও পরিচারক । আপনার প্রমাদ  
বলেই আমরা যুতা জননীকে পুনর্জীবিতা প্রাপ্ত হইয়াছি  
আপনার অথও তপঃপ্রভাবেই আমরা অমৃত আহরণে সক্ষম  
হইয়াছি । আপনি ব্রাহ্মগণের অধীশ্বর ও ব্রহ্মণ্যের আদ্য  
স্বরূপ । আপনার অসাধ্য কোন কার্যই নাই । না জানি  
কি কারণে আপনি এরূপ ব্যাধিগ্রস্থ হইলেন । ভগবন  
পুত্র হইয়া কি ক্রমে পিতাকে এরূপ যন্ত্রণা ভোগ করিতে  
দর্শন করিব ? যে পুত্র পিতার কোন প্রকার ক্রেশ সন্দর্শন  
করিয়া জীবন ধারণ করে, সে, পুত্র নামের যোগ্য নহে ।  
হে তাত ! নিরতিশয় পুণ্যশালিনী পতিগন্তপ্রাণা নারীকুল-  
ভূষা আমাদের জননীই বা কিরূপে এরূপ বয়োরূপ-সুখশাস্তি  
বিনাশিনী দুঃখদায়িনী দারুণ ব্যাধিবর্ভুক আক্রান্ত হইলেন ?  
যিনি পতি-প্রসাদ লাভ করিয়া ত্রিলোক পরাজয় করিয়া-  
ছেন ; যাঁহার সাধুচারিত্রে দেবতাগণ সর্বদা সুপ্রসন্ন ; সর্ব-  
সংহারক কালান্তক কালও যাঁহাকে গতজীবন প্রদান করিয়া  
পুনর্জীবিতা করিয়াছেন । যিনি আত্মাকে সংযত করিয়া  
প্রাণপণে পতির প্রিয়ানুষ্ঠানে নিয়ত নিরত থাকিতেন,  
যিনি স্বামীর সুখেসুখী ও স্বামীর দুঃখে দুঃখী হইয়া তাঁহাকেই  
একমাত্র আশ্রয় জ্ঞান করিয়া দেবতার ন্যায় তাঁহার সেবা  
শুশ্রূষা করিতেন ; আমাদের সেই জননী কিরূপে এরূপ  
দুঃখভাগিনী হইলেন ? হায় ! সদানুষ্ঠান, তপস্যা, সত্য ও

পৰিচৰ্চাৰ কি কিছুমাত্ৰ ফল নাই ? সকলকি একেবাৰে নিশ্চয়োজন হইল ? যাঁহারা আত্মজীবন কেবল সত্যপথে বিচরণ কৰিয়া প্ৰাণপণে সত্য-ধৰ্ম্ম সঞ্চয় কৰিয়াছেন, যাঁহাদের প্ৰভূত তপোবলে ত্ৰিলোক পৰাজিত হইয়াছে, সেই ইহঁারা কিৰূপে একৰূপ দুঃখ প্ৰাপ্ত হইলেন ?

সূত কহিলেন, নিরতিশয় পিতৃ-ভক্তিপৰায়ণ মহামনা সোমশৰ্ম্মা এইৰূপে নানাপ্ৰকাৰ বিলাপ পৰিতাপ কৰিতে লাগিলেন । তাঁহাৰ অন্তৰ যেন দাৰুণ সন্তাপানলে প্ৰজ্জ্বলিত হইয়া উঠিল । অবিৰল ধাৰায় নেত্ৰনীৰ প্ৰবাহিত হইয়া ধৰাতল অভিষিক্ত কৰিতে লাগিল । এবং ক্ৰমে তিনি বাঙ্ঘ-নিষ্পত্তি-বিষয়াক্ৰম হইয়া চিত্ৰপুতলিকার ন্যায় অবস্থান কৰিতে লাগিলেন । অনন্তৰ শিবশৰ্ম্মা পুত্ৰকে সান্ত্বনা কৰিয়া কহিলেন, বৎস ! বৃথা শোক পৰিত্যাগ কর । দেহী মাত্ৰেই সুখ-দুঃখ-ভোগী । কৰ্ম্মফল সকলকেই ভোগ কৰিতে হইবে । তাঁহাৰ অন্যথা করা কাহাৰও সাধ্যায়ত্ত নহে । জগতে যে যেরূপ কৰ্ম্ম কৰিবে, তাহাকে সেইৰূপ ফলভোগ কৰিতে হইবে । সকলকেই জন্মান্তৰীণ কৰ্ম্মফল ভোগ কৰিতে হয় । ইহজন্মের ফল পরজন্মে ফলিয়া থাকে । কৰ্ম্মজনিত-পাপ-পুণ্য-প্ৰমাদেই লোকে মৃত ও অমৃত হইয়া থাকে । লোকে কৰ্ম্মফলে নিকৃষ্ট যোনি প্ৰাপ্ত হইয়া অসীম যন্ত্ৰণা ভোগ কৰিয়া থাকে । অতএব তুমি বৃথা শোক কৰিও না । এক্ষণে প্ৰাণপণে আমাদেৰ সেবা কৰিয়া অক্ষয় পুণ্য উপাৰ্জন কর । আমাৰ নিতান্ত অশক্ত ও রোগে অবসন্ন হইয়াছি, এক্ষণে আমাদিগেৰ পৰিচৰ্চায় প্ৰবৃত্ত হও । পিতাৰ সেই প্ৰকাৰ বাক্য শ্ৰবণে জনকজননী-বৎসল মহামতি সোম-

শর্মা কৃতঞ্জলিপুটে বিনয়োদারবচনে কহিলেন, হে ব্রহ্মণ্য  
আপনারা দুর্দৈববশতঃ একরূপ রোগযুক্ত হইয়াছেন। আমি  
প্রাণপণে আপনাদিগের পরিচর্যা করিব। হে গুরোঃ  
জনকজননীর সেবা ব্যতীত এ পাপাত্মার মুক্তি প্রাপ্তির আর  
অন্য উপায় কি আছে? আমি নিতান্ত ভাগ্যহীন, এইজন্য  
আপনাদিগকে একরূপ ব্যাধিগ্রস্থ নিরীক্ষণ করিতেছি। এই  
বলিয়া তিনি ভক্তিভারাক্রান্ত চিত্তে তৎক্ষণাৎ স্বহস্তে রুগ্ন  
পিতামাতার মূত্রপুরীষাদি পরিষ্কার করিয়া তাঁহাদের  
স্নানাহারাদি সমাধান করাইয়া দিলেন।

এইরূপে নোমশর্মা শ্রদ্ধাভক্তি-সহকারে প্রতিদিন জনক-  
জননীর সেবাশ্রম করিতে লাগিলেন। মূত্র-পুরীষ-শ্লেষ্মাদি  
পরিষ্কার করিতে তাঁহার কিছুমাত্র ঘৃণা বোধ হইত না। প্রতি  
দিন এই প্রকারে পরিচর্যা করিয়া তাঁহাদের উভয়কে স্কন্ধে  
লইয়া তীর্থ দর্শনাদি করাইয়া আনিতেন। সেই বেদদিৎ  
পরম ধার্মিক নোমশর্মা প্রত্যহ বেদবিধি-বিধানানুসারে স্নান  
দানাদি মাস্তুলিক কার্য সমাধান ও যথাবিধি দেবপূজা ও  
তর্পণক্রিয়াদি সমাপনান্তর, জনক জননীর জন্য অগ্নিহোত্রাদি  
সম্পাদন করিতেন। এবং উত্তম অন্ন পাক করিয়া প্রযত্নাতি-  
শয়-সহকারে পিতামাতাকে ভোজন করাইয়া স্বহস্তে তাঁহা-  
দের জন্য চারু শয্যা রচনা করতঃ তাহাতে তাঁহাদিগকে  
শয়ন করাইতেন। তাঁহাদের যখন যে বিষয়ে অভিলাষ হইত,  
তিনি তৎক্ষণাৎ তাহা পূরণ করিয়া দিতেন। তাঁহাদের  
প্রিয়ানুষ্ঠানে তাঁহার ক্ষণমাত্র কালবিলম্ব হইত না। তিনি  
যখন যাহা আহরণ করিয়া আনিতেন অথবা তাহা পিতা-  
মাতাকে প্রদান করিয়া পরে যাহা অবশিষ্ট থাকিত তাহাই

সমস্তের সহিত গ্রহণ করিতেন । কোন কোন দিবস নিজে উপবাসী থাকিয়া পিতামাতাকে আহার করাইতেন । তিনি প্রত্যহ নব নব ফলমূল ও নানাবিধ উপাদেয় দ্রব্য সংগ্রহ করিয়া আনিয়া জনকজননীকে প্রদান করিতেন । কিন্তু এতদৃশ অসহ্য ক্লেশ সহ্য করিয়াও তিনি তাঁহাদের মনস্তৃষ্টি-সাধন করিতে পারিতেন না । ছদ্মরোগী শিবশর্মা যেন ব্যাধি-যন্ত্রণায় বিকৃতবুদ্ধি হইয়াছেন, এইরূপ ভাণ করিয়া প্রায়ই পুত্রের প্রতি নানাপ্রকার কঠোর ব্যবহার করিতেন । কখন তিনি পুত্রকে নিকটে আহ্বান করিয়া অন্যায়রূপে তিরস্কার করিতেন । কখন তাঁহাকে পিতৃদেষ্টী বলিয়া ঘৃণা ও নিন্দা-বাদ করিতেন । কখন ক্রোধান্বিত্তে তাঁহাকে নির্দয়রূপে প্রহার করিতেন । কখন বলিতেন, আমি বৃদ্ধ ও রুগ্নদেহ হইয়াছি বলিয়া তুমি আমাকে অশ্রদ্ধা ও অযত্ন করিয়া থাক । তুমি যখন বালক ছিলে তখন আমি তোমার মলমূত্র স্বহস্তে পরিষ্কার করিয়াছি । তোমার তখন কত উপদ্রব সহ্য করিয়াছি । তুমি পীড়িত হইলে আমরা পীড়িতের ন্যায় অনুষ্ঠান করিয়াছি । এক্ষণে তুমি কি সে সমস্ত বিস্মৃত হইলে ?

সূত কহিলেন, ছদ্মরোগী শিবশর্মার সেই প্রকার অকা-রণ নির্দয় ব্যবহারেও ধর্ম্মভীরু সোমশর্মা কিছুমাত্র কুণ্ঠিত বা অসন্তুষ্ট হইতেন না । তিনি নিরাতশয় শ্রদ্ধা ও ভক্তি-বহুকারে জনকজননীর সেবাশ্রদ্ধা করিতে লাগিলেন । তিনি সর্বদাই এই মনে করিতেন যে, পিতামাতা মাফাৎ দেবতা স্বরূপ । তাঁহাদের সেবার নিমিত্তই পুত্রের জন্ম হই-  
য়াছে । পুত্রের শরীর, মন ও প্রাণ সমুদায়ই পিতার অধি-  
কৃত । পিতামাতার আদেশ প্রাণপণে প্রতিপালন না করিলে

ঘোরতর অধর্ম হইবে। এইরূপ চিন্তা করিয়া পিতৃভক্তি-সমাশ্রিত-উদার-চিত্ত সোমশর্মা অক্ষুণ্ণহৃদয়ে জনকজনীর সেবা করিতে লাগিলেন। আপনি উপবাসী থাকিয়া তাঁহাদিগকে আহার করাইতেন, স্বহস্তে তাঁহাদিগের যূত্রপূরীষ পরিষ্কার করিয়া সময়ে তাঁহাদিগের অঙ্গসংবাহনক্রিয়া সম্পাদন করিয়া দিতেন। কিছুতেই তাঁহার মনোমধ্যে বিকার বা বিষাদের সঞ্চার হইত না। এইরূপে কিছুকাল অতীত হইলে, শিবশর্মা তদীয় পুত্রের তাদৃশী পিতৃভক্তি দর্শন করিয়া পরম প্রীত হইয়া মনে মনে ভাবিতে লাগিলেন, আমার যাবতীয় পুত্রগণের মধ্যে সোমশর্মাই অসাধারণ পিতৃভক্ত। যজ্ঞশর্মা আমার আদেশে তাঁহার জননীর অঙ্গপ্রত্যঙ্গ সকল খণ্ড খণ্ড করিয়া যত্র তত্র নিক্ষেপ করিয়াছিল; বেদশর্মা আমার প্রিয়সাধনের জন্য অনায়াসে আপন মস্তক ছেদন করিয়াছিল, তাহাতে আমি ভাবিয়াছিলাম যে, ইহাদের তুল্য পিতৃভক্ত পুত্র আর কেহ নাই। কিন্তু সোমশর্মার এই অসাধারণ পিতৃভক্তিতে আমি যারপর নাই প্রীতলাভ করিয়াছি। আমি মায়াপ্রভাবে নিজ শরীরে এই প্রকার কুষ্ঠরোগ-বিনিবেশিত করিয়াছি। আমার শরীর শ্লেষ্মা ও কুমি-পরম্পরায় পরিপূর্ণ হইয়া রহিয়াছে। আমার দেহের প্রতি আমার নিজেরই ঘৃণা সঞ্চার হইয়া থাকে। কিন্তু মহাগনা সোমশর্মা, কিছুমাত্র ঘৃণা বা বিরক্তি বোধ না করিয়া, প্রীতমনে নিত্য আমাদের সেবা করিতেছে। আমি তাহাকে সর্বদাই অন্যায়ে-রূপে তাড়না করিয়া থাকি, কত প্রকার কটুবাক্য কহিয়া থাকি, কিন্তু তাহার অন্তঃকরণ কিছুতেই বিচলিত হয় না। ক্ষণমুহূর্তের জন্যেও আমি তাহাকে স্মৃণী করিলাম না।

আমাদের জন্যেই সে আহার-নিদ্রা-সুখসন্তোগ সমস্তই পরি-  
 ত্যাগ করিয়াছে । অতএব আর ইহাকে কষ্ট দিবার প্রয়োজন  
 নাই । ইহার পিতৃভক্তির সবিশেষ পরীক্ষা প্রাপ্ত হইয়াছি ।  
 এক্ষণে বৎসকে চিরসুখী করিব । এই ভাবিয়া তিনি, মায়া-  
 প্রভাবে অমৃতকুন্ত হইতে অমৃত অপহরণ করিয়া, পুত্র কে  
 সম্বোধন করতঃ কহিলেন, বৎস ! পুত্র বেদশর্মা যে আমার  
 জন্য ব্যাধিনাশন অমৃত আনয়ন করিয়াছিল, তাহা এতদিন  
 আমি বিস্মৃত হইয়াছিলাম । এক্ষণে সত্বরে তুমি সেই অমৃত  
 আমাদিগকে আনিয়া দাও । আমরা সেই অমৃত পান করিয়া  
 এই দারুণ ব্যাধির হস্ত হইতে মুক্তিলাভ করি । তুমি আমাদের  
 জন্য অনেক কষ্ট সহ্য করিতেছ । আমরা ব্যাধিমুক্ত হইলে  
 তোমারও ক্লেশভার বিদূরিত হইবে ।

পিতার সেই বাক্য শ্রবণ করিয়া সোমশর্মা একেবারে  
 আনন্দমাগরে ভাসমান হইলেন । পিতামাতা রোগমুক্ত হইবেন,  
 এই চিন্তা করিয়া তিনি সকল কষ্ট ভুলিয়া গেলেন । এতদিনের  
 পর তাঁহার শোকসন্তপ্ত-হৃদয়ে সুখের সঞ্চার হইল । তখন  
 তিনি দ্রুতপদসঞ্চারে অমৃত আনয়ন করিতে প্রস্থান করি-  
 লেন । কিন্তু জানিতেন না যে, তাঁহার পিতা মায়া করিয়া  
 অমৃত অপহরণ করিয়াছেন । তিনি কঙ্গণুলু সমীপে গমন  
 করিয়া দেখিলেন যে, তথায় অমৃত নাই, কেবল শূন্যকুন্ত  
 পতিত রহিয়াছে । দর্শনমাত্র তিনি হতজ্ঞান হইয়া চিত্রপুত্ৰ-  
 লিকার ন্যায় অবস্থান করিতে লাগিলেন । তিনি যে কি  
 করিবেন, কি হইবে, তাহার কিছুই স্থির করিতে পারিলেন  
 না । শোকে, দুঃখে, ভয়ে ও চিন্তায় একেবারে অভিভূত  
 হইয়া পড়িলেন । কে তাঁহার এই অপ্রিয়-সাধন করিল,

পিতার নিকটেই বা কিরূপে এই বিপ্রয় সংবাদ প্রবাহন করিবেন, পিতা শুনিয়াই বা কি বলিবেন এই ভাবনাতে তিনি একেবারে অস্থির হইতে লাগিলেন। জনকজননীকে রোগোন্মুক্ত দেখিবেন, এই আশয়ে তাঁহার হৃদয়ে যে অতুল আনন্দের সঞ্চার হইয়াছিল; এই অভাবনীয় বিপৎপাত অবলোকনে তাঁহার সেই আনন্দশ্রোত বিষাদসলিলে পরিণত হইল। তাঁহার সব্ব-রোপিতা আশালতা একেবারে উন্মূলিত হইল। একেত তাঁহার পিতা বিনা কারণে সদা সর্বদা তাঁহাকে তাড়না করিয়া থাকেন। একথা শ্রবণ করিলে তাঁহার ক্রোধানল আরও দ্বিগুণরূপে প্রজ্জ্বলিত হইয়া উঠিল। এই চিন্তায় তাঁহার হৃদয় আরও ব্যথিত হইতে লাগিল। তিনি পুনঃ পুনঃ আপন ভাগ্যকে নিন্দা করিয়া কহিতে লাগিলেন, আমার ন্যায় ভাগ্যহীন ব্যক্তি জগতে আর দ্বিতীয় নাই। আমি অতি নরাধম। নতুবা নিজের চেষ্টায় জনকজননীকে আরোগ্য করা দূরে থাকুক, অবশেষে তাঁহাদের জীবনৌষধি অন্যাত্ত অমৃত নিজের দোষে অপচয় করিলাম। তখন তিনি পিতার বিরাগভাজন হইবেন অথবা পিতা তাঁহাকে অভিসম্পাত করিবেন, সে চিন্তা না করিয়া, পিতামাতাকে যে ব্যাধিবিমুক্ত করিতে পারিলেন না এই চিন্তাতেই একান্ত অভিভূত হইতে লাগিলেন। অবশেষে তিনি অনন্যোপায় হইয়া স্বীয় অপরিণীত তপঃপ্রভাবে সেই দৃশ্যে অমৃত সৃষ্টি করিবার কল্পনা করিয়া কহিলেন, যদি আমি অবিচলিত চিন্তে ও স্বাধ্যায়প্রমত্তভাবে তপশ্চরণ ও ধর্মকর্মের অনুষ্ঠান করিয়া থাকি, যদি প্রাণসনে পিতামাতার সেবাশ্রদ্ধা করিয়া থাকি, যদি পরম পিতা বাহু-

বৈবর প্রতি আমার একান্ত মতি থাকে, তাহা হইলে এই কুস্ত এই দণ্ডে অমৃতপূর্ণ হইবে । হে মহর্ষিগণ ! নিয়ত স্বধর্ম-নিরত সোমশর্মার বাক্যাবমান হইতে না হইতে সেই শূন্য-কুস্ত পূর্বের ন্যায় অমৃত পরিপূর্ণ হইয়া উঠিল । তখন তিনি সানন্দিত-চিত্তে অমৃতকুস্ত লইয়া পিতৃসকাশে গমন পূর্বক কহিলেন, তাত ! এই আমি অমৃত আনয়ন করিয়াছি, এক্ষণে আপনি পূজ্যতমা জননী সহিত সর্বব্যাদি-বিনাশন এই অমৃত পান করিয়া সুদারুণ ব্যাদি হইতে মুক্তিলাভ করুন । আপনাদিগকে এই প্রকার ব্যাদিপীড়িত দেখিয়া আমি নিরতি-শয় কষ্ট অনুভব করিতেছি । আমি নিজে এ প্রকার পীড়িত হইলেও কখন এরূপ কাতর হইতাম না । আপনার অনু-কম্পাবলে অদ্য আমি দেবপ্রসাদ লাভে সমর্থ হইয়াছি । এক্ষণে কালবিলম্ব-ব্যতিরেকে এই অমৃত পান করিয়া রোগো-মুক্ত হউন । তচ্ছবণে মহামনা শিবশর্মা সাতিশয় আনন্দ লাভ করিয়া অতি প্রীতিভরে কহিতে লাগিলেন ।

## পঞ্চম অধ্যায় ।

বৎস ! লোকে যে জন্য পুত্রকামনা করে তাহা আমার হৃদয় হইয়াছে । সৎপুত্রের যে সমস্ত গুণ থাকা আবশ্যক তাহার সকলই তোমাতে বিদ্যমান আছে । পুত্রের-ধর্ম তুমি প্রাণপণে প্রতিপালন করিয়াছ । তুমি আমার জন্য চিরকাল ক্রমশঃ বহন করিয়া আসিতেছ । অদ্য ভগবান্ বিষ্ণুরপ্রসাদে



তোমার যাবতীয় দুঃখরাশি অপনয়ন করিব। তোমাকে আমি  
বৈষ্ণবসূক্ত প্রদান করিতেছি, গ্রহণ করিয়া নিৰ্মল নিত্য লক্ষ্য  
স্থখে স্থখী হও। এই বলিয়া মহাভাগ শিবশর্মা ভাৰ্য্যার  
সহিত পূৰ্ব শরীর ধারণ করিলেন। তদর্শনে মহামতি সোম  
শর্মার আনন্দের পরিসীমা রহিল না। তাঁহারা তরুণ তপস-  
নের দিব্য কান্তি ধারণ করিলেন। শরীরের সেই কুমি-পা-  
স্পর্শ-পরিপূর্ণ দারুণ কুষ্ঠ-রোগ একেবারে তিরোহিত হইল।  
সূর্যকান্ত মণির ন্যায় তাঁহাদের দেহপ্রভায় চতুর্দিক প্রভা-  
স্বিত হইতে লাগিল। নিরতিশয় পিতৃভক্তি-পরায়ণ ধর্মবুদ্ধি  
সোমশর্মার নেত্রযুগল হইতে অবিরল আনন্দাশ্রু বিগলিত  
হইতে লাগিল। তখন তিনি ভক্তিরসাপ্ত তচিত্তে পরমপত্নী  
পাদ পিতামাতার পাদপদ্ম বন্দনা করিলেন।

অনন্তর পুত্রবৎসল শিবশর্মা প্রিয়পুত্রের শিরশ্চুম্বন করিয়া  
সম্মেহবচনে কহিলেন, বৎস! সকলে যেন তোমার ন্যায়  
সর্বগুণসম্পন্ন পুত্রলাভ করে। তুমি স্বীয় অপার অকৃত্রিম  
পিতৃভক্তিপ্রভাবে লোকত্রয় পরাজয় করিয়াছ। তোমার  
অসাধ্য কোন কর্মই নাই। তুমি সকল বিষয়েই সিদ্ধিলাভ  
করিয়াছ। তোমাকে আর অধিক কি বরদান করিব? তবে  
আমি তোমাকে বৈষ্ণবসূক্ত প্রদান করিতেছি, ইহার প্রভাব  
অসীম। ইহা দ্বারা তুমি অনায়াসে ভগবান্ বিষ্ণুর সাক্ষাৎকার  
লাভ করিতে পারিবে। এই বলিয়া পুণ্যচেতা সোমশর্মাকে  
পরম দুর্লভ বৈষ্ণবসূক্ত প্রদান করিয়া, মহাত্মা শিবশর্মা  
স্বকীয় অসীম তপঃপ্রভাবে ও পুণ্যবলে পতিব্রতা ভাৰ্য্যার  
সহিত সর্বলোক বাঞ্ছনীয় বিষ্ণুলোকে গমন করিলেন।

সূত কহিলেন, হে মহর্ষিগণ! যিনি সর্বদা একাগ্রচিত্তে

শঙ্কর নারায়ণের নাম ও গুণানুকীৰ্ত্তন, এবং নিরন্তর  
নিধারণাধারা তাঁহার শ্রীতি সম্পাদন করিয়া থাকেন,  
তিনি চরণে লোকদুর্লভ পরমপদ প্রাপ্ত হইয়া থাকেন।  
যজ্ঞবিধান বা তপস্যাदि দ্বারা সেরূপ সংঘটিত হইতে  
পারে না। বস্তুতঃ ধ্যান ও সমাধিদ্বারা যে পরম দুর্লভ  
বিষ্ণুপদ প্রাপ্ত হওয়া যায়, দান বা তীর্থ দর্শনাদিদ্বারা কদাচ  
তাহা সংঘটিত হয় না। অতএব বিষ্ণুপদ লাভেচ্ছু জনের  
সর্বথা ধ্যান ও সমাধির অনুসরণ করা কর্তব্য। মহাত্মা শিব-  
শর্মা। একমাত্র সমাধি ও ধ্যানযোগের অনুসরণ করিয়া  
পরম দুর্লভ বৈষ্ণবপদ প্রাপ্ত হইলেন।

পিতামাতার পরলোক প্রাপ্তির পর পুণ্যচেতা সোমশর্মা  
কায়মনে পিতৃপ্রদত্ত বৈষ্ণবসূক্তের অনুসারী হইলেন। সেই  
মহাপ্রভাব বৈষ্ণবসূক্তের অসীম প্রভাবে তিনি জগৎসংসার  
বিষ্ণুসয় বোধ করিতে লাগিলেন। তিনি সংসারের সর্ব  
বিষয়ে ও পদার্থে সর্বথা সমদর্শী হইয়া মহাযোগিগুণের পস্থা  
অবলম্বন করিলেন। লোষ্ট্র-কাঞ্চনে, বা শক্রমিত্রে তাঁহার  
আর ভিন্ন ভাব রহিল না। বিষয়-বাসনা তাঁহার হৃদয় হইতে  
একেবারে তিরোহিত হইল। তিনি জিতেन्द्रিয় ও সংযতচিত্ত  
হইয়া বৈরাগ্য মনোনিবেশ করিলেন। কাষ্ঠাসন পরিত্যাগ  
করিয়া বীরাসন গ্রহণ করিলেন। আশা ও পরিগ্রহ-বাসনা মন  
হইতে দূরীকৃত করিয়া অযাচিত ও অজগর-ব্রত গ্রহণপূর্বক  
বাহ্যজ্ঞানহীন হইয়া যোগমার্গের পরিচর্যা করিতে লাগিলেন।  
পরিশেষ স্বয়মুপাগত বিষয়গ্রহণ-বাসনাও তাঁহার অন্তর হইতে  
উচ্ছিন্ন হইল। ক্রমে তাঁহার অস্তিমকাল উপস্থিত হইল।  
তিনি সহৃদয় মুহূদেয় ন্যায় অক্ষয়হৃদয়ে মৃত্যুকে আলিঙ্গন

করিলেন । পুণ্যক্ষেত্র শালগ্রামে তাঁহার জীবনী  
পরিমমাপ্তি হইল । তাঁহার মৃত্যুকালে দৈত্যগণ তৎসকালে  
সমাগত হইয়া মহান্ কোলাহল করিতে লাগিল । তিন  
দৈত্যগণের সেই দারুণ কোলাহল শ্রবণে অতিমাত্র  
হইলেন । এবং একাগ্রচিত্তে তাহাদেরই ধ্যান করিতে  
লাগিলেন ।

সূত কহিলেন, হে মহর্ষিগণ ! মহাত্মা সোমশর্মা  
মৃত্যুকালে একমনে দৈত্যগণের ধ্যান করিয়াছিলেন বলিয়া  
তাঁহার আত্মা দৈত্যভাব প্রাপ্ত হইল । এবং এই কারণে  
তিনি মৃত্যুর পর 'দৈত্যপতি হিরণ্যকশিপুর পুত্র হইয়া জন্ম  
গ্রহণ করেন । তিনি দৈত্য-গৃহে জন্মগ্রহণ করিয়া প্রহ্লাদ  
নামে বিখ্যাত হইয়াছিলেন । দেবাসুরের তুমুল সংগ্রামে  
তিনি স্বপক্ষ-রক্ষায় প্রবৃত্ত হইয়া দেবদেব বাসুদেবের সহিত  
যুদ্ধ করিয়াছিলেন । ভগবান নারায়ণের সহিত যুদ্ধকালীন  
তাঁহার জন্মান্তরীণ মনস্ত কথ্য স্মরণ হইল । তখন তিনি  
জানিতে পারিলেন, যে, তিনিই সেই মহাত্মা শিবশর্মা-সুত  
সোমশর্মা । কেবল ধ্যানপ্রভাবে এই প্রকার দৈত্যদেহ  
প্রাপ্ত হইয়াছেন । এবং একে একে পূর্বকথা সকল তাঁহার  
স্মৃতিপথে সমুদিত হইতে লাগিল । তিনি বুঝিতে পারিলেন  
যে, একমাত্র ধ্যানই সকলের প্রধান । মৃত্যুকালে যে যাহার  
ধ্যান করে, মৃত্যুর পর সে তাহারই স্বরূপ প্রাপ্ত হইয়া  
থাকে । তখন তিনি কেবলমাত্র লোক-গুরু নারায়ণের  
পাদপদ্ম একমনে ধ্যান করিতে লাগিলেন । এবং সেই  
ধ্যানপ্রভাবেই তিনি বৈষ্ণবপদে লব্ধপ্রবেশ হইলেন । যে  
দ্বিজাতিবৃন্দ ! এইরূপে পরম বৈষ্ণব মহাত্মা প্রহ্লাদ পরম

প্রাপ্ত হইয়াছিলেন । আপনাদিগের নিকট এই প্রহ্লাদ-  
বিত্তে সবিশেষ কীর্তন করিলাম । এক্ষণে পুনরায় তদীয়  
যত্নান্ত বর্ণন করিতেছি, শ্রবণ করুন ।

দেবাসুরের সেই তুমুল সংগ্রামে ভ্রাতৃগণের সহিত  
মহাত্মা প্রহ্লাদ নিধন প্রাপ্ত হইলে, তদীয় স্নেহবৎসলা-  
করনী মহাভাগা কমলা পুত্রশোকে নিতান্ত অধীরা হইয়া  
পড়িলেন । এককালীন পতি ও পুত্রগণের বিয়োগে তিনি  
অতিমাত্র ব্যথিত হইয়া নানাপ্রকার বিলাপ ও পরিতাপ  
করিতে লাগিলেন । সমস্ত জগৎ তাঁহার পক্ষে অন্ধকারময়  
বোধ হইতে লাগিল । বিশেষতঃ জ্যেষ্ঠপুত্র প্রহ্লাদের  
নিধনে তাঁহার শোকসাগর একেবারে উচ্ছলিত হইয়া  
উঠিল । তিনি পুত্রশোকে একান্ত অধীরা হইয়া অহোরাত্র  
কেবল রোদন করিয়াই কালযাপন করিতে লাগিলেন ।  
সন্তানের প্রতি জননীস্নেহ স্বভাবতই সমধিক হইয়া থাকে ।  
তাঁহাতে দৈত্যরাজ-মহিষী সন্তানগণের প্রতি অধিকতর  
স্নেহশালিনী ছিলেন । সুতরাং সন্তানবিয়োগসস্তাপ  
তাঁহার অসহ্য হইয়া উঠিল । নিরন্তর নেত্রনীর বর্ষণে তিনি  
ক্রমে অন্ধপ্রায় হইলেন । তিনি এক্ষণে পতি-পুত্র ও আত্মীয়  
বিহীন হইয়াছেন, কেইবা তাঁহাকে এ অবস্থায় সাহুনা  
প্রদান করিবে ? দৈত্যকুল নির্মূল ও দৈত্যপুরী অন্ধকারময়ী  
হইয়া পড়িয়া রহিয়াছে । জগতে এমন কেহ নাই যে সে  
আসিয়া তাঁহাকে প্রবোধ প্রদান করে । পতি-পুত্রহীনা  
রমণীর জগতে কেহ নাই । পতিপুত্রই সংসারের একমাত্র  
ধন । মহাভাগা কমলা এক্ষণে সেই উভয় রত্নেই বঞ্চিতা  
হইয়াছেন । এই কারণে তাঁহার শোকের আর সীমা রহিল

## তুমি বৃথা

না। তাঁহার শোকলহরী উত্তরোত্তর পরিবর্দ্ধিত হইতে  
লাগিল। অরণ্যচারিণী যথদ্রষ্টা হরিণীর ন্যায় তিনি অনাধিনী  
বেশে কেবলমাত্র শোকের পরিচর্যা করিতে লাগিলেন।  
জীবসঙ্ঘ-শব্দময়ী এই বিশ্বপুরী তাঁহার পক্ষে ঘোর অরণ্য  
বলিয়া বোধ হইতে লাগিল। তাঁহার জীবিতপ্রয়োজন পর্য্য  
বসিত হইয়াছে, তথাপি যে তিনি জীবিতা রহিয়াছেন, ইহাই  
তাঁহার সমূহ দুঃখের কারণ বলিয়া বোধ হইতে লাগিল।

অনন্তর দেবর্ষি নারদ তাঁহার সেই প্রকার অবস্থার বিষয়  
অবগত হইয়া, তৎসকাশে সমাগত হইলেন। এবং সুমধুর  
সান্ত্বনাবাক্যে তাঁহাকে সম্বোধন করিয়া কহিলেন, হে পুণ্য  
বতি ! তুমি শোক পরিত্যাগ কর। মহামনা প্রহ্লাদ সাগনা  
নহেন। স্বয়ং দেবদেব বাসুদেব তাঁহাকে সংহার করিয়া  
ছেন। তিনি এক্ষণে অমরত্ব প্রাপ্ত হইয়া কাশপ্রভাব হইয়া  
ছেন। তাঁহার জন্য শোক করা তোমার কোনমতে উচিত  
নহে। তুমি পুনরায় প্রহ্লাদকে পুত্ররূপে প্রাপ্ত হইয়া পরম  
সুখভাগিনী হইবে। পূর্বের ন্যায় পুনরায় তুমি তাঁহার মুখ-  
চন্দ্র সন্দর্শন করিতে পাইবে। পুনরায় তিনি প্রহ্লাদ নামেই  
অভিহিত হইয়া তোমার প্রীতিসম্পাদন করিবেন। লোকগুরু  
নারায়ণের প্রসাদে তাঁহার অসুরভাব তিরোহিত ও বৈষ্ণব  
ভাব উপজাত হইয়াছে। তিনি ভবিষ্যতে ইন্দ্রপদ লাভ করি-  
বেন। তুমি অতিশয় পুণ্যবতী। তোমার সৌভাগ্যের সীমা  
নাই। তোমার পুত্র ত্রিলোকের পূজনীয় হইয়াছেন। তুমি  
তাঁহার সহিত নিত্য-সুখসন্তোকে আত্মাকে সুখী করিতে সক্ষম  
হইবে। অতএব তুমি বৃথা শোক পরিত্যাগ করিয়া চিত্তকে  
সংযত কর। তুমি পুত্রশোকে একান্ত অধীরা হইয়াছ বলিয়া

যিনি তোমার সাস্তুনার কারণ এই অতি গোপনীয় বিষয়  
তোমার নিকট প্রকাশ করিলাম । এ বিষয় সর্বদা সংগোপনে  
রাখিও । কাহারও নিকটে কখন প্রকাশ করিও না । দেবতা-  
গণ, এ বিষয় জানিতে পারিলে, মহান্ রুষ্ট হইবেন । অতএব  
কোন প্রকারে দেবতাবৃন্দের রোষ বা অসন্তোষভাগিনী হইও না ।  
হে মহর্ষিগণ ! মহাতপা দেবর্ষি নারদ মহাভাগা কমলাকে এই  
প্রকার উপদেশ প্রদান করিয়া সুরলোকে প্রস্থান করিলেন ।

সূত কহিলেন, হে মহর্ষিগণ ! মুনিসত্তম মহাভাগ নার-  
দের বাক্যে সত্যনিষ্ঠাপরায়ণা বুদ্ধিমতী কমলার আপতিত  
শোকসাগর কথঞ্চিৎ লাঘব হইল । তিনি আশার আশ্বাসে  
আশ্বাসিত হইয়া শিলাপ পরিতাপ পরিহার পূর্বক কোন  
রূপে প্রাণধারণ করিয়া রহিলেন । সত্যনিষ্ঠ সাধুগণ কখন  
অনৃতবাক্য প্রয়োগ করেন না । কালসহকারে দেবর্ষি নার-  
দের বাক্য সত্যে পরিণত হইল । মহাত্মা প্রহ্লাদ পুনরায়  
দৈত্যমহিষী কমলার গর্ভ আশ্রয় করিলেন । এবং পুনর্বার  
তিনি বিশ্বসংসারে প্রহ্লাদ নামেই বিখ্যাত হইয়াছিলেন ।  
জন্মান্তরীণ স্কৃতিবশতঃ বাল্যকাল হইতেই তিনি বিষ্ণু-  
ভক্তি-পরতন্ত্র হইয়া একাগ্রচিত্তে লোকগুরু নারায়ণের পাদ-  
পদ্ম চিন্তা করিতে লাগিলেন । যদিও তিনি দুর্ভাগ্যে অসুর-  
কুলে জন্মগ্রহণ করিয়াছিলেন, তথাপি সর্ব-সিদ্ধি-প্রদায়িনী  
একমাত্র নারায়ণ-চিন্তাই তাঁহার হৃদয়ক্ষেত্রে বলবতী হইয়া-  
ছিল । নিখিল বিশ্বচরাচর তাঁহার পক্ষে কেবল বিষ্ণুগয়  
বোধ হইত । দেবাদিদেব বাসুদেবের প্রেমগয় মূর্তি ধ্যান-  
ধারণা করিয়া তিনি প্রেমানন্দে কালযাপন করিতে লাগি-  
লেন । তদর্শনে ভক্তবৎসল ভগবান বৈকুণ্ঠবিহারী পরম

সম্বন্ধে হইয়া, তাঁহার প্রতি বিশেষ অনুগ্রহ প্রকাশ করিয়া-  
ছিলেন। তাহাতেই তিনি ইন্দ্রতপদ প্রাপ্ত হইয়া দেবগণের  
পূজনীয় হইয়াছিলেন। তিনি আজীবন ধৈর্য ও জ্ঞানপথে  
নিচরণ করিয়া সাধুগণের অগ্রগণ্য হইয়াছিলেন। এবং চরমে  
নির্বাণ-মুক্তি প্রাপ্ত হইয়া বিষ্ণুপদে লক্ষ্যপ্রবেশ হইলেন।  
ভগদত্ত নরগণের এই প্রকার পরমা গতি লাভ হইয়া থাকে।  
অন্যান্য অনেক মহাত্মা দেবাদিদেব নারায়ণের প্রতি এই  
প্রকার অকপট ভক্তিযোগ প্রদর্শন করিয়া পরিণামে পরম পদ  
প্রাপ্ত হইয়াছেন। ভগবান দেবাদিদেব বাসুদেব পিতামহেরও  
পিতামহ, বিধাতারও বিধাতা এবং দেবতাগণের দেবতা-  
স্বরূপ। তিনি সর্বদা সর্বজীবে সমভাবে অবস্থান করিতে-  
ছেন। তিনি এক ও অদ্বিতীয়, দূর হইতেও নিকট, সূক্ষ্ম  
হইতে সূক্ষ্ম, স্থূল হইতেও স্থূল। তাঁহার কটাক্ষে বিশ্ব-  
সংসারের সৃষ্টিস্থিতির-কার্য সংঘটিত হইয়া থাকে। তিনি  
নিত্য ও সত্য সূখের আকর পূর্ণত্রয়। যে ব্যক্তি তাঁহার প্রতি  
অকপট ভক্তিযোগ প্রদর্শন করে, তাহার পরিণাম-পথ সর্বথা  
পরিষ্কৃত ও প্রশস্ত হইয়া থাকে। এবং সেই ভক্তি চরমে  
পরমার্থ-জন্য নিত্য ও সত্য সূখ প্রদান করিতে সক্ষম হয়।

সূত্র কহিলেন, হে মুনিমহাগণ! আমি আপনাদিগের  
নিকট সমুদায় আনুপূর্বিক কোর্তন করিলাম। এক্ষণে আর  
কোন বিষয় বর্ণনা করিতে হইবে, বলুন। মদীয় গুরুদেব  
ভগবান্ কৃষ্ণদৈর্ঘ্যায়ণ-প্রসাদে আমি পৌরাণিক-তত্ত্ব সমস্ত  
সবিশেষ অবগত আছি। আপনাদের যদি আর অন্য কোন  
বিষয়ে সন্দেহ থাকে, নির্দেশ করুন। আমি আপনাদের  
সমুদায় সংশয় নিরাস করিব। হে ষিদ্ধাশ্চিবন্দ! এই দৃশ্যমান

নিখিল বিশ্বচরাচরাধিষ্ঠাতা ভগবান বাসুদেব লোকস্থিতি-  
সাধন-বিধান-কারণে ইন্দ্রাদি দেবতাগণের সৃষ্টি করিয়াছেন ।  
দুরাঁচার অসুরগণ সর্বদাই হুরদ্বেশী । এই কারণে তিনি  
দেবতাগণের পক্ষ অবলম্বনপূর্বক অসুরকুল নিস্কূল করিয়া  
ছিলেন । আজ বিহিতসৃষ্টি রক্ষা করিবার নিমিত্তই তিনি  
দানব-কুলক্ষয়-সাধনে প্রবৃত্ত হইয়াছিলেন । তিনি যুগে যুগে  
এইরূপে ধর্ম্মগর্ভাদি সংস্থাপন করিয়া লোকস্থিতি সম্পাদন  
করিয়া থাকেন । ইহাতেই জগৎসংসারের কল্যাণ সাধন  
হইয়া থাকে । তিনিই একমাত্র এই বিশ্বজগতের আশ্রয়-  
স্বরূপ । তিনি ক্ষণমাত্র পরিত্যাগ করিলে, বিশ্বসংসার  
একেবারে প্রলুপ্ত হইয়া যাইবে । যাহা হউক এক্ষণে আপনা-  
দিগের আর কি জিজ্ঞাস্য আছে, নিদেশ করুন । আমি এই  
দণ্ডেই আপনাদিগের সংসার-চ্ছেদন করিয়া দিব ।

মহর্ষিগণ কহিলেন, হে সূত ! তোমার ক্রতিসুখপ্রদ  
জ্ঞানগর্ভ অমৃতোপম বচনাবলি বারম্বার শ্রবণ করিয়াও আমি-  
দিগের শ্রবণ-লালসার পরিতৃপ্ত সাধন হইতেছে না । হে  
মাক্যবিদ্বরেণ্য ! কোন্ মহাপুরুষ ইন্দ্ররূপদ লাভ করিয়া-  
ছিলেন, এবং কেইবা তাঁহাকে সেই পরম দুর্লভ সুর-সত্রাট-  
পদে অভিষিক্ত করেন, তুমি সেই সমস্ত যথাযথ, বর্ণন করিয়া  
আমাদের কৌতুহলাক্রান্ত চিত্তকে পরিতৃপ্ত কর ।

ঋষিগণের সেই প্রকার বাক্য শ্রবণ করিয়া সর্বশাস্ত্রবিৎ  
পৌরাণিক সূত কহিলেন, হে গুনিপুঙ্গবগণ ! যে ভাগ্যবান  
মহাপুরুষ দেবগণের রাজ্য-পারক ত্রিভুবন-দুর্লভ ইন্দ্রপদ  
লাভ করিয়াছিলেন, তাহা সবিস্তার বর্ণন করিতেছি ।  
আপনারা সমাহিতচিত্তে শ্রবণ করুন ।



পুরাকালে সুরাসুরের সর্বলোকভয়াবিহু জুগুল সংগ্রাম উপস্থিত হইলে, বৃন্দারকবৃন্দ চুরাচার দানবদল-কর্তৃক পরাজিত ও একান্ত উৎপীড়িত হইয়া সর্বলোকের আশ্রয়ভূত দেবদেব বাসুদেবের শরণাপন্ন হইলেন। তাহাতে ভূতভাবন ভগবান্ নারায়ণ দেবতাগণকে নিষ্কৃতি প্রদান ও আত্মবিহিত সৃষ্টি রক্ষা করিবার নিমিত্ত দেবতাগণের পক্ষ অবলম্বন পূর্বক অসুরগণের বিপক্ষে অস্ত্রধারণ করিয়াছিলেন। সেই যুদ্ধে দৈতাকুল একেবারে সমূলে নিশ্চূর্ণ হইয়া যায়। অস্তুর বিবুধ-বৃন্দ জয়োল্লাসে উল্লাসিত হইয়া গন্ধর্বি, কিন্নর ও অন্যান্য দেবযোনিগণ-সহ ভগবান্ রূপাতি-সকাশে সনাগমন-পূর্বক সমুচিত বিজয়াভিনন্দন বিনিবেদন-পুরঃসর করপুটে কহিলেন, হে ত্রিলোকপতে! আপনি সর্বশক্তিময়। আপনি নিখিল বিশ্বচরাচরের অধীশ্বর। আপনার ইচ্ছায় বিশ্বসংসারের সৃষ্টিস্থিতিলয়কার্য্য সমাধান হইতেছে। আপনি ত্রিগুণের অতীত। আপনার আদি-অন্ত কিছুই নাই। আপনি পরম-পুরুষ, পিতামহের পিতামহ ও বিধাতা। আপনার সৃষ্টি অনন্ত ও অপার। আমরা আপনার গুণের কি ব্যাখ্যা করিব? অদ্য আমরা আপনার প্রসাদে এই সূদারুণ অসুরভয় হইতে নিষ্কৃতি লাভ করিলাম। আমরা সকলেই আপনার সৃষ্টি এবং সর্বতোভাবে আপনার রক্ষণীয়। আপনার প্রসাদবলে আমরা সর্ববিধ বিঘ্ন ও বিপদ হইতে পরিত্রাণ লাভ করিতে সক্ষম। এক্ষণ ভবৎসকাশে আমাদের এই নিবেদন যে, আপনি কোন পুণ্যচেতা মহাপুরুষকে আমাদের অধিপতি রূপে নির্দেশ করুন। তাহা হইলে তাহার আশ্রয়ে আমরা নিরাপন্ন স্থানচাপন করিতে পারিব। আপনিই আমাদের

কমাত্র শাস্তা ও গোপ্তা । আপনি ভিন্ন আমাদের রক্ষাকর্তা  
মন্য কেহই নাই । এক্ষণে আপনাকে আমাদের এই অভয়  
সোচন করিতে হইবে । ত্রিলোকের প্রজাগণ বাঁহাকে আশ্রয়  
করিয়া স্তম্ভচ্ছন্দে কালাতিপাত করিতে পারে, তাদৃশ সর্ব-  
লোকশাসন ইন্দ্রপদ বিধান করুন । হে দামোদর ! রাজ্য  
না থাকিলে, জগৎসংসার ক্রমে বিপর্যাস্ত হইবে । রাজ্য অল্প-  
ক্ষক হইলে বিবিধ দোষে আক্রান্ত ও অধোগতি প্রাপ্ত হইয়া  
থাকে । অতএব আপনি অনুগ্রহ-বিতরণ-পূর্বক কোন পুণ্য-  
চেরা মহাত্মাকে ইন্দ্রপদে অভিষিক্ত করিয়া আমাদের  
মনোভিলাষ পরিপূর্ণ করুন । তাহা হইলে সেই ইন্দ্র ত্রিলো-  
কের অধিপতি হইয়া জগৎসংসারের শাস্তি ও কল্যাণ সাধন  
করিবেন ।

দেবতাগণের সেই প্রকার মানুন্সর বাক্য শ্রবণ করিয়া  
জগৎপাতা জনার্দন নিরতিশয় শ্রীতিলাভ করিয়া কহিলেন,  
হে সুরবৃন্দ ! সদীয় লোকে স্তম্ভ নামে বৈষ্ণবভক্তজঃসম্পন্ন  
ভগবন্তুক্তিপরায়ণ এক মহাপ্রতাপ ধর্ম্মাত্মা ব্রাহ্মণশ্রেষ্ঠ বাস  
করেন । তিনিই তোমাদের অধীশ্বর হইবেন । তিনি অচি-  
রাৎ নিম্নলোকচ্যুত হইয়া দেবজম্বী ভগবতী অদিতির গর্ভে  
জন্মগ্রহণ করিবেন । তিনি তোমাদের পালন ও ধারণক্ষম  
হইবেন । এবং সর্বতোভাবে তোমাদের পরিভ্রাণ করিবেন ।  
তিনি, সেই মহামনা পতিব্রতা অদিতির পুত্ররূপে অবতীর্ণ  
হইয়া তোমাদের মনোগামনা পূর্ণ করিবেন । অতএব এক্ষণে  
তোমরা আগার সমভিব্যাহারে পিতা কশ্যপ ও মাতা অদিতি-  
লক্শে আগমন কর । এই কথা বসিয়া, সর্বলোকভাবন  
কোমলমুখ বৃন্দারকবুজ-সমভিব্যাহারে, ন্যায় ও শাস্তি

ন্যায়, ধর্ম ও নীতির ন্যায় একত্র সমাসীন কশ্যপ ও অদিতি-  
সমীপে সমুপস্থিত হইলেন। দেবতাগণ জনক-জননীকে পরি-  
দর্শন করিয়া পরম পুলকিত হইলেন। এবং ভক্তিশ্রদ্ধাবনত-  
চিত্তে উভয়কে যথাবিধি প্রণাম ও প্রদক্ষিণ করিয়া, কৃতাজ্জলি-  
পুটে মানুসর-বাক্যে কহিলেন, হে ভগবন্! হে ভগবতি!  
আপনাদের শ্রীচরণপ্রসাদে আমরা দুর্ভাচার দানবদলের  
দারুণ উৎপীড়ন হইতে পরিত্রাণ প্রাপ্ত হইয়াছি। ত্রিলোক-  
পালক মধুসূদন-কর্তৃক দুর্দান্ত দৈত্যগণ সমূলে নিহত  
হইয়াছে।

সূত কহিলেন, হে মহর্ষিগণ! মহাভাগ কশ্যপ দেবতা-  
গণের সেই বাক্য শ্রবণ করিয়া, সন্তোষনহকারে তাঁহাদের  
বিজয়াভিনন্দন সমাধান করিলেন। অন্তর তিনি স্নেহপূরিত  
সুমধুর বচনে কহিলেন, হে বৎসগণ! তোমরা সকলেই  
সত্য ও ধর্মনিষ্ঠ। এবং সর্বদা সর্বপ্রকার শান্তি ও ন্যায়ের  
অনুগত। তোমাদের মতি নিয়ত সৎপথাবলম্বিনী। এবং  
তপঃপ্রভাব ও অসামান্য। তোমরা সেই অন্যান্য-সাধারণ  
তপঃ-সাগর্ভ-প্রভাবে এরূপ অক্ষয় পদ দেবত্ব লাভে কৃতকার্য  
হইয়াছ। আমি তোমাদের প্রতি পরম প্রীতি লাভ করিয়াছি।  
অতএব আমি পুনরায় তোমাদিগকে বর প্রদান করিব। আ-  
মার অব্যর্থ বরপ্রভাবে তোমরা অমর, নির্জর ও অক্ষয় হইবে।  
সত্য ও ধর্ম্যে তোমাদের অবিচলিত মতি থাকিবে। এবং তোমরা  
সকলেই সর্বকাম-সমৃদ্ধি-শুদ্ধিসম্বিত হইয়া সর্বলোক-  
বিজয়ী হইবে। সংসারে কৃত্রাপি তোমাদের কোন প্রকার  
বিপদের সম্ভাবনা থাকিবে না। আমার বর-প্রসাদে তোমরা  
মহেশ্বরপদ প্রাপ্ত হইয়া পরমানন্দ কালযাপন করিবে।

অনন্তর মহামনা মহাভাগ कश्यप नागगणके सन्निधान करिया कहिलेन, हे पुत्रगण । तोगारां० जगते दुर्जय हईवे । तोगांदेर कमता असीम हईवे । एव० तोगरा सकलेई सर्वलोकैर पूजनीय हईया परम सुखे कालयापन करिबे ।

महात्मा कश्यपेय वक्त्यावसान हईले, जग०गुरु नारायण ताहार सेई वक्त्य अनुमोदनपूर्वक देवजननी अदितिके सन्निधान-पूर्वक कहिलेन, अयि पुण्यवति ! तोगार न्याय साधुचारिणी ० वशास्विनी रमणी त्रिलोकैर मध्ये आर लक्षित हय ना । तूमि रत्नगर्भा । अचिरा० तूमि तोगार गुणराशिर उपयुक्त पुरस्कार प्राप्ति हईवे । आमि निश्चय बलिंतेछि, तोगार अभिलषित पूरण करिब ।

हे महर्षिगण ! शुचिस्मिता महात्मागा अदिति, लोकभावन नारायणैर सेई प्रकार प्रसन्नवाक्य श्रवणे परम पुलकिता हईया, आत्माके कृतार्थस्मन्य ज्ञान करिते लागिलेन । ताहार आनन्दैर आर परिनीमा रहिल ना । तिनि प्रीतिप्रफुल्ल लोचने गदगद-वचने कहिलेन, हे अनादिनाथ ! तूमि स्वयं सत्य ० धर्मैर आश्रय । निथिल विश्वचराचर तोगा हईतेई प्रतिष्ठित हईराछे । तूमि सत्यादि गुणत्रयैर अतीत हईया ० सर्वगुणैर प्रतिपालक एव० आद्यन्त-विहीन हईया ० त्रिलोकैर आदि ० अन्तस्वरूप । तूमि यदि सत्य ० साधुतार पुरस्कार एव० गुणराशिर गौरव ना करिबे, ताहा हईले ए संसारे आर के ताहांदेर आदर करिबे ? धर्म आर काहार आश्रय लईबे ? सत्याके के प्रतिपार्दन करिबे ? हे सुत-भावन ! तोगारई प्रसादबले आमि रत्नगर्भा नाम धारण

করিয়াছি। তোমারই প্রসাদে আমার পুত্রগণ নিৰ্জরানর হইয়া নিরন্তর সত্য ও ধর্মপথে বিচরণ করিতেছে। তোমারই অনুকম্পায় তাহারা সকলের দুর্জয় হইয়াছে। তোমারই অনুগ্রহে তাহারা সর্বলোকাভিশায়িনী গৌরবলক্ষ্মী লাভ করিতে সক্ষম হইয়াছে। তুমি সর্বদাই আমার প্রতি অপার ও অকৃত্রিম অনুগ্রহ প্রকাশ করিয়া থাক। এক্ষণে তুমি আমার আত্মরূপে অবতীর্ণ হইয়া, আমার চির-আশার সহিত দেব জননী নাম সফল কর। মাধব ! তুমি যদি আমার প্রতি একান্ত প্রিয় হইয়া থাক, তাহা হইলে তুমি আমার গর্ভে অবতরণ-পূর্বক আমার সর্বকামনা সূক্ষ্ম কর। এবং আমার পুত্রগণের অধিপতিত্বপদ গ্রহণপূর্বক তাহাদের মনোবাসনা পূর্ণ কর। তোমারই অনুগ্রহে আমি দেবজননী হইয়াছি। ভক্তবৎসল ! ভক্তের প্রতি তোমার অনুগ্রহের সীমা নাই। এক্ষণে আপনার জননী করিয়া আমার চির-রোপিতা আশালতা ফলবতী কর। বিশ্বজগতে তোমার ভক্ত-বৎসল নামের পরাকাষ্ঠা প্রদর্শন কর।

সূত কহিলে, হে মহর্ষিগণ ! দেব-জননী অদিতির সেই প্রকার প্রার্থনা শ্রবণ করিয়া, বায়ুদেব কহিলেন, হে শুচিস্মিতে ! আমি তোমার মনোবাসনা পূর্ণ করিব। দেবতাগণের কার্য-সাধনের জন্য আমি অনুম্য-দেহ ধারণ করিয়া তোমার গর্ভেতেই অবতরণ করিব। হে শুচিপুত্রিকে ! দ্বাদশযুগে আমি পরশুরামরূপে তোমার গর্ভে অবতীর্ণ হইয়া মদগর্ভিত ক্ষত্রিয়গণের সংহার-সাধন করিয়া পৃথিবীর ভার অপনোদন করিব। পুনর্বার ত্রেতাযুগে সীতাপতি রাম-রূপে তোমার গর্ভে অবতরণ পূর্বক দুর্ভাগ্য দশাননের

নিমন সাধন করিয়া দেবতাগণকে পরিত্রাণ প্রদান করিব।  
 এসং দ্বাপর নামক অষ্টাবিংশতি যুগ সমাগত হইলে, পুনরায়  
 যখন কৃষ্ণ নামে জগতে অবতীর্ণ হইব, তখন তোমার গর্ভকেই  
 আশ্রয় করিব। এইরূপে মদ্বিহিত লোকত্রয়ের স্থিতি ও  
 কল্যাণ-বিধান কামনায় পুনঃ পুনঃ মনুষ্যদেহ ধারণ করতঃ  
 হৃদীয় পুত্ররূপে প্রাদুর্ভূত হইব। হে কল্যাণি! আমার বাক্য  
 কখন অন্যথা হইবে না। এক্ষণে আমি যাহা বলিতেছি তাহা  
 অবহিতচিত্তে শ্রবণ কর। এবং শ্রাণপণে আমার এই ধর্ম-  
 সঙ্গত বাক্য প্রতিপালন করিতে যত্নবতী হও। আমার  
 আদেশক্রমে তুমি এক সর্বস্বলক্ষণ-সম্পন্ন, সত্যধর্মাশ্রিত  
 পুত্র-রত্ন সমুৎপাদন কর। সেই পুত্র দেবতাগণের অধীশ্বর  
 হইয়া ত্রিলোকের স্থিতি-সাধন করিবে। তোমার পুত্রগণ  
 সর্বদাই আমার নিকট তাহাদের অধিপতির নিমিত্ত কোন  
 পুণ্যচেতা ধর্মাত্মাকে প্রার্থনা করিয়া থাকে। অতএব তুমি  
 স্বীয় গর্ভে সর্বলোক-শাসন পুত্র-রত্ন ধারণ করিয়া হৃদীয়  
 আত্মজগণের মনোভিলাষ সুসিদ্ধ কর।

কশ্যপ পত্নী পতিলেভাগদিতি ভগবান্ নারায়ণের এই  
 প্রকার প্রসাদ-বাক্য আকর্ণন করিয়া দ্বাপরোনার্ষি প্রীতিলাভ  
 করিলেন। তিনি ইন্দ্রের জননী হইবেন, একথা স্বপ্নেও বোধ  
 করেন নাই। এক্ষণে দেবদেব বাসুদেবের এই প্রকার  
 অযাচিত প্রসাদ-লাভে তাঁহার সৌভাগ্য-গর্ভ অধিকতর  
 পরিবর্দ্ধিত হইল। তিনি হর্ষোৎফুল্ল-লোচনে ত্রিলোকনাথ  
 নারায়ণকে সম্বোধন করিয়া কহিলেন, হে ভুতভাবন!  
 আমি সর্বতোভাবে তোমার বাক্য প্রতিপালন করিব।  
 কোন মতে তাহার অন্যথা হইবে না।

শ্রুত কহিলেন, হে যুনিমত্তমগণ ! দেবজননীশুচিস্মিতা  
অদিতির এই প্রকার বাক্য শ্রবণ করিয়া দেবতাগণ আশ্বস্ত  
ও নিরাতঙ্কহৃদয়ে দেবদেব নারায়ণের সহিত স্ব স্ব স্থানে প্রে-  
স্থান করিলেন । মনস্বিনী অদितिও আদরগৌরবপ্রদর্শনপুরঃ-  
সর মহাত্মা কশ্যপকে সমুদায় বৃত্তান্ত নিবেদন করিলেন ।  
পুণ্যচেতা দেবজনস্মিতা কশ্যপ সেই সমস্ত বৃত্তান্ত অবগত  
হইয়া নিরতিশয় আনন্দ সহকারে কহিলেন, হে যশস্বিনি !  
আমিও তোমাকে এই বর প্রদান করিতেছি যে, তুমি  
অচিরে ইন্দ্রপুত্রের জননী হইবে । এবং সেই পুত্র সত্য-  
ধর্ম সমাশ্রয় করিয়া সর্বলোকের শাসনকর্তা ও প্রতিপালক  
হইয়া সর্ব-যজ্ঞভাক্ হইবে । এই বলিয়া তিনি পতি-  
ব্রতা অদিতির মস্তকে স্বহস্ত বিদ্যস্ত করিয়া তাঁহার মনোভি-  
লাষ পূরণ করিবার জন্য সত্য ও ধর্ম্যানুমোদিত কঠোর  
তপস্যায় প্ররত্ত হইলেন ।

শ্রুত কহিলেন, হে মহর্ষিগণ ! যে সময়ে মহামনা  
কশ্যপ পতিপ্রেমনুরাগিনী শুদ্ধিমতী অদিতিকে সেই  
প্রকার বরপ্রদান করিয়া সত্য ও ধর্ম্যানুসারে তপশ্চরণে  
প্ররত্ত হইলেন, সেই সময়ে বিষ্ণুলোকবাসী পরম তেজস্বী  
ধর্মাত্মা মহাপুরুষের পুণ্যক্ষয় হয় । সেই কারণে তিনি  
বিষ্ণুলোক-পরিচ্যুত হইয়া পতিত হইলেন । প্রভূত  
তপোবল না থাকিলে কেহ বিষ্ণুলোকে বাস করিতে  
সক্ষম হয় না । দেবাদিদেব বাসুদেব সাক্ষাৎ তপোমূর্তি  
এবং ধর্ম ও সত্য স্বরূপ । পুণ্য ও সত্যধর্মাত্মিত ব্যক্তি  
গণই তদীয় লোকে গমন করিতে পারেন । এবং যে  
পর্যন্ত তাঁহাদের পুণ্যক্ষয় না হয়, সে পর্যন্ত তথায় অধি-

বাস করিতে লক্ষ্য হইলেন । কিন্তু ক্রমে কৰ্মফলের সংকল্প হইলে তথায় অবস্থিতি করা আর তাঁহাদের সাধ্য হয় না । এই কারণে মহাতপা সূত্রত বৈষ্ণবলোক পরিচ্যুত হইলেন । এবং নিয়মাবলম্বিনী পুণ্যবতী অদিতির গর্ভে প্রবেশ করিলেন । এইরূপে মহাভাগা দেবজননী গর্ভসঞ্চারণ হইলে তিনি নিরালম্ব হইয়া বনবাসে অধিবাস পূৰ্বক দুশ্চর তপশ্চরণে মনোনিবেশ করিলেন । ক্রমে দিব্য শতবৎসর অতীত হইল । পতিব্রতা দেবমাতা সংকল্পাক্রান্ত হইয়া অনন্যমনে অত্যাশ্রিত তপঃসাধন করিতে লাগিলেন । আহার, নিদ্রা, ও ভোগবাসনা পরিহার পূৰ্বক ইন্দ্রিয়গ্রাম সংযতকরতঃ একান্ত হৃদয়ে ধ্যানধারণায় বিনিবেশিতচিত্ত হইলেন । তাঁহার তপস্তেজঃ উত্তরোত্তর পরিবর্দ্ধিত হইতে লাগিল ।

তাঁহার সেইপ্রকার কঠোর তপোমুষ্ঠানে ত্রিভুবন বিস্মিত হইল । হিংস্রক শ্বাপদসঙ্কুল ভীষণ বনস্থলী তাঁহার তপঃপ্রভাবে শান্তি দেবীর আবাসভূমি হইয়া উঠিল । তপস্তেজঃ সমুদ্ভূত তাঁহার সেই প্রকার দিব্যকান্তি সন্দর্শন করিয়া হিংস্রক শ্বাপদগণ পরম্পরের প্রতি বিদ্বেষভাব পরিহার করতঃ অতি শান্ত ভাবে বিচরণ করিতে লাগিল । আত্মসিদ্ধি সাধনাভিলাষ তিনি কখন নীরাহারে কখন বা নিরাহারে ধ্যানযোগ সাধনা করিতে লাগিলেন ।

এইরূপে মহাভাগা অদिति দেবতা, গন্ধৰ্ব, যক্ষ, সিদ্ধ ও মহর্ষিগণ কর্তৃক পরিরক্ষিত হইয়া প্রযত্নাতিশয় সহকারে তপোমুষ্ঠান ও গর্ভপোষণ করিতে করিতে পূর্ণশত বৎসর ~~সুখ~~ করিলেন । অনন্তর ভূতভাবন ভগবান নারায়ণ



য়র্গ তৎসমীপে সমাগত হইয়া তাঁহাকে গর্ভমোচন করিতে আদেশ করিলেন দেবদেব বাসুদেব কহিলেন, দেবি ! আর তপস্যায় প্রয়োজন নাই । তোমার মনোভিলাষ পূর্ণ হইয়াছে । তুমি অদ্যই গর্ভমোচন কর । তুমি যে জন্ম এই সুদুশ্চর তপশ্চরণে প্রবৃত্ত হইয়াছিলে, সে বিষয়ে সকলতা লাভ করিয়াছ । তুমি ইন্দ্রের জননী হইবে । হে ষশোশ্বিনি ! কেবল তোমারই তপঃপ্রভাবে এই শুভযোগ সংঘটিত হইল । অতএব আর কাল বিলম্ব করিও না । তোমার গর্ভ সুসম্পূর্ণ ও স্মৃতিকাকাল সমুপস্থিত হইয়াছে । হে মহর্ষিগণ ! বিশ্বপতি নারায়ণ দেবজননী অদিতিকে এইপ্রকার আদেশ প্রদান করিয়া স্বকীয় লোকে প্রস্থান করিলেন ।

অনন্তর শুচিপুত্রিকা পুণ্যবতী অদिति শুভক্ষণে এক প্রিয়দর্শন সুশোভন পুত্র প্রসব করিলেন । সেই পুত্র প্রদীপ্ত দিনকর-সদৃশ-দীপ্তি-সমন্তিত, ভীমকায়, সর্ব সুলক্ষণ-সুশোভিত, চতুর্ভূজ ও তেজামালা পরিবেষ্টিত । তিনি সর্ব লোকের ঈশ্বর ও বৃন্দারকবৃন্দের ইন্দ্র হইয়া জন্ম গ্রহণ করিয়াছিলেন । তাঁহার করপল্লব চক্র ও পদ্মচিহ্নে সুশোভিত । তাঁহার চন্দ্রবিষ সদৃশ অমুপম মুখমণ্ডল নিরীক্ষণ করিলে তাঁহাকে বিশুদ্ধজ্ঞান-বুদ্ধির আকর, উন্নতমনা, উদার-প্রকৃতি, অপ্রাকৃত বলশালী ও অলৌকিক শক্তি-সমন্তিত বলিয়া প্রতীয়মান হইতে লাগিল । দিব্যকান্তিসমন্তিত সেই মহাপুরুষের নেত্রদ্বয় পদ্মপত্রের ন্যায় বিশাল ও আভা-যুক্ত এবং তাঁহার তেজঃপ্রতিম ।, দেবজননী কশ্যপপত্নী সেই সর্বগুণরত্নবিত্ত্বিত পুত্রবরকে নয়নগোচর করিয়া

আপনাকে কৃতার্থম্ভ্য জ্ঞান করিতে লাগিলেন। অনন্তর তিনি তনয়রত্নকে স্বীয় অঙ্কে গ্রহণ করতঃ স্নেহাতি রেক সহকারে বারম্বার তাঁহার মুখচুম্বন ও নির্ণিমেষনয়নে তাঁহার বদনমুখাকরের অমুপম সৌন্দর্যরাশি সন্দর্শন করিতে লাগিলেন। তিনি যতবার দেখেন, তত বার তাঁহার অভিনব বলিয়া বোধ হয়। এবং পুনঃপুনঃ দর্শন করিয়া দুর্গিবার আনন্দপ্রবাহভরে নিশ্চলা প্রকৃতির ন্যায় স্থিরদৃষ্টিতে কেবল পুত্র প্রতি নেত্রপাত করিয়া রহিলেন।

এদিকে, দেবজননী পতিব্রতা, অদिति মহাভাগ মহাতেজা সর্বসৌভাগনিলয় পুত্ররত্ন প্রসব করিয়াছেন, এবং দেবাদিদেব বাসুদেবর প্রসাদে তিনি সর্বলোকশাসন ইন্দ্রত্বপদে প্রতিষ্ঠিত হইবেন, এই কথা শ্রবণ করিয়া ত্রিভুবনবাসী দেবতা, গন্ধর্ভ, সিদ্ধ, চারণ, বিদ্যাধর, সপ্তর্ষি ও মহর্ষিমণ্ডল পরমানন্দে পুণ্যচেতা কশ্যপের ভবনে আগমন করিতে লাগিলেন। অতু্যঙ্গ ধরাধর, শ্রোতাস্বিনী নগনন্দিনী, ক্ষীর প্রভৃতি বারিধিবর্গ এবং বিশ্বচরাচরাসী ষাভতীয় স্থাবরজঙ্গম সকলেই মহোৎসবে মত্ত হইয়া তথায় সমাগত হইল। ত্রিভুবন মহানন্দে উন্মত্ত! সকলেই যেন স্ব স্ব পুত্র জন্মমহোৎসব অনুভব করিতে লাগিল। মহেশ্বরগণ মহামহোৎসবে মত্ত হইয়া মাস্কলিক কার্যসমূহের অনুষ্ঠান করিতে লাগিলেন। সুরনর্তকীগণ আনন্দভরেনৃত্য ও সুরগায়কগণ সুললিতস্বরে সুমধুর সঙ্গীতালাপ করিতে লাগিল। বেদবিৎ ব্রাহ্মণগণ প্রেমানন্দে নিমগ্ন হইয়া তারস্বরে বেদগান করতঃ সদ্যপ্রসূত অদিতিনন্দনের স্যমকপ রূপে স্তবামুকীর্তন করিতে লাগিলেন। অগণন

গগণগণ পরিবৃত-পনাসক-বিনায়কসহ লোকপিতামহ বিশ্বশ্রুতা  
জগৎগুরু জনাৰ্দ্দিন ও ভূতভাবন ভবানীপতি হর্ষনির্ভয়মানসে  
কশ্যপ-ভবনে সমাগত হইলেন । তীর্থসকল যুক্তিপরিগ্রহ  
করিয়া সাফল্য সমবেত হইল । সকলেই নিরতিশয় আনন্দ-  
ভরে উন্নত হইয়া নানাপ্রকার মাদুলিক-কার্য্যানুষ্ঠান-দ্বারা  
মহাতপা কশ্যপের সেই মহাভাগ, মহাহ্যতি আত্মজের প্রীতি-  
সম্পাদন করিতে লাগিলেন । এবং উচ্চৈঃস্বরে দেবমাতা  
অর্দিত ও মহাত্মা কশ্যপের সৌভাগ্যের বিষয় বলিতে  
লাগিলেন । অনন্তর পিতামহ-প্রমুখ অমররূদ্র সেই সর্ব-  
লোকশাসন পুত্রবরের বিবিধ নাম প্রদান করিলেন । কেহ  
তাঁহার নাম বসুদত্ত, কেহ বসুদ, কেহ আখণ্ডল, কেহ মরুত্বানু  
কেহ মঘবানু, কেহ বিড়োজা, কেহ পাকশাসন, কেহ  
সংক্রন্দন, কেহ ইন্দ্র, কেহ দেবরাজ, কেহ বা তাঁহার নাম  
স্বর্গরাট রাখিলেন । তদনন্তর তাঁহারা সকলে তাহার জাত-  
কর্মাদি সম্পাদন করিয়া বিশ্বকর্মাণ্ডকে আহ্বানপূর্বক বিবিধ  
মনোজ্ঞ ভূষণে তাঁহাকে বিভূষিত করিয়া দিলেন । ইন্দ্র জন্ম  
পরিগ্রহ করিয়াছেন বলিয়া বন্দারকরুন্দের আনন্দের আর  
পারিসীমা রহিল না ।

সুত কহিলেন, হে দ্বিজাতিবৃন্দ ! অনন্তর শুভদিনে  
সুভলগ্নে মহাভাগ বসুদত্ত, বাসুদেবদত্ত ইন্দ্রত্ব পদে অতি-  
ষিক্ত হইলেন । এবং কুলিশ, পাশ প্রভৃতি সুদৃশ্য  
ভয়াবহ অস্ত্রসকল প্রাপ্ত হইয়া অনতিকাল মধ্যেই ত্রিভুবন  
মধ্যে অদ্বিতীয় হইয়া উঠিলেন । উদীয়মান প্রভাকরের ন্যায়  
তাঁহার প্রভাবরাশি উত্তরোত্তর পরিবর্দ্ধিত হইতে লাগিল ।

সর্বলোকশাসন আখণ্ডলের সেই প্রকার অখণ্ডিত

প্রভাবরাশি পরিদর্শন করিয়া দৈতাগুরু উশনা কহিলেন, পুণ্যবতী পতিব্রতা অদিতির এই মহাভাগ পুত্র দেবাদিদেব নারায়ণের অপার করুণাবলে ত্রিলোকের ইন্দ্ররূপদ লাভ করিয়াছেন । ইনি সর্বলোকের অজেয় ও অদ্বিতীয় হইয়া নিখিল বিশ্বচরাচরের উপর অধিপত্য করিবেন ।

পুত্রপ্রাণী পুণ্যবতী অদिति ত্রিভুবনস্থ সকলকেই সর্বাভ্যুৎকরণে স্বীয় পুত্রের অভ্যুদয়সাধনাভিমুখান অবলোকন করিয়া এবং অমুরগুরু শুক্রাচার্যের মুখে তদীয় পুত্রের সেইপ্রকার গৌরবানুকীৰ্ত্তন শ্রবণ করিয়া অত্যন্ত আনন্দিত হইলেন । পুত্রের অভ্যুন্নতি নিরীক্ষণ করিয়া পুত্রবৎসলা জননী স্বভাবতই সৌভাগ্য গর্ভগর্ভিতা হইয়া থাকেন । তাহাতে পতিরতা অদिति সমধিক পুত্রবৎসলা ছিলেন । এই কারণে তাঁহার আহ্লাদের আর পরিসীমা রহিল না । এতদিনে সর্বলোকশাসন ইন্দ্রপুত্র লাভ করিয়াছেন, এই ভাবিয়া তাঁহার আনন্দপ্রবাহ প্রবলবেগে প্রবাহিত হইতে লাগিল । মহাত্মা কশ্যপেরও আনন্দের পরিসীমা রহিল না ।

## ষষ্ঠ অধ্যায় ।

এদিকে দেবাসুরের দারুণ যুদ্ধে দুর্দান্ত দানবদল নিহত হইলে, তাঁহাদের জননী মহাত্মা কশ্যপের অপরা দয়িতা দম্বু, দুর্গিবার সন্তানবিয়োগসন্তাপে একান্ত অধীর। হইয়া শোকসন্তপ্ত অন্তরকে কথঞ্চিৎ সাম্বনা করিবার মানসে দৈত্যপ্রমবিনী দিতির ভবনে গমন করিলেন। কিন্তু আত্মীয় বান্ধবের সন্দর্শনে শোকাকর্ষব্যক্তির শোকানল আরও দ্বিগুণিত হইয়া প্রজ্জ্বলিত হইয়া উঠে। এই নিমিত্ত দৈত্যজননী দিতির দর্শনমাত্র দানবমাতা দম্বুর শোক সন্তপ্ত চিত্ত আরও আকুল হইয়া উঠিল। অবিরল অশ্রুপ্রবাহে ধরাতল অভিষিক্ত হইতে লাগিল। এবং বাণনিষ্পত্তি বিষয়াক্ষমা হইয়া কাষ্ঠপু তুলিকার ন্যায় তদীয় সম্মুখে অবস্থান করিতে লাগিলেন। তদর্শনে কোমলপ্রকৃতি দৈত্যজননী সমাধিক হুঃখিতা হইয়া মৃদুমধুর প্রিয় বচনে কহিলেন, হে কল্যাণি ! নিশিরশিশিরাভিষিক্ত কোমল কমলকলিকার ন্যায় তোমার নয়নকমল একরূপ সজল লক্ষিত হইতেছে কেন ? কি কারণে তুমি অদ্য এপ্রকার অবসাদগ্রস্ত হইয়াছ ? তোমার হৃদয়াকাশ বিবাদতমসায় আচ্ছন্ন হইয়াছে কিজন্য ? সুভযোগে তুমি শতপুত্রের জননী হইয়া কিজন্য একরূপ অনাধিনীর ন্যায় বিষণ্ণ ও হুঃখিত হইয়াছে, তোমার পুত্রগণ সর্বশৃংগের আধার। তাঁহাদের প্রভূত বলবিক্রমে

বিশ্বসংসার কল্পান্বিত । ইহ সংসারে তোমার কিছুই  
 অভাব বা অপ্রতুল নাই । প্রবলপ্রতাপ অমিততেজা  
 হিরণ্যাক্ষ ও হিরণ্যকশিপু যেমন আমার পুত্র, সেইরূপ  
 তোমারও পুত্র । অতএব তোমার কিসের অভাব, এবং  
 কি কারণেই বা এতাদৃশ শোকসন্তপ্ত হইয়াছে তাহা আমি  
 কিছুই অনুভব করিতে পারিতেছি না । আমি কখন  
 তোমাকে এ প্রকার দুঃখিত বা মলিনভাবাপন্ন সন্দর্শন করি  
 নাই । অদ্য তোমার এবম্বিধ অবস্থা অবলোকন করিয়া  
 আমার অন্তঃকরণ অতিমাত্র ব্যথিত হইতেছে । অতএব  
 এমন ক অভাবনীয় দুর্ঘটনায় তোমার হৃদয়ের শোকতরঙ্গ  
 একেবারে উচ্ছলিত করিয়াছে, তাহা আমাকে যথাযথ  
 নির্দেশ কর । তোমার স্বভাবের এরূপ অভূতপূর্ব অভাব  
 অবলোকনে আমার হৃদয় একান্ত অস্থির হইতেছে ।

পতিব্রতা দৈত্যজননী এই বলিয়া বিনিবৃত্তা হইলে,  
 পুত্রবিয়োগবিধুরা দম্বু কংথফিৎ সমাশ্বস্তচিত্তে স্ককরুণবচনে  
 কাহিতে লাগিলেন, মনস্বিনি ! আমার পুত্রশোক আজ  
 নবীভূত হইয়াছে । আমার হৃদয় বিদীর্ণ হইতেছে । চরা-  
 চরাধিষ্ঠাতা লোকভাবন নারায়ণও আমাদের প্রতিকূলাচারী  
 হইয়াছেন । তিনি আমাদের সপত্নী সৌভাগ্যবতী  
 অদিতির মনোবাসনা পূর্ণ করিয়া আমাদেরকে বঞ্চনা  
 করিয়াছেন । তাঁহার বর প্রভাবে দেবজননী অদिति সর্ব-  
 লোক শাসনইন্দ্রের জননী হইয়াছেন । এতদিনের পর  
 তুমি বঞ্চিতা হইলে । অদिति যে পুত্ররত্ন লাভ করি-  
 য়াছেন, সেই পুত্রই নারায়ণপ্রমুখ বৃন্দারকরুণকর্তৃক সর্ব-  
 লোকপুণ্য ইন্দ্রপদে অতিবিক্ত হইয়াছে । এতদিনেরপর

তাঁহার সকল দুঃখ বিদূরিত হইল । তাঁহার সেই পুত্র  
ত্রিলোকের অধিনায়কপদে অধি-  
হইয়াছে নিখিল বিশ্বচরাচর-  
শাস্ত্রবর্তী হই-  
য়াছে । স্বয়ং বিশ্বশ্রুতা পিতামহ বিধাতাও এ বিষয়ে  
অনুমোদন করিয়াছেন । সে অখণ্ড আখণ্ডলপদে আরো-  
হণ করিয়া জগৎমণ্ডল স্বায়ত্বাধীন করিয়াছে । ইহাতে কাহা-  
রও অনভিমত বা অনভিরুচি নাই । হায় ! আমরাই  
বঞ্চিতা হইলাম ! সুভগে ! আমার পুত্র ইন্দ্রপদ প্রাপ্ত  
হইল না কি জন্য ? কি জন্যই বা অন্যান্য দানব ও দৈত্য-  
গণ তেজোহীন হইল ? আমরা কি মহামনা কশ্যপের প্রণয়  
ভাগিনী নই ? আমরা কি প্রাণপণে পতিপদ পূজা করি  
না ? আমরা কি কোনমতে বিশ্বপাতা বাসুদেবের অনু-  
গ্রহের পাত্রী হইবার যোগ্য নহি ? একমাত্র অদিতিই  
কি তাঁহার সমগ্র প্রসাদলাভ করিবে ? হা ধিক !  
কি কারণে আমাদের এরূপ ভাগ্যবিপর্যয় সংঘটিত  
হইল ? কেনই বা আমরা এরূপ বঞ্চিতা হইলাম ? আমরা  
এমন কি গুরুতর পাপকার্যের অনুষ্ঠান করিয়াছিলাম  
যে, সেই কারণে আমাদের ভাগ্যে এই বিসদৃশী দুর্ঘটনা  
সংঘটিত হইল ? ভগিনি ! এই কারণেই আমার হৃদয়  
মথিত হইতেছে । এবং ইহার সবিশেষ কারণ অবগত  
হইবার জন্যই আমি তোমার নিকটে আগমন করিয়াছি ।

দানব প্রস্তুতি দম্বুর এই প্রকার করুণ বচন শ্রবণ  
করিয়া দৈত্যজননী দিতি স্নেহোদার বাক্যে কহিতে লাগি-  
লেন, অগ্নি আত্মাভিমানিনি ! যথা শোক করিয়া অন্তঃ-  
করণকে কিজন্য সন্তপ্ত করিতেছে ? শোকতাপ পরিত্যাগ

কর । দৈবই সকলের মূল । তদুপরি কুটিল-প্রকৃতি কাল তাহার উত্তর সাধক । উহাদের গতি বিচিত্র ! ইহজগতের সকল ঘটনাই সেই দৈব ও কালের আয়ত্তাধীন । তাহাদের হস্তে কাহারও নিকৃতি নাই । বিশেষতঃ সকলই সেই একমাত্র বিশ্বচক্রী বাসুদেবের চক্র ! তাঁহার ছুরগাহ চেষ্টা ও অভিপ্রায় অননুধাবনীয় । তাহা না হইলে, দেবাসুরের তুমুল সংগ্রামে ভগবান্ নারায়ণ দেবতাগণের পক্ষ অবলম্বন করিয়া দৈত্যকুল নির্মূল করিবেন কিজন্য ? এবং প্রবল পরাক্রান্ত পশুরাজ কেশরী যেরূপ স্বীয় অপ্রতিম শক্তি-প্রভাবে মদমত্ত মাতঙ্গগণের আতঙ্গ উৎপাদন করিয়া ক্রমে তাহাদিগকে কৃতান্তভবনে প্রেরণ করে, সেইরূপ সেই পশুপতি গোলোকপতি কি জন্যই বা অমিতবল দানবদল দলন করিয়া তোমাকে এ প্রকার অনাখিনী করিবেন ? পূর্ব-কথা স্মৃতিপথে আকৃষ্ট হইলে হৃদয়গ্রন্থি সকল শিথিল ও মর্ম্মসন্ধি বিদীর্ণ হয় ! ত্রিলোকের অজেয় সমরদুর্বার দৈত্য-রাজ কালনেমি, নিজ ভুজপ্রতাপে ত্রিভুবন পদতলস্থ করিয়া অবশেষে সেই চক্রীর চক্রে কৃতান্তের কৃতদাস হইল ! যে সকল রণদুর্ম্মদ দৈত্য-সেনাগণের প্রবলপ্রতাপে দেবতাগণ পর্য্যন্ত মত্তমুগ্ধ ভুজঙ্গের ন্যায় জড়ীভূত হইয়াছিল, তাহাদের নাম স্মরণে ত্রিভুবন কম্পাশ্রিত হইত, সেই সকল বলমদ-মত্ত সমরশ্রবীর বীরসম্মতিগণ একমাত্র সেই চক্রীর নিদারুণ চক্রে শ্রেতপুরের পথিক হইয়াছে । তাঁহারই কারণে তাহারা সমূলে বিনাশিত, দ্রাবিত, মর্দিত ও বিদলীকৃত হইয়াছে । প্রজ্জ্বলিত-হতাশন-বিনিহিত শুক ভৃগুরাশির ন্যায় এ বিশাল দৈত্যকুল সেই সৃষ্টিস্থিতিনাশন নারায়ণের প্রদীপ্ত



## ভূমিকা।

ক্রোধ-হতাশনে পতিত হইয়া একেবারে সমূলে নাশপ্রাপ্ত হইয়াছে। সহস্রকর দিবাকরের করম্পর্শে দিবাভীত অন্ধকার ষে রূপ ধরাধাম পরিত্যাগ করিয়া পলায়ন করে, সেইরূপ সেই বিশ্বস্তরের করে এ বিপুল দৈত্যকুলের নাম গর্থাৎ লোপ হইয়া গিয়াছে। অতি কষ্টে যাহাদিগকে জঠোরৈ-ধারণ করিয়া কঠোর যন্ত্রণা ভোগ করিয়াছিলাম। কণমাত্র যাহাদের অদর্শনে পলকে প্রলয় জ্ঞান হইত। যাহাদের না দেখিলে এই বিশ্বধাম অন্ধকারময় জ্ঞান করিতাম, সেই সর্বগুণগ্রাম প্রাণসম প্রিয়পুত্রগণ তদীয় সংগ্রামে জীবন-শ্রমে বিরামলাভ করিয়া বীরগণের পরমপদ প্রাপ্ত হইয়াছে। আর তাহারা সুমধুর মাতৃ-সন্তাষণে আমার শ্রবণযুগল সুশীতল করিবে না। আর তাহাদের পূর্ণেন্দুবিনিন্দিত বদন-ভাতি অবলোকন করিয়া আমি অপার অকৃত্রিম আনন্দ-শ্রোতে সন্তরণ করিতে পারিব না। এতদিনে আমাদের সৌভাগ্যদীপ নির্বাপিত ও সুখরজনী অবসন্ন হইয়াছে। যাহাদের বদনমুখাকরের অনুপম শোভা সন্দর্শন করিয়া সর্বদা পূর্ণানন্দ অনুভব করিতাম, তাহারা সকলেই এককালে কাল-রূপ করালরাহ-কর্তৃক চিরকালের জন্য কবলিত হইয়াছে। যাহাদিগকে গর্ভে ধারণ করিয়া নারীজন্ম মার্থকজ্ঞান করিয়াছিলাম, যাহাদিগকে অঙ্কে ধারণ করিয়া আমাকে সৌভাগ্য-শালিনী মনে করিয়াছিলাম, সেই প্রাণসম প্রীতিময় পুত্রগণ সকলেই একে একে স্ব স্ব প্রাণ পণীভূত করিয়া সমরক্রীড়ায় পৌরুষাভিনয় প্রদর্শন করিয়াছে। এক্ষণে বৎসগণ এ হতভাগিনীদিগকে পরিত্যাগ করিয়া কুতান্তনগরীর অঙ্ক-শোভা সম্পাদন করিতেছে। আমাদের সুখসৌভাগ্য

অপহরণ করিয়া শম নপুরী সৌভাগ্যশালিনী হইয়াছে ।  
 আমাদের অনাথা করিয়া সে এক্ষণে নাথবতীর ন্যায়  
 পরম সুখসম্ভোগে আপনাকে চরিতার্থ করিতেছে । আমরা  
 ইহজীবনের সুখ-সম্পত্তির সহিত ভাগ্যলক্ষ্মী-পরিবর্জিতা  
 হইয়া দুর্ভাগ্যের চিরকিঙ্করীর ন্যায় কেবল বিলাপ ও পরি-  
 তাপ করিয়া আত্মপাপের প্রায়শ্চিত্ত সম্পাদন করিতেছি ।  
 যিনি জগৎসংসারের রক্ষাকর্তা, জগতে যাঁহার শত্রু বা মিত্র  
 কেহই নাই, সেই চরাচরাধিষ্ঠাতা ভূতভাবন ভগবান নারা-  
 য়ণ ভাগ্যধনে আমাদের বৈরিতাসাধনে প্রবৃত্ত হইয়াছেন ।  
 তিনি স্বয়ং সংহারমূর্তি পরিগ্রহপূর্বক অশুরকুল নির্মূল  
 করিতে সমুদ্যত হইয়াছেন । তাঁহার ভীষণ রোষাগ্নিনিপ-  
 তিত দৈত্য ও দানবগণ প্রজ্জ্বলিত পাবকশিখা-পতিত পক্ষ-  
 বানু পতঙ্গের ন্যায় নিমেষের মধ্যে জীবলীলার পরিসমাপ্তি  
 করিয়াছে । যাঁহার নাম স্মরণ করিলে জগতের যাবতীয়  
 শোক-দুঃখ-যন্ত্রণার পর্য্যবসান হয়, সেই নিত্য ও সত্যসুখের  
 আশ্রয়স্বরূপ ত্রিলোকপালক নারায়ণ যখন আমাদের  
 এইপ্রকার অসদৃশ অসহ্য শোকদুঃখে নিমগ্ন করিয়াছেন,  
 তখন আর আমাদের উপায়ান্তর কি, এবং তখন বৃথা আর  
 রোদন করিলেই বা কি ফললাভ হইবে ? পুত্রস্নেহানুরা-  
 গিনী দৈত্যজননী বাপ্পাকুললোচনে গদগদ বচনে এই  
 প্রকার বলিতে বলিতে তুষ্টীস্তাবধারণ করিলেন । আর  
 বাণ্‌নিষ্পত্তি করিতে পারিলেন না । কে যেন তাঁহার  
 বাকশক্তি অপহরণ করিয়া লইল । বিষমুচ্ছিতা রোগীর  
 ন্যায় তিনি একেবারে স্পন্দহীন হইয়া পড়িলেন । অপার  
 শোক পারাবার উচ্ছলিত হওয়ায় প্রবলবেগে অশ্রুপ্রবাহ  
 বিশাল দেত্যকুল গের হৃদয় বা ৩৩৩

প্রবাহিত হইতে লাগিল । বিষুবিন্দিত ওষ্ঠযুগল ঘন ঘন বিক্ষুব্ধিত হইয়া বিষম মর্ম্মযন্ত্রণার পরিচয় প্রদান করিতে লাগিল । তখন তিনি শিথিলবন্ধ বেপমান হস্তে সজল নয়নকমল আবরিত করিয়া অবনতমস্তকে অবস্থান করিতে লাগিলেন ।

শোকসন্তপ্তা দিতির সেই প্রকার বিলাপ ও পরিতাপ বাক্য শ্রবণ করিয়া দানবজননী দম্বু আর স্থির থাকিতে পারিলেন না । তাঁহার শোকসাগর একেবারে উদ্বেলিত হইয়া উঠিল । বাতাহত কদলীর ন্যায় যুচ্ছিতা হইয়া ধরা-তলে নিপতিত হইলেন । দৈত্যজননী পুত্রগতপ্রাণা দিতিও শোকবিহ্বলচিত্তে অশ্রুপ্রবাহে ধরাতল অভিবিক্ত করিতে লাগিলেন । কিয়ৎক্ষণ পরে যুচ্ছাপনোদন হইলে, তিনি অশ্রুপে অশ্রুপে গাত্রোখান করিয়া বাষ্পবিক্ষারিত-লোচনে কাতরবচনে কহিতে লাগিলেন, ভগিনি ! আমি কি এই সমস্ত শ্রবণ করিবার জন্যই তোমার নিকটে আগমন করিয়াছিলাম ? হায় ! কেন আমার মৃত্যু বিধান হইল না ? দক্ষ প্রাণ ! তুমি কিজন্য এখনও এ দারুণ দুঃখদক্ষ দম্বুদেহ আশ্রয় করিয়া রহিয়াছ ? হা বিধাতঃ ! তোমার মনে কি এই ছিল ? ভাগ্য ! তুমি আমার প্রতি কেন এত প্রতিকূল হইলে ? কেন আমি ধরাধামে জন্মগ্রহণ করিয়াছিলাম ? এই প্রকার বিলাপ করিতে করিতে তিনি পুনরায় হতচেতনা হইয়া ধরাতলে পতিত হইলেন । এবং বহুক্ষণ পরে পুনর্বার চেতনালাভ করিয়া নানাপ্রকার বিলাপ ও পরিতাপ করিতে লাগিলেন । তাঁহার নয়যুগল হইতে অনর্গল অশ্রুজল প্রবলবেগে প্রবাহিত হইয়া ধরা-

স্বপ্ন প্রাবৃত্ত করিতে লাগিল । সন্তানগণের শিশুশশীসম-  
 মত সুন্দর মুখমণ্ডল স্মরণ করিয়া তাঁহার শোকসাগর ক্রমে  
 উচ্ছলিত হইয়া উঠিল । সর্বশরীরে অবসাদকম্প আবির্ভূত  
 হইল । বদনমণ্ডল শোকে ও বিষাদে মলিন ভাব ধারণ  
 করিল । মর্ম্মগ্রন্থি সকল শিথিল ও জর্জরিত হইতে  
 লাগিল । পুত্রবিয়োগযন্ত্রণায় অধীরা হইয়া ধূলায় ধুসরিতা  
 হইতে লাগিলেন । তাঁহার বোধ হইল যেন ইহজন্মের  
 জন্য তাঁহার সৌভাগ্যশশী অন্তমিত হইল । জীবনে আর  
 তিনি সুখপ্রসাদ লাভে সক্ষম হইবেন না ।

মহাভাগা অদिति ও দমু এইপ্রকার বিলাপ ও পরিতাপ  
 করিতেছেন, ইত্যবসরে সর্বতত্বার্থদর্শী মহাত্মা কশ্যপে  
 তথায় সমুপস্থিত হইলেন । তিনি সাক্ষাৎ শান্তি ও সত্যের  
 আধারস্বরূপ । তিনি প্রিয়পত্নী দমুকে তথাবিধ বিলপ্য-  
 মানা নিরীক্ষণ করিয়া সুমধুর সান্ত্বনাবাক্যে কাহিতে লাগি-  
 লেন, অয়ি মনস্বিনি ! স্বথা শোকতাপ পরিহারপূর্বক  
 ধৈর্য্যকে আশ্রয় কর । তোমার ন্যায় সত্ববর্তী ও মহাভাগা  
 রমণীর কদাচ এরূপ স্বথা শোক ও মোহের বশবর্তিনী  
 হওয়া উচিত নহে । তুমি লোকাতিশায়িনী প্রজ্ঞার অধি-  
 ারী । তোমার অবিদিত কিছুই নাই । কালের কুটিলগতি  
 ও অবশ্যস্তাবী দৈবঘটনার প্রতিষেধ করা কাহারও সাধ্যা-  
 য়াত্ত নহে । এ মায়ায় অনিত্য জগতের সকলই অনিত্য,—  
 সকলই বিনশ্বর ! জগতে পিতামাতা স্ত্রী-পুত্র কেহ কাহারও  
 নহে । একমাত্র মৃত্যুতেই সকলের সহিত চিরবিচ্ছেদ  
 সংঘটিত হইয়া থাকে । মরণান্তে কাহারও সহিত কাহারও  
 সম্বন্ধ থাকে না । অদ্য হউক বা শতান্তে হউক সকলকেই  
 বিশাল ব্রহ্মসুখ দেহে স্থাপন করিয়া দেহ

সেই মরণগণের চরমগতি মৃত্যুকে আলিঙ্গন করিতে হইবে। করাল কালের হস্তে কাহারও নিষ্কৃতি নাই। তুমি বিবেক-বুদ্ধি-সমম্বিতা হইয়া যুগের ন্যায় কিজন্য এপ্রকার আকুলা হইতেছ? তোমাকে আমি অধিক কি প্রবোধ প্রদান করিব? তোমরা সকলেই মহাতেজা দক্ষপ্রজাপতির দুহিতা।

এব সকলেই পরম্পর ভগিনীভাবে বদ্ধ। তাহাতে আমি তোমাদের সকলেরই স্বামী। আমি তোমাদের সকলেরই সমভাবে সর্বদা প্রতিপালন ও রক্ষা করিয়া থাকি। কাহারও প্রতি আমার অনুরাগের ইতর বিশেষ নাই। আমি তোমাদের সকলের প্রতি সর্বথা সমদর্শী। দেবতা, দৈত্য ও দানবগণ সকলেই আমার আত্মজ। অতএব তাহাদের মধ্যে সকলেরই পরম্পর ভ্রাতৃসম্বন্ধ। কিন্তু তোমার পুত্রগণ উন্মার্গগামী হইয়া ক্রুর চেষ্ঠা ও ক্রুর কার্যে প্রবৃত্ত হইয়াছিল। তাহারা সত্য ও ধর্ম পরিহারপূর্বক দেবতাগণের বৈরিতাসাধনে প্রবৃত্ত হইয়াছিল। সেই পাপে তোমার অজিতাত্মা ক্রুরমতি অশান্ত আত্মজগণ অকালে কালপ্রবর্তক চরাচরাধিষ্ঠাতা জগৎগুরু জনার্দনের কোপানলে ভস্মীভূত হইয়াছে। তাহারা যদি সৌভ্রাতৃ পরিহার পূর্বক ধর্মমার্গ অতিক্রম না করিত, মোহমদে উন্মত্ত হইয়া অপরিণামদর্শী না হইত, অহঙ্কারের অতুচ্চ শিখরে আরোহণ করিয়া সত্যকে উপেক্ষা না করিত, তাহা হইলে কখনই তাহাদের লয়সাধন হইত না। বৃথা শোক করিলে আর কি ফল হইবে? মায়ামোহশোকতাপই সুখ ও পুণ্যকরের একমাত্র কারণ। তুমি অকারণে কিজন্য সেই সর্বদুঃখদায়ক দারুণ শোকের অনুবর্তিনী হইয়া সদ্য সুখ বিনষ্ট ও চির-

সঞ্চিত পুণ্যরাশি অপচয় করিতেছ ? পুণ্যক্ষয়ই বিনাশ  
 প্রাপ্তির হেতুভূত কারণ । শোক হইতেই জীবাত্মার পতন  
 হইয়া থাকে । অতএব তুমি সেই মহান্ রিপুরূপ শোক-  
 রাশি পরিহারপূর্বক আত্মাকে পতন হইতে রক্ষা কর ।  
 সকলেই স্ব স্ব কর্মফলের অনুবর্তন করিয়া থাকে । কর্ম-  
 দোষে তোমার পুত্রগণ মৃত্যুকে আশ্রয় করিয়াছে । স্বয়ং  
 দেবাদিবে ভূতবান বাসুদেব পর্যন্ত সেই অলংঘনীয় কর্ম  
 ফলের প্রতিষেধ করিতে সক্ষম নহেন । অন্য পরে কা কথা ।  
 কর্মফলবশতঃ যে ব্যক্তি নাশপ্রাপ্ত হয়, তাহাকে কেহই  
 রক্ষা করিতে পারে না । এবং সেই কারণে তাহার জন্ম  
 শোক করা অনুচিত । অশোচ্য বিষয়ে শোক প্রকাশ  
 করিলে, তাহার অচিরাৎ পতন হইয়া থাকে । এবং  
 সেই পতন অনিবার্য । অতএব অশোচ্য বিষয়ে শোক  
 করিয়া কিজন্য নিজের পতনসাধন কামনা করিতেছ ?  
 তোমার ন্যায় বুদ্ধিমতী রমণীর কদাচিৎ মুক্তার ন্যায় এরূপ  
 অনিত্য অসার মায়ামোহে মুগ্ধ হওয়া উচিত নহে । হে  
 পতিব্রতে ! এক্ষণে ইন্দ্রিয়গ্রাম সংযত ও আত্মাকে  
 বশীভূত কর । তাহা হইলে সুনির্মল সুখশান্তির সুবিমল  
 রসাস্বাদনে আত্মাকে সুখী করিতে সক্ষম হইবে ।

হে মহর্ষিগণ ! মহাভাগ কশ্যপ দানবজননী দম্বুকে  
 এইপ্রকার সারগর্ভ উপদেশ বাক্য প্রদান করিয়া নিরন্ত  
 হইলেন ।

## সপ্তম অধ্যায় ।

মহামনা কশ্যপ বিনিবৃত্তা হইলে, পুত্রবৎসলা দনু কোন কথাই কহিলেন না । তিনি স্থিরভাবে অবস্থান করিতে লাগিলেন । কিন্তু সূতবিরোগসম্ভাপে একান্ত ব্যথিতা হওয়াতে তাঁহার বুদ্ধির কিছুমাত্র স্থিরতা ছিলনা । তিনি ভাবিতে লাগিলেন যে, তাঁহার স্বামী মনে করিলে তাঁহার পুত্রগণকে সৎপথে প্রবর্তিত করিতে পারিতেন । অথবা দেবাদিদেব বাসুদেবের হস্ত-হইতে কোন রূপে তাহাদিগকে রক্ষাও করিতে পারিতেন । কিন্তু তিনি তাহাদিগের প্রতি বীতরাগ হইয়াই যেন তাহা করেন নাই । এই ভাবিয়া দানবজননী স্বামীর প্রতি অতিশয় অভিমানিনী হইলেন । তিনি কিছুমাত্র বাঙনিষ্পত্তি না করিয়া অবনত-বদনে অবস্থিতি করিতে লাগিলেন ।

সূত কহিলেন ; হে দ্বিজসত্তমগণ ! অনন্তর দৈত্যজননী দিতি নিরতিশয় অভিমানভরে কহিতে লাগিলেন, হে স্বামিন্ ! আপনি যাহা বলিলেন তাহা সমস্তই সত্য । অবশ্যম্ভাবী দৈব-দুর্ঘটনার হস্ত হইতে কেহই নিষ্কৃতি লাভ করিতে পারেন না । সকলই একমাত্র অদৃষ্টির আয়ত্তাধীন । ভবিষ্যতের অন্ধকারময় গর্ভেতে কি নিহিত আছে, কে তাহা নির্ণয় করিয়া বলিতে পারে ? কিন্তু আমার চিত্ত আর কিছুতেই প্রবোধ লাভ করিবে না । সুমহতী দুঃখপরম্পরায় আমি অতিমাত্র অভিভূত হইয়াছি । জ্ঞান-বুদ্ধি আমাকে পরিত্যাগ করিয়াছে । জ্ঞানবুদ্ধিহীন ব্যক্তির তত্ত্বজ্ঞান কিরূপে সম্ভব হইতে পারে ? যাহার

তত্ত্বজ্ঞান নাই তাহার প্রবোধ নাই । অদিতিকে এতদিন প্রিয় ভগিনী বলিয়া জ্ঞান করিতাম । কিন্তু জানিলাম সে আমার পরম শত্রু । নাথ ! স্বামীই স্ত্রীলোকের একমাত্র গতি । স্বামীর উপর স্ত্রীলোকের কোন আধিপত্য নাই । স্ত্রী পতির দাসী । দাসীর প্রতি প্রভুর অসাধ্য কিছুই নাই । আপনি আমার প্রতি যাহা ইচ্ছা তাহাই করিতে পারেন । এবং তাহাই করিয়াছেন । স্বামীর প্রসাদ-লাভই স্ত্রীজাতির একমাত্র বাঞ্ছনীয় । যে নারী সে মহাপ্রসাদ লাভে বঞ্চিত, তাহার জীবিতপ্রয়োজন পর্য্যবসিত । তাহার প্রাণধারণ বিড়ম্বনামাত্র । আপনি আমাদের ভর্তা ! আমরা আপনার প্রসাদ-প্রত্যাশিনী ! কিন্তু আপনি তাহাতে আমাকে বঞ্চিতা করিয়াছেন । আপনি আমার মান ও মনোভঙ্গ করিয়া । অবশেষে প্রাণসম পুত্রগণকে বাসুদেব-করে বিনষ্ট হইতে দেখিয়াও অকাভরে সহ্য করিয়াছেন । আপনি কি ইচ্ছা করিলে তাহার প্রতিষেধ করিতে পারিতেন না ? এ হতভাগিনীর প্রতি আপনার যদি কিছুমাত্র অনুরাগ বা মমতা থাকিত, তাহা হইলে আপনি কখনই বৎসগণের তাদৃশ বিপদ-রাশি সন্দর্শনে অনায়াসে উপেক্ষা করিতেন না ? আমার প্রতি আপনার যে প্রকার সেহানুরাগ তাহা আমি সমস্ত বুঝিতে পারিয়াছি । আর আমার জীবন ধারণে কিছুমাত্র আবশ্যিক নাই । স্বামীই অবলা নারীজাতির একমাত্র গতি । আমি যদি সেই পতি-প্রেমে বঞ্চিতা হইলাম, তখন আর কি জন্য এ রুখা দেহ ধারণ করিব ? কাহার জন্য এ শোকদুঃখময় অনিত্য মর্ত্যধামে অবস্থান করিয়া দিবানিশি দারুণ যন্ত্রণায় দগ্ধ হইব ? প্রভো ! আপনি অধিনীর প্রতি একান্তই বাম ও প্রতিকূল হইয়াছেন । সপত্নী অদিতিই আপনার সমস্ত অনুরাগ অধি-



কার করিয়াছে। আমার সর্বনাশ সাধন করিয়া একদা আমাকে তত্ত্বজ্ঞান উপদেশ প্রদান করিতেছেন! নাহি আমরা হীনবুদ্ধি নারীজাতি। তত্ত্বজ্ঞানের কোন তত্ত্বই রাখি না। এক্ষণে প্রদত্ত হইয়া আমাকে এই বর প্রদান করুন যে আমি যেন চরমে পুত্রলোকে গমন করিতে পারি। আপনার চরণে আমার এতদ্ব্যতীত আর অন্য কোন ভিক্ষা নাই।

মহাভাগা দিতি এই বলিয়া বিনিরুত্তা হইলে, মহাত্মা কশ্যপ নিতান্ত ব্যথিত হইয়া দয়াদ্রুচিত্তে সদর-সম্ভাষণে কহিলেন, অয়ি মানদে! কি কারণে রূথা শোকে অভিভূতা হইয়া আমাকে ক্লিষ্ট করিতেছ? সুখশান্তিহারক অনর্থমূলক শোকের পরিচর্যা করিলে কি ফল লাভ হইবে? এই মায়াময় নিখিল বিশ্ব-সংসারে কেহ কাহার পিতা নহে, কেহ কাহার পুত্র নহে। কেহ কাহার মাতা নহে, কেহ কাহার আত্মীয়বন্ধু কিছুই নহে। জীবগণ বিষম মোহজালে আবদ্ধ হইয়া আমার পুত্র, আমার পিতা, আমার ভ্রাতা এইরূপ অনিত্য ও অলীক সংসার-সম্বন্ধ সমুদ্ভাবন করিয়া থাকে। বিশ্ববিমোহনকারী মায়ার মোহমস্ত্রে মুগ্ধ হইয়া জীবগণ এই প্রকার দুশ্চৈদ্য ভ্রান্তি পাশে আবদ্ধ রহিয়াছে। এ পাশ ছিন্ন করা কাহারও সহজসাধ্য নহে। হে শুভে! লোক সকল স্বয়ংই পিতা, মাতা, পুত্র, কন্যা, আত্মীয় ও বান্ধব। ইহ সংসারে যে যত দিন জীবিত থাকিবে, ততদিন সংসারের সহিত তাহার সম্বন্ধ। এদেহ অবসান হইলে সংসারে কাহারও সহিত কোন সম্বন্ধ থাকে না। তবে যখন দেখা যাইতেছে যে, কায় ও প্রাণের সহিত বিচ্ছেদ ঘটিলে সংসারের যাবতীয় পদার্থের সহিত সম্বন্ধ শেষ হয়, কেবল অনিত্য দেহমাত্রের সহিত তাহার সম্বন্ধ, এদেহের অবসানে যখন

## পদ্মপুরণ ।

কোন সময়ের অবসান হইয়া যায়, এবং এই দেহ যখন জলবুদ-  
বুদের ন্যায় ক্ষণস্থায়ী, কখন যে ইহার পতন হইবে যখন  
তাহার কিছুমাত্র স্থিরতা নাই, তখন সেই অনিত্য জগতের  
অনিত্য মায়ামোহে মত্ত হওয়া তোমার ন্যায় বুদ্ধিমতী রমণীর  
কদাচিৎ উচিত নহে । আরও দেখ, সত্য ও সদাচারের  
অনুষ্ঠান হইতেই জগতে সুখসম্পত্তির উৎপত্তি হইয়া থাকে ।  
অনাচারী ও পাপাসক্ত ব্যক্তি কেবল বিপদ ও দুঃখভাগী হইয়া  
অনন্তকাল অনন্ত যন্ত্রণায় দগ্ধ হয় । পাপ-পথের পর্যটকগণের  
পরিণাম অতীব ভয়ঙ্কর । তাহাদের অধঃপতন অনিবার্য্য ।  
তাহারা ক্রমে নিকৃষ্ট হইতেও নিকৃষ্ট যোনী প্রাপ্ত হইয়া থাকে ।  
মোহমদোমত্ত পরদেবী পাপাত্মাগণ ইহ জগতের চির-শত্রু ।  
কোন কালে কোন লোকে তাহারা অশুভ ব্যতীত শুভফল  
প্রাপ্ত হয় না । যাহাদের অন্তর নিরন্তর অধর্মকে আশ্রয়  
করিয়া প্রতিনিয়ত পরানিষ্ট চেষ্টা করিয়া থাকে, তাহারা  
অনন্তকাল অনন্ত নরকের অনন্ত যন্ত্রণায় দগ্ধ হইয়া থাকে ।  
নিয়ত সত্যধর্মে নিরত থাকিয়া যে ব্যক্তি সর্বদা সর্বভূতে  
মিত্রবৎ সমাচরণ করেন, পরোপকার-সাধনই যাহাদের জীব-  
নের সারসংকল্প, সদা সদাচারাবলম্বনে যাহারা সাধুজন  
নৈবেদিত পথে প্রতিনিয়ত পর্যটন করিয়া থাকেন, যাহারা  
পায় সাধুচারিত্রে সর্ব-দেবদেব ভগবান বাসুদেবের সুদুল্লভ  
সাদ-লাভে সক্ষম হইয়াছেন, সেই তত্ত্বদর্শী ও সমদর্শী  
হাত্মাগণ যে রূপ নিত্য, সত্য, নির্মল ও অক্ষয় সুখ-শান্তি-  
সম্পত্তি সম্ভোগ করিতে সক্ষম হইয়া থাকেন ; নিয়ত উন্নয়-  
নমী, খলপ্রকৃতি, বিষমদর্শী, পরদেবী, পাপপ্রকৃতি প্রাণীগণ  
ই সুখ, সেই সম্পত্তি, সেই শান্তি কিরূপে প্রাপ্ত হইবে ?

দান, প্রতিদান, আদান, প্রদান, জগতে চির-প্রবর্তিত। জগতে যে যেকোন কৰ্ম করে, সে সেইরূপ ফল প্রাপ্ত হইয়া থাকে। স্বাচারিত কৰ্ম ফলের হস্ত হইতে কাহারও নিষ্কৃতি নাই। সংসার আপনাই গুণদোষের বিচারকর্তা। এই জন্য কেহ কাহার অপকার করিয়া পরিত্রাণ পাইতে পারেন না। অথবা কেহ কাহার উপকার করিয়াও অপকৃত হয় না। সংসারক্ষেত্রে যে যেকোন কার্য্য-বীজবপন করিবে, ভবিষ্যতে সে তদনুযায়ী ফল প্রাপ্ত হইবে। ইহার অন্যথাচরণ করিতে স্বয়ং বিশ্ব-শ্রুতা বিধাতাও সক্ষম হইবেন না। ত্বদীয় পুত্রগণ তাহার এক প্রধান উদাহরণ। তাহারা মদগর্বে গর্ষিত হইয়া ধর্মকে উপেক্ষা করিয়াছিল, সাধুজনানুমোদিত ন্যায়মার্গ উলঙ্ঘন-পূর্বক অসত্যের অনুগামী হইয়াছিল, সেই পাপে তাহারা লয়-প্রাপ্ত হইয়াছে। দান-ধর্ম তাপস্যাদি পরিত্যাগ-পূর্বক প্রতিনিয়ত দেবদ্বিজের অবমাননা করিত, সেই পাপে তাহারা পতিত ও বিনিপাতিত হইয়াছে। অতএব তুমি বৃথা শোক-তাপ-পরিহারপূর্বক শান্তিদেবীর আরাধনা কর। এ সংসারের সকলই অনিত্য, সকলই বিনশ্বর। জগৎ কেবল মায়ামোহে সমাচ্ছন্ন। সেই সুদারুণ মায়াপাশে আবদ্ধ হইয়া জীবগণ আমার পিতা, আমার মাতা, আমার পুত্র ইত্যাদি নানারূপ মিথ্যা জ্ঞানের অধীন হইয়া সংসারচক্রে পরিভ্রমণ করিতেছে, নতুবা পিতা, মাতা, স্ত্রী, পুত্র, আত্মীয়, বান্ধব, কেহ কিছুই নয়। যাহারা যথার্থ তত্ত্বজ্ঞানের আধার, তাঁহারা কেবল সংসারের অনিত্যতা ও মায়া-মোহের অনিষ্টকরিতা অবগত হইয়াছেন। তাঁহারা কখন পরের জন্য চিন্তা করেন না। তাঁহারা সেই নিত্য ও সত্য-স্বরূপ পরম পুরুষ পরমাত্মা ব্যতীত

## পদ্মপুরণ ।

কগতের অন্য কাহাকেও আত্মীয় বলিয়া জ্ঞান করেন না । এই মুহূর্তে যাহাকে পিতা, মাতা, পুত্র বা আত্মীয় বলিয়া সম্বোধন করা যায়, পর মুহূর্তেই সে যখন কালকর্তৃক আত্মী-কৃত হইবে, তখন সে কিরূপে আত্মীয়পদ-বাচ্য হইতে পারে । অতএব হে শুভে ! নিখিল অশুভনিলয় এই শোক-সম্ভাপ পরিহারপূর্বক পরম শুভপ্রদা শান্তির আশ্রয় গ্রহণ কর ।

হে কল্যাণি ! তত্ত্বদর্শী মনিষীগণ এই পঞ্চভূতময়, বিনশ্বর দেহের প্রতি কিছুমাত্র আদর প্রদর্শন করেন না । কারণ যাহার জন্ম আছে, তাহার লয় আছে, যাহার মিলন আছে তাহার বিচ্ছেদ আছে, যাহার সন্ধি আছে, তাহার বিশ্লেষ আছে এবং যাহার ছিদ্র আছে তাহার গলন আছে । পঞ্চভূতের সমবায়ে জীবদেহের উৎপত্তি । সুতরাং তাহা অবিনশ্বর নহে । এই : দেহ সন্ধিজর্জর ও ছিদ্রপরম্পরা-পরিপূর্ণ । সুতরাং ইহার বিশ্লেষ ও গলন আছে । অতএব যে দেহ কাল সহকারে গলিত, বিশ্লিষ্ট ও বিনষ্ট হইয়া যাইবে, তাহার জন্য আদর-গৌরব প্রকাশ করা কোনমতেই যুক্তি যুক্ত নহে । ক্ষণমূহূর্তমধ্যে যাহার সহিত বিচ্ছেদ-সংঘটিত হইতে পারে, তাহার প্রতি আদর-প্রকাশ করিলে কি ফল লাভ হইতে পারে ? যে ব্যক্তি এই পঞ্চভূতময় অসার অনিত্য দেহের প্রতি একান্ত আসক্ত হইয়া সংসারমায়ায় বিমোহিত হয়, সে পদেপদে বিপন্ন ও প্রতারিত হইয়া থাকে । এবং কোন কালে সে ব্যক্তি জীবমুক্তি প্রাপ্ত হইতে সক্ষম হয় না ।

এই আত্মা পরমাত্মার অংশ । ইনি সর্বজ্ঞ, সর্বদর্শী, সর্বশক্তিমান ও সর্বসিদ্ধিপ্রদ । ইহার ক্ষয় বা বিনাশ নাই । এই

পঞ্চভূতময় দেহযোগের পূর্বে আত্মা একাকী পরিভ্রমণ করিতে আরম্ভ করেন। পরে পঞ্চভূতের প্ররোচনায় প্রতারিত হইয়া সুখলাভপ্রত্যাশায় পঞ্চভূতাত্মা-দেহের সহিত সংযুক্ত করিয়া থাকেন। কিরূপে এইরূপ সংঘটিত হয়, তাহা আমি সবিস্তার বর্ণন করিতেছি, শ্রবণ কর।

কশ্যপ কহিলেন, হে পতিব্রতে! নিরঞ্জন আত্মা প্রথমে ভ্রমণ করিতে করিতে, কোন স্থানে পঞ্চজন মহাপুরুষকে সন্দর্শন করিলেন। তিনি তাঁহাদিগকে সকলকেই মহাতেজস্বী ও পরম পুণ্যবান্ অবলোকন করিয়া, তাঁহাদের সহিত মিলন কামনায় নিত্য সহচর জ্ঞানকে সম্বোধন করিয়া কহিলেন, হে জ্ঞান! ঐ পঞ্চজন মহাপুরুষের সমাগম লাভে আমি একান্ত কৌতুহলী হইয়াছি। উহারা সকলেই পরম পুণ্যবান্, পরম দীপ্তিমান, এবং পরম ওজস্বান্। উহারা একত্র মিলিত হইয়া কোন মহৎ-বিষয়ের মন্ত্রণা করিতেছেন। অতএব ভূমি জানিয়া আইস, উহারা কে? কোথা হইতে আগমন করিতেছেন? এবং উহাদের উদ্দেশ্যই বা কি?

নিরঞ্জন আত্মার সেই-প্রকার বাক্য শ্রবণ করিয়া জ্ঞান কহিলেন, হে সর্বজ্ঞ! উহাদের বিষয় অবগত হইলে আপনি কি ফল লাভ করিবেন? আপনি এ অধ্যবসায় হইতে বিরত হউন! ইহাতে আপনার কোন ইচ্ছাসাধন হইবে না!

আত্মা কহিলেন, হে জ্ঞান! একপ সমানধর্মী ও সমানদর্শী পুরুষ আমি আর কখন দর্শন করি নাই। ইহারা সকলেই অনুপম রূপ ও গুণশালী। এই কারণে ইহাদের সমাগম-লাভ করিতে আমার অতিমাত্র অভিলাষ হইয়াছে। বিশেষতঃ ইহারা পাঁচজনে একত্র হইয়া পরস্পর কি পরামর্শ করিতেছেন,

তাহা অবগত হইতে আমার একান্ত কুতূহল হইয়াছে ! অতএব তুমি উহাদের নিকট গমন-পূর্বক সবিশেষ জানিয়া আইস । তোমার ক্ষমতা অসামান্য । এবং দৌত্য-কর্মে তুমি সবিশেষ পারদর্শী । এই হেতু তোমাকে অদ্য আমি এই ভার অর্পণ করিলাম ।

তচ্ছ্ৰবণে জ্ঞান করিলেন, হে দেব ! আমার বাক্য শ্রবণ করুন । আপনি এ সংকল্প পরিত্যাগ করুন । উহাদের সহিত আলাপ করা আপনার যুক্তিযুক্ত নহে । দর্শনমাত্রেই কেহ কখন বিশ্বাসের পাত্র হইতে পারে না । উহাদের সমাগমে আপনার সমূহ অকল্যাণ সংঘটিত হইবে । আমার বাক্য পরিগ্রহ করুন । উহাদের সহিত কদাপি বন্ধুত্ব করিবেন না । তাহা হইলে আপনাকে পরিণামে বিশেষরূপে পরিতপ্ত ও ক্ষতিগ্রস্ত হইতে হইবে । উহাদের চরিত্র আমার কিছুই অপরিজ্ঞাত নাই । আমি উহাদিগকে বিশেষরূপে অবগত আছি । মদীয় বাক্য অবহেলা করিয়া স্বীয় অশুভকে আহ্বান করিবেন না । আমার নিশ্চয় বোধ হইতেছে যে, সংসারসম্বোধন-কারী সুদারুণ মোহ আপনাকে আক্রমণ করিবার উপক্রম করিতেছে ।

অনন্তর সর্বজ্ঞ আত্মা জ্ঞানের সেই সারগর্ভ উপদেশ বাক্য শ্রবণ করিয়া করিলেন, হে সুভগ ! তুমি সর্বজ্ঞ ও সর্বশক্তি সম্পন্ন । কোন তত্ত্বই তোমার অবিদিত নাই । অতএব জিজ্ঞাসা করি, কি জন্য তুমি আমাকে উহাদের সহিত মৈত্রী সংস্থাপন করিতে প্রতিষেধ করিতেছ ।

জ্ঞান করিলেন, হে আত্মন । উহাদের প্রকৃতি আমার পরিজ্ঞাত আছে । উহাদের বাহ্যিক আকৃতি সন্দর্শন করিয়া আপনি উহাদিগকে পরম পুণ্যবান্, পরম দীপ্তিমান্ ও পরম

ওজস্বান বলিয়া জ্ঞান করিতেছেন। কিন্তু উহাদিগের কার্য্য সেরূপ নহে। আপনি ভাবিতেছেন যে, উহাদের সমাগম লাভে আপনি পরম পরিতোষ প্রাপ্ত হইবেন। কিন্তু তাহা নহে। উহার। সংসারের সমস্ত শোকসন্তাপের সমুদ্ভাবক। জগতে যত-প্রকার যন্ত্রণা বা দুঃখরাশি আছে, উহারাই সেই সকলের জন-য়িতা। আপনি উহাদের সহিত মিলিত হইলে, কেবল শোক ও দুঃখের ভাগী হইবেন। অতএব আপনি এ সংকল্প ত্যাগ করুন।

কশ্যপ কহিলেন, জ্ঞানের সেইপ্রকার উপদেশ বাক্য শ্রবণ করিয়া, এরঞ্জন আশ্রম অতি প্রীতিভরে কহিলেন, হে সুভগ! তোমার বাক্যই আমার সর্বতোভাবে প্রতিপালনীয়। আমি কদাপি উহাদের সহিত আলাপ বা সম্বাষণ করিব না। এই বলিয়া তিনি সর্বসিদ্ধিপ্রদ ধ্যানের আরাধনায় প্রবৃত্ত হইলেন। এদিকে উক্ত পাঁচজনও আশ্রম সমাগমলাভে নিতান্ত উৎসুক হইয়া বুদ্ধিকে আহ্বান করতঃ কহিলেন, হে কল্যাণি! তোমাকে আমাদের কোন বিষয়ে দৌত্য কার্য্যে স্বীকৃতা হইতে হইবে। আশ্রম সহিত সম্বাষণ ও তাঁহার সহিত মৈত্রী বিধানে আমরা সাতিশয় সমুৎসুক হইয়াছি। অতএব তুমি আমাদের দূতী হইয়া তাঁহার সকাশে গমন কর। তুমি আশ্রম সমীপে গমন করিয়া এই কথা বলিবে যে, আমরা সংকলেই তাঁহার সহিত সখ্যতা-সংস্থাপন করিতে একান্ত অভিলাষী হইয়াছি। বুদ্ধে! তুমি আর কালবিলম্ব না করিয়া যাহাতে আমাদের অভিলষিত সঙ্ঘেরে সজ্জাটিত হয়, সে বিষয়ে সবিশেষ যত্নবতী হও। তুমি বিনা আমাদের এ কার্য্য সম্পাদিত হইবে না। তুমিই এক্ষণে আমাদের একমাত্র অবলম্বন। অনন্তর বুদ্ধি তাঁহাদের সেই

বাক্যে সম্মত। হইয়া, আগ্নার নিকটে গমন পূর্বক বিনয়বাক্যে কহিলেন, হে সৰ্ব্বজ্ঞ ! আমি বুদ্ধি। ঐ পঞ্চজন মহাপুরুষ আমাকে আপনার নিকট প্রেরণ করিয়াছেন। উহঁারা আপনার সহিত সখ্যতা-সংস্থাপন করিবার জন্য নিতান্ত সমুৎসুক হইয়াছেন। অতএব আপনি উহঁাদিগের সহিত সম্ভাষণ ও মৈত্রী বিধান করুন। উহঁারা সকলেই অমিততেজ, মহাপ্রতাপ, মহাভাগও মহাপুরুষ। উহঁারা পরম রূপবান্ ও সৰ্ব্বগুণের নিদানস্বরূপ। এবং সৰ্ব্বতোভাবে আপনার সহিত সখ্যতা-সংস্থাপন করিবার উপযুক্ত পাত্র। আপনি এক্ষণে উহঁাদের মনোভিলাষ পরিপূর্ণ করুন। আপনি উহঁাদের সহিত মিলিত হইলে নিশ্চল সুখ-সন্তোষ কারিতে সক্ষম হইবেন। অতএব আমার বাক্য গ্রহণ করিয়া ধ্যানকে পরিত্যাগ করুন। আমরা সকলেই আপনার শুভানুধ্যান করিয়া থাকি।

বুদ্ধির সেই প্রকার বাক্য শ্রবণ করিয়া ধ্যান আগ্নাকে সম্বোধনপূর্বক কহিলেন, হে মহাগতে ! বুদ্ধির বাক্যে কদাচ বিশ্বাস করিবেন না। এ স্বীয় দুর্ভিসন্ধি সাধনের নিমিত্ত আপনার নিকট সমাগত হইয়াছে। যে পাঁচজনের কথা আপনার নিকটে উল্লেখ করিল, তাহারা সকলেই খলপ্রকৃতি। উহঁারা সংসারের শোকসন্তাপ ও দুঃখরাশির আকর। যদবধি উহঁাদের সৃষ্টি হইয়াছে, তদবধি সংসারে দুঃখরাশি প্রবেশ করিয়াছে। আপনি দুর্ভিসন্ধিপরায়াণ। বুদ্ধির প্রলোভনে প্রলুব্ধ হইয়া আগ্নসুখে জলাঞ্জলি প্রদান করিবেন না। উহঁাদের সহিত সখ্যতাসংস্থাপন করিলে আপনি একেবারে অপার দুঃখ-পারাবারে নিষ্কিণ্ড হইবেন। আপনি উহঁাদের সহিত মিলিত হইলেই জ্ঞানের সহিত আমি আপনাকে পরিত্যাগ



করিয়। যাইব। সুতরাং অনন্তসহায় হইয়া তখন আপনি পরহস্তে পতিত হইবেন। আমরা আপনাকে "পরিত্যাগ" করিলে অজ্ঞানরূপ দারুণ মোহ আসিয়া আপনাকে অধিকার করিবে। উহাদের মন্ত্রণার বিষয় আপনি কিছুই অবগত নহেন। আমি সে সমস্ত সবিশেষ জ্ঞাত আছি। উহারা আপনার দারুণ গর্ভবাসযন্ত্রণা-সংঘটনের মন্ত্রণা করিতেছে। উহাদিগের সহিত মৈত্রভাবে বন্ধ হইলেই আপনাকে গর্ভরূপ ভীষণ কারাগারে আবদ্ধ হইতে হইবে। তখন আপনি আর কোনরূপে নিষ্কৃতি লাভ করিতে পারিবেন না। গর্ভকারায় একবার আবদ্ধ হইলে, আপনি জ্ঞান ও ধ্যান কর্তৃক পরিত্যক্ত হইবেন। আমরা আপনাকে পরিত্যাগ করিলে, আপনি অজ্ঞানপাশে আবদ্ধ হইয়া নিরন্তর দুর্গিবার যন্ত্রণাশি সহ্য করিবেন। তখন আপনি আর তাহা হইতে নিষ্কৃতিলাভের উপায়ান্তর দেখিতে পাইবেন না। অতএব আপনি বুদ্ধির বাক্যে কর্ণপাত করিবেন না।

মহামতি ধ্যান এই বলিয়া নিরন্তর হইলে, আত্মা বুদ্ধিকে সম্ভাষণপূর্বক কহিলেন, অয়ি শুভে! জ্ঞান ও ধ্যান আমার একমাত্র উপদেষ্টা। আমি কোন মতে তাহাদের বাক্য অবহেলা করিতে পারিব না। তাহারা সর্বতোভাবে আমার সহায়ও আত্মা স্বরূপ। আমি সর্বদাই ইহাদের উপদেশ অনুসারে কার্য করিয়া থাকি। ইহারা যখন যে কার্যে প্রতিবেধ করে, তখন আমি কোন মতে সে কার্যের অনুষ্ঠান করি না। অতএব ইহারা যখন এবিষয়ে নিবেধ করিতেছে, তখন আমি কিরূপে তোমার বাক্যে সন্মত হইতে পারি? এক্ষণে তুমি স্বস্থানে প্রতিনিবৃত্ত হও। আমি তোমার বাক্য রক্ষা

করিতে অক্ষম। এই বলিয়া নিরঞ্জন আত্মা নিরস্ত  
হইলেন।

আত্মার তথাবিধ বাক্য আকর্ষণ করিয়া বুদ্ধি তথা  
হইতে প্রস্থানপূর্বক তাহাদের সকাশে গমন করিলেন।  
বুদ্ধিকে প্রত্যাগত নিরীক্ষণ করিয়া তাঁহারা জিজ্ঞাসা করি-  
লেন, বুদ্ধে! তুমি যে কার্যের নিমিত্ত গমন করিয়াছিলে,  
তাহার কি হইল? বুদ্ধি কহিলেন, হে মহাভাগগণ! আত্মা  
জ্ঞান ও ধ্যানের বশবর্তী হইয়া আপনাদের প্রস্থাবে অস-  
ম্মত হইয়াছেন। এক্ষণে আপনাদের যাহা যুক্তিযুক্ত হয়,  
তাহাই করুন।

বুদ্ধির বাক্য শ্রবণ করিয়া তাঁহারা তখন এবিষয়ে  
কর্তব্য চিন্তায় প্রবৃত্ত হইলেন। অনন্তর সকলে যুক্তি করিয়া  
স্বয়ং আত্মার সমীপে গমন করিতে সংকল্প করিলেন।  
এবং বুদ্ধিকে সমভিব্যাহারে লইয়া আত্মার নিকটে সমুপ-  
স্থিত হওত কহিলেন, হে মহামতে! আমরা সকলে তোমার  
সহিত মৈত্রী করিতে উৎসুক হইয়াছি। তুমি সর্বজ্ঞ ও সংসার  
সকলের সার। এই নিমিত্ত আমরা স্বয়ং তোমার নিকট  
উপাগত হইয়াছি। এক্ষণে যাহা কর্তব্য হয় তাহা বিধান কর।

আত্মা কহিলেন, হে মহাভাগগণ! তোমরা যখন  
আমার সহিত মৈত্রীকরণে অভিলাষী হইয়া সৎসকাশে স্বয়ং  
উপাগত হইয়াছ, তখন তোমাদিগকে প্রত্যাখ্যান করা অসু-  
চিত। এক্ষণে তোমরা সকলে আপন আপন গুণ ও প্রবা-  
ভের বিষয় সবিশেষ বর্ণন কর। আমি অগ্রে সে সমুদায়  
আনুপূর্বিক শ্রবণ করিয়া, পরিশেষে যাহা কর্তব্য  
বিধান করিব

মহাপ্রাজ্ঞ আত্মার সেই প্রকার বাক্য শ্রবণ করিয়া তাঁহাদের মধ্যে ক্ষিত্তি সর্বপ্রথমে কহিলেন, হে মহাভাগ ! আমি ভূমি । আমি হইতেই জীবগণের চর্মমাংস-সমন্বিত শরীর-সংস্থান সংঘটিত হইয়া থাকে । আমি না থাকিলে, এই লোকপরম্পরা কেহই ধারণ করিতে পারিত না । আমার অমাত্যের নাম নাসিকা ।

অনন্তর আকাশ অগ্রসর হইয়া কহিলেন, হে মহামতে ! আমার নাম ব্যোম ! জীবশরীরে বাহ্য ও অন্তরের অবকাশ প্রদান করাই আমার কার্য্য ! আমি থাকিতে লোকে অবকাশ বিরহে অবস্থান করিতে সক্ষম হইয়া থাকে । আমার বাসস্থান শূন্য প্রদেশ । শ্রবণ যুগল আমার অমাত্য ।

আকাশের বাক্যাবসানে বায়ু কহিলেন, হে মহাপ্রাজ্ঞ ! আমার নাম মরুৎ । প্রাণ, অপাণ, সমান, উদান, ও ব্যান নামে পঞ্চভাগে বিভক্ত হইয়া আমি নিয়ত জীবদেহে অবস্থান করিয়া থাকি । আমি হইতেই লোকের শুভাশুভ বিধান ও জীবগণের জীবন ধারণ হইয়া থাকে । আমি না থাকিলে কেহ কখন প্রাণধারণ করিয়া থাকিতে পারিত না । আমিই এ জগতে সকল কার্য্য সমাধানের একমাত্র কারণ । আমার অমাত্যের নাম ত্বক্ । ইহার গুণরাশির ইয়ত্তা করা যায় না ।

তখন তেজঃ কহিলেন, হে সর্বজ্ঞ ! আমি তেজঃ । আমার ক্রমতা অসাধারণ । আমি সর্বশরীরে সর্বদা অবস্থানপূর্বক কি বাহ্য, কি অন্তর সমুদায় দৃষ্টাদৃষ্ট প্রদক্ষিণ আমি করিবে । আমি হইতেই লোকের চেষ্ঠা ও গতি ভূমি স্থানে কে । আমি না থাকিলে জীবশরীরের নিত্য

নিয়োগ বিধান হইত না। নেত্রদ্বয় আমার অমাত্য। সেই নেত্রদ্বারাই জীবগণ বাহুবলু পরিদর্শন করিয়া থাকে।

তেজঃ এই বলিয়া বিনিবৃত্ত হইলে, জল কহিলেন, হে মহাভাগ! আমি সর্বদা সর্বশরীরে অবস্থান পূর্বক তাহাদের শুক্র, মজ্জা এবং ত্বকসন্ধিসংস্থিত রুধিরপ্রবাহ প্রদান করিয়া থাকি। এবং নিত্য অমৃত দ্বারা লোকের কলেবর পোষণ করিয়া থাকি। সেই অমৃতপ্রভাবেই লোকে জীবনধারণ করিতে সক্ষম হয়। আমি না থাকিলে লোকের জীবন করা হইত না। আমারই দ্বিতীয় নাম জীবন। জিহ্বা নামী সর্বলোক-প্রসিদ্ধা ললনা আমার অমাত্য।

অনন্তর ভূমির অমাত্য নাসিকা কহিল, আমি হইতেই জীবশরীরের পুষ্টিসাধন হইয়া থাকে। আমার কার্য্য ভ্রাণ গ্রহণ। আমি দুর্গন্ধ পরিহারপূর্বক তাহাকে প্রদর্শন এবং সুগন্ধ দ্বারা শরীর পোষণ করিয়া থাকি। পৃথিবী আমার প্রভু। আমি বুদ্ধি কর্তৃক সম্ভাবিত হইয়া সকল দেহেই নিত্য অবস্থান করতঃ প্রাণপণে প্রভুর নির্দেশ প্রতিপালন করিয়া থাকি। তাহাতে আমার কিছুমাত্র কার্য্যশৈথিল্য নাই।

শ্রুতিযুগল কহিল, মহাভাগ! আমাদের নাম শ্রবণ। আকাশ আমাদের প্রভু। বুদ্ধি দ্বারা সম্ভাবিত হইয়া আমরা শ্রবণ-ক্রিয়া সম্পাদন করিয়া থাকি। আমরা না থাকিলে কার্য্যাকার্য্য, শুভাশুভ, সত্য মিথ্যা বা প্রিয়প্রিয় কিছুই কেহ শ্রবণ করিতে পারিত না। আমাদের গুণ শব্দ। আমরা সর্বদা সর্বদেহে অবস্থান পূর্বক প্রাণপণে স্বামীর কার্য্যসাধনা করিয়া থাকি। একগণে ভবৎসমীপে আমাদের প্রভাব ও কার্য্যের বিষয় সমস্ত নিবেদন করিলাম।

কর্ণদ্বয় নিরস্ত হইলে ত্বক অগ্রসর হইয়া কহিলেন, হে মহা  
প্রাজ্ঞ ! আমার নাম ত্বক্ । স্পর্শই আমার গুণ । আমি জীব-  
গণের জীবনস্বরূপ মহাপ্রভাব বায়ুর অমাত্য । আমি না  
থাকিলে জীবগণ জড়ের ন্যায় হইয়া থাকিত । যে পঞ্চ-  
রূপাত্মক বায়ু সর্বদা সকল দেহে অবস্থিতি করিতেছে, এবং  
যাহার প্রভাবে লোকে জীবন ধারণ করিয়া থাকে তাহার  
বাহ্যভ্যন্তর সমুদায় ব্যাপার আমি সবিশেষ পরিজ্ঞাত আছি ।  
তদ্ব্যতীত শীতোষ্ণাদি ব্যাপার সমস্ত স্পর্শদ্বারা অবগত হইয়া  
লোকের সুখস্বচ্ছন্দতা সম্পাদন করিয়া থাকি ।

অনন্তর নয়নযুগল অগ্রসর হইয়া কহিল, হে মহাভাগ !  
আমরা মহাত্মা তেজের অমাত্য । আমাদের নাম নয়ন ।  
আমরা বুদ্ধিকর্তৃক প্রেরিত হইয়া সংসারের সর্বপ্রকার রূপ  
সন্দর্শন করিয়া থাকি । আমরা না থাকিলে সমস্ত সংসার  
অন্ধ ও জড়তাবাপন্ন হইত । রূপ আমাদের গুণ । এই আপ-  
নার নিকট আমাদের ব্যাপার সমস্ত যথাযথ বর্ণন করিলাম ।

নেত্রদ্বয় এই বলিয়া বিনিবৃত্ত হইলে, জিহ্বা অগ্রসর  
হইয়া কহিল, হে সত্তম ! বুদ্ধির প্রেরণায় আমি সর্ববিধরসের  
আস্বাদ গ্রহণ করিয়া থাকি । লোকে আমার প্রভাবেই  
স্বাদগ্রহে সমর্থ হইয়া থাকে । আমি না থাকিলে জীবগণ  
বাক্ শক্তি বিহীন হইত । এই আমার সমস্তব্যাপার । এবং  
এই বুদ্ধি হইতেই সমস্ত ইন্দ্রিয় পরিচালিত হইয়া থাকে ।  
বুদ্ধিহীন ব্যক্তির ইন্দ্রিয় শক্তি পরিচালিত হইতে পারে না ।  
হে সাধু ! যাহার বুদ্ধি শক্তি নাই, সে নেত্র থাকিতে অন্ধ,  
কর্ণ থাকিতে বধির এবং হস্ত পদাদি থাকিতেও অবশ ও  
চিরপুত্তলিকার ন্যায় কাল যাপন করিয়া থাকে ।

কশ্যপ কহিলেন, এইরূপে ইন্দ্রিয়গণ সকলে বিনিবৃত্ত হইলে, বুদ্ধি কহিলেন, হে মহাভাগ ! আমিই জীবগণের একমাত্র জীবনস্বরূপ। আমি না থাকিলে লোকে ক্লণকালও অবস্থান করিতে পারে না। বুদ্ধিহীন ব্যক্তি কখন সংসার পথে বিচরণ করিতে পারে না। যাহার বুদ্ধি নাই, তাহার আশু বিনাশ অনিবার্য ! হে মহামতে ! আপনি আমাকে আশ্রয় করুন। তাহা হইলে আপনার সর্ব্বার্থ মঙ্গল ও সুখলাভ হইবে। আমি হইতেই লোকে সর্ব্ববিধ সুখভোগ করিয়া থাকে। আমি ইন্দ্রিয়গণের ইন্দ্রিয় ও অচক্ষুর চক্ষু বলিয়া অভিহিত হইয়া থাকি।

বুদ্ধির বাক্যাবসান হইলে কশ্যপ কহিলেন, হে মতিমন্ ! আমার নাম কশ্যপ। লোকে যে পথে গমন করে আমিও সেই পথেই তাহার অনুসরণ করিয়া থাকি। এক্ষণে আপনার সমীপে আগমন করিয়াছি। আপনি যে পথে গমন করিবেন, আমি সেই পথেই আপনার অনুসরণ করিব।

এইরূপে সকলের বাক্যাবসান হইলে মহাপ্রাজ্ঞ আত্মা কহিলেন, তোমরা সকলেই সংসারের জীবনস্বরূপ এবং সাধারণ ধর্ম্মবিশিষ্ট। তোমাদিগেতেই এ সংসার প্রতিষ্ঠিত। কিন্তু কি কারণে তোমরা অযাচিতভাবে আমার সহিত সখ্যতা-সংস্থাপন করিতে প্রবৃত্ত হইয়াছ, তাহার যথার্থ কারণ নির্দেশ করিয়া আমার দারুণ সংশয় নিরাস কর।

আত্মার এই বাক্য শ্রবণ করিয়া পঞ্চগত্মক কহিলেন, হে মহাম ! আমাদের সঙ্গ-প্রসঙ্গেই পিও প্রাহুভূত হয়। আপনি তাহাতে বাস করিলে, আমরাও আপনার প্রসাদে সেই পিও বাস করিতে পারিব। এই কারণেই আমরা

স্বরং প্রার্থিত হইয়া ভবদীয় মৈত্রীলাভে সমুৎসুক হইয়াছি ।  
এতদ্বিন্ন আমাদের অন্য কোন অভিপ্রায় নাই । এক্ষণে  
অনুগ্রহপূর্বক আমাদের এই অভিলাষ পূরণ করিয়া  
আমাদিগকে চরিতার্থ করুন ।

হে দিতে ! আত্মা সেই পঞ্চাঙ্গকের আশ্রয়ভিত্তিক  
নিরীকণ করিয়া জ্ঞান ও ধ্যানের উপদেশ বাক্য বিস্মৃত  
হইয়া গেলেন । এবং কলকে সম্বোধন পূর্বক কহিলেন,  
হে মহাত্মা ! আমি তোমাদের বাক্যে অনুমোদন  
করিলাম । তোমাদের সহিত সখ্যতা সংস্থাপন করিতে আমি  
সর্বপ্রকারে প্রস্তুত আছি । এবং সর্ববিষয়ে আমি তোমা-  
দের প্রীতি সমুদ্ভাবন করিব । তাহাতে আর অনুমাত্র  
সংশয় নাই । আত্মার এই প্রকার অভিমত অবলোকন  
করিয়া জ্ঞান ও ধ্যান তাঁহাকে বারম্বার নিষেধ করিতে  
লাগিল । তাহার কহিল, হে মহাত্মা ! আপনি এ অধ্যাবসায়  
হইতে নিরস্ত হউন । আপনি কোনমতে ইহাদিগের বাক্য  
শিখাস করিবেন না । ইহাদিগের সহিত সখ্যতা সংস্থাপন  
করিলে, আপনি বিষম শোকহুঃখে জড়ীভূত হইবেন ।  
ইহারা আপনার মূর্তিমান বন্ধন ও সাক্ষাৎ শোকের কারণ ।  
ইহাদিগকে প্রশ্রয় প্রদান করিলে, আপনাকে দুর্গিবার  
জঠর যন্ত্রণার দন্ধ হইতে হইবে ; এবং বাল্য যৌবন  
প্রভৃতি দশান্তররূপ দারুণ ক্লেশ ও জন্মান্তর-পরম্পরা  
ভোগ করিয়া অসহ ক্লেশে অভিভূত হইতে হইবে । রোগ-  
শোক-পরিতাপ-প্রভৃতি প্রতিনিয়ত আপনাকে আক্রমণ  
করিতে থাকিবে । হে মতিমন্ ! যদি এই সমস্ত অসহ যন্ত্রণার  
স্বপ্ন হইয়া অন্তিমে নরকবাস অভিলাষ হইয়া থাকে

তবে ইহাদিগের সহবাসে প্ররূত হউন । অধিক আপ-  
নাকে আর কি বলিব ।

জ্ঞান ও ধ্যান এইরূপে বারম্বার নিষেধ করিতে  
লাগিলেও, পঞ্চাশকের প্রলোভনমুক্ত আত্মা কিছুতে তাহা-  
দের কথায় কণ্ঠপাত করিলেন না । ক্রমে লোভ-মোহদ্বেষ-  
হিংসাদি রিপুগণ আসিয়া তাঁহাতে আশ্রয় গ্রহণ করিল ।  
এবং তিনিও পঞ্চতত্ত্বে মিলিত হইয়া ক্রমে ক্রমে কায়ত্ব  
লাভ করিলেন । এইরূপে আত্মা পঞ্চাশকের সহিত প্রণয়  
সূত্রে আবদ্ধ হইয়া তাহাদের সহিত গর্ভকারায় বদ্ধ  
হইলেন । ঐ কারা বিষ্ঠামূত্রে পরিপূর্ণ ও সর্বদা দুর্গন্ধময় ।  
তিনি স্বপ্নেও ভাবেন নাই যে, পরিণামে তাঁহাকে এরূপ  
বিষম বিপদে পতিত হইতে হইবে । এত দিন স্বাধীনভাবে  
বিচরণ করিয়া পরিশেষে যে, এ প্রকার কারাবদ্ধ হইবেন,  
একথা তিনি ভ্রমেও জ্ঞান করেন নাই । সুখ ও শাস্তি  
তাঁহাকে একেবারে পরিত্যাগ করিল । তিনি, নিতাস্ত  
আকুল হইয়া কহিলেন, হে পঞ্চাশকবর্গ ! তোমরা কি  
এইরূপে রুদ্ধ ও বদ্ধ করিয়া আমাকে অশেষ যন্ত্রণার অধীন  
করিবার নিমিত্তই আমার সহিত সখ্যতা সংস্থাপন করিয়া-  
ছিলে ? হায় ! যে অবধি তোমাদের সহিত মিত্রতা সূত্রে  
আবদ্ধ হইয়াছি, সেই অবধি আমার এই দারুণ বন্ধন  
সংঘটিত হইয়াছে । তোমাদিগের সহিত বন্ধুত্ব সংস্থাপনের  
কি এই পরিণাম ? এই বলিয়া আত্মা নানাপ্রকার  
বিলাপ ও পরিতাপ করিতে লাগিলেন । তিনি বলিতে  
লাগিলেন, হায় ! কেনই বা আমি জ্ঞান ও ধ্যানের বাক্য না  
শুনিতাম ? কেনই বা এই কুটিলপ্রকৃতি পঞ্চাশকের বাক্যে



বিশ্বাস করিয়াছিলাম ? কেন আমি ইহাদের স্বভাব পরীক্ষা না করিলাম ? আমি অমৃতবোধে স্বহস্তে কালকূট বিষ পান করিয়াছি। এক্ষণে কিরূপে আমি ইহাদের হস্ত হইতে নিষ্কৃতি লাভ করিব ? কিরূপে এ অন্ধকারময় গভীর গহ্বর হইতে পরিত্রাণ প্রাপ্ত হইয়া পূর্বের ন্যায় পরম সুখে স্বাধীন ভাবে বিচরণ করিব ? আত্মা এইরূপে ও অনুরূপ নানাপ্রকার বিলাপ করিতে লাগিলেন।

সর্বত্র আত্মাকে সেই প্রকার বিলাপ করিতে দেখিয়া পঞ্চাঙ্গকবর্গ কহিল, হে মতিমন্ ! যতদিন গর্ভ পূর্ণ না হয়, তত দিন আপনাকে ইহাতে অবস্থান করিতে হইবে। গর্ভ পূর্ণ হইলেই বহির্গত হইবেন। তখন আপনার আর কোন দুঃখ থাকিবে না। আপনি অকারণে বিষন্ন হইতেছেন। নতুবা আপনার বিষাদের কোন কারণই নাই। আমরা আপনার আত্মাবহ পরিচারক। আপনি আত্মা-দিগের প্রতি যখন যাহা আদেশ করিবেন, আমরা কাল-বিলম্ব-ব্যতিরেকে তৎক্ষণাৎ তাহা সম্পাদন করিব। অধুনা আপনি কিয়ৎকাল এই গর্ভগৃহে বাস করিয়া ভৌতিক রাজ্য শাসন করুন। এরূপ চিন্তা করিবেন না যে, আপনি পরাধীন-ভাবে গর্ভকারীর আবদ্ধ হইয়াছেন। আপনার স্বাধীনতা কিছুতেই অপহৃত হইবে না। আপনি পূর্বে যে রূপ স্বাধীন ছিলেন, এক্ষণেও সেইরূপ স্বাধীন আছেন।

তাহাদের সেই প্রকার বাক্য শ্রবণ করিয়া আত্মার দুঃখরাশি আরও বর্দ্ধিত হইতে লাগিল। তিনি আত্মা-দিগকে বিশ্বাস করিয়া ভাল করি নাই। ইহারা কোন

মতে বিশ্বাসের পাত্র নহে। একগে ইহাদের হস্ত হইতে  
কৃতি লাভ না করিতে পারিলে আর কোন মতে  
মুঙ্গলের সম্ভাবনা নাই। এই ভাবিয়া আত্মা গর্তবাস হইতে  
পলায়ন করিবার নিমিত্ত সর্বতোভাবে চেষ্টা করিতে  
লাগিলেন।

## অষ্টম অধ্যায়।

কশ্যপ কহিলেন, হে পতিব্রতে ! ক্রমে ক্রমে গর্ত পরি-  
বর্দ্ধিত হইতে লাগিল। সুতরাং জঠরমধ্যে স্থান সমাবেশ  
হওয়া নিতান্ত দুর্ঘট হইয়া উঠিল। তজ্জন্য আত্মা দিন  
দিন নিম্পিষ্ট হইয়া ক্রমশঃ অধিকতর ব্যাকুল হইতে  
লাগিলেন। তাঁহার চিন্তা ও দুঃখের অবধি রহিল না। ক্রমে  
সর্বপ্রকার পীড়া আসিয়া তাঁহাকে আক্রমণ করিতে লাগিল।  
তিনি তৎপ্রভাবে সময়ে সময়ে যুচ্ছিত হইতে লাগিলেন।  
তিনি অশোযুখে গভীর গহ্বরে একাকী বাস করিতে  
লাগিলেন। এবং সর্বদা এক স্থানে আবদ্ধ থাকায়  
তিনি দিন দিন ক্ষীণ ও অবসন্ন হইতে লাগিলেন।  
ইচ্ছানুসারে তিনি আর অঙ্গসঞ্চালন করিতে সক্ষম  
হইলেন না, কেবল নিম্পন্দের ন্যায় এক স্থানে অবস্থান  
করিতে লাগিলেন।

ঐ সময়ে সর্বত্র সর্বশ্রেষ্ঠ আত্মা দারুণ যৌহ-  
কর্তৃক আক্রান্ত হইয়া নানাপ্রকার আধিব্যাধি-সমা-  
ক্রান্ত ও নিতান্ত বিপন্ন হইলেন। ক্রমে গর্তকারাবাস-

## তুমি ষষ্ঠ।

যাতনা তাঁহার পক্ষে একান্ত অসহ্য হইয়া উঠিল। তখন তিনি জ্ঞানকে সম্বোধন পূর্বক কাতরভাবে কহিতে লাগিলেন, হে সর্বাভিজ্ঞ জ্ঞান! এক্ষণে কি উপায়ে এই নিদারুণ বিপদপাশ হইতে পরিত্রাণ পাইব? আমি কি ছিলাম, আর কি হইলাম! তখন যদি তোমার ও মহামতি ধ্যানের উপদেশ বাক্য অবহেলা না করিতাম, হৃদয় দ্বির বশবস্তী হইয়া প্রবঞ্চক পঞ্চাঙ্গকের সহিত সখ্যতা সংস্থাপন না করিতাম, তাহা হইলে কখনই আমাকে ঈদৃশ অসদৃশ দুঃখরাশি উপভোগ করিতে হইত না। মহামতি ধ্যান আমাকে কত নিবেদন করিয়াছিলেন। এক্ষণে সেই উপদেশবাক্য-হেলন-জনিত দারুণ পাপের সমধিক প্রতিকল প্রাপ্ত হইতেছি। হে জ্ঞান! মহামোহ আমাকে যত্নের ন্যায় অভিভূত করিতেছে। হৃদয় আধি-ব্যাদি বৈরীর ন্যায় নিয়ত আমাকে সমধিক যন্ত্রণা প্রদান করিতেছে। আমার হৃদয় একশেষ হইয়াছে। নিদারুণ মর্দয়ন্ত্রণায় আমি একান্ত অধীর হইয়াছি। এক্ষণে কি প্রকারে এই কঠোর ঈর্ষয়ন্ত্রণা হইতে পরিত্রাণ লাভ করিতে পারিব, তুমি তাহার কোন সহুপায় উদ্ভাবন করিয়া দাও। আমি আর কদাপি তোমাদের অবাধ্যতা আচরণ করিব না। কোন মতে তোমাদের উপদেশ-বাক্যের অবমাননা করিব না।

সর্বশ্রেষ্ঠ আত্মার সেই প্রকার কাতরোক্তি শ্রবণ করিয়া, মহাপ্রাজ্ঞ জ্ঞান কহিলেন, হে দেব! এই কারণেই আমি পূর্বে আপনাকে বারম্বার নিবেদন করিয়া ছিলাম। কিন্তু আপনি আমার উপদেশ বাক্য অবহেলা

করিয়া ছুঁরাচার পঞ্চাঙ্কের করে এ অসীম যজ্ঞা ভোগ করিতেছেন । আপনি যদি তখন আমাদের নিবারণ-বাক্য শ্রবণ করিতেন তাহা হইলে কি, আপনাকে এই গভীর গর্ভগহ্বরে পতিত হইয়া সুদারুণ আধিব্যাধি-কর্তৃক সর্বক্ষণ উদ্বেজিত হইতে হইত ? একগে আপনি যদি মহামতি ধ্যানের আশ্রয় গ্রহণ করিতে পারেন, তাহা হইলে কোনরূপে এ দারুণ নরকযজ্ঞারূপ গর্ভ-যজ্ঞা হইতে নিষ্কৃতিলাভ করিতে পারিবেন । নতুবা আপনার আর উপায়ান্তর নাই ।

মহাপ্রাজ্ঞ জ্ঞানের এই বাক্য শ্রবণ করিয়া, সর্বশ্রেষ্ঠ আত্মা নিরতিশয় আনন্দ-সহকারে ধ্যানের স্মরণ গ্রহণ করিলেন । তিনি এতাবৎ কাল গর্ভবাসে যে বিষম যজ্ঞা উপভোগ করিতেছিলেন, একগে ধ্যানের আশ্রয়ে ও জ্ঞানের সহায়তায় তাঁহার সে যজ্ঞা অনেক পরিমাণে লাঘব হইয়া আসিল । তিনি মহামতি ধ্যানকে আত্মকৃত অবিম্বল্যকারিতার বিষয় উল্লেখ করিয়া বিবিধ-প্রকার অনুতাপ করিতে লাগিলেন । আত্মা কহিলেন, হে ধ্যান ! আমার দুর্দশার শেষ দশা উপস্থিত । তোমাদের উপদেশবাক্য অবহেলা করিয়া আমি গুরুতর যজ্ঞা ভোগ করিতেছি । একগে কোন রূপে আমাকে এই দারুণ যজ্ঞা হইতে পরিভ্রাণ প্রদান কর ।

আগ্নার তথাবিধ সর্বক্ষণ বাক্য শ্রবণ করিয়া ধ্যান কহিলেন, হে মতিমন্ ! আপনার শাস্তিসাধন বিষয়ে আমি সর্বতোভাবে চেষ্টা করিব । একগে আপনি জ্ঞানের উপদেশমত কার্য্য করিতে যত্নশীল হউন । তাহা হইলেই এ দারুণ যজ্ঞা হইতে

সুখিতা করিতে পারিবেন। তখন সর্বজ্ঞ আত্মাও জ্ঞানের উপদেশমত ধ্যানবলের আশ্রয় গ্রহণ করিলেন।

মহাভাগ কল্প কহিলেন, হে পতিদেবতে! সর্বদর্শী আত্মা এইরূপে ধ্যানের স্মরণগ্রহণ করায় তাঁহার মোহপাশ অশ্রুত হইয়া গেল। তিনি এতাবৎ কাল যে ভীষণ গর্ভভয়ে অতিমাত্র অভিভূত হইয়াছিলেন; নিরবচ্ছিন্ন একাকী অবস্থানে তিনি যে নিতান্ত আকুল ও বিষন্ন হইয়াছিলেন; পঞ্চা-

র সহিত মিলিত হইয়া অবধি তিনি যে নানাপ্রকার শোক, তাপ, দুঃখ ও ক্লেশপরম্পরা সহ করিতেছিলেন, এক্ষণে জ্ঞান ও ধ্যানের আশ্রয় প্রাপ্তে তাঁহার সেই ভয়, সেই বিষমতা এবং সেই সমস্ত শোক-তাপাদি একেবারে বিদূরিত হইল। এক্ষণে তিনি কথঞ্চিৎ সুস্থমনে আত্মসুখের উপায় চিন্তা করিতে লাগিলেন। তিনি ভাবিতে লাগিলেন যে, গর্ভবাস হইতে বহির্নির্গত হইয়াই, এই পাপসঙ্কুল পঞ্চভূতময় দেহ বিসর্জন করিবেন। পাপাত্মা প্রতারকগণের সহিত আর ভ্রমেও মিলিত হইবেন না। ইহারাই আমার সমুদায় দুঃখ ও বিপদের কারণ। ইহারাই আমার সমুদায় সুখশান্তি নষ্ট করিয়াছে। এইরূপ সঙ্কল্প করিয়া আত্মা পরমপিতা পরমাত্মার উদ্দেশে নানা প্রকার স্তবস্তুতি করিতে লাগিলেন। তিনি কহিতে লাগিলেন, হে জগদীশ্বর। কতদিনে আমি এই নিদারুণ নরক-যন্ত্রণা হইতে নিষ্কৃতিলাভ করিব? আর কতদিন আমাকে অন্ধের স্তায় বন্দী ভাবে এই ভীষণ কারাবাস-যন্ত্রণা ভোগ করিতে হইবে? কি পাপে আমার ডাগো এই বিষম বিষময় পরিণাম সংঘটিত হইল? কতদিনে আপনি আমাকে এই কঠোর অঠর-যন্ত্রণা হইতে পরিচ্রাণ প্রদান করিবেন?

হে পতিব্রতে দিতে ! সর্বজ্ঞ সর্বদর্শী আত্মা এইরূপ চিন্তা করিতে করিতে সেই গর্ভকারায় বিবর্তিত হইতে লাগিলেন । ক্রমে প্রসবকাল সমুপস্থিত হইল । প্রাঙ্গাপত্য নামক বলবান্ বায়ু-কর্তৃক ঐ গর্ভ প্রবলবেগে পরিচালিত হওয়ায়, ষোনি-বিভাগ এককালে চতুর্বিংশতি অঙ্গুলি বিসারিত হইয়া গেল । এবং তদ্বারা পঞ্চবিংশতাঙ্গুল গর্ভ অতি কষ্টে বিনিঃসৃত হইল । এইরূপে নিতান্ত নিপীড়িত হওয়াতে, আত্মা মুচ্ছিত ও অবসন্ন হইয়া ভূতলে পতিত হইলেন । সেই সময়ে বিশ্ববিমোহিনী মায়ী আসিয়া তাহাকে স্পর্শ করিল । মায়ীর স্পর্শমাত্রে তিনি জ্ঞান ও ধ্যানকে বিস্মৃত হইয়া জননীর মায়ী সঞ্চারণ করতঃ ক্রন্দন করিতে লাগিলেন । ক্রমে সংসারমোহ বলবান্ হইয়া তাহাকে আক্রমণ করিল । এইরূপে তিনি মায়ামোহ কর্তৃক আত্মীকৃত হইয়া সর্বদা প্রিয়পদার্থের অন্বেষণ করিতে লাগিলেন । দিন দিন তাহার স্তনপানের অভিলাষ বৃদ্ধি হইতে লাগিল । আত্ম-রূত প্রতিজ্ঞার সহিত গর্ভবাসের দারুণ যন্ত্রণা একেবারে বিস্মৃত হইলেন ।

এইরূপে তিনি কখন ক্রন্দন, কখন হাস্য, কখন ক্রীড়া কখন কৌতুক এবং কখন বা রোগাদিতে অভিভূত হইয়া জড়ের ন্যায় শয়ন ও উপবেশন পূর্বক সংসারপথে ধাবমান হইতে লাগিলেন । ক্রমে তিনি আশা ও পিপাসার বশবর্তী হইয়া চক্র-পতিতের ন্যায় ইতস্ততঃ ঘূর্ণমাণ হইতে লাগিলেন । তাহার সুখ ও স্বস্তি দূরে পলায়ন করিল ।

হে পতিদেবতে ! স্বপ্নপ্রাণ শফরী মৎসজীবী কর্তৃক জালে বদ্ধ হইলে, সে যেকোন গতিশক্তি-হীন হইয়া থাকে, সর্বজ্ঞ সর্ব-প্রভু আত্মাও পঞ্চায়াকবর্গের সংসর্গে বিষম বিষয়ব্যাপার-সমূহে

বিত্রত হইয়া তদপেক্ষা অধিকতর আকুল ও দুর্দশাগ্রস্ত হইলেন। মোহমায়ার দারুণ পাশে তিনি স্তূড়কপে আবদ্ধ হইয়াছেন; আর তাঁহার পলায়নের শক্তি নাই। ছুরন্ত রুতান্তসম নিষাদ-গণের দারুণ বাণুরা মধ্যে আবদ্ধ হইলে শান্তশীল যুগকুল যে-প্রকার আকুল ও জড়ভাবাপন্ন হয়, সর্বদর্শী আত্মারও সেই প্রকার শোচনীয় অবস্থা সংঘটন হইয়াছে। ভূতপ্রপঞ্চের-প্রতারায় প্রতারিত হইয়া, তিনি যে গর্ভকপ ভীষণ কারাগারের দারুণ যন্ত্রণা উপভোগ করিয়াছিলেন, এক্ষণে তাঁহার সেই যন্ত্রণা পুনরায় নবীভূত হইয়া উঠিল। গর্ভবাস-কালে জ্ঞান ও ধ্যানের সহবাসাশ্রয় প্রাপ্ত হইয়া তাঁহার সে ভীষণ যন্ত্রণাশির অনেক পরিমাণে উপশম হইয়াছিল। কিন্তু গ্রহবৈগুণ্যবশতঃ জ্ঞান ও ধ্যান এক্ষণে তাঁহাকে পরিত্যাগ করিয়া পলায়ন করিয়াছে। তাহাদের পরিবর্তে তিনি এক্ষণে রোগ-শোক-পরিতাপ-প্রভৃতি উৎপাতপরম্পরায় পরিবেষ্টিত। কাম, ক্রোধ, লোভ, মোহ, আসিয়া তাঁহার উপর আধিপত্য বিস্তার করিয়াছে। কখন বা প্রিয়বিরোধে, কখন বা অপ্রিয়সংযোগে তাঁহার হৃদয় বিদলিত হইতে লাগিল।

এইরূপে সর্বদর্শী সর্বপ্রভু আত্মা ভার্যাদি বন্ধুবান্ধবগণে পরিবারিত হইয়া, দিন দিন অধিকতর আকুল ও ব্যাকুল হইতে লাগিলেন। এবং মহামোহে সমাক্রান্ত হইয়া, আমার ভার্য্যা, আমার পুত্র, আমার গৃহ, আমার কন্যা, আমার মিত্র ইত্যাদি অসার সংসারের অলীক অস্বল্প স্বল্প কাম্পনার অনুসরণ করিতে লাগিলেন। 'আমার' এই ভ্রান্তি তাঁহার অন্তঃকরণে ক্রমেই দৃঢ়মূল হইয়া উঠিল। পরমার্থচিন্তা এককালীন পরিত্যাগপূর্বক নিরন্তর এই মায়াময় বিশ্বসংসারের গতিবিধির অনুসরণ করিতে

লাগিলেন । এইরূপে তিনি একেবারে পরিণামপথ বিস্মৃত হইয়া দারুণ অজ্ঞানতমসায় আচ্ছন্ন হইয়া পড়িলেন । অকিঞ্চিৎকর অনিত্য সুখের জন্য নিত্য সুখের পথ একেবারে রুদ্ধ করিলেন । সংসারমায়ার বিমোহিত হইয়া সন্তোষরূপ অমৃতের পরিবর্তে আধিব্যাধিশোকতাপরূপ দারুণ হলাহল সঞ্চয় করিতে লাগিলেন । কখন পুত্রশোকে, কখন স্ত্রীবিয়োগে, কখন বন্ধুবিচ্ছেদে নিতান্ত ব্যথিত হইতে লাগিলেন । কখন বা দাবদধ কুরঙ্গের ন্যায় রোগশোকপরিতাপানলে নিতান্ত বিদগ্ধ হইয়া যন্ত্রণাসাগরে সম্ভরণ করিতে লাগিলেন । কখন দারুণ মোহ আসিয়া তাঁহাকে আক্রমণ করিতে লাগিল । কখন ক্ষুধা, তৃষ্ণা, বিষয়লালসা ও প্রভুসেবা অপরিহার্য হইয়া পদে পদে তাঁহার অন্তরের সুখশান্তি অপহরণ করিতে লাগিল । কখন দারুণ অভিমানভরে আক্রান্ত হইয়া, কখনও বা মান ও মনোচঞ্চলজনিত দুর্নিবার দুঃখপরম্পরায় পরিব্যাপ্ত হইয়া উন্নতের ন্যায় সংসারমার্গে বিচরণ করিতে লাগিলেন । তখন এই সংসার তাঁহার পক্ষে দাবানলপ্রজ্বলিত ভীষণ অরণ্যের ন্যায় বোধ হইতে লাগিল । ক্রমে তাঁহার দুর্দশার শেষ দশা উপস্থিত হইল । তিনি সংসার-জ্বালায় একান্ত জ্বালায়মান হইয়া সুখলাভের নিমিত্ত ইতস্ততঃ পরিভ্রমণ করিতে লাগিলেন । কিন্তু অনিত্য জগতে সুখ কোথায় ? তিনি সুখলাভেচ্ছায় ইতস্ততঃ পরিভ্রমণ করিয়া দিন দিন ক্লান্ত ও দুর্বল হইয়া পড়িলেন । ক্রমে তাঁহার বার্কক্য নয়া উপস্থিত হইল । বার্কক্যের সমাগমেই জরার প্রাদুর্ভাব হইল । এক্ষণে তিনিও সেই বয়োৰূপনাশিনী জরাক আক্রান্ত হইয়া হতচেতনপ্রায় হইয়া পড়িলেন । তাঁহার



আর উঠিবার কি চলিবার কোন শক্তি রহিল না। জ্বরার দারুণ প্রভাবে তিনি একেবারে জড়ের ন্যায় অবশ ও অবসন্ন হইয়া পড়িলেন। শ্বাসকশাশাদি নানাবিধ রোগ ক্রমে ক্রমে তাঁহার দেহকে আশ্রয় করিতে লাগিল। এক্ষণে চিন্তাই একমাত্র তাঁহার উপাস্যা হইল। আহারনিদ্রা একেবারেই তাঁহাকে পরিত্যাগ করিল। কি দিবাভাগে কি রাত্রিযোগে তিনি কোন সময়েই তিলার্কের জন্য বিশ্রামলাভজনিত শান্তিসুখ অনুভব করিতে পাইতেন না। দিবসে শিশুর ক্রন্দনে, পরিজনের যকলাহলে, প্রতিবেশীগণের কলহে তিনি মুহূর্তের নিমিত্তও শান্তিলাভ করিতে পারিতেন না। এবং রজনীতে জ্বরার দারুণ যন্ত্রণায় এবং মধ্য মধ্য ভীষণ দুঃস্বপ্ন দর্শনে তাঁহার সুখশান্তি একেবারে ভঙ্গ হইতে লাগিল। এইরূপে তিনি জরাব্যাদিমোহ-মায়াপাশে নিতান্ত জর্জুরীভূত হইয়া দুর্গম সংসারপথে অতি কষ্টে বিচরণ করিতে লাগিলেন।

এইরূপে সংসারক্লেশে অতিকষ্টে কালান্তিপাত করিতে করিতে আশ্রয় সহিত কোন মহাপুরুষের সাক্ষাৎ হইল। সেই মহাপুরুষের নাম বীতরাণ। তিনি কামক্রোধলোভমোহাদি-শূন্য এবং দ্বেষহিংষাদি-পরিবর্জিত। সাক্ষাৎ শান্তিদেবী শরীরপরিগ্রহ করিয়া তাঁহার সম্মুখে বিরাজমান। সরলতা ও মাধুরী তাঁহার অঙ্গের শোভা সম্পাদন করিতেছে। তিনি নিঃসঙ্গ, নগ্ন ও অব্যগ্র। আগ্না তাঁহার সেই প্রকার শান্তিময়ী মূর্তি অবলোকন করিয়া তাঁহাকে সম্বোধন পূর্বক কহিলেন, হে মহাভাগ! আপনি কে? আপনি কিরূপে নগ্নদেহে যথাতথা বিচরণ করিতেছেন? আপনার কি কিছু-মাত্র লজ্জাভয় নাই? আপনি কিরূপে সর্বসাধারণের সমক্ষে

একপ বিবস্ত্র হইয়া রহিয়াছেন? আমি ইহার কোন কারণ বুঝিতে পারিতেছি না। আগ্নার এই বাক্য শ্রবণ করিয়া বীতরাগ কহিলেন, হে মতিমন্! তুমি কি আমাকে নগ্ন নিরীক্ষণ করিতেছ? কিন্তু আমিও নগ্ন নহি। আমি আশ্চর্য্যে আপনাকে নগ্ন বলিয়া জ্ঞান করি না। ইন্দ্রিয়বিষয়াধীন ব্যক্তিরাই মর্যাদাজ্ঞান-পরিবর্জিত হইয়া থাকেন। মর্যাদাহীন ব্যক্তিরাই নগ্ন এবং তাঁহারাই সর্বদা লজ্জা ও ভয়ের অধীন। তুমি মর্যাদাহীন ও ইন্দ্রিয়বিষয়সমূহের বশবর্তী। কিন্তু অক্ষয়ী সেক্ষণ নহি; আমার মর্যাদা আছে। সুতরাং আমি নগ্ন নহি।

বীতরাগের এই প্রকার বচনাবলি আকর্ষণ করিয়া আত্মা বিস্মিত হইলেন। তিনি ভাবিলেন যে ইনি সামান্য পুরুষ নহেন। অতএব মর্যাদা কাহাকে বলে তাহা অবগত হওয়া উচিত। তখন তিনি বীতরাগকে সম্বোধনপূর্বক কহিলেন, হে ধৃতব্রত! আপনার কথাবার্তা ও ভাবভঙ্গি সমুদায়ই আপনার অমানুষি শক্তির পরিচয় প্রদান করিতেছে। অতএব জিজ্ঞাসা করি, পুরুষের মর্যাদা কাহাকে বলে, অনুগ্রহপূর্বক স বিশেষ বর্ণন করিয়া আমার কৌতূহল নিবারণ করুন। বীতরাগ কহিলেন, হে সুভগ! বাহার চিত্ত সংসারের সুখ-দুঃখ-বিষয়-ভোগ-চিন্তায় কোন রূপে অভিভূত না হয়, কামক্রোধাদি রিপু-গণের সহিত ইন্দ্রিয়গণ প্রবল হইয়া বাহার উপরে আধিপত্য করিতে না পারে, সেই ব্যক্তিই যথার্থ মর্যাদাশালী পুরুষ। কিন্তু তুমি সংসারমায়ায় মোহিত হইয়া ইন্দ্রিয়গণের দাসত্ব করিতেছ। লোভ ও কামের অধীনতা স্বীকার করিয়াছ। তুমি এক মুহূর্তের নিমিত্ত বিষয়লালসা পরিত্যাগ করিতে পার না। শোকদুঃখাধিব্যাধির সহিত দাক্ষ্য, ভয়, লজ্জা,

উদ্বেষ্ট ও চিন্তা তোমাকে সর্বতোভাবে আশ্রয় করিয়াছে, সুতরাং কিরূপে তুমি মর্যাদাসিদ্ধ হইতে পারিবে? তুমি এই পাপময় ইন্দ্রিয় সেবা পরিত্যাগ কর। নরকজননী বিষয়লাল-লাকে মন হইতে দূর করিয়া দাও। সংসার-সম্মোহনকারী দাক্ষণ মায়াপাশ ছিন্ন কর। মর্যাদা স্বতঃপ্রসূত হইয়া তোমাকে আলিঙ্গন করিবে। তাহাতে অনুমান সন্দেহ নাই।

অনন্তর আশ্রয় কহিলেন, আপনি যে লজ্জার বিষয় বলিলেন তাহার কিরূপ প্রভাব আমার নিকট সবিস্তর বর্ণনা করুন। এবং যে যে রূপে লোকসকল পরিকীর্তিত হইয়া থাকে তাহাও আমার নিকট আনুপূর্বিক বর্ণনা করুন। এই সমুদায় শ্রবণ করিতে আমি অতিশয় কৌতূহলী হইয়াছি। বীতরাগ কহিলেন, হে মানদ! লজ্জার প্রভাব অসীম। লজ্জার প্রভাবে লোকের মন সর্বদা মুচ্ছিত ও কামনার বশবর্তী হইয়া থাকে। তুমি এক্ষণে সেই লজ্জাকর্তৃক সর্বতোভাবে আক্রান্ত হইয়াছ। আশ্রয় জিজ্ঞাসা করিলেন, লজ্জা কাহাকে বলে। বীতরাগ কহিলেন, যাহার দ্বারা পঞ্চাত্মার সংলীন হয় তাহাকেই লজ্জা বলা যায়। তুমি পঞ্চাত্মাসহযোগী এই মাংসপিণ্ডময় দেহকে লাভ করিয়াছ; এই কারণে লজ্জা সর্বতোভাবে তোমার দেহকে আশ্রয় করিয়াছে। কিন্তু যাহাতে এই পঞ্চাত্মকের যোগ বা লয় নাই এবং যিনি এক ও অদ্বিতীয়, সেই দিব্য পুরুষ কখন লজ্জার বশীভূত হন না। তিনি দিব্যশক্তিসমন্বিত। ইন্দ্রিয় সেবাদি পরিহার করিলে তুমিও সেইরূপ হইতে পারিবে। এক্ষণে সৃষ্টির প্রকার পরিকীর্তন করিতেছি, শ্রবণ কর। কুম্ভকার যেরূপ মৃৎপিণ্ড হইতে স্বেচ্ছানুরূপ নানাপ্রকার ঘটাদি নির্মাণ করিয়া থাকে, সেই পরমাত্মা দিব্য পুরুষ স্বীয়

ইচ্ছানুসারে জগতের সর্বপ্রকার সৃষ্টিকার্য সম্পাদন করিয়া থাকেন। এবং ঘটাদি যেমন পরিণামে বিনাশ ও লয় প্রাপ্ত হইয়া থাকে। সেইরূপ সৃষ্টপদার্থমাত্রই নাশ ও লয়শীল।

অর্থাৎ যাহার জন্ম আছে তাহারই নাশ আছে। কোন রূপে কোনকালে এই নিয়মের ব্যতিক্রম হয় না। ক্ষয়লয়-বর্জিত সনাতন লোক কুত্রাপি দৃষ্টিগোচর হয় না। একমাত্র সেই দিব্য পরম পুরুষ পরমাত্মাই অক্ষয়, অনন্ত, অদি ও অনাদি। তিনি সকলের অবধি রূপে সর্বত্র সর্বক্ষণ বিরাজমান করিতেছেন। ক্ষিতি, অপ্, তেজঃ, মরুৎ ও ব্যোম ইহারা সর্বত্রই বিরাজমান আছে এবং এই ভূতপ্রপঞ্চের সমষ্টিতেই জীবদেহের উৎপত্তি হইয়া থাকে। পিতা, মাতা, পুত্র, কন্যা সকল দেহেই যখন ইহারা সমভাবে প্রবর্তিত হইতেছে, তখন লজ্জাবিধান কোনরূপেই হইতে পারে না। যেকপ একচন্দ্র সহস্র জলাধারে সমভাবে বিরাজমান হন, সেইরূপ এক ভূমি সর্বদা সকলের শরীরে সমভাবে বিরাজমান রহিয়াছে। ভূমি সর্বজ্ঞ ও সর্বদর্শী হইলেও মহামোহে আবদ্ধ হইয়া জীবসহস্রে অবস্থান করিতেছে। সংসারের স্বাবর অস্বাবর সকল পদার্থেই তোমার সম্পর্ক ও সংস্থান আছে। ভূমি পাপময় মোহময় মায়াময় যোনিদ্বারা পীনোন্নত বা বিগলিত পয়োধরদ্বারা এবং সুকুমার বা জরাজীর্ণ বয়সের দ্বারা নরকজননী স্ত্রীশরীরেও আবির্ভূত হইয়া অবস্থান কর। এ বিষয়ে কন্যা স্ত্রী মাতা ভাগিনী কিছুতেই তোমার ইতরবিশেষ নাই। অতএব তুমি কাহার লজ্জা করিবে? যাহারা তোমার সংসর্গী, তাহারা কিরূপে তোমায় লজ্জা করিতে পারে? হে সর্বজ্ঞ! লোকসকলের যাহাতে আশু-পতন হয়, সেই কারণে বিধাতা বুদ্ধিকে সৃষ্টি করিয়া মোহরূপ

প্রদর্শন করিয়াছেন। নারীজাতি তাহার প্রধান উদাহরণ। আর তুমি যাহাকে নারী বলিয়া জ্ঞান করিতেছ, সে কখন নারী নহে। বিধাতা কামরূপী। তিনি আশ্বিনোদ সম্পাদন-কর্মণায় ঠালাসহায়ে এই বিশ্বসংসার সৃষ্টি করিয়াছেন। তাঁহার অভিপ্রায় দূরবগাহ, তিনি এককালীন স্ত্রীপুরুষ উভয়েই সৃষ্টি করিয়াছেন।

স্ত্রী-পুরুষ সর্বত্র সমভাবে অধিষ্ঠান করিতেছে এবং উভয়েই জীবশব্দে বাচ্য। যাহাদের পয়োধর ও যোনি নাই তাহারাই পুরুষ বলিয়া পরিগণিত। এবং যিনি সর্বতোভাবে ঐরূপ কুচযোনির সম্পর্কমাত্রে অনুলিপ্ত, তিনিই জীবমুক্ত। মন পুরুষের স্বরূপ এবং প্রকৃতি স্ত্রীর স্বরূপ বলিয়া পরিকীর্তিত হইয়া থাকে। এই স্ত্রীরূপিনী প্রকৃতি পুরুষের সহিত রমণ করিয়া থাকে। ভাবিয়া দেখিলে, সকলেই পিতামাতা, সকলেই পুত্র-কন্যা, সকলেই ভ্রাতা-ভগিনী। কিন্তু সংসারে কোন্ ব্যক্তি ইন্দ্রিয়মুখ চরিতার্থ করিতে বিরত হইয়া থাকে? কোন্ ব্যক্তি বা সর্বভূতে আশ্রয় সংস্থাপন করিতে পারে? কোন্ ব্যক্তি আসঙ্কলিপ্সা ও সুহৃদমতা ছিন্ন করিয়া সমদর্শী হইতে পারে? কিম্বা কোন্ ব্যক্তি বিষয়ভোগবাসনা হইতে বিরত হইয়া বৈরাগ্যের আশ্রয় গ্রহণ করিয়া থাকে?

তুমি এক্ষণে মোহপাশে আবদ্ধ হইয়া কলুষময় নরক-প্রতিম সংসারকূপে পতিত রহিয়াছ। সুতরাং এক্ষণে তোমার আত্মজ্ঞান নাই। মোহের দারুণ অন্ধকারে তোমার জ্ঞান-চকুঃ একেবারে আবৃত রহিয়াছে। এক্ষণে তুমি আত্ম-মর্যাদা-বিবর্জিত ও সত্যজ্ঞানচ্যুত হইয়া সর্বতোভাবে ভ্রান্তমুখে অনুসারী হইয়াছ। তন্নিবন্ধন তুমি আমাকে বিবস্ত্র ও

লজ্জাভয়হীন ইত্যাদি বলিয়া তিরস্কার করিতেছ। তুমি-  
শান্তির সুখময় প্রসাদলাভে সম্পূর্ণ বঞ্চিত রহিয়াছ। এক্ষণে  
যাহাতে তোমার এই দারুণ মোহাকারক বিদুরিত ও বিজ্ঞান-  
বল পুনরাগত হয়, সে বিষয়ে সবিশেষ যত্নশীল হও। শান্তির  
নির্মল জ্যোতিঃ তোমার সুদূরপর্যায়ত রহিয়াছে। এক্ষণে  
একমাত্র সেই শান্তির সেবা কর তাহা হইলে তোমার সকল  
দুঃখের অবসান হইবে।

বীতরাগ কহিলেন, হে সৰ্ব্বজ্ঞ ! তুমি স্ত্রীর স্বরূপ আনু-  
পূর্বিক শ্রবণ করিলে, এক্ষণে বৃদ্ধা স্ত্রীর লক্ষণ কীর্তন করিতেছি,  
শ্রবণ কর। যাহার মাংস গলিত হইয়াছে, কেশ ও শরীরের  
লোমাবলীসকল শুক্লবর্ণ ধারণ করিয়াছে এবং শক্তি শিথিল হইয়া  
গিয়াছে লোকে সাধারণতঃ তাহাকেই বৃদ্ধা বলিয়া থাকে।  
কিন্তু আমার মতে ঐরূপ স্ত্রী বৃদ্ধাপদবাচ্যা নহে। বয়োরূপ-  
বিনাশিনী জরার আক্রমণে সকলেই উক্ত প্রকার বৃদ্ধত্ব প্রাপ্ত  
হইয়া থাকে। বস্তুতঃ সংসারীমাত্রেই বাল্য, যৌবন ও বার্দ্ধক্য  
এই দশাত্রয়ের অধীন। হে সৰ্ব্বজ্ঞ ! যে নারী জ্ঞানপ্রভাবে  
নিত্য পরিবর্দ্ধিত হইয়েন, সংসারপাশ যাহাঁকে স্পর্শমাত্র  
করিতে পারেনা, যাহাঁর বুদ্ধি সৰ্বদা পরমার্থপদবীতে  
প্রধাবিতা, সে নারী যুবতী হইলেও বৃদ্ধাপদবাচ্যা। তাঁহার  
কেশাদি পলিত না হইলেও তাঁহার বৃদ্ধত্ব সিদ্ধ হইয়া থাকে।  
হে মহাপ্রাজ্ঞ ! ঐদৃশী জ্ঞানবৃদ্ধা ললনাকেই লজ্জা করা কর্তব্য।  
এবং ইনি সংসারে সৰ্বদাই অখণ্ডিত প্রতিষ্ঠা প্রাপ্ত হইয়া  
থাকেন।

অনন্তর মহাপুরুষ বীতরাগ পুনর্বার কহিলেন, হে সৰ্ব্বজ্ঞ !  
তুমি যে মাতার কথা উল্লেখ করিয়া আমাকে নিলজ্জিত বলিয়া

[ তিরস্কার করিলে, সংসারে সেক্ষপ জননী কোথায়? অর্থাৎ ষাঁহাকে দেখিলে লজ্জা করিতে হইবে সেক্ষপ-জননী জগতে অসুলভ। জগতে জননী সকলেই হইতে পারে কামরূপী বিধাতা যখন স্ত্রীপুরুষের সৃষ্টি করিয়াছেন, তখন স্ত্রীপুরুষমাত্রেই জননী-শক্তি প্রাপ্ত হইয়াছে। ফলতঃ লোকে ষাঁহাকে জননী বলিয়া নির্দেশ করে, তিনি কখন প্রকৃত জননী পদের বাচ্য হইতে পারেন না। হে মহামতে ষাঁহার চেতনাশক্তি অলৌকিক - অসুলভ যাহা অশাস্ত হয় না, ষাঁহা হইতে লোকের পরম জ্ঞান সাধন হইয়া থাকে, যিনি জীবগণের জীবন-ধারণের প্রকৃষ্ট সাধন, যিনি সাধারণের হিতবিধান কারণে সর্বলোকে প্রতিষ্ঠিত হইয়াছেন, এবং ষাঁহার প্রভাবে লোকে পরমার্থ পথ পরিস্ফুরণপূর্বক সুখসচ্ছন্দে স্ব স্ব জীবন যাত্রা নির্বাহ করিয়া থাকে, সেই স্মৃতি প্রজ্ঞাই এক মাত্র জননীপদ বাচ্য। মনীষিগণ এই প্রজ্ঞাকেই মাতা বলিয়া নির্দেশ করিয়া থাকেন। ফলতঃ প্রজ্ঞা না থাকিলে সংসার কোন মতেই বুদ্ধিপথের অভিমুখীন হইতে পারে না। প্রজ্ঞাই সংসারাবদ্ধ জীবনের উন্নতির এক মাত্র কারণ। লোকে সংসারসঙ্কটে পতিত হইলে, কেবল একমাত্র প্রজ্ঞাই সেই সময়ে পথ প্রদর্শিনী হইয়া জীবগণকে সেই বিপদাবর্ত হইতে উদ্ধার করিয়া থাকে। এই নিমিত্ত বুদ্ধগণ সংসারে প্রজ্ঞার মাতৃরূপ সমাখ্যাতি প্রদান করিয়াছেন।

মহাপুরুষ বীতরাণের এই সমস্ত বাক্য শ্রবণ করিয়া আত্মা একেবারে বিস্ময়সাগরে নিমগ্ন হইলেন। এবং কিয়ৎক্ষণ স্থিরভাবে অবস্থান করিয়া কহিলেন, মহাতাগ! আপনি কে? আপনার নাম কি? এবং কোথায় আপনার

কামস্থান ? আপনার দর্শনমাত্রালাভেই আমি পরমসুখ অনুভব  
করিয়াছিলাম ; এক্ষণে আপনার এই জ্ঞানগর্ভ অমৃতো-  
পম বচনাবলি শ্রবণ করিয়া ততোধিক পরিতুষ্ট হইলাম ।  
আমি এতদিন যে দারুণ সস্তাপানলে দগ্ধ হইয়া আসিতে  
ছিলাম, এক্ষণে আপনাকে প্রাপ্ত হইয়া আমার সে সস্তা-  
পাগ্নি এককালীন নির্বাপিত হইয়া গেল । এতদিনের  
পর আমার সংসারযাতনাতারের লাঘবতা সম্পাদিত  
হইল । এক্ষণে অনুগ্রহপূর্বক আত্মপরিচয় প্রদান করিয়া  
মামাকে চরিতার্থ করুন ।

বীতরাগ কহিলেন, হে সর্বজ্ঞ ! যাহার প্রভূত প্রভাবে  
কামাদি রিপুগণ পরাজিত হইয়া দূরে পলায়ন করে, আশা,  
তৃষ্ণা ও বিষয়ভোগবাসনা যাহার নিকট ক্ষণকালের নিমিত্ত  
স্থান প্রাপ্ত হয় না, যিনি এই সংসারকে অসার, অনিত্য  
ও ক্ষণস্থায়ী বলিয়া জ্ঞান করেন, যাহার প্রভাবে জীবগণ  
আত্মদোষ অনুধাবন ও কার্য সকলের যথাযথ গতি বিনি-  
র্গম করিতে পারে, আমি সেই সংসারপ্রসিদ্ধ বীতরাগ ।  
যে আশার মোহপাশে মুগ্ধ হইয়া জীবগণ অসাধ্যসাধনেও  
প্রবৃত্ত হইয়া থাকে, পদে পদে প্রতারিত হইয়াও লোকে  
যে আশাকে পরিত্যাগ করিতে পারে না, যাহার মায়া-  
জালে পতিত হইয়া জীবগণ সামান্য সুখের নিমিত্ত স্বীয়  
প্রাণও পণীভূত করিতে কাতর হয় না, কি বালক, কি যুবা,  
কি বৃদ্ধ, কি পক্ষু, কি আতুর, কি অন্ধ ; ব্যক্তিমাতেই যাহার  
প্রতারণায় প্রতারিত হইয়া নানা প্রকার অসম্ভব কল্পনায়  
প্রবৃত্ত হইয়া থাকে, সেই আশারূপ ঘোর মায়াবিনী আমার  
নিকটে তিলার্দ্ধের নিমিত্তও স্থান প্রাপ্ত হয় না । জ্ঞান-



বুদ্ধিবিধ্বংসকারী পরম রিপু ক্রোধ আমার দর্শনমাত্র দূরে পলায়ন করিয়া থাকে। সংসারসংযোহনকারী দারুণ মোহ আমার নাম শ্রবণমাত্র সূর্য্যোদয়ে ভিমিররাশির স্থায় তিরোহিত হইয়া যায়। অধিক কি, হুরাকাক্ষা ও হুরধ্যবসায় যাহার নিত্যসহচর, এবং ত্রিভুবন গ্রাস করিয়াও যাহার বিনিবৃত্তি সাধন হয় না, সেই লোভরূপ হুরস্তু পিশাচও আমার ত্রিসীমায় আসিতে পারে না। হে মনোজ্ঞ ! তোমার মঙ্গল হউক ! তুমি সংসারবন্ধন ছিন্ন করতঃ যুক্তি পথের অভিযুখীন হও ! এবং মদীর ভ্রাতা বিবেককর্তৃক সযত্নে সমদৃত হও ।

আত্মা কহিলেন, হে মহাত্মন ! আপনার ভ্রাতার রূপ ও লক্ষণ বর্ণন করিয়া আমার কৌতূহল পরিতৃপ্ত করুন।

বীতরাগ কহিলেন, হে মতিমন্ ! তোমার নিকট তাঁহার রূপ বা লক্ষণাদির বিষয় কিছু বর্ণন না করিয়া তাঁহাকে আমি তোমার সমক্ষে আহ্বান করিতেছি, তুমি স্বয়ং তাঁহার পরিচয় গ্রহণ কর। এই বলিয়া তিনি সুমধুরসম্ভাষণে বিবেককে আহ্বান করিয়া কহিলেন, হে মহাভাগ ! তুমি তোমার পত্নীদ্বয়সহ সত্বরে এই স্থানে আগমন কর।

ভ্রাতার আহ্বান শ্রবণ করিবামাত্র মহামতি বিবেক ভার্য্যাদ্বয়সমভিব্যাহারে সত্বরে তথায় সমাগত হইলেন। তাঁহার পত্নীদিগের নাম কমা ও শান্তি। ইহঁাহারা উভয়ে সমানরূপেওগশালিনী ও সর্ব্বশূলক্ষণসম্পন্ন। ইহঁারা যঁাহাকে আশ্রয় করেন তিনি সর্ব্বশুখসমৃদ্ধিসম্পন্ন ও সর্ব্ব-বিষয়ে কল্যাণভাজন হইয়া থাকেন, এবং সন্তোষ ও আনন্দ চিরকাল তাঁহার পরিচর্যা করিয়া থাকে। যে স্থানে

ইহাদের সমাগম নাই, সে স্থান হুঃখের জন্মভূমি, পাপের বিলাসস্থল, অসুখের ক্রীড়ামন্দির এবং অসন্তোষের কৌতুকাগাররূপে পরিগণিত হয়। যে স্থানে কমা ও শান্তির অভাব, সে স্থানে সুখ ও স্বস্তির সম্পর্ক নাই।

কশ্যপ কহিলেন, হে পতিদেবতে দিতে ! যেমন দিন-প্রকাশক প্রভাকরের প্রকাশে জগতের সমুদায় তিমির-রাশি একেবারে তিরোহিত হইয়া যায়, তদ্রূপ সর্বদর্শী, সর্বজ্ঞ, সর্বগামী, সর্বব্যাপী, সর্বতত্ত্বপরায়ণ ও সর্বজ্ঞান-বিশারদ বিবেকের উদয়ে লোকের হৃদয় হইতে বিষম সন্দেহ-জালরূপ অন্ধকাররাশি এককালীন দূরীভূত হইয়া যায়। তাঁহার সহিত জ্ঞান ও বিজ্ঞানের পরম বন্ধুত্ব। সর্ববিধ কল্যাণ তাঁহার পরিচারক এবং সর্বসমৃদ্ধি তাঁহার পরিচারিকা। তাঁহার কন্যাদ্বয়ের নাম ধী ও ধারণা, এবং জ্যেষ্ঠ পুত্রের নাম যোগ। সংসারে সর্বত্র ইহাদের পূজা ও প্রতিষ্ঠা, পরিগ্রহ ও বহুমাননা দেখিতে পাওয়া যায়। ধীধারণাবিহীন ব্যক্তির জীবনধারণে কোন ফল নাই। তাহাদের সহিত জড়পদার্থের কিছুমাত্র বিভিন্নতা নাই। তাহাদিগকে কেহ শ্রদ্ধা বা সমাদর করে না। মূর্খ ও নির্বোধ লোকদিগের ন্যায় তাহারা সকলের নিকট ঘৃণা ও উপহাসভাজন হইয়া থাকে। সুখের পথ নিরাকরণ করিতে তাহারা সর্বতোভাবে অক্ষম। তাহাদের জীবন চিরকালই হুঃখে অতিবাহিত হইয়া থাকে।

কশ্যপ কহিলেন, হে মানদে ! লোকমাত্রেই যাহা পাইবার অভিলাষ করিয়া থাকে, মহাতপা মহর্ষিগণ যাহা প্রাপ্ত হইবার কামনায় আজীবন কঠোর তপোব্রতের অনুষ্ঠান

করিয়। থাকেন, সেই সৰ্বজনপ্রার্থনীয় পরমার্থময় মোক্ষই বিবেকের মহা নিলয়স্বরূপ। বিবেক সৰ্ববিধ সুলক্ষণে বিভূষিত। তাঁহার আশা, পরিগ্রহলিপ্সা, মায়া, মমতা, অহঙ্কার, অভিমান, লোভ, মোহ, কাম, ক্রোধ, হিংসা, ঘেৰ, মদ, মাৎস্য এ সমস্ত কিছুই নাই। তিনি সৰ্ববিষয়ে অভিজ্ঞতা লাভ করিয়াছেন। কাহারও সহিত তাঁহার বিবাদ নাই তাঁহার অন্তঃ নিৰ্মল সৰ্বদাই প্রসন্ন। তিনি সৰ্বপ্রকার সদ্বৃত্তির আধার তাঁহার রূপ অতিশয় সুশোভন। তাঁহাকে ব্রহ্মসকলের অন্তঃকরণ প্রফুল্ল ও নিৰ্মল আনন্দরসে আপ্ত হয়। লোকস্থিতিবিধানের সাক্ষাৎ সাধন সনাতন ধর্ম এবং যতি তাঁহার অমাত্য।

মহামতি বিবেক স্ত্রী পুত্র কন্যা ও অমাত্য প্রভৃতির সহিত তথায় সমাগত হইয়া মহাভাগ বীতরাগকে জিজ্ঞাসা করিলেন, হে ভ্রাতঃ! আমাকে কিজন্য আহ্বান করিয়াছেন তাহা নির্দেশ করুন।

বীতরাগ কহিলেন, হে মহাভাগ! সৰ্বব্যাপী সৰ্বপ্রভু আত্মা জ্ঞান ও ধ্যানের উপদেশবাক্য অবহেলা করিয়া ভূত-প্রপঞ্চকর্তৃক প্রতারিত হইয়াছেন। তিনিই একে একে এই মহাপুরুষরূপে তোমার সম্মুখে অবস্থিতি করিতেছেন! ইনি পঞ্চাশকবর্গের প্রতি বিশ্বাস স্থাপন করিয়াই এই বিষম সংসারযন্ত্রণায় নিয়ন্ত্রিত হইতেছেন। একে একে তুমি স্বয়ং ইহার সরিশেষ পরিচয়াদি গ্রহণ কর;

মহাপ্রাজ্ঞ বীতরাগ এই বলিয়া বিনিবৃত্ত হইলে, বিবেক কহিলেন, হে দেব! আপনি বিশ্বের অধিনায়ক, সৰ্বব্যাপী,

সর্বজ্ঞ ও সর্বপ্রভু। আপনার অধিষ্ঠানব্যতীত সংসারের অধিষ্ঠান ও সত্তা সংঘটিত হইতে পারে না। আপনি সংসারক্ষেত্রে আগমন করিয়া কি প্রকার সুখসৌভাগ্য সকল সন্তোষ করিলেন, তাহা সবিস্তর আমার নিকট কীর্তন করুন।

মহাভাগ আত্মা বিষণ্ণ বদনে কহিলেন, হে মহামতে ! আমার অবস্থা আপনি স্বচক্ষেই দর্শন করিতেছেন। আমি আপন বুদ্ধির দোষে এই সমস্ত কল প্রাপ্ত হইয়াছি। প্রবঞ্চক ভূতপ্রপঞ্চ আমাকে সুখের পথ হইতে বঞ্চিত করিয়াছে। আমি জ্ঞান ও ধ্যানের নিষেধবাক্য অবহেলা করিয়া যেমন তাহাদের আশুগত্য করিয়াছিলাম। এক্ষণে তাহার উচিত কল প্রাপ্ত হইয়াছি। প্রথমতঃ গর্ভবাসের অপরিমিত ঘাতনার নিরন্তর দন্ধ হইতে থাকি। পরে যখন ভূমিষ্ঠ হইলাম, তখন জ্ঞান ও ধ্যান আমাকে একেবারে পরিত্যাগ করিল। আমার যন্ত্রণা-রাশির ও উত্তরোত্তর বৃদ্ধি হইতে লাগিল। পদে পদে দুঃখ ও বিপদ সাগরে মগ্ন হইতে লাগিলাম। সেই সময় যে সমস্ত উৎকর্ষিত রোগসমূহকর্তৃক আক্রান্ত হইয়াছিলাম তাহা স্মরণ হইলে এক্ষণে হৃৎকম্প উপস্থিত হয়। বাল্যাবস্থার ক্লেশরাশি বর্ণন করিতে আমার হৃদয় বিদীর্ণ হইয়া যাইতেছে। তখন শরীর সর্বদাই কেবল মলমূত্রে জড়ীভূত থাকিত। হস্তপদ থাকিতে উঠিতে কিম্বা চলিতে পারিতাম না। স্তম্ভহৃৎকর্ষী জীবন-যাত্রা নির্বাহের একমাত্র উপায় ছিল, ক্ষুধা বা তৃষ্ণা পাইলে কাহাকে ও বলিতে পারিতাম না, কিম্বা নিজ হইতে

তাঁহা নিবারণ করিবার কোন ক্রমতা ছিল না। যখন কোন বিষয়ের অত্যন্ত কষ্ট হইত তখন কেবল ক্রন্দন করিয়া মনের সেই দুর্ভিসহ দুঃখ প্রকাশ করিতাম। রোদনই বালক গণের স্বকার্য সাধনের একমাত্র উপায়। কিন্তু জননী বা অন্য কেহ তাহাতে যদি জানিতে না পারিতেন তাহা হইলে আর তাহার কোন প্রতিবিধান হইত না। নিদ্রায় অভিভূত হইয়াই অধিক সময় যাপন করিতাম। মায়াজীবীর আয়ত্তে থাকিয়া অপরের ইচ্ছানুসারে নাচিয়া খেলিয়া থাকে, আমিও সেই প্রকার অন্তর নিতান্ত আয়ত্তাধীন হইয়া তাহার ইচ্ছানুসারে কখন নাচিতাম, কখন খেলিতাম, কখন হাসিতাম কখন বা কাঁদিতাম।

এই রূপে শৈশব ও বাল্যকাল অতিবাহিত হইলে ক্রমে ঘোর যৌবনকাল আসিয়া উপস্থিত হইল। সঙ্গে সঙ্গে কাম, মত্ততা, অভিমান, অহঙ্কার, মৎসর ও আত্মপর্যাশ্রি প্রভৃতি বলবান শত্রুগণ বর্ধনোন্মুখ হইয়া স্ব স্ব অভিমত পথে আমাকে আকর্ষণ করিতে লাগিল। ক্রমে আমার ধৈর্যচ্যুতি হইতে লাগিল। কোন ক্রমেই আর হৃদয়বেগ সম্বরণ করিতে পারিলাম না। তখন একমাত্র ইন্দ্রিয়সেবা ও বিষয়চর্চা বলবতী হইয়া উঠিল। যুবতী রমণীগণের ক্রীড়ামুগ হইয়া দিবানিশি কেবল তাহাদেরই মনোরঞ্জন নিযুক্ত রহিলাম। যুবতী-সঙ্গ ও বিষয়সেবাই পরমার্থ বলিয়া জ্ঞান করিতে লাগিলাম। কিন্তু সুখের পথ যে একেবারেই রুদ্ধ হইল তাহা তখন আমার প্রতীতি হইল না। ক্রমে অসুখ, অসন্তোষ, উদ্বেগ ও

কাকুলতা আসিয়া আমার হৃদয় অধিকার করিতে লাগিল। সুখের অন্বেষণে দিবারাত্র ভ্রমণ করিয়াও কোথায় দেখিতে পাইলাম না। অন্তঃকরণ অকারণে হর্ষিত ও সন্তপ্ত ও মহা মত্ত ও স্তম্ভিত হইতে লাগিল। হায়! কে জানিত যে মনুষ্যদেহ ধারণ করিলে এত কষ্ট, এত যন্ত্রণা এত অসুখ ও এত বিপদ সহ্য করিতে হয়। যে যৌবনের সমাগমে তাহাকে চিরসুখময় ও সুখপ্রদ বলিয়া জ্ঞান করিয়াছিলাম সেই সুখের যৌবন পরিণামে যে এত অসুখের কারণ হইবে তাহা কে জানিত? যাহা হউক এক্ষণে বার্কিক্যকাল উপস্থিত। পুত্র-কলত্র-কু-বান্ধবের সহিত আশা ও উৎসাহ আমাকে পরিত্যাগ করিয়াছে। এক্ষণে কেবল শোকনন্দাপই এই দুঃখ জীবনের একমাত্র সহচর। সুখের আশা একবারে আমার অন্তর হইতে তিরোহিত হইয়াছে। ইহ জীবনে আর কখন যে সুখের মুগ্ধ সন্দর্শন করিব তাহা ভ্রমেও জ্ঞান করিনা। দিবানিশি দুঃখরাশি ভোগ করিয়া নিতান্ত অবশ ও অবসন্ন হইয় পড়িয়াছি। ইহ জগতে এক্ষণে কহার ইবা আশ্রয় গ্রহণ করিব? কেহ ইবা আশ্রয় দান করিবে? আমি এক্ষণে সর্বশক্তি হীন হইয়। জড়পদার্থের ন্যায় পতিত রহিয়াছি। হায়! কে জানিত যে পঞ্চাশকের সংসর্গে আজীবন দারুণ কষ্টভোগ করিতে হইবে! কে জানিত যে আমাকে দারুণ মোহপাশে বদ্ধ রাখবার নিমিত্ত তাহার যন্ত্রণা করিয়া আমার সহিত মৈত্রী করিতে আসিয়াছিল! যদি কোন সুত্রে জানিতে পারিতাম যে প্রবঞ্চক পঞ্চাশকের সংসর্গী হইলে এইরূপ ভয়াবহ অধীনতা-যোদ্ধা বহন করিতে হইবে, তাহা হইলে কি জ্ঞানের উপদেশ অবহেলা ও ধ্যানের আশ্রয় পরিত্যাগ করিতাম।

যদি জানিতাম যে, দেহযোগ সজ্জাটিত হইলে বিনা বন্ধনে, বিনা কারার বন্ধ হইতে হইবে, তাহা হইলে কি কেবল আত্মবুদ্ধির উপর নির্ভর করিয়া কার্য করিতাম ? হায় ! কি কুফলে সেই পাপ পঞ্চাঙ্কের নয়নপথে পতিত হইয়াছিলাম । না জানি কত দিন আর আমাকে এই পাপময় সংসারনরকে অবস্থান করিতে হইবে ! না জানি কত দিনে ইহা হইতে মুক্তিলাভ করিব । হায় ! আমি জীবিত থাকিয়াও মৃত্যুর অধিক যত্নগা ভোগ করিতেছি । বিধাতা বোধ হয় আর আমার প্রতি প্রসন্ন হইবেন না । অথবা আমার পরিত্রাণের নিমিত্তই তিনি বোধ হয় কৃপা করিয়া আপনাকে এ স্থানে প্রেরণ করিয়াছেন ! হে মহাভাগ ! আপনি এক্ষণে কোন উপায়ে এই দারুণ যত্নগা হইতে আমাকে মুক্তি প্রদান করুন । এ অসীম যাতনারাশি আর আমার সহ হয় না । দাবদন্ধ কুরঙ্গের ন্যায় আমি যত্নগায় অতিমাত্র অস্থির হইয়াছি । অতএব যাহাতে আমি এই ভীষণ সংসারনরক হইতে সহজে নিষ্কৃতিলাভ করিতে পারি, আপনি তাহার কোন প্রতীকার বিধান করুন ।

বিবেক কহিলেন, হে জগৎপতে ! আপনি নিষ্পাপ, আপনাতে কিছুমাত্র কলঙ্ক নাই । এবং আপনি নিদ্রুন্দ । আপনি মহাভাগ বীতরাগের শরণ গ্রহণ করুন । তিনিই আপনার পরিত্রাণের উপায় উদ্ভাবন করিয়া দিবেন । ইহার পরিধেয়, সঙ্গ বা আধার নাই । সংসার কিছুতেই ইহাকে বশীভূত করিতে পারে না । কিন্তু সংসারকে ইনি বশীভূত করিয়াছেন । স্নেহমমতা,

হিংসাদ্বেষ, দুঃখবিষাদ, শোকতাপ, মারামোহ, বা কাম-  
ক্রোধ কেহই ইহার ত্রিসীমায় বাইতে পারে না। নিত্য  
সুখ ও নিত্য সন্তোষ নিয়ত ইহাঁকে উপসনা করিয়া থাকে।  
শান্তি ইহার নিয়ত আজ্ঞাপথবর্তিনী। ইহার আশ্রয়ে  
লোকে জীবন্যুক্তি প্রাপ্ত হইয়া থাকে। ইহার সংসর্গে  
পাপ বা অজ্ঞানের সম্পর্কমাত্র নাই। ইনি কাহারও  
অপেক্ষী নহেন, কিন্তু সকলেই ইহার অপেক্ষা করিয়া থাকে।  
ইহার কাহারও প্রতি স্পৃহা বা অভিলাষ নাই, কিন্তু সক-  
লেই ইহাঁকে পাইবার নিমিত্ত স্পৃহা ও অভিলাষ করিয়া  
থাকে। ইনি সকলেরই বরণীয়। আপনি ইহার আশ্রয়ে  
সর্ববিধ সুখশান্তি প্রাপ্ত হইবেন। এবং আপনার  
সর্ব সন্তাপ নিবারণ হইবে। আপনার সর্ববিধ ভয় ও  
বিষাদ দূরীভূত হইবে এবং আর আপনাকে ভুত-  
প্রপঞ্চের বশীভূত হইয়া সংসারজালে আবদ্ধ হইতে  
হইবে না।

বিবেকের এই কথা শ্রবণ করিয়া আত্মা পুনরায়  
বীতরাগের শরণ গ্রহণ করিলেন। কিন্তু বীতরাগ তাঁহাকে  
পুনর্বীর বিবেকের শরণাপন্ন হইতে বলিলেন। বীতরাগ  
কহিলেন, হে মতিমন্! বিবেক হইতেই তুমি পরমার্থ-  
জনিত নিত্য সুখ ও শান্তি প্রাপ্ত হইবে।

তখন শুদ্ধাত্মা আত্মা পুনর্বীর মহাত্মা বিবেক মহা-  
মতির সমীপে উপনীত হইয়া কাতরবচনে কহিতে লাগি-  
লেন, হে মহানুভব! শান্ত, শুদ্ধ, পরমস্বরূপ, পবিত্রাত্মা  
বীতরাগের আদেশক্রমে আমি পুনরায় আপনার শরণাপন্ন  
হইরাছি। এক্ষণে এই দুঃসংসারসঙ্কট হইতে বাহ্যতে



শিক্তিলাভ করিতে পারি, কৃপা করিয়া তাহার পন্থা প্রদর্শন করুন। আর আমাকে প্রত্যাখান করিবেন না।

মহাপ্রাজ্ঞ বিবেক কহিলেন, হে মহাভাগ! আপনি ষাঁহার উপদেশ অগ্রাহ্য করিয়া এইরূপ গহন মন্ডলে পতিত হইয়াছেন, এক্ষণে সেই সর্বদর্শী, সর্বগামী, সর্বকার্য্যদক্ষ, মহাভাগ জ্ঞানের নিকট গমন করুন। তিনি সুখের প্রকৃষ্ট পন্থা অবগত আছেন। তিনিই আপনার যুক্তিপ্ৰাপ্তির উপায় উদ্ভাবন করিয়া দিবেন। তাহাতে আর সন্দেহমাত্র নাই।

কশ্যপ কহিলেন, হে কল্যাণি! আত্মা দারুণ দুঃখের হস্ত হইতে পরিত্রাণ প্রাপ্ত হইবার নিমিত্ত একান্ত অধীর ও নিতান্ত ব্যাকুল হইয়াছিলেন। তিনি মহামনা বিবেকের এই কথা শ্রবণমাত্র অনতিবিলম্বে সর্বজ্ঞ জ্ঞানের সমীপে উপস্থিত হইয়া কাতরবচনে স্বীয় হৃদয়ভাব প্রকাশ করিলেন। আত্মা কহিলেন, হে জ্ঞান! সূর্য্যদেব যেরূপ জগতের সমস্ত তিমিররাশি বিনাশ করিয়া থাকেন, তুমিও তদ্রূপ জীবগণের হৃদয়াকাশ হইতে অজ্ঞান-রূপ দারুণ অন্ধকার বিদূরিত করিয়া দাও। তোমার তেজঃ অসীম এবং তুমি সর্বভাবপ্রদর্শক। তুমি না থাকিলে জীবগণ পদে পদে নানাবিধ দুঃখ ও বিপদে জড়ীভূত হইত। বাহার চক্ষুঃ নাই তাহার তুমি চক্ষুঃস্বরূপ। এক্ষণে আমি তোমার শরণ গ্রহণ করিয়াছি। তুমি আমাকে সুখের প্রকৃষ্ট পন্থা প্রদর্শন কর।

সর্বজ্ঞ আত্মার তুখাবিধ বাক্য শ্রবণ করিয়া জ্ঞান কহিলেন, হে দেব! আপনি জগতের অধীশ্বর। আত্মা

আপনার পরিচরকমাত্র । পূর্বে আমি ও ধ্যান আপনাকে বারম্বার নিবেদন করিয়াছিলাম । কিন্তু আপনি আমাদের উপদেশ অগ্রাহ্য করিয়া ক্রুরমতি পঞ্চাঙ্গক-বর্গের সহিত সখ্যতা সংস্থাপন করিলেন । এবং তাহাদের সংসর্গে সংস্কৃত হইয়াই আপনি আপনার দোষে এই দারুণ বিষাদ সম্পাদিত করিলেন । তখন আমাদের উপদেশ বাক্য গ্রহণ করিলে, আপনাকে ঈদৃশী বিসদৃশী দশা সন্তোষ বা এবস্থিধ নিদারুণ যাতনারাশি সহ্য করিয়া পাপময় সংসারনীরয়ে বিষকৃমির ন্যায় নিয়ত বিচরণ করিতে হইত না । এই খলপ্রকৃতি পঞ্চাঙ্গকগণ নিরতিশয় ক্রুরকর্মা । ইহারা বিনাপরাধে লোকের সর্বনাশ-সাধন করিয়া থাকে । ইহাদের বিষম মারাপাশে একবার পতিত হইলে কাহারও আর কোন মতে নিস্তার নাই । আপনি নিতান্ত শুদ্ধ ও শান্তস্বভাব হইয়াও দুরাঙ্গাণের দুশ্চেষ্টার লক্ষ্যীভূত হইলেন । যাহা হউক আর আপনার কোন চিন্তা নাই । আপনি একগুণে ধ্যানের আশ্রয় গ্রহণ করুন, তিনিই আপনাকে সুখের প্রকৃষ্ট পন্থা প্রদর্শন করিবেন ।

জ্ঞানের এই বাক্য শ্রবণ করিয়া আত্মা তৎক্ষণাৎ ধ্যানের শরণ গ্রহণ করিলেন । আত্মা কহিলেন, হে ধ্যান ! আমার দুর্দশার এক শেষ হইয়াছে । আমি নিতান্ত অবসন্ন ও বিপন্ন হইয়াছি । একগুণে আমাকে কোনরূপে রক্ষা কর । আমি যাহাতে এই দারুণ সংসারনরক হইতে নিষ্কৃতিলাভ করিতে পারি, একগুণে তাহার কোন উপায় বিধান করিয়া আমার নিমিত্ত

গুহর্গম সুখমার্গ আবিষ্কৃত করিয়া দাও। আর আমি  
এ হুর্ণিবার মরকযজ্ঞনা সহ করিতে পারি মা।

আম্মার তাদৃশী দুঃখবস্থা অবলোন ও তাঁহার এই  
প্রকার কাতরোক্তি শ্রবণ করিয়া মহামতি ধ্যান সাধুনয়-  
বচনে কহিলেন, হে তাত ! আমি সর্বদা সর্বকক্ষে সুসংস্থিত  
হইয়া আছি। আমার সাহায্য-বতিরেকে কাহারও কোন  
কার্য সুসম্পন্ন হয় না। এই কারণনিবন্ধন মহামতি বীতরাগ  
ও বিবেক সর্বশক্তিময় হইলেও কদাপি আমার আশ্রয়  
পরিত্যাগ করেন না। যাহা হউক অধুনা আপনি জ্ঞানযুক্ত,  
শ্রদ্ধাভিত্তিক, অবিকল্পিত, নিরাহার, নির্দম ও নিশ্চল হইয়া  
ধিবিক্রাসনে অধিষ্ঠানপূর্বক স্থিরতর বুদ্ধিযোগ-সহকারে  
ধ্যানযোগ অবলম্বনপূর্বক, আত্মাদ্বারা আত্মাকে ভাবনা  
করুন। তাহা হইলে আপনি নির্বাণমুক্তি লাভ করিয়া  
বৈষ্ণবপদে অধিকৃত হইবেন। আর আপনাকে পুনর্বার  
দারুণ গর্ভযজ্ঞনাভোগ করিতে হইবে না।

## নবম অধ্যায়।

কশ্চপ কহিলেন, হে পতিরতে ! ধ্যানের এইপ্রকার জ্ঞান-  
গর্ভ বচনাবলি শ্রবণ করিয়া, আম্মার দুঃখবস্থাঃ প্রস্তুতি হইল।  
এতদিনের পর তাঁহার অন্তঃকরণ হইতে দারুণ মোহমেঘ  
অন্তর্হিত হইল। এতদিনের পর তাঁহার হৃদয়ে সত্যের  
আলোক প্রবেশ করিল। এত দিনের পর তাঁহার মারামমত

অসংযুক্ত হইয়া আত্মজ্ঞান বিকসিত হইয়া উঠিল। যি  
তখন ধ্যানযোগের বশীভূত হইয়া পঞ্চভূতময় দেহ পরিত্যাগ-  
পূর্বক নির্বাণমুক্তি প্রাপ্ত হইলেন।

হে কল্যাণি ! এইরূপে আত্মার সহিত দেহের যোগ ও  
বিযোগ সংঘটন হইয়া থাকে। একং ইহা স্বভাবসিদ্ধ। যতদিন  
পর্যন্ত জীবগণ জীবিত থাকে,---যতদিন তাহাদের কায়প্রাণের  
সংস্রব থাকে; ততদিন সংসারের ষাবতীয় পদার্থের সহিত তাহাদের  
সংস্রব থাকে,---ততদিন মাতাপিতাপুত্রকলত্রের সহিত তাহাদের  
সংস্রব থাকে। কিন্তু কায়প্রাণের বিচ্ছেদ সংঘটিত হইলে তাহাদের  
সকল সংস্রব,---সকল সংস্রব একেবারে পর্য্যবসান হইয়া  
যায়। এই তুমি জীবিতা রহিয়াছ, এই মুহূর্ত্তমধ্যেই হয় ত  
তোমার জীবলীলার পরিসমাপ্তি হইতে পারে। তখন তোমার  
পিতা মাতা আত্মীয় স্বজন কোথায় থাকিবে? এ মায়ায় সংসারের  
অপরাপর ভোগ্য ও বিলাসদ্রব্য সকল কে উপভোগ করিবে?  
কেহই তোমার সহগমন করিবে না,—ভোগ্য বা প্রিয়পদার্থ-  
সমূহের মধ্যে কিছুই তুমি সঙ্গে লইয়া যাইবে না!  
তোমার জীবনের সহিত দেহের বিচ্ছেদ-সংঘটিত হইলে,  
পিতা, মাতা, পুত্রপ্রভৃতি সকলেরই সহিত চিরবিচ্ছেদ  
সংঘটিত হইবে। অতএব কাহারও মৃত্যুতে বা বিরহে  
দুঃখিত ও শোকাক্ত হইয়া বিলাপ-পরিতাপের বশবর্তী হওয়া  
কোন ক্রমেই যুক্তিযুক্ত নহে। যখন অনিত্য ও বিনশ্বর  
জগতের সকলই অনিত্য—সকলই বিনশ্বর, তখন সেই অনিত্য  
ও নশ্বর পদার্থের নিমিত্ত শোকতাপ প্রকাশ করিয়া আবিনাশী  
আত্মার ক্লেশোৎপাদন করার কি ফলোদয় আছে? তবে তুমি  
কি নিমিত্ত স্মৃতবিয়োগসম্বন্ধে একান্ত অভিভূত হইয়া, পরিণামে

পরিতপ্ত হইবার প্রশস্ত পন্থা পরিষ্কার করিতে ? হে কল্যাণী !  
 তুমি শোকসম্ভাপ পরিহারপূর্বক হৃদয়কে শান্ত কর । এ  
 সংসারের অনিত্য সযস্ক-বন্ধন ছিন্ন করিয়া স্মৃতি-সুখী  
 করিতে চেষ্টা কর । এই আত্মাই পরব্রহ্ম । ইনি নিত্য ও সত্য-  
 স্বরূপ এবং ইহঁার ক্ষয়, বিনাশ, আদি বা অন্ত নাই । ইহঁার  
 জন্ম নাই, মরণ নাই, রূপ নাই, লয় নাই । ইনি সর্বজ্ঞ,  
 সর্বদর্শী, সর্বস্বামী, সর্বব্যাপী ও সর্বগামী । ইনি সত্য,  
 রজঃ ও তমঃ এই গুণত্রয়ের আধারভূত । ইনিই ব্রহ্মা, ইনিই বিষ্ণু  
 এবং ইনিই রুদ্র । ইনিই লোকত্রয়ের সৃষ্টি, স্থিতি ও সংহারের  
 একমাত্র কারণ । ইনিই স্বয়ং সনাতন ধর্ম । ইনি স্বয়ং মাতা,  
 স্বয়ং পিতা, স্বয়ং পুত্র ও স্বয়ং কলত্র । এই আত্মাই ত্বদীয়  
 পুত্ররূপে দৈত্যগণে অধিষ্ঠিত হইয়াছিলেন । ইহঁারই প্রভাবে  
 দেব ও দানবগণের সমুৎপত্তি । কিন্তু দেবতাগণ ছুরায়া দানব-  
 দলের ঞ্চায় উন্মার্গগামী হইয়া কখন ধর্মের অবমাননা করেন  
 না । তাঁহারা স্বভাবতঃ ধর্মপরায়ণ । কিন্তু তোমার পুত্রগণ নিয়ত  
 অধর্মপথে বিচরণ করিত । সেই পাপেই তাহারা বিনাশ প্রাপ্ত  
 হইয়াছে । ধর্ম ভগবান্ নারায়ণের অঙ্গ ও সত্য তাঁহার হৃদয়-  
 স্বরূপ । জগজ্জীবন জনার্দন সত্য ও ধর্মপ্রিয় ব্যক্তিগণের প্রতি  
 সর্বদাই সুপ্রসন্ন । যাহঁারা নিয়ত সত্য ও ধর্মপথে বিচরণ  
 করেন, তাঁহারা কখন অসুখ বা অসন্তোষের মুখ দর্শন করেন  
 না । নিত্যসুখসন্তোখে তাঁহাদের পবিত্র জীবন অতিবাহিত  
 হইয়া থাকে । সত্য ও ধর্মভীরু লোক নিতান্ত নিরুচ্চবর্ণ  
 হইলেও সকলের পূজনীয় হইয়া থাকেন । পাপপথের পর্যটক-  
 গণের পরিণাম অতীব ভয়ঙ্কর । বিশ্বপাতা নারায়ণ ধর্মদেবী  
 ব্যক্তির প্রতি একান্ত কোপাবিষ্ট হইয়া আশু তাহার বিনাশ-

## সমস্যা

সাধন করিয়া থাকেন। দেবভাগ্য অনুক্ষণ ধর্মমার্গে বিচরণ করিয়া থাকেন, এই নিমিত্ত চক্রপাণি জনার্দন সর্বদা তাহাদের রক্ষাবেষ্টন করিয়া থাকেন। কিন্তু দৈত্য, দানব ও সিংহিকার পুত্রগণ সকলেই অধার্মিক ও পাপাত্মা। তাহাদের গুরু লাঘব-জ্ঞান, কার্য্যাকার্য্য-বিবেক অথবা ঈশ্বরভক্তির লেশমাত্র নই। তাহারা সর্বদাই সত্য ও ধর্মে অনাদর প্রকাশ করিত! এই কারণে ছুরশুবীর্য্য নারায়ণ ক্রোধাবিষ্ট হইয়া তাহাদিগের বিনাশসাধন করিয়াছেন।

মহাতপা কশ্যপ কহিলেন, হে সুভগে! আমি পূর্বেই বলিয়াছি যে, এই আত্মা সর্বব্যাপী জগৎপতি বিষ্ণু। যে আত্মা তোমার পাপাত্মা সম্ভ্রানগণের দেহে অধিষ্ঠান করিয়াছিলেন, সেই আত্মাই রোষাবিষ্ট হইয়া তাহাদের বিনাশ-সাধন করিলেন। এইরূপে আত্মাই নিখিল জগৎসংসার সৃষ্টি করিয়া, আত্মাই পুনরায় তাহার সংহার-সাধন করিয়া থাকেন। সংসারে কেহ কাহারও জীবন অপহরণ করিতে পারে না। আত্মা পঞ্চভূতের মায়ায় বশীভূত হইয়া শরীর পরিগ্রহ করেন, এবং ক্রমে বাল্য-যৌবনপ্রভৃতি দশান্তর সম্ভোগ করিয়া পরিশেষে পুনর্বার সেই শরীর পরিত্যাগ করিয়া থাকেন। অতএব তোমার ঞ্চায় বুদ্ধিমতী রমণীর রূখা শোক বা মোহে অভিভূত হওয়া নিতান্ত অবিধেয়। পাপপ্রকৃতি, অসত্যসন্ধ, ধর্ম্বেষী ব্যক্তিগণের বিনাশ অনিবার্য্য। সংসারের নিয়মই এই, দেহীমাত্রের স্বভাবই এই, এবং অধর্ম্ম ও পাপপথের পরিণামই এই। অতএব তুমি দারুণ ঘোহপাশ ছিন্ন করতঃ সত্য ধর্ম্মের অনুসরণে প্রবৃত্ত হও। তাহা হইলে আত্মাকে সর্বপ্রকারে সুখী করিতে সক্ষম হইবে। যাহার জন্ম আছে, তাহারই

বিনাশ আছে। এ নিয়ম জগতে চিরপ্রবর্তিত। তোমার পুত্রগণই যে কালগ্রামে নিপতিত হইয়াছে, আর কেহ হইবে না, ইহা কখন হইতে পারে না। দেহিমাত্রেরই কালবশে কৃতান্তের কৃতদাস হইবে। সংসার-সংহারক করাল কালের হস্তে কাহারও নিষ্কৃতি নাই। তুমিও সময়চক্রে প্রেত-পুরের পথিক হইবে। অতএব কি নিমিত্ত বৃথা শোকের অধীন হইয়া এই ক্ষণস্থায়ী অসার শরীরকে আরও ক্ষণভঙ্গুর করিতেছ? শোকের তুল্য শত্রু আর নাই। শোক দেহিগণের সাক্ষাৎ মৃত্যুস্বরূপ। অতএব শোকের কারণ উপস্থিত হইলেও, যে ব্যক্তি শোক না করে, সেই প্রকৃত পণ্ডিত ও প্রকৃত বুদ্ধিমান। পরম-পিতা পরমেশ্বরের এই নশ্বর সৃষ্টির মধ্যে, অন্যান্য পদার্থের ন্যায় শোকও কখন চিরস্থায়ী নহে। তুমি এই মুহূর্ত্তে শোকে বেকপ অভিভূত হইয়াছ পর মুহূর্ত্তে কখনই সেকপ থাকিবে না। ক্রমেই তোমার শোকতাপ ক্ষয়-প্রাপ্ত হইতে থাকিবে। অতএব কেন বৃথাশোকের অধীন হইয়া অকারণে শরীরকে নিযন্ত্রিত করিতেছ? হে শুচিস্মিতে! যাহাদের বোধ ও বিবেচনাসক্তি আছে তাহাদের কথা দূরে থাকুক, যাহারা নিতান্ত হীনবুদ্ধি তাহারাও এ বিষয় অনায়াসে বুঝিতে পারে। শোক করিলে কি তুমি তোমার পুত্রগণকে পুনঃ-প্রাপ্ত হইবে? তোমাকে পূর্বেই বলিয়াছি যে, অনিত্য বিনশ্বর জগতের সকল সম্বন্ধই অলীক ও ক্ষণস্থায়ী। অতএব অলীক ও ক্ষণস্থায়ী পদার্থের নিমিত্ত শোকের চিহ্ন প্রকাশ করা কোনমতে উচিত নহে।

সূত কহিলেন, হে দ্বিজসন্তমগণ! মহামনা কশ্যপের এই প্রকার ন্যায়সঙ্গত প্রবোধ-বচন শ্রবণ করিয়া পতিরতা দিতি কথ-

শোকতাপ পরিহারপূর্বক দীনবচনে কহিলেন, হে মহায়ন! আপনি যাহা বলিতেছেন, সে সমুদায়ই সত্য। তথাপি অপত্য-স্নেহের দারুণ শৃঙ্খল আমি কোনক্রমেই ছিন্ন করিতে সক্ষম নহি। যাহা হউক আপনার বাক্যে আমি শোকভার একেবারে পরিত্যাগ করিলাম। উহা, সত্য হউক বা মিথ্যাই হউক, আর আমারে কিছুতেই অভিভূত করিতে পারিবে না। প্রাণসম-প্রিয় পুত্রগণের নিধন-সংবাদ শ্রবণেও যখন আমার মৃত্যু হয় নাই, তখন আর বৃথা শোক করিয়াই বা কি করিব! দুঃখদক্ষ-হৃদয়া দিতি এই বলিয়া দীর্ঘনিশ্বাসের সহিত হৃদয়ের শোকভার পরিত্যাগ-পূর্বক পতিবাক্য পরিপালন করিলেন।

## দশম অধ্যায়।

ঋষিগণ কহিলেন, হে সূত! হিরণ্যকশিপু-প্রভৃতি দৈত্য-বৃন্দ বৃন্দারক-সমরে পরাভূত হইয়া কি উপায় অবলম্বন করিয়াছিল, তাহা তুমি আমাদের নিকট সবিস্তর কীর্তন কর। তোমার অমৃতময় বচনাবলি পুনঃ পুনঃ শ্রবণ করিয়াও আমাদের শ্রবণ-লালসার পরিতৃপ্তি-সাধন হইতেছে না। যতই শ্রবণ করিতেছি, ততই আমাদের শ্রবণেচ্ছা বলবতী হইতেছে।

সূত কহিলেন, হে দ্বিজাতিগণ! দেবাদিদেব বাসুদেবের প্রভূত পরাক্রমে দৈত্যগণের দর্প একেবারে চূর্ণ হইল। তাহার ঠাঁহার বাহুবল কোনক্রমে সহ্য করিতে না পারিয়া রণস্থল পরিত্যাগ-পূর্বক পলায়ন-দ্বারা আত্মরক্ষা করিয়াছিল। দেব-সমরে পরাজিত হওয়ায় তাহার অতিমাত্র দুঃখিত ও বিষণ্ণ



হইয়াছিল। যাহারা চিরকাল পরাজয়-স্বীকার করিয়া আসিয়াছে, আজি সেই দেবতাগণ তাহাদের অপেক্ষা উৎকর্ষ লাভ করিল;—যে সুরগণ তাহাদের ভয়ে চিরকাল শাদ্দূল-তাড়িত সারমেয়ের ন্যায় কালযাপন করিয়া আসিয়াছে, আজি সেই অবনত শক্রগণ তাহাদিগকে পরাভূত ও বিতাড়িত করিল, ইহা অপেক্ষা তাহাদের অধিক দুঃখের বিষয় আর কি হইতে পারে? তখন তাহারা সকলে সমবেত হইয়া ইহার সমুচিত প্রতীকার কামনায় বিষঃহৃদয়ে পিতা কশ্যপ-সমীপে সমুপস্থিত হইল। সেই সময়ে মহামনা কশ্যপ ভাৰ্য্যা অদিতির সহিত একত্রে সমাসীন হইয়া নানাবিষয়ী সৎকথার অনুশীলনে সময়ান্তিপাত করিতেছিলেন। হিরণ্যকশিপু-প্রমুখ দৈত্য ও দানববৃন্দ ভক্তিবরা-বনতচিত্তে পিতা কশ্যপ ও দেবজননী অদিতিকে যথাবিধি প্রণাম ও প্রদক্ষিণ করিয়া বিনীতভাবে কহিল, হে দ্বিজসন্তম! দেবতা, দৈত্য ও দানবগণ সকলেই আপনার বীর্য হইতে সমুৎপন্ন হইয়াছে। আপনি সকলেরই জনয়িতা। কিন্তু দেবতাগণ অপেক্ষা আমরা সমধিক বলবীর্য্যপরাক্রমশালী। তাহারা কি গৌরবে, কি বীরত্বে, কি সংখ্যায়, কোন অংশেই আমাদের সমতুল্য নহে। কিন্তু আমরা এতাদৃশ বলবিক্রান্ত হইয়াও, হীনবল দেবদল-কর্তৃক পরাভূত ও অবমানিত হইয়াছি। আমাদের অঙ্কস্থিতা-বিজয়লক্ষ্মী তাহাদের কর্তৃক অপহৃত হইয়াছে। আমরা চিরকাল যাহাদের উপর প্রভুত্ব করিয়া আসিলাম, আজি তাহাদেরই দাসী-রূত হইলাম। হে পিতঃ! কি কারণে আমাদের এ প্রকার ভাগ্য-বিপর্যয় সংঘটিত হইল, অনুগ্রহপূর্ব্বক তাহার কারণ নির্দেশ করুন। আমরা নিয়ত প্রাণপণে আপনার সেবাশুশ্রূষা করিয়া থাকি। কি দৈত্য, কি দানব আমাদের কোন পক্ষেই আপনার

প্রতি ভক্তির ক্রটি নাই । তবে দেবতাগণই বা কি জন্য আপনার সমগ্র প্রসাদ লাভ করিবে । আমরাও ত আপনার অনুগ্রহের পাত্র ।

কশ্যপ কহিলেন, বৎসগণ ! কৰ্মই জীবগণের শুভাশুভ ফল-প্রদ । যে, যে প্রকার কৰ্ম সমাচরণ করিবে, সে সেই প্রকার ফল প্রাপ্ত হইবে । কৰ্মসম্বন্ধ দুই প্রকার, পাপসম্ভব ও পুণ্যসম্ভব । যে ব্যক্তি সত্যকে অবলম্বনপূৰ্ব্বক নিয়ত ধৰ্মপথে বিচরণ করিয়া থাকে, সেই পুণ্যশীল ব্যক্তি সংসারের সৰ্ববিধ সুখসমৃদ্ধির অধীশ্বর হইয়া পরিণামে পরম-মোক্ষ-পদে লব্ধ-প্রবেশ হয় । দেবাদিদেব বাসুদেব সৰ্বদাই তাহার প্রতি প্রসন্ন থাকেন । এবং কখন তাহার পরাজয় বা অমঙ্গল সংঘটন হয় না । কিন্তু পাপপথের পর্যটকগণের পতন আশু ও অনিবার্য্য । তাহারা কখন বিজয়লক্ষ্মী বা ভাগ্যসম্পদ লাভ করিতে সক্ষম হয় না । তাহারা প্রভূত বলবিক্রম ও সহায়সম্পন্ন হইলেও দুৰ্বল ও সহায়বিহীনের ন্যায় পদে পদে পরাভূত হইয়া থাকে । পুণ্যহীন পাপমতি ব্যক্তিগণের ধনজনপৌরুষাদি সৰ্বথা বিফল হইয়া থাকে । পাপাশ্রাব্যক্তির কখন সন্তোষরূপ অমৃতপানে আত্মাকে চরিতার্থ করিতে সমর্থ হয় না । নির্মল-সুখজ্যোতিঃ কখন তাহাদের অন্ধকারময় হৃদয়কন্দরে প্রবেশ করিতে পারে না । অতএব তাহাদের সৰ্বদা পরাজয় ও অমঙ্গল সংঘটন হইয়া থাকে ।

হে সূতগণ ! পিতা বীর্য্য নিৰ্ব্বাপন করেন এবং মাতা তাহা ধারণ করিয়া থাকেন । এইরূপ ধারণ, পালন ও পোষণ ব্যতীত তাহারা পুত্রের আর কিছুই করিতে পারেন না । পুত্রের অপরাজয় কিম্বা মঙ্গলামঙ্গল সংঘটন-সম্বন্ধে পিতামাতার কিছু-

মাত্র হস্ত নাই। এ বিষয়ে কর্মই প্রধান। সেই কর্মফলানুসারেই লোকের শুভাশুভ জয়পরাজয় সংঘটন হইয়া থাকে। দেবতাগণ একমাত্র সত্যকে আশ্রয় করিয়া, তপস্যা ও ধ্যানযোগ অবলম্বন-পূর্বক প্রতিনিয়ত প্রকৃষ্ট ধর্মের অনুষ্ঠান করিয়া থাকেন। তাঁহারা সকলেই স্বভাবতঃ শান্ত ও দমগুণবিশিষ্ট, এবং পাপবর্জিত ও পরম পুণ্যবান্। কখন তাঁহারা পরদ্রোহ, পরহিংসা বা পরানির্দ-চিন্তা মনোমধ্যে স্থানদান করেন না। ধর্ম, সত্য, তপস্যা ও পুণ্যই তাঁহাদের আয়ার ভূষণস্বরূপ। এবং যে স্থানে এই চতুষ্টয়ের সমবায়, সেই স্থানেই ভগবান্ বাসুদেবের নিত্য অধিষ্ঠান, এবং যে স্থানে ভগবান্ বিষ্ণুর নিত্য অধিষ্ঠান সেই স্থানেই বিজয়লক্ষ্মীর আবাসভূমি। সেই স্থানেই স্বর্গ ও অপবর্গের জন্মভূমি। অমর-গণ কখন সত্য ও ধর্মমার্গ উলঙ্ঘন করেন না বলিয়া বিশ্বপাতা বাসুদেব অনুক্ষণ তাঁহাদিগের সহায়তা করিয়া থাকেন। জগৎপাতা জনার্দন বাহাদেব স্বপক্ষ তাঁহাদের পরাজয় বা অমঙ্গলের সম্ভাবনা কোথায়? ধর্মই বাহাদেবের বল ও দেবা-দিদেব বাসুদেব বাহাদেবের সহায়, তাঁহাদের সামান্য বলবীর্য্য-সহায়-সম্পদের প্রয়োজন কি? ভগবান্ নারায়ণের প্রসাদবলে তাঁহারা সর্বত্র বিজয়লক্ষ্মী লাভ করিয়া থাকেন। কিন্তু তোমরা সেই সত্যকে উপেক্ষা ও ধর্মকে অবহেলা করিয়া সর্বদাই পাপ-পথে পর্যটন করিয়া থাক। অতএব তোমাদের যে পরাজয় ও অমঙ্গল সংঘটন হইবে ইহাতে আর আশ্চর্য্য কি? সত্য ও ধর্মবলহীন পুরুষকে সহায়-সম্পত্তি-বলবীর্য্য কিম্বা সামান্য পুরুষকার কখন রক্ষা করিতে পারে না। ধর্মই পুরুষের একমাত্র বল ও সত্যই পুরুষের একমাত্র সহায় ও পৌরুষস্বরূপ। তোমরা সেই সত্য ও ধর্ম পরিবর্জিত। এই কারণে তোমরা অপ্র-

ভিমবল বিক্রম ও সহায়সম্পন্ন হইয়াও পদে পদে অভিহৃত  
ও পরাজিত হইয়া থাক। আমি দেবতাগণ ও তোমাদের  
সকলেরই পিতা। কাহারই প্রতি আমার সেহমমতার কিছু-  
মাত্র ইতরবিশেষ নাই। আমি সকলেরই সুখ-দুঃখে সমান  
সুখদুঃখ অনুভব করিয়া থাকি। কিন্তু তোমাদিগকে এ  
প্রকার ধর্মবুদ্ধিহীন ও নিয়ত উন্মার্গগামী নিরীক্ষণ করিয়া  
তোমাদের প্রতি আমার আন্তরিক অনুরাগের হ্রাস হইয়া  
আসিতেছে। অধিক কি বলিব, তোমরা যদি সত্বরে এই পাপ-  
প্রবৃত্তি সকল পরিত্যাগপূর্বক অসত্য-পথ হইতে প্রতিনিবৃত্ত  
না হও, তাহা হইলে অচিরে তোমরা সমূলে বিনষ্ট হইবে।  
তোমরা একপ মনে করিও না যে, আমি ক্রোধাবিষ্ট হইয়া তোমা-  
দিগকে অভিশাপ প্রদান করিতেছি। যে পথের যে পরিণাম,  
আমি কেবল তাহাই তোমাদিগকে নির্দেশ করিয়া দিতেছি। ধর্ম-  
বেদী ও নীতিবেদিগণ নির্দেশ করিয়াছেন যে, জগৎপিতা জনার্দন  
যাঁহার সহায়, তপস্যাই যাঁহার বল, এবং ধর্মপথে যে ব্যক্তি  
প্রতিনিয়ত বিচরণ করিয়া থাকেন, বিজয়লক্ষ্মী তাঁহারই অঙ্ক-  
শায়িনী হইয়া থাকেন। সর্ববিধ কল্যাণ ও সুখসমৃদ্ধি তাঁহাকেই  
ভজনা করিয়া থাকে। কিন্তু অসত্যসন্ধ ও ধর্মদ্বেষী ব্যক্তিগণের  
পরিণাম অতীব ভয়ঙ্কর। তাহাদের পতন অনিবার্য। কোন  
কালে কোন লোকে তাহাদের মঙ্গল সংঘটন হয় না। এই সকল  
কথা যখনই আমার মনোমধ্যে উদয় হয়, তখনই আমি তোমাদের  
পরিণাম চিন্তা করিয়া দারুণ শঙ্কিত হইয়া থাকি। দেবতাগণ  
যে রূপ আমার সেহের পাত্র, তোমরাও সেইরূপ। আমি কায়-  
মনোবাক্যে নিয়ত সকলেরই কল্যাণকামনা করিয়া থাকি।  
তোমরা নাশ-প্রাপ্ত হইবে, আর দেবতাগণ সুখসমৃদ্ধি লাভ

করিয়া পরম সুখে কালযাপন করিবে, ইহা আমার অভিপ্রেত নহে। দেবতাগণের ন্যায় তোমরাও পরম সুখে নির্বিবাদে কালতিপাত কর, এই আমার সর্বদা ইচ্ছা। কিন্তু তোমরা আপনাই আপনাদের বিনাশকে আহ্বান করিতেছ। আমি দিব্যদৃষ্টিতে দেখিতে পাইতেছি যে, অচিরাৎ তোমাদের পতন হইবে। যাহা হউক, এক্ষণে তোমাদের মতি পাপপথ পরিত্যাগ করিয়া সৎপথের অনুসারিণী হইলেই, আমার চিত্ত কথঞ্চিৎ সুস্থতা লাভ করে। কিন্তু বৎসগণ, তোমরা যে উদ্দেশে আমার নিকটে অদ্য আগমন করিয়াছ, তোমাদের সে অভিলাষ সহজে পূর্ণ হইবার নহে। তোমরা স্বভাবতঃ ধর্মহীন ও সত্যবর্জিত; এবং সর্বদাই পাপপথে বিচরণ করিয়া থাক। তপঃপ্রভাবপরায়ণ, ধর্মাত্মা, সরলপ্রকৃতি, পূণ্যচেতা ব্যক্তি ব্যতীত অপর কেহ কখন ইন্দ্রপদ লাভ করিতে পারে না। পাপের শাস্তি ও সত্যের পুরস্কার প্রদান এবং ত্রিলোকের শান্তিবিধান করিবার নিমিত্তই বিশ্বস্রষ্টা বিধাতা ইন্দ্র-পদ সৃষ্টি করিয়াছেন। যদি তোমাদের উহা প্রাপ্ত হইবার অভিলাষ থাকে, তাহা হইলে পাপপ্রবৃত্তি সকল পরিত্যাগপূর্বক চিত্তকে সংযত করিয়া তপস্যায় মনোনিবেশ কর। এবং বিদ্বৈষবুদ্ধি এককালীন পরিত্যাগপূর্বক জ্ঞান ও ধ্যানের আশ্রয় গ্রহণ করিয়া, শান্তি ও দমগুণের আধার হও। যিনি এই নিখিল বিশ্বসংসারের একমাত্র অধিষ্ঠাতা, যাহার কটাক্ষে মুহূর্ত্ত-মধ্যে সংসারে মহাপ্রলয় সংঘটিত হইতে পারে, যিনি কালেরও কালস্বরূপ, সেই অনন্তরূপী অচিন্ত্যস্বরূপ দুর্লভবীর্য্য চক্রপাণির সহিত শক্রতা পরিত্যাগপূর্বক তাঁহাতে মৈত্রভাবে সংসক্ত হও। জগৎপ্রভু জনার্দনের সহিত শক্রতা করিয়া কেহ কখনো অধিষ্ঠান করিতে সক্ষম হয় না। তিনি শান্তি ও ক্ষমাগুণের

আধার বলিয়া পাপাশ্লাগণকে সময়ে সময়ে পরিভ্রাণ প্রদান করিয়া থাকেন । তোমরা প্রভূত বলবিক্রমসম্পন্ন হইয়াও সেই চক্রপাণির নিকটে স্বগণে পরাভূত হইলে । যে দৈত্যবীরগণের ভূজপ্রতাপে দেবতাগণ পদে পদে পরাভূত হইয়াছেন, সেই অমিতবল দৈত্যবীরগণ একমাত্র চক্রপাণির চক্রেই জীবলীলার পরিসমাপ্তি করিয়াছে । কিন্তু সেই পরম দয়ালু দেবাদিদেব বাসুদেবের কাহারও প্রতি পক্ষপাত নাই । তিনি সর্বদাই সত্যের পুরস্কার ও পাপের দণ্ড বিধান করিয়া থাকেন । অধর্ম তাঁহার দর্শনমাত্র আপনা হইতেই গলিত ও বিনষ্ট হইয়া যায় । অতএব তোমরা অধর্ম-বুদ্ধি ও ঈশ্বর-বিদ্বেষিতা পরিত্যাগপূর্বক শান্তি ও সত্যের আশ্রয় গ্রহণ কর । তাহা হইলে জগৎপ্রভু জনার্দনের প্রসাদ লাভ করিতে পারিবে । একমাত্র ধর্মই তাঁহার প্রসাদ । এবং সেই প্রসাদ লাভ করিতে পারিলে, তোমরা সর্বসিদ্ধি ও সুখসমৃদ্ধির সহিত বিজয় ও সৌভাগ্যলক্ষ্মীকে প্রাপ্ত হইবে । তাহাতে আর অনুমান সংশয় নাই । ষাঁহার অনিত্য বিষয়ভোগবাসনা হইতে বিরত হইয়া, পাপপ্রবৃত্তি সকল পরিহারপূর্বক প্রতিনিয়ত শান্তিমার্গে বিচরণ করেন, আত্মাকে সংযত করিয়া ষাঁহার অনুক্ষণ ধর্ম ও তপোানুষ্ঠানে নিরত থাকেন, সামান্য ইন্দ্রপদ কি, তাঁহার পরম দুর্লভ বৈষ্ণবপদ প্রাপ্ত হইয়া থাকেন । তোমরাও এক্ষণে ধর্মবিদ্বেষিতা ও দেবদেব বাসুদেবের প্রতি শক্রতাভাব পরিত্যাগ কর । তাহা হইলে তোমাদের সর্বত্র জয় ও মঙ্গল সংঘটন হইবে । ধর্ম-দেষ্টী ও ঈশ্বর-বিরোধী হইয়াই তোমরা পদে পদে বিষাদ ও বিপদগ্রস্ত হইতেছ । •

হুঁত কহিলেন, হে মহাবিগণ ! মহাতাগ কশ্চপের এই প্রকার হিতগর্ভ উপদেশ বাক্য শ্রবণ করিয়া বিজিগীষু দানবদল নিরুতি-শয় উল্লাসসহকারে উত্থানপূর্বক পরম্পর ইতিকত্ব ব্যতা অবধারণের পরামর্শ করিতে লাগিল । দৈত্যপতি হিরণ্যকশিপু কহিলেন, হে দৈত্য ও দানবগণ ! তোমরা পিতৃদেবের বাক্য সকলই শ্রবণ করিয়াছ । অতএব আইস, আমরা সকলে সমবেত হইয়া কঠোর তপোমুঠানে প্রযত্ন হই । তাহা হইলে সেই তপোবলে বর্দ্ধনোন্মুখ চিরশত্রু দেবগণকে পরাজয় করিয়া, আমাদের চিরআশা কলবতী করিতে পারিব । পিতৃদেবের বাক্য কখন মিথ্যা হইবার নহে ।

দৈত্যরাজ হিরণ্যকশিপু এই বলিয়া বিনিরুত্ত হইলে, মহাপ্রতাপশালী প্রভূতপরাক্রম হিরণ্যাক্ষ কহিলেন, তপস্যাই দেবতাগণের উন্নতি ও বিজয়লাভের একমাত্র কারণ । অতএব তাহাদিগকে আর বর্দ্ধিত হইতে অবসর প্রদান করা কোনমতে বিধেয় নহে । আমি সুদৃশ্বর তপশ্চরণে প্রযত্ন হইব এবং সেই তপোবলপ্রভাবে আমাদের চিরশত্রু পিতৃদেবের সহিত দেবতাগণকে পরাভূত ও সুরপতিকে সুরসাম্রাজ্যচ্যুত করিয়া স্বয়ং সর্বলোকশাসন ইন্দ্রপদ গ্রহণ করিব ।

সেই সময়ে মহামতি বলি তথায় উপস্থিত ছিলেন । তিনি যদিও দুরাচার অসুরকূলে জন্মগ্রহণ করিয়াছিলেন, তথাপি সত্য ও ধর্মের তাঁহার অবিচলিত মতি ছিল । তিনি অসুরেশ্বর হিরণ্যাক্ষের এই প্রকার ধর্মবিরোধী বাক্য শ্রবণ করিয়া কহিলেন, হে অসুরনাথ ! দুর্ভিক্ষি সাধনোদ্দেশে তপোব্রতাদি সমাচরণ করিলে তাহাতে অশুভ ফলই সংঘটিত হইয়া থাকে । অতএব আপনারা কদাচ এই

হুমহান্ পাপাচরণে প্রবৃত্ত হইবেন না। চরাচরাধিতাতা, জগদ্ভুব-কারণ, পরম-পুরুষ নারায়ণের বৈরিভাসাধমে প্রবৃত্ত হইলে আশু বিনষ্ট হইতে হইবে। ভগবান্ কশ্যপের বাক্য কি আপনারা বিন্মৃত হইলেন? তিনি এইমাত্র বলিলেন যে, দেবাদি-দেব বাসুদেবের সহিত অসন্তান থাকিতে অসুরগণের কোনমতে পরিব্রাণ নাই। দেবতাগণ দান-ধর্ম-তপস্যাদি সৎকার্যের অনুষ্ঠানদ্বারা ভগবান্ বিষ্ণুকে প্রসন্ন করিয়া সর্ব-সুখশান্তি সম্ভোগ করিতেছেন। সেই জগৎপাতা জনার্দনের অনুগ্রহ-প্রসাদ লাভ না করিতে পারিলে, ধর্মকর্মাদির অনুষ্ঠানে কোন-রূপ শুভ ফল প্রাপ্ত হওয়া যায় না। অধিক কি বলিব, সেই সর্বদেবদেব হ্রীকেশই তপস্যা, ধর্ম ও সত্যস্বরূপ। কায়-মনোবাক্যে তাঁহার আরাধনা করিলে সর্ব-সিদ্ধি লাভ করিতে পারা যায়।

পরম-বৈষ্ণব মহামতি বলির এই কথা শ্রবণ করিয়া দৈত্যরাজ হিরণ্যকশিপু ক্রোধভরে কহিলেন, যে আমাদের চিরশত্রু দেবগণের একান্ত অনুগত, যে অকারণে আমাদের প্রতিকূলাচরণে প্রবৃত্ত হইয়া বিপুল অসুরকুল সমূলে নির্মূল করিতে উপক্রম করিয়াছে, আমি জীবন-সম্বন্ধে কখন সেই খল-প্রকৃতি বাসুদেবের সাধনা করিতে পারিব না। আর কেহই বা স্বীয় মান-সম্ভ্রম বিসর্জন দিয়া কাপুরুষের স্থায় শত্রুর শরণাগত হইবে? যে ব্যক্তি জীবনের ভয়ে অরাতির উপাসনা করে; যত্নে তাহার পক্ষে শতওণে শ্রেয়-স্কর। সে লম্বু হইতেও লম্বু এবং তৃণাদি নীচপদার্থ হইতেও নীচ বলিয়া পরিগণিত হইয়া থাকে। অতএব হে অসুরগণ! আমি কখন বিষ্ণুর সেবা করিব না। আমরা কি শত্রুর



অস্বাভাব্য করিব বলিয়াই পুণ্যবতী বীরজননী দিতির গর্ভে  
জন্ম গ্রহণ করিয়াছিলাম ? শুগবান্ কশ্যপের তেজঃপ্রভাপ  
কি আমাদের শোণিতকণার লেশমাত্রও সংলিপ্ত নাই?  
আমরা নিজ ভুজবীৰ্য-প্রভাবে সমুদায় শত্রু বিনিপাতিত  
করিব। বিষ্ণু দেবতাগণের সহায়তা করুক। আমরা  
কাহারও সহায়তা প্রার্থনা করি না।

পিতামহ হিরণ্যকশিপুৰ এই প্রকার বাক্য আকর্ষণ  
করিয়া, শান্তস্বভাব বলি সাত্বনা-বাক্যে কহিলেন, হে  
মহাত্মগ ! আমি আপনাকে শত্রুর শরণাগত হইতে অথবা  
তাহার সেবা করিতে বলিতেছি না। সৰ্ব্বতত্ত্ববিদ্  
মহাতপা মহর্ষিগণ যেরূপ নির্দেশ করিয়াছেন, এবং  
শত্রুর সাধন-সম্বন্ধে রাজনীতিশাস্ত্রে যে প্রকার অভিহিত  
হইয়াছে, আমি তাহাই আপনার গোচর করিতেছি।  
তত্বদর্শী মহাত্মাগণ কহিয়াছেন যে, বুদ্ধিমান ব্যক্তি আপন  
অপেক্ষা বলবান্ শত্রুর পাশে প্রবেশ করিয়া জয়কাল  
প্রতীক্ষা করিবেন। অন্ধকার যেমন প্রথমে প্রদীপচ্ছায়ার  
অপ্পে অপ্পে আশ্রয় গ্রহণ করিয়া পরিশেষে প্রবল-বেগে  
সমস্ত গৃহে প্রকাশিত হয়, সেইরূপ প্রথমে স্নেহ প্রদর্শন-  
পূর্বক শত্রুর প্রসন্ন করাই যুক্তিসঙ্গত। একমাত্র দৈবই  
সকলের শুভাশুভ সংঘটনের কারণ। আমরা সেই দৈবের  
করেই পদসম্পদ ও বলবীৰ্য-হীন হইয়াছি। দেবতা-  
গণ এ বিষয়ে উপলক্ষ্যমাত্র। কিন্তু সেই দৈব প্রেরণার  
জন্য কাহারও প্রতি প্রসন্ন বা প্রতিকূল থাকেন না।  
সময়ে প্রতিকূল দৈবও প্রসন্ন হইতে পারেন। অতএব  
ধীরচিত্তে কাল প্রতীক্ষা করাই সৰ্ব্বতোভাবে যুক্তিযুক্ত।

এবং কাল-প্রতীকা করিলে দৈবেরই প্রসাদ প্রতীকা করা  
 হইবে। দৈববলেই দেবতাগণ এরূপ উৎকর্ষ লাভে সক্ষম  
 হইয়াছে। দৈবের প্রসাদেই বিজয়-সক্ষমী তাহাদের অঙ্ক-  
 শায়িনী হইয়াছেন। দৈবের বিরুদ্ধে অস্ত্রধারণ করা  
 বিফল। দৈবকে অতিক্রম করিতে কাহারও সাধ্য নাই।  
 অতএব আপনারা এক্ষণে ধর্ম্যভাবে অবলম্বন-পূর্বক দেবতা-  
 গণের সহিত সখ্যতা সংস্থাপন করুন। তাহা হইলে  
 সময়ে আপনাদিগের উদ্দেশ্য সুসিদ্ধ হইবে। আপনারা  
 সকলেই উদ্যম ও উৎসাহশীল এবং যুদ্ধবিদ্যায় স বিশেষ  
 পারদর্শী। বলবীর্য্য ও তেজঃপ্রতাপে আপনাদের সম-  
 কক্ষ এ জগতে আর কেহই নাই। কিন্তু দৈব-দুর্বিপাক-  
 শতঃ যখন সে সকলই আপনাদের অভীপ্সিত-সাধনে  
 অসমর্থ হইল, তখন অঙ্ককারের ন্যায় সময় প্রতীকা করাই  
 সর্ব্বতোভাবে সঙ্গীভুক্ত। সকল সময় বলবীর্য্য কার্য্য  
 সম্পন্ন হয় না। সহিষ্ণুতা ও কালসহতা অনেক সময়ে  
 পুরুষকার অপেক্ষাও অধিকতর কার্য্য সাধন করিয়া থাকে।  
 আপনাকে অধিক আর কি বলিব, আপনি এক্ষণে ভগবান্  
 কশ্যপের উপদেশ-মত কার্য্য করুন। তাহা হইলে আপনা-  
 দিগের সর্ব্বথা-মঙ্গল বিধান হইবে। মহাভাগ কশ্যপের  
 বাক্য অবহেলা করা আপনার কোনক্রমে বিধেয় নহে।  
 তত্ত্ববেদিগণ নির্ণয় করিয়াছেন যে, পুরুষ স্বীয় অবশোচিত  
 কার্য্যে প্রবৃত্ত হইবে। স্বীয় সামর্থ্য পরীক্ষা করিয়া বিজয়-  
 লাভের বাসনা করিবে। যে ব্যক্তি এই নিয়মকে অতি-  
 ক্রম না করিয়া সংসারমার্গে বিচরণ করে, তাহার পরিণামে  
 শুভফল সমুৎপন্ন হইয়া থাকে।

পৌত্রের এই প্রকার হিতগর্ভ তদ্বার্থ বাক্য আকর্ষণ  
 করিয়া, মহাবল হিরণ্যকশিপু কিয়ৎক্ষণ মৌনাবলয়ন করিয়া  
 রহিলেন। অনন্তর তিনি গম্ভীরস্বরে কহিলেন, বৎস! আত্ম-  
 মানে জলাঞ্জলি প্রদানপূর্বক জীবন-মত্রে শত্রুর শরণাপন্ন হইতে  
 পারিব না। দৈবই যদি প্রতিকূল হইল, তাহা হইলে দেবতা-  
 গণের আরাধনায় কি ফলোদয় হইবে? চিরশত্রুর নিকট অবমতি  
 স্বীকার করা অপেক্ষা মৃত্যু শতগুণে শ্রেয়স্কর।

দৈত্যপতি এই বলিয়া বিনিবৃত্ত হইলে, অন্যান্য অমুরগণ  
 কহিলেন, মহারাজ! মহানুভব বলি যাহা বলিলেন, আপাততঃ  
 তদনুরূপ অনুষ্ঠান করা অবিধেয় নহে। যে কোন রূপে হুঁক  
 দেবতাগণকে পরাজয় করিতে হইবে। অতএব আমরা সকলে  
 সমবেত হইয়া কঠোর তপোব্রতের অনুষ্ঠান করি। তাহা হইলে  
 সেই তপোবল-প্রভাবে আমরা নিশ্চয়ই দেবতাগণকে পরাজিত ও  
 নিগৃহীত করিতে পারিব। প্রাণান্তেও বামুদেবের আরাধনা  
 করিব না। এই বলিয়া অমুরগণ সকলে পর্বত-প্রস্থে প্রস্থান  
 করিল। এবং আহার, নিদ্রা ও বিষয়ভোগ-বাসনা হইতে বিরত  
 হইয়া ইন্দ্ৰিয়গ্রামের সহিত আত্মাকে সংযত করতঃ একাগ্রচিত্তে  
 সুদৃশ্র তপশ্চরণে প্রবৃত্ত হইল। কিন্তু তাহারা ভ্রমেও ভাবিল  
 না যে, জগৎ-ভাবন জনার্দনই সত্য, ধর্ম, তপস্যা ও শান্তি প্রভৃতি  
 নিখিল দেবগণের অধিষ্ঠাতা। তাঁহার অনুগ্রহ ব্যতীত জগতে  
 কোন কার্যই সিদ্ধ হইতে পারে না।

## একাদশ অধ্যায় ।

ঋষিগণ কহিলেন, হে স্মৃত! তোমার মুখে দেব ও দানব-  
গণের এই পরম বিস্ময়াবহ বিচিত্র চরিত্র শ্রবণ করিয়া  
আমরা পরম পরিতোষ লাভ করিলাম । এক্ষণে মহাত্মা  
স্মৃত্তের জীবন-চরিত আনুপূর্বিক কীর্তন করিয়া আমা-  
দের কোতূহল নিবারণ কর । তুমি সর্ষশাস্ত্র-পারদর্শী  
ও সম্বক্তা । বিশেষতঃ ভগবান্ কৃষ্ণদ্বৈপায়ন তোমার  
গুরু । অতএব পৌরাণিক তত্ত্ব তোমার কিছুই অপরি-  
জ্ঞাত নাই ।

স্মৃত কহিলেন, হে মহর্ষিগণ ! মহাত্মা স্মৃত্তের জীবন-  
চরিত শ্রবণ করিলে সর্ষপাপ বিনাশ ও পরম পুণ্য সঞ্চয়  
হইয়া থাকে । আমি মহাপ্রাজ্ঞ গুরুদেবের প্রমুখাৎ পূর্বে  
যে রূপ শ্রবণ করিয়াছি, তদনুসারে আনুপূর্বিক কীর্তন  
করিতেছি, আপনারা শ্রবণ করুন ।

স্মৃত কহিলেন, পুরাকালে পুণ্যবতী রেবানদীর তীরে  
অমরকণ্ঠক নামে এক মহাতীর্থ ছিল । স্মপ্রসিদ্ধ কৌশিক-  
কুল-সমুদ্ভূত সোমশর্মা নামে শাস্ত্র, দান্ত, পবিত্রমনাঃ, উদার,  
প্রকৃতি, পুণ্যাত্মা, স্বধর্মপরায়ণ কোন বিজ্ঞশ্রেষ্ঠ তথায়  
বাস করিতেন । কিন্তু দৈবের প্রতিকূলতায় তিনি ধন ও  
পুত্ররত্নে বঞ্চিত হইয়াছিলেন । এই কারণে তাঁহার হৃৎখের  
পারিসীমা ছিল না । দিবারাত্র অর্থ ও পুত্রোপায় চিন্তা  
করিয়া, তিনি সর্বদাই বিবগ্ন-মনে কালযাপন করিতেন ।

অর্থ ও পুত্র না থাকিলে সংসারী লোকের যে কি কষ্ট, তাহা তিনি সবিশেষ বুঝিতে পারিয়াছিলেন।

একদা তিনি দুরন্ত চিন্তাভারে আক্রান্ত হইয়া বিষণ্ণ-বদনে উপবেশন করিয়া আছেন, এমন সময়ে সুমনা-নাম্নী তাঁহার প্রিয়তমা পত্নী তথায় সমুপস্থিত হইয়া পতির তাদৃশ ভাবান্তর নিরীক্ষণ করতঃ কাতরবচনে কহিলেন, নাথ ! কি কারণে আপনি এতাদৃশ শোকাভিভূত হইয়াছেন ? আপনার নিয়ত প্রীতিপ্রকল্প-বদনকমল কি জন্য অকস্মাৎ এরূপ মলিন-ভাব ধারণ করিয়াছে ? প্রতিদিন আপনার হাস্য-মুখ সন্দর্শন করিয়া আমি জীবন-মনোরথের সহিত আমার নারীজন্ম সকল করিয়া থাকি ! কিন্তু আজি আপনার সেই স্নিগ্ধ মোহন হাসিতচ্ছবি কোথায় গেল ? আপনাকে এ প্রকার বিষণ্ণ-ভাবাপন্ন নিরীক্ষণ করিয়া আমার হৃদয়ে যৎ-পরোনাস্তি যন্ত্রণার উদয় হইতেছে। নাথ ! পতিব্রতা রমণী কখন পতির এরূপ ক্লেশ দর্শন করিতে পারে না। স্বামীর ম্লানমুখ নিরীক্ষণ অপেক্ষা পতিগতপ্রাণী অবলার আর কি অধিক দুঃখ হইতে পারে ? প্রভো ! আপনার এরূপ ভাব তু কখন অবলোকন করি নাই। তবে কি কারণে অদ্য আপনার এ প্রকার ভাবান্তর উপস্থিত হইয়াছে ? নাথ ! চিন্তার সমান শরীরশোষক দুঃখ আর নাই। অতএব আপনি সেই সুখশাস্তি-বিনাশিনী চিন্তাকে পরিত্যাগ করুন। তাহা হইলে নির্মল-সুখের আন্বাদনে অন্তরাত্মাকে সুখী করিতে সক্ষম হইবেন।

মহামতি সোমশর্মা বিষণ্ণ-বদনে গদগদবচনে কহিতে লাগিলেন, প্রিয়তমে ! বিধাতা বাহার অদৃষ্টে সুখের লিপি

পতিত করেন নাই, সে কি প্রকারে নির্মল সুখ-শান্তি  
 আশ্রয়-সুখ সন্তোষ করিতে সক্ষম হইবে ? বিধাতা আমাকে  
 কেবল চিন্তা করিবার নিমিত্তই সৃজন করিয়াছেন। আমি  
 যে অনন্ত দুঃখসাগরে নিক্ষিপ্ত হইয়াছি, কোনরূপে যে  
 তাহা হইতে পরিত্রাণ লাভ করিতে পারিব, তাহার আশা  
 করি না। অতএব আমার দুঃখের কাহিনী শ্রবণ করিয়া  
 স্বধা কেন ক্লেশভাগিনী হইবে ? তবে নিতান্ত যদি শুনি-  
 বার ইচ্ছা থাকে, শ্রবণ কর। প্রিয়তমে ! দুঃখ দারিদ্র্যদুঃখ  
 আমাকে নিরন্তর বিষম যন্ত্রণা প্রদান করিতেছে। তাহাতে  
 দৈববিড়ম্বনার পুত্রমুখ নিরীকণে বঞ্চিত হইয়াছি। হায় !  
 আমার ন্যায় হতভাগ্য ব্যক্তি জগতে আর কে আছে ?  
 নির্ধন ও অপুত্রক হইয়া জীবন ধারণ করা কেবল বিড়ম্বনা-  
 মাত্র। এই কারণে আমার হৃদয় সর্বদাই ব্যথিত হইয়া  
 থাকে।

কোমল-প্রকৃতি জ্ঞানবতী পতিততা সুমনা পতির  
 মনোভাব অবগত হইয়া প্রিয়বাক্যে কহিলেন, নাথ !  
 আপনি স্বধা চিন্তা পরিত্যাগ করুন। তত্ত্বদর্শী মনীষি-  
 গণ যেরূপ সত্য রহস্য নির্দেশ করিয়া থাকেন, তাহা  
 আমি আপনার নিকট কীর্তন করিতেছি, শ্রবণ করিলে  
 আপনার সকল সন্দেহ দূর হইবে। তাঁহারা পাপকে  
 স্বকস্বরূপ নির্ণয় করিয়া, লোভকে তাহার বীজ, মোহকে  
 তাহার মূল, অমত্যকে তাহার স্কন্ধ, মায়াকে তাহার  
 শাখাপ্রশাখা, দম্ভ ও কুটিলতাকে তাহার পত্র, কুকার্যকে  
 তাহার পুষ্প, বিষয়নেবাকে তাহার মুকুল, অজ্ঞানকে  
 তাহার কল ও অধর্মকে তাহার রস বলিয়া নির্দেশ

করিয়া থাকেন । অজ্ঞানরূপ বিষময়-কলজীবী ছদ্ম, পাষাণ, চৌর, ক্রুর, প্রভৃতি পাপহাগণ পক্ষিকপে নিয়ত সেই পাপপাদপের মায়া-শাখা আশ্রয় করিয়া আছে । সেই পাপতরুচ্ছায়া-সেবী ব্যক্তিগণের আশুপতন হইয়া থাকে । এবং চরমে তাহারা ভীষণ নরকে পতিত হইয়া অনন্তকাল পর্য্যন্ত তাহাতে বাস করে । ধনপুত্র-কলত্রাদি-চিন্তাসক্ত ব্যক্তি লোভকর্তৃক আক্রান্ত হইয়া পরিণামে দারুণ যন্ত্রণা প্রাপ্ত হয় । অতএব আশ্রয়নাশিনী উন্মাদকরী চিন্তা পরিত্যাগ করাই সর্বতোভাবে কর্তব্য । জ্ঞানবুদ্ধি-সম্পন্ন মতিমান ব্যক্তির কখন এই চিন্তা পিণ্ডাটীকে প্রশ্রয় প্রদান করেন না । মুর্থ লোকেরাই চিন্তার উপাসনা করিয়া থাকে । মোহযুক্ত অজ্ঞান জনগণই প্রতিনিয়ত নিজের ভাগ্যকে নিন্দা করিয়া থাকে । তাহারা ধনসম্পত্তিপুত্রকলত্র-লাভের নিমিত্ত সর্বদাই ব্যাকুল । কিরূপে অতুল ঐশ্বর্যের অধিপতি হইবে, কতদিনে বিধাতা প্রসন্ন হইয়া তাহাদিগকে অনুরূপ পুত্র প্রদান করিবেন, কিরূপে প্রিয়তমা ভাৰ্য্যা লাভ করিয়া মনের সুখে কালাতিপাত করিবে, এই চিন্তাই তাহাদের হৃদয়ে সর্বদা বলবর্তী । কিন্তু দুঃখের বিষয় এই যে, তাহারা জীবনে কখন নির্মল সুখ-সম্ভোগ করিতে সক্ষম হয় না । তাহাদের জীবন কেবল দুঃখভোগেই অতিবাহিত হইয়া থাকে । অতএব আপনি সুখশান্তি-বিনাশিনী চিন্তাকে পরিহার-পূর্বক সত্য-সুখের অনুসরণে প্রবৃত্ত হউন ।

সুমনা কহিলেন, হে মহারাজ ! সংসারে কাহারও সহিত কাহারও কোন সম্বন্ধ নাই । জীবগণ মায়ামোহের বশবর্তী হইয়া কেবলমাত্র অলীক-সম্বন্ধ-কল্পনার অনুসরণ করিয়া

থাকে । নতুবা পিতা মাতা, পুত্রকলত্র কাহার সহিত কিছু  
মাত্র সম্বন্ধ নাই । অধিক কি, যখন নিজের দেহের সহিত  
নিজের সম্বন্ধ নাই, তখন পরের সহিত সম্বন্ধ-বন্ধন কিরূপে  
সম্ভব হইতে পারে ? জন্ম, মৃত্যু, সংযোগ ও বিয়োগ জগতের  
চিরপ্রবর্তিত নিয়ম । জন্ম হইলেই মৃত্যু অবধারিত । এইরূপ  
পুনঃ পুনঃ জন্ম মৃত্যুই সংসার বলিয়া পরিকল্পিত হইয়া থাকে ।  
জন্ম-গ্রহণের পূর্বে কাহারও সহিত কাহারও যেমন কোন  
সম্বন্ধ থাকে না । সকলেই যেমন অসম্বন্ধ জন্মগ্রহণ করে, সেইরূপ  
আবার অসম্বন্ধ হইয়া কালক্রমে পতিত হইয়া থাকে, মৃত্যুর  
পরে আর কাহারও সহিত কাহারও কোন সম্বন্ধ থাকে না । এই  
আমি আপনার সম্মুখে অবস্থান করিতেছি, আপনি পত্নী বলিয়া  
আমার প্রতি কত প্রণয়ানুরাগ প্রদর্শন করিতেছেন, কিন্তু  
মুহূর্ত্ত-মধ্যে হয় ত আপনার সহিত আমার সকল সম্বন্ধ শেষ  
হইয়া যাইতে পারে । অতএব নিশ্চয় জানিবেন যে, সকলের  
সহিত সকলেরই সম্বন্ধ এইরূপ । তবে অকারণে কি নিমিত্ত চিন্তার  
পরিচর্যা করিয়া আগ্নমুখ নষ্ট করিতেছেন ? অজ্ঞানতমসাস্থন্ন  
ব্যক্তির চিন্তাই অকিঞ্চিৎকর অনিত্য ধনজন-চিন্তায় জীবনের  
সুখসচ্ছন্দতা নষ্ট করিয়া থাকে । তত্ত্বজ্ঞানী মহাত্মাগণ কখন  
আগ্ননাশিনী চিন্তা-পিশাচীকে হৃদয়মধ্যে স্থানদান করেন না ।

জ্ঞান-বিজ্ঞানবতী পতিব্রতা সুমনার এই মহার্থ-সম্পন্ন উদার  
বাক্য শ্রবণেও মহামতি সোমশর্ম্মার চিন্তা-নির্দ্দিত হৃদয়ের  
কিছুমাত্র শান্তি-সাধন হইল না । তিনি দুঃখ-ভারাক্রান্ত-চিন্তে  
কহিলেন, ভদ্রে ! মায়ামোহে আমি একান্ত অভিভূত হই-  
য়াছি । কিছুতেই আমি ধৈর্য্য-ধারণ করিতে পারিতেছি না ।  
অতএব বাহা দ্বারা ধনপুত্রাদি সমুৎপন্ন হয়, সেই সম্বন্ধের স্বরূপ-



বিস্তার যথাযথ কীর্তন করিয়া আমার চিন্তাকুল হৃদয়ে সুখশান্তি সংস্থাপন কর।

সুমনা কহিলেন, ঋণগ্রহণ, ন্যাসাপহার, বৈরতাচরণ বা প্রিয়ানুষ্ঠান এই চতুর্বিধ কারণে পিতামাতা, স্বজন-বান্ধব, পুত্রকলত্র, মিত্রামিত্র, প্রভুভৃত্য প্রভৃতি সংসারের সম্বন্ধবন্ধন সংঘটিত হইয়া থাকে। তন্মধ্যে যে ব্যক্তির ন্যাস্তখন অপহৃত হয়, সেই ন্যাস-স্বামী ন্যাসাপহারীর গুণবান্ ও রূপবান্ পুত্র-রূপে জন্মগ্রহণ করিয়া, পূর্বজন্মে ন্যাসাপহার-নিমিত্ত তাহার যে দারুণ দুঃখ সমুপস্থিত হইয়াছিল, এক্ষণে সে সর্বান্তঃকরণে তাহারই প্রতিশোধ প্রদানের চেষ্টা করে। এবং দিন দিন বহুভক্তি ও সেহ প্রদর্শন-দ্বারা সেই স্বাপ্যধনাপহারকের প্রীতি ও অনুরাগ আকর্ষণকরতঃ স্বেচ্ছানুসারে তাহার সমুদ্রাট্য দ্রব্য সমুদায় সম্ভোগ করিয়া অবশেষে যদৃচ্ছাক্রমে ইহলোক হইতে প্রস্থান করিয়া থাকে। তাহার মৃত্যু-সময়ে তদীয় পিতা যে, হা পুত্র ! হা পুত্র ! বলিয়া বিবিধ প্রকার বিলাপ ও পরিতাপ করে, সে তাহার প্রতি কর্ণপাতও করে না। প্রত্যুত এই ভাবিয়া হাস্য করিয়া থাকে যে, ইনি কি জন্য বিলাপ করিতেছেন ? সংসারে কেহ কাহারও পুত্র কিম্বা কেহ কাহারও পিতা নহে। সকলেই স্ব স্ব কর্মের বশবর্তী হইয়া পিতাপুত্র, প্রভুভৃত্য প্রভৃতি-সম্বন্ধ বন্ধনে সম্বন্ধ হওতঃ সংসারে অবতরণ করে। ইনি পূর্বজন্মে নিতান্ত নির্দয় ও নির্মম হইয়া দস্যুর ন্যায় আমার স্বাপ্যধন অপহরণকরতঃ, আমাকে দুর্গিবার দুঃখ মাগরে নিমগ্ন করিয়াছিলেন এবং সেই দারুণ দ্রব্যাপহার-দুঃখের সুদুঃসহ অভিঘাতেই আমার প্রাণ-বিয়োগ হয়। আমিও এক্ষণে তাহারই প্রতিশোধ প্রদানের নিমিত্ত পুত্র-রূপে

ইহার গৃহে জন্মগ্রহণ করিয়া, ইহাকে তদনুরূপ দুঃখ প্রদান করিলাম । ছুরাঙ্গা অকারণে যেমন আমার সর্বস্ব অপহরণ করিয়াছিল, আমিও অদ্য ইহাকে সেই রূপ পিশাচত্ব প্রদান করিলাম । আর কখন আমার সহিত ইহার সাক্ষাৎ হইবে না । এ ছুরাঙ্গা পূর্বেও আমার পিতা ছিলনা, এক্ষণেও আমার পিতা নহে । আমি কেবল স্বকার্য সাধনোদ্দেশে ইহার বিশ্বাস সমুৎপাদন করিয়া এতদিন ইহাকে পিতা বলিয়া সন্দোধান ও ইহার প্রতি কৃত্রিম ভক্তি-শ্রদ্ধা প্রকাশ করিয়াছি । নতুবা আমি কাহারও পুত্র নহি । এবং ইহার সহিত কোন কালে আমার কোন প্রকার সম্বন্ধ নাই । এ পাশাঙ্গা এক্ষণে বৃথা বিলাপ ও পরিতাপ করিয়া পূর্ব দুষ্কৃতির প্রায়শ্চিত্ত সাধন করুক । হে মতিমন্ ! ন্যাস-স্বামী বারম্বার এইরূপ চিন্তা করিয়া অনিত্য জগৎ হইতে প্রস্থান করিয়া থাকে । অতএব আপনি কি নিমিত্ত পুত্র-কামনা করিতেছেন ? পুত্রোৎপাদনের যে দারুণ ক্লেশ তাহা আপনি শ্রবণ করিলেন । এবং সংসারে এইরূপ ন্যাস-স্বামী-পুত্রই ষত্র তত্র দেখিতে পাওয়া যায় । অতএব আপনি এই সমুদায় পর্যালোচনা করিয়া পুত্রকামনা পরিত্যাগ করুন ।

## দ্বাদশ অধ্যায় ।

সুমনা কহিলেন, হে স্বামিন্ ! এক্ষণে আপনাকে ঋগসব্ব্বী পুত্রের কথা বলিতেছি শ্রবণ করুন । যদি বেহ বাহারও নিকট হইতে ঋগ গ্রহণ করিয়া তাহা পরিশোধ করিতে না পারে, তাহা হইলে সেই ঋগদাতা পর-জন্মে ঋগ-কর্তার পুত্র-রূপে জন্ম-গ্রহণ করে । একপ পুত্র স্বভাবতঃ দুর্বৃত্ত ও ক্রুর-প্রকৃতি হইয়া থাকে । সে জনক-জননী প্রত্যি কখন দয়াময়তা প্রকাশ করেনা, কখন কাহারও গুণদর্শন করিতে পারে না, এবং সর্বদাই সকলের দোষগ্রহণে তৎপর হইয়া বিনাপরাধে আশ্রয়-গণকে তাড়না ও প্রহার করিয়া থাকে । পরিবারদিগকে বঞ্চনা করিয়া আপনি ইচ্ছামত সুখসম্ভোগে ও স্বার্থসাধনে তৎপর হয় । কখন বা গৃহ হইতে বলপূর্ব্বক দ্রব্যাদি অপহরণ করিয়া পরিবার-বর্গকে নানারূপে ক্লেশ প্রদান করে । কেহ নিবারণ করিলে কোষে অভিভূত হইয়া তাহাকে প্রহার ও নানাপ্রকারে তাড়না করিয়া থাকে । কখন নিতান্ত নিষ্ঠুরাচরণ-দ্বারা পিতা-মাতা-আত্মীয়জনের ঐকান্তিক মর্ম্মপীড়া সমুৎপাদন করে । মৃত পিতামাতার উদ্দেশে কখন শ্রাদ্ধতর্পণাদি সংক্রিয়ার অনুষ্ঠানে প্রবৃত্ত হয় না । যাহার বীর্য্যে সমুদ্ভূত, যাহার রক্তে সঞ্চিত ও যাহার অন্ত্রে প্রতিপালিত ; সেই সেহময় জনক-জননী প্রত্যি কখন আন্তরিক শ্রদ্ধা বা ভক্তি প্রদর্শন করেনা । প্রত্যুত রুতজ্ঞতায় জলাঞ্জলি প্রদানপূর্ব্বক সতত তাঁহাদেরই নিন্দাবাদ করিয়া থাকে । এবং সময়ে সময়ে তাহাদিগকে এই বলিয়া তাড়না

করে যে, ক্ষেত্র-ভূমি-ধন-রত্নাদি সমস্তই আমার, তোমরা কি জন্য তাহা ভোগ করিতেছ ? কখন বা নিতান্ত ছললিত হইয়া নির্দয়রূপে পিতামাতাকে প্রহার করিতে থাকে । তিলাঙ্কের নিমিত্ত ও পিতামাতাকে সুখী করে না,—মুহূর্তের নিমিত্ত ও তাঁহাদের করুণ-বচনে কর্ণপাত করে না । তাহাকে দেখিলেই বোধ হয়, যেন সে স্বয়ং সমুদ্রুত হইয়াছে । পিতামাতা তাহার জন্মের কারণ নহে । হে মহাশয় ! একপ ঋণস্বকী পুত্র জগতে যত্র তত্র লক্ষিত হইয়া থাকে । অতএব আপনি কি জন্য চিন্তা করিতেছেন ? এক্ষণে রিপু পুত্রের কথা বলিতেছি, শ্রবণ করুন ।

হে মহাশয় ! যে ব্যক্তি যাহার বৈরসাধন-পূর্বক প্রাণ-ত্যাগ করে, সেই ক্লতবৈর-ব্যক্তি বৈরকর্তার পুত্র হইয়া জন্মগ্রহণ করে । বাল্যকাল হইতেই তাহার বৈরবুদ্ধি উপজাত হয় । সে আজীবনকাল কেবল পিতামাতার সহিত শক্রতা ব্যবহার করিয়া থাকে । কখন তাঁহাদের প্রতি সেহ বা মমতা প্রকাশ করে না । তাঁহাদিগকে যথাসময়ে শয়ন-ভোজন করিতে দেয় না । কিছুমাত্র ক্রুধা-তৃষ্ণা না থাকিলেও পিতামাতাকে আহার করিতে দেখিলেই, তাঁহাদিগের মুখের গ্রাস কাড়িয়া লয় । সর্বদাই জনকজননীকে নিষ্ঠুররূপে প্রহার ও তাড়না করিয়া থাকে । পিতামাতা নিষেধ করিলে দিবারাত্র কেবল ক্রন্দন ও অভিমান করিয়া তাঁহাদের সুখশান্তি অশ্রয়ণ করিয়া থাকে । কখন বা ছলভ বস্তুর প্রাপ্তির নিমিত্ত সর্বদাই তাঁহাদিগকে উদ্বেজিত করে । এবং একটি অভিলাষপূর্ণ হইলে পুনরায় অভিলাষান্তর-সাধনের নিমিত্ত ধাবমান হয় । এইরূপে শক্রতা করিতে করিতে যখন তাহার মনোভিলাষপূর্ণ হয়, তখন সে সেহ

আপনার মনোভাৱে অগাম-শোকসিন্ধু নীৰে নিক্ষেপ করিয়া, মর্ত্য-  
ধাম পরিত্যাগপূৰ্বক প্রস্থান করে। উপদানে, ধারণে, পালনে,  
শিক্ষা দানে এত ক্লেশ স্বীকার করিয়া, যে জনকজননী তাহাকে  
পোষণ করিলেন, সেই ক্রুরপ্রকৃতি রিপুপুত্র ঐরূপ-পুত্র প্রাণা  
পিতামাতার জন্যে ক্ষণমাত্রও চিন্তা করে না। অতএব আপনি  
কি নিমিত্ত পুত্রকামী হইয়াছেন? আপনি বুঝিতে পারিতেছেন  
না। নতুবা আপনার ন্যায় সৌভাগ্যশালী পুরুষ জগতে অতি  
বিরল। যেহেতু আপনি পূৰ্বজন্মে কাহারও ন্যাস্তখন অপহরণ  
বা কাহারও নিকট ঋণগ্রহণ অথবা কাহারও বৈরসাধন করেন  
নাই। সেই কারণে আপনাকে ঐরূপ দুঃখবহুল পুত্রের মুখ  
নিরীক্ষণ করিতে হয় নাই।

এক্ষণে প্রিয়পুত্রের কথা বলিতেছি শ্রবণ করুন। প্রিয়-  
পুত্র জাতমাত্র পিতামাতার প্রীতি-সমুদ্ভাবন করিয়া থাকে।  
ঐরূপ পুত্র কোন কারণে তাঁহাদিগকে বিরক্ত বা উদ্বেজিত  
করে না। কখন দুর্ললিত বা অবাধ্য হইয়া তাঁহাদিগের মনঃ-  
পীড়া সমুৎপাদনে প্রবৃত্ত হয় না। কি শৈশব, কি যৌবন, কি  
বার্দ্ধক্য সকল অবস্থাতেই পিতামাতার প্রিয়নুষ্ঠান করিয়া থাকে।  
সৰ্বতোভাবে ভক্তি ও শ্রদ্ধা প্রদর্শনপূৰ্বক তাঁহাদিগকে সৰ্বদা  
সন্তুষ্ট ও প্রতিপালন করে। ঐরূপ পুত্র কখন জনক-জননী  
আহার না করিলে আহার করেনা, তাঁহারা নিদ্রিত না হইলে  
শয়ন করে না এবং ভ্রমক্রমেও তাঁহাদের বিপ্রিয়-পথে পদার্পণ  
করিতে প্রবৃত্ত হয় না। পিতামাতাকে মাঙ্কাৎ দেবতা-স্বরূপ  
জ্ঞান করিয়া, সৰ্বানুকরণে তাঁহাদের প্রীতি-সম্পাদনে ও  
প্রাণগণে তাঁহাদের আর্জা প্রতিপালনে যত্নবীল হইয়া থাকে।  
এবং উপরত জনক-জননীর উদ্দেশে আর্জা ও তর্পণাদি অবশ্য-

কর্তব্য কর্ম সকল সম্পাদন করিয়া, তাঁহাদিগকে প্রেতলোকে সুখবসতি প্রদান করিয়া থাকে । মনীষিগণ পিতৃমাতৃ-ভক্তি-পরায়ণ এইরূপ পুত্রকেই প্রিয়পুত্র বলিয়া নির্দেশ করেন । কিন্তু এরূপ পুত্র লাভ করা অতীব দুর্ঘট । নিতান্ত পুণ্য ও ভাগ্যশালী ব্যক্তিরাই এক্ষণ প্রিয়পুত্রের পিতা হইয়া থাকেন । অতএব এই সকল বিবেচনা করিয়া আপনি চিত্তকে সুস্থ ও সংযত করুন । অনর্থকরী চিন্তাকে হৃদয় মধ্যে স্থান-দান করিয়া আত্ম-সুখে প্রতিঘাত করিবেন না । সংসারে ধনবান্ ও পুত্রবান ব্যক্তিরাই সমধিক যন্ত্রণা ভোগ করিয়া থাকে । এক্ষণে আপনাকে আর এক প্রকার পুত্রের কথা বলিতেছি শ্রবণ করুন ।

সুমনা কহিলেন, কেহ কেহ উদাসীন পুত্রের কথা উল্লেখ করিয়া থাকেন । এক্ষণ পুত্র সংসারের সকল সম্বন্ধেই নির্লিপ্ত । তাহার কখন কোন বিষয়ে স্পৃহা বা অভিলাষ নাই । কিছুতেই বিরক্তি বা সন্তুষ্টি নাই । এক্ষণ পুত্র কখন কাহারও ইচ্ছা বা অনিচ্ছা সাধনে প্রবৃত্ত হয় না । কখন গমন বা প্রত্যাগমন করে না । কাহারও প্রতি তাহার আশ্রয় বা বিদ্বেষভাব নাই । সে কিছুতেই সুখ বা দুঃখ অনুভব করে না, কাহাকেও তাড়না বা প্রহার করেন । এবং তাহা হইতে পিতামাতার কখন কোন ক্ষতি-বৃদ্ধি বা প্রিয়াপ্রিয় সাধিত হয় না । সে নির্গম, নির্দন্দ ও নির্লিপ্ত হইয়া জীবন-যাত্রা নির্বাহ করিয়া থাকে ।

আপনি এক্ষণে সর্ব-প্রকার পুত্রের স্বভাব ও স্বরূপ শ্রবণ করিলেন । পিতা-মাতা-পুত্র-কন্যা-প্রভৃতি সংসারের দ্বিবিধ সম্বন্ধ কেবল পূর্বে কৃত্তবুধি কারণেই সংঘটিত হইয়া থাকে । জগতের জীবমাত্রেরই উল্লিখিত ভেদচতুর্কয় দুর্থেতে পাওয়া যায় । নীতি-বেদিগণ এই কারণে সংসার সম্বন্ধে বীতরাগ হইয়া বৈরাগ্য-যোগ

অবলম্বন করিতে পদে পদে উপদেশ প্রদান করিয়া থাকেন। এক্ষণে আপনি এই সকল পর্যালোচনা করিয়া পুত্র-চিন্তা পরিত্যাগ করুন। আমাদের পরম সৌভাগ্য-বশতঃই ইহজন্মে নিরপত্য হইয়াছি। পূর্বজন্মে আমরা কাহারও স্থাপত্যন হরণ বা কাহারও নিকট ঋণগ্রহণ অথবা কাহারও বিপ্রিয়সাধন বা প্রিয়ানুষ্ঠান করি নাই। কিম্বা অপর কেহও আমাদের ন্যাস্ত্রধনে বঞ্চিত বা আমাদের নিকট হইতে ঋণগ্রহণ অথবা আমাদের প্রিয়ানুষ্ঠান করে নাই। সেই কারণ-বশতঃই ইহজন্মে আমাদের পুত্র-জন্মরূপ মহদুঃখে আক্রান্ত হইতে হয় নাই। আমি সর্বদাই আপাকে পরম সৌভাগ্যশালিনী বলিয়া জ্ঞান করিয়া থাকি। যেহেতু পরম কারুণিক পরমেশ্বর আমাকে নিরপত্য করিয়া সংসারের দারুণ যন্ত্রণা হইতে পরিমুক্তা করিয়াছেন। দেখুন, পুত্র উৎপাদনে ক্লেশ, ধারণে ক্লেশ, পোষণে ক্লেশ, এবং শিক্ষাদানে ক্লেশ। আবার সেই পুত্র যদি পিতামাতার বিপ্রিয়াচারী ও দুঃচরিত্র হয়, তাহা হইলে ক্লেশের আর সীমা থাকে না। অতএব আপনি এই সকল বিবেচনা করিয়া অনর্থক চিন্তা ও বিষাদ পরিত্যাগ করুন। আর আপনি যে দরিদ্র বলিয়া নিরন্তর দুঃখপ্রকাশ করিয়া থাকেন, তাহাও বিফল। কারণ, পূর্বজন্মে দান বা সদানুষ্ঠান না করিলে, ইহজন্মে ধনবান্ হইতে পারা যায় না। আপনি পূর্বজন্মে বোধ হয় কোন সৎকার্যের অনুষ্ঠান বা কাহাকেও কিছু দান করেন নাই, সেই কারণে ইহজন্মে এই দারুণ দারিদ্র্য-দুঃখ উপভোগ করিতেছেন। অতএব বৃথা চিন্তা করিলে আর কি ফল লাভ হইবে? মনীষিগণ নির্দেশ করিয়াছেন যে, পূর্বজন্মে যে যাহা দান করে, ইহজন্মে সে তাহাই প্রাপ্ত হইয়া

থাকে । তাঁহাদের এই অমোঘ বাক্য কখন বিফল হইবার নহে । বিশেষতঃ জগতে সকলই ভাগ্যসাপেক্ষ । ভবিতব্যতার অন্যথা-চারণ করিতে কেহ কখন সক্ষম হয় না । কেহবা বিনা পরি-শ্রমে প্রচুর ধনসম্পত্তির অধীশ্বর হইয়া থাকে, আবার কেহ বহুযত্ন ও পরিশ্রম করিয়াও এক কর্দমকমাত্র প্রাপ্ত হইতে পারে না । আরও দেখুন, মনুষ্যের প্রযত্নসঞ্চিত বিপুল-ধনসম্পত্তি তাহার মৃত্যুর পরে অপরের উপভোগ্য হইয়া থাকে । অতএব অকারণে কেন আপনি ধনচিন্তায় অভিভূত হইয়া আমার ক্লেশ সমুৎপাদন করিতেছেন ? ভবিতব্যই যাহার একমাত্র মূল, তাহার জন্য রুখা চেষ্টা করিলে কি ফল লাভ হইবে ।

সুমনা কাহিলেন, আপনি যে অর্থ-প্রাপ্তির কামনা করিতেছেন, সে অর্থ কখন সুখকর নহে । জীবের সম্পদই সমূহ বিপদের আঙ্গুষ্ঠ । ঐশ্বর্যশালী ব্যক্তি কখন জীবনে সুখশান্তি অনুভব করিতে পারে না । দরিদ্রতা-নিবন্ধন আপনি যে দুঃখ ও ক্লেশ অনুভব করিতেছেন, অর্থ উপার্জনে ও রক্ষণে তদপেক্ষা অধিক-তর ক্লেশ ও দুঃখ সঞ্চারিত হইয়া থাকে । ধনবান্ ব্যক্তি কখন নিরুদ্ধেগে বা নিরাপদে জীবন-যাত্রা নির্বাহ করিতে পারে না । দুর্ভিক্ষহ দুঃখ ও চিন্তাভারে আক্রান্ত হইয়া তাহাকে জীবলীলার পরিসমাপ্তি করিতে হয় । অতএব যাহার অভাবে ক্লেশ, থাকায় ক্লেশ, উপার্জনে ক্লেশ ও রক্ষণে ক্লেশ, সেই ক্লেশহূলক অনর্থ-কর অর্থচিন্তা পরিহারপূর্বক আপনি শান্তির আশ্রয় গ্রহণ করুন । সংসারের পিতামাতা-পুত্রকন্যা-আগ্নীয়-স্বজন-ধনসম্পত্তি সকলই অলীক ও অনিত্য । মনুষ্যগণ কেবল মোহমায়ায় আবদ্ধ হইয়া আমার পুত্র, আমার পত্নী, আমার পিতা, আমার মাতা, আমার গৃহ, আমার ঐশ্বর্য ইত্যাদি সম্বন্ধে কল্পনা করিয়া আপনাপনি



সংসার কারায় বদ্ধ হয়। আত্মজ্ঞানহীন জীবগণই অলীক ও অবাস্তব বস্তুতে সত্য জ্ঞান করিয়া থাকে। হীনবুদ্ধি লুতার ন্যায় তাহারা সংসার জালে আবদ্ধ হইয়া, আজীবন অসীম যাতনারাশি উপভোগ করে। মৃত্যুকালেও তাহাদের জ্ঞানচক্ষু উন্মীলিত হয় না। এ জগতের অনিত্যতা-সম্বন্ধে তাহারা একেবারে অন্ধ। সেই মোহাচ্ছন্ন হতচেতন ব্যক্তিগণ ভ্রমেও চিন্তা করে না যে, এই মুহূর্তে যাহাকে আমার বলিয়া জ্ঞান করিতেছে, আত্মীয়-জ্ঞানে যাহার অনুগত হইয়া আছে, মায়াপাশে বদ্ধ হইয়া যাহার প্রতি প্রগাঢ় সেহ ও অনুরাগ প্রদর্শন করিতেছে, পর-মুহূর্তেই তাহাকে পরিত্যাগ করিতে হইবে। মৃত্যুমুখে পতিত হইলে যে, সংসারের সকল সম্বন্ধই একেবারে নিঃবেশিত হইবে, তাহারা স্বপ্নেও তাহা চিন্তা করে না। কিন্তু সুপ্ত-প্রবুদ্ধের ন্যায়, যাহাদের জ্ঞানচক্ষু উন্মীলিত হইয়াছে, তাহারা কেবল ইহ সংসারের অনিত্যতা ও সম্বন্ধ-বন্ধনের অলীকতা অনুভব করিতে পারেন। তাহারা কেবল বুঝিতে পারেন। যে এ সংসার দুঃখ ও অভাব-পরম্পরায় পরিপূর্ণ। অতএব আপনি এই সকল পর্য্যালোচনা করিয়া পুত্রার্থচিন্তা পরিহারপূর্বক একান্তচিত্তে পরমাত্মার ধ্যানধারণায় মনোনিবেশ করুন। তাহা হইলে আপনি সুবিমল শান্তি-সুখ অনুভব করিতে পারিবেন।

সূত কহিলেন, হে দ্বিজসন্তমগণ! পতিব্রতা জ্ঞান-বিজ্ঞান-বতী সূমনার এই প্রকার জ্ঞান-গর্ভ হিতবাক্য শ্রবণ করিয়া মহামনা সোমশর্মা পুনরায় কহিতে লাগিলেন।

## ত্রয়োদশ অধ্যায় ।

সোমশর্মা কহিলেন, অয়ি হিতবাদিনি ! তুমি যাহা বলিলে সে সকলই সত্য । উহা শ্রবণ করিলে সকল সন্দেহ দূরীভূত হয় । তথাপি বংশরক্ষক সুপুত্র লাভের নিমিত্ত আমার অন্তঃকরণ সর্বদাই চিন্তিত । কিছুতেই আমি সেই পুত্রচিন্তা হৃদয় হইতে দূরীভূত করিতে পারিতেছি না । ধনচিন্তা আমার হৃদয়ে তাদৃশী বলবতী নহে । কারণ সংসারে সকলেই ঐশ্বর্য্যশালী হইতে পারেনা, কিন্তু পুত্রলাভ অনেকেরই ভাগ্যে ঘটিয়া থাকে । অতএব যে কোন প্রকারে হউক, পুত্র-সমুৎপাদন করিয়া আমি তৃপ্তি লাভ করিব ।

সুমনা কহিলেন, নাথ ! চিন্তা ও বিষাদে আপনি অতিমাত্র অভিভূত হইয়াছেন । ; আমি কেবল আপনার চিন্তাচঞ্চল্য দূরীভূত করিবার জন্যই এই সমস্ত প্রবোধ-পরম্পরা প্রয়োগ করিলাম । নতুবা সংপুত্র হইতেই বংশ রক্ষা হইয়া থাকে । মনীষিগণ নির্দেশ করিয়াছেন যে, বহু নিষ্ঠুর পুত্র অপেক্ষা এক সংপুত্রও ভাল । ঐক্য পুত্র হইতে পিতামাতার প্রতিপালন ও বংশকুল সমুজ্জল হয় । কিন্তু বহু পুণ্য ব্যতীত ঐক্য পুত্র লাভ করিতে পারা যায় না । অতএব আপনি আগ্নাকে সংযত করিয়া পুণ্যাচরণে প্রবৃত্ত হউন । তাহা হইলেই আপনার অভিপ্রেত সিদ্ধ হইবে । জন্ম ও মৃত্যু সংসারের অনিবার্য্য নিয়ম । জন্ম হইলেই মৃত্যু আছে, এবং মৃত্যু হইলেই পুনরায় জন্ম হইয়া থাকে । কিন্তু সংসারে সকলের ভাগ্যে সুখ-জন্ম বা সুখ-মৃত্যু সংঘটিত

ইয় না । পুণ্যক্রমে ও সৌভাগ্যশালী ব্যক্তিই সুখ-জন্মও সুখ-মৃত্যু লাভ করিয়া থাকে । নতুবা পুণ্য ও ধর্মকর্মহীন পাপায়াগণ কখন সুখ-শান্তি ভোগ করিতে পারে না । তাহারা দুঃখে জন্ম-গ্রহণ করে, দুঃখে পরিবর্দ্ধিত হয় ও দুঃখে প্রাণত্যাগ করিয়া থাকে । অতএব আপনি প্রয়াস করুন, পুণ্য সমাচরণে প্রবৃত্ত হউন । তাহা হইলেই আপনার সকল মনোরথ সুসিদ্ধ হইবে ।

সুমনার এই প্রকার বাক্য শ্রবণ করিয়া সোমশর্মা কহিলেন, প্রিয়তমে ! পুণ্য কাহাকে বলে এবং কিরূপে তাহা প্রাপ্ত হওয়া যায়, এই সমস্ত তুমি আমার নিকট বিশেষ রূপে কীর্তন কর ।

সুমনা কহিলেন, নাথ ! কি পুরুষ কি স্ত্রী, পুণ্যসঞ্চয় সকলেরই সাধ্যায়ত্ত । এবং লোকে একমাত্র সেই পুণ্যবলেই পুত্রধনাদি অন্যান্য অভীপ্সিত বিষয় লাভ করিয়া থাকে । ব্রহ্মচর্য্য, সত্য, তপস্যা, দান, নিয়ম, ক্ষমা, শৌচ, অহিংসা, শান্তি ও অস্তেয় এই সমস্তই পুণ্য-সঞ্চয়ের কারণ । এবং এই দশবিধ সদনুষ্ঠান হইতে জগতে সত্য-ধর্ম লাভ করিতে পারা যায় । ধর্ম যাহাঁর প্রতি প্রসন্ন হইয়েন, তাঁহার সকল অভিলাষ পূর্ণ হইয়া থাকে । তাঁহারা স্বর্গ হইতেও উত্তম লোক লাভ করিতে পারেন । জগৎপাতা জগদীশ্বর তাঁহাদের প্রতি সর্বদাই সুপ্ৰসন্ন । ইহলোকে তাঁহারা সকলের নিকট পূজিত ও চরমে পরম-পদ প্রাপ্ত হইয়া থাকেন । তাঁহাদের সুখসম্পত্তির ইয়ত্তা থাকে না ।

সোমশর্মা কহিলেন, হিতবাদিনি ! তুমি যে ধর্মের কথা বলিলে, তাঁহার মূর্ত্তি কিরূপ, তাহা তুমি আমার নিকট বখাষধ বর্ণন কর ।

সুমনা কহিলেন, হে ব্রহ্মন্ ! প্রভূত-তপোবীৰ্য্য-সম্পন্ন,

ভাগ্যবতী ভগবতী অমৃত্যুয়াজ মহর্ষি দুর্ঝাসা ও ভগবান দত্তা-  
 ত্রেয় ব্যতীত আর কেহ কখন ধর্মকে সাক্ষাৎ করিতে পারেন নাই।  
 ধর্মের মূর্তি অলৌকিক ও অদৃশ্য। তত্ত্বদর্শী মহাত্মাগণ সত্য-  
 কেই তাঁহার আত্মরূপে নির্দেশ করিয়া থাকেন। প্রভূত পুণ্যবল  
 না থাকিলে ধর্মের সাক্ষাৎকার লাভ করিতে পারা যায় না।  
 উগ্রতপা মহর্ষি দুর্ঝাসা ও ভগবান্ দত্তাত্রেয় একাধিক্রমে  
 লক্ষবৎসর দুশ্চার তপশ্চরণ করিয়া পরিশেষে ব্রাহ্মণবেশী ধর্মের  
 সাক্ষাৎ লাভ করিয়াছিলেন। বিশেষতঃ তাঁহারা উভয়েই  
 মহাত্মা, নীতিবেদী ও সত্যনিষ্ঠ ছিলেন। এবং ধর্মের দর্শন-  
 লাভ-লাভসময় ক্রমাগত সমাধি-স্থাপন-দ্বারা, বায়ুমাত্র-ভক্ষণে, অন-  
 শনব্রত-অবলম্বনে, ও পঞ্চামিচর্য্যা প্রভৃতি সুদুশ্চর তপোব্রতের  
 সমাচরণে লক্ষবৎসরের পর সত্যাত্মা সনাতন ধর্মকে সাক্ষাৎ  
 করিয়াছিলেন।

সুমনা কহিলেন, হে দ্বিজসন্তনু! মহাতেজা শঙ্করাংশ  
 দুর্ঝাসা সহজে সেই সত্যস্বরূপ ধর্মের দর্শন প্রাপ্তি হন নাই।  
 লক্ষবৎসর অতীত হইলে, তত্রাপি ধর্ম তাঁহাদিগকে দর্শন  
 দিলেন না, এই কারণে মুনিপুঙ্কব দুর্ঝাসার ক্রোধানল একেবারে  
 প্রদীপ্ত হইয়া উঠিল। তদর্শনে লোকভাবন ধর্ম ব্রহ্মচর্য্য, সত্য,  
 তপঃ, দম, নিয়ম, অগ্নিহোত্র ও অস্তেয় এই কয়েকটি অঙ্গের  
 সহিত ব্রাহ্মণ-মূর্তি-পরিগ্রহপূরঃসর তৎক্ষণাৎ তাঁহার সম্মুখে  
 উপস্থিত হইলেন। ক্ষমা, শান্তি লজ্জা, অহিংসা ও অবক্রতা  
 ইহারা স্ত্রীবেশে তথায় সমাগত হইলেন। এবং বুদ্ধি, প্রজ্ঞা, শ্রদ্ধা  
 মেধা, পঞ্চাগ্নি, সাক্ষোপাস্কবেদ, পুণ্যাত্মা প্রকৃতি ও অশ্বমেধাদি  
 স্তম্ভ সমুদায় মূর্তিপরিগ্রহপূর্বক তথায় আগমন করিলেন।  
 তাঁহারা সকলেই পরম রূপলাবণ্য, সম্পন্ন দিব্যকান্তি-সমন্বিত, সর্বা-

উন্নত, দিব্যায়র-পরিহিত, গন্ধাদিলেপনে অলঙ্কৃত, কিরীট-  
কুণ্ডল-পরিশোভিত এবং দিব্য-তেজঃ ও দীপ্তি বিশিষ্ট।  
তাঁহাদের সকলেই নিম্নলঙ্ক, নির্দোষ ও নির্বিকার। সকলেই  
সেই একমাত্র পরমাত্মার অংশভূত ও দেবোপম। তাঁহাদের  
পদার্পণে সেই স্থান পরম পবিত্র হইয়া মনোহর ও অলৌকিক  
শোভা ধারণ করিল। শান্তিদেবী মূর্তিমতী হইয়া সেই স্থানে  
বিরাজ করিতে লাগিলে। তাঁহাদের সকলের সমাগমে ও  
সমবাসে সেই স্থান তৎকালে স্বর্গ হইতেও অধিকতর রমণীয় ও  
সর্ব-সুখ-সমৃদ্ধির আধার হইয়া উঠিল।

অনন্তর লোকভাবন ধর্ম সপরিবারে তথায় উপস্থিত  
হইয়া, প্রজ্জ্বলিত-কোপানল মহাভাগ দুর্কাসকে মধুরবচনে  
কহিতে লাগিলেন, হে ব্রহ্মণ! তুমি কি নিমিত্ত ক্রোধকে হৃদয়  
মধ্যে আশ্রয় দান করিয়াছ? জীবগণের ক্রোধের তুল্য শত্রু  
আর নাই। ক্রোধই জীবগণের বিনাশের একমাত্র কারণ। ক্রোধ  
হইতে লোকের ধৈর্য্যচ্যুতি ও পুণ্যক্ষয় হইয়া থাকে। এই  
কারণে ক্ষমাশীল মনুষিগণ কখন ক্রোধের বশীভূত হইয়েন না।  
অতএব তুমি কি জন্য এই অনর্থমূলক ক্রোধপরতন্ত্র হইয়া নিজ  
তপস্যার বিঘ্নসমুৎপাদনে প্রবৃত্ত হইয়াছ? ক্রোধ হইতে লোকের  
সর্বনাশ সাধন হইয়া থাকে। এবং ক্রোধ হইতেই যাবতীর অনর্থ  
উৎপন্ন হয়। এই ক্রোধ হইতে মনুষ্যগণের শ্রেয়োগার্গ  
অপরিচ্ছন্ন হইয়া থাকে। অতএব তুমি সার্বানিষ্ট-প্রয়োজক  
এই সুমহান ক্রোধকে পরিত্যাগ কর। তাহা হইলে শান্তির  
আশ্রয় প্রাপ্ত হইবে। এবং শান্তির আশ্রয় প্রাপ্ত হইলেই  
তোমার তপশ্চরণের সমুদায় ফল লাভ হইবে। শান্তি ব্যতিরেকে  
কাহারও কখন শ্রেয়োগাত হইয় না। অশান্ত-প্রকৃতি ব্যক্তি

কোন কালে কোব লোকে প্ৰয়োজন্যে করতে  
ক্ৰোধাক ব্যক্তির হাস, সত্য, তপস্যাदि কেবল বস্তু। এই  
সেই সমস্ত সৰ্বতোভাবে নিষ্কল হইয়া থাকে। ক্ৰোধপরবশ  
কখন মুক্তিপথ-নিরীক্ষণে সক্ষম হয় না। অতএব তুমি কি অন্য  
ক্ৰোধপরতন্ত্র হইয়া এই ক্লেম-সঞ্চিত তপোরাশি অপচয় করিতে  
উদ্যত হইয়াছ ?

সুমনা কহিলেন, ব্রাহ্মণবেশী ধর্মের এইপ্রকার হিতগর্ভ  
বচনাবলি শ্রবণ করিয়াও, মহর্ষি দুর্ধাসার ক্ৰোধবেগের উপশম  
হইল না। তিনি, ক্ৰোধানলপ্রজ্বলিত-আরক্তিমলোচনে কহিলেন,  
হে মহামন! আপনি ও আপনার সমভিব্যাহারী এই সকল  
ব্যক্তিগণ কে? এবং পরম-কপলাবণ্য-সম্পন্ন, দিব্যালঙ্কার-ভূষিতা,  
দেব্যুপমা এই সপ্ত সুকুমারী ললনাইবা কে? তাহা আপনি  
বিশেষরূপে আমার নিকট কীর্তন করুন।

ব্রাহ্মণবেশী ধর্ম কহিলেন, হে তপোনিধি! যিনি তোমার  
শরীরে সর্বদা বুদ্ধার্চ্যরূপে বিরাজ করিয়া থাকেন, তিনি এই  
দণ্ড-কমণ্ডলু-হস্তে সর্বতেজঃ-সমন্বিত ব্রাহ্মণবেশে অন্য তোমার  
সমীপে আগমন করিয়াছেন। যে তপোব্রতকে তুমি সর্বদা আশ্রয়  
করিয়া আছ, সেই পরম জ্যোতির্ময় তপঃ প্রদীপ্ত ছতাশমের ন্যায়  
ব্রাহ্মণবেশে তোমার সম্মুখে শোভা পাইতেছেন। সর্ব কীর্ষে  
স্বয়ংপন্ন ও পরম দীপ্তমান্ দান-ব্রাহ্মণ-মূর্তি-পরিগ্রহ করিয়া মহা-  
সমভিব্যাহারে আগমন করিয়াছেন। ঐ পিঙ্গলবর্ণ, মহাপ্রভ,  
শান্তি-কুপাশধারী, ইন্দ্রিয়গণের দমনকর্তা অন্নং দম তোমার  
পাশে সমাগত হইয়াছেন। স্বীয় পত্নী জয়াল ব্রাহ্মণবেশী  
স্বয়ং তোমার পাশে শোভা পাইতেছেন। এই মহাপুরুষ  
কিষ্কিন্দ্র শান্ত-বচন ও পরম হিতবাক্য। এবং এই

পরম দীপ্তিমান, পদ্ম-কমণ্ডলুধারী মহাপুরুষকে অনলোকন করিতেছ, উহার নাম শৌচ।

ধর্ম কহিলেন, হে দ্বিজোত্তম। অসামান্য ভাগ্যধরবিশিষ্টা পতিবৃত্তা শুশ্রূষা, সর্বাভরণে ভূষিতা হইয়া তোমার সমীপে স্বয়ং সমাগত হইয়াছেন। অতিমাত্র বীর্যশালিনী, দিব্যালঙ্কার-নিভূষিতা মনস্বিনী ক্ষমা তোমার সম্মুখে অবস্থান করিতেছেন। দিব্যাভরণ-ভূষিতা, অনুপম-শোভা-সৌন্দর্য-শালিনী, পরম-জ্ঞান কপিনী, মঙ্গলময়ী শান্তিদেবী নূর্তি-পরিগ্রহ করিয়া তোমার নিকট আগমন করিয়াছেন। এই যে সুরূপা, শ্যামবর্ণা মিত্র-ভাষিণী রমণীকে সন্দর্শন করিতেছ, ইহার নাম অহিংসা। ইনি সর্বদাই পরোপকার-পরতন্ত্রা। এবং ক্ষমা ও সত্য নিয়ত ইহার অনুসরণ করিয়া থাকেন। ঐ দেখ, তপ্তকাঞ্চনবর্ণা, সর্ব-রূপগুণ-সম্পন্না, জ্ঞান-বিজ্ঞান-বতী, ইন্দুনিভাননা লজ্জা তোমার সান্নিধ্যে অবস্থান করিতেছেন। ইহার আত্মা নিরতিশয় নির্মল ও উন্নত এবং ইনি সর্বদাই প্রসন্নভাবে কালযাপন করিয়া থাকেন। বৎস! দিব্য-জ্ঞানবুদ্ধি-সম্পন্না, সুভগা, রক্ত-চিত্তা, সুস্থিতা, চারুমঞ্জলা, সর্বাধান-সংযুক্তা, সর্বাভরণ ভূষিতা, পীনশ্রোণিপয়োধরা, মনস্বিনী মেধা স্বয়ং ত্বদন্তিকে সমাগতা হইয়াছেন। সংসারে সকলেই ইহার সান্নিধ্য গৌরব করিয়া থাকে। যে ব্যক্তি মেধাহীন, তাহার জ্ঞানবুদ্ধি প্রক্ষুরিত হয় না এবং প্রবৃত্তি সকল জড়ের ন্যায় অবসন্ন হইয়া যায়। কিন্তু মেধাবী ব্যক্তি স্বীয় অসাধারণ বুদ্ধি ও জ্ঞানবলে জগৎকে বশীভূত করিতে পারেন। ঐ যে সুশোভনা শ্বেতবস্ত্র-পরিধানা মুক্তাহার-পরিশোভিতা, বিঘোষ্ঠা, চারুদশনা, সহাস্যাননা, দিব্য-রূপলাবণ্য-সম্পন্না, অক্ষ-পুস্তকধারিণী, শোভনা ললনা, মনস্বিনী

মেধার পাশ্চদেশ অলঙ্কৃত করিয়া আছেন, উহার নাম প্রজ্ঞা !  
 এবং ঐ সুবর্ণবর্ণা, নানালঙ্কার-ভূষিতা, মনিকুণ্ডল-ধারিণী,  
 কৌষেয়-বসনা, শুভাননা ললনার নাম দয়া । ইনি আমার  
 সহধর্মিনী । ত্রিলোকের উপকার ও মঙ্গল সম্পাদনের নিমিত্ত  
 ইনি প্রতিনিয়ত প্রাণপণে যত্ন করিয়া থাকেন । ইহার  
 ন্যায় কোমল-প্রকৃতি ও নির্মল-স্বভাবা ললনা আর কুত্রাপি  
 দৃষ্টিগোচর হয় না । ইনি ছায়ার ন্যায় সর্বদাই আমার অনু-  
 সরণ করিয়া থাকেন । যেখানে আমি সেই স্থানেই দয়া এবং  
 যে স্থানে দয়া সেই স্থানেই আমার অধিষ্ঠান । আমারই নাম  
 ধর্ম । তোমাকে দেখিবার নিমিত্ত সপিরিবারে এখানে  
 আগমন করিয়াছি । এক্ষণে তুমি শান্তির আশ্রয় গ্রহণ করিয়া  
 সর্বতোভাবে আমাকে প্রতিপালন কর ।

সুমনা কহিলেন, নাথ ! ধর্মের নাম শ্রবণমাত্র, মুনিসত্তম  
 দুর্কাসার আপত্তিত রোষভার বিদূরিত হইল । তিনি তখন  
 ধর্মকে সম্বোধন করতঃ প্রয়ত বাক্যে কহিলেন, ভগবন্ !  
 আপনার দর্শন-লাভে আমি কৃতার্থস্মন্য হইলাম । এক্ষণে  
 আপনার আগমনের কারণ নির্দেশ করিয়া আমার কৌতূহল  
 চরিতার্থ করুন ।

ধর্ম কহিলেন, হে দ্বিজোত্তম ! তোমার ঐদৃশ রোষাবেশের  
 কারণ কি ? কেহ যদি তোমার কোনরূপ বিপ্রিয়ানুষ্ঠান  
 করিয়া থাকে, তাহা হইলে তাহা আমার নিকট সবিশেষ প্রকাশ  
 করিয়া বল ।

দুর্কাসা কহিলেন, ভগবন্ ! আপনার অনুগ্রহে ও পূর্ব-  
 পুরুষের আশীর্বাদে এবং স্বীয় অনন্যসাধারণ তপোবলের  
 প্রসাদে ত্রিলোকের মধ্যে কেহই আমার বিপ্রিয়-সাধন করিতে



সক্ষম নহে । আমি যে রোষাবিষ্ট হইয়াছিলাম, তাহার এক-মাত্র কারণ আপনি । আপনি আমাকে সমূহ ক্লেশ প্রদান করিয়াছেন । আমি আত্মা ও ইন্দ্রিয়গ্রাম সংযত করিয়া আহার নিদ্রা পরিত্যাগপূর্ব্বক সুদুশ্চর তপশ্চরণে লক্ষবৎসর অতিবাহিত করিলাম । সংসারের বিষয়-সুখ-ভোগ-বাসনা হইতে বিরত হইয়া এতাবৎকাল একান্তচিত্তে কেবল আপনারই পরিচর্যা করিয়া আসিলাম । তথাপি আমার প্রতি আপনার দয়ার সঞ্চার হইল না । এই কারণে আমি আপনার প্রতি সাতিশয় রোষাবিষ্ট হইয়াছি । এবং আপনার নিমিত্ত আমি যে অসীম ক্লেশ প্রাপ্ত হইয়াছি, তাহার প্রতিশোধ-পন্থরূপ আনাকে অদ্য আমি শাপত্রয় প্রদান করিব । সংসারে আর কেহ যেন আমার ন্যায় আপনার দ্বারা ক্লেশ প্রাপ্ত না হয় ।

মহাভাগ দুর্কাসার এই বাক্য শ্রবণ করিয়া, লোকভাবন ধর্ম্ম কহিলেন, হে বৎস ! অকারণে একপ রোষপরবশ হইয়া আত্ম-হানি করিও না । ক্রোধবশ জন প্রমিষ্ট-লক্ষ্মী হইয়া থাকে । অতএব তুমি ক্রোধ পরিত্যাগ-পূর্ব্বক শান্তির আশ্রয় গ্রহণ ও আনাকে পরিপালন কর । আমাকে বিনষ্ট করিলে বিশ্ব-সংসার বিনষ্ট হইবে । কারণ, আমিই লোক-স্বের ধারণ ও রক্ষা কর্তা । আমার অধিষ্ঠানেই সকলের অধিষ্ঠান এবং আমার প্রকাশেই সকলের প্রকাশ । সুতরাং আমার বিনাশে যে সমস্তই বিনাশ প্রাপ্ত হইবে, তাহাতে আর অনুমাত্র সংশয় নাই । যাহারা নিয়ত সত্য-পথে বিচরণ করে, আমি প্রথমে তাঁহাদিগকে সমূহ দুঃখ প্রদান করিয়া থাকি । কারণ দুঃখের মূল সম্যগ্-রূপে নির্ধারণ না হইলে সুখ-সংঘটনের সম্ভাবনা নাই । দেখ, পাপের পথ অতীব সরল । পাপ সহজেই সঞ্চিত হইয়া থাকে । কিন্তু

পুণ্য-সঞ্চয় সহজসাধ্য নহে। দুর্ভিক্ষহ ক্লেশভার বহন করিতে না পারিলে, নিত্য-সুখ-শান্তির আকর পুণ্যরাশি উপার্জন করিতে পারা যায় না। কেহ কেহ আজীবন কঠোর ক্লেশভোগ করিয়াও পুণ্য-লাভে সমর্থ হয় না। কিন্তু পুণ্য-নুষ্ঠান করিতে করিতে যাহার প্রাণ বিয়োগ হয়, পরলোকে তাহার সুখের সীমা থাকে না। ফলতঃ পুণ্যের পুরস্কার পরলোকেই প্রাপ্ত হইয়া থাকে। ইহলোকে উহা প্রাপ্ত হওয়া দুর্ঘট। অতএব তুমি এই সমস্ত পরিকলন করিয়া আত্মবিনাশ-কর ক্রোধকে পরিত্যাগ কর।

মহাপ্রভাব ধর্ম এই বলিয়া বিনিবৃত্ত হইলে, মুনিমন্তন দুর্ভিক্ষ কহিলেন, হে ভগবন্! লোকে যে দেহে দুর্ভিক্ষহ ক্লেশভার বহন করিয়া থাকে, সেই দেহের অবসানে দেহান্তরে সুখভোগ করিবে এ আপনার কিরূপ বিধান? আপনি কি কারণে অদৃশ্য শরীরকে সুখ-ভোগায়তন বলিয়া নির্দেশ করিতেছেন? একে ক্লেশ-পরম্পরা সহ্য করিবে, আর অপরে সুখভাগী হইবে, এ আপনার কিরূপ ব্যবস্থা? লোকে যদ্বারা ক্লেশভার বহন করিবে, তাহারই সুখ-ভোগ বিধেয়। আবার বিবেচনা করিয়া দেখুন, সেই সুখ যে কি তাহাও কেহ সম্যক্ পরিজ্ঞাত নহে। এরূপ স্থলে, কোন্ ব্যক্তি পুণ্যসঞ্চয়ে অভিলাষী হইবে? লোক-মাত্রেই সুখের অন্বেষণ করিয়া থাকে। একমাত্র সুখের প্রত্যাশায় লোকে পুণ্যানুষ্ঠানে প্রবৃত্ত হইয়া নানাপ্রকার ক্লেশভার বহন করে। কিন্তু তাহাদের সেই ক্লেশবাহী দেহ যে পরিণামে সুখভাগী হইবে না, এ কথা জানিতে পারিলে কি তাহারা ঐ-রূপ ক্লেশপরম্পরা ভোগ করিয়া পুণ্যানুষ্ঠানে অভিলাষী বা উৎসাহী হয়? মরিবে কি হইবে, কেহই তাহা অবগত নহে।

সকলেই কেবল-১ ২৭৮৩৭৭ কারণ আর আশায় সুদুঃসহ দুঃখরাশি  
মহু করিয়া বৃত্ত-নিয়ানাদির সমাচরণ করিয়া থাকে। এবং যে  
শরীর দুঃখভোগ করে, তাহারই সুখভাগী হওয়া বিধেয়।  
কিন্তু আপনি তাহার সম্পূর্ণ বিপরীত বিধান করিতেছেন।  
আপনি যাহা বলিতেছেন, তাহা ন্যায়সঙ্গত বা যুক্তি-যুক্ত নহে।  
উহা ধর্মশাস্ত্রের সম্পূর্ণ বিরোধী। এ দেহের অবসানে  
সমস্ত ক্লেশরাশির অবসান হইবে। কিন্তু যে দেহ এতাদৃশ  
ক্লেশ ভোগ করিল, পরিণামে তাহার কি ফল লাভ হইল?  
ধর্মশাস্ত্র-মতে দুঃখই সুখের মূল। তবে এই দুঃখভাগী দেহ  
কি জন্য সুখভোগে বঞ্চিত হইবে?

ধর্ম কহিলেন, বৎস! ধর্মশাস্ত্রের সার মর্ম তুমি বুঝিতে  
পার নাই। ধর্মবেদী মনীষিগণ কহিয়াছেন যে, পাপের ফল  
ইহ শরীরে ভোগ হইয়া থাকে। পরলোকে পাপের কোনরূপ  
দণ্ডবিধান নাই। কিন্তু পুণ্যের ফল পরলোকেই প্রতিফলিত  
হইয়া থাকে : পুণ্য-সঞ্চয়-জনিত সুখলাভ ইহ-জীবনে দুর্ঘট।  
যে, দুঃখরাশি ভোগ করিতে করিতে মৃত্যু-মুখে নিপতিত হয়,  
সে পরলোকে তাহার সমুচিত পুরস্কার প্রাপ্ত হইয়া থাকে।  
অতএব তুমি নিশ্চয় জানিও যে, দুঃখ ব্যতীত কখন সুখেভোগ  
হয় না।

দুর্কাসা কহিলেন, দেব। আপনি যাহা বলিতেছেন, তাহা  
কিছুতেই আমার ন্যায়-সঙ্গত বলিয়া বোধ হইতেছে না।  
আপনি কেবল আগ্নমত সমর্থন করিবার নিমিত্ত এইরূপ অযথা  
ও অন্যায় বাক্য কহিতেছেন। আমি আপনার জন্য অকারণে  
ক্লেশ-ভোগ করিতেছি। আমি অদ্যই আপনাকে তাহার  
সমুচিত প্রতিফল প্রদান করিব।

উগ্রতপা দুর্কাসা এই বলিয়া বিনিবৃত্ত হইলে, মহাপ্রভাব ধর্ম তাঁহাকে ক্রোধ পরিহার করিবার নিমিত্ত বারবার অনুরোধ করিতে লাগিলেন । কিন্তু কিছুতেই তপোধন দুর্কাসার প্রদীপ্ত ক্রোধানলের শমতা সম্পাদিত হইল না । তখন ধর্ম কহিলেন, বৎস ! যদি নিতান্তই আমাকে শাপদানে মনস্থ করিয়া থাক, তাহা হইলে আমাকে দাসীপুত্র, রাজা অথবা চণ্ডালযোনিতে নিপাতিত করিও না । আমি সর্বদাই তোমার প্রণত । অতএব আমার প্রতি প্রসন্ন হইয়া, আমার এই বাক্য রক্ষা কর ।

দুর্কাসা কহিলেন, ধর্ম ! তুমি আমাকে অকারণে ও অকৃতাপরাধে অতিমাত্র দুঃখরাশি প্রদান করিয়াছ । এই কারণে তোমাকে আমি এই শাপ প্রদান করিতেছি যে, তুমি রাজা, দাসীপুত্র ও চণ্ডালযোনিতে পতিত হইবে । আমার এই অমোঘ বাক্য কখন মিথ্যা হইবার নহে । তুমি নিশ্চয়ই আগ্নকর্মের ফল ভোগ করিবে ।

সুমনা কহিলেন, নাথ ! তপোধন দুর্কাসা লোকভাবন ধর্মকে এইরূপে শাপপ্রদান করিয়া তথা হইতে অন্তর্হিত হইলেন । মহাপ্রভাব ধর্ম ও সপরিবারে যথাস্থানে প্রত্যাগমন করিলেন । হে দ্বিজোত্তম ! মহাভাগ দুর্কাসা এই প্রকারে ধর্মের সাক্ষাৎকার লাভ করিয়াছিলেন ।

নোমশর্ম্মা কহিলেন, অরি বুদ্ধিমতিকে ! শোকভাবন ধর্ম দ্বিজশ্রেষ্ঠ দুর্কাসা কর্তৃক এই প্রকারে অভিশপ্ত হইয়া, কোথায় কি ক্রমে জন্মগ্রহণ করিয়াছিলেন ; তাহা আমার নিকট সবিস্তর কীর্তন কর ।

সুমনা কহিলেন, মহামতি ধর্ম ক্রোধপরায়ণ-দুর্কাসা-কর্তৃক এ প্রকারেই অভিশপ্ত হইয়া, শান্ত, দান্ত, সত্যবাদী, জিতেন্দ্রিয়

দয়া ও ক্ষমণ্ডণের একমাত্র আধার এবং ঋজুতার উপমাঙ্ল, অজাতশত্রু মহারাজ যুধিষ্ঠিররূপে ভারতবংশে অবতীর্ণ হইলেন। সেই লোকভাবন ধর্মই পরমধান্মিক নিছুরূপে দাসীগর্ভে জন্মগ্রহণ করেন। এবং ষৎকালে, রাজকুল ভ ষাং-স্বরূপ সত্য ও ব্রহ্মনিষ্ঠ মহারাজ হরিশ্চন্দ্র, ভগনান্ নিশ্চামিত্রের দুর্গিবাররোষে পতিত হইয়া সাম্রাজ্যচ্যুত হইলেন, সেই সময়ে তাঁহার কান্ধী-বাসকালে লোকভাবন ধর্ম চণ্ডালরূপে আবিভূত হইলেন। হে মহায়ন! এইরূপে লোকভাবন ধর্ম তপোধন দুর্কাসার শাপে রাজা, দাসীপুত্র ও চণ্ডালযোনিতে পতিত হইয়া আপন কর্ম-কল ভোগ করিয়াছিলেন।

## চতুর্দশ অধ্যায়।

সোমশর্মা কহিলেন, হে মানিনি! ঋক্ষগণে তুমি আমার নিকট ব্রহ্মচর্যের স্বরূপ কীর্তন করিয়া আমার কৌতূহল নিবারণ কর।

সুমনা কহিলেন, সর্বতোভাবে সত্য ও ধর্মের পরিপালন, প্রাণপণে পুণ্যানুষ্ঠান, সর্বথা পাপেচ্ছা সমূহ পরিবর্জন, ঋতু-কাল ব্যতীত অন্য সময়ে স্ত্রীগমন, সর্বতোভাবে কুলচাচারের বশবর্তী হইয়া সর্বদা সর্বসৎকার্যের অনুষ্ঠানই গৃহিণের ব্রহ্মচর্য বলিয়া উক্ত হইয়া থাকে। এবং পাপবিষয়-সমূহ হইতে দূরে অবস্থান করতঃ বিষয়-ভোগবাসনা হইতে বিরত হইয়া পরমার্থমার্গ অবলম্বনপূর্বক ধ্যান ও জ্ঞানের আশ্রয়ে সত্য ও ধর্মের অনুষ্ঠান ও পরিপালনকেই যতিদেগের অনুষ্ঠিত ব্রহ্ম-

চর্য্য বলিয়া কীর্তিত হইয়াছে। এক্ষণে আপনার নিকট তপ-  
স্যাদি সাক্ষধর্মের স্বরূপ ক্রমে ক্রমে কীর্তন করিতেছি, শ্রবণ  
করুন।

সুমনা কহিলেন, কামক্রোধাদি রিপুগণকে পরিহারপূর্ব্বক  
সর্ব্বদা সদাচারের অনুষ্ঠান, ক্ষমাশুণের পরিচর্য্যা, প্রাণপণে  
পরোপকার-সাধন এবং যাহাতে চরমে পরমা গতি-লাভ হয়, সর্ব্বদা  
সর্ব্বতোভাবে তাহারই চেষ্টা করার নাম তপস্যা।

পরদ্রব্য-লাভে বীতস্পৃহতা, পরস্ত্রীগমনে অনাশক্তি এবং  
মিথ্যা ও ছুরভিসন্ধিকে সর্ব্বতোভাবে বিসর্জন করাকেই মনীষিগণ  
সত্য বলিয়া নির্দেশ করিয়া থাকেন।

অনন্তর দানমাহাত্ম্য ও তাহার স্বরূপ কীর্তন করিতেছি  
শ্রবণ করুন। এই দানই সংসারকে রক্ষা করিতেছে। দান  
না থাকিলে সংসার থাকিতে পারিত না। দান হইতেই মনুষ্যগণ  
প্রাণধারণ করিয়া থাকে। দানই সংসারের মূলীভূত কারণ।  
যিনি ইহ ও পরত্রে সুখেচ্ছা করেন, এনং অক্ষয় পুণ্য লাভে  
যাঁহার বাসনা আছে, তিনি নির্বিচারচিত্তে অকপটে অর্থীর  
প্রার্থনা পূরণ করিবেন। ক্ষুধার্ভকে অন্নদান, তৃষ্ণার্ভকে জলদান,  
রোগার্ভকে ঔষধ দান, ধনার্থীকে ধনদান এবং সুখার্থীকে সুখ  
দান করা মনুষ্যমাত্রেরই সাধ্যানুসারে কর্তব্য। যাহার যেরূপ  
শক্তি, তিনি সেই পরিমাণে অভাবপূর্ণ ব্যক্তিকে ভূম্যাদি-দান-  
দ্বারা তাহার অভাব মোচন করিবেন। নতুবা মনুষ্যগণের জীবন  
ধারণ সর্ব্বথা দুর্ঘট হইয়া থাকে। যাহার যে বিষয়ে অভাব  
তাহার সে অভাব পূরণ করা বিহব ও ক্ষমতাশালী ব্যক্তিমাত্রেরই  
কর্তব্য। এইরূপে পরস্পর পরস্পরের অভাব মোচনের প্রতি  
ব্যস্তশীল হইলে, সংসার-যাত্রা সুখে নির্বাহ হইয়া থাকে। এবং

যে মহাত্মা এইরূপ প্রতিনিয়ত দানদ্বারা অপরের অভাব মোচন করিয়া থাকেন, তিনি ইহ ও পরলোকে অক্ষয় সুখরাশি উপভোগ করিতে সক্ষম হইবেন। পরম পিতা পরমেশ্বর স্বয়ং তাহার সমস্ত অভাব পূরণ করিয়া থাকেন। এবং তিনি ইহজন্মে দেবতার ন্যায় পূজিত হইয়া চরমে পরমা গতি লাভ করেন। তাঁহার ন্যায় সৌভাগ্যশালী পুরুষ জগতে আর দেখিতে পাওয়া যায় না। অতএব দানের তুল্য সুহৃদ্ সংসারে আর নাই।

অতঃপর নিয়মের স্বরূপ শ্রবণ করুন। সর্বদা শ্রদ্ধাভক্তি-সহকারে দেব-দ্বিজের পূজা ও সর্বতোভাবে তাঁহাদের অনুরাগ ও প্রীতি সম্পাদনে চেষ্টা, শুদ্ধ ও সংযতচিত্তে দানাদি সংকর্মের অনুষ্ঠান এবং প্রাণপণে পরোপকার-সাধন ও পুণ্যসঞ্চয়ে যত্নশীল হওয়াকেই নিয়ম বলিয়া কথিত হইয়া থাকে। নিয়ম না হইলে কেহ কখন কোন কার্যে সিদ্ধি লাভ করিতে সক্ষম হয় না। নিয়মই সর্বসিদ্ধি ও সর্বসুখের আকর। নিয়মই সকলের মূল। একমাত্র নিয়ম-দ্বারাই এই নিখিল বিশ্বসংসার পরিচালিত ও পরিবর্তিত হইতেছে। অতএব মনুষ্যমাত্রেরই সর্বথা নিয়মাবলম্বী হইয়া সত্যপথে বিচরণ করা কর্তব্য। তাহা হইলেই তাহার আশানুরূপ ফল প্রাপ্ত হইয়া সুখভাগী হইতে পারিবে। অতঃপর ক্ষমার বিষয় শ্রবণ করুন।

সুমনা কহিলেন, নাথ ! এই ক্ষমার তুল্য গুণ নাই। ক্ষমাই বিশ্বসংসারের ধারণকর্ত্রী। ক্ষমাবান পুরুষ পরমেশ্বরকেও পরাজিত করিতে পারে। যে মহাত্মা অপকারী ব্যক্তির প্রত্যপকার সাধনে প্রবৃত্ত নহেন, কেহ তাঁহার বিপ্রিয়ানুষ্ঠান করিলে অকাতরে তাহা সহ্য করিয়া থাকেন, কোন কারণে কাহারও প্রতি তাঁহার বিরাগ বা বিদ্বেষ ভাব উপজাত না হয়, কেহ

অভিদ্রোহ করিলে যিনি প্রত্যভিদ্রোহে পরাঙ্ঘু হইয়া ধৈর্য্য ও সহিষ্ণুতা অবলম্বন পূর্বক অভিমান ও আক্রোশশূন্য-হৃদয়ে জড়ের ন্যায় অবস্থান করেন, ইহ-জগতে তিনিই যথার্থ ক্ষমা-শীল । জগৎপাতা জগদীশ্বর সর্বদাই তাঁহাকে আপন প্রসাদ বিতরণ করিয়া থাকেন । এবং তিনি ইহ-পর উভয়লোকেই অতুল সুখৈশ্বর্য্য সম্ভোগ করিতে সক্ষম হইবেন । লোকের অপকার সহজেই করিতে পারা যায়, কিন্তু প্রত্যপকার সাধনে বিরত হওয়া অতীব দুঃসাধ্য । মনীষিগণ প্রতীকার-সমর্থে অপকার-সহনকেই ক্ষমা বলিয়া নির্দেশ করিয়া থাকেন । যাঁহার ক্ষমা-গুণের আধার, তাঁহার সর্বতোভাবে পরম-পিতা পরমেশ্বরের প্রিয়পাত্র হইয়া থাকেন । কিন্তু যাঁহার ক্ষমাগুণ-বিবজ্জিত, তাঁহার ঈশ্বর-বিরোধী । তাঁহার কোনকালে কোন লোকে সুখশান্তি উপভোগ করিতে পারে না । একপাপপ্রকৃতি দুর্ভাচারগণ অনন্যকাল অনন্ত দুঃখসাগরে ভাসমান হইয়া থাকে । তাঁহাদের কোন কাণেই উদ্ধার নাই । অতএব মনুষ্যমাত্রেরই সর্বতোভাবে ক্ষমাপর হওয়া সর্বদা কর্তব্য ।

এক্ষণে শৌচের স্বরূপ বলিতেছি, শ্রবণ করুন । যে সদাশ্রমী হৃদয় হইতে বিষময় বিষয়-বাসনা নিরাকৃত করতঃ পরিবাদ-বুদ্ধি পরিহারপূর্বক দুর্ভাগিনীশূন্য হইয়া কাহারও বিদ্রোহানু-শীলন না করেন, তিনিই যথার্থ শৌচবান্ বলিয়া পরিগণিত হইয়া থাকেন । এবং যাঁহার চিত্তপরিষ্কৃত, প্রকৃতি সরল, পর-দেষ, পরহিংসা বা পরানিষ্ট সাধন যাঁহার মনোমধ্যে কখন স্থান প্রাপ্ত হয় না, যিনি আচারবান্ হইয়া ঐকান্তিক নিষ্ঠাসহকারে প্রতিনিয়ত সৎকার্য্যের অনুষ্ঠান করিয়া থাকেন, মনীষিগণ তাঁহাকেই প্রকৃত শৌচবান্ বলিয়া নির্দেশ করেন ।



অতঃপর অবহিতচিত্তে অহিংসার স্বরূপ শ্রবণ করুন। নীতি-বেদিগণ অহিংসাকে পরম ধর্ম বলিয়া নির্দেশ করিয়া থাকেন। বুদ্ধিমান ব্যক্তির সামান্য তৃপ্তিও অকর্তব্য। এই অহিংসাই সর্ব সুখের নিদান। যিনি অহিংসাবৃত্তি অবলম্বনপূর্বক স্থাবর-জঙ্গমানক বিশ্বচরাচরস্থ প্রাণিমাটিকেই আশ্রয় অবলোকন করেন, তাঁহার তুল্য সাধু ব্যক্তি জগৎ-সংসারে আর লক্ষিত হয় না। তিনি ত্রিলোকের উপমাস্থল। তিনিই কেবলমাত্র ঈশ্বরের স্বরূপ-তত্ত্ব অবগত হইতে সমর্থ হইবেন। নিখিল সদ্গুণ, সর্বপ্রকার পুণ্য ও সর্ববিধ মঙ্গল আসিয়া তাঁহাকে আশ্রয় করে। এবং দেবতাগণের সহিত লোকপালক ধর্ম সর্বদাই তাঁহাকে প্রসাদ বিতরণ করিয়া থাকেন। অতএব সকলেই সর্বদা অহিংসাবৃত্তি অবলম্বন করা সর্বথা যুক্তিযুক্ত।

অতঃপর শান্তির স্বরূপ কীর্তন করিতেছি, শ্রবণ করুন। একমাত্র শান্তিই সংসারের নিখিল সুখের কারণ। যে ব্যক্তি একান্ত চিত্তে কেবলমাত্র শান্তির পরিচর্যা করেন, তাঁহাকে আর জন্মজরামরণাদি-ভয়জনিত দারুণ ক্রেশে আক্রান্ত হইতে হয় না। শান্তিই মুক্তিপথের একমাত্র দ্বার-স্বরূপ। অতএব মনুষ্যমাত্রেই শান্তির অনুসরণ করা সর্বতোভাবে বিধেয়।

অতঃপর আশ্তেয়ের স্বরূপ কীর্তন করিতেছি শ্রবণ করুন। আশ্তেয়ই ধর্ম-সমাচরণের প্রধান অঙ্গ। যিনি জীবনে কখন পরদ্রব্যে বা পর-স্ত্রীতে লোভ প্রকাশ না করেন, প্রাণপণে পরোপকার-সাধনে ব্রতী হইয়া থাকেন, সত্যনিষ্ঠ হইয়া নিয়ন্ত মৎ-কর্মের অনুষ্ঠানে প্রবৃত্ত হইবেন, তিনিই যথার্থ আশ্তেয়বান্ ও ধর্মপরায়ণ। দেবতাগণ তাঁহার প্রতি সর্বদাই প্রসন্ন থাকেন।

অতঃপর দমের স্বরূপ কীর্তন করিতেছি শ্রবণ করুন। মনুষ্য-  
মাত্রেরই ইন্দ্রিয়গণের ন্যায় মনকেও দমন করা সর্বতোভাবে  
কর্তব্য। জিতেন্দ্রিয় ও জিতচিত্ত ব্যক্তি সংসারের সর্ববিধ  
বিস্ম হইতে উত্তীর্ণ হইয়া অস্তে অনন্ত সুখভোগ করিয়া থাকে।  
যে ব্যক্তি চিত্ত সংযত করিতে না পারে, সে কখন শান্তিলাভে  
সক্ষম হয় হয় না।

অতঃপর শুশ্রূষার বিষয় বলিতেছি, শ্রবণ করুন। নিয়ত  
প্রয়ত-চিত্তে ও অকপট-ভাবে পরমপিতা পরমেশ্বরের পরিচর্যা  
করাকেই, ধর্মবেদিগণ শুশ্রূষা বলিয়া নির্দেশ করিয়া থাকেন।  
কারণ, একমাত্র জগদীশ্বরের সেবা করিলেই সকলের শুশ্রূষা  
হইয়া থাকে। অতএব জীবমাত্রেরই সেই জগদ্রাবন জগদীশ্বরের  
উপাসনা করা সর্বতোভাবে কর্তব্য।

সুমনা কহিলেন, হে দ্বিজসত্তম ! আমি আপনার নিকটে  
এই সাক্ষ-ধর্ম সবিস্তর বর্ণন করিলাম। এক্ষণে আপনার আর কি  
শ্রবণ করিতে অভিলাষ আছে, নির্দেশ করুন আমি বলিতেছি।  
যে মনুষ্য সংসারে থাকিয়া এই সমস্ত সাক্ষ-ধর্মের আচরণ করেন,  
তিনি সর্ববিধ-ভূতি-বিশিষ্ট হইয়া পরম সুখভাগী হইবেন।  
অতএব, হে প্রাজ্ঞ ! আপনি এই সমস্ত অবগত হইয়া কেবল  
একমাত্র ধর্মের উপাসনা করুন। তাহা হইলে আপনি সর্ববিধ  
সুখৈশ্বর্য লাভ করিতে সক্ষম হইবেন।

সুবুদ্ধিমান সোমশর্মা ভাষ্যার এবিধ বাক্য-পরম্পরা শ্রবণ  
করিয়া, ধর্মবাদিনী সুমনাকে পুনরায় জিজ্ঞাসা করিলেন।

## পঞ্চদশ অধ্যায় ।

সোমশর্মা কহিলেন, হে ভদ্রে ! তুমি এবস্থিধ সুমহৎ-পুণ্যপ্রদ এই অনুত্তম ধর্মব্যাত্যা কিরূপে কাহার নিকট হইতে শ্রবণ করিলে ? সুমনা কহিলেন, হে মহামতে ! আমার পিতা সুপ্রসিদ্ধ ভার্গব-কুলে জন্মগ্রহণ করেন । তাঁহার নাম চ্যবন এবং তিনি সর্বজ্ঞান-বিশারদ ছিলেন । আমি তাঁহার প্রিয়কন্যা ছিলাম । তিনি তীর্থ-দেবায়তন প্রভৃতি যে স্থানে যখন গমন করিতেন, আমাকে সমভিব্যাহারে লইয়া যাইতেন । আমিও তাঁহার সহিত তত্তৎ ভূমিভাগ দর্শন ও ইতস্ততঃ ক্রীড়া করিয়া বেড়াইতাম । একদা কৌশিক-বংশ-সম্ভূত বেদশর্মা নামে মহামতি ব্রাহ্মণ বিষন্নবদনে পিতার নিকট আগমন করিলেন । তিনি পিতার পরম সুহৃদ্ ছিলেন । পিতা তাঁহার তাদৃশী অবস্থা অবলোকন করিয়া, দুঃখিত-হৃদয়ে প্রিয়বচনে কহিলেন, সুব্রত ! তোমাকে নিতান্ত দুঃখিতের ন্যায় বোধ হইতেছে । কি কারণে তোমার ঈদৃশ দুঃখ উপজাত হইয়াছে, তাহা আমার নিকটে বর্ণন কর ।

মহাত্মা চ্যবনের এই বাক্য শ্রবণ করিয়া, মহাপ্রাজ্ঞ বেদশর্মা মদীয় জনকের নিকটে তাঁহার দুঃখের কারণ বলিতে লাগিলেন । বেদশর্মা কহিলেন, হে ব্রহ্মন্ ! আমার ভার্য্যা নিরতিশয় সাধ্বী ও একান্ত পতিব্রতপরায়ণা । কিন্তু দুর্ভাগ্যবশতঃ তিনি অপুত্রা হইয়াছেন । আমার বংশে পুত্রাদি কেহই নাই । অতএব এতদিনে বিপুল কৌশিক-বংশ একেবারে বিলুপ্ত হইবার সম্ভাবনা

হইয়াছে । হে মতিমন্ ! এই আমার সমূহ দুঃখের কারণ ।

আমার পিতা ও মহামতি বেদশর্মা এইরূপ কথোপকথন করিতেছেন, এমন সময়ে কোন সিদ্ধ-পুরুষ সেই স্থানে আসিয়া উপস্থিত হইলেন । তাঁহাকে দর্শন করিয়াই আমার পিতা ও মহামতি বেদশর্মা উভয়ে ভক্তিশ্রদ্ধা-সহকারে তাঁহার যথাযোগ্য পূজাভ্যর্থনাদি সমাপন করিয়া উপবেশনার্থ আসন প্রদান করিলেন । এবং বিবিধোপচারে তাঁহার সেবা-শুশ্রূষা করিয়া মধুরাক্ষর-সমন্বিত-বচনাবলি-প্রয়োগপূর্বক, আপনি পূর্বে আমাকে যাহা জিজ্ঞাসা করিয়াছিলেন, তাঁহারাও তাঁহাকে তাহাই জিজ্ঞাসা করিলেন ।

সুমনা কহিলেন নাথ, মম পিতা ও বেদশর্মা কর্তৃক এই প্রকারে পৃষ্ঠ হইয়া সেই ধর্ম্মায়া সিদ্ধ-পুরুষ আমার পিতাকে আমার কথিতানুরূপ ধর্ম্মের সর্ববিধ কারণ নির্দেশ করিয়া কহিলেন, ইহ-সংসারে একমাত্র ধর্ম্মের প্রসাদেই ধন্যধান্য-পুত্র-কলত্রাদি লাভ করিতে পারা যায় । ধর্ম্মই সকলের মূল । ধর্ম্মাচারণ ব্যতীত কোন কার্যেই সিদ্ধি লাভ করিতে পারা যায় না ।

সিদ্ধ-পুরুষের এবম্বিধ বাক্য শ্রবণ করিয়া মহামতি বেদশর্মা নিয়ত ও প্রযতচিত্তে ধর্ম্মচর্চায় প্রবৃত্ত হইলেন । এবং সেই ধর্ম্মের প্রসাদবলেই তিনি বিপুল ধনসম্পত্তির সহিত পুত্র-রত্ন লাভ করিতে সমর্থ হইয়াছিলেন ।

সুমনা কহিলেন, নাথ ! আমি সিদ্ধপুরুষের প্রমুখাৎ যেকোন শ্রবণ করিয়াছিলাম, আপনার নিকটও অবিকল তাহাই কীর্তন করিলাম । অতএব আপনি এই সমস্ত পরিকলন করিয়া, ধর্ম্ম-

চর্চায় মনোনিবেশ করুন। তাহা হইলেই আপনার সকল অধীকৃত সিদ্ধ হইবে।

সোমশর্মা কহিলেন, প্রিয়তমে ! তোমার মুখে সাক্ষধর্মের স্বরূপ শ্রবণ করিয়াছি। এক্ষণে, ধর্ম-চর্চা করিলে কিরূপে জন্ম-মৃত্যু হয়, শুনিতে অভিলাষ হইতেছে।

সুমনা কহিলেন, নাথ ! ধর্ম-চর্চা করিলে যেক্ষণ জন্মমৃত্যু হয় কালভেদেই, শ্রবণ করুন। ধর্মের প্রভাব অসামান্য। যাঁহারা একান্ত-চিত্তে প্রতিনিয়ত ধর্মের উপাসনা করেন, তাঁহাদের মর্ত্য্যভাব বিগলিত হইয়া, দেবভাব উপজাত হইয়া থাকে। ধর্মাত্মা মহামতিগণকে কখন রোগ-শোক-পরিতাপাদির ভীষণ যন্ত্রণা উপভোগ করিতে হয় না। তাঁহারা সর্বদাই তেজস্বী, সচ্ছন্দ ও হৃৎচিন্ত। তাঁহাদের মৃত্যুকালে গতিজ্ঞান-বিশারদ বিদ্যাধর, গন্ধর্ভ ও ব্রাহ্মগণ সকলে সমাগত হইয়া তাঁহাদের স্তুতিপাঠ করিতে থাকেন। এবং তাঁহারা যেক্ষণ স্থানে অধিষ্ঠান করিয়া ধর্মচর্চা করিয়া থাকেন, মৃত্যুসময়ে তাঁহারা সেইরূপ স্থানপ্রাপ্ত হইয়া থাকেন। অর্থাৎ যাঁহারা দেবপূজাপরতন্ত্র হইয়া সুস্থ ও যোগযুক্তহৃদয়ে একান্তচিত্তে তীর্থস্থানে অধিষ্ঠানপূর্বক ধর্মচর্চায় প্রবৃত্ত হইয়া থাকেন, তাঁহারা মৃত্যুসময়ে তদপযুক্ত স্থান প্রাপ্ত হইয়া থাকেন। যাঁহারা অগ্ন্যাগারে, গোচারণ স্থানে, দেবায়তনে, বৃক্ষমূলে, এবং অশ্ব বা গজ-স্থানে অধিষ্ঠানপূর্বক ধর্মোপাসনায় প্রবৃত্ত হইয়া থাকেন, তাঁহারা মৃত্যুকালে তাদৃশ পুণ্যস্থান প্রাপ্ত হইয়া থাকেন। যাঁহারা অশোক ও মহাকার বৃক্ষতলে, ব্রাহ্মগণের সমীপে অথবা রাজ-নিকতনে অধিষ্ঠান-পূর্বক একান্তচিত্তে ধর্ম-চর্চা করেন, তাঁহারা তাদৃশ পুণ্যতম প্রদেশে প্রাপত্যাগ করিয়া থাকেন। ফলতঃ ধর্ম-পরায়ণ সাধুব্যক্তিগণ

যেহা প সূখ-মৃত্যু লাভ করিয়া থাকেন, অধাৰ্মিক দুৰাশ্রা কখন সেহা মৃত্যু লাভ করিতে পারে না । অধৰ্মাচারী পাপমতি দুৰাচারেরা অসহায় অবস্থায় নিরতিশয় ক্লেশে প্রাণ-পৰিত্যাগ করিয়া থাকে । তাহারা মৃত্যুকালে কখন পিতামাতা-আত্মীয়-বন্ধুগণের দর্শন লাভ করিতে পারে না । কিন্তু ধৰ্মাশ্রা মহামতিগণ পিতামাতা-পুত্র-কলত্রাদি আত্মীয়-স্বজনে পরিবেষ্টিত হইয়া সহস্ৰচিত্তে সূখ-মৃত্যু লাভ করতঃ লোকভাবন ধৰ্ম-কৰ্তৃক অনুসৃত হইয়া পরম সূখময় স্থান প্রাপ্ত হইয়া থাকেন । তাঁহাদের মৃত্যুকালে গন্ধৰ্ব্ব ব্রাহ্মণগণ সকলে সমবেত হইয়া পবিত্র মন্ত্র-পাঠ, জনকজননী স্নেহ-প্রদর্শন এবং স্বজন-বান্ধবগণ তাঁহাদের সমধিক গৌরব বর্দ্ধন করিতে থাকেন । ইহপর উভয় লোকই তাঁহাদের সমাগমে পরম পবিত্র হইয়া থাকে ।

সুমনা কহিলেন, নাথ ! ধৰ্মপরায়ণ মহামতিগণ এই প্রকার সূখ-মৃত্যু ও চরমে পরম সূখময় স্থান লাভ করিয়া থাকেন । অবিচলিত-চিত্তে প্রতিনিয়ত ধৰ্মকৰ্মের অনুসরণ করেন বলিয়া, কখন তাঁহাদিগকে সংসারের দারুণ যন্ত্রণাশি উপভোগ করিতে হয় না । ধৰ্ম সততই তাঁহাদিগকে রক্ষা করিয়া থাকেন । তাঁহারা অত্যাঙ্গ কলের জন্য এই পাপময় পৃথিবীতে পর্যটন করিয়া থাকেন । তাঁহাদের চিত্ত সৰ্বদাই প্রসন্ন । মোহ বা অজ্ঞানতা কখন তাঁহাদিগকে আক্রমণ করিতে পারে না । এবং মুহূর্তের নিমিত্ত তাঁহাদের হৃদয়ে বিদ্বেষ-বুদ্ধি উপজাত হয় না । তাঁহারা সৰ্বদা সকলের প্রতি প্রিয় ব্যবহার করিয়া থাকেন । মৃত্যুর পর যখন তাঁহারা যমপুরে নীত হন, তখন স্বয়ং ধৰ্মরাজ তাঁহাদিগকে সাদর-সস্তাষণে অভ্যর্থনা

করিয়া থাকেন। এবং তাঁহাদের নিমিত্ত পার্থিব বিকারাদি-  
বিবর্জিত পরম সুখময় স্থান নির্দেশ করিয়া থাকেন। ধর্মদেবী  
পাপমতিগণ যমপুরী-দর্শনে যেকপ কম্পান্বিত-কলেবরে ভয়ে  
জ্ঞান ও পরিশুদ্ধ হইয়া যায়, তাঁহারা কখন সেরূপ হয়েন  
না। তাঁহারা প্রসন্ন-চিত্তে প্রসন্ন-বদনে ধর্মরাজ-সদনে সমুপ-  
স্থিত হইয়া, মোহবিকারাদি-পরিশূন্য হৃদয়ে পরম প্রীতমনে  
তথায় অবস্থান করেন। তাঁহাদের চিত্ত একমাত্র পরমাত্মাতেই  
বিন্যস্ত হইয়া থাকে। ধন-জন-সুখ-তৃষ্ণা কখন তাঁহাদের হৃদয়কে  
অধিকার করিতে পারে না। পিতামাতা বা সংসারের নিমিত্ত  
তাঁহারা কখন ব্যাকুল হয়েন না।

এইরূপে মহামতি ধর্মাত্মাগণ সুখমৃত্যু লাভ করতঃ আশ্রুত  
স্মৃতির অনুসারে স্বর্গসুখ-ভোগ করিয়া পরিশেষে ভোগের পর্য্য-  
বসানে পুনরায় পৃথিবীতলে নির্মল কুলে জন্ম-পরিগ্রহণ করেন।  
তাঁহারা পূর্বজমাচারিত ধর্মের প্রদাদে পরম পুণ্যশীল ব্রাহ্মণ,  
বিশুদ্ধ-স্বভাব ক্ষত্রিয় বা পুণ্যবান্ ও ধনবান্ বৈশ্যের গৃহকে  
অলঙ্কৃত করিয়া থাকেন। এবং জন্মান্তরীণ সংস্কার-প্রভাবে  
তাঁহারা ধর্ম-চর্চায় ও পুণ্যোপার্জনে সমাসক্ত হইয়া পুনঃপুনঃ  
আপনার পরিণাম-পদবী পরিষ্কার করিয়া থাকেন। ফলতঃ  
ধর্মের তুল্য সুহৃদ্ সংসারে আর কেহ নাই। ধর্মই জগতে  
একমাত্র পূজনীয়। এবং ধর্ম-প্রবৃত্তি পুণ্যাত্মাগণই অনন্তকাল  
নিত্য ও সত্য সুখের অধিকারী হইয়া থাকেন। কিন্তু যাহারা  
পাপপ্রকৃতি, তাহারা কখন মুক্তি লাভ করিতে পারে না।  
কুপগর্ভ-নিপতিত অন্ধীভূত মণ্ডকের ন্যায় তাহারা চিরকালের  
জন্য এই মায়াময় সংসার-কূপে নিপতিত থাকিয়া অনন্তকাল  
অনন্ত যন্ত্রণায় দগ্ধ হইয়া থাকে। ধর্মাত্মা মহামতিগণের ন্যায়

তাহারা কোন লোকে কোনকালে সুখশান্তি অনুভব করিতে  
সক্ষম হয় না ।

## ষোড়শ অধ্যায় ।

সোমশর্মা কহিলেন, হে ভামিনি ! পাপীগণের জন্মমৃত্যু  
কিৰূপ নিয়মে সমাহিত হইয়া থাকে, তাহা যদি সম্যক্ অবগত  
থাক, তাহা হইলে আমার নিকট আনুপূর্বিক কীর্তন কর ।

সুমনা কহিলেন, হে কান্ত ! আমি সেই সিদ্ধপুরুষের নিকট  
হইতে পাপায়াগণের মৃত্যু ও তাহাদের অবস্থাদি সম্বন্ধে যেকূপ  
শ্রবণ করিয়াছিলাম, এক্ষণে তাহাই অবিকল কীর্তন করিতেছি,  
শ্রবণ করুন । ধর্ম্মায়া মহামতিগণ যে প্রকার পুণ্য-ময় স্থানে সুখ,  
মৃত্যু লাভ করিয়া থাকেন, পাপায়াগণ কখন সে প্রকার সুখ-  
মৃত্যু লাভ করিতে পারে না । যে স্থান চণ্ডালগণের অধিষ্ঠিত,  
গর্দভগণের আচরিত, অস্থি-চর্ম্ম-নখে পরিপূর্ণ, তাহারা সেই  
অপবিত্র স্থানে অথবা বেশ্যা-গৃহে নিধন প্রাপ্ত হইয়া থাকে !  
মৃত্যু-সময়ে পাপায়াগণ, ভৈরবাকৃতি, অতিকায়, মহোদর,  
পিঙ্গলাক্ষ, পীত-নীল-শ্বেতবর্ণ, অত্যুচ্চ, করাল-মূর্ত্তি, শুষ্কত্বক-  
মাংসবিশিষ্ট, ভীক্ষুদংষ্ট্র, সিংহাস্য, সর্পহস্ত, বিকটাকার পুরুষ-  
গণকে সন্দর্শন করতঃ ভয়ে কল্পিত-কলেবর হইয়া স্বেদজলে  
পরিপ্লুত হয় । হে মহামতে ! সেই সমস্ত বিকৃতাকৃতি পুরুষগণ



সকলে সমবেত হইয়া তাহদের নিকটে ভীষণ নিনাদ করিতে থাকে। এবং কেহ কঠে, কেহ হস্তে, কেহ পাতে, কেহ স্তম্ভে, কেহ পাশঙ্কন করিয়া তাহাদিগকে আকর্ষণ-পূর্বক লইয়া যায়। তৎকালে এই অধর্মাচারী পাপ-প্রকৃতি ছুরাঙ্গাগণ দারুণ ক্লেশভারে অবসন্ন হইয়া, হা পিতঃ! হা মাতঃ! বলিয়া অনি-বরত হাহাকার করিতে থাকে। সেই সময়ে তাহারা কেবল দুঃখ ও বিষাদের দুর্নিবার যন্ত্রণায় অভিভূত হইয়া বারম্বার কম্পিত ও মূচ্ছিত হইতে থাকে। এইরূপ নিদারুণ পীড়ায় পুনঃ পুনঃ নিপীড়িত হওয়ায় তাহাদের নিরতিশয় মোহ সমু-পস্থিত হয়। তাহাতে তাহারা অধিকতর দুঃখ অনুভব করিয়া থাকে। যাহা হউক সেই লোভ-মোহাক্রান্ত ছুরাঙ্গাগণ দারুণ দুঃখে প্রাণ-পরিত্যাগ করিয়া যেক্ষেপে যমদূতগণ কর্তৃক যমসদনে নীত হইয়া থাকে, এক্ষণে আমি তাহাই বলিতেছি, শ্রবণ করুন।

## নব্বিশ অধ্যায়।

সুমনা কহিলেন, লোভমোহাক্রান্ত পাপাঙ্গাগণের মৃত্যু হইলে যমদূতগণ তাহাদিগকে দণ্ড, পরশ্বধ, কষা প্রভৃতির আঘাত ১) বিবিধ কটুবাক্য প্রয়োগপূর্বক নানাপ্রকার নিন্দাবাদ করিতে করিতে যমরাজ-সদনে লইয়া যায়। যে সমস্ত পথ অতিক্রম

করিয়। তাহাদিগকে কৃতান্ত-ভবনে গমন করিতে হয়, সে সমস্ত পত্না অতীব দুর্গম ও ভয়ঙ্কর। কোথাও অগ্নিরাশি প্রজ্জ্বলিত হইয়া রহিয়াছে, কোন স্থান অতিতীব্র দ্বাদশাদিত্যের প্রখর কিরণে দারুণ সম্ভ্রুত, কোথাও নিদারুণ শৈত্য বায়ু নিরন্তর প্রবাহিত হইতেছে, কোন স্থান দুর্ভেদ্য মহীধরের ন্যায় দারুণ দুর্গম এবং কোন স্থানেই ছায়ার লেশমাত্র নাই। পাপমতি দুরাগ্নাগণ এই প্রকার দুর্গম পথে পুনঃ পুনঃ চেষ্টমান, দহমান, পীড়্যমান ও আক্লষ্যমান হইয়া কৃতান্ত-অস্তিকে নীয়মান হইয়া থাকে।

হে দ্বিজোত্তম! সেই দেবদ্বিজ-নিন্দাকারী অধর্মাচারী পাপাগ্নাগণ ক্ষুৎ-পিপাসায় নিতান্ত অভিভূত ও সুদুর্গম-দুর্গ-পরম্পরায় পুনঃ পুনঃ পরাহত হওতঃ যম-কিঙ্করগণ-কর্তৃক ধর্মরাজ-সমীপে সমানীত হইয়া জীবের জীবনান্তক, ভীমমূর্তি, ভীমদূত-পরিবৃত, সর্বব্যাদি-সমাকীর্ণ, চিত্রগুপ্ত-সমন্বিত, ভীষণ-মহিষোপরি সংস্থিত, করালদংষ্ট্র, কালসন্নিভ, পীতবাস, গদাহস্ত, রক্ত-গন্ধানুলেপিত, রক্ত-মালাধারী, ভীমকায়, কৃতান্ত-দেবকে অবলোকন করিয়া থাকে। লোক-ভাবন ধর্মরাজ সেই দুর্ঘট পাপিষ্ঠ ধর্মকণ্টক দুরাগ্নাগণকে দর্শন করিয়া তাহাদিগকে যথাবিধি শাস্তি প্রদানের নিমিত্ত অনুচরগণের প্রতি অনুমতি করেন। যমদূতগণও প্রভু-নিদেশ-বশবর্তী হইয়া তাহাদিগকে বিবিধ-প্রকারে যন্ত্রণা প্রদান করিয়া থাকে। সেই পাপাগ্নাগণ কৃতান্ত-কিঙ্করগণের সুদারুণ দারু-মুদগারের নিদারুণ প্রহারে নিতান্ত অভিভূত হইয়া যুগসহস্রকাল কুমিকীট-পরিপূর্ণ ভীষণ নরকে অধিবাস করে।

সুমনা কহিলেন, নাথ! এইরূপে পাপের ভোগ পরিসমাপ্ত

ইহলে, পাপাত্মারা পুনরায় কুকুর, ব্যাঘ্র, রাসভ, মার্জার, শূকর, সর্প, পক্ষী চণ্ডাল, ভিল্ল ও পুলিন্দ প্রভৃতি পাপ ও নিকৃষ্ট যোনিতে জন্মগ্রহণ করিয়া স্বকৃত পাতকরাশির সমুচিত ফলভোগ করিয়া থাকে ।

হে মানদ ! আমি আপনার নিকটে এই পাপীজনের জন্ম-মৃত্যু-পাপ-পুণ্য-সমাচার সমুদায় যথাযথ কীর্তন করিলাম । এক্ষণে আপনার আর কি জিজ্ঞাস্য আছে বলুন, আমি সবিস্তর বর্ণন করিতেছি ।

## অষ্টাদশ অধ্যায় ।

সোমশর্মা কহিলেন, হে দেবি ! তুমি সর্ববিধ ধর্ম-সংস্থান কীর্তন করিলে । এক্ষণে কি প্রকারে আমি সর্বজ্ঞ ও সর্বগুণযুত সৎপুত্র লাভ করিতে পারিব, তাহা যদি তোমার পরিজ্ঞাত থাকে তাহা ইহলে আমার নিকট কীর্তন কর । কারণ, দান-ধর্মাদির অনুষ্ঠান-দ্বারা কেবল পরলোকেই শুভ ফল প্রাপ্ত হওয়া যায় । কিন্তু সৎপুত্র-দ্বারা ইহপর উভয় লোকেই মহৎ ফল লাভ করিতে পারা যায় ।

সুমনা কহিলেন, আপনি ধর্মাত্মা মহর্ষি বশিষ্ঠদেবের নিকটে গমন করুন । তাঁহার নিকটে প্রার্থনা করিলেই আপনি সর্বজ্ঞ ও সর্ববৎসল সৎপুত্র লাভ করিতে পারিবেন ।

সুমনা এই প্রকার সুমহৎ বাক্য বিন্যাস করিলে, মহামতি সোমশর্মা তৎক্ষণাৎ মহাভাগ বশিষ্ঠের গঙ্গাতীরস্থ সুপবিত্র

আশ্রমে গমন করতঃ সর্বশাস্ত্রবেত্তা, পিতাম্বর, তেজো-জ্বালা-সমাকীর্ণ, প্রদীপ্ত-দিবাকরসন্নিভ, বশিষ্ঠদেবকে সন্দর্শন করিয়া একান্তচিত্তে মাষ্টাকে তাঁহাকে প্রণাম করিলেন। অনন্তর পবিত্র আসনে উপবেশন করিয়া মহাভাগ বশিষ্ঠদেবকে আত্ম-পরিচয় প্রদান করিলে, যোগিবরাগ্রগণ্য মহাতেজা বশিষ্ঠদেব কহিলেন, বৎস! তোমার গৃহে, পুত্রে, ভৃত্যে এবং যাবতীয় পুণ্যকর্মে ও অগ্নিত্রয়ে সর্বথা মঙ্গল ত? এই বলিয়া পুনরায় তিনি জিজ্ঞাসা করিলেন, হে দ্বিজোত্তম! এক্ষণে আমাকে তোমার কি প্রিয় কার্য্য করিতে হইবে, বল।

মুনিপুঞ্জ মহাভাগ বশিষ্ঠের এই প্রকার বাক্য শ্রবণ করিয়া, দ্বিজোত্তম সোমশর্ম্মা কহিলেন, হে মুনিমত্তম! যদি আপনি আমার প্রিয়সাধন করিতে একান্ত অভিলাষী হইয়া থাকেন, তাহা হইলে আমি বলিতেছি, শ্রবণ করুন। আমি এমন কি মহাপাপে এই সমূহ-দারিদ্র্য-দুঃখে নিপতিত ও পুত্র-মুখাবলোকে বঞ্চিত হইয়াছি? তাহাই অবগত হইবার নিমিত্ত পত্নী-সুমনা-কর্তৃক প্রेषিত হইয়া ভবদন্তিকে আগমন করিয়াছি। হে মহাভাগ! আপনি আমার এই দারুণ সন্দেহরাশি নিরাশ করিয়া আমাকে সংসার-বন্ধন হইতে মুক্তি-লাভ করিবার উপায় নির্দেশ করুন।

বশিষ্ঠদেব কহিলেন, হে দ্বিজোত্তম! পুত্র, মিত্র, ভ্রাতা ও অন্যান্য স্বজন-বান্ধব প্রভৃতি সংসারের সম্বন্ধ-বন্ধন কেবল পঞ্চবিধ ভেদ-বশতঃই সংঘটিত হইয়া থাকে। প্রজ্ঞাবতী সুমনা পূর্বেই এ সমস্ত বিষয় তোমার নিকট যথাযথ বর্ণন করিয়াছেন। সমুদায় কুপুত্রই ঋণ-সম্বন্ধী। একমাত্র পুণ্যবলেই কেবল সং-পুত্র লাভ করিতে পারা যায়। ঐরূপ সংপুত্রের লক্ষণ সমুদায় আমি তোমার নিকট আনুপূর্ব্বিক কীর্তন করিতেছি শ্রবণ কর।

পুণ্যশ্রী, ধর্মরত, সত্য-প্রিয়, বিশুদ্ধ-জ্ঞান-বুদ্ধি-সম্পন্ন, বাকবিদ-  
গণাগ্রগণ্য সর্ব-সৎকর্মশীল, বেদাধ্যয়ন-তৎপর, সর্বশাস্ত্র-  
প্রবেত্তা, দেব-ব্রাহ্মণ-পূজক, নিখিল-যজ্ঞযাজক, দাতা, ত্যাগী,  
প্রিয়ষদ, বিষ্ণুভক্তি-পরায়ণ, শান্ত, দান্ত, পিতৃ-মাতৃ-সেবাপর,  
সর্বজন-বৎসল, স্বকুল-পরিপোষক, সর্বগুণোপেত পুত্রই সৎ-  
পুত্র বলিয়া উক্ত হইয়া থাকে। এবং এইরূপ পুত্র হইতেই  
বংশ কুলের মুখোজ্জ্বল ও পিতামাতার সুখ-বর্দ্ধন হইয়া থাকে।  
নতুবা অন্য সর্ব-প্রকার পুত্র কেবল দুঃখ ও শোকতাপের  
কারণ। এবং উদাসীন পুত্রেও কোন-প্রকার ফল দর্শে না।  
তাহারা কেবল স্বকার্য সাধনোদ্দেশে পুত্র রূপে জন্মগ্রহণ করিয়া  
পিতামাতা ও আত্মীয়বান্ধবগণকে নানাপ্রকারে দুঃখ ও ক্লেশ  
প্রদান করতঃ স্বার্থ সাধন করিয়া পুনরায় প্রস্থান করিয়া থাকে।  
অতএব সেই রূপ পুত্রের জনক হইয়া কেবল দুঃখ ভোগ করিতে  
হয়। যাহাহউক এক্ষণে তোমাকে তোমার পূর্ব-জন্মাচরিত  
কর্মকলাপ ক্রমে ক্রমে বলিতেছি, শ্রবণ কর।

বশিষ্ঠদেব কহিলেন, হে মতিমন্! পূর্বজন্মে তুমি শূদ্র ছিলে।  
এবং তোমার হৃদয় অজ্ঞান-অন্ধকারে আবৃত ছিল। তুমি জীবন-  
যাত্রা নির্বাহের নিমিত্ত কৃষিকর্ম করিতে। তুমি একান্ত লোভ-  
পরতন্ত্র হইয়া নিরন্তর অধর্মাচরণে প্রবৃত্ত হইতে। একমাত্র  
ভার্য্যা ও পুত্রগণের প্রতিপালন ব্যতীত তুমি কখন অন্য  
কাহাকে কিছু দান করিতে না। তোমার অন্তঃকরণ সর্বদা  
দ্বেষ্টেই পরিপূর্ণ থাকিত। তুমি ধর্ম কাহাকে বলে জানিতে  
না, সত্য কাহাকে বলি শুনিতে না, শাস্ত্রীয়-বাক্যে কণ্ঠপাত  
করিতে না, কখন তীর্থ-যাত্রায় তোমার প্রবৃত্তি জন্মিত না,  
কেবল একমাত্র কৃষিকার্য্যেই নিয়ত তৎপর থাকিতে। অর্ধ-

লালসার বশবর্তী হইয়া কেবল গবাস্ব-মহিষ-প্রভৃতি পশ্বাদির-  
পরিপালন ও বিক্রয়দ্বারা স্বীয় ধনাগার পরিপূর্ণ করিতে । অর্থ-  
ব্যয় হইবার ভয়ে কখন চূর্বল বা ভিক্ষার্থীকে ভিক্ষাদান  
করিতে না । কোন কারণে কখন কাহারও প্রতি রূপাবান  
হইতে না । তক্র-ঘৃত-দধি-ক্ষীরাদি বিক্রয় করিয়া কেবল প্রভূত  
ধন-সঞ্চায় ব্যাস্ত থাকিতে । এবং বিপুল ধনের অধিপতি  
হইয়াও বি ষুমায়ামুঞ্চ-হৃদয়ে প্রতিনিয়ত আপনাকে নিতান্ত  
দরিদ্রাপেক্ষাও দুঃখিত বলি চিন্তা করিতে । কখন তোমার  
দেবদ্বিজের পূজা বা পার্শ্বা-শ্রাদ্ধে প্রবৃত্তি জন্মিত না । পিতৃ-  
পিতামহগণের শ্রাদ্ধকাল সমাগত হইলে, তোমার ভার্য্যা যদি  
সে বিষয় উল্লেখ করিত, তাহা হইলে তুমি সে স্থান পরিত্যাগ  
করিয়া পলায়ন করিতে । ধর্ম-লিপ্সা অন্তর হইতে দূরীভূত  
করিয়া একমাত্র লোভকেই কেবল হৃদয়ে পোষণ করিয়াছিলে ।  
লোভই তোমার পিতামাতা-স্বজন-বান্ধব বলিয়া পরিগণিত  
হইয়াছিল । কিন্তু দারুণ লোভের প্রাচুর্য্যে বশতঃ বিপুল  
অর্থ রাশিও কখন তোমার তৃপ্তি সাধন করিতে পারিত  
না । তুমি দরিদ্র না হইয়াও দরিদ্রের ন্যায় নিয়ত দারুণ  
দারিদ্র্য-দুঃখ অনুভব করিতে । দিন দিন ধন-তৃষ্ণায়  
আক্রান্ত হইয়া, কিরূপে ঐশ্বর্য্য বৃদ্ধি হইবে এই চিন্তাতেই  
অহোরাত্র মগ্ন থাকিতে । তৃষ্ণানলে দগ্ধমান হইয়া নিশিতে  
নিদ্রা-পরিহারপূর্ব্বক কেবল অর্থ চিন্তাতেই কালাতিপাত  
করিতে । দিনমান আগমন করিলে দিনকর-করজাতের সহিত  
তোমার হৃদয়ের মোহজাল ক্রমেই বিস্তৃত হইত । তুমি  
একান্ত-চিন্তে কেবল সহস্র, লক্ষ, কোটি, অর্ধুদ, খর্ব্ব,  
নিগর্ধ্বের সমাগম কল্পনা করিতে । কিন্তু আশানুরূপ অর্থ-

রাশি প্রাপ্ত হইলেও, তোমার তৃষ্ণানল কিছুতেই নির্বাপিত হইত না। অনলে ঘৃতাছতি দেওয়ার ন্যায় অনবরত অর্থ-সমাগমে উহা দিন দিন পরিবর্দ্ধিত হইয়া তোমার নিরতিশয় দুঃখের কারণ সমুৎপাদন করিত। সঞ্চিতার্থ-অপচিত হইবার ভয়ে তুমি উহা কাহাকেও দান বা নিজেও উপভোগ করিতে পারিতে না। পুত্রগণের অজ্ঞাতভাবে সেই সমুদায় অর্থরাশি ভূমি মধ্যে প্রোথিত করিয়া রাখিতে। এবং যখন তাহা প্রাপ্ত হইতে, তৎক্ষণাৎ তাহা সকলের অজ্ঞাতসারে গুপ্তভাবে রক্ষা করিয়া, পুনরায় ধনাগমের উপায় কল্পনায় প্রবৃত্ত হইতে। স্বয়ং ভোগ-বাসনায় বিরত হইয়া, অন্যকেও তাহা হইতে প্রতিনিবৃত্ত হইতে উপদেশ প্রদান করিতে। তুমি তৃষ্ণাদ্বারা বিমোহিত হইয়া অহোরাত্র কেবল অর্থ-চিন্তাতে যাপন করিতে। কখন অর্থের ও হতচিন্তনা হইয়া স্পর্শনাগি লাভে ধাবমান হইতে, কখন বা তৃষ্ণানলে নিতান্ত দহমান হইয়া ধন-লাভ-প্রত্যাশায় ভূগর্ভে প্রবেশ করিবার উপায় কল্পনা করিতে। কখন তৃষ্ণাবহ্নি-বিদগ্ধ-হৃদয়ে অকারণে হাহাকার করিতে, কখন বা ধনাগম-সাধন-মন্ত্র-পরম্পরা-পরিকলন-পুরঃসর অশার বারিধি-পারে গমন করিতে অভিলাষী হইতে। হে বিপ্রেন্দ্র! এইরূপ মিথ্যা-মোহে সমাচ্ছন্ন ও তৃষ্ণানলে নিয়ত দহমান হইয়া তুমি জীবলীলার পরিসমাপ্তি করিলে। মৃত্যু-কালে দারা ও পুত্রগণ বারহা হিঙ্কাসা করিলেও, তুমি তাহা-দিগকে গুপ্তধনের বিষয় কিছুই বলিলে না। এইরূপে পূর্বজন্মে তুমি প্রভূত ধনরাশি উপার্জন করিয়াও, আত্মা ও দারাপুত্র-আত্মীয়-স্বজনকে তাহাতে বঞ্চিত করিয়াছিলে। সেই কারণে ইহ-জন্মে এ প্রকার দরিদ্র ও নির্জন হইয়া জন্মগ্রহণ করিয়াছ।

বশিষ্ঠদেব কহিলেন, হে দ্বিজোত্তম ! এই আমি তোমাকে তোমার পূর্ব-বৃত্তান্ত সমুদায় বর্ণন করিলাম । যাহারা দানধর্ম্যে বিরত হইয়া আয়ুর্মুখে জলাঞ্জলি প্রদানপূর্বক কেবলমাত্র লোভ ও মোহের বশবর্তী হয়, তাহারাই পরিণামে ঐদৃশ দুঃখরাশি উপভোগ করিয়া থাকে । ভগবান্ বিষ্ণুর প্রসাদবলেই লোকে ভক্তিমান, শীলমান ও জ্ঞানবান্ পুত্ররত্ন এবং সৌভাগ্য-লক্ষ্মী লাভ করিতে সক্ষম হয় । নতুবা, তাঁহার প্রসাদ ব্যতীত, সম্পুত্র, প্রিয়-ভার্য্যা, সুখ-জন্ম বা সুবিখ্যাত-বংশ লাভ করিবার কোনরূপে সম্ভাবনা নাই ।

## উনবিংশ অধ্যায় ।

সোমশর্ম্মা কহিলেন, হে বিপ্রেন্দ্র ! আপনার প্রমুখ্যৎ আমার পূর্বজন্মকৃত পাতকরাশির বিষয় স বিশেষ শ্রবণ করিলাম । কিন্তু আপনি বলিলেন যে, পূর্ব-জন্মে আমি শূদ্রজাতি ছিলাম । তবে ইহ জন্মে কি কারণে শূদ্র কিম্বা তদপেক্ষাও কোন নিকৃষ্ট-যোনিপ্রাপ্ত না হইয়া, বর্ণশ্রেষ্ঠ ব্রাহ্মণের কুলে জন্মগ্রহণ করিয়াছি ? হে জ্ঞান-বিজ্ঞানপণ্ডিত ! আপনি ত্রিকালদর্শী । অতএব আমার এই দারুণ সন্দেহ নিরসন করিয়া আমাকে চরিতার্থ করুন ।

বশিষ্ঠদেব কহিলেন, হে দ্বিজসত্তম ! যদি একান্তই তোমার কৌতুহল সঞ্চার হইয়া থাকে, তাহা হইলে আমি তোমার পূর্ব-



জন্মানুষ্ঠিত ধর্মকর্মের বিষয় আনুপূর্বিক বর্ণন করিতেছি, শ্রবণ কর।

একদা বিষ্ণুভক্তি-পরায়ণ-পরম-ধর্মাত্মা জিতেন্দ্রিয় কোন দ্বিজোত্তম তীর্থ-পর্যটন-প্রসঙ্গে সমস্ত পৃথিবী পরিভ্রমণ করিতে প্ররু্ত হইয়া, ঘটনাক্রমে তোমার গৃহে আসিয়া উপস্থিত হইলেন। এবং তোমার গৃহে সমাগত হইয়া তোমার নিকট বাসার্থ স্থান প্রার্থনা করিলেন। তুমিও তোমার ভার্য্যা ও পুত্রগণের সহিত তাঁহার প্রার্থনা পরিগ্রহ করিয়া সবহমান-বাক্যে তাঁহার অভিনন্দন পূর্বক কহিত লাগিলেন, হে ব্রহ্মন্! ইহা আপনার গৃহ, আপনি ইহাতে সুখে বাস করুন। আপনার দর্শন লাভে অদ্য আমার জীবন ধন্য হইল, আমার জন্ম-সার্থক হইল এবং আমার সর্ব-তীর্থ-দর্শনের ফল-লাভ হইল। অনন্তর পবিত্র গোস্থানে তাঁহার বাসস্থান নিকুপণ করিয়া, স্বহস্তে তাঁহার পদ-যুগল প্রমর্দিত করিয়া সেই বিপ্রপাদোদকে স্বয়ং স্নান করিলে পরে পরমা-ভক্তি-সহকারে সদ্যোষুত, দধি, ক্ষীর ও অন্যান্য উপহারাদি আনয়ন করিয়া সেই মহাত্মা বিজ্ঞসত্তমের শুক্রষা করতঃ ভার্য্যা ও পুত্রগণের সহিত সর্বতোভাবে তাঁহার প্রীতি-সমুৎপাদনে প্ররু্ত হইয়াছিলে।

অনন্তর নিশাবসানে শুভদিনের সঞ্চার হইল। সেই দিন সর্বপাপ-নাশিনী আষাঢ় শুক্লাদশী। সেই সর্বপ্রোণ্য-সাধিনী পুণ্যা তিথিতে দেবদেব জ্বীকেশ যোগনিদ্রা-সমাপ্তির করিয়া থাকেন। উক্ত তিথিতে পণ্ডিতগণ সমুদার গৃহকর্ম পরিত্যাগ-পূর্বক একমাত্র কেবল ভগবান্ বিষ্ণুর উপাসনা করিয়া থাকেন। তদুপলক্ষে সমুদার সংসার নৃত্য-গীতাদি মঙ্গল-উৎসবে পরিপূর্ণ হয়। সেই পুণ্যা তিথিতে ব্রাহ্মণগণ একান্ত-

চিত্তে দেবদেব বামুদেবের স্তবানুকীৰ্তন করিয়া থাকেন।  
 বিষ্ণু-ভক্তি-পরাষণ সেই দ্বিজসন্তম উক্ত তিথি প্রাপ্ত হইয়া  
 তোমার ভবনে অবস্থান পূৰ্ব্বক একাদশীর উপবাস করিয়া  
 ভগবান্ বিষ্ণুর আরাধনায় প্রবৃত্ত হইলেন। এবং একান্ত-  
 চিত্তে বিষ্ণু-মাহাত্ম্য পাঠ করিয়া জগৎগুরু নারায়ণের প্রীতি  
 সম্পাদন করিতে লাগিলেন। তুমিও একান্ত অজ্ঞা-ভক্তি  
 সহকারে পুত্র-কলত্রাদির সহিত সেই সুপবিত্র অনুত্তম বিষ্ণু-  
 মাহাত্ম্য শ্রবণ করিলে। সেই অনুত্তম ধর্ম-মাহাত্ম্য শ্রবণ  
 করিয়া ভগবদ্বক্তৃ ধর্মাত্ম্য দ্বিজোত্তমের সহিত সেই পুণ্যপ্রদ  
 দ্বাদশী-ব্রতের অনুষ্ঠানে তোমার প্রবৃত্ত জন্মিল। তখন  
 তুমি ভার্যাপুত্র-সমভিব্যাহারে নদীতে স্নান করিতে গমন  
 করিলে। অনন্তর ভক্তিভারাক্রান্ত চিত্তে সেই বিপ্রশ্রেষ্ঠের  
 ষথাবিধি পূজাদি সমাধান করিয়া, পরমার্থ-চিন্তা-পরতন্ত্রহৃদয়ে  
 জগদ্ভাবন মধুসূদনের আরাধনায় প্রবৃত্ত হইলে। এবং সেই  
 ব্রাহ্মসন্তম ষথাবিধি গন্ধ-পুষ্পাদি সুপবিত্র উপহার-দ্বারা  
 জগদ্ভাবন জনার্দনের পূজা-কার্য সমাধান করিলেন। অনন্তর  
 তুমি ব্রাহ্মগণের সহিত মিলিত হইয়া পুত্রকলত্রের  
 সহিত পুনরায় নদী-তীরে স্নানার্থ গমন করিলে। এবং  
 স্নানান্তর প্রবৃত্তচিত্তে পুনরায় প্রাপ্তকৃত বিধিবিহিত বিধানানু-  
 সারে দেবদেব বামুদেবের সম্মানপূজা ও ভক্তিভাবে  
 প্রণামরূত্য সম্পাদন করিয়া দক্ষিণা-সহ দেবনির্মাল্য সেই  
 দেবকম্প দ্বিজোত্তমকে দান করিলে। অনন্তর সেই বিপ্রশ্রেষ্ঠ  
 তোমার ও তদীয় ভার্যাদির সহিত পারণরূত্য সমাধান  
 করিলেন। তুমিও ভক্তিঅজ্ঞা-সমম্বিতচিত্তে তাঁহার সম্যক্ প্রীতি  
 সমুদ্ভাবন করিলে। •

বশিষ্ঠদেব কহিলেন, হে বিপ্রেন্দ্র ! তুমি সেই ভগবন্তকৃষ্ণারায়ণ দ্বিজোক্তমের সহিত এই প্রকার পুণ্যপ্রদ মহাত্রতের অনুষ্ঠান করিয়াছিলে বলিয়া, ইহজন্মে বর্ণশ্রেষ্ঠ-ব্রাহ্মণবুলে জন্মগ্রহণ করিয়াছ। আর পূর্বজন্মে আজীবন কেবল মহামোহে অভিভূত ও দারুণ ভূষণে বিদ্রাবিত হইয়া নিরতিশয় অর্থলোভের বশবর্তী হইয়াছিলে এবং প্রভূত ধন-সম্পত্তির অধীশ্বর হইয়াও সমাগত দীন-দরিদ্র, অধিক কি আপন পুত্রকলত্রগণকেও তাহা হইতে এক কপর্দকমাত্রও প্রদান কর নাই। এই মহাপাপে তুমি ইহজন্মে এই সূনহৎ-দারিদ্র্য-দুঃখ সম্ভোগ করিতেছ। পূর্বজন্মে তুমি দয়া-মমতা একেবারে পরিত্যাগ করতঃ একমাত্র লোভের বশবর্তী হইয়া অপত্য-স্নেহ বিসর্জন দিয়াছিলে। সেই কারণে তুমি ইহজন্মে নিরপত্য হইয়া জন্মগ্রহণ করিয়াছ। একমাত্র সেই জন্ম-গুরু জনার্দনের প্রসাদবলেই জনগণ এ জগৎ-সংসারে প্রভূত সুখসম্পত্তির সহিত সৎপুত্র-লাভে সক্ষম হইয়া থাকে। উহারই রূপায় লোকে সুখজন্ম ও সুখমৃত্যু লাভ করিয়া চরমে পরম পদে লঙ্কপ্রবেশ হয়।

বশিষ্ঠদেব কহিলেন, হে বিপ্রেন্দ্র ! এই তোমাকে তোমার পূর্বজন্ম-বৃত্তান্ত আনুপূর্বিক কীর্তন করিলাম। পূর্বজন্মে তুমি যে জাতি ছিলে ও যেকণ চেষ্টা অবলম্বন করিয়াছিলে, যে কারণে তুমি এই বর্ণশ্রেষ্ঠ ব্রাহ্মণকুলে জন্মগ্রহণ করিয়াছ, যে মহাপাপের প্রতিফলের স্বরূপ এই দুঃস্থ দারিদ্র্য-দুঃখের দারুণ-যন্ত্রণায় দগ্ধ হইতেছ, যে নিমিত্ত সৎপুত্রের মুখ-বলোকনে বঞ্চিত হইয়াছ, তাহা তুমি আনুপূর্বিক শ্রবণ করিলে। এবং যেকণে লোকে পুত্র-পৌত্র-ধন-রত্নাদি ও অক্ষয় সুখশান্তির অনন্ত প্রসাদ লাভ করিতে পারে তাহাও

অবগণ করিলে । অতএব এক্ষণে তুমি একান্ত ভক্তি-  
অঙ্কাদি-সহকারে সেই নিরন্তর জগদন্তর জগদ্রাবন জনার্দনের  
ধ্যানধারণায় চিত্ত সংযোগ করতঃ, নিরন্তর তাঁহারই উপাসনা-  
পর হইয়া কালযাপনে প্রবৃত্ত হও, তাহা হইলে তোমার সকল  
অভিষ্ট সিদ্ধ হইবে ।

মুনিপুত্র বশিষ্ঠদেব এই বলিয়া বিনিবৃত্ত হইলে, বিপ্রসন্তম  
সোমশর্মা নিরতিশয় হর্ষিতান্তঃকরণে ভক্তিব্যারে অবনত হইয়া  
মহামতি বশিষ্ঠের চরণবন্দন-পূর্বক স্বগৃহে প্রত্যাবর্তন করিলেন ।  
এবং আশ্লাদ-সহকারে প্রিয়তম পত্নী সূম্যনাকে সম্বোধন-  
পূর্বক দ্বিজশ্রেষ্ঠ-বশিষ্ঠদেবাদিষ্ট সমস্ত বিষয় পরিষ্কৃত করিয়া  
কহিলেন, ভদ্রে ! আমি তোমার বচনানুসারে ভগবান্ বশিষ্ঠ-  
দেবের নিকট গমন করিয়াছিলাম । তিনি আমার প্রতি  
প্রসন্ন হইয়া মদীয় পূর্ব-জন্ম-বৃত্তান্ত আনুপূর্বিক কীর্তন করতঃ  
আমার এই দারুণ দারিদ্র্য-দুঃখ উপভোগের ও নিরপত্য হওনের  
কারণ নির্দেশ করিয়া, আমাকে সেই বিশ্বচরাচরাধিষ্ঠাতা বেদ-  
বিধায়ক ভগবান্ বিষ্ণুর আরাধনায় মনোনিবেশ করিতে আদেশ  
করিয়াছেন । তাহা হইলেই অতুল ধনরত্ন ও সুখ সমৃদ্ধির  
সহিত সৎপুত্র লাভে সক্ষম হইব । এবং চরমে ভগবান্ বিষ্ণুর  
পবিত্র চরণে লব্ধ-প্রবেশ হইয়া অনন্তকাল নিত্য-সত্য-সুখ-  
সন্তোষের অধিকারী হইব ।

পতিগত-প্রাণা সূম্যনা প্রিয়তম পতিপ্রমুখাৎ এই সূমহৎ-  
মঙ্গল-প্রদায়ক পবিত্র বাক্য পরিকর্ষন করিয়া পরম প্রীতি সহকারে  
প্রিরবচনে কহিলেন, প্রাণেশ্বর ! প্রবৃত্ত-চিত্ত প্রজ্ঞা-চকু পরম  
পুণ্যামা পরমৈষ্ঠি-সূনু তপোধন বশিষ্ঠদেব মুনিগণাগ্রগণ্য । তাঁহার  
আমোঘ বাক্য কখনো মিথ্যা হইবার নহে । অতএব সর্বদা

ভাবে তাঁহাৰ সেই মহাধাক্য পরিপালন কৰিতে পারিলেই আপনাৰ সৰ্বাভিষ্ট সুসিদ্ধ হইবে। কাৰণ, জগৎপাতা জনাৰ্দন এই নিখিল জগৎ-সংসারে জন্ম-মৃত্যু ও সুখ-মোক্ষের একমাত্র মূলীভূত কাৰণ। তাঁহাৰ আৰাধনা ও কৃপালাভ ব্যতিৰেকে কেহ কখন কোন লোকে কোনকালে কোন কপ সুখ-শান্তি সম্ভোগ কৰিত সক্ষম হয় না। অতএব আপনি একান্ত চিন্তে সেই বিশ্বকান্ত বাসুদেৱেৰ পৰম প্ৰসাদ লাভে প্ৰযত্নশীল হইয়া নিয়ত প্ৰযতচিন্তে তাঁহাৰই ধ্যানধাৰণায় মনোনিবেশ কৰতঃ প্ৰযতাত্মা পৰমৰ্ষি বশিষ্ঠদেৱেৰ বাক্য প্ৰাণপণে প্ৰতিপালন কৰুন।

## বিংশ অধ্যায়।

সূত কহিলেন, অনন্তৰ মহামতি সোমশৰ্ম্মা ভাৰ্য্যা সূমনাৰ সৰ্বিত কৈলাস-সক্ষম-প্ৰবাহিতপুণ্যপ্ৰদ রেৱাতীৰে গমন কৰিলেন। এবং তথায় স্নান কৰিয়া দেৱতা ও পিতৃগণেৰ তৰ্পা-পূৰ্বক অভীষ্ট সিদ্ধি-কামনায় তপশ্চৰ্য্যায় প্ৰবৃত্ত হইলেন। তিনি সংযতচিত্ত হইয়া দ্বাদশাঙ্কৰ মন্ত্ৰদ্বাৰা ভগৱান বাসুদেৱেৰ জপ কৰিতে লাগিলেন। কাম-ক্ৰোধাদি বিবৰ্জিত হইয়া নিশ্চল ও নিৰ্বিকম্পচিত্তে শয়নে, উপবেশনে, ভোজনে পানে ও গমনে একমাত্ৰে কেৱল জগন্তাৰন জনাৰ্দনেৰ ধ্যানধাৰণায় মনোনিবেশ কৰিলেন। পতিব্ৰতপ্ৰায়ণা মহাভাগা সাধৱী সূমনা ও প্ৰাণপণে প্ৰিয়পতিৰ সেৱাপ্ৰাৰ্থা কৰিতে লাগিলেন। এবং ছায়াৰ

ন্যায় অনুগামিনী হইয়া, তদীয় ছন্দানুবর্তন ও পরিচর্যায় প্রবৃত্ত হইলেন ।

এই প্রকারে মহামনা সোমশর্মা সুদুশ্চর তপশ্চরণে প্রবৃত্ত হইলে, তাঁহার তপশ্চর্গ্যের বিপ্লবসম্পাদন করিবার নিমিত্ত নানা-প্রকার উৎপাতপরম্পরা সমুদ্ভূত হইতে লাগিল । ভীষবিষ আণীবিষগণ ও সিংহ, ব্যাঘ্র, গজ প্রভৃতি স্থাপদসমূহ সময়ে সময়ে তদীয় সম্মুখে সমাগত হইয়া তাঁহার নানাপ্রকার ভীতি উৎপাদন করিতে লাগিল । কখন ভৈরবাকৃতি বেতাল-রাক্ষস, ভূত, কুশাণ্ড, প্রেত, ভৈরব প্রভৃতি ভয়ঙ্করমূর্তি সকল আবির্ভূত হইয়া দারুণ ভয় প্রদর্শন করিতে লাগিল । কখন নানাবিধ ভীমকায় করালবক্র সিংহসমূহ সমাগত হইয়া ভীমরবে গর্জন করিতে আরম্ভ করিল । কখন ভীষণ ঝঞ্ঝাবাত প্রবলবেগে প্রবাহিত হইয়া গৃহরক্ষাদি বিমানপথে ঘূর্ণিত করিতে লাগিল । কিন্তু কিছুতেই বিষ্ণু-ধ্যানপরায়ণ জিতচিত্ত সোমশর্মার নিশ্চল হৃদয়কে বিচলিত বা তাঁহার ভীতি উৎপাদন করিতে পারিল না । তিনি সমধিক দৃঢ়তা সহকারে উত্তীর্ণিত উৎপাত পরম্পরা অতিক্রম করিয়া সংকম্পিত ব্রত সাধন করিতে লাগিলেন । তিনি কেবল একান্তচিত্তে শঙ্খচক্র-গদা-পদ্মধারী, অমিত-তেজা, মহাহ-মৌলিকহার-পরিরাজিত, কৌমুভ মুনিরন্যায় ছাতি-বিশিষ্ট, শ্রীবৎস-লাঞ্ছন, সর্বাভরণ-বিভূষিত, কমল-পাত্রাক্ষ, সখিতাম্য, প্রসন্নাত্মা, দেবদেব হৃষীকেশের ধ্যানে নিমগ্ন হইয়া অনবরত এই কথা বলিতে লাগিলেন, হে ভক্তবৎসল করুণাময় শ্রীকৃষ্ণ ! তোমাকে নমস্কার । আমি তোমার শরণ গ্রহণ করিয়াছি । ভয় আমার কি করিতে পারে ? হে পরম পুরুষ ! হে পরমাত্মা ! তোমার উদরমধ্যে বিশ্বত্রকাণ্ড অবস্থিত

করিতেছে, আমি তোমারই শরণাগত হইয়াছি, অতএব ভয় আমার কি করিতে পারে ? হে দেবদেব বাসুদেব ! যাঁহার ভয়ে কৃত্যাদি-বিঘ্ন-পরম্পরা পলায়ন করে, বিপদ সম্পদ-রূপে পরিণত হয় এবং অসুখ সুখ-রূপে সম্পন্ন হয়, আমি তাঁহারই শরণাগত হইয়াছি, অতএব সামান্য ভয় ও বিঘ্ন আমার কি করিতে পারে ? যিনি সর্বারিষপাতক ও দৈত্যদানব-ভয়-পরিত্রাতক' আমি সেই জগৎগুরু জনার্দনের শরণগ্রহণ করিয়াছি ; যিনি জগৎ-সংসারের অভয় ও নিত্যসত্য-জ্ঞান-স্বরূপ, যাঁহার নামমাত্র-উচ্চারণ করিয়া জীবগণ সর্ববিধ পাপ হইতে পরিমুক্ত হয়, যাঁহার উদয় চন্দ্র অপেক্ষাও মনোহর, এবং যাঁহার দীপ্তি প্রদীপ্ত দিবাকর হইতেও তেজস্কর, আমি সেই পতিতপাবন নারায়ণের শরণাগত হইয়াছি ; যিনি ব্যাধি সমূহের বিনাশার্থ ঔষধ-স্বরূপ, পাপ-রাশির নিরসনার্থ বিগুহ্জ্ঞান-স্বরূপ এবং ভয় সকল প্রশম-নার্থ অভয়-স্বরূপ, আমি সেই বিমল-আনন্দ-পূর্ণ পরম-পুরুষ নারায়ণের শরণগ্রহণ করিয়াছি ; অতএব ভয় আমার কি করিতে পারিবে ? যিনি সাধুগণের পালক ও এই বিশ্ব-সংসারের রক্ষক, আমি সেই বিশ্বাত্মা বিশ্বপিতার শরণ গ্রহণ করিয়াছি ; যিনি নরহরি-রূপ ধারণ করিয়া জগতে আপনার মহীয়সী লীলা প্রকাশ করিয়াছিলেন, আমি সেই দেবাদিদেব বাসুদেবের শরণাগত হইয়াছি ; অতএব এই সামান্য যুগেন্দ্র ভয়-প্রদর্শন করিয়া আমার কি করিতে পারে ? আমি শরণাগত-বৎসল, গজ-লীলাগতি, গজাস্য, জ্ঞান-সম্পন্ন, পাশা-ক্ষুধারী, গণনারক, পরমদেবতার শরণ গ্রহণ করিয়াছি, অতএব সম্মুখগত এই সামান্য বনহস্তী আমার কি

করিতে পারে ? যিনি বরাহমূর্তি ধারণ করিয়া দৈত্যরাজ হির-  
 গ্যাকের জীবন-বিনাশ করিয়াছিলেন, আমি সেই বরাহরূপী  
 ভক্তবংশল দেবদেব বাসুদেবের শরণাগত হইয়াছি, অতএব  
 এই সামান্য বরাহ হইতে আমার কি উর উপজিত হইবে ?  
 যিনি অত্যন্তুত বামনরূপ পরিগ্রহ করিয়া দৈত্যপতি বলি-  
 রাক্ষকে ছলনা করতঃ ইন্দ্রের ইন্দ্রত্ব রক্ষা করিয়াছিলেন,  
 আমি সেই ঘোহন-বামন-রূপধারী সর্বভয়-বিনাশক আশ্রিত-  
 পালক নারায়ণের আশ্রয়-গ্রহণ করিয়াছি, অতএব এই সামান্য  
 কুম্বাণ্ডাদি হ্রস্ব-বামন-কুজাকৃতি প্রেতগণ আমার কি করিতে  
 পারে ? যিনি সাক্ষাৎ অমৃত,মৃত্যুর মৃত্যু এবং ভীষণের ও  
 ভীষণস্বরূপ, আমি সেই চরাচরাধিষ্ঠাতা পরমপিতা হৃদ্যকেশের  
 আশ্রয়-প্রাপ্ত হইয়াছি, অতএব হৃত্যরূপধারী এই সমস্ত  
 উৎপাত-পরম্পরা আমার কি করিতে পারে ? যিনি ব্রাহ্মণ্য  
 ব্রহ্মা, ব্রহ্মজানময় এবং সাক্ষাৎ ব্রাহ্ম প্রদান করেন, আমি সেই  
 মোক্ষদাতা মুক্তিশরের আশ্রয়-গ্রহণ করিয়াছি ; আমার আর  
 ভয়ের বিষয় কি হইতে পারে ? যিনি সর্ববিধ ভয়ের সমুৎ-  
 পাদক, আমি সেই বিশ্বপিতার শরণ গ্রহণ করিয়াছি, অতএব  
 সামান্য ভয় আমার কি করিতে পারে ? যিনি সর্বভূতের  
 সংহারক, সর্বপাপবিনাশক ও সর্ববিঘ্ননিরাকারক, আমি সেই  
 সৃষ্টিহিতিলয়-হু, মোক্ষমেতু, সত্য-সনাতনরূপী, পূর্ণব্রহ্ম  
 নারায়ণের শরণ-গ্রহণ করিয়াছি ; যিনি বায়ুরূপে সকলের  
 প্রাণ রক্ষা করিতেছেন, আমি সেই জগজ্জীবন জনার্দিনের  
 শরণাগত হইয়াছি ; অতএব সামান্য বায়ুবাতে আমার কি  
 করিতে পারে ? যিনি বড়ঘাতুরূপে জগৎকে রক্ষা করিতে  
 ছেন, আমি সেই সর্বসন্তাপবিনাশী অবিনাশী নারায়ণের



শরণ-গ্রহণ করিয়াছি, অতএব সামান্য শীত-গ্রীষ্মে আহার বি-  
করিতে পারে ? এই কালরূপী বালক সকল আমার নিকট  
সমাগত হইয়াছে ; কিন্তু আমি ইহাদের আশ্রয়-স্বরূপ দেব-  
দেব বাসুদেবের শরণ-গ্রহণ করিয়াছি ! অতএব ইহারা আমার  
কি অনিষ্ট সাধন করিবে ? যিনি দেবতাগণের দেবতা, যিনি  
কারণের কারণ-স্বরূপ, যিনি নিষ্কেবল, যিনি জ্ঞানময়, যিনি  
পুরুষ-প্রধান, যিনি পরমাত্মা, যিনি বিশ্বচরাচরের অধিষ্ঠাতা,  
যিনি স্বয়ং সিদ্ধ ও সিদ্ধগণের পূজনীয় আমি সেই জগদ্রাবন  
জনর্দনের শরণ-গ্রহণ করিলাম । সূত কহিলেন, হে বিষ্ণু-  
সত্তমগণ ! মহামতি সোমশর্মা ভক্তিভারাবনতচিত্তে অকৃত্রিম  
শুদ্ধা-ভক্তি-সহকারে সেই কেশ-নাশক কেশবের এই প্রকার  
ধ্যান ও স্তবাদি দ্বারা প্রতিদিন বাপন করিতে লাগিলেন ।

দ্বিজোত্তম সোমশর্মার এই প্রকার একান্ত ভক্তিবোগ  
সন্দর্শন করিয়া, ভগবান নারায়ণ তাঁহার প্রতি-সাতিশয় প্রীতি  
লাভ করিলেন । এবং স্বয়ং তদন্তিকে আবির্ভূত হইয়া ভগ-  
স্তুক্ত সোমশর্মাকে সম্বোধন-পূর্বক কহিলেন, হে মহাভাগ  
সোমশর্মন্ । তুমি ভাষ্কার সহিত অবহিত-চিত্তে আমার বাক্য  
শ্রবণ কর । আমি বাসুদেব, তোমার এই অনন্যসধারণী ভক্তি  
শুদ্ধাতিশয় সন্দর্শনে করিয়া সাতিশয় প্রীতিলাভ করিয়াছি ।  
অতএব এক্ষণে তোমার অভিলষিত বর প্রার্থনা কর ।

দ্বিজোত্তম সোমশর্মা ভগবান বাসুদেব-কর্তৃক এই প্রকারে  
অভিহিত হইয়া, নয়নোন্মীলন-পূর্বক . নবনীরদবরণীভ সর্বা-  
ভরণভূষিত, সর্বাধুধসমম্বিত, মহোদয়, পুণ্ডরীকাক, পীতাম্বর  
দিব্যালকণসংযুক্ত, শঙ্খচক্রগদাপদ্মধারী, সুরাসুরেশ্বর, বিধাতার  
বিধাতা, গরুড়াকূট, বিপুল-যশোমহিমা-সম্পন্ন, দেবদ্বিজগুরু-রূপা-

স্বিত বাসুদেবকে সন্দর্শন করিয়া গলগম্বী-কৃতবাসে ভক্তি-  
সোমপ্রপূরিত-হৃদয়ে মাঠাকে প্রণাম করিলেন। এবং  
সঙ্গীর সহিত কৃতাজলিপুটে শ্রিয়ামহবিরাজমান, সূর্য্যকোটি  
সমপ্রভ, উক্তবৎসল, ভগবানের স্তব করিতে আরম্ভ  
করিলেন।

বিজশ্রেষ্ঠ সোমসর্ষা কহিলেন, হে মাধব ! তুমি জয়যুক্ত  
হও ! হে জগতানন্দদায়ক যোগীশ-যোগেশ্বর ! তুমি জয়  
যুক্তহও ! হে যজ্ঞময় যজ্ঞাক্ষ ! তুমি জয়-যুক্ত হও ! হে  
শাশ্বত-সর্কগ ! তুমি জয়যুক্ত হও ! হে সর্বেশ্বর ! হে অনন্ত  
হে যজ্ঞরূপ ! তোমার জয় ! তোমাকে নমস্কার করি  
হে জ্ঞানবিদাগ্রগণ্য জ্ঞাননায়ক ! তোমার জয় ! হে পাপহর !  
হে পুণ্যেশ ! হে পুণ্যপতে ! তোমার জয় ! হে সর্বজ্ঞ  
হে সর্বদ ! তোমার জয় ! হে পদ্মপলাশপত্রাক পদ্মনাভ !  
তোমাকে নমস্কার । তুমি জয়যুক্ত হও ! হে গোবিন্দ গোপাল !  
তোমার জয় ! হে জ্ঞানগম্য ! তোমারে নমস্কার ! তুমি  
সত্যময় ও অমলস্বরূপ ! তোমার জয় ! তুমি চক্রধর ! তোমার  
জয় ! তুমি অব্যক্তরূপ তোমার জয় ! হে বিক্রমশোভিত, ও  
বিক্রমনাশক ! তোমার জয় হউক । তুমি বেদময় ! তোমারে  
নমস্কার ! তুমি উদ্যমনায়ক ও সকলের অভিলাষ পূরক ! আমি  
তোমারে নমস্কার করি । তুমি স্বয়ং উদ্যমস্বরূপ, উদ্যমকর্তা  
ও উদ্যত, অতএব তোমার জয় ! হে উদ্যমজ্ঞ ! তোমার জয়  
হউক ! তুমি সুদোদ্যম, প্রবুদ্ধ ও ধর্মস্বরূপ, তোমাকে  
নমস্কার । হে উদ্যমা-ধারক ! তোমার জয় । হে হিরণ্যরেতঃ !  
তোমারে নমস্কার ! হে তেজঃস্বরূপ ! তোমারে নমস্কার । তুমি  
অতিতেজঃস্বরূপ ! তোমারে নমস্কার । তুমি অতিতেজঃ-

স্বৰূপ, সৰ্বতেজোময় এবং দিব্যভেজঃ বিনাশ ও পাপভেজ  
 হরণ করিয়া থাক, তোমারে নমস্কার । হে পরমাত্মন ! হে  
 গোত্রাঙ্গণ-হিতস্বরূপ ! তোমারে নমস্কার ! তুমি হব্য-কব্য বহন  
 করিয়া থাক, তোমায় নমস্কার ! তুমি স্বধা, তুমি স্বাহা ও তুমি  
 যজ্ঞরূপে বিরাজ কর, তোমাকে নমস্কার । তুমি যোগাভিত,  
 হরিকেশ, সৰ্বকেশবিনাশন, পরাংপর, বিশ্বাধার, কেশব,  
 তোমারে নমস্কার ! তুমি কৃপাময়, হৰ্ষময় ও সচ্চিদানন্দময়,  
 তোমারে নমস্কার । রুদ্র তোমার পাদপদ্মের সেবা করেন,  
 বিরিকি তোমার বন্দনা করেন এবং সুরাসুরগণ তোমার আজ্ঞা  
 বহন করিয়া থাকেন তোমারে নমস্কার—নমস্কার । হে পরমা-  
 ত্মন ! হে অমৃতাত্মন ! হে হব্যভোজী ! হে সুরেশ্বর ! তো-  
 মারে নমস্কার—নমস্কার ! হে কীরসাগর-নিবাসিন ! হেলক্ষ্মী-  
 পতে ! হে ওঁকার স্বরূপ ! হে শুদ্ধ ! হে অচল ! তোমাকে  
 বারম্বার নমস্কার করি । তুমি সৰ্বেশ্বর, সৰ্বব্যাপক, সৰ্বজিৎ  
 সৰ্বব্যাসন-বিনাশক, সৰ্বশক্তিসম্পন্ন, তোমাকে নমস্কার । হে  
 বরাহ-মহাকূৰ্ম-বাঘন-নৃসিংহরূপধারিন ! তোমাকে নমস্কার ।  
 হে প্রভো ! তুমি রামরূপ ধারণ করিয়া কত্রিয়কুল নিশ্চূল  
 করিয়াছিলে তোমাকে নমস্কার । তুমি সৰ্বজ্ঞ ও সৰ্বজ্ঞান  
 স্বরূপ, তোমাকে নমস্কার । হে রম্যপতে ! তোমাকে নমস্কার  
 হে কৃষ্ণ ! হে শুদ্ধ ! হে মেচ্ছ-নিঘাতন ! তোমাকে নমস্কার ॥  
 হে ব্যাসস্বরূপ ! হে সৰ্বময় ! তোমাকে বারম্বার নমস্কার  
 করি ।

মহামতি সোমশর্মা একান্তচিত্তে দেবদেব জনাৰ্দ্দিনের  
 এইপ্রকার স্তবানুকীৰ্ত্তন করিয়া ভক্তিভাবে পুনরায় কহিলেন,  
 হে ত্রিলোকপতে ! তুমি সৰ্বেশ্বর ও সৰ্বময় । তোমার

হিমা অপার ও অনন্ত । হে পাবন ! স্বয়ং বিশ্বশ্রুতা বিধাতা  
 কিম্বা লোক-সংহারক মহাকালরূপী বিরূপাক্ষ ও তোমর অপার  
 মহিমার অস্ত্র অবগত নহেন । শাস্ত্রকারেরা তোমাকে সহস্র-  
 দিক ও সহস্র নীর্ষ বলিয়া বর্ণন করিয়া থাকেন । হে জগৎ-  
 জীবন ! তুমি সর্বগুণাতীত । কিন্তু আমি অল্পবুদ্ধি-বণতঃ  
 তোমার সগুণ-স্তবানুকীর্ণন করিলাম । অতএব আমাকে  
 মার্জনা কর ! আমি নিগুণ ও হীনমতি, তোমার মহাত্মা  
 কিছুই অবগত নহি । অতএব আমাকে কৃপা কর । হে জগৎ-  
 গুরো ! হে ভক্তবৎসল ! হে লোকেশ ! আমি তোমার অনু-  
 গত দাস । অতএব জন্ম জন্ম আমার প্রতি কৃপা বিতরণ কর ।

### একবিংশ অধ্যায় ।

বাসুদেব কহিলেন, হে মহাভাগ ! আমি তোমার এই  
 দম, পুণ্য, সত্য, তপস্যা ও পরম পবিত্র স্তোত্রে নিরতিশয়  
 প্রীতলাভ করিয়াছি । এক্ষণে তোমার অভিলষিত বর  
 প্রার্থনা কর ! তাহা দুর্লভ হইলেও আমি তোমাকে প্রদান  
 করিব ।

সোমশর্মা কহিলেন, হে ভগবন্ । আমার প্রতি যদি  
 একান্তই দয়াবান হইয়া থাক, তাহা হইলে প্রসন্নচিত্তে প্রথ-  
 মতঃ আমাকে এই বর প্রদান কর যে, জন্ম জন্ম যেন তোমার  
 প্রতি আমার অচলাভক্তি থাকে । পরিণামে আমি যেন অচল  
 মোক্ষ পদপ্রাপ্ত হইয়া বিতা-সত্য-সুখের অধিকারী হইতে  
 পারি । এবং স্ববংশভারক, সর্বজ্ঞ, সর্বদ, দাতা, তপস্কর-  
 সমন্বিত, দেবদ্বিজলোক-পালক, পূজক, দেবগিত্ত, পূজ্যভাব

বিশিষ্ট, পরমসচ্চরিত্র, জ্ঞান-পণ্ডিত পুত্ররত্ন লাভ করিয়া  
পরম সুখে কালান্তিপাত করিতে সক্ষম হইবে। আর পরি-  
শেষে তোমার নিকট এই প্রার্থনা করিতেছি যে, তুমি আমার  
এই সুমহান্ দারিদ্র্য-দুঃখ অপহরণ কর।

শ্রীকৃষ্ণ কহিলেন, হে দ্বিজশ্রেষ্ঠ ! তুমি যাহা প্রার্থনা  
করিলে, তাহাই হইবে। তাহাতে কোন মাত্র সন্দেহ নাই,  
তুমি আমার বরে সর্বসঙ্গুণ-বিশিষ্ট জ্ঞান-বান্ধব বিশিষ্ট  
পুত্ররত্ন লাভ করিয়া যাবজ্জীবন পরম সুখসচ্ছন্দে কালযাপন  
করতঃ চরমে পরম পদলাভ করিতে সক্ষম হইবে। তুমি  
কোনকালে কোনলোকে দুঃখের লেশমাত্র প্রাপ্ত হইবে না।  
অধিকন্তু তুমি দাতা, ভোক্তা, গুণগ্রাহী এবং সর্ব প্রকার সুখ  
ভাগী হইবে। এবং জীবনে উৎকৃষ্ট ভোগ-সুখ সম্ভোগ  
করিয়া পরিশেষে স্মৃতীর্থ-স্থানে প্রাণ পরিত্যাগ করিবে।

স্বত কহিলেন, হে মহর্ষিগণ ! ভগবান্ হৃষীকেশ দ্বিজ-  
সন্তম সোমশর্মাকে এই প্রকার বর প্রদান করিয়া তথা হইতে  
অস্তর্ধান হইলেন।

অনন্ত দ্বিজবর সোমশর্মা প্রিয়তমা পত্নীর সমভিব্যাহারে  
পরম পবিত্র অমর-কণ্টক নামক স্মৃতীর্থে আত্মবন্ধ পুরঃসর  
পূর্বের ন্যায় দান ও পুণ্যাদির অনুষ্ঠান-সহকারে কালযাপন  
করিতে লাগিলেন। এইরূপে বহুতর কাল অতীত হইলে  
একদা পরম পবিত্র কৈলাস-সঙ্কমে স্মানানন্তর যেমন  
বিনির্গত হইলেন, অমনি পুরোভাগে নানাভরণ-শোভাঙ্গ,  
বহুলক্ষণসংযুক্ত, দিবা, শুভদ এক শ্বেতকুঞ্জর অধোলকন  
করিলেন। ঐ হস্তার কুন্তহান সিন্দূর ও কুঙ্কমে বিচ-  
চিত্ত, নীলোৎপলে অলঙ্কৃত, এবং পতাকাদি-পরিশোভিত।

তাহার উপরি দিব্যলক্ষণসম্পন্ন, দিব্যভরণ-ভূষিত এক-  
 দিব্য পুরুষ উপবিষ্ট রহিয়াছেন। সোমশর্মা অকস্মাৎ সেই  
 কুঞ্জরাজ্যে দিব্য পুরুষকে সন্দর্শন করিয়া বিশ্বয়মাগরে নিমগ্ন  
 হইলেন। এবং ভাবিতে লাগিলেন এই মহাপুরুষ কে? এবং  
 কিনিমিত্তই বা তদীয় গৃহাভিমুখে গমন করিতেছেন? তিনি  
 এইরূপ চিন্তা করিতে করিতে দেখিতে পাইলেন যে, সেই  
 মহাপুরুষ তাঁহার গৃহমধ্যে প্রবেশ করিলেন। তখন দ্বিজসন্তম  
 সোমশর্মা নিরতিশয় কৌতূহলাবিষ্ট হইয়া দ্রুতপদ-সঞ্চারে  
 স্বীয় গৃহে প্রবেশ করিলেন। কিন্তু গৃহে গমন করিয়া আর সেই  
 দিব্য পুরুষকে দেখিতে পাইলেন না। কেবল দেখিলেন  
 যে, তাঁহার প্রাক্ষণ-ভূমির চতুর্দিকে দিব্যগন্ধী দিব্য-কুসুম  
 সমস্ত ইতস্ততঃ নিকিণ্তু রহিয়াছে, পরম-সুগন্ধি, পবিত্র কুসুম-  
 সৌরভে চতুর্দিক বিমোহিত হইয়াছে। এবং প্রাক্ষণভূমি  
 দুর্বারকৃত-সমন্বিত হইয়া পরম রমণীয় শোভা ধারণ করিয়াছে  
 তিনি এই সমস্ত সন্দর্শন করিয়া বিশ্বয়াদিষ্ট-চিত্তে ইহার  
 কারণ অনুধাবন করিতে লাগিলেন। স্মৃত কহিলেন, মহামতি  
 সোমশর্মা এইরূপ চিন্তা করিতেছেন, এমন সময় সুমথী সুমনা  
 তদীয় সম্মুখ-বর্ত্তিণী হইলেন। দ্বিজোত্তম সোমশর্মা দেখিলেন  
 যে, সুমনার আর সে ঔরিদ্র্যদ্রুংগপীড়ন-সমাগত মলিনিমা  
 নাই। তিনি এক্ষণে দিব্য-মাদন-সম্পদা ও দিব্যালঙ্কারে  
 পরিভূষিতা হইয়া দিব্যাক্ষনার ন্যায় দিব্য শোভা ধারণ করিয়া  
 ছেন। তদর্শনে সোমশর্মা কহিলেন, অগ্নি সূতগে! তোমাকে  
 এইসমস্ত দিব্য-রত্নভরণ ও শৃঙ্গাররূপ সৌভাগ্য ও মহামূল্য  
 বস্ত্রালঙ্কারাদি কে প্রদান করিল? হেভদ্রে! তাহা তুমি  
 আঘার নিকট সবিশেষ ক'র্ত্তন কর।

দ্বিজোন্মত্তম সোমশর্মা স্বীয় ভার্য্যাকে এইরূপে সাদর-সম্ভাষণ করিয়া বিনিবৃত্ত হইলে পতিব্রতা সূমনা কহিলেন, হে কান্ত ! আমি দ্যোপান্ত : তায় কীর্তন করিতেছি, আপনি অবহিতচিত্তে শ্রবণ করুন । আপনি কৈলাস-সঙ্কনে স্নানার্থে গমন করিলে, দিব্যাভরা-ভূষিত, দিব্য-গন্ধ-সন্নিত এক দিব্য পুরুষ গন্ধর্কগণ কর্তৃক পরিবেষিত এবং দেবতা ও চারণগণ-কর্তৃক সূর্য-মান হইয়া অস্মৎসদনে সহসা সমাগত হইলেন । তিনি যে কে এবং কোথা হইতে আগমন করিলেন, তাহা আমি কিছুমাত্র স্থির করিতে পারিলাম না । অপকৃপ-কৃপ-লাবণ্য সম্পন্ন, শৃঙ্খর-সৌভাগ্য-সংযুক্তা সর্ষাভরণ-শোভাঢ্যা পূর্ণ-মনোহরা দিব্যা-স্কনাগণ সেই মহাপুরুষের সহিত আগমন করিয়াছিলেন । এবং তাঁহারা সকলে আমাদের সূন্যবিত্র আসনে উপবেশন করাইয়া সর্ষাশোভা-সন্নিত মহাহ-রত্ন-পূরিত চতুষ্ক এবং এই দিব্য-রত্নাভরণাদি প্রদান করিলেন । এবং বেদ-মঙ্গল-মন্ত্রমহ পরম পবিত্র শাস্ত্র-গান-পুরাণসর আমাদের এই প্রকারে অভিবিক্র করিয়া পুনর্বার তাঁহারা অন্তর্হিত হইলেন । সেই সময় তাঁহারা আমাদের এই নির্দেশ করিয়া গেলেন যে, ভদ্রে ! আমরা সর্বদাই তোমার গৃহে অবস্থান করিব । তুমি স্বামীর সহিত সর্বদা শুচি হইয়া কালযাপন করিবে । এট বলিয়া তাঁহারা প্রস্থান করিলেন ।

মহামতি সোমশর্মা পত্নীর এই প্রকার বাক্য শ্রবণ করিয়া পুনর্বার চিন্তা করিতে লাগিলেন যে, ইহা কি দেব-নির্মিত ? মনে মনে এইরূপ নানাপ্রকার চিন্তা ও বিচার করিয়া পুনরায় স্বীয় ধর্মানুষ্ঠানে ও ব্রহ্মকর্মে চিত্তকে নিয়োজিত করিলেন । ক্রমে কাল-সহকারে তদীয় সংসর্গে বৃত-শালিনী মহাতাগা সূমনা গর্ভ-

বতী হইলেন । গর্ভোদয়ে তাঁহার শোভা-সমৃদ্ধি নিরতিশয় পরিবর্জিত হইতে লাগিল ।

অনন্তর পতিব্রতা সুমনা যথাসময়ে পরম-দীপ্তি-সংযুক্ত, তেজোজ্জ্বালা-সমন্বিত, দেব-সন্নিভ এক পুত্ররত্ন প্রসব করিলেন । সেই পুত্রের জন্মকালে অন্তরীক্ষে দেব-তুন্ডুভি নিনাদিত হইতে লাগিল, দেবতাগণ শঙ্খধ্বনি করিতে লাগিলেন, গন্ধর্বগণ সুললিত-স্বরে গান করিতে লাগিল, এবং অপ্সরগণ হর্ষ-ভরে নৃত্য করিতে আরম্ভ করিল । নিখিল বিশ্বচরাচর আনন্দোৎসবে উন্মত্ত হইয়া উঠিল ।

অনন্তর পিতামহ বৃক্ষা বৃন্দারক-বৃন্দ-সমভিব্যাহারে বিপ্রেন্দ্র-সদনে সমুপস্থিত হইয়া তদীয় পুত্রের “সুবৃত্ত” এই নাম প্রদান করিলেন । এবং দ্বিজোত্তম সোমশর্ম্মার পুত্রজন্ম-মহোৎসব সমাধান করিয়া স্ব-স্থানে প্রস্থান করিলেন ।

দেবতাগণের প্রস্থানের পর, দ্বিজসত্তম সোমশর্ম্মা স্বীয় পুত্রের জাতকর্মাদি কর্ম্মনিচয় যথাবিধানে সম্পাদন করিলেন । দেব-কম্প সুবৃত্ত পুত্ররূপে জন্মগ্রহণ করিলে, মহামতি সোমশর্ম্মার গৃহ ধনধান্য-সমাকুল এবং মহাগন্ধীর আবাস-ভূমি হইয়া উঠিল । ধনপতি কুবেরের অলকাপুরী যে প্রকার ধন-সমুচ্চয়ের সমবায়ে সর্বদা সুশোভমান, দ্বিজশ্রেষ্ঠ সোমশর্ম্মার ভবনও সেই প্রকার শোভা-সমৃদ্ধি-সম্পন্ন হইয়া পরিবর্জিত হইতে লাগিল ।

ক্রমে তিনি প্রতুত হস্ত্যশ্ব-গো-মহিষাদি ও রত্ন-কাঞ্চনের অধিপতি হইলেন । এক্ষণে তিনি কেবল একান্ত-চিত্তে দান-পুণ্যাদি ধর্ম্মকর্ম্মের অনুষ্ঠানে নিবিষ্ট-মনা হইয়া তীর্থযাত্রার গমন করিলেন । এবং সেই জ্ঞান-পুণ্য-সমন্বিত পরম স্বেধাবী দ্বিজসত্তম অন্যান্য দান ও পুণ্য-কর্ম্ম সমুদায়



সম্পাদন করিয়া একান্ত চিন্তে কেবল ধর্ম-সাধনে প্রবৃত্ত হইলেন।

যাহা হউক, তিনি শাস্ত্রোক্ত-বিধানে পুত্রের জাত-কর্ম সমাধা করিয়া পরম হর্ষাবিষ্ট হইয়া, তদীয় বিবাহ-কৃত্য সমাধান করিলেন। কালসহকারে সেই পুত্রের পুত্র-পরম্পরা সমুৎপন্ন হইল। তাহারা সকলেই গুণবান, সকলেই রূপবান সকলেই সুলক্ষণ-সম্পন্ন, সকলেই সত্য ধর্ম ও তপস্যা বিশিষ্ট এবং সকলেই দান-ধর্ম-পরায়ণ। তাঁহাদিগকে প্রাপ্ত হইয়া মহাত্মা সোমশর্মা দেবগণ-ভূষিত অমররাজ অপেক্ষাও অধিক শোভমান হইলেন। মহাভাগ সোমশর্মা তাহাদের সহবাসে সাতিশয় আমোদিত ও পরম সন্তুষ্ট হইয়া, সকলের উদ্দেশে বিবিধ পুণ্য-কৃত্য সম্পাদন করিলেন। তাঁহাদের সুখ-সমৃদ্ধি উত্তরোত্তর উপচীয়মান হইতে লাগিল। তিনি জ্বররোগ-বিবর্জিত হইয়া পঞ্চবিংশতি-দেশীয় যুবার ন্যায় সর্বথা সুস্থ ও সচ্ছন্দকায় হইলেন। পার্শ্ববৃত্তাদি-পুণ্য-পরম্পরায় সেই বিশালক্ষ্মী সুমনারও অতিমাত্র ভাতি সমাগত হইল। ঘোবন-সম্পত্তির পুনরাগমে তিনি ষোড়শী ললনার ন্যায় পতিগৃহ আলোকিত করিলেন। এইরূপে মহাভাগ মহাত্মা চারুসঙ্কম ব্রাহ্মণদম্পতী যার পর নাই আশ্লাদিত ও মহোদয়-বিশিষ্ট হইয়া, নিরতিশয় সুখ-সন্তোষে কালান্তিপাত করিতে লাগিলেন।

সূত কহিলেন, হে দ্বিজসত্তমগণ ! আপনারা সোমশর্মা ও সুমনার পুঁয়াচার-সমন্বিত সমস্ত বৃত্তান্ত অবগণ করিলেন। অতঃপর মহাত্মা সুবৃত্তের মহীয়সী তপশ্চর্যের বিষয় যথাযথ বর্ণন করিতেছি, অবগণ করুন।

## দ্বাবিংশ অধ্যায় ।

ব্রহ্মা কহিলেন, হে মহাভাগ পরাশরাস্বজ ! পুণ্যত্মা সুবৃত্তের  
তপশ্চর্য্যা-সমন্বিত পরম পবিত্র আখ্যান শ্রবণ কর । পরম  
মেধাবী সুবৃত্ত বাল্যকাল হইতেই বিষ্ণুভক্ত হইয়াছিলেন ।  
সেই পুরুষোত্তম গর্ভাবস্থাতেই জগদানুর জনার্দনের সাক্ষাৎ লাভ  
করিয়াছিলেন । পূর্জন্মার্জিত-কর্ম-ফলানুসারে তিনি সর্বদা  
বাসুদেবের প্রতি তদুগত চিত্ত হইয়া কালাতিপাত করিতেন ।  
গানে, জ্ঞানে ও প্রবচনে একমাত্র শঙ্খচক্রধর হৃষীকেশের গুণগ্রাম  
কীর্তনে নিরত থাকিতেন । সেই দ্বিজসন্তন মহামতি সুবৃত্ত  
সর্বদা শ্রীহরির ধ্যানধারণায় নিব্বিকটননা হইয়া সমন্বয়স্ক বালক-  
বৃন্দের সহিত পূর্ণানন্দে ক্রীড়া করিয়া বেড়াইতেন । এবং শ্রীহরির  
নামে সেই সমস্ত বালকগণের নাম রক্ষা করিয়াছিলেন । সেই  
পুণ্যশীল পুণ্যত্মা সুবৃত্ত ক্রীড়ার সময় উপস্থিত হইলে, ত্রি-  
দিগকে দেবদেব বাসুদেবের নামে আহ্বান করিতেন । তিনি  
কাহাকে কহিতেন, হে নারদ ! আইস । কাহাকে বলিতেন,  
হে চক্রধৃক ! আইস । হে কেশব ! আইস ! হে নধুসুদন !  
চল, আমরা উভয়ে বনমধ্যে গমন করি । হে পুরুষোত্তম, আইস  
আমরা সকলে একত্রে ক্রীড়া করি । এইরূপে তিনি সকলকেই  
দেবাদিদেব হরির নামে আহ্বান করিয়া ক্রীড়ন, উৎসাহন,  
হান্য, শয়ন, গমন, যান, আসন, ধ্যান, মনন ও কথন প্রভৃতি সকল  
বিষয়েই জগন্নাথ জনার্দনের দর্শন ও নাম কীর্তন করিতেন ।

তুনে কাঠে পাষাণে শুষ্ক ও আর্দ্র প্রভৃতি সকল স্থলেই পদ্ম-পত্রাক্ষ গোবিন্দের দর্শন প্রাপ্ত হইতেন। সুমনা-সুত পুণ্যবৃত্ত মহামহতি সুবৃত্ত জলে স্থলে পাষাণে এবং সর্বজীবে সর্বদাই সেই ভগবান বাসুদেবের নৃসিংরূপ দর্শন করিতেন। তিনি বাল্য-ক্রীড়ায় প্রবৃত্ত হইয়া দিন দিন এই প্রকার অতিবাহিত করিতে লাগিলেন। এবং সর্বদা তাল-লয়-পরিশুদ্ধ সুস্বর-সম্বিত মুচ্ছনা ও মধুরাক্ষর সম্পন্ন মনোহর গীতাদি-দ্বারা সেই জগদ্ধাবন জনার্দনের গুণগরিমা গান করিতেন।

সুবৃত্ত কহিতেন, বেদবিদগণ সর্বতোভাবে যে মুরারির ধ্যান করিয়া থাকেন, যাঁহার অঙ্গ-মধ্যে এই নিখিল বিশ্বচরাচর নিহিত রহিয়াছে, আমি সেই যোগেশ্বর সর্বপাপ-বিনাশন মধুসূদনের শরণ গ্রহণ করি। যিনি সর্বদা সকল লোকে বর্তমান রহিয়াছেন, আমি সেই নিখিল গুণ-নিদান সর্বদেব-বিবর্জিত পরম-পুরুষ পরমেশ্বরের পরম পবিত্র পাদপদ্মে প্রণাম করি। বেদান্ত-শুদ্ধমতি সাধুগণ যাঁহার মহাহ্য কীর্তন করিয়া থাকেন, আমি সেই অশেষ গুণ-বিধান, সংসার-সাগর-পারকারী নিখিল-বিশ্বকারণ নারায়ণের শরণ গ্রহণ করি। যিনি যোগেন্দ্র-গণের মানস-সংসারের রাজহংস-রূপ, আমি সেই স্ব-রূপ অক্ষয় অবিনাশী জগদাকুর জনার্দনের সুবিমল পদারবিন্দ বন্দনা করি। হে মুরারিপো! এই দীনজনের রক্ষা বিধান কর। আমি করতাল-মান-সহকারে সুমধুর গীতস্থলে সেই শুদ্ধবেদ, সম্ভাবিত লোকগুরু সুবেশ্বরের মহিমাগুণ গান করি। যিনি শ্রীর সহিত একাক্ষীভূত হইয়াছেন, যিনি অবিনশ্বর, যিনি ত্রিভুবনের দেবতা-স্বরূপ, যিনি তুংখ-রূপ দারুণ অন্ধকার দহনের নিমিত্ত নিয়ত চন্দ্ররূপে বিরাজমান রহিয়াছেন, আমি অন্য

বাসনা মন হইতে দূরীভূত করিয়া একমাত্র কেবল সেই অখিল-  
স্বরূপ, মহিমার্ণব, সম্পূর্ণ, অমৃতকলাবিতানরূপী দেবদেবের  
গীতি-কৌশল অভ্যাস করি। যিনি পরমার্থ-দৃষ্টি-দ্বারা সর্বদা  
এই বিশ্ব-সংসারকে দর্শন করিতেছেন, পাপমতি ছুরায়াগণ  
যাহাকে কখন দর্শন করিতে পারে না, আমি সেই বিশ্বপাতা  
বাসুদেবের শরণ গ্রহণ করি। বিষ্ণু-ধ্যান-পরায়ণ সুমনাঙ্ক  
সুবৃত্ত এই প্রকার করতল-বাদ্য-সহকৃত-তাল-মান-লয়-সহকারে  
হরিগুণগান করিয়া বালকগণের সহিত সরলভাবে সর্বদা ক্রীড়া  
করিয়া বেড়াইতেন।

একদা চাকুলক্ষণনম্পন্ন মহাভাগ সুবৃত্ত ক্রীড়াবসানে  
আবাসে প্রতিবিহ্বল হইলে, তদয় জননা পুণ্যবতী সুমনা  
কহিলেন, বৎস! ক্ষুধার কাতর হইয়াছ, অতএব এক্ষণে কিঞ্চিৎ  
ভোজন কর। আহারান্তে পুনর্বার ক্রীড়া করিতে যাইও।

স্নেহময়ী জননীর এই বাক্য শ্রবণ করিয়া, মহাপ্রজ্ঞ সুবৃত্ত  
সবিনয়-বচনে জননীকে সহোদন করিয়া কহিলেন, হে ভগবতি!  
আমি হরিধ্যানরসানুভূতপানে পরম তৃপ্তি-লাভ করিয়াছি। এবং  
সর্বদাই ভোজনাসন-সমারূঢ় হইয়া নিষ্ঠ অন্ন-দর্শন করিয়া থাকি।  
ভগবান বিষ্ণু স্বয়ং এই অন্ন-স্বরূপ। মদীয় আত্মা সেই অন্ন আশ্রয়  
করিয়াছে। অতএব সেই অন্নরূপী ভগবান্ নারায়ণই এই অন্নে  
পরি তৃপ্তি লাভ করুন। সেই ক্ষীরসমুদ্র-নিবাসী পরমাত্মা কেশবই  
এই পবিত্রোদকে ও এই তাম্বুল, চন্দন, এবং এই মনোহরগন্ধ-  
পুষ্পাদি-দ্বারা সর্বথা পরিতৃপ্ত হউন। কারণ, সেই বিশ্বাত্মা বাসুদেব  
পরিতৃপ্ত হইলেই আমার পরিতৃপ্তি সাধন হইবে। মহামতি সুবৃত্ত  
শয্যায় গমন করিয়াও একান্তচিত্তে কেবল সেই যোগনিদ্রাপরতন্ত্র  
প্রায়োগসেবিত জনার্দনের ধ্যান করিতেন। কলস্তম্ভ, ত্রিভুজ শরন,

অশন, উপবেশন, আচ্ছাদন প্রভৃতি সমুদায় পদার্থই সেই পরব্রহ্ম পরংপর নারায়ণকে সমর্পণ করিয়া, সকল বিষয়ে তাঁহারই ধ্যান-ধারণায় নিযুক্ত থাকিতেন।

ক্রমে সেই ভগবন্ত সূবুতের বাল্যকাল অতিত হইয়া যৌবন কাল সমাগত হইল। তখন তিনি সমুদায় ভোগ-বাসনা পরিহার করতঃ একমাত্র ভগবান কেশবের ধ্যানসংযুক্ত হইয়া পরমার্থ লাভকামনায় পর্বতোত্তম বৈদূর্য্য গমন করিলেন। তথায় নন্দ্য দা নদীর দক্ষিণ তটে দেবদেব রুদ্রদেবের পাপনাশন পরম পবিত্র লিঙ্গ বিরাজমান আছে। তিনি সিদ্ধেশ্বর, মহেশ্বর ও ওঙ্কারবেদ্য পরম ব্রাহ্মণ। মহায়া সূবুত সেই দেবাদিদেব সিদ্ধেশ্বরের আশ্রয় গ্রহণ-পূর্বক পতঞ্জর্য্যায় মনোনিবেশ করিলেন।

## ত্রয়োবিংশ অধ্যায়।

বাসুদেব কহিলেন, হে প্রজেশ্বর! আমি সম্প্রতি আপনাকে এক প্রশ্ন জিজ্ঞাসা করিতেছি, আপনি অনুগ্রহপূর্বক আমাকে তাহার উত্তর-প্রদান করুন। আপনি বলিয়াছেন যে, মহায়া সূবুত পূর্বজন্মাচরিত পুণ্যবলে সত্যরূপ অনাময় নারায়ণের ধ্যান-পরায়ণ হইয়াছিলেন। কিন্তু তিনি পূর্বজন্মে এমন কি মহা পুণ্য সমাচরণ করিয়াছিলেন এবং কিরূপেই বা হ্রিতভক্তি-পরায়ণ হইয়াছিলেন, আপনি তাহা আমার নিকট সবিস্তর কীর্তন করুন।

স্তব করিলে, ভগবন্ হৃষীকেশ কহিলেন, হে ব্রহ্মন্ ! আমি তোমার প্রতি পরম পরিতোষ লাভ করিয়াছি । অতএব তুমি তোমার অভিলষিত বর গ্রহণ কর ।

সুত্রত কহিলেন, হে প্রভো ! আপনি যদি অধীনের প্রতি একান্তই প্রসন্ন হইয়া থাকেন, তাহা হইলে অমুকম্পা পুরঃসর আমাকে এই বর প্রদান করুন যে, আমি যেন আমার জনকজননীর সহিত সশরীরে স্বাশ্বত-বৈকুণ্ঠ-ধামে গমন করিতে পারি ।

নারায়ণ কহিলেন, হে সত্যব্রত সুত্রত ! তোমার এই অভিলাষ পরিপূর্ণ হইবে । তাহাতে অমুমাত্র সন্দেহ নাই ।

ব্রহ্মা কহিলেন, পুণ্যব্রত সুত্রতকে এই প্রকার বর দান করিয়া লোকভাবন জনার্দিন অন্তরীক্ষে অন্তর্হিত হইলেন । এবং মহামনা সুত্রত ও স্বীয় জনকজননীর সহিত তাঁহার সমভিব্যাহারে পরম দুর্লভ বৈষ্ণবলোকে প্রস্থান করিলেন । মহামনা সুত্রত বিষ্ণুর প্রসাদে কম্পদ্বয় যাবৎ দিব্যলোক ও দিব্য ভোগ-পরম্পরা সম্ভোগ করিয়া দেব-গণের কার্যসিদ্ধির নিমিত্ত পুনরায় কশ্যপ গৃহে সেই ভগবন্ চক্রীর আদেশানুসারে অবতীর্ণ হইলেন । তিনিই মহাত্মা বাসুদেবের প্রসাদে বসুদত্ত নামে বিখ্যাত ও সর্বদেব-নমস্কৃত হইয়া, ঐন্দ্রপদ সম্ভোগ করিতেছেন । এবং তিনিই স্বর্গের ইন্দ্র হইয়া, দেবরাজ-পদে প্রতিষ্ঠিত আছেন । আমি তোমার নিকট এই সমুদায় সৃষ্টিসম্বন্ধের কারণ বর্ণন করিলাম । এখন যদি অভিলাষ হয়, অন্যান্য বিষয় কীর্তন করিব ।

ব্যাসদেব কহিলেন, রুক্মভূষণ পুত্র মহাপ্রাজ্ঞ ধর্মবৎসল

মহাবল ধর্মাজ্ঞদ সত্যযুগের আদিতে জন্মগ্রহণ করিয়া ইন্দ্র পদ প্রাপ্ত হইয়াছিলেন। কিন্তু হে দেবর্ষে! তবে পৃথিবীতে অন্য রুদ্ভাজ্ঞদ ও অন্য ধর্মাজ্ঞদ রাজার বর্ণনা কি জন্ম শূন্যে পাওয়া যায়? আপনি যে ধর্মাজ্ঞদের বিষয় বর্ণনা করিলেন, ইনিই কি আবহমান-কাল লোকশাসন ইন্দ্রপদ লাভ করিয়া আসিতেছেন? হে তাত! আমার এই সম্বন্ধে দারুণ সন্দেহ উপস্থিত হইয়াছে। অতএব অনুগ্রহ-পূর্বক আমার এই দারুণ সংশয় নিরাস করিয়া আমার কৌতুহল চরিতার্থ করুন।

ব্রহ্মা কহিলেন, হে দ্বিজসত্তম! যাহাতে তোমার সকল সংশয় ছিন্ন হইতে পারে, তাহা কীর্তন করিতেছি! ঈশ্বরের লীলা সৃষ্টি-বিষয়ে বর্তমান। যেরূপে বার, পক্ষ, মাস, ঋতু, ও বৎসর সকল পুনঃ পুনঃ যাতায়াত করে, সেইরূপ যুগ সকলও পুনরায় সমাগত হয়। এবং যুগের অবসানে কল্প প্রবর্তিত হইয়া থাকে। মহাপ্রাজ্ঞ! তৎকালে আমি ভগবান্ জনার্দমে লীন হই এবং যাবতীয় চরাচর আঘাতে সমাবিষ্ট হইয়া অবস্থিতি করে। যোগাত্মা বিষ্ণু কল্পের অবসানে পুনরায় পূর্বের ন্যায় সমুদায় সৃষ্টি করেন। তাহাতে আমি পুনরায় সমুৎপন্ন হই, এবং বেদ, দেবতা ও নরপতিগণ সকলেই স্বচারিত্রসম্পন্ন হইয়া পুনরায় প্রাহুভূত হইলেন। বিদ্বান্ পুরুষ এ বিষয়ে কখনই যুক্ত বা সন্দিক্ত নহেন। মহাভাগ রুদ্ভাজ্ঞদ ও খ্যাতিমান্ ধর্মাজ্ঞদ পূর্বকল্পে যেরূপ জন্মগ্রহণ করেন, পর-কল্পেও সেইরূপ প্রাহুভূত হইলেন। মহাপ্রাজ্ঞ! রাম ও যযাতি-প্রমুখ নরপতিগণ এবং মন্বাদি মহাত্মাবর্গ সকলেরই ঐরূপ আবির্ভাব ও তিরোভাব হইয়া

থাকে। বীর ধর্মাজ্ঞদ যেরূপ মহৎ পদ প্রাপ্ত হইলেন; সেই রূপ ধর্মতৎপর সকল রাজাই ঐন্দ্রপদ ভোগ করিয়া থাকেন। এইরূপ, বেদ, স্মৃতি, পুরাণ ও অমরগণ কালে কালে প্রাদুর্ভূত হইলেন। মহাভাগ! এক্ষণে তোমার সমক্ষে আর কি বলিব, নির্দেশ কর।

## শ অধ্যায়।



ঋষিগণ কহিলেন, বাগ্নিশ্রেষ্ঠ! তুমি যে এই উপাখ্যান কীর্তন করিলে, ইহা অতিশয় বিচিত্র ও পবিত্র। হে স্মৃতনন্দন! পূর্বে যেরূপে সৃষ্টি হইয়াছিল, এক্ষণে সেই সৃষ্টি-সম্বন্ধে সবিস্তর কীর্তন কর।

স্মৃত কহিলেন, আমি বিস্তার-পূর্বক সৃষ্টি-সম্বন্ধীয় কারণ কীর্তন করিব। উহা শ্রবণ করিলে মনুষ্য সর্বজ্ঞতা প্রাপ্ত হয়। হিরণ্যকশিপু ভূধনত্রয়-পরিব্যাপ্ত তপস্যা দ্বারা ব্রহ্মাকে আরাধিত করিয়া, সেই মহাভাগ দেবতা হইতে সুদুলভ বর ও অমরত্ব প্রাপ্ত হয়। এইরূপে বর লাভ করিয়া, স্বয়ং প্রভুত্ব অর্জন করিয়াছিল। তাহাতে দেবগণ, গন্ধর্বগণ, বেদপারগ ঋষিগণ, কিন্নরগণ ও যক্ষগণ ব্রহ্মাকে পূরস্কৃত করিয়া, সর্ব-প্রভু নারায়ণ-সমীপে গমন করিলেন। তথায় সমাগত হইয়া, দেবগণ সেই কীর্তসাগর-সংযুগ



ষোগনিদ্রাগত নারায়ণকে মহাস্তোত্রে প্রবোধিত করিয়া, কুতাঞ্জলিপুটে অবস্থিত হইলেন এবং তিনি জাগরিত হইলে, হুরায়া হিরণ্যকশিপুৰ রুতাস্ত কীর্তন করিলেন । জগৎপতি জনার্দন শ্রবণ করিয়া, নৃসিংহ-বিগ্রহ পরিগ্রহপূর্বক বল ও বাহন সহিত তাহাকে নিহত করিলেন । এবং পুনরায় বরাহরূপ ধারণ করিয়া, মহাবল হিরণ্যাক্ষ ও অন্যান্য ঘোর-দর্শন দানবদিগকে সংহার এবং পৃথিবীর উদ্ধার সাধন করিলেন । এইরূপে মহাবল পরাক্রান্ত বহুসংখ্যক দৈত্য ও দানবদল বিনষ্ট হইলে, দেবগণ পুনরায় স্ব স্ব স্থান প্রাপ্ত হইলে, যজ্ঞ সমুদয় পূর্বের ন্যায় প্রবৃত্ত হইলে, ধর্ম কর্ম সকল পুনরায় সমারম্ভ হইলে এবং লোক সকল সমস্ত হইলে, দিতি দুঃখ-পীড়িত ও পুত্রশোকে সন্তপ্ত এবং হাহাভূত ও বিচেতন হইয়া, তপস্তেজঃসমম্বিত, মহাত্মা মহামতি, তপোনিরত, সূর্যাসকাশ, বিপ্রগণাগ্রগণ্য, স্বামী কশ্যপকে ভক্তিভাবে প্রণাম করিয়া কহিলেন, ভগবন্ ! দেবদেব চক্রী আমাকে নষ্টপুত্রা করিয়াছেন । সমুদায় দৈত্য ও দানব তদীয় হস্তে বিনিপাতিত হইয়াছে । অতএব আমাকে আনন্দ-জনক, সর্বতেজোময়, মহাবল, চারু, সর্বাঙ্গ, সর্বপণ্ডিত, বুদ্ধিমান, দাতা, তপস্তেজঃ-সমম্বিত, সুন্দর, সুলক্ষণ, ব্রহ্মপরায়ণ, জ্ঞান বেত্তা, দেবব্রাহ্মণ-পূজক, সর্বলোকজয়ী, সর্বলক্ষণসম্পন্ন পুত্র প্রদান করিতে হইবে ।

দ্বিজোত্তম কশ্যপ শোক-সন্তপ্তা দিতির এই প্রকার উত্তম বাক্য শ্রবণ করিয়া, তুষ্ট ও রূপাবিষ্ট হইলেন । এবং সেই রূপণা দীনমানসী দিতির মস্তকে হস্ত ন্যস্ত করিয়া, তাব-তৎপর বাক্যে কহিলেন, মহাভাগে ! তোমার অভি-

জীবিত পুত্র সমুৎপন্ন হইবে। এই বলিয়া সহস্রাংগু-  
সমুদ্র্যতি মহাভাগ কশ্যপ গিরিবরোত্তম মেরু পর্বতে গমন  
করিলেন। তথায় নিরালস্য হইয়া, তপস্যা করিতে লাগি-  
লেন। এই অবসরে সর্বধন্বজ্ঞা চাক্রকন্যা যশস্বিনী দিতি  
উৎকৃষ্ট গর্ভ ধারণ করিলেন। তিনি সহস্র-বৎসর সেই গর্ভ  
ধারণ করিয়া সাতিশয় শোভমান হইলেন। অনন্তর  
কাল পূর্ণ হইলে, ত্রৈলোক্যঃসমস্থিত পুত্র প্রসব করিলেন।  
সাধুসন্তম কশ্যপ এই স্বভাস্ত শ্রবণপূর্বক পরম হর্ষান্বিত  
হইয়া তথায় সমাগত হইলেন এবং পুত্রের নামকরণ  
করিলেন। তিনি তাহার নাম বল রাখিয়া দিলেন। পুত্র ও  
নামের অনুরূপ মহাবল বিশিষ্ট হইয়া উঠিলেন। দ্বিজ কশ্যপ  
পুত্রের এই রূপ নামকরণান্তর ত্রৈলোক্য-বিধান-পূর্বক কহি-  
লেন, মদীয় মহাভাগ পুত্র! ত্রৈলোক্য সাধন কর। পুত্র  
কহিলেন, দ্বিজোত্তম! আপনি যে রূপ নির্দেশ  
করিতেছেন, তাহাই করিব। আমি বেদ অধ্যয়ন ও  
ত্রৈলোক্য সাধন করিব। এই বলিয়া তিনি শত বৎসর  
তপশ্চরণে অতিবাহন পূর্বক তপস্তৈজঃসমস্থিত হইয়া,  
জননীর সমক্ষে সমাগত হইলেন। পতিব্রতা দিতি মহাত্মা  
পুত্রের তপস্তৈজোময় দিব্য ত্রৈলোক্য পরিদর্শনপূর্বক  
পরম প্রীতিমতী হইয়া, সেই জ্ঞান-বিজ্ঞান-বিশারদ মহা-  
প্রাজ্ঞ মেধাবী তপস্বী পুত্র বলকে কহিলেন, বৎস! তুমি  
যখন জীবিত, তখন আমার হিরণ্যকশিপু প্রভৃতি যে  
সকল পুত্র চক্রপাণির হস্তে প্রাণ বিসর্জন করিয়াছে,  
তাহারা সকলেই জীবিত হইয়াছে। এক্ষণে বৈরসাধন  
ও চিরশত্রু দেবগণকে সংগ্রাম নিধন কর।

ঐ সময়ে জননী দমু সেই মহাবল পুত্রকে কহিলেন, বৎস প্রথমে দেবরাজ ইন্দ্রকে সংহার কর, পরে দেবতা-দিগকে ও গরুড়বাহন নারায়ণকে বিনিপাতিত করিও ।

পতিদেবতা অদिति তাঁহাদের বাক্য আকর্ষণ করিয়া, নিরতিশয় দুঃখিত হওত, দেবরাজ ইন্দ্রকে কহিলেন, মহাকায় দिति-পুত্র ব্রহ্মতেজঃ-প্রভাবে বর্দ্ধিত হইয়াছে । ঐ মহাবল, দেবগণের সংহার জন্য নিরঞ্জন তপশ্চরণ করিয়াছে । দেবরাজ ! যদি কেমলাভ অভিলাষ থাকে, তাহা হইলে এই প্রকার অবধারণ কর ।

পাকশাসন ইন্দ্র জননীর এইরূপ বাক্য শ্রবণগোচর করিয়া, দুঃখবশতঃ অতিমাত্র চিন্তান্বিত হইলেন । এবং মহাভয়ে ভীত হইয়া, মনে মনে চিন্তা করিতে লাগিলেন, বেদশর্ম্ম-বিদূষণ মহাবল বলকে এইরূপে সংহার করিতে হইবে । এইরূপে বলসংহারের উপায় অবধারণ পূর্বক বিষন্ন-হৃদয়ে সর্বদা তাহার হিদ্বে অব্বেষণে প্রবৃত্ত রহিলেন । একদা মহাবল বল সঙ্কটাবন্দনা-সমাধান জন্য সিন্ধু-আশ্রয় করিলেন । তিনি দিব্য কৃষ্ণাজিন, দণ্ডকাষ্ঠ, পবিত্র আসন ও ব্রহ্মচর্য্যে বিরাজমান হইয়া, সাগরের উপকণ্ঠে সঙ্ক্যাসন বিস্তারণ পূর্বক যুগান্ত জপ করিতে লাগিলেন । পাকশাসন ইন্দ্র তাঁহাকে তদবস্থ দর্শন করিয়া, দিব্য বজ্র-প্রয়োগ-পূর্বক গুরুতর আঘাত করিলেন । এবং তাহাতে দিতিনন্দন বল গত-সত্ত্ব ও বিনিপাতিত হইয়া ধরাতল আশ্রয় করিলে, নিরতিশয় হর্ষে আঘোদিত হইয়া উঠিলেন । পাকশাসন ইন্দ্র এইরূপে দিতিনন্দন বলকে সংহার-পূর্বক পরম সুখে রাজ্য করিতে লাগিলেন ।

## পঞ্চবিংশ অধ্যায়

সুত কহিলেন, পতিব্রতা দিতি মহাবল বলের সংহার বার্তা শ্রবণ করিয়া, হাহাকার করুণস্বরে হাস আমার অতি-মাত্র কষ্ট উপস্থিত হইল বলিয়া রোদন করিতে লাগিলেন। তপস্বিনী দিতি বহুক্ষণ এই প্রকার স করুণ বিলাপ করিয়া, পতি কশ্যপের সকাশে সমাগত হইয়া কহিলেন, দ্বিজ! শ্রবণ করুন। মদীর ব্রহ্মলক্ষণসম্পন্ন মহাবল পুত্র বল সাগরতীরে সন্ধ্যাবন্দনায় সমাসীন ছিলেন, ভবদীয় পুত্র পাপাত্মা দেবরাজ বজ্র-দ্বারায় তাঁহার সংহার করিয়াছে। কশ্যপ শ্রবণমাত্র অতিমাত্র রোষাবিষ্ট হইলেন এবং ক্রোধ-ভরে প্রজ্বলিত হইয়া উঠিলেন। অনন্তর কোপ-সহকারে এক গাছি জটা ছিন্ন করিয়া, অগ্নিতে নিক্ষেপ করিলেন, এবং কহিলেন, এই জটা ইন্দ্র-বিনাশী পুত্রের উৎপাদন করুক। তাহাতে সেই কুণ্ডময় হৃতাশন-মুখ হইতে তৎক্ষণাৎ কৃষ্ণাঞ্জনচয়সন্নিভ, পিঙ্গাক, ভীষণাকৃতি, দংশীকরাল-বদন, জগদ্-বিত্রাসক, মহাতেজা, ভৈরবমূর্তি, খড়াচর্মধর এক মহাপুরুষ প্রাদ্ভূত হইল। মহামেঘোপম মহাবল তেজঃপ্রদীপ্ত পুরুষ প্রাদ্ভূত হইয়া কহিল, আদেশ করুন, কি জন্ম আমাকে সৃষ্টি করিলেন। সুব্রত! আমি আপনার প্রসাদে তাহা সম্পাদন করিব।

কশ্যপ কহিলেন, পুত্র! তোমাকে আমার ও দিতির মনোরথ পূরণ করিতে হইবে। মহাপ্রাজ্ঞ! তুমি এই

দিত্তির শত্রু ছুরায়া ইন্দ্রকে সংহার করিয়া নিৰ্ব্বিবাদে ইন্দ্রপদ ভোগ কর ।

মহায়া কশ্যপ এই প্রকার আদেশ করিলে, পৌরুষবান্ বৃত্র ইন্দ্রের সংহার জন্য সমুদ্যত হইয়া, ধনুর্বেদ অভ্যাস করিতে লাগিলেন । দেবরাজ ইন্দ্র বৃত্রের বলবীর্য্য ও বিদ্যাসম্বিত উগ্রতেজ অবলোকন করিয়া ভয়ে ব্যাকুল হইলেন এবং সেই ছুরায়ার বধোপায় চিন্তা করিয়া, সপ্তর্ষিদিগকে আস্থান পূৰ্ব্বক কহিলেন, মুনীশ্বরগণ ! বৃত্র যে স্থানে অবস্থান করিতেছে, আপনারা তথায় গমন পূৰ্ব্বক তাহার সহিত সন্ধি-সংস্থাপন করুন । সপ্তর্ষিগণ তদীয় আদেশবংশবদ হইয়া তৎক্ষণাৎ বৃত্রের সমীপে গমন পূৰ্ব্বক কহিলেন, দৈত্য-সন্তম ! দেবরাজ ইন্দ্র প্রযত্ন-সহকারে তোমার সখ্য প্রার্থনা করিতেছেন । তুমি তাহা বিধান কর । সেই সৰ্ব্বতত্ত্বজ্ঞ ঋষি-গণ পুনরায় মহাবল বৃত্রকে কহিলেন, সন্তম ! মহাপ্রাজ্ঞ ইন্দ্র তোমার সহিত মৈত্রী স্থাপনে অভিলাষী হইয়াছেন । তুমি কেন তাহা না করিবে ? দেবতা ও অসুরগণ সকলে শত্রুভাব দূরে পরিহার পূৰ্ব্বক সুখ লাভ করুক ।

বৃত্রাসুর কহিল, দেবরাজ ইন্দ্র যদি সত্য সত্যই আমার সহিত মিত্রতা করিতে ইচ্ছা করিয়া থাকেন তাহা হইল আমি নিশ্চয়ই সত্য পূৰ্ব্বক তাঁহার সহিত সখ্যতা সংস্থাপন করিব । তাহাতে আর অনুমাত্র সংশয় নাই, কিন্তু যদি দেবরাজ সত্য পুরস্কৃত করিয়া বিদ্রোহ আচরণে প্রবৃত্ত হইয়েন, তাহা হইল আমি কখনই তাঁহার সহিত মৈত্রী সংস্থাপন করিব না । তখন সপ্তর্ষিগণ বৃত্রাসুরের বাক্য শ্রবণ করিয়া দেবরাজকে কহিলেন, হে সুরেন্দ্র তোমার যদি বৃত্রের সহিত সখ্য সংস্থা-

পন করিতে অভিলাষ হইয়া থাকে, তাহা হইলে তাহা আমা-  
দিগকে সত্য করিয়া বল; এবং সে বিষয়ে কোনরূপ প্রত্যয়  
নির্দেশ কর। দেবরাজ কহিলেন, আপনাদের নিকট কোন-  
রূপ মিথ্যাবাক্য প্রয়োগ বা আপনাদিগের সহিত কোনরূপ  
কপট ব্যবহার করিব না। যদি কোন প্রকারে আমি মদীয়  
বাক্যের অন্যথাচরণ করি তাহা হইলে আমি ব্রহ্মহত্যাदि  
ঘোরতর পাপে লিপ্ত হইব।

লোকসাশন ইন্দ্র এই বলিয়া বিনিবৃত্ত হইলে, মহর্ষিগণ বৃত্রা-  
সুরকে সম্বোধন করিয়া পুনর্ব্বার কহিলেন, হে দৈত্যপতে!  
সুরেশ্বর শচীপতি এই বলিয়া প্রতিজ্ঞা করিয়াছেন যে, তিনি  
যদি ইহার কোনরূপ অন্যথাচারণ করেন, তাহা হইলে তিনি  
ব্রহ্মহত্যাदि ঘোরতর পাপপঙ্কে নিপতিত হইবেন। অতএব  
তুমি তাঁহার এই প্রতিজ্ঞাকেই প্রত্যয়স্বরূপ অবধারণ করিয়া  
তাঁহার সহিত সখ্য সংস্থাপন কর। আমরা তোমাকে নিশ্চয়  
বলিতেছি যে, তাঁহার বাক্য মিথ্যা হইবার নহে।

বৃত্র কহিল, দ্বিজোত্তম! আপনাদের আদেশ ও দেব-  
রাজের সত্যে প্রত্যয়-বন্ধন-পূর্ব্বক তাঁহার সহিত সখ্যতা বিধান  
করিব। তাহাতে ব্রাহ্মণপুত্রব ঋষিগণ দৈত্যপতি বৃত্রকে  
ইন্দ্রের নিকটে লইয়া গেলেন। বৃত্রকে সমাগত দেখিয়া, দেবরাজ  
তৎক্ষণাৎ সিংহাসন হইতে সমুখিত হইলেন এবং তাহাকে  
পাদ্য-অর্ঘ্য প্রদান করিয়া কহিলেন, মহাভাগ! তুমি এই পবিত্র  
ইন্দ্রপদ অর্ধেক ভোগ কর। দৈত্যপুত্র! তাহা হইলে উত্তরে  
সুখে অবস্থিতি করিব। দেবরাজ তৎকালে এইরূপ বিধানে  
দৈত্যরাজকে বিশ্বাসিত করিলেন।

এদিকে সপ্তর্ষিবর্গ স্ব স্ব স্থানে প্রস্থান করিলে, দেবরাজ

সর্বদাই রূত্রেয় ছিদ্র অন্বেষণ করিতে লাগিলেন । কিন্তু দিবারাত্র নিরবচ্ছিন্ন চিন্তা করিয়াও মহাত্মা রূত্রেয় কোন প্রকার ছিদ্র দেখিতে পাইলেন না । অনন্তর অপূর্ব-হাব-ভাব-বিলাস-সম্পন্ন মনোজ্ঞা রক্তাকে আহ্বান পূর্বক কহিলেন, রম্ভে! যে কোন উপায়ে হউক তুরাঙ্গা দানবরাজের জীবন বিনাশ করিতে হইবে । অতএব এক্ষণে তুমি যে কোন প্রকারে সেই পাপ প্রকৃতি অমুররাজের মোহসমুৎপাদনে যত্নবতী হও । রক্তা শত্রু-কর্তৃক এই প্রকার আদিষ্ট হইয়া কল্পপাদপসেবিত দিব্য নন্দন-কাননে গমন করিল । ঐ অরণ্য বহুবিধ পুষ্পকলে সুশোভিত, নানাপ্রকার মৃগবিহঙ্গম পরিপূর্ণ, এবং ভ্রমরগণের গুঞ্জে ও কোকিলগণের কলনির্নাদে রবে সর্ব মধুরায়িত । ফলতঃ উহার সর্বত্র পিক ও সারঙ্গনির্নাদ সর্বত্র কুমুমশোভা এবং সর্বত্র দিব্য চন্দনরক্ষ পরম্পরা বিরাজমান । অধিকন্তু ঐ অরণ্য দেবগন্ধর্ব, সিন্ধুচারণ, কিন্নর ও ঋষিগণে এবং দিব্য দেবোদ্যানে পরিশোভিত অ্পসরগণ ও বিবিধ কৌতুকমঞ্জল সমাকীর্ণ ; হেমময় প্রসাদ-সম্বাধ, ছত্র-চামর-দণ্ড, নিশ্চয় ও পতকাদিতে সর্বথা অঙ্গক ত এবং উহাতে প্রতিনিয়ত বেদধ্বনি ও গীতধ্বনি সমুথিত হইতেছে । চারুহাসিনী বিলাসিনী রক্তা এবমুত নন্দন-কাননে প্রবেশ পূর্বক অ্পসরোগণ সমভিব্যাহারে ক্রীড়া করিতে লাগিল ।

এইরূপ কেলিকলাকৌতুকে কিছুকাল অতীত হইলে, দৈত্য-পতি রূত্র কতিপয় দানব-সহচর-সহ হৃষ্ঠানুঃকরণে কালপ্রেরিতের ন্যায় কানন-প্রদেশে প্রবেশ করিল । সুরপতি শচিনাথ এতাবৎ-কাল কেবল তাহার ছিদ্র অন্বেষণ করিয়া বেড়াইতেছিলেন । এক্ষণে অবসরকাল উপস্থিত দেখিয়া অজ্ঞাতসারে অমুররাজের

পাশ্বে ভ্রমণ করিতে লাগিলেন । মহাপ্রাজ্ঞ বৃত্রাসুর সুররাজকে পরম সুহৃদ্বোধে কোন বিষয়েই তাঁহার উপর অবিশ্বাস করিত না । সুতরাং অমুরেন্দ্র তাঁহা হইতে কোনরূপ ভয় বা বিপদের আশঙ্কা না করিয়া বিশ্বস্তচিত্তে নন্দনকানন পর্য্যবেক্ষণ করিতে লাগিল । সে দেখিল সেই রমণীয়া ও বরণীয়া রমণীগণ সুখে ক্রীড়া করিতেছে । আয়তলোচনা বরারোহা রম্ভা স্নিগ্ধ চন্দনতরুর সুখচ্ছায়ায় উপবেশন করিয়া সঙ্গীগণ-সহ সুখ-নর্মে প্রবৃত্ত রহিয়াছে । এবং দিব্য দোলায় আরোহণ করিয়া দিব্যাঙ্গগণ সহ বিশুদ্ধ-তানলয়মিশ্রিত সুশ্রাব্যগীতগানে শ্রোতার শ্রুতিযুগল পরিতৃপ্ত করিতেছে ! অভূত-প্রতাপ অমুরেন্দ্র ইন্দুনিভাননা বরবর্ণিনী রম্ভাকে দোলাকড়া নিরীক্ষণ করিয়া স্মরণে নিতান্ত নিম্পীড়িত হইতে লাগিল । এবং স্বকীয় মনোবেগ স্মরণ করিতে অসমর্থ হইয়া সর্বশোভাসম্পন্না রম্ভাবতীর সন্নিকটে গমন করিল ।

### ষড়বিংশ অধ্যায় ।

সুত কহিলেন, হে মুনিসত্তমগণ ! সেই সময়ে বিশলাক্ষী রম্ভা বিলাসভরে লোকলোচন বিমোহিত করিয়া তানলয়বিশুদ্ধ সুমধুর সঙ্গীতালোকে সকলের মোহ উৎপাদন করিয়াছে । সেই লোকলোচনা পীনশ্রোণীপয়োধরা কঙ্কমরাগবিরচিত-কলে-



বরা অপূর্ব হাবভাব-বিকাশ-বিস্তার করিয়া কামপ্রণয়নী রতি অথবা হরিপ্রিয়া কমলার ন্যায় শোভা ধারণ করিয়াছে। মহানল দানবরাজ সেই অপূর্বরূপলাবণ্যসম্পন্না সম্পূর্ণ-হাবভাববিলাস-বতী রম্ভাকে সন্দর্শন করিয়া চিন্তা করিতে লাগিল, দুঃস্থ কুম্ভচাপের বিষম কুম্ভশরসঙ্কানে আমার হৃদয় জর্জরীভূত হইতেছে। আমি আর কোনরূপে ধৈর্য ধারণ করিতে পারিতে-ছিলাম। এই রমণীর তুলাভের নিমিত্ত আমার হৃদয় নিতান্ত আকুল হইতেছে। অতএব যে কোনরূপে হউক, অদ্য ইহাকে লাভ করিব। সে এইরূপ ও অন্যরূপ নানাপ্রকার চিন্তা করিয়া দ্রুতগতিসঞ্চারে চাকুলোচনা স্মেরমুখী রম্ভা-সন্নিধানে সমুপস্থিত হইয়া প্রিয়-সস্তাষণে কহিল, সুলোচনে! তুমি কে? কি নিমিত্তই বা এখানে আগমন করিয়াছ? জগতে কি নামে অভিহিতা হইয়া থাক? এবং কোন মহাত্মাকেই বা তোমার ঐ সুকোমল করণলব প্রদান করিয়া তাহাকে চির-সৌভাগ্যমান করিয়াছ? তাহা আমাকে সুবিশেষ বর্ণন কর। যদিও তুমি অতিমাত্র তেজ-স্বিনী, তত্রাচ তোমার ঐ অসামান্য রূপলাবণ্যে একান্ত মুগ্ধ হইয়া তব প্রেমপিপাসা-ব্যাথিত-হৃদয়ে ত্বদন্তিকে আগমন করিয়াছি। হে চার্বক! অনঙ্গরাজ আমার হৃদয় জর্জরীভূত করিতেছে। অতএব তুমি আমাকে ভজনা কর।

কামোন্নত দানবপতির এই বাক্য শ্রবণ করিয়া চাকুলাসিনী রম্ভা স্বীয় ছলনাজাল-বিস্তার-পূর্বক ঈষদ্বাস্যে কহিল, মহাভাগ! আমি সুরনর্তকী রম্ভা, কেলিকৌতুকপ্রসঙ্গে ক্রীড়া করিতে করিতে সঙ্গিনীগণের সঙ্গে এই নয়ানন্দদায়ক পরম রমণীয় নন্দনকাননে আগমন করিয়াছি। নতুবা এখানে আগমন করিবার অন্য কোন কারণ নাই। যাহা হউক আপনাকে এবং কি নিমিত্তই বা

এখানে আগমন করিয়াছেন? দানাবেন্দ্র কহিল, শুভাননে! মহান্না কশ্যপ আমার পিতা এবং হব্যবাহন হুতাশন হইতে আমি জন্মগ্রহণ করিয়াছি। আমি সুররাজ শচিপতির সখা এবং ভ্রাতা এবং তাঁহারি সহিত অর্ধেক সুররাজ্য সন্তোগ করিয়া থাকি। আমি স্বর্গমর্ত্যপাতাল পরাজয় করিয়াছি। ত্রিলোক আমার পদানত আমার পরাক্রম প্রভূত ও বাহুবল অপ্রতিম। কেহ আমাকে পরাজয় করিতে পারে না। কিন্তু অদ্য আমি তোমার ঐ বক্ষিম শরাসন সংস্থিত কুটিলকটাঙ্কশায়কের অব্যর্থ সন্ধানে পরাভূত ও বিমোহিত হইয়াছি; অতএব তুমি আমাকে রক্ষা কর। বৃত্রাসুর কহিল, হে বরবর্ণিনি! তুমি আমাকে বরণ কর। আমি ত্রিভুবনের বরণ্য অতএব তোমারও বরণ্য। সুরনরকিন্নরকামিনীরা কায়মনে যাহাকে কামনা করিয়া থাকে। হে সুলোচনে! সেই কমনীয়বপু কামাক্ষচিত্তে তোমার কামনা করিতেছে। হে সূত্র! তব কটাঙ্কলক্ষীভূত দানবরাজ মহাভাগ বৃত্র, তোমার প্রেমাকাঙ্ক্ষী হইয়াছে, অতএব তাহাকে তুমি ভজনা কর।

সর্ব-সৌন্দর্যশালিনী রম্ভা অসুররাজ বৃত্রের বিশালবক্ষে কুটিলকটাঙ্ক নিক্ষেপ করিয়া সম্মিতবদনে মধুরবচনে কহিল, হে প্রিয়দর্শন! তুমি যদি আমার বাক্য কখন অবহেলা না কর, তাহা হইলে আমি তোমার বশবতনী হইয়া সর্বতোভাবে তোমার প্রীতি সম্পাদন করিব। তাহাতে অনুমাত্রও সংশয় নাই।

বরারোহা রম্ভা এই বলিয়া বিনিবৃত্ত হইলে মহাবল বৃত্রাসুর কহিল, শুভাননে! আমি তোমার প্রস্তাবে সম্মত আছি। তুমি যাহা বলিবে আমি তাহা সর্বতোভাবে সম্পাদন করিব। তাহাতে কিছ মাত্র অন্যথা চর্চবে না। দানবোত্তম বৃত্র সেই

বরবর্ণিনী রত্নার সহিত এই প্রকার সত্য-বিধান-পূর্বক সেই পরমপবিত্র নন্দনকাননে বিহার করিতে লাগিল। এবং তদীয় গীত, নৃত্য, রহস্য ও সুরতলীলায় ক্রমে ক্রমে মুগ্ধ হইয়া উঠিল। মহাভাগা রত্না দানবসত্তম বৃত্তকে একদা সম্বোধন করিয়া কহিল, তোমাকে সুরা ও মাধব মধু পান করিতে হইবে। অসুররাজ শশি-সঙ্কাশ-বদনা বিশাললোচনা রত্নাকে কহিল, ভদ্রে! আমি বেদবেদাঙ্গ পারগ ব্রাহ্মণের পুত্র, কিরূপে ঋষিগণের বিগর্হিত আচরণ করিব? অনন্তর রত্নার দাক্ষিণ্য ও প্রীতিময় হাবভাবে বশীভূত হইয়া, তাহার সহিত সুরাপান করিল। এবং সুরাপান করিয়া যখন নিতান্ত মুগ্ধ ও জ্ঞানভ্রষ্ট হইয়া পড়িল, তখন দেবরাজ গোপনে বজ্র-প্রহার-পূর্বক তদীয় শিরশ্ছেদন করিয়া ফেলিলেন।

যখন মণ্ডিগণ শুনিলেন যে দেবরাজ ইন্দ্র বৃত্তাসুরের জীবন বিনাশ করিয়াছেন, তখন তাঁহারা সুররাজসদনে সমাগত হইয়া অতিমাত্র ক্ষুব্ধচিত্তে কহিলেন, হে দেবেন্দ্র! তুমি বৃত্তাসুরকে নিহত করিয়া ব্রহ্মহত্যারূপ মহাপাপে লিপ্ত হইলে। মহাবল বৃত্ত কেবলমাত্র আমাদের বাক্যের উপর নির্ভর করিয়া তোমরা সহিত সখ্যতা সংস্থাপন করিয়াছিল; কিন্তু তুমি সেই বিশ্বাস ভঙ্গ করিয়া তাহার প্রাণ বিনাশ করিলে। অতএব তোমার পাপের ইয়ত্তা নাই।

সুররাজ কহিলেন, মহর্ষিগণ! শত্রুবধে কোন পাপ নাই। শাস্ত্রকারেরা কহিয়া থাকেন যে, যে কোন উপায়ে হউক শত্রুকে দমন করা বুদ্ধিমান ব্যক্তির সর্বতোভাবে কর্তব্য। তাঁহারা আরও বলেন যে, শত্রুর সহিত কোনরূপে সংশ্লিষ্ট হইবে না। কারণ, অগ্নির সাহচর্যে সলিলরাশি উত্তপ্ত হইয়াও সেই পুনরায় অগ্নিকে

নির্দোষিত করিয়া থাকে। অতএব আপনারা এ বিষয়ে আমার প্রতি দোষারোপ করিবেন না। ভাবিয়া দেখুন, দুরাগ্না দানবরাজ যত্রাসুর হইতে ত্রিলোক উদ্বেজিত হইয়াছিল। সেই দুর্ভ্রুত সর্বদাই দেবতা, ব্রাহ্মণ ও যজ্ঞ সকলের সমূহ বিঘ্ন সম্পাদন করিত। অতএব তাহাকে বিনাশ করিয়া আমি কেবল ত্রিলোকের উপকার সাধন করিয়াছি। এজন্য আপনারা আমার প্রতি কোপান্বিত হইবেন না।

মহাভাগ সপ্তর্ষিগণ সুররাজের এই প্রকার বাক্য শ্রবণ করিয়া ক্রোধ পরিহার পূর্বক স্ব স্ব স্থানে প্রস্থান করিলেন। লোক-শাসন ইন্দ্রও শত্রুর নিধন-সাধনে কৃতকার্য হইয়া নিরুদ্ধেগে কালযাপন করিতে লাগিলেন।

## সপ্তবিংশ অধ্যায়।

স্মৃত কহিলেন, হে দ্বিজসন্তমগণ! পুত্র বিনাশ বার্তা শ্রবণ করিয়া, দিতির দুঃখের পরিসীমা রহিল না। তিনি শোক-সন্তপ্তচিত্তে দক্ষ হইয়া, পুনরায় মুনিপুত্রব মহাশয় কশ্যপকে কহিলেন, নাথ! আমি যদি আপনার সুপ্রিয়া হই, তাহা হইলে দুরাগ্না দেবরাজের সংহার জন্য সমুদয় দেবগণের সুদুঃসংহ ব্রাহ্ম-তেজোময় পুত্র প্রদান করুন।

কশ্যপ কহিলেন, হুরাখ্যা ইন্দ্র দেবতা হইয়াও অধর্ম  
 আশ্রয়পূর্বক মদীয় পুত্র মহাবল বল ও বৃত্ত উভয়কেই সংহার  
 করিয়াছে। এক্ষণে তাহার সংহার জন্য অন্যতর পুত্র প্রদান  
 করিব। যশস্বিনি ? তুমি শতবৎসর শুদ্ধভাবে অবস্থিতি  
 কর। যোগীন্দ্র কশ্যপ এই বলিয়া তদীয় মস্তকে হস্ত-বিদ্যাস-  
 পূর্বক তপশ্চরণার্থ তপোবনে প্রবেশ করিলেন। তপঃপ্রভাবে  
 দিন দিন তদীয় তেজঃসমৃদ্ধি পরিবর্দ্ধিত হইতে লাগিল।

অনন্তর দেবরাজ সহস্রাঙ্ক তাঁহাদের উদ্যম অবগত  
 হইয়া, দিতির রক্ষা মুসন্ধানে তৎপর হইলেন এবং পঞ্চবিংশ-  
 শতি-বয়স্ক অমরোপম ব্রাহ্মণ-মূর্ত্তি ধারণ করিয়া, দিতির  
 সমীপে আগমন করিলেন। তাঁহাকে দর্শন করিয়া দৈত্য-  
 জননী কহিলেন, দ্বিজোত্তম ! আপনি কে ? ইন্দ্র কহি-  
 লেন, শোভনে ! আমি আপনার পুত্র। ভাবিনি ! আমি  
 বেদবিদ ব্রাহ্মণ, এবং ধর্ম অবগত আছি, আপনার এই  
 তপস্যার সাহায্য করিব, তাহাতে সংশয় নাই। এই  
 বলিয়া তিনি তপোনিয়োগা জননী দিতির শুশ্রুষায় প্রবৃত্ত  
 হইলেন। দিতি তাঁহাকে দুষ্টাচার ইন্দ্র বলিয়া জানিতে  
 পারিলেন না ; প্রত্যুত শুশ্রুষাপরায়ণ ধর্মপুত্র বলিয়া দিন  
 দিন তাঁহার প্রীতি হইতে লাগিল। কপটবেশী ইন্দ্রও প্রত্যয়-  
 সাধন জন্য তদীয় অঙ্গসংবাহন, পাদপ্রক্ষালন, এবং সর্বদা  
 কলমূল, পত্র, অজিন ও বন্ধকল সংগ্রহে প্রবৃত্ত হইলেন। দিতি  
 তাঁহার ভক্তিতে সর্বিশেষ সন্তোষ লাভ করিয়া, প্রীতিপূর্বক  
 কহিলেন, মহাভাগ ! মদীয় পুত্র সমুদ্ভূত এবং তৎপ্রভাবে  
 দেবরাজ বিনিহত হইলে, তুমি তাঁহার সহিত দেবরাজ্য

কহিলেন, মহাতাগে! আপনি বাহা কহিলেন,  
তাহাই করি আপনার প্রসাদে আমার স্বর্গরাজ্য সম্ভোগ  
হইবে।

সুত কহিলেন, সুররাজ কশ্যপ-পত্নী দিতির হিঙ্গ্রাসু-  
সন্ধান করিতে লাগিলেন এবং এইরূপে একোনশত বৎসর  
অতীত হইলে একদা পতিব্রতা দিতি পাদপ্রক্ষালন ও  
কেশপাশ বন্ধন না করিয়াই শয়ন করিলেন। বিপ্ররূপী  
ইন্দ্র অবসর-কাল সন্দর্শনে সুষুপ্তা দৈত্য-জননী গর্ভমধ্যে  
প্রবেশ করিয়া সতীক্ল বজ্রদ্বারা তাঁহার সেই গর্ভ সপ্তধা ছিন্ন  
করিলেন। তাহাতে সেই গর্ভ করুণস্বরে রোদন করিতে  
লাগিল। তখন শচীপতি কহিলেন, আর রোদন করিও  
না, এই বলিয়া তিনি পুনরায় সেই সপ্তধাছিন্ন গর্ভের এক  
এক খণ্ডকে স্বীয় দারুণ কুলিশ-প্রহারে পুনরায় সাত সাত  
ভাগে বিভক্ত করিলেন।

সুত কহিলেন, হে দ্বিজাতিবর্গ! সেই কুলিশপাণির  
সুদারুণ কুলিশপ্রহারবিচ্ছিন্ন একোনপঞ্চাশৎ গর্ভখণ্ড  
একোন পঞ্চাশৎ মারুত নামে প্রাহুভূত হইল, তাহারা  
সকলেই অতিশয় মহাবীৰ্য্য এবং অপ্রমিততেজঃপরাক্রম-  
বিশিষ্ট এবং সকলেই সুররাজের আনুগত্য স্বীকার করিল।  
অনন্তর দেবরাজ ইন্দ্র জগৎভাবন জনার্দন-কর্তৃক যাবতীয়  
লোকের ইন্দ্রপদে পুনঃ প্রতিষ্ঠিত হইলেন।

যিনি অবহিতচিত্তে এই পরম পুণ্যপ্রদ সৃষ্টি বৃত্তান্ত  
শ্রবণ পাঠ বা কর্তন করেন, তিনি সর্বাঙ্গ বিমুক্ত  
হইয়া চরমে পরম পদ লাভ করিয়া থাকেন। এই সৃষ্টি  
বৃত্তান্ত পরম পবিত্র ও সর্বাঙ্গ মঙ্গলপ্রদ। ইহা শ্রবণ

ভূমিকা।

করিলে সর্বত্র বিদ্রুিত ও সকল আপদ বিনষ্ট হইয়া থাকে।

## অষ্টাবিংশতি অধ্যায়

স্মৃত কহিলেন, অনন্তর সর্বপ্রভু দেবদেবেশ এ ... মহাবাহু ও মহাকায় সুররাজ ইন্দ্রের ন্যায়, বেণতনয় মহাপ্রভ পৃথুকে সর্বরাজ্যে অভিষিক্ত করিয়া, পরে সম্যক বিচারণা পূর্বক অন্যান্যদিগকে যার যে যোগ্যপদ তাহাতে নিযুক্ত করিতে উপক্রম করিলেন। তিনি মহামতি চন্দ্রকে যক্ষ, ক্ষেত্রী, ব্রাহ্মণ, গৃহী, ধর্ম, যজ্ঞ, পুণ্য ও সৌম্য পদার্থ সকলের রাজ্যে অভিষেক করিলেন; বরুণকে জল, তীর্থ ও বৎস সকলের, বৈশ্বশ্রবাকে অন্যান্য যাবতীয় নরপতিগণের এবং জগন্মঙ্গল-বিধায়ক বিষ্ণুকে আদিত্য সকলের রাজ্যপদে প্রতিষ্ঠিত করিলেন। অনন্তর মহাপ্রাজ্ঞ পিতামহ সর্বধর্মজ্ঞ শক্তিমান প্রজাপতি দক্ষকে সর্ব পুণ্যের আধিপত্যে নিয়োজিত করিলেন; ব্রহ্মতেজঃসম্বিত সাধুসম্মত প্রহ্লাদকে দৈত্য ও দানবগণের রাজা করিলেন। সূর্য্যতনয় ধর্মরাজ যমকে পিতৃগণের রাজ্যে অভিষিক্ত করিলেন। শূলপাণী মহাদেবকে সমুদায় যক্ষ, রাকস, ভূত, পিশাচ, উরগ, বেতাল, কঙ্কাল, দেবতা ও যোগি-

## পঞ্চপুরাণ ।

মহাশিবের রাজপদ প্রদান করিলেন । মহাগিরি হিমালয়কে  
পবিত্র সকলের সমুদ্রকে নদী ভাঙ্গা বাপী ও কুপ  
সমূহের, চিত্ররথকে সমুদ্রায় গন্ধর্ভের, বাসুকিকে পবিত্রবীর্ষ্য  
মাগকুলের, ভক্ষককে সর্প সকলের, ঐরাবতকে হস্তী সমু-  
হের, উচ্চৈশ্রবাকে সমুদ্রায় অশ্বের, বিনতানন্দন গরুড়কে  
বিহঙ্গমবর্গের রাজপদ প্রদান করিলেন । অনন্তর চতুর্ভুজ,  
সুরেশ্বর প্রজাপতি ব্রহ্মা সিংহকে যুগ সমূহের, গৌরবকে  
গো সকলের এবং প্লক্ষকে সমুদ্রায় বনস্পতির আধিপত্যে  
স্থাপন করিলেন । পিতামহ ব্রহ্মা এই প্রকার পবিত্র  
রাজ্য স্থাপন করিয়া, দিকপালদিগের পদ বিধানে প্রবৃত্ত  
হইলেন । তিনি ঠৈরাজপুত্র সুধন্বাকে পূর্বদিকের, কর্দমের  
পুত্র মহাত্মা শঙ্খপদকে দক্ষিণদিকের এবং বক্রণের পুত্র পুঙ্ক-  
রাকে পশ্চিমদিকের দিকপালপদে নিযুক্ত করিয়া, নলকুবেরকে  
উত্তর দিকের আধিপত্যে প্রতিষ্ঠাপিত করিলেন । এইরূপে  
পিতামহ ব্রহ্মা মহাতেজাঃ দিকপালদিগকে অভিষিক্ত  
করিয়া, রাজরাজ মহৌপতি পৃথুকে বেদদৃষ্ট-বিধানানুসারে  
রাজপদে প্রতিষ্ঠিত করিলেন । অনন্তর মহাতেজা মহা-  
শিব চাক্ষুষ নামক পরম পবিত্র দৈব মন্ত্রস্তর সম্পূর্ণ ও অতীত  
ইল, সর্বলোকহিতৈষী বৈবস্বত মনুকে রাজ্য প্রদান  
করিলেন । বিপ্রেক্ষগণ ! যদি আপনারা অবহিত হইয়া  
বর্ণ করিতে ইচ্ছা করেন, তাহা হইলে, আমি মহাত্মা  
শিবের সর্বিস্তর বর্ণন করিতে পারি । এই রাজ্যানুষ্ঠান  
সমস্ত পবিত্র ও মহৎ বলিয়া, সমুদ্রায় পুরাণ সর্বদা কীর্তিত  
বিনিশ্চিত হইয়াছে । অধিকন্তু এই আখ্যান ধন্য  
ব্য, বশস্য, আয়ুধ্য, পবিত্র ও মঙ্গলপ্রদ এবং পুত্র, বুদ্ধি



## দুবিংশ

ও স্বর্গবাস প্রদান করিয়া থাকে। যে ব্যক্তি ভাবধ্যান সম্বন্ধিত হইয়া, ভক্তিপূৰ্বক ইহা শ্রবণ করে, তাহার অসংখ্য মেধকল প্রাপ্তি হয়, সন্দেহ নাই

## উনত্রিংশ অধ্যায়

ঋষিগণ বলিলেন। হে মহাতাগ স্মৃত ! সেই মহাত্মা পৃথুর জন্ম রূতাস্ত সবিস্তর বর্ণন কর। আমরা পুনর্বার উহা শুনিতে অভিলাষী হইয়াছি। সেই মহাত্মা যেরূপে দেব, পিতৃ, সত্যবাদী ঋষিগণ, দৈত্য, নাগ, যক্ষ, প্রধান প্রধান পৰ্বত, গন্ধৰ্ব, সিদ্ধ, ভীষণপরাক্রমশালী রাকসগণ এবং অন্যান্য মহাত্মা দিগের সহায়তায় এই পৃথিবীকে দোহন করিয়াছিলেন, এবং ইহাদের মধ্যে কাহার। কিরূপ দোহন-পাত্র ধারণ করিয়াছিল ও কে কিরূপ দুগ্ধ উৎপাদন করিয়াছিল এই সকল বিষয় সবিশেষ বর্ণন কর। হে স্মৃত ! কি নিমিত্ত সেই অশেষ পুণ্যশালী মহাত্মা ঋষিগণ ক্রুদ্ধ হইয়া মহারাজ বেণের হস্তমস্থন করিয়াছিলেন তাহাও আমাদের নিকট সবিশেষ কীৰ্ত্তন কর। হে মহাতাগ ! এই কথা অতি আশ্চর্য্য পবিত্র এবং সমুদয় পাপনাশিনী। ইহা একবার শুনিয়া আমাদের তৃপ্তি হইতেছে না; এইজন্য পুনর্বার শুনিতে ইচ্ছা করিতেছি।

সুত বলিলেন, ষিঙ্গগণ ! আমি সেই বুদ্ধিয়ান্ বেণতনয়  
 পৃথুর জন্ম, বীর্য, শরণাগতরক্ষিতা, পৌরুষ এবং  
 সমুদয় কার্য বিস্তাররূপে কীর্তন করিতেছি, আপ-  
 নারা শ্রবণ করুন। অভক্ত, অদ্বারহিত, মৃততুল্য, জড়,  
 অতিশয় মূর্খ, মোহাক্ত বীতশ্রদ্ধ, ছলী এবং সর্বা-  
 পকারী ব্যক্তির নিকট ইহার কীর্তন করা বিধেয় নহে।  
 যে বক্তা অযথারূপে ইহার পাঠ করে তাহার নিশ্চয়ই  
 অনর্থ প্রাপ্তি হয়। আপনারা সকলে সংযমী এবং সত্য-  
 ধর্মপরায়ণ। অতএব হে ব্রাহ্মণগণ ! আপনাদের নিকট  
 সেই পাপনাশন চরিত্র অশেষরূপে কীর্তন করিতেছি ;  
 শ্রবণ করুন। আমি যে ব্রহ্মেশ্বর বর্ণন করিব, উহা বেদ-  
 সম্মত এবং প্রাচীন ঋষিগণ কর্তৃক স্বর্গ ষণ ও দীর্ঘায়ু  
 লাভের কারণ বলিয়া বর্ণিত হইয়াছে। যে ব্যক্তি ব্রাহ্মণ-  
 দিগকে নমস্কার করিয়া প্রত্যহ এই বেণতনয় পৃথুর চরিত্র  
 বিস্তাররূপে কীর্তন করে তাহাকে কখনই শোক করিতে হয়  
 না। এই কথা শ্রবণমাত্রই সপ্তজন্মার্জিত পাপ বিনষ্ট  
 হয়। ইহার শ্রবণে ব্রাহ্মণ বেদজ্ঞ হন, কল্মষ বিজয়ী,  
 বৈশ্য ধনধান্যপূর্ণ এবং শূদ্র অনন্ত সুখভোগী হয়। যে  
 বেণাত্মজ পৃথুর জন্ম এবং পাপনাশন চরিত্র শ্রবণ করে, সে  
 এইরূপ কল প্রাপ্ত হয়, তাহাতে কোন সংশয় নাই। পূর্বে  
 অত্রিবংশে মহর্ষি অত্রির ন্যায় প্রভাবশালী, ধর্মপ্রতিপালক,  
 অসাধারণ ধীশক্তিসম্পন্ন, বেদজ্ঞ ও সমুদয় ধর্মের প্রবর্তক  
 অঙ্গ নামা প্রজাপতি জন্ম গ্রহণ করিয়াছিলেন। তাঁহার  
 পুত্র বেণ নামক প্রজাপতি ধর্মপথ পরিত্যাগ করিয়া সর্বদা  
 যথেচ্ছাচরণে প্রবৃত্ত হন। মহাত্মা অঙ্গ সুনামানামী

প্রশস্তভাগ্যবতী স্বাস্থ্য-কল্যাণ পানিগ্রহণ করেন। সেই  
 সুনামার গর্ভে পূর্বোক্ত বেণ-নামক ধর্মহস্তা পুত্র উৎপাদন  
 করেন। মাতামহ-দোষে বেণ কালস্বরূপ হইয়া নিজপৈতৃক  
 ধর্ম পরিত্যাগ করিয়া অধর্মাচরণে প্রবৃত্ত হইলেন। নরা-  
 ধিপ বেণ কাম লোভ ও মহামোহেরশীভূত হইয়া বেদামু-  
 মোদিত ধর্ম পরিত্যাগপূর্বক পাপাচরণে প্রবৃত্ত হইলেন।  
 প্রজাপতি বেণ এইরূপে পাপের অনুগমন করিলে তৎকালে  
 প্রজা সকল মদ ও মাৎসর্যে বিমোহিত হইয়া বেদাধ্যয়ন  
 পরিত্যাগ করিল এবং স্বাধ্যায় ও বষট্কার শূন্য হইয়া  
 বিচরণ করিতে লাগিল এবং দেবগণ ষষ্ঠভাগ গ্রহণে  
 নিরৃত্ত হইলেন। সেই কামস্বরূপ দুষ্টিয়া ব্রাহ্মণদিগকে  
 এইরূপ বলিতে লাগিল যে বেদাধ্যয়ন করা উচিত নহে,  
 এবং হোমদানাদি কোন সংকার্য করিবারও প্রয়োজন নাই।  
 সেই প্রজাপতি কাল-কর্তৃক প্রেরিত হইয়া ষষ্ঠ ও হোমের  
 বিরুদ্ধে উপদেশ প্রদান করিতে দৃঢ়প্রতিজ্ঞ হইয়াছিল। সে  
 সর্বদা বলিত ; হে ব্রাহ্মণগণ ! যদি তোমাদের পূজা  
 ও হোম করা নিতান্ত কর্তব্য বলিয়া জ্ঞান হইয়া থাকে  
 তাহা হইলে আমাকেই পূজা কর এবং আমার উদ্দেশে হোম  
 কর। বেণ সর্বদাই এই কথা বলিত যে, আমি, সেই সনা-  
 তন বিষ্ণু আমি ব্রহ্মা, আমি রুদ্র, আমি তির্য আর ইন্দ্র  
 কেহ নাই, পবনও আমি। পিতৃলোকের উদ্দেশে যে  
 সকল অন্নাদি দান করা হয় আমিই তাহার ভোগকর্তা ; সে  
 বিষয়ে কোন সংশয় নাই। অনন্তর প্রভাবসম্পন্ন ঋষিগণ  
 বেণের উপর অতিশয় ক্রুদ্ধ হইলেন এবং সকলে সমবেত  
 হইয়া সেই পাপাত্মা বেণকে সযোজন করিয়া বলিলেন।

হে পৃথ্বীনাথ ! রাজা ভিন্ন প্রজাদিগের পালন কর্তা আর কেহই নাই। রাজা ধর্মের অবতার-স্বরূপ; অতএব ধর্ম রক্ষা করা তাঁহার সর্বতোভাবে উচিত। আমরা এক্ষণে দ্বাদশ-বৎসর-ব্যাপী একটি বজ্রের অনুষ্ঠানে প্রযুক্ত হইব, হে বেণ ! আপনি অধর্ম করিবেন না। কারণ অধর্মামুষ্ঠান করা রাজার ধর্ম নহে। হে মহারাজ ! আপনি ধর্মকার্যের অনুষ্ঠান করুন। সত্যের অনুগমন করিয়া পুণ্য সঞ্চয় করুন। কারণ আপনি রাজ্যভার গ্রহণ সময়ে “আমি ন্যায়ানুসারে প্রজাপালন করিব এইরূপ প্রতিজ্ঞা করিয়া-ছেন। মহর্ষিগণের এইরূপ বাক্য শ্রবণ করিয়া হুবুঁদ্ধি বেণ হাম্ম্য করিয়া তাঁহাদিগকে এইরূপ অনর্থক বাক্য বলিতে লাগিল। আমি ভিন্ন আর ধর্মের সৃজন কর্তা কে আছে ? আমি কাহার কথাই বা শুনিব ? সত্যের জন্য আমার বীর্য্য প্রসিদ্ধ, আমিই সূর্য্য, আমার সমান পৃথিবীতে আর কে আছেন ? হে ঋষিগণ ! তোমরা নিশ্চয় মোহান্বিতা প্রযুক্ত সমুদয় প্রাণীর ও বিশেষ করিয়া ধর্মের প্রভবভূমিস্বরূপ আমাকে যথার্থ রূপে জানিতে পার নাই। আমি পৃথিবী দহন করিতে সক্ষম, মনে করিলে এই পৃথিবীকে জল দ্বারা প্লাবিত করিতে পারি। আমি আকাশ ও পৃথিবীকে একত্র বন্ধন করিতে সক্ষম এ বিষয় কিছুমাত্র সন্দেহ করিও না। যখন ঋষিগণ দেখিলেন যে, মোহ এবং গর্ভ বশতঃ আপনার স্বভাব পরিত্যাগ করিল না, তখন তাঁহারা তাহার উপর অতিশয় ক্রুদ্ধ হইলেন। অতঃপর বলপ্রকাশ করিয়া সেই দীপ্যমান বেণকে আক্রমণ করিলেন এবং ক্রোধে অধীর হইয়া তাহার বাঁম উরু মন্থন করিতে

প্রায়ত হইলেন। তাঁহার উহার উক্ত হস্ত মন্থন করিতে করিতে  
 অক্ষয় পর্বতের ন্যায় কৃষ্ণবর্ণ, সুদ্রকায়, বৃহদানন, লম্বোদর,  
 সুদ্রকর্ণ এবং যেন নীলবর্ণ কঞ্চুকদ্বারা সমারূত একটি বিল-  
 কণাকৃতি তীত পুরুষ নয়ন-গোচর হইল, তাহাকে দেখিয়া  
 ঋষিগণ বলিলেন 'নিষীদ' অর্থাৎ তুমি এই স্থানে উপ-  
 বেশন কর। ঋষিগণের নই ঐ  
 সেই স্থানে উপবেশন করিয়াছিল, এই জন্য ঐ পুরুষ  
 নিষাদনামে বিখ্যাত হইল। উহার বংশ অদ্যাপি পর্বত-  
 সমূহে ও অরণ্য নিচরে প্রতিষ্ঠিত আছে। অনন্তর কিরাত,  
 ভিল, মান্হা, ভমর, পুলিন্দ এবং অন্য যত প্রকার পাপা-  
 চারী ম্লেচ্ছজাতি দৃষ্ট হয় তাহারা সকলে বেগর সেই মথিত  
 অঙ্গ হইতে উৎপন্ন হইল। তাহার পর ঋষিগণ সেই  
 বেগকে পাপহইতে বিমুক্ত দেখিয়া প্রসন্ন হইলেন এবং  
 পুনর্বার তাহার দক্ষিণ হস্ত মন্থন করিলেন। ঐ হস্ত মন্থন  
 করিলে প্রথমে স্বেদধারা নির্গত হইল। পরে দ্বাদশ সূর্যের  
 ন্যায় তেজস্বী, তপ্ত সূবর্ণের মত উজ্জ্বলবর্ণ, দিব্যমালা ও দিব্য-  
 বস্ত্রধারী দিব্য-অলঙ্কারে বিভূষিত, দিব্য চন্দনে সর্বাস্ত  
 অমূলিপ্ত, সূর্যের ন্যায় উজ্জ্বল মুকুটধারী এবং সমুজ্জ্বল কুণ্ডল  
 বিশিষ্ট একটি পুরুষ উদ্গত হইল। তাহার শরীর অতি  
 দীর্ঘ এবং ভুজদ্বয় আজানুপর্যন্ত লম্বমান ছিল। পৃথিবীতে  
 তাদৃশ রূপের সাদৃশ্য আর কোথাও লক্ষিত হয় নাই।  
 তাঁহার কক্ষে খড়্গ লম্বমান ছিল, হস্তে ধর্মুর্কাণ এবং সর্বাস্ত  
 চর্ম্মধারা আচ্ছাদিত ছিল। তাঁহাতে সমুদয় সুলক্ষণ বর্তমান  
 ছিল এবং তিনি সমুদয় অলঙ্কারে বিভূষিত ছিলেন। দেব-  
 রাজ ইন্দ্র ষেরূপ তেজ, রূপ এবং উজ্জ্বল বর্ণধারা স্বর্গলোকে

শোভায়মান, পৃথিবীতে বেণতনয়ও সেইরূপ শোভিত হইয়াছিলেন। সেই মহাভাগ জন্মগ্রহণ করিলে নির্যুল-স্বভাব দেবগণ এবং ঋষিগণ উৎসব করিয়াছিলেন। বেণপুত্র প্রজ্জ্বলিত অগ্নির ন্যায় আপনার শরীরকান্তিতে দীপ্যমান হইয়াছিলেন। তাঁহার হস্তে শ্রেষ্ঠ আজগব ধনু এবং দিব্য শর ও রক্ষা হেতু সর্বাঙ্গ মহাপ্রভ কবচদ্বারা আৱৃত ছিল। হে দ্বিজশ্রেষ্ঠগণ, সেই বীরপ্রবর মহাত্মা মহাভাগ পৃথু জন্মগ্রহণ করিলে প্রাণী সকল অতিশয় আনন্দিত হইয়াছিল। হে বিপ্রেন্দ্রগণ তাঁহার অভিব্যেকের নিমিত্ত সর্ব তীর্থ হইতে নানাবিধ পবিত্র জল আপনারাই সেই স্থানে উপস্থিত হইয়াছিল। হে বিপ্রবৃন্দ! সমুদয় স্থাবর এবং জঙ্গম মিলিত হইয়া প্রজাপালক মহাবীর নৃপতি পৃথুর অভিব্যেক সম্পন্ন করিয়াছিল। প্রতাপশালী বেণতনয় পৃথু এইরূপে দেবগণ ব্রাহ্মণগণ এবং একত্র মিলিত সমুদয় চরাচর কর্তৃক রাজ্যে অভিষিক্ত হইলেন। তাঁহার পিতা কদাপি প্রজাদিগকে অনুরঞ্জিত করিতে সমর্থ হন নাই এক্ষণে প্রজাগণ তৎকর্তৃক অনুরঞ্জিত হইয়া পরম সুখে কালযাপন করিতে লাগিল। হে দ্বিজগণ! প্রজাদিগের অনুরাগ উৎপাদন করিতে সেই সর্বলক্ষণসম্পন্ন, যতাত্মা মহাবীর পৃথুর নামে সমুদয় রাজ্যে খ্যাত হইয়াছিল। সেই মহাত্মার ভয়ে জল সকল শুষ্ক হইয়াছিল। এবং পক্ষ-তেরা দুর্গম মার্গ সমুদয় বিলুপ্ত করিয়া সুপথ প্রদান করিয়াছিল। গিরিগণ তাঁহার ধ্বজভগ্ন করে নাই, এবং পৃথিবী কামধেনুর ন্যায় সর্বত্রই অনায়াসে অধিক ফলপ্রদান করিয়াছিল। মেঘগণ প্রচুর পরিমাণে বর্ষণ করিয়াছিল, ব্রাহ্মণ

কৃত্রিয় এবং অপর বর্ণ সকলে যথাযথ বেদপাঠ যজ্ঞ ও অন্যান্য মহামহোৎসবের অনুষ্ঠানে তৎপর হইয়াছিলেন । নর-পতি পৃথু রাজ্যশাসন করিতে আরম্ভ করিলে বৃক্ষ সকল অতীষ্ঠ ফল উৎপাদন করিয়াছিল এবং মনুষ্যগণের উপর কোন প্রকার অকারণ পীড়া বা দুর্ভিক্ষাদি উৎপাদ্য নিপা-তিত হয় নাই । সেই দুর্দ্ধর্ষ মহাত্মা পৃথুর রাজত্বকালে প্রজা-সকল ধর্ম্মপরায়ণ হইয়া সুখে কালষাপন করিয়াছিল । ঐ সময় ব্রহ্মা একটি শুভ যজ্ঞের অনুষ্ঠান করিতেছিলেন । ঐ যজ্ঞে কোন শুভদিনে সূত্রির গর্ভে একটি সূত্র উৎপন্ন হয় । এবং সেই মহাযজ্ঞেই বুদ্ধিমান মাগধেরও উৎপত্তি হয় । মহর্ষিগণ তৎক্ষণাৎ ঐ সূত্র এবং মাগধকে পৃথুর সুখের জন্ম আস্থান করিয়াছিলেন । হে ব্রাহ্মণগণ এক্ষণে ! সূত্রের পবিত্র লক্ষণ বলিতে আরম্ভ করিলাম । সূত্রেরা মস্তকে শিখা গলদেশে যজ্ঞসূত্র ধারণ করিবে সর্বদা বেদপাঠে নিয়ত ও সকল শাস্ত্রের তত্ত্বজ্ঞ হইবে এবং সময়ে সময়ে অগ্নিহোত্রেরও অনুষ্ঠান করিবে সূত্রগণ দানাধ্যয়নসম্পন্ন, ব্রহ্মনিষ্ঠ, সদাচারপরায়ণ, এবং দেব ও দানব এই উভয়েরই উপাসক হইবে । তাহারা পবিত্র বেদমন্ত্র এবং স্তুতি বা প্রার্থনা-বিষয়ক মন্ত্রদ্বারা দেবতাদিগের আরাধনা করিবে, আর সর্বদা ব্রাহ্মণদিগের সহিত সহকর রাগিবে ।

মাগধও উক্তরূপ লক্ষণ সম্পন্ন, কেবল তাহার পক্ষে বেদাধ্যয়ন নিষিদ্ধ । ঐ যজ্ঞে আর যে সকল বন্দী এবং চারণগণ উৎপন্ন হইয়াছিল, তাহারা ব্রহ্মনিষ্ঠ ও সদাচার-বর্জিত । অন্য নানাবিধ স্ত্রাবক উৎপন্ন হইলেও সূত্র ও মাগধ এই উভয় স্ত্রাবপাঠবিষয়ে অতি নিপুণরূপে দৃষ্ট

হইয়াছিল । ঐ প্রথম উৎপন্ন সূত্র এবং মাগধকে সম্বোধন করিয়া ঋষিগণ বলিলেন তোমরা এই রাজার স্তব কর । যে হেতু ইনিই সর্বপ্রকারে তোমাদিগের দ্বারা স্তুত হইবার যোগ্য ।

এই কথা শুনিয়া সূত্র ও মাগধ উভয়ে মিলিত হইয়া ঋষিদিগকে বলিল আমরা আত্মকর্ম দ্বারা দেবতা ও ঋষিদিগের প্রীতি সম্পাদন করিব । আমরা এই রাজার কর্ম লক্ষণ ও যশ কিছুই অবগত নহি, তবে কিরূপে এই মহাত্মার স্তব করিব । গুণসকল বিশেষরূপে বিদিত না হইলে কিরূপে স্তব করা সম্ভব হইতে পারে । এই কথা শুনিয়া মহাত্মা ঋষিগণ সূত্র ও মাগধের নিকট সেই মহাত্মা পৃথুর গুণকীর্তন করিতে লাগিলেন । মহাত্মা পৃথু যে সকল কর্মের অনুষ্ঠান করিয়াছিলেন এবং তাঁহাতে ভবিষ্যতে যে সকল গুণ হইবে সেই সমুদয় কীর্তন করিয়া তাঁহার স্তব করিতে বলিলেন । ঋষিগণ বলিলেন, মহাত্মা পৃথু সত্যজ্ঞান এবং বুদ্ধিসম্পন্ন, তাঁহাতে ভ্রম একেবারে লক্ষিত হয় না । তিনি শূর, গুণগ্রাহী, পুণ্যবান্, দানশীল এবং নিজেও গুণী । পৃথু সর্বদা ধর্মপরায়ণ সত্যবাদী এবং বিবিধ যজ্ঞের অনুষ্ঠাতা । তাঁহার বাক্য অতি মধুর, সত্যবাদীকে অত্যন্ত ভাল বাসেন । যিনি সর্বত্র গমন করিতে সক্ষম, এবং অর্থীদিগকে সমুদয় অর্থাঙ্গিত প্রদান করেন । তাঁহার নিকট কোন তত্ত্বই অবিদিত নাই যিনি অত্যন্ত বুদ্ধিশালী এবং বেদ বেদান্তপারদর্শী । তিনি নানাবিধ বুদ্ধির বিধানকর্তা এবং সংগ্রামে বিজয়ী । সেই সর্বধর্মসম্পন্ন মহাত্মা পৃথুই পৃথিবীতে রাজসুর-যজ্ঞের আহর্তা । ঋষিগণ কর্তৃক



এইরূপে প্রণোদিত হইয়া সূত ও মাগধ মহারাজ পৃথুর গুণ সমুদয় কীর্তন করিয়া স্তব করিতে আরম্ভ করিল। সেই অবধি জগতে শ্রোত্রদ্বারা মনুষ্যের তুষ্টি-সাধন ব্যবসায়ের সৃষ্টি হইল। এবং স্তাবকের পুণ্যানুসারে পারিতোষিক দানের পদ্ধতিও প্রবর্তিত হইল। মহাত্মা পৃথু স্তবে সন্তুষ্ট হইয়া সূত, মাগধ, বন্দী এবং চারণ দিগকে তিলঙ্গ দেশ প্রদান করিলেন। পৃথুর প্রসাদে হৈহয় নামে কোন নৃপনন্দন হৈহয়-নামক দেশের আধিপত্য প্রাপ্ত হইয়া নর্মদা নদীর তীরে রাজধানী নির্মাণ করিয়াছিলেন। নরপতি পৃথু যজ্ঞানুষ্ঠান সময়ে ত্রাক্ষণ দিগকে প্রচুর দক্ষিণা প্রদান করিয়াছিলেন।

প্রজানিচয় এবং তপোনিষ্ঠ মুনিগণ পৃথিবীপতি পৃথুকে সর্বস্ব সর্বপ্রদ এবং অসাধারণ ধর্মপারায়ণ দেখিয়া পরস্পর বলিয়াছিলেন, এই মহামতি ভূপতি দেবতাদিগের অবধি বৃষ্টি স্থাপন করিতেছেন আমাদের ত কথাই নাই। ইনি প্রজাদিগকে ন্যায়ানুসারে প্রতিপালন করিবেন এবং সকলের বৃষ্টি রক্ষা করিবেন। এইরূপে মহামতি পৃথু অতি সুখ্যাতির সহিত রাজ্যপালন করিতে লাগিলেন। কোন সময় প্রজাগণ জীবিকা নির্বাহার্থে বে সকল বীজ বপন করিয়াছিল, পৃথিবী সেই সকল গ্রাস করিয়া স্থির ভাবে রহিলেন। অনন্তর প্রজাগণ ত্রাহি ত্রাহি বলিয়া চীৎকার করত পৃথুর নিকট উপস্থিত হইলেন। মহর্ষিরা কাতরস্বরে বলিলেন, হে মহারাজ! পৃথিবী প্রজাদিগের অন্তসকল ভক্ষণ করিয়া নিশ্চল-ভাবে অবলম্বন করিয়াছেন। এক্ষণে প্রজাদিগের মধ্যে মহৎ-ক্ষয় উপস্থিত দেখিতেছি। নরাধিপ পৃথু মহর্ষিগণের হতাশবাক্য-শ্রবণে ক্রোধে অধীর হইয়া ধনুর্বাণ গ্রহণ-

পূৰ্বক প্রবলবেগে পৃথিবীর প্রতি ধাবমান হইলেন । তাঁহার ভয়ে ভীত হইয়া পৃথিবী হস্তিরূপ ধারণপূৰ্বক বন এবং দুৰ্গম প্রদেশে গুপ্তভাবে বিচরণ করিতে লাগিলেন । পৃথু সৰ্বত্র ভ্রমণ করিয়া কোন স্থানেই পৃথিবীকে দেখিতে পাইলেন না । অনন্তর ঋষিগণ বলিলেন, মহারাজ ! পৃথিবী হস্তিরূপ ধারণ পূৰ্বক দুৰ্গম প্রদেশে গুপ্তভাবে বিচরণ করিতেছেন । তাহা শুনিয়া পৃথু সেই কুঞ্জররূপ-ধারিণী ধরণীর প্রতি ধাবমান হইলেন । পৃথিবীও সিংহরূপ ধারণ করিয়া তাঁহাদিকে অগ্রসর হইতে লাগিলেন । ইহা দেখিয়া রাজার চক্ষু-দ্বয় অরুণ বর্ণ হইল, এবং তৎক্ষণাৎ ত্রিঙ্কবাণ দ্বারা সেই সিংহরূপধারিণী ধরণীকে আহত করিলেন । পৃথিবী বাণাঘাতে অতিশয় ব্যাকুল হইয়া মহিষরূপ ধারণ পূৰ্বক প্রস্থান করিতে আরম্ভ করিলেন । রাজাও ধনুৰ্ধাণ ধারণ করিয়া তাঁহার পশ্চাৎ পশ্চাৎ ধাবমান হইলেন । অনন্তর পৃথিবী অশ্বরূপ হইয়া ব্রহ্মা বিষ্ণু রুদ্র প্রভৃতি প্রধান প্রধান দেবগণের নিকট আশ্রয় প্রার্থনা করিলেন ; কিন্তু কোন স্থানেই আশ্রয় প্রাপ্ত হইবেন না । এইরূপে নিরাশ হইয়া পৃথিবী পুনর্বার বেণতনয়ের পার্শ্ববর্তিণী হইলেন এবং কুতাঞ্জলিপুটে কাতরভাবে বলিলেন, হে মহারাজ ! আমাকে রক্ষা করুন । হে মহাভাগ ! আমি সকলের জননী, সমুদয় পদার্থের আঁটার এবং রত্ননিধির আকর, আমি নিহত হইলে সমস্ত লোক এককালীন নিহত হইবে । সেই ত্রিলোক পূজিত ব্রহ্মাঙ্গলিপুটে আরও বলিলেন, হে মহারাজ, আমি স্ত্রী এই হেতু অবধ্য । ব্রাহ্মণগণ গোবধকে যে রূপ মহাপাপের কারণ বলিয়া নির্দোষ করিয়াছেন স্ত্রীবধকেও সেইরূপ বলিয়াছেন । আমি

ব্যতীত আপনার প্রজাকে কে ধারণ করিবে ? হে রাজন ! আমি স্থির থাকিলেই সমুদায় চরাচর স্থিরত্ব প্রাপ্ত হয়। আমাকে নিহত করিয়া আপনি কোন্ উপায়ে প্রজাদিগকে ধারণ করিবেন ? আমাতেই লোক সকল স্থির রহিয়াছে এবং আমিই জগৎ ধারণ করিতেছি। আমার বিনাশ হইলে সমুদয় প্রজা যে বিনষ্ট হইবে তদ্বিষয়ে কোন সংশয় নাই। অতএব আপনি যদি প্রজাদিগের মঙ্গল কামনা করেন তবে আমাকে বধ করিবেন না। আমার বাক্য শ্রবণ করুন। উপায় দ্বারা প্রারম্ভ কার্যের সিদ্ধি হয় বটে। কিন্তু আপনি কি প্রজা ধারণ বিষয়ে কোন উপায় স্থির করিয়াছেন ? আমি ব্যতীত আপনি কিরূপে প্রজাদিগের ধারণ পালন এবং পোষণে সমর্থ হইবেন ? আপনি ক্রোধ সম্বরণ করুন। আমি অন্নময়ী হইয়া ভবদীয় প্রজাসকল ধারণ করিব। আমি স্ত্রী অবধ্যা ; আমাকে বধ করিলে আপনি প্রায়শ্চিত্তাই হইবেন কারণ শাস্ত্র-কারেরা তির্ঘ্যকজাতীর স্ত্রীকেও অবধ্য বলিয়া নির্দেশ করিয়াছেন। হে মহারাজ ! এই সকল বিষয় বিচার করিয়া আপনার কদাচ ধর্মপথ পরিত্যাগ করা উচিত হয় না। পৃথিবী এইরূপ নানা প্রকার বাক্য বলিলে, রাজা সেই দারুণ কোপ পরিত্যাগ করিলেন। পৃথিবী আরও বলিলেন, হে মহারাজ ! আপনি প্রসন্ন হইলে আমি স্বস্থ হইতে পারি। হে ব্রাহ্মণগণ ! পৃথিবী কর্তৃক এইরূপে উক্ত হইয়া সেই প্রজাপতি বেগতনয় পৃথিবীকে বক্ষ্যমাণ বাক্য সকল বলিয়াছিলেন।

## ত্রিংশ অধ্যায় ।

পৃথু বলিলেন । হে মহাপাপে ! একজন পাপাচারী নিহত হইলে যদি পুণ্যদর্শী সাধুসকল সুখেতে বাস করিতে পারে, তাহা হইলে সেই পাপামুক্তচিত্ত দুরাত্মাকে বধ করা উচিত এবং সেই নিমিত্তই আমি সকল প্রাণীর বিনাশকারিণী তোমাকে বধ করিব । তুমি প্রজাগণ কর্তৃক উপবীজ সকল গ্রাস করিয়া প্রজাদিগকে হনন করিয়া স্থির হইয়া এক্ষণে কোথায় যাইবে । যে হেতু ধর্ম সর্বদা যত্নপূর্বক পালনীয় এবং তুমি প্রজার সংক্ষয়কারক মহাপাপের অনুষ্ঠান করিয়াছ । যদি কোন ব্যক্তি স্বার্থ হেতু আত্ম বা পরের হানিকারক কোন কর্মের অনুষ্ঠান করে, সেই লোকোপতাপক ব্যক্তির প্রাণ সংহার করিলে কিছুই পাপ হয় না । যাহাকে বধ করিলে অনেকের সুখ হয়, হে বসুধে ! সেই দুষ্কৃত পাতকীকে বধ করিলে কিছুই পাপ হয় না । অদ্য যদি আমার পুণ্যযুক্ত বচন না শ্রবণ কর, তাহা হইলে, হে বসুধে ! অদ্য প্রজাদিগের কল্যাণার্থ আমি তোমাকে নিশ্চয়ই বধ করিব । ত্রৈলোক্যবাসীরা নিজ নিজ পুণ্যদ্বারা স্থিতিশালী হয়, আমি নিজের ধর্মদ্বারা প্রজাসকল ধারণ করিব সে বিষয়ে কোন সন্দেহ নাই । অতএব আমার ধর্মামুগত শাসন প্রতিপালন করিয়া এই সকল প্রজাকে অদ্যই জীবিত কর । হে ভদ্রে । যদি তুমি অদ্যই আমার এই বাক্য প্রতিপালন কর, তাহা হইলে আমি প্রীত হইয়া সর্বদা তোমাকে রক্ষা

করিব। এবং অন্যান্য রাজগণ তোমাকে রক্ষা করিবেন। অনন্তর বাণবিদ্ধশরীরা সেই গোরুপধরা পৃথিবী ধর্মের আশ্রয়ে মহামতি বেণতনয় পৃথুকে বলিলেন। পৃথিবী বলিলেন, হে মহারাজ! প্রজাদিগের কল্যাণের নিমিত্ত আপনি যেরূপ পুণ্যার্থসংযুক্ত আদেশ করিবেন তাহা আমি নিশ্চয়ই প্রতি পালন করিব। হে নরেশ্বর সত্বেশ্বর এবং পবিত্র কার্য সকল সত্বেশ্বর এবং পবিত্র উদ্যম দ্বারা সিদ্ধ হয়। অতএব আপনি এরূপ একটা উপায় দেখুন যাঁহাতে আপনি সত্য এবং প্রজাদিগকে রক্ষা করিতে সমর্থ হইবেন আর প্রজারা ও উন্নতি লাভ করিতে সক্ষম হয়। আপনার সুশাসিত শায়কসমূহ আমার সর্ব শরীরে শল্য স্বরূপ বিদ্ধ হইয়া রহিয়াছে। হে মহারাজ! আপনি আমাকে রক্ষা করুন।

সুত বলিলেন, হে ব্রাহ্মণগণ! মহাত্মা পৃথু এই কথা শুনিয়া ধনুরু অগ্রভাগ দ্বারা বৃহৎ বৃহৎ পর্বত সকলকে উৎসারিত করিয়া পৃথিবীকে সমতল করিলেন এবং বাণবিদ্ধা পৃথিবীর অঙ্গ হইতে আপনার বাণগুলি উদ্ধৃত করিলেন। পৃথিবীতে যে সকল গর্ভ এবং কন্দর ছিল বাণাঘাতে তাহাদিগকে পূরিত করিয়া পৃথিবীকে সর্বতোভাবে সমতল করিলেন। পৃথিবীকে এইরূপে সমতল করিয়া স্বায়ত্ত্বব মনুকে তাহার বৎস রূপে কল্পনা করিলেন। অতীত মনুস্তরে পৃথিবী বিষমত্ব প্রাপ্ত হইয়াছিল এবং উহাতে গমনাগমনের পথ ছিল না। চাক্ষুষ মনুস্তরে পৃথিবীর বন্ধুরতা আপনিই উপন্ন হইয়াছিল। পৃথিবীর এইরূপ বৈষম্য নিবন্ধন তৎকালে গ্রাম, পুর, পত্তন দেশ, ক্ষেত্র এই সকলের

কোনরূপ ভেদ লক্ষিত হয় নাই । সে সময় কৃষিবানিজ্য বা গোরক্ষা কিচুরই প্রযুক্তি ছিলনা, কেহ মিথ্যা কথা বলিত না, লোভ, মৎসর, অভিমান এবং পাপের অনুষ্ঠান কুত্রাপি লক্ষিত হয় নাই । হে ব্রাহ্মণগণ ! বৈবস্বতমনুর অন্তর উপস্থিত হইতে পৃথুর জন্ম গ্রহণের পূর্বে যে সকল প্রজার উৎপত্তি হয়, তাহাদের মধ্যে কেহ ভূমিবিবরে, কেহ পর্বতকন্দরে, কেহ নদীতীরে, কেহ লতামণ্ডপে কেহ বা সমুদ্রতীরে বাস করিতে লাগিল । ফল, মূল এবং মধু এই তিন ভক্ষ্য ছিল, কিন্তু অনেক কষ্টে ইহাদের লাভ হইত । মহারাজ পৃথু প্রজাদিগের তাদৃশ কষ্ট অবলোকন করিয়া রাজানিগের মধ্যে স্বায়ম্ভুবমনুকে বৎস করিলেন এবং আপনার হস্তকে পাত্র করিয়া পৃথিবীকে দোহন করিয়াছিলেন । ঐ দোহন হইতে সমুদায় শস্য ও নানাবিধ ভক্ষ্য-দ্রব্যরূপে দুগ্ধ নিঃসৃত হইয়াছিল । সেই পবিত্র অমৃতোপম অন্নদ্বারা সদাচারী প্রজাসকল দেবতা এবং পিতৃলোকের ও অতিথিবর্গের তৃপ্তি সাধন করিয়াছিল । বেণতনয়ের প্রসাদে প্রজা সকল দেব, পিতৃ, ব্রাহ্মণ এবং বিশেষ করিয়া অতিথিবর্গকে সেই অন্ন সমর্পণ করিয়া অবশিষ্টাংশ আত্মার্থব্যয় করতঃ সুখে কালযাপন করিতে লাগিল । কেহ কেহ সেই অন্নদ্বারা নানাবিধ যজ্ঞের অনুষ্ঠান করিতে লাগিল, অপরে উহাদ্বারা কেবল বিষ্ণুর প্রীতি সাধন করিয়াছিল । দেবতাগণ এবং বিষ্ণু সেই অন্ন পরিভূক্ত হইয়া মৈবকে প্রেরণ করিয়াছিলেন । মেঘরাজ ও মুষল ধার বর্ষণ করিয়াছিল । সেই বর্ষণ হইতে পবিত্র এবং পুণ্যপ্রদ ঔষধি সকল উৎপন্ন হইয়াছিল । ঋষিগণ এবং তপোনিষ্ঠ ব্রাহ্মণগণ মিলিত হইয়া

পৃথিবীকে দোহন করিয়াছিলেন। সোম বৎস্বরূপ এবং  
 স্বহস্তি দোকা হইয়া উর্জ রূপ ক্ষীর দোহন করেন বাহা-  
 দ্বারা অন্যি দেবগণ জীবন যাত্রা নির্বাহ করিতেছেন।  
 সেই পূর্বেকৃত ঋষিগণের সত্য এবং পুণ্যবলে সমস্ত জীবের  
 জীবন রক্ষা হইতেছে এবং পৃথিবীতে সত্য ও পুণ্যের  
 প্রচার হইয়াছে। একগে পৃথিবী যেরূপে দুষ্ক হইয়াছিলেন  
 তাহা সবিস্তর বর্ণন করিতেছি। পিতৃগণ যমকে বৎসরূপে  
 পরিকল্পনা করিয়া রৌপ্য পাত্রে স্বধারূপ ক্ষীর দোহন  
 করিয়াছিলেন। সর্পগণ তক্ষকে বৎস এবং ধৃতরাষ্ট্রকে  
 দোকারূপে কল্পনা করিয়া অলাবুপাত্রে বিবরূপ দুষ্ক দোহন  
 করিয়াছিল। দৈত্যেরা বিরোচনকে বৎস এবং মহাবল  
 মধুকে দোকা রূপে কল্পনা করিয়া শত্রু বিনাশনাশন-মায়া-  
 রূপ দুষ্ক দোহন করিয়াছিল। সেই অবধি তৈত্য সকল মায়া-  
 পর হইয়া জগতে নানাবিধ অনৎকার্যের অভুতানে প্রবৃত্ত  
 হয়। মায়াই তাহাদের বল এবং মায়াই তাহাদের গৌরব,  
 মায়াই দৈত্যদিগের জীবিকা নিস্বাহের একমাত্র উপায়।  
 যক্ষেরা বৈশ্রবণকে বৎস এবং যক্ষরাজপুত্র রজতনাভকে  
 দোকারূপে কল্পনা করিয়া বিস্তৃত আনমর পাত্রে অশুধা-  
 নরূপ ক্ষীর দোহন করিয়াছিলেন বাহা অদ্যপি যক্ষজাতিতে  
 বিরাজমান দেখা যায়।

রাক্ষসেরা মনুস্যকপালকে পাত্র, রজতনাভকে দোকা  
 এবং সুমালীকে বৎসরূপে কল্পনা করিয়া শোণিত রূপ  
 দুষ্ক দোহন করিয়াছিলেন। গন্ধর্বেরা পদ্মপত্রকে পাত্র বিদ্বান্  
 চৈত্ররথকে বৎস এবং সুরুচিকে দোকা করিয়া ঋতিরূপ  
 ক্ষীর দোহন করিয়াছিল। যাহা গন্ধর্ব এবং অঙ্গরদিগের

জীবিকানির্বাহের হেতু হইয়াছে । পুণ্যাচরণতৎপর পক্ষত সকল হিমালয়কে বৎস এবং সূমেরুকে দোন্ধা রূপে নির্বাচন করিয়া গৈলজপাত্রে নানাবিধ অমৃতোপম ঔষধি এবং রত্ননিচয় দোহন করিয়াছিল । কম্পাদ্রুমপ্রমুখ বৃক্ষগণ গন্ধকে বৎস এবং শালকে দোহক করিয়া পলাশপত্র নির্মিত পাত্রে জিহ্ন দক্ষ প্ররোহণ দৃক্ষ দোহন করিয়াছিল । এইরূপ গুহ্য চারণ এবং সিদ্ধ স্ব স্ব জাতীয় বিশেষ বিশেষ ব্যক্তিকে বৎস ও দোহকরূপে কল্পনা করিয়া স্ব স্ব অভিলষিত দৃক্ষ দোহন করিয়াছিল । বিধাতা এই পুণ্যবতী পৃথিবীকে কামদৃক্ষা ধেনুস্বরূপ সৃজন করিয়াছেন । পৃথিবী সৃষ্ট-পদার্থ-নিচয়ের জ্যেষ্ঠা এবং ইহাতেই সকলের প্রতিষ্ঠা বর্তমান । এই পৃথিবীই সৃষ্টি ও প্রজা উভয় স্বরূপ । ইনি পালিনী পুণ্যদায়িনী, পবিত্ররূপা এবং সর্বশম্ভ প্ররোহিণী । ইনিই সমুদ্র চরাচরের প্রভবভূমি, স্বয়ং মহালক্ষ্মীরূপা এবং বিশ্বময়ী । পৃথিবী সর্বলোকের আধাররূপা । এই পৃথিবী পঞ্চতত্ত্বের প্রকাশস্বরূপ । পূর্বে এই পৃথিবী সমুদ্ররূপিণী ছিলেন । অনন্তর মধুকৈটভনামক অসুরের মেদোরাশিতে পরিপূরিত হইয়া মেদিনী এই নামে বিখ্যাত হন । তদনন্তর বেণতনয় পৃথুর দু হিতৃভাব প্রাপ্ত হওয়ায় পৃথী নামে অভিহিত হইলেন । মহারাজ পৃথু এই সর্ব শম্ভাঢ্যা সর্বতীর্থময়ী পৃথিবীকে গ্রামপুরপত্তনাদিদ্বারা অলঙ্কৃত্য যথান্যায় প্রতিপালন করিয়া ছিলেন । নিখিল সংকর্ষের প্রবর্তক বেণতনয় পৃথুর প্রভাবনিচয় পুরাণে এইরূপে বর্ণিত হইয়াছে ।

যেরূপ ব্রহ্মবাদী দেবগণ ব্রহ্মা বিষ্ণু ও রুদ্র এই দেব ত্রয়কে সর্বদা নমস্কার করেন সেইরূপ ব্রাহ্মণ এবং ঋষিগণ



পূর্বে মহারাজ পৃথুকে নমস্কার করিতেন । পৃথু সমুদয় বর্ণ  
এবং সকল প্রকার আশ্রমের স্থাপনকর্তা । সেই সর্বশুভ-  
শুভযুক্ত আদিরাজ্য প্রতাপবান্ পৃথু নিখিল রাজগণের  
নমস্করণীয় । যে ব্যক্তি শত্রুজয় করিবার অভিলাষে ধনু-  
ক্ষিদ্যা শিক্ষা করিতে অভিলাষী হইলেন, তাঁহার প্রথমে বৃত্তি-  
দাতা পৃথুকে নমস্কার করা উচিত ।

হে ব্রাহ্মণগণ ! মহারাজ পৃথুর আদেশানুসারে পৃথিবী  
দোহন সময়ে যত প্রকার পাত্র হইয়াছিল, যাহারা যাহারা  
বৎস ও দোষ্কার কার্য করিয়াছিল এবং যে যে প্রকার  
কীর উৎপন্ন হইয়াছিল, তৎসমুদায়ের কীৰ্ত্তন করিলাম । এই  
ধন্য, যশোরুদ্ধিকারক, অরোগিতার হেতু এবং পাপধ্বংস-  
কারী চরিত্র শ্রবণ করিলে প্রত্যহ গঙ্গাস্নানজন্যপুণ্য  
লাভ হয় এবং অন্তকালে বিষ্ণু লোক প্রাপ্ত হওয়া যায় ।

## একত্রিংশ অধ্যায়

ঋষিগণ বলিলেন, হে স্মৃত ! তুমি যে পাপাচারী বেণের  
কথা বলিলে তাঁহার বিরূপ পরিণাম হইয়াছিল তাহা  
সবিশেষ কীৰ্ত্তন কর । স্মৃত বলিলেন আমি যথাসম্ভব ঐ  
বিষয় কীৰ্ত্তন করিতেছি আপনারা শ্রবণ করুন । সেই  
যহায়া পৃথু পুত্ররূপে উৎপন্ন হইলে রাজ্য বেণে নিশ্চলতা  
প্রাপ্ত হইয়া ধর্ম্মেতে সুশোভিত হইলেন । তাঁহার পাপ  
সকল নরাধম মনুষ্যানিচয়ে সঞ্চারিত হইল । তীর্থ যাত্রাদি

বলিতেছিস কেন? এই রূপ বাক্কলহ হইতে হইতে উভয়ের মধ্যে ঘোরতর দ্বন্দ্ব যুদ্ধ উপস্থিত হইল। তাহারা দুজন যুদ্ধ করিতে করিতে উভয়ই সেই বিমল হ্রদে নিপতিত হইল। সেই সময় গতিদায়ক নামে একটা পর্ব্ব ঘটয়াছিল। ঐ সময় ঐ যুগী, কুকুর ও ব্যাধুদ্বয় সেই বিমলতীরে নিপতিত হওয়ায় তাহাদিগের সকলেরই পরমা গতি লাভ হইল। হে ব্রাহ্মণগণ অগ্নি যেমন ইন্ধনরাশিকে দগ্ধ করে সেই রূপ তীর্থসেবায় ও সংসঙ্গে পাপিদিগের পাপরাশি বিনষ্ট হয়। সেই সকল মহাত্মা ঋষিদিগের দর্শন ও স্পর্শ ও তাহাদিগের সহিত সস্তাষণ দ্বারা বেণের সমুদয় পাপ বিনষ্ট হইয়াছিল। ইহা বারম্বার কথিত হইয়াছে যে অতিশয় পুণ্যাঙ্গাগণের সহবাসে পাপ সকল বিনষ্ট হয় এবং অতিশয় পাপিষ্ঠদিগের সহবাসে পাপের উৎপত্তি হয়। বেণের পাপ কেবল মাতামহ দোষে ঘটয়াছিল।

ঋষিগণ বলিলেন হে সূত, বেণের মাতামহের দোষ কিরূপ তাহা আমাদিগের নিকট সবিস্তর বর্ণন কর। কারণ যত্ন স্বয়ং কাল, সময় এবং ধর্ম্ম ঐ পদে কোন হিংসক ব্যক্তির ত নিযুক্ত হইবার সম্ভব নাই। এই চরাচর বিশ্বমণ্ডলে যত লোক আছে তৎসমুদয়ই নিজ কর্ম্মের বশবর্তী, তাহাদের জীবন ও মরণ সকলই আত্মকর্্ম্মের অনুসারে ঘটয় থাকে। পাপিষ্ঠেরা সেই যমকে ভয়ঙ্কর রূপ দর্শন করিয়া থাকে। এবং সেই কর্ম্ম স্বরূপ যম পাপাত্মাদিগকে কেবল পাপ কর্ম্মে নিযুক্ত করিয়া তাহাদিগকে তাড়িত করেন এবং পুণ্যাঙ্গাদিগকে পুণ্য কর্ম্মে নিযুক্ত করেন। অতএব তাহাতে কোন রূপ দোষ লক্ষিত হইতেছে না। তবে যত্নের কোন

দোষে বেণু পাশ রূপে জন্ম গ্রহণ করিয়াছিল। সুত বলিলেন, সেই যুত্ব্য হুতাশ্বা পাণ্ডিদিগকে শাসন করেন এবং কাল রূপে তাহাদিগের কর্মনিচয় পর্যবেক্ষণ করেন বটে, কিন্তু তিনি সূক্ষ্মত এবং হৃক্ষ্ত কর্মসকল একত্র সম্বলিত করেন। তিনি ব্রাহ্মণদিগকে নানাবিধ পৌড়া ও দারুণ কষ্ট প্রদান করিয়া জ্বালিত ও তাড়িত করেন। তাঁহার সুনীথা নামী কন্যা পিতার কার্য সকল নিয়ীক্ষণ করিয়া সর্বদা ক্রীড়া করিতে থাকে। কোন সময় ঐ কন্যা সঙ্গীগণে পরিবৃত্ত হইয়া ক্রীড়ার্থ বনে গমন করিয়াছিল। সেই স্থানে সমধ নামে এক সুন্দর গন্ধর্ব তনয়কে দেখিতে পাইল। ঐ সর্বসুন্দর গন্ধর্বপুত্র গীতবিষয়ে সিদ্ধিলাভের অভিপ্রায়ে মহত্তপের অনুষ্ঠান করিয়া সরস্বতীর উপাসনা করিতে ছিলেন। যুত্ব্যকন্যা সুনীথা সেবাছলে তাহার তপোবিশ্বের অনুষ্ঠান করিতে লাগিল এবং তৎকর্তৃক দুরীকৃত হইয়াও তাহার সঙ্গ পরিত্যাগ করিল না। অনন্তর তৎকর্তৃক তাড়িত হইয়া সুমধ ক্রোধে অধীর হইয়া সুনীথাকে বলিলেন রে পাপাচারিণি! হুষ্টি! তুই কি নিমিত্ত আমার তপস্যার বিঘ্ন করিলি? মহদ্যক্তির তাড়িত হইয়াও তাড়না করেন না, আহত হইয়াও প্রতিঘাত করেন না এই নিমিত্ত তুই আমাকে তাড়না করিলেও আমি কিছু বলিলাম না। বিশেষত তুই স্ত্রী। এই কথা বলিয়া তিনি ক্রোধ হইতে বিরত হইলেন। ইহা শুনিয়া সুনীথা তাঁহাকে বলিল আমার পিতা ত্রৈলোক্যবাসিনদের বিনাশকর্তা। তিনি নিত্য অসংদিগকে পাতিত করেন এবং সংদিগকে পরিপালন করেন। আমার এই কার্যে তাঁহাতে কোন দোষ বর্তিবে না, যে

হেতু তিনি সর্বদা পুণ্যাচরণ করিয়া থাকেন। এই কথা বলিয়া সে আপনার পিতার নিকট যাইয়া বলিল। পিতঃ ১ বনে কাষক্রোধশূন্য একটি গন্ধৰ্ব তপস্বী করিতেছিল, আমি তাহাকে তাড়িত করিয়াছি। সে আমা কর্তৃক তাড়িত হইয়া এইমাত্র বলিল যে, কাহা কর্তৃক তাড়িত হইয়াও তাড়না করিবে না এবং আহত হইয়াও প্রতিঘাত করিবে না ইহার কারণ কি আপনি আমাকে বলুন। এই কথা শুনিয়া যম কিছুমাত্র উত্তর করিলেন না। উহাতে তাহার প্রশয় বর্দ্ধিত হইল। সে পুনর্বার বনেতে যাইয়া সেই গন্ধৰ্বপুত্রকে কথা দ্বারা তাড়িত করিল। অকারণ সেই দুষ্টাকর্তৃক তাড়িত হইয়া সেই মহাতেজা গন্ধৰ্ব তনয় ক্রুদ্ধ হইয়া তাহাকে এই বলিয়া শাপ দিলেন যে, অয়ি দুষ্ঠে ! যে হেতু তুই নিরপরাধে আমাকে কথাঘাতে তাড়না করিলি আমি তোকে শাপ দিতেছি যে, যখন তুই ভক্তির সহিত শৃঙ্গার ধর্ম্মে নিরন্ত হইবি, তখন তোর এই পাপ-গর্ভে একটি ব্রাহ্মণনিন্দক পাপাচারী পুত্র উৎপন্ন হইবে। এইরূপ শাপ প্রদান করিয়া সেই গন্ধৰ্ব তনয় পুনর্বার তপস্বীর নিয়ত হইল এবং পুণীথগেও আপন গৃহে প্রত্যা-গমন করিল। অনন্তর যুত্যা তাহার মুখে সকল কথা শ্রবণ করিয়া বলিলেন তুমি কেন সেই দোষশূন্য তপ-স্বীর তপোবনে গমন করিয়াছিলে ? হে পুত্রি ! সেই নির্দো-ষীকে আহত করিয়া অতি গর্হিত কার্য্য করিয়াছ। ধর্ম্মাত্মা যুত্যা এই কথা বলিয়া অতিশয় দুঃখিত হইলেন।

যুত বলিলেন, হে ব্রাহ্মণগণ ! কোন সময় অতিপুত্র মহাতেজা তুঙ্গ নন্দন বনে গমন করিয়াছিলেন। তিনি নন্দন

বনের মধ্যে অশ্বর এবং কিম্বরবর্গে পরিবৃত্ত ও খবিগণ  
কর্তৃক সুর্য্যমাম দেবরাজ ইন্দ্রকে দর্শন করিলেন। তাঁহার  
সম্মুখে গন্ধর্ব ও কিম্বরগণ নানাবিধ সুস্বরে গান করিতেছিল,  
হুই পার্শ্বে হংসগমিনী বোষিধর্গ চামর হেলাইতেছিল,  
তাঁহার মস্তকে হংসবর্ণ চন্দ্রবিয়ের মত বিস্তৃত ছত্রবিরাজ-  
মান ছিল। তাঁহার বামপার্শ্বে পতিত্রতার আদর্শভূতা  
অসাধারণ রূপ ও সৌভাগ্যবতী পুলোমহুহিতা শোভিত  
ছিলেন এবং ইন্দ্র তাঁহার সহিত নানারূপ কৌতুক করিতে-  
ছিলেন। ইন্দ্রের সমস্ত লীলাদর্শন করিয়া তুঙ্গ মনে মনে  
চিন্তা করিলেন অগতের মধ্যে এই ব্যক্তিই ধন্য। ইহার  
উপস্থার কি অদ্ভুত শক্তি যাহা দ্বারা এইরূপ পদলাভ  
হইরাছে। যদি আমার একটা এইরূপ পুত্র উৎপন্ন হয় তাহা  
হইলে আমি অতিশয় সুখী হই। এই রূপ চিন্তা করিতে  
করিতে তিনি শীঘ্র গৃহে প্রত্যাগমন করিলেন।

## দ্বাত্রিংশ অধ্যায়।

সুত বলিলেন, অনন্তর মহাতেজা তুঙ্গ মহাত্মা ইন্দ্রের  
তাদৃশ সম্পৎ, ভোগবিলাস এবং লীলা ইত্যাদি সকল  
পর্য্যবেক্ষণ করিয়া আমার কি রূপে এইরূপ পুত্র হইবে  
এই চিন্তা করিতে করিতে গৃহে প্রত্যাগমন করিলেন। গৃহে  
প্রত্যাগমন করিয়া স্ব পিতা অত্রিকে প্রণাম পূর্বক বিনীত-  
ভাবে জিজ্ঞাসা করিলেন, হে পিতঃ! কোন্ ব্যক্তি পুণ্যবলে

করিয়াছেন ? তাহার কোন পুণ্যের এইরূপ পরি-  
 গাম, এবং কীদৃশ সংকর্ষের অনুষ্ঠান করিয়াই বা এই রূপ  
 পুণ্যের সঞ্চয় হইয়াছে, তিনি পূর্বজন্মে কীদৃশ তপস্যা ও  
 আচারের অনুষ্ঠান করিয়াছিলেন এই সকল বিষয় আমার  
 নিকট সবিস্তর কীর্তন করুন। অত্রি বলিলেন সাধু! সাধু!  
 তুমি অতি প্রশংসনীয় প্রশ্নের অবতারণা করিয়াছ। হে  
 বৎস! আমি তোমার নিকট ইন্দ্রের চরিত্র সবিশেষ বর্ণন  
 করিতেছি শ্রবণ কর। পূর্বকালে সূত্রতনামে কোন ব্রাহ্মণ  
 অতিকঠোর তপস্যা দ্বারা বিষ্ণুর প্রীতি উৎপাদন করিয়া-  
 ছিল। বিষ্ণুর প্রসাদে সে কশ্যপের ঔরসে অদিতির গর্ভে  
 জন্ম গ্রহণ করিয়া দেবরাজের অধিকার প্রাপ্ত হয়। তুঙ্গ  
 বলিলেন, হে মহাভাগ! আপনি সমুদয় জ্ঞানীর শ্রেষ্ঠ। অত-  
 এব আমার কিরূপে ইন্দ্রসদৃশ পুত্রলাভ হয়? সেই উপায়  
 বলিয়া দিন। শুনিয়া মহর্ষি অত্রি তুঙ্গের নিকট সংক্ষেপে  
 সূত্রতের সমুদয় চরিত্র কীর্তন করিলেন। মেধাবী সূত্রত  
 পূর্বে ষে রূপ ভক্তি ও ধ্যানযোগে হরির আরাধনা করি-  
 য়াছিলেন। হরিও তাহার সেই সকল ভক্ত্যাদি দর্শন করিয়া  
 তাহাকে বহুপদ প্রদান করিয়াছেন। বিষ্ণুভক্তি-প্রসাদেই  
 সে এই ত্রৈলোক্যের আধিপত্য রূপ ইন্দ্রত্ব উপভোগ করি-  
 তেছে। আমি তোমাকে ইন্দ্রের সমুদয় চেষ্টিত শুনাইলাম।  
 গোবিন্দ কেবল ভক্তি ও ভাবেতে সন্তুষ্ট হন। সেই  
 আনন্দ স্বরূপ হরি ভক্তিদ্বারা সন্তোষ প্রাপ্ত হইলে সমুদায়  
 অভিলষিত প্রদান করেন। অতএব সেই সর্বজ্ঞ, সর্ববিৎ,  
 সর্বেশ্বর, সর্বপ্রদ পরম পুরুষ পরমেশ্বরের ভক্তি পূর্বক  
 আরাধনা কর, হে পুত্র! তুমি বাহা বাহা ইচ্ছাকরিবে তিনি

তোমাকে তাহাই প্রদান করিবেন। সেই ছবি সুখ দাতা, পরমার্থদাতা, মোক্ষদাতা এবং সমুদায় বিশ্বমণ্ডলের এক মাত্র অধিপতি। অতএব তুমি তাঁহাকে আরাধনা কর, নিশ্চয়ই ইন্দ্রতুল্য পুত্রলাভ করিবে। এই পরমার্থ-যুক্ত বাক্য শ্রবণ করিয়া মহাত্মা তুঙ্গ তাহার তত্ত্ব পর্যালোচনা করতঃ সেই নিত্য পরব্রহ্মকে প্রণাম করিলেন। অনন্তর ব্রহ্মার সদৃশ তেজস্বী মহাত্মা অত্রিকে যথাবিহিত অভিবাদন করিয়া সূমেরুর কোন রত্নময় উচ্চশিখরে গমন করিলেন।

## ত্রয়স্বিংশ অধ্যায়

সুত বলিলেন। সূর্য যেরূপ আপনার রশ্মিতে শোভিত হন, সেইরূপ পর্বতশ্রেষ্ঠ সূমেরু নানাবিধ রত্ন ও সুবর্ণ দ্বারা সর্বতোভাবে বিরাজমান। ঐ পর্বতে স্থানে স্থানে যোগীগণ অশোকবৃক্ষের সুখদায়িনী শীতলচ্ছায়া আশ্রয় করিয়া ধ্যান করিতেছিলেন। কোন স্থানে মুনিগণ তপস্শায় নিরত, কোন স্থানে কিন্নরগণ সুললিতস্বরে গান করিতেছে। কোন স্থানে গন্ধর্বগণ আনন্দলহরীতে ভাসমান হইয়া বীণা বাজাইতেছে। চারিদিকেই তানমানলয় ও যুচ্ছনাযুক্ত সপ্তস্বরের মনোহর বিকাশ হইতেছে। সেই সূমেরুর কোন প্রদেশে সংগীত শ্যাম্পারদশী গন্ধর্বগণ গান করিতেছে এবং সেই সঙ্গে সঙ্গে উছাদের স্ত্রীরা নৃত্য করিতেছে।

সেই পর্বতের কোন প্রদেশ হইতে পাপনাশক পুষ্য ও  
 কন্যাগপ্রদ সুমধুর বেদধনি শ্রবণগোচর হইতেছে। সেই  
 পর্বতে চন্দন, অশোক, পুরাগ, শাল, তাল, তমাল এবং  
 বৃহৎ বৃহৎ মেঘাকৃতি বটরূক সকল চারিদিকে বিরাজমান।  
 মধ্যে সস্তান, কল্পরূক, রক্তাপাদপ এবং পুষ্পিত নাগকেশর  
 রূক ঐ পর্বতের রমণীয়তা বর্দ্ধন করিতেছে। ঐ পর্বত  
 নানাবিধ ধাতু ও রত্নে আকীর্ণ, উহার স্থানে অনেক প্রকার  
 অদ্ভুত ও মঙ্গলদ্রব্য দৃষ্ট হয়। উহাতে সিদ্ধ অঙ্গুর গন্ধর্ব্ব,  
 ঋষি যুনি ও যুক্তিমান বেদ সকল বিরাজ করিতেছে। পর্বত  
 সদৃশ বৃহৎ বৃহৎ হস্তী, সিংহ, শরভ, শার্দূল এবং গোয়াকু-  
 গণ যথেষ্ট বিহার করিতেছে। প্রায় সর্বত্রই হংস কারও-  
 কাদি জলচর পক্ষী দ্বারা উপশোভিত, নির্মল জলে পরিপূর্ণ  
 বাণী কুপ এবং তড়াগাদি জলাশয় নয়নগোচর হয়। উহা-  
 দের মধ্যে আবার সুবর্ণের শ্বেত ও রক্তোৎপল সকল পবন  
 হিল্লোলে দোলায়মান। ঐ পর্বতের নানা প্রদেশ হইতে  
 সুবিমল নির্ঝরিনী সকল কল কল শব্দে প্রবাহিত হইতেছে,  
 উহাদের তীরে শাল তাল প্রভৃতি রূক সকল শোভায়মান।  
 স্থানে স্থানে সূর্য্য ও অগ্নিপ্রভ স্ফটিক ও সুবর্ণময়ী শিলা  
 সকল রশ্মি জাল বিস্তার করিয়া চক্ষু ঝলসিত করিতেছে।  
 দেবতাদিগের চন্দ্র ও হংসবৎ সম্পূর্ণ শ্বেতবর্ণ বিমান  
 ও সৌমসমূহ পর্বতশৃঙ্গের স্থায় আকাশ ভেদ  
 করিয়া উথিত হইয়াছে। তাহাদের শিখর ভাগে সুবর্ণ-  
 দণ্ডোপরি চাঁদর ও কলস সুশোভিত রহিয়াছে। সেই  
 সুমেরু হইতে পুণ্ড্রাতোয়া মহানদী গঙ্গাও নির্গতা হইয়াছেন।  
 স্তম্বিতপুত্র মহায়ুনি তুঙ্গ সেই পবিত্র ও মঙ্গলয়র এই



রূপ গুণগুণশালী শরতে প্রবেশ করিয়া সুরম্য কন্দরযুক্ত পবিত্র ও নির্জন গঙ্গাতীর আশ্রয় করিলেন। সেই কাশ-ক্রোধশূন্য মেধাবী মহর্ষি ইন্দ্রিয়নিচয় সংযম করিয়া সেই স্থানে উপবিষ্ট হইয়া ঈশ্বরে মন সমর্পণ করিলেন।

সেই ধর্মাত্মা তুঙ্গ উপবেশন করিবার সময় শয়ন-করিবার সময় এবং অন্যান্য কার্য সকলের অনুষ্ঠান সময়ে মনে মনে সেই ক্লেশ হারী মধুসূদনের চিন্তা করিতে লাগিলেন। সেই যুক্তিয়া তুঙ্গ যোগদ্বারা ইন্দ্রিয়ের সংযম করিয়া বিশ্বচাচরের সমুদয় বস্তুতে কেশবকে দর্শন করিতে লাগিলেন। এই রূপ তপস্যার অনুষ্ঠান করিতে করিতে একশত বৎসর অতীত হইল। অনন্তর জগৎস্বামী চক্রপাণি সেই ব্রাহ্মণকে নানাবিধ উপাতি দর্শন করাইতে আরম্ভ করিলেন। কিন্তু সেই তেজস্বী ব্রাহ্মণ কিছুতেই ভীত হইলেন না। নিয়ম সংযম এবং উপবাসাদি দ্বারা তাঁহার শরীর ক্ষীণ হইলেও তাঁহার তেজ অত্যন্ত বৃদ্ধি পাওয়াতে তিনি অগ্নি এবং সুর্য্যের স্তর দীপ্যমান লক্ষিত হইতে লাগিলেন।

তুঙ্গ বলিলেন। হে ভূতভাবন পাপনাশন জনাৰ্দ্দিন! তুমি সকল ভূতের গতি, তুমি সকলের আত্মাস্বরূপ ও ঈশ্বর, তোমাকে এবং তোমার পরিষদগণকে নমস্কার করি। তুমি গুণস্বরূপ অথচ গুণাতীত এবং অতিগুহ্য অথচ শঙ্খচক্র-ধারী তোমাকে নমস্কার। তুমি সত্য-স্বরূপ, সত্যাত্মর ও সত্যময়, মায়ার বিনাশ-কারী অথচ মায়াময়, তুমি বৃত্তিশূন্য হইয়াও মায়াবশে নানাবিধ বৃত্তি ধারণ কর, তোমাকে বার-বার নমস্কার করি। জগতে ষতপ্রকার বস্তু আছে ইহা তোমারই প্রতিরূপ, তুমি অঙ্গন সমূহের বিধাতা, জগতের

আধার ও ধর্মের ধারণকর্তা । তোমাকে নমস্কার । তুমি  
আকাশেরও প্রকাশকারী, স্বয়ং বহিস্বরূপ, তোমাভিন্ন  
স্বাহাকার আর কিছুই নহে, তুমি শুদ্ধ ও অব্যক্ত । তুমি  
ব্যাস বাসব ও সমুদয় দেবতারস্বরূপ । হে বাসুদেব ! বহিরূপী  
বিশ্বময় ! তোমাকে বার বার নমস্কার করিতেছি । হে দেব !  
হৃত ও হৃত-ভোগী উভই তুমি । তুমি হরি বামন ও নৃসিংহ,  
তোমাকে নমস্কার । হে গোবিন্দ গোপাত্মজ একাকর সর্ব-  
করকারী এবং হংসরূপী ! তোমাকে নমস্কার । তুমি ত্রিতন্ত্র,  
তুমি পঞ্চতন্ত্র, তুমি পঞ্চবিংশতিতন্ত্র এবং তুমি পঞ্চ-  
বিংশতিতন্ত্রের আধার । তুমি কৃষ্ণ, কৃষ্ণরূপ লক্ষ্মীনাথ  
পদ্মপলাশাক্ষ ও আনন্দময় তোমাকে নমস্কার করি ।  
হে বিশ্বস্তুর পাপাশন শাশ্বত অব্যয় পদ্মনাভ মহেশ্বর ! আমি  
তোমাকে নমস্কার করিতেছি । হে কেশব ! তোমার কমল-  
সেবিত পাদপদ্মের আরাধনা করি । হে বাসুদেব, জগন্নাথ  
মধুসূদন ! আমাকে দৃশ্যভাব প্রদান করুন । আমি যেন জন্ম  
জন্ম তোমার চরণ বন্দন করিতে পারি । হে শঙ্খপাণি  
শান্তিদাতা । আমাকে কৃপাকর । আমি পুঞ্জাদি বন্ধুর মরণেও  
নানাবিধ শোক তাপে নিদারুণ সংসারেরদ্বারা দন্ধ হই-  
তেছি, জ্ঞানরূপ অনুদ্বারা আমাকে প্লাবিত করুন । হে পদ্ম-  
নাভ ! আমি অতি দীন আমাকে শরণ হও । মহাত্মা তদের  
এই স্তোত্র শ্রবণ করিয়া হরি কৃপাপরবশ হইয়া তুঙ্গকে  
আপনার স্বরূপ দর্শন করাইলেন । তুঙ্গ দেখিলেন তাঁহার  
অগ্রে সেই নবঘনশ্যামবর্ণ শঙ্খচক্রগদাপদ্মধারী গরুড়োপরি  
আসীন সর্বাভরণ ভূষিত শ্রীহংসচিরুধারী কৌন্তলালঙ্কৃত  
বকংহল স্বয়ং জনার্দন বিরাজমান । তিনি এই স্বরূপ

দেখাইয়া সেই তপস্বিপ্রধান তুঙ্গকে মেঘগম্ভীরস্বরে আহ্বান করিয়া বলিলেন হে মহাভাগ ব্রাহ্মণ নয় ! তোমার তপস্যায় আমি তুষ্ট হইয়াছি, এক্ষণে অভিলষিত বর প্রার্থনা কর। মহর্ষি তুঙ্গ কমলাপতি নারায়ণকে তুষ্ট দেখিয়া তাঁহার চরণারবিন্দে বারম্বার প্রণাম করিতে লাগিলেন। অনন্তর অতিশয় আনন্দে আবিষ্ট হইয়া তাঁহাকে বলিলেন, হে শঙ্খচক্রগদাধর দেবেন্দ্র ! আমি আপনার দাস। যদি আপনি বর প্রদান করিতে অভিলাষ করিয়াছেন, তবে আমাকে একটি বংশধর পুত্ররূপ বর প্রদান করুন। বেরূপ দেবরাজ ইন্দ্র সর্বতেজসমম্বিত, সেইরূপ লোকরক্ষক একটি পুত্র প্রদান করুন। ঐ পুত্র সকল দেবতার প্রিয় হয়, দেব ব্রাহ্মণ্য এবং ধর্ম্মের রক্ষক হয়, নিখিল জ্ঞানসম্পন্ন ভীক্ষুধী ও দাতা হয়। উহা হইতে যেন ত্রৈলোক্যের রক্ষা ও সত্যধর্ম্মের পালন হয়। ঐ পুত্র যোদ্ধাদিগের শ্রেষ্ঠ অদ্বিতীয় বীর এবং ত্রৈলোক্যের ভূষণস্বরূপ হইবে। ঐ পুত্র বিষ্ণুর সমান তেজোবানু, জিতেন্দ্রিয়, সত্যপ্রতিজ্ঞ, বৈষ্ণবধর্ম্মের প্রবর্তক, শান্ত, সর্বশাস্ত্রবিশারদ, তপোনিষ্ঠ, বেদজ্ঞ এবং যোগীদিগের শ্রেষ্ঠ হইবে এবং কাহারও কর্তৃক পরাজিত হইবে না। এইরূপ গুণসম্পন্ন পুত্ররূপ বর আমাকে প্রদান করুন।

বাসুদেব বলিলেন, হে মহামতে ! তোমার পৌত্র এই সকল গুণসম্পন্ন, সমুদয় বিশ্বের ধারণকর্তা এবং অত্রি-বংশের ধুরন্ধর হইবে। সে নিজের তেজ, যশ এবং পুণ্যবলে পূর্ববংশীয়দিগকে উদ্ধার করিবে এবং সত্যবলে পিতা ও পিতামহকে উদ্ধার করিবে এবং তুমি আমার সেই স্থান

যাহা বিষ্ণুর পরমশব্দ বলিয়া বিখ্যাত, তাহা দেখিতে পাইবে । এইরূপ বর প্রদান করিয়া অন্তর্হিত হইয়া এই কথা বলিলেন, তুমি কোন পবিত্র বীর্যের কন্যাকে বিবাহ করিবে, তাহার গর্ভে যে পুত্র হইবে তাহা হইতে আমার প্রসাদে তুমি যেরূপ ইচ্ছা করিতেছ, সেইরূপ গুণবান্ ও সর্বভক্ত পৌত্র লাভ হইবে, এবিষয়ে কোন সন্দেহ নাই, এই রূপ বরপ্রদান করিয়া ভগবান স্বস্থানে প্রস্থান করিলেন ।

## চতুস্ত্রিংশ অধ্যায়

ঋষিগণ বলিলেন, হে সূত ! মহাত্মা গন্ধর্ব-পুত্র-কর্তৃক শাপ প্রাপ্ত হইয়া, সেই পাপমতি সুনীথা কিরূপ কর্ম করিয়াছিল এবং ঐ শাপবশে কিরূপ পুত্র লাভ করিয়াছিল, তাহা সবিশেষ বর্ণন কর । সূত বলিলেন, সেই তনুমধ্যমা সুনীথা গন্ধর্ব-পুত্র-কর্তৃক অভিশপ্তা হইয়া অতিশয় হুঃখিতান্তঃকরণে পিতার নিকট গমন করিল । সে পিতার নিকট যাইয়া আপনার চরিত্র প্রকাশ করিল, সেই সত্যপরায়ণ ও ধার্মিক-শ্রেষ্ঠ যত্ন্যও আদ্যোপান্ত শ্রবণ করিলেন ।

অনন্তর সেই মহাত্মা গন্ধর্ব পুত্র হইতে শাপপ্রাপ্ত স্বীয় তনরাকে বলিলেন, হে পুত্রি ! তুমি যে পাপ করিয়াছ, তাহা

দ্বারা ধর্ম ও তেজ বিমল হয় । হে মহাত্মাগে ! তুমি কি নিমিত্ত সেই নিরাহ শান্ত ব্যক্তির তাড়ন করিলে ? তুমি যে পাপের অনুষ্ঠান করিয়াছ, ইহা সর্বলোক-বিরুদ্ধ । যে কামক্রোধবিহীন ধর্মবৎসল তপোনিরত পরত্রস্তের ধ্যান-নিষ্ঠ শান্তস্বভাব ব্যক্তিকে আহত করে, সে ঐ নিরপরাধে আহত ব্যক্তির সমুদয় কিলিষ উপভোগ করে, যে তাড়ন-কারীকে তাড়িত করে না, সেই নিরপরাধী । তুমি অতিশয় দুষ্কৃতির আচরণ করিয়াছ এবং সেই নিমিত্তই এইরূপে শপ্ত হইয়াছ । হে পুত্রি ! এক্ষণে পুণ্যকার্যের আচরণ কর, সর্বদা সৎদিগের সঙ্গ লাভ করিতে যত্নবতী হও, যোগ ধ্যানাদির অনুষ্ঠান কর । সৎসঙ্গ অতিশয় পবিত্র ও নানা-বিধ মঙ্গলের বিধানকারী । হে বালে ! সৎসঙ্গের গুণ শ্রবণ কর ।

যে রূপ জলের স্পর্শ, পান ও জলদ্বারা স্নান করিয়া মূনিগণ বাহ্য এবং অভ্যন্তর ক্ষানিত করিয়া সিদ্ধি প্রাপ্ত হন এবং সমুদয় চরিত্র পবিত্র, শান্ত, মুহু, নির্মল এবং শান্ত হয়, হে পুত্রি ! সেই সর্বলোকের উপর প্রেমিক ব্যক্তিও সেইরূপ শান্ত ও সুখী হয় । যে রূপ অগ্নির সঙ্গ কাঞ্চন মলতার পরিত্যাগ করে, সেইরূপ মনুষ্য সাধু সঙ্গ পাপ পরিত্যাগ করে । যে ব্যক্তি সত্যরূপ বহির্দ্বারা প্রজ্বলিত পুণ্যতেজঃপ্রভাবে প্রদীপ্ত ও জ্ঞানদ্বারা নির্মল হয় এবং ধ্যান প্রভাবে অভ্যুৎসাহ ধারণ করে তাহাকে পাপিষ্ঠ মনুষ্যের স্পর্শ করিতে পারে না । অতএব তুমি সর্বদা সাধু সঙ্গ বাস করিও এবং অসৎসঙ্গ পরিত্যাগ করিয়া পুণ্যকে আশ্রয় করিও । স্মৃত বলিলেন, এইরূপে পিতাকর্তৃক প্রতিবো-

ধিত হইয়া সুনীথা অতিশয় হুঃখিত হইলেন, এবং পিতার চরণ বন্দনা করিয়া নির্জ্বল বনে গমন করিলেন। সেই হুঃখিনী কাম, ক্রোধ এবং কন্যাভাব পরিত্যাগ করিয়া এবং মহামোহ ও মায়া পরিত্যাগ করিয়া নির্জ্বল আশ্রয় করিলেন।

কোন সময় তাঁহার সখীগণ ক্রোড়ার্ধ তাঁহার নিকট গমন করিয়া তাঁহাকে তাদৃশ চিন্তাকুল দর্শন করিয়া জিজ্ঞাসা করিল হে ভদ্রে ! তুমি কি জন্য চিন্তা করিতেছ এই হুঃখ-প্রদায়িনী চিন্তার কারণ কি আমাদের নিকট বর্ণন কর। চিন্তাঘারা শরীর, বল ও তেজ বিনষ্ট হয়, সমুদায় সুখ দূরীভূত হয় ও সৌন্দর্যের হানি হয়, যেরূপ তৃষ্ণা, লোভ ও মোহ পাপের উৎপাদক চিন্তাও সেই রূপ। চিন্তা মনুষ্যের ব্যাধি-স্বরূপ বলিয়া পরিগণিত হইয়াছে। অতএব চিন্তা পরিত্যাগ কর এবং আমাদের নিকট তোমার মনের কথাব্যক্ত কর।

## ত্রিংশ অধ্যায়।

সুত বলিলেন, সুনীথা আত্মব্রতাস্ত সমুদায় বিস্তর রূপে-বর্ণন করিয়া বলিলেন, হে সখীগণ ! আমি আরও কিছু বলিব শ্রবণ কর। পিতা আমার এই অসাধারণ রূপ, বয়স এবং গুণ দর্শন করিয়া আমার বিবাহের জন্য অতিশয়

চিন্তিত হইয়াছেন। তাঁহার আন্তরিক ইচ্ছা কোন দেব বা  
 মুনি কুমারের সহিত আমার বিবাহ হয়। কোন সময়  
 তিনি আমাকে হস্তদ্বারা ধারণ করিয়া দেবতা দিগের নিকট  
 এই কথা বলিয়াছিলেন আমার এই চারুলোচনা কন্যাকে  
 কোন মহাত্মা এবং গুণবান ব্যক্তির হস্তে সমর্পণ করিতে  
 ইচ্ছা করিয়াছি। এই কথা শুনিয়া ইন্দ্রাদি দেবগণ তাঁহাকে  
 বলিলেন, তোমার কন্যা গুণবতী ও সুশীলা হইলেও এক  
 ঋষি শাপরূপ দোষে দূষিত হইয়াছে। ইহার গর্ভে যে পুত্র  
 উৎপন্ন হইবে সে অতিশয় পাপাচারী ও বংশের বিনাশ-  
 কারী হইবে। যেরূপ গঙ্গাসলিলপরিপূর্ণ কুন্তে এক-  
 বিন্দু সুরা পতিত হইলে মদ্য কুন্তবৎ অপবিত্র হয়, সেইরূপ  
 এক জন পাপাচারীর সংসর্গে সমস্ত কুল পাপনিষ্ঠ হইয়া  
 পড়ে। যেরূপ বিন্দুমাত্র অম্লদ্রব্য দুগ্ধে নিপতিত হইলে  
 সমস্ত দুগ্ধ বিনষ্ট হইয়া অম্লরূপ ধারণ করে তদ্রূপ পাপিষ্ঠ  
 পুত্র হইতে সমস্ত বংশ নাশ প্রাপ্ত হয়। এই রূপদোষে  
 তোমার এই কন্যা কন্যাকে আর কাহাকে প্রদান কর। দেব-  
 গণ কতক এইরূপে উক্ত হইয়া পিতা গন্ধর্ভ ও ঋষিদিগের  
 নিকট গমন করিলেন তাঁহারও ঐ রূপ প্রত্যুত্তর দান  
 করিলে তিনি নিরতিশয় দুঃখ প্রাপ্ত হইলেন। আমি এইরূপ  
 পাপের অনুষ্ঠান করিয়াছি যে তাহার প্রতীকার করিতে  
 কেহই সক্ষম হইলেন না। সেই দুঃখে দুঃখিত হইয়া আমি  
 এই নির্জন বন আশ্রয় করিয়াছি। এই স্থানে থাকিয়া  
 শরীর শুদ্ধ করিয়া তপস্যার অনুষ্ঠান করিব। তোমারা  
 এ বিষয়ে আমার সহায়তা কর। যত্নকন্যা সুনীথা সখী-  
 দিগের নিকট এইরূপ চিন্তার কারণ ব্যক্ত করিয়া বিরত

হইলে সখীগণ বলিল । হে মহাত্মাগে ! এই শরীরশোধক  
 হুঃখ পরিত্যাগ কর । কাহার কুলে দোষ নাই ? দেবগণ  
 স্বয়ং নানাবিধ পাপের অনুষ্ঠান করিয়াছেন । পূর্বকালে  
 ব্রহ্মা স্বয়ং মহাদেবের নিকট মিথ্যা বাক্যের প্রয়োগ করেন,  
 সেই ব্রহ্মা জগৎপুত্র্য, দেবতার। তাঁহাকে ত্যাগ করেন নাই ।  
 দেখ দেবরাজ ইন্দ্র ব্রহ্মহত্যার অনুষ্ঠান করিয়াও দেবগণের  
 সহিত ত্রৈলোক্যের আধিপত্য উপভোগ করিতেছেন ।  
 কেবল ইহা নয়, তিনি গৌতমের তর্ক্যা অহল্যার সতীত্ব নষ্ট  
 করিয়াছেন তাহাতেও তাঁহার দেবত্ব নষ্ট হয় নাই । আদিত্য  
 পাপ শনৈশ্চর যুক্ত হইলেও সমস্ত দেবগণ ও বেদপারগ  
 ব্রাহ্মণগণ তাঁহাকে নমস্কার করেন । কৃষ্ণ ভার্গব কর্তৃক  
 শপ্ত হইলেও সমস্ত লোক ও দেবগণ তাঁহাকে নমস্কার করে ।  
 চন্দ্র গুরুভার্যায় আসক্ত হইয়া ক্ষয়রোগ প্রাপ্ত হইয়াছেন ।  
 কলিকালে পাণ্ডুপুত্র ধর্ম্মায়া যুধিষ্ঠির নামে রাজা হইবেন,  
 তিনি গুরুবধের জন্য মিথ্যা বাক্য বলিবেন । এই সকল  
 মহাত্মাগণ মহৎ মহৎ পাপের অনুষ্ঠান করিয়াছেন । কাহারও  
 কিছু বৈগুণ্য বা লাঞ্ছনাত দৃষ্ট হইতেছে না । হে বরাননে  
 তোমার দোষ ত অতি অল্প । আমরা ইহার প্রতীকার  
 চেষ্টা করিব । হে চাক্র লোচনে ! তোমার শরীরে যে সকল  
 সদগুণ আছে এরূপ অন্তর্দীপ্তে সচরাচর দৃষ্ট হয় না । ত্রীদি-  
 গের রূপই প্রথম ভূষণ, দ্বিতীয় শীল, তৃতীয় সত্য, চতুর্থ  
 আর্ধ্যত্ব, পঞ্চম ধর্ম্ম, ষষ্ঠ মধুরতা, সপ্তম বাহ্যাত্ম্যস্তর শুদ্ধতা,  
 অষ্টম পতিশ্রেয়, নবম পতি শুশ্রূষা, দশম সহিষ্ণুতা,  
 একাদশ রতি, দ্বাদশ পাতিব্রত্য, হে বালে ! তুমি এই সকল  
 অলঙ্কারে ভূষিত, অতএব কিছুমাত্র ভয় পাইও না । যে



উপায়ে তোমার একটি ধর্মিষ্ঠ পতি লাভ হয় তবিলক্ষণ  
আমরা নিযুক্ত হইলাম, তুমি অনুৎসাহিত হইও না।

সুত বলিলেন। সখীগণ কর্তৃক এইরূপে উক্ত হইলে  
সুনীথা সখীদিগকে বলিলেন কি উপায়ে আমার অভিলষিত  
স্বামীলাভ হইবে তাহা তোমরা বল। তাহারা বলিল আমরা  
তোমাকে একটি পুরুষ প্রমোহিনী বিদ্যা প্রদান করিব  
সেই বিদ্যার বলে তুমি যাহাকে ইচ্ছা করিবে তাহাকেই  
মোহিত করিতে সক্ষম হইবে। অনন্তর সুনীথা তাহাদিগের  
নিকট হইতে বিদ্যা প্রাপ্ত হইয়া পরমানন্দে সখীদিগের  
সহিত অভিলষিত স্বামী লাভার্থ নানা স্থানে ভ্রমণ করিতে  
লাগিলেন। একদিন ভ্রমণ করিতে করিতে বন্দন কাননে  
উপস্থিত হইয়া ভাগীরথীর তীরে সর্ব লক্ষণ সম্পন্ন  
সূর্য্য সদৃশ তেজস্বী অসাধারণ রূপবান দ্বিতীয় কন্দর্পের  
ন্যায় একটি ব্রাহ্মণ পুত্রকে দর্শন করিলেন। তিনিই সেই  
অত্রিংশের ভূষণ পরমবৈষ্ণব ভূক্ত। তাহাকে দেখিয়া  
রত্নানামী সখীকে জিজ্ঞাসা করিলেন হে সখি! ইনি কোন  
মহাত্মা।

### ষষ্ঠত্রিংশ অধ্যায়।

রত্না বলিল। হে ভদ্রে! অব্যক্ত হইতে ব্রহ্মার উৎপত্তি  
হয়। ব্রহ্মা হইতে অত্রিনামে প্রজাপতির জন্ম হয়। সেই  
অত্রিপুত্র ধর্ম্মাত্মা মহামনা ভূক্ত বন্দনবনে আগমন করি-

ছিলেন। দেবরাজ ইন্দ্রের অতুল সম্পদ এবং সর্বোৎকৃষ্ট-  
তেজ দর্শন করিয়া ইন্দ্রসদৃশ ধর্মাত্মা পুত্রলাভের জন্য  
ইহার অভিলাষ হয়। তাদৃশ অভিলাষানুরূপ কল সিদ্ধির  
নিমিত্ত ইনি নারায়ণের আরাধনা করিলে ভগবান্ নারায়ণ  
ইহার প্রতি প্রসন্ন হইলেন। অনন্তর ইন্দ্রসদৃশ পুত্রলাভ-  
রূপ বর প্রার্থনা করিলে ভগবান্ বলিলেন তোমার পৌত্র  
ইন্দ্র সদৃশ হইবে। সেই অবধি এই ব্রাহ্মণতনয়ও একটি  
পবিত্র কন্যার অন্বেষণ করিতেছেন। যে রূপ তুমি সর্বদা  
সুন্দরী ইনিও তদ্রূপ লক্ষিত হইতেছেন। ইহাকে ভজনা  
কর, ইহা হইতে তোমার সর্বগুণসম্পন্ন পুত্র লাভ হইবে।  
তুমি আমার নিকট যে প্রশ্ন করিয়াছিলে তাহার উত্তর প্রদত্ত  
হইল। ইনি তোমার ভর্তা হইবেন সে বিষয়ে কোন সংশয়  
নাই। ইহা হইতে তোমার ধর্মপ্রচারক মহাত্মা পুত্র  
উৎপন্ন হইলে সুমুখ যে তোমাকে শাপ দিয়াছিলেন তাহাও  
স্থখা হইবে। আমি সত্য সত্য বলিতেছি ইহাকে বিবাহ  
করিলে তুমি সুখিনী হইবে। কৃষকেরা যত্ন পূর্বক সুকৈত্রে  
বীজবপন করে নতুবা অভিলষিত ফল লাভ হয় না। এই  
মহাত্মা তপোবলে পবিত্র বীৰ্য্যসম্পন্ন হইয়াছেন। ইহা  
হইতে যে পুত্র উৎপন্ন হইবে সে নিশ্চয়ই ইহার সমান বীৰ্য্য-  
বান্ ও বিবিধ সদৃগুণসম্পন্ন হইবে। রত্নার এইরূপ মঙ্গলকর  
বচন শ্রবণ করিয়া সুমীথা বুদ্ধি দ্বারা ঐ বাক্য যথার্থ বলিয়া  
স্মিত হইয়াছিলেন।

## সপ্তত্রিংশ অধ্যায় ।

সুনীথা বলিলেন, হে ভদ্রে ! তুমি যাহা বলিলে, তাহা সম্পূর্ণ সত্য । আমি তোমাদিগের নিকট হইতে প্রাপ্ত বিদ্যা দ্বারা ইহাঁকেই মোহিত করিব । সম্প্রতি তোমরা এ বিষয় আমার সাহায্য কর । সুনীথার এই বাক্য শ্রবণ করিয়া মনঃস্বিনী রত্না বলিল, আমাদের নিকট হইতে তুমি কিরূপ সাহায্য প্রার্থনা করিতেছ, তাহা প্রকাশ করিয়া বল । সুনীথা বলিলেন, তুমি আমার দূতী হইয়া উহাঁর নিকট গমন কর । রত্না বলিল, আচ্ছা তাহাই করিব, যাহা যাহা করিতে হইবে, তাহা বলিয়া দাও ।

অনন্তর এক দিন সেই কাম ক্রোধ শূন্য তুঙ্গ সুরমেরুর এক পরম রমণীয় রত্নময় কন্দরায় উপবেশন করিয়া নারায়ণের ধ্যান করিতেছিলেন, এমন সময় সেই যত্ন-হুহিতা সুনীথা মায়া-বলে মোহিনীরূপ ধারণ করিয়া সখীসমূহে পরিবৃত হইয়া দোলারোহণে তাঁহার সমীপবর্তী অন্য এক রমণীয় কন্দরে বাইয়া অতি মনোহর স্বরে বীণা বাজাইতে আরম্ভ করিলেন । সেই সুমধুর তাল মান সমঞ্জিত চিত্তা-ক্ষী বীণা-শব্দ শ্রবণ করিয়া সেই তেজস্বী তুঙ্গ মায়া-বলে বেমুগ্ধ হইয়া ধ্যান হইতে বিচলিত হইলেন । তিনি সহসা যাগাসন হইতে উত্থিত হইয়া চারিদিক অন্বেষণ করিতে গরিতে সেই সুনীথার আবাসভূত কন্দরার নিকট গমন করিলেন । তথায় উপস্থিত হইয়া দেখিলেন, সেই পূর্ণচন্দ্রা-

মনা দোলার উপর উপবিষ্ট হইয়া যথুর স্বরে বীণাবাদন করত হাস্য করিতেছেন । মহাযশাঃ তুঙ্গ তাঁহার রূপ এবং লাবণ্যে বিমোহিত হইয়া কন্দর্পের বশবর্তী হইলেন । ঋষিতনয় জ্ঞান হারাইয়া মোহবশতঃ প্রলাপ করিতে আরম্ভ করিলেন এবং পুনঃ পুনঃ জৃত্তগ করিতে লাগিলেন । তাঁহার অঙ্গে তৎক্ষণাৎ শ্বেদ কম্প এবং সন্তাপ হইল । মন চঞ্চল হইল এবং বারম্বার মূর্ছা প্রাপ্ত হইতে লাগিলেন । এইরূপ বিকার প্রাপ্ত হইয়া তিনি সেই চারুহাসিনী সুনীথাকে বলিলেন । হে চারুহাসিনি ! তুমি কে ? কাহার কন্যা এবং কোন্ কার্যবশতঃ সখীগণ পরিবৃত হইয়া এই বিজনবনে আসিয়াছ ? এই সকল বিষয় আমার নিকট কীর্তন কর এবং আমার উপর প্রসন্ন হও । সেই মুনি মায়াবলে সন্মুগ্ধ হইয়া এবং মদন শরে জর্জরিত হইয়া তাহার বেষ্টিত কিছুই বুঝিতে পারিল না । মহামুনির এই সকল বাক্য শ্রবণানন্তর সেই সুনীথা সখীর মুখের দিকে দৃষ্টিপাত করিয়া আর কিছুই বলিল না । পরে রম্ভা নামী সখী তাঁহার মনোগত ভাব বুঝিতে পারিয়া ব্রাহ্মণকে প্রত্যুত্তর করিল ।

হে মহাভাগ ! এই সর্বলক্ষণসম্পন্ন বালিকা মহাত্মা যুত্ব্যর কন্যা, ইহার নাম সুনীথা, ইনি একজন ধর্মপরায়ণ তপস্বীকে পতিত্বে বরণ করিবার অভিপ্রায়ে এই স্থানে আসিয়াছেন । হে বিপ্রেন্দ্র ! ইহাকে তুমি ধর্মপত্নীরূপে গ্রহণ কর, তোমার নিকট আমাদের এইমাত্র প্রার্থনীয় যে তুমি ইহার কোন দোষ গুণ গ্রহণ করিও না । এইটী স্বীকার করিলে ইনি তোমার পত্নী হইবেন ; এবং তুমি যে ইহা স্বীকার করিলে তাহার বিশ্বাসের জন্য তুমি ইহাকে

নিজ হস্ত অর্পণ কর। ব্রাহ্মণ বলিলেন অচ্ছা, তাহাই-হোক, আমি হস্ত অর্পণ করিলাম। অনন্তর তাঁহাদের উভয়ের গন্ধর্ষ-বিধানে বিবাহ সম্পন্ন হইল। রম্ভা এইরূপে সুনীথার বিবাহ সম্পন্ন করিয়া তাঁহার নিকট বিদায় লইয়া আপনার গৃহে গমন করিল এবং সমুদয় সখীগণও প্রহৃষ্টান্তঃকরণে আপন আপন আলয়ে গমন করিল। সখীগণ নিজ নিজ স্থানে গমন করিলে মহর্ষি তুঙ্গও ভার্য্যার সহিত আপন আলয়ে উপস্থিত হইলেন।

কিছুকাল গত হইলে সুনীথার গর্ভে তুঙ্গের একটি পুত্র উৎপন্ন হইল। পিতা নামকরণ সময়ে উহার নাম বেণ রাখিলেন। সেই সুনীথাপুত্র প্রত্যহ বৃদ্ধি প্রাপ্ত হইতে লাগিলেন। এবং অল্প সময়েই বেদ, শাস্ত্র, ও ধর্ম্মবেদে পারদর্শিতা লাভ করিলেন। মেধাবী তুঙ্গ-তনয় ক্রমে ক্রমে সমুদয় বিদ্যায় পারগত হইয়া শিষ্ঠাচারের অনুসরণে রত হইলেন। সেই বেণ ক্ষত্রাচারপরায়ণ হইয়া ইন্দ্রের মত ~~অগ্রগণ্য~~ তেজ্জ দীপ্যমান হইয়া শোভা পাইতে লাগিলেন। চাক্ষুষ মনুর শেষে বৈবস্বত মনুর সময় সমাগত হইলে সেই তুঙ্গপুত্র বেণকে অসাধারণ পরাক্রমশালী দেখিয়া প্রজাপতি-গণ তাঁহাকে প্রজাপালনে অভিষিক্ত করিলেন। তাঁহাকে অভিষিক্ত করিয়া প্রজাপতিগণ তপোবনে গমন করিলে বেণ যথান্যায় রাজ্য করিতে প্রবৃত্ত হইলেন।

সুত বলিলেন, অনন্তর সুনীথা আপন পুত্রকে রাজ্যেশ্বর দেখিয়া সেই মহাত্মা গন্ধর্ষপুত্রের শাপ স্মরণ করিয়া শঙ্কিত হইলেন। তিনি সেই শাপ স্মরণ করিয়া মনে মনে চিন্তা করিতে লাগিলেন কিরূপে আমার পুত্র ধর্ম্মরক্ষা করিতে

সমর্থ হইবে ? এইরূপ চিন্তা করিয়া তিনি সর্বদা পুত্রের নিকট ধর্ম্যুভাব সকল দেখাইতে লাগিলেন । তিনি বলিলেন, হে পুত্র ! আমি এবং তোমার পিতা সর্বদা ধর্ম্যাচরণ করিয়া থাকি ; তোমার পিতা সমুদয় ধর্মের তত্ত্ব জানেন অতএব তুমিও সর্বদা ধর্ম্যাচরণে প্রবৃত্ত হও । এইরূপে তিনি সর্বদা পুত্রকে প্রবোধিত করিতে লাগিলেন এবং পুত্রও মাতা পিতার বাক্য শ্রবণ করিয়া ন্যায় ধর্ম্যানুসারে প্রজাপালন করিতে লাগিলেন । বেণের রাজত্বের সময় প্রজা সকল সুখে বাস করিতে লাগিল এবং ধর্মের যথেষ্ট পালন হইল ।

## অষ্টক্রিংশ অধ্যায়

ঋষিগণ বলিলেন, হে সূত ! যদি বেণ এইরূপ ধর্ম্মপথ ছিলেন তবে কি নিমিত্ত তিনি ধর্ম্মপথ পরিত্যাগ করিয়া পাপ কার্যে আসক্ত হইলেন । সূত বলিলেন, জ্ঞান বিজ্ঞান সম্পন্ন তত্ত্ববাদী ঋষিগণ বলেন যে শুভাশুভ যেরূপ নির্দ্ধারিত হইয়াছে তাহার অন্যথা হয় না । বিশেষ তাহার উপর মহাত্মা সুমথের যে শাপ ছিল তাহা কিরূপে অন্যথা হইবে ? এক্ষণে বেণ যেরূপে ঘোর পাতকে লিপ্ত হইয়াছিল তাহা কীর্তন করিতেছি । সেই মহাত্মা বেণ রাজ্য করিতে আরম্ভ করিলে একটা ছদ্মবেশী নগ্ন, মহাকায়, যুগ্মিতশিরাঃ পুরুষ সমুপস্থিত হইয়াছিল । তাহার হস্তে একটা নারিকেলের

পানীর পাত্র ছিল এবং সে বেদান্তুগত ধর্মের নিন্দাকারী  
 অসং শাস্ত্র পাঠ করিতেছিল। সেই পাপিষ্ঠ রাজসভায়  
 প্রবেশ করিয়া ত্বরান্বিত হইয়া মহারাজ বেণের সম্মুখে উপ-  
 স্থিত হইল। সেই সমাগত পুরুষকে মহাত্মা বেণ জিজ্ঞাসা  
 করিলেন। এই অদৃষ্টপূর্ব বৈশাখী তুমি কে আমার  
 সভায় উপস্থিত হইলে? তোমার মতে পাপ কি? ধর্ম কি?  
 কर्मই বা কি? তুমি কোন্ দেবতার উপাসনা কর? তোমার  
 তপস্যা ও ভাবনাই বা কিরূপ? তোমার মতে সত্য ও জ্ঞান  
 কি প্রকার? এই সকল তত্ত্ব আমার সম্মুখে সথাবৎ বর্ণন  
 কর। বেণের এই বাক্য শ্রবণে সেই পাতকী উত্তর করিল।  
 হে রাজন্! তোমার এই প্রশ্ন শ্রবণ করিয়া তোমাকে ঘোর  
 মূঢ় রূপে বোধ হইতেছে! আমি ধর্মের সর্বস্ব এবং দেব-  
 গণের পূজ্যতম। আমি জ্ঞান, আমি সত্য, আমিই সনাতন  
 বিধাতা। ধর্ম আমি, মোক্ষ আমি এবং আমিই সর্বদেব  
 স্বরূপ। আমি ব্রহ্মদেব হইতে উৎপন্ন এবং সত্য প্রতিজ্ঞ  
 আমাকে সর্বাধর্মরূপী জিন বলিয়া জান। জ্ঞানবান যোগী-  
 গণ আমারই ধ্যান করিয়া থাকেন। এই কথা শুনিয়া বেণ  
 বলিলেন তোমার কীদৃশ কর্ম, কিরূপ দর্শন, আচারই বা  
 কিরূপ? ইহার উত্তরে সেই পুরুষ বলিল, আমি দেবতা।  
 দয়াই পরম ধর্ম, দয়া করিলেই মোক্ষ প্রাপ্তি হয়। এক্ষণে  
 আমার ধর্ম্যানুগত আচার বলিতেছি। আমার ধর্ম যজ্ঞ,  
 যাজন, বেদাধ্যয়ন, সঙ্ক্যা, তপ, দান, স্বধা, হব্য, কব্য  
 যজ্ঞাদির অনুষ্ঠান, পিতৃতর্পণ, অতিথি সেবা ও বৈশ্বদেব  
 এসকল কিছুই নাই। কেবল রূপণের পূজা ও অহর্ন্তের  
 ধ্যান এই দুইটাই জৈনমতাবলম্বীদের পক্ষে প্রধান

ধর্মকার্য। এই জিন ধর্মের সমুদয় লক্ষণ তোমার নিকট  
প্রকাশ করিলাম।

বেণ বলিলেন যেখানে বেদোক্ত ধর্ম, যজ্ঞাদির অনুষ্ঠান,  
পিতৃদিগের তর্পণ, শ্রাদ্ধ, বৈশ্বদেব, দান এবং তপশ্চরণ  
এসকল কিছুই নাই সেখানে আর ধর্ম কোথায় আছে।  
বেদকে সত্য বলিয়া না মানিয়া কিরূপ দয়াধর্মের বিষয়  
বলিতেছ। পুরুষ বলিল প্রাণিদিগের এই শরীর পঞ্চতত্ত্বে  
নিবদ্ধ। আত্মা বায়ুরূপ, প্রাণিদিগের কর্মের সহিত উহার  
কোন সংশ্রব নাই। যে রূপ তেজঃপ্রভাবে জনমধ্যস্থিত বায়ু  
বিবর্তিত হইয়া তদত্যন্তরস্থিত আকাশকে বিস্তৃত করিয়া বৃদ্ধ  
সকল উপন্ন করে এবং ঐ বৃদ্ধ যে রূপ কেবল ক্ষণ কালের  
নিমিত্ত দৃষ্ট হইয়া আপনা আপনিই অন্তর্হিত হয়, প্রাণি-  
দিগের উপপত্তিও তদ্রূপ। অন্তকালে আত্মা পঞ্চ ভূতেই  
বিলীন হয়, স্বতন্ত্র রূপে অবস্থিত হয় না। মোহযুক্ত মনুষ্য-  
গণ পরম্পর ভ্রমে নিপতিত হইয়া শ্রাদ্ধ ও তর্পণাদির অনু-  
ষ্ঠান করে। হে নৃপতিসত্তম! বলুন দেখি মৃত ব্যক্তি  
কোথায় থাকে, কি আহার করে, তাহার স্বরূপ কিরূপ,  
জ্ঞানইবা কিরূপ, এপর্যন্ত কেহ কি মৃতের সহিত সাক্ষাৎ  
করিতে পারিয়াছে? শ্রাদ্ধের কালের মধ্যে দেখিতে পাই  
ব্রাহ্মণেরা মিষ্টান্ন ভোজন করিয়া তৃপ্তিলাভ করে। আরও  
বলি দেখ বেদে কিরূপ নিদারুণ কর্ম অনুমোদিত হইয়াছে।  
যখন কোন অতিথি গৃহে উপস্থিত হয় তখন ব্রাহ্মণেরা  
একটি বৃহৎ বৃষভ বা অঙ্গ রন্ধন করিয়া তাহাকে ভোজন  
করান। অশ্বমেধে অশ্ব, গোমেধে বৃষ, পুরুষমেধে মনুষ্য,  
আজপেয়ে অঙ্গ এবং রাজসূয়ে নানাবিধ পশু বিনষ্ট করা



হয়। যজ্ঞ বিশেষে হস্তি বধেরও বিধান আছে। নির্দোষ পশুদিগকে বধ করিয়া কিরূপ ধর্মকলের লাভ হইতে পারে? যে ধর্মে নির্দোষ পশুদিগের বধ বিহিত হইয়াছে তাহা কখনই মোক্ষ প্রদ হইতে পারে না। যে ধর্মের দয়া নাই সে ধর্ম বিফল। যাহাতে জীবদিগের প্রতিপালন নির্দিষ্ট হইয়াছে তাহাই যথার্থ ধর্ম। হে নৃপতিশ্রেষ্ঠ! দয়া ব্যতীত স্বাছা, স্বধা, তপস্যা ও সত্য সকলই বিফল। শূদ্র বা চণ্ডাল দয়াযুক্ত হইলে ব্রাহ্মণ বলিয়া অভিহিত হইতে পারে, আর নির্দয় পশুঘাতী ব্রাহ্মণ চণ্ডাল সদৃশ। নির্দয়, পাণী কঠিন হৃদয় ও ক্রুরাস্তঃকরণ ব্যক্তির বা কৈতেই বেদের প্রশংসা করে, বস্তুতঃ তাহারা বেদচ্যুত ও অজ্ঞান। যেখানে জ্ঞান সেই খানেই বেদ প্রতিষ্ঠিত। দয়াহীন ব্রাহ্মণকে দান করিলেও নিষ্ফল হয়। জিন ধর্ম অনুসারে দয়াই প্রধান। জৈন ধর্মে-শাস্ত্রভাবে সর্বভূতকে দয়া করা বিহিত হইয়াছে। এই ধর্ম অনুসারে একমাত্র জিন ভিন্ন আর কেহ আরাধ্য নাই। তত্ত্বি পূর্বক তাঁহারই পূজা ও নমস্কারের বিধান আছে।

বেণ বলিলেন ব্রাহ্মণেরা গঙ্গা প্রভৃতি নদীকে পুণ্যতীর্থ বলিয়া কীর্তন করিয়াছেন, এ বিষয় আপনার কি কিছু বক্তব্য আছে। সেই পুরুষ বলিল বায়ুগণ যে জলবর্ষণ করেন তাহা পৃথিবী ও পর্বতাদিতে নিপতিত হয়। এ জল একত্র প্রধাবিত হইয়া নদ, নদী, সমুদ্র, তড়াগ প্রভৃতি নানাবিধ জলাশয়রূপে পরিণত হয়। এ সকল জল যে কি নিমিত্ত তীর্থত্ব প্রাপ্ত হইয়াছে, তাহা কে বলিবে। যদি এ সকল তীর্থে বারম্বার স্নান করিলে পুণ্য হয় তাহা হইলে

মৎস্যগণ সর্বাপেক্ষা পুণ্যবান্ এবং উহারা সর্বাগ্রে সিদ্ধি  
পাইতে পারে। অতএব জিনিই সনাতন ধর্মের অধি-  
নায়ক। জিনোক্ত দানাদিতেই সমুদয় পুণ্য প্রতিষ্ঠিত  
হইয়াছে। জিন সর্বময় অতএব আপনি তাঁহার ধ্যান  
করুন, সুখী হইবেন। সেই পাপিষ্ঠ এইরূপে নিখিল ধর্ম,  
দান, পুণ্য ও যজ্ঞের নিন্দা করিয়া তুঙ্গ পুত্রকে পাপে  
চালিত করিল।

### উনচত্রিংশ অধ্যায়

সুত বলিলেন, বেণ সেই পাপ পুরুষ কর্তৃক পাপাচারে  
প্রণোদিত হইয়া পাপভাব প্রাপ্ত হইলেন। তিনি তৎ  
ক্ষণাৎ বেদ ধর্ম ও বৈদিক ক্রিয়া কলাপ পরিত্যাগ করিয়  
ঐ পুরুষের পাদবন্দন পূর্বক তাহার ধর্ম গ্রহণ করিলেন  
তাঁহার এইরূপ ভাব পরিবর্তন হওয়াতে সমুদয় লোক পাপ  
পূর্ণ হইল। তখন যোগানুষ্ঠান, বেদাধ্যয়ন, ধর্মশাস্ত্রাঙ্ক  
শীলন ও দান একেবারে বিলুপ্ত হইল। বেণ একবারে  
পিতা মাতার অবাধ্য হইলেন। তিনি পিতা মাতা কর্তৃক  
বারম্বার নিবারিত হইলেও পাপাচার পরিত্যাগ করিলে  
না, তখন মহর্ষি তুঙ্গ অত্যন্ত উদ্বেগ হইয়া জিজ্ঞাসা করি  
লেন কাহার দোষে পুত্র এইরূপ পাপিষ্ঠ হইল, তাহা আমা  
নিকট যথার্থরূপে ব্যক্ত কর। এই কথা শুনিয়া সুনীথ  
নিজের শাপ স্মৃত্যন্ত সমুদয় বর্ণন করিলেন। উহা শ্রবণমা

মহর্ষি তুঙ্গ ভাষ্যার সহিত বনে গমন করিলেন। তুঙ্গ ভাষ্যার সহিত বনে গমন করিলে প্রসিদ্ধ সপ্তর্ষিগণ বেণের পাশ্বে বর্তী হইয়া তাঁহাকে সম্বোধন করিয়া বলিলেন। হে বেণ! তুমি প্রজাপালক হইয়া এইরূপ সাহস করিও না তোমাতেও এই চরাচর ত্রৈলোক্য এবং ধর্ম প্রতিষ্ঠিত রহিয়াছে,—অতএব তুমি পাপ কার্য পরিত্যাগ করিয়া ধর্ম কার্যের অনুষ্ঠান কর।

ঋষিগণের এই কথা শ্রবণ করিয়া বেণ হাস্য করতঃ বলিলেন, আমি যাহা আচরণ করিতেছি ইহাই সনাতন ধর্ম। আমি বিধাতা, আমি বেদের অর্থ, আমি সাক্ষাৎ ধর্ম, জিন ধর্মের সদৃশ সনাতন ধর্ম আর কিছুই নাই।

ঋষিগণ বলিলেন, ব্রাহ্মণ, ক্ষত্রিয় ও বৈশ্য এই তিন বর্ণের পক্ষে শ্রুতি ও সনাতন ধর্মের মূল, বেদানুযোদিত আচার অবলম্বন করিলে জীবদিগের সুখ হয়। তুমি ব্রহ্মারবংশে, উৎপন্ন হইয়াছ, অতএব জাতিতে তুমি ব্রাহ্মণ, পরে তুমি আবার পৃথিবীর রাজা হইয়াছ। হে রাজেন্দ্র! প্রজাসকল রাজার পুণ্যেতে সুখী হয় এবং রাজার পাপে বিনষ্ট হয় অতএব তুমি পুণ্যাচরণ কর। হে নরাধিপ! আপনি সত্যযুগের আচারের প্রতি অনাদর করিয়াছেন আপনি যে আচার অবলম্বন করিয়াছেন ইহা ত্রেতা ও দ্বাপরের নহে। কলিকাল প্রবেশ করিলে মনুষ্য সকল পাপে বিযুক্ত হইয়া জৈন ধর্মে দীক্ষিত হইবে। তাহার বেদামার্গ পরিত্যাগ করিয়া নানাবিধ পাপাচরণ করিবে, জৈন ধর্ম সকল পাপের মূল সে বিষয় কোন সন্দেহ নাই। হে রাজেন্দ্র! আপনি কলিযুগের ব্যবহার

পারিত্যাগ করিয়া পুণ্য আশ্রয় করুন। এবং সত্য পথ অবলম্বন করিয়া যথানিয়মে প্রজাদিগকে পালন করুন। বেণ বলিলেন, আমিই জ্ঞানদিগের শ্রেষ্ঠ এবং সর্বজ্ঞানময়। বেণের অভ্যুক্তি শ্রবণ করিয়া ব্রহ্মার পুত্র সপ্তর্ষিগণ অতিশয় ক্রুদ্ধ হইলেন। তাঁহাদিগকে ক্রুদ্ধ দেখিয়া বেণ বস্মীকের অভ্যন্তরে প্রবেশ করিলেন। ক্রুদ্ধ ঋষিগণ তথা হইতে তাঁহাকে নির্গত করিয়া যেরূপে মন্থন করিয়াছেন, তাহা পূর্বেই বর্ণিত হইয়াছে। এবং তাঁহার পুত্র ধর্ম্মার্থ তত্ত্বজ্ঞ পৃথুর বিষয়ও বলা হইয়াছে। পৃথু চক্রবর্তী পদলাভ করিয়া অস্ত্রে বিষ্ণুলোকে গমন করিয়াছিলেন।

### চত্বারিংশ অধ্যায় ।

ঋষিগণ বলিলেন। হে স্মৃত ! অতঃপর বেণ কিরূপে পাপ পারিত্যাগ করিয়া স্বর্গে গমন করিয়াছিলেন। তাহা বিশেষ রূপে আমাদিগের নিকট কীর্তন কর। স্মৃত বলিলেন ! সেই পবিত্র ঋষিগণ বেণের শরীর মন্থন করিলে তাঁহার শরীর হইতে পাপসকল নির্গত হইল এবং সেই পুণ্যাঙ্গা হ্রা বেণ শাস্বত জ্ঞান করিয়া নন্দ্যদার দক্ষিণ তীরে মহর্ষি তৃণবিন্দের পবিত্র আশ্রমে বাইয়া তপস্যাচরণ করিয়া-  
হিলেন। তিনি কাম, ক্রোধ শূন্য হইয়া এক শত বৎসর

উগ্র উপস্থাপনা করিলে শঙ্খচক্র গদাধর বিষ্ণু প্রসন্ন হইয়া তাহাকে বরপ্রদান করিবার নিমিত্ত আগমন করিয়া বলিলেন, হে মহাভাগ ! তুমি অভিলষিত বর প্রার্থনা কর ।

বেণ বলিলেন, হে দেবদেব ! যদি আপনি প্রসন্ন হইয়া থাকেন তবে এই বর দিন যেন আমি পিতা মাতার সহিত সশরীরে তোমার সেই পরম পদ প্রাপ্ত হই । বাসুদেব বলিলেন, হে মহাভাগ ! আমি পূর্বে মহাত্মা তুঙ্গ কর্তৃক আরাধিত হইয়া এই রূপ বর প্রদান করিয়াছি যে, তুমি স্বীয় পুণ্য কর্ম দ্বারাই বৈষ্ণব লোক প্রাপ্ত হইবে । হে নৃপনন্দন ! তুমি এক্ষণে নিজের নিমিত্ত কিছু বর প্রার্থনা কর । দানই সর্বোৎকৃষ্ট শ্রেষ্ঠ এবং সর্বত্র ভূজিহেতু । সর্বদা দানের অনুষ্ঠান কর যাহাতে পুণ্য হইবে এবং পাপ বিনষ্ট হইবে । দান হইতে স্বর্গ লাভ হয় এবং স্বর্গে নানাবিধ সুখভোগ হয় । যে ব্যক্তি সুপাত্র ব্রাহ্মণকে নিম্নলিখিত চিত্তে যথার্থ ভক্তির সহিত দান করে আমি তাহাকে অভিলষিত বস্তু প্রদান করি । বেণ বলিলেন, হে জগন্নাথ ! যদি আমার উপর আপনার দয়া হইয়া থাকে, তাহা হইলে দানের কাল, দেশ ও পাত্র ইহাদের লক্ষণ বিস্তার পূর্বক কীর্তন করুন । বাসুদেব কহিলেন, হে নৃপ ! দানের কাল দুই প্রকার নিত্য ও নৈমিত্তিক । অরুণোদয় সময় সুউদ্যৎ দিবাকরের তেজে পাপ সকল বিনষ্ট হয় উহা দানের পক্ষে অতিশয় প্রশস্ত এবং সর্ব পুণ্যের প্রবর্দ্ধক । পুণ্যাভিলাষী মনুষ্য ঐ সময় স্নান করিয়া দেবতা ও পিতৃদিগকে পূজা করিয়া পূত্ৰিতে যথাশক্তি অন্ন, পয়, ফল, পুষ্প, বস্ত্র, তাম্বুল, ভূষণ ও সুবর্ণাদি দান করিবে । হে

রাজনু ! মধ্যাহ্নে এবং অপরাহ্নে আমাকে উদ্দেশ্য করিয়া  
 যে খাদ্য ও পানাদি দান করে সে নানাবিধ বস্ত্রালঙ্কার  
 সংযুক্ত, ধনাঢ্য, গুণবান, বুদ্ধিমান ও বিচক্ষণ হয়। যে  
 ব্যক্তি সমর্থ হইয়া দান না করে তাহার শরীরে সর্বভোগ  
 নিবারক চিররোগের উৎপাদন করি। যে ব্যক্তি দেবতা  
 ও ব্রাহ্মণকে দান না করিয়া আপনি মিষ্টান্ন ভোজন করে  
 সে অতি গুরু প্রায়শ্চিত্ত সাধ্য পাপের অনুষ্ঠান করে।  
 চর্ম্মকার যেরূপ শুষ্ক ও কষায়িত ও কুট্টিত করিয়া চর্ম্মের  
 শোধন করে আমিও সেইরূপ পাপিষ্ঠদিগকে বহুবিধ ক্লেশ  
 দিয়া শুদ্ধ করি। হে রাজরাজেন্দ্র ! নিত্যকালে যে দান  
 বিহিত হইয়াছে যে পাপিষ্ঠ বিশুদ্ধচিত্তে তাহার অনুষ্ঠান  
 না করে আমি তাহাকে সেই আত্ম পাপের দ্বারাই  
 জ্বরিত করি।

একগে নৈমিত্তিক দান কালের বিষয় বলিতেছি অব-  
 হিত হইয়া শ্রবণ কর। অমাবস্যা, পৌর্ণমাসী, সংক্রান্তি,  
 ব্যতীপাত, বৈধতি, একাদশী, মহামাঘী, আষাঢ়ী, বৈশাখী,  
 ও কার্ত্তিকী পূর্ণিমা, সোমবতী অমাবস্যা, মন্বন্তর, যুগাদি  
 গজছায়া ইত্যাদি সকল দানের নৈমিত্তিক কাল। এই  
 সকল সময়ে যে আমাকে উদ্দেশ্য করিয়া ভক্তি পূর্বক দান  
 করে, তাহাকে আমি নিঃসন্দেহ মহৎমুখ, স্বর্গ ও মোক্ষপদ  
 প্রদান করি। এতস্তিন্ন আরও কতকগুলি কাম্য দানের  
 ফলপ্রদ কাল আছে তাহাদের কীর্ত্তন করিতেছি শ্রবণ  
 কর। বিবাহ, পুত্রজন্ম, চূড়া, উপনয়ন, প্রাসাদ ধ্বজ ও  
 দেবপ্রতিষ্ঠা, বাপী, কুপ, তড়াগ, গৃহ ও বাস্তু প্রতিষ্ঠা  
 এই সকলও কাম্য দানের প্রশস্ত অবসর। আত্মীয়িক

সময়ও কাম্য দানের পক্ষে শ্রেষ্ঠ । যে সময় মাতৃদিগের  
পূজা হয় উহা আভ্যুদয়িক সময় ।

আরও য সকল পাপযন্ত্রণা হইতে মুক্তি হইবার  
উপায় আছে তাহাদিগেরও এস্থলে কীর্তন করিতেছি ।  
ভাগীরথী ত্য পাপিদিগকে ভয় দেখাইতেছেন ।  
দেবিকা, কৃষ্ণগঙ্গা এবং অ্য প্রধান নদী এবং ইহা-  
দিগের নানাবিধ তীর্থ ইহ সকলেই পবিত্রকারক ।  
এই সকল স্নান দানাদির অনুষ্ঠান কর্তব্য । যদি  
কোন তীর্থে নাম না জানা যায় তাহা হইলে উহাকে  
বিষ্ণুতীর্থ বলিয়া আহ্বান করিবে কারণ আমিই তীর্থমাত্রেয়  
দেবতা । যে ব্যক্তি তীর্থ সমূহে আমার নাম উচ্চারণ  
করে সে তীর্থ জন্য পুণ্য ফলের লাভ করে । অজ্ঞাত তীর্থ  
ও দেবতা স্থলে আমার নাম উচ্চারণ করিলেই ফল লাভ  
হয় । পৃথিবীর মধ্যে যে সকল তীর্থ আছে তাহারা সক-  
লেই পুণ্য এবং সিদ্ধিপ্রদ, ইহাদের মধ্যে যে কোন তীর্থে  
স্নান দানাদির অনুষ্ঠান করিলে অক্ষয় ফল লাভ হয় । সপ্ত  
মহাসাগর তীর্থস্বরূপ, মানস আদি সরোবর ও তীর্থ স্বরূপ ।  
নির্মাল পল্লল সকল তীর্থ, যে সকল ক্ষুদ্র ক্ষুদ্র নদী দৃষ্ট হয়,  
তাহারাও তীর্থ, সুমেরু প্রভৃতি পর্বত সকল তীর্থ, যজ্ঞভূমি,  
অগ্নিহোত্রগৃহ, শ্রাদ্ধভূমি দেবশালা, হোমশালা, বেদা-  
ধ্যয়ন স্থান, গোর অবস্থিতি স্থান এবং যেখানে সোমপায়ী  
ব্রাহ্মণ বাস করে ইহারা সকলেই তীর্থ । যেখানে পবিত্র  
আরাম এবং অশ্বখ বট প্রভৃতি বৃক্ষ থাকে সেখানে তীর্থ  
প্রতিষ্ঠিত । যে সকল তীর্থে নাম করিলাম তাহারা  
সকলেই দানের পক্ষে প্রশস্ত এতস্তিন্ন পিতা মাতা,

শুরুস্থান, সুভাষ্যা এবং রাজ বেষ্মা ইহারাও তীর্থমধ্যে  
পরিগণিত ।

বেণ বলিলেন, হে মাধব ! আমার উপর কৃপা করিয়া  
দান পাত্রের লক্ষণ কীর্তন করুন । বমুদেব বলিলেন, হে  
রাজন্ ! আমি দান পাত্রের লক্ষণ বলিতেছি শ্রবণ কর ।  
সৎকুলোৎপন্ন, বেদাধ্যয়নতৎপর, শান্ত, দান্ত, তপস্বী-  
নিরত, সত্যপরায়ণ, দেবভক্ত, ধর্ম্মজ্ঞ অলোভী, বৈষ্ণব,  
পণ্ডিত এবং পাষাণচার রহিত ব্রাহ্মণই দানের পাত্র ।  
ইহার মধ্যে আবার বিশেষ বলিতেছি । যদি ভগিনী পুত্র  
এইরূপ পুণ্যসম্পন্ন হয় তাহা হইলে সেই প্রধান দান পাত্র,  
তাহার পর দৌহিত্র, তদনন্তর উক্তগুণ সম্পন্ন জামাতা,  
পরে দীক্ষাগুরু, তাহার পর অন্যান্য সুপাত্র । যে বেদাচার  
পরায়ণ ইহারাও তৃপ্তিলাভ করে না সেই ব্রাহ্মণ, তথা ধূর্ত,  
কাল, অতিক্রমকায়, কুটিল, কৰ্কটাত্ম্য, শ্যাচদণ্ড, নীলদন্ত,  
পতিতদন্ত, গোঘ্ন, কৃষ্ণদন্ত, হীনাজ্ঞ, অধিকাকাঙ্ক্ষী, কৃষ্ণরোগী  
কুনখ, দুষ্ক বিক্রয়ী, সম্বাট এবং যাহার ভাষ্যা অন্যায়  
আচরণে রত এই সকল ব্রাহ্মণকে পরিবর্জন করিবে । অত্রি  
সদৃশ হইলেও চোরকে দান করিবে না এবং অতৃপ্তকেও  
দান করিবে না । বেদশাস্ত্রে অদ্বিতীয় পণ্ডিত ইহারাও যদি  
সদাচার যুক্ত না হয় তাহাকে ও দান করিবে না কারণ  
অঙ্গে দান করিলে কিরূপে সম্পূর্ণ ফললাভ হইবে ।

কাল ও তীর্থে যদি শ্রদ্ধাসহকারে সুপাত্রে দান করা  
যায় তাহা হইলে উহা অধিক ফলদায়ক হয় । হে নৃপ ! প্রাণী-  
দিগের শ্রদ্ধার সদৃশ পুণ্য সুপদায়ক ও তীর্থ আর কিছুই  
নাই ! হে নৃপক্রেষ্ঠ ! শ্রদ্ধা ও ভক্তির সহিত আমাকে স্মরণ



করিয়া অল্পমাত্র দান করিলে আমার প্রসাদে সে অনন্ত ফললাভ করিয়া সুখী হয়।

## একচত্বারিংশ অধ্যায়

বেণ বলিলেন আমি পূর্বে তোমার নিকট হইতে নিত্য দানের ফলের বিষয় শ্রবণ করিয়াছি এক্ষণে কৃপা করিয়া নৈমিত্তিক দানের বিষয় বর্ণন করুন। আপনার কথা শ্রবণ করিয়া আমার শ্রবণেচ্ছা ক্রমশই কলবতী হইতেছে। বিষ্ণু বলিলেন আমি নৈমিত্তিক দানের বিষয় বর্ণন করিতেছি। যে ব্যক্তি মহা পর্বৎ কালে ভূমিদান করে সে নিখিল ভোগের অধিপতি হয়। যাহারা পর্বৎ সময় তীর্থে সূপাত্রকে মহা দান করে তাহার ভূপতি সর্ষশাস্ত্রবিৎ, হৃষ্ট, গুণবান্, বেদ-পারগ, আয়ুর্ষান্, যশস্বী হয় এবং বিপুল লক্ষ্মী ও ঐশ্বর্য লাভ করে। যে ব্যক্তি মহাপর্বৎপলক্ষ্যে তীর্থস্থলে কাঞ্চ-নের সহিত কপিল গো প্রদান করে সে ত্রক্ষার অবস্থিতি-পর্যন্ত সকল প্রকার সুখ উপভোগ করে। মহাপর্বৎ সময় যে অলঙ্কৃত করিয়া গোদান করে তাহার বিপুল লক্ষ্মী ও জ্ঞান লাভ হয়। সে সকল বিদ্যার অধিপতি হইয়া অন্ত-কালে বিষ্ণুলোক হইয়া প্রলয়পর্যন্ত সেই স্থানে অবস্থিতি করে। যে তীর্থে গমন করিয়া ভক্তিপূর্বক ব্রাহ্মণদিগকে অলঙ্কার দান করে সে বিপুল ভোগপ্রাপ্ত হইয়া ইন্দ্রের সহিত ক্রীড়া করে। মহাপর্বৎ যে ব্রাহ্মণশ্রেষ্ঠকে

ভূমিসংযুক্ত বস্ত্র দান করে সে বিষ্ণুতুল্য পরাক্রমশালী হইয়া বৈকুণ্ঠে প্রযুক্ত হয় । যে শাস্ত্রস্বভাব ব্রাহ্মণকে বস্ত্রের সহিত সুবর্ণ দান করে সে অগ্নির সদৃশ হইয়া বৈকুণ্ঠে সুখে বাস করে । রজত নির্মিত মুখাবরণযুক্ত স্তূতপূর্ণ কলস ষোড়শোপচারে অর্চিত করিয়া ব্রাহ্মণকে দান করিবে । ষোড়শ গো কাংশ্য দোহন পাত্রের সহিত সুবর্ণ দক্ষিণা দিয়া দান করিবে । হে নৃপনন্দন ! এইরূপ নানাবিধ মহা দান নির্দিষ্ট শ্রদ্ধা ভক্তির সহিত যে দান করা যায় তাহাই পুণ্যকারক হয় । ত্রুত উদ্দেশ্য করিয়া যে রূপ কামনা করিয়া দান করিবে তাহার সেইরূপ ভোগ হইবে । যে যজ্ঞাদিতে আভ্যুদয় দান করে তাহার প্রজার বৃদ্ধি হয় এবং কখন দুঃখ ভোগ হয় না । সে জীবিত থাকিয়া নানাবিধ ভোগপ্রাপ্ত হয় এবং পরিণামে দিব্য গতি লাভ করিয়া অশেষ ভোগ প্রাপ্ত হয় । শরীরের বিনাশ নিশ্চিত হইলে এবং জরা উপস্থিত হইলে দান করা উচিত, ধনের প্রতি মায়া করা উচিত নয় । যুদ্ধব্যক্তির মৃত্যুসময়ে আমি মৃত হইলে আমার পুত্রদিগের কি গতি হইবে এইরূপ ভাবিয়া দান করিতে অক্ষম হয় । কিন্তু মৃত্যুহস্ত হইতে কোনরূপে রক্ষা পাইবার উপায় নাই, অতএব আপন হস্তে দান করা উচিত । কে কার পুত্র কে কার ভার্য্যা সংসারে কেহ কাহার আপনার নাই, অতএব দান করা সর্বতোভাবে বিধেয় । অন্ন, পান, তাম্বুল, উদক, কাঞ্চন, .গো, বস্ত্র, ছত্র, ভূমি, কল, জলপাত্র ইত্যাদি যে সকল ভোগ্যবস্তু আছে তাহা জ্ঞানপূর্বক দান করিলে ষমালয়ের পথ সুখে অতিক্রম করিতে সমর্থ হয় ।

## द्विचत्वारिंश अध्याय

बेण बलिलेन, भगवन् ! पुत्रं च कलत्रं किरूपे तीर्थं  
इहया थाके, पितामाताह वा कि रूपे तीर्थं ह्येन एवं  
शुक्रह वा कि रूपे तीर्थपदवाच्य, सविस्तुर कीर्तन करुन ।

वासुदेव कहिलेन, वाराणसी नामे एक महापुरी आहे ।  
ए पुरी सातिशय रमणीय च गङ्गामनिले प्रकालित ।  
तथाय कृकर नामे एक वैश्या वाम करे । ताहार भार्या  
नाम सुकला । परम कल्याणिनी पुण्याङ्गी सुपुत्रा सुकला  
सातिशय साध्वी, पतिव्रता, साधुव्रतपरायणा च धर्माचारे  
ऐकान्तिक निष्ठासम्पन्ना एवं सख्दा शुद्धा, प्रियंवदा,  
प्रियङ्करा च पतिर परम प्रणयपात्री । सेह सुभगा एवं-  
विध गुणसमूहे अलङ्कता । ताहार स्वामी कृकरच वैश्यागणेर  
प्रधान, वाग्मी, धर्मज्ञ, ज्ञानवान्, गुणशील, पुराण-तत्पर  
च अतिशय बुद्धिमान् । से श्रवण करियाहिल, धर्मह अति-  
शय उत्कृष्ट एवं तीर्थ यात्राय बहुतर पुण्य सङ्घित इहया  
थाके । ऐह जन्म श्रद्धासम्पन्न इहया, ब्राह्मण च सार्थवाह-  
गण समभिव्याहारे पुण्यमङ्गलविशिष्ट तीर्थ पर्यटने अति-  
लाभी इहिल । से ऐहिरूप धर्ममार्ग साधने प्रवृत्त इहिले,  
पतिव्रता सुकला पतिस्नेहे सातिशय युक्ता इहया, ताहारे  
सन्मोक्षण पुष्कळ कहिल, प्रियतम ! आमि तोमार धर्मसाक्षिक  
पत्नी च सख्दा पुण्यविधान करिया थाकि । एवं पति-  
मार्गेर अनुसरण पुष्कळ देवता स्वरूप स्वामीर शुभवा

করি। কখন ইহার অন্যথা পথে প্রবৃত্ত হই না। অতএব তোমার ছায়া আশ্রয় করিয়া, নারীগণের গতিবিধায়ক ও পাপনাশক পতিব্রতাত্ম্য ধর্মের অনুষ্ঠান করিব। যে রমণী একমাত্র পতিপরায়ণা, লোকে তাহারেই পুণ্য স্ত্রী বলিয়া ঘোষণা করে। স্বামী ব্যতিরেকে ললনাগণের স্বর্গ, মোক্ষ ও সুখসাধন পৃথক্ তীর্থ নাই। পতির দক্ষিণ পদ প্রয়াগ-তীর্থ এবং বামপদ পুষ্কর বলিয়া পরিগণিত। যে নারী তাহার পরিপালন এবং স্থানান্তর সেই পাদদোক সেবন, করে তাহার পরম পুণ্য সঞ্চিত হয়। ফলতঃ, ভর্তাই বরস্র-গণের প্রয়াগ তীর্থ, ভর্তাই পুষ্কর এবং ভর্তাই সর্বতীর্থময়, তাহাতে সংশয় নাই। দীক্ষিত পুরুষ যজ্ঞাদির অনুষ্ঠান জন্য যে অগণ্য পুণ্য সঞ্চয় করেন, পতিব্রতা রমণী তৎসমস্ত লাভ করিয়া থাকে। গয়াদি পবিত্র তীর্থ সকলের সেবা করিলে, যে ফল লাভ হয়, একমাত্র স্বামীশুশ্রূষায় তাহা প্রাপ্ত হওয়া যায়। বলিতে কি, স্বামিসেবা ব্যতিরেকে যুবতিগণের পৃথক্ ধর্ম নাই। অতএব সর্বথা পতিব্রত-পরায়ণা হইয়া, পরম যত্নসহকারে সর্বসুখসাধন স্বামি-শুশ্রূষায় সমাসক্ত হইবে। আমিও তোমার ছায়াশুসারিণী হইয়া, গমন করিব।

শ্রুত কহিলেন, সুবুদ্ধি কুকর শ্রিয়তমার রূপ, গুণ, শীল, ভক্তি, বয়স ইত্যাদি বারংবার পরিকলন ও সমালোচন পূর্বক বিবেচনা করিল, যদি আমি নিরতিশয় দুঃখসঙ্কুল হর্গম মার্গে ইহারে লইয়া যাই, তাহা হইলে, শীত-তপ সংসর্গে ইহার রূপনাশ সংটিত ও পদ্মগর্ভপ্রতীকাশ স্নেহাৎকর বিনষ্ট হইবে। ঋগ্নাবাতে ইহার বর্ণ কৃষ্ণ

এবং কর্কণ ও বন্ধুর মার্গে সঞ্চরণ করিয়া, সুকোমল পদ-  
 যুগলও অতিশয় বেদনা প্রাপ্ত হইবে, কোন মতেই তাহা  
 সহ্য করিতে পারিবে না। অধিকন্তু, ক্ষুধা ও তৃষ্ণায়  
 ব্যাকুল হইলে, ইহার অবস্থাও যার পর নাই শোচনীয় মূর্তি  
 ধারণ করিবে। ফলতঃ এই বরাননা আমার সুখস্থান ও  
 ধর্মের অধিষ্ঠান স্বরূপ। এবং নিত্যধর্মের আশ্রয় ও প্রাণ  
 অপেক্ষাও প্রীতিপাত্রী। নিশ্চয়ই ইহার বিনাশ হইবে।  
 তাহা হইলে, আমিও বিনষ্ট হইব। এই বাল্য আমার নিত্য  
 জীবিকা ও প্রাণের ঈশ্বরী। অতএব ইহারে তীর্থে বা  
 অরণ্যে লইয়া যাইব না। একাকীই গমন করিব। মহাত্মা  
 কুরু এইপ্রকার চিন্তা করিতে লাগিলেন।

মহাভাগা সুকলা তাহার চিন্তানুগত ভাব বুঝিতে  
 পারিল। তখন পুনরায় সেই প্রস্থানোদ্যত স্বামীকে সম্বো-  
 ধন করিয়া কহিল, নাথ! স্ত্রীই ধর্মের মূল। অতএব  
 পুরুষ স্বেচ্ছাচারবশংবদ হইয়া, কদাচ তাহারে পরিত্যাগ  
 করিবে না! মহাভাগ! ইহা অবগত হইয়া, আমারে  
 সমভিব্যাহারিণী কর।

বিষ্ণু কহিলেন, সুকলা বারংবার এই প্রকার কহিলে,  
 কুরু শ্রবণপূর্বক হাস্ত্য করিয়া কহিল, প্রিয়ে! ধর্মপত্নী  
 পরিহার করা কদাচ বিধেয় নহে। বরাননেন! যে ব্যক্তি  
 ধর্মচারিণী ভার্য্যাকে পরিত্যাগ করে, তাহার দশাঙ্গ ধর্মও  
 পরিহৃত হয়। অতএব ধর্মভেদ! আমি তোমারে কদাচ পরি-  
 ত্যাগ করিব না।

বিষ্ণু কহিলেন, কুরু এইরূপে সুকলাকে বারম্বার সম্বো-  
 ধন ও সম্বোধন করিয়া, কৃতযাত্রিক সার্থবাহ সমভিব্যাহারে

মিলিত হইয়া, প্রস্থান করিল। সে প্রস্থান করিলে, মহা-  
 ভাগা সুকলা সাতিশয় ব্যাকুল হইয়া, আত্মীয়দিগকে  
 সম্বোধন পূর্বক কহিতে লাগিল, আপনারা আমার বান্ধব।  
 যদি আমার ভর্তা গুণকর্তা সর্বত্র সত্য পণ্ডিত মহাভাগ  
 মহামতি মহাত্মা কুরুরকে দেখিয়া থাকেন, বলুন। বান্ধবগণ  
 সেই পরম বুদ্ধিমতি সুকলার বাক্য শ্রবণ করিয়া, কহিলেন,  
 শুভে ! তোমার স্বামী কুরুর ধর্মযাত্রা প্রসঙ্গে তীর্থযাত্রায়  
 গমন করিয়াছেন। তুমি কিজন্য শোক করিতেছ ? অগ্নি  
 সূত্রে ! তিনি মহাতীর্থ সাধন করিয়া, পুনরায় আগমন  
 করিবেন। আগ্রকারী পুরুষগণ এইরূপ আশ্বাসিত করিলে,  
 চারুহাসিনী সুকলা গৃহগমন পূর্বক পুনরায় অতিমাত্র ব্যাকুল  
 হইয়া, করুণস্বরে রোদন করিতে লাগিলেন। তিনি অতিশয়  
 পতিব্রতা ছিলেন। অতএব রোদন পূর্বক বলিতে লাগি-  
 লেন, আমার ভর্তা যাবৎ প্রত্যাগমন না করেন, তাবৎ আমি  
 ভূমিতে সংস্করমাত্র শয়ন করিব এবং ঘৃত তৈল কোন  
 দ্রব্যই গ্রহণ করিব না। এই বলিয়া তিনি দধি, ক্ষীর,  
 লবণ, তাম্বুল, এবং গুড়াদি মধুর দ্রব্য সমুদায় পরিত্যাগ  
 করিলেন ! ফলতঃ, ভর্তা যাবৎ প্রত্যাগমন না করেন,  
 তাবৎ আমি একাহার বা নিরাহার হইয়া, অবস্থিতি করিব,  
 তিনি এইরূপ প্রতিজ্ঞাবন্ধন করিলেন। এবং অতিমাত্র  
 দুঃখিতা হইয়া, একবেণী ধারণ ও তরুবন্ধলে শরীর আব-  
 রণ পূর্বক দিন দিন সাতিশয় মলিন হইয়া উঠিলেন এক-  
 মাত্র বস্ত্র, তাহাও অতিমাত্র মলিন। তিনি তাহাই পরিধান  
 করিতেন। এবং গৃহকার্য পরিহার পূর্বক সর্বদাই নিতান্ত  
 দুঃখভাবাপন্ন হইয়া অবস্থিতি করিতেন। স্বামিবিয়োগরূপ

১৩০  
দহনে নিরতিশয় দহ্যমান হইয়া, তাহার শরীর কৃষ্ণবর্ণ ও অতিশয় মলিন হইয়া উঠিল। এইপ্রকার কৃষ্ণ ব্যাপার অবলম্বনপূর্বক বারংবার অতিমাত্র বিহ্বল ও দিবারাত্র রোদন-পরায়ণ হইয়া, যাপন করিতে লাগিলেন। রাত্রিতে কোন মতেই নিদ্রালাভ হইত না। এবং গুরুতর দুঃখভরে একান্ত অবসন্ন হওয়াতে, ক্ষুধাও তাঁহারে পরিহার করিল।

সখীগণ এই স্বভাস্ত অবগত হইয়া, তদীয় সকাশে আগমন পূর্বক জিজ্ঞাসা করিল, অগ্নি চারুসর্বাঙ্গি সুকলে! তুমি কি জন্য রোদন করিতেছ? তোমার এই দুঃখের কারণ কি, সত্য করিয়া বল।

সুকলা কহিল, সখীগণ! সেই ধম্মাত্মা ধর্মতৎপর ভর্তা আমারে ত্যাগ করিয়া, প্রস্থান করিয়াছেন। আমি সেই জন্য তদীয় বিয়োগে অতিমাত্র ব্যাকুল ও দুঃখিত হইয়াছি। বরং প্রাণনাশও শ্রেষ্ঠ, বরং বিষভক্ষণও শ্রেষ্ঠ, বরং অগ্নি প্রবেশে কায়বিনাশও শ্রেষ্ঠ, স্বামিবিয়োগ কোন অংশেই শ্রেয়স্কর নহে। আমি নির্দোষ ও পাপবর্জিত, তথাপি তিনি আমারে পরিত্যাগ পূর্বক তীর্থযাত্রা প্রসঙ্গে একাকী মেদিনীভ্রমণে প্রবৃত্ত হইলেন। আমি সর্বথা সাধ্বী, শুদ্ধা ও পতিব্রতা। তিনি ইহা জানিয়াও, তীর্থসাধনতৎপর হইয়া, আমারে পরিত্যাগ করিয়া গেলেন। আমি সেই জন্য, বিশেষতঃ তাঁহার বিয়োগে অতিমাত্র দুঃখিত হইয়াছি। যে ভর্তা সাতিশয় নিষ্ঠুর, তিনিই প্রিয়তমা ভার্য্যাকে পরিহার করেন। বরং প্রাণত্যাগও ভাল, তথাপি যেন ভর্তৃ ত্যাগ না হয়। কলতঃ আমি তাঁহার নিত্যদারুণ বিয়োগ কোন মতেই সহ্য করিতে সক্ষম নহি।

সেই বিয়োগ দুঃখেই এইরূপ নিরতিশয় অভিভূত হই  
য়াছি ।

সখিগণ কহিল, তোমার স্বামী তীর্থপর্যটনে প্রস্থান  
করিয়াছেন, পুনরায় প্রত্যাগত হইবেন । তুমি রুখা শরীর  
শোষ ও রুখা শোক করিতেছ এবং অনর্থক ভোগপরম্পরা  
পরিহার পূর্বক অনর্থক পরিতপ্ত হইতেছ । যে জন্ম পৃথি-  
বীতে জন্ম হইয়াছে, সেই পান ভোজনে প্রবৃত্ত হও ।  
ভাবিয়া দেখ, কে কাহার ভর্তা, কে কাহার প্রিয়, কে কাহার  
স্বজন বান্ধব ? সংসারে কেহ কাহার নহে এবং কাহার  
সহিত কাহার সম্পর্ক নাই । লোকমাত্রেই ভোজন করে  
এবং ভোগ করিয়া থাকে । ইহাই সংসারের ফল । জীব  
উপরত হইলে, কেইবা ভোজন করে, কেইবা তাহার ফল  
দেখিতে পায় ? অতএব প্রত্যক্ষ পানভোজনই সংসা-  
রের ফল ।

সুকলা কহিলেন, তোমরা যাহা বলিলে, তাহা বেদসম্মত  
নহে । যে নারী স্বানিবিযোজিতা হইয়া, একাকিনী অবস্থান  
করে, সে পাপরূপ পরিগ্রহ করে ! সজ্জনগণ কখন তাহারে  
প্রণাম করেন না ! বেদে ইহা দৃষ্ট হইয়া থাকে, স্বামীর  
সহিত সম্বন্ধ পরম পুণ্য সাধন করে । শাস্ত্রেও দেখিতে  
পাওয়া যায় ভর্তাই স্ত্রীগণের সর্বদা তীর্থ স্বরূপ । পরম-  
সত্যনিষ্ঠ হইয়া কায়মন বাক্যে সর্বদা তাঁহার পূজা করা  
কর্তব্য । ফলতঃ স্বামীর পার্শ্ব ও তদীয় দক্ষিণাঙ্গ সর্বদাই  
মহাতীর্থ । সর্বতোভাবে উহা আশ্রয় পূর্বক গৃহে  
পরিবর্জন করিবে । দান ও পুণ্যাদির অনুষ্ঠান করিলে,  
যে ফল হইয়া থাকে, স্বামীর সহবাসে ততোধিক ফললাভের



সম্ভাবনা । বলিতে কি, ঐরূপ স্বামিসঙ্গরূপ পবিত্র তীর্থ সেবা  
 করিলে, যে ফল লাভ হয়, গয়া, গঙ্গা, দ্বারকা, পুষ্কর, কাশী,  
 ও ঈশানভূষণ কেদার তীর্থেও সেরূপ ফলপ্রাপ্তির সম্ভাবনা  
 নাই । এবং বজ্রাদির অনুষ্ঠান করিলেও, তাহা প্রাপ্ত  
 হওয়া যায় না । স্বামী প্রসন্ন হইলে, সাতিশয় সুখ, পুঞ্জ  
 সৌভাগ্য, স্নান, মাল্য, ভূষণ, বস্ত্র, অসৌন্দর্য্য, রূপ, তেজ,  
 কলা, কীর্ত্তি, যশ, গুণ ইত্যাদি সমস্ত বিষয়ই সুসম্পন্ন হয়,  
 তাহাতে সংশয় নাই । স্বামী বর্ত্তমানে যে স্ত্রী অন্য ধর্ম্মের  
 অনুষ্ঠান করে, সে পুংশলী বলিয়া পরিকল্পিত ও তাহার  
 ফললাভে বঞ্চিত । স্ত্রীর ... যাবন স্বামীর  
 প্রীতিকর বলিয়া পরিগণিত । যে স্ত্রী একমাত্র স্বামী  
 সমাধ্ব্যাহারে মেদিনীমণ্ডলে বিচরণ করে, তাহারই অতি-  
 শয় সুখ, অতিশয় সৌভাগ্য ও অতিশয় যশঃ লাভ হইয়া  
 থাকে । স্বামী সন্তুষ্ট হইলে, স্ত্রী ভূস্বর্গীয়া বলিয়া পরি-  
 কল্পিত হয় । এবং পতিহীনা হইলে, তাহার রূপ, যশঃ  
 কীর্ত্তি, সদাতি, সুখ সমুদায়ই বিনষ্ট এবং অসৌভাগ্য ও  
 অতিশয় দুঃখ উপস্থিত হইয়া থাকে । অধিকন্তু, সে পাপ-  
 ভাগিনী হইয়া, ক্লেশপরম্পরা সহ করে । ভর্ত্তা রুষ্ট  
 হইলে, সকল দেবতা রুষ্ট এবং তুষ্ট হইলে, দেব, মানব ও  
 ঋষি সকলেই তুষ্ট হইয়া থাকেন । স্ত্রীলোকের ভর্ত্তাই  
 নাথ, ভর্ত্তাই গুরু, ভর্ত্তাই পরম দেবতা এবং ভর্ত্তাই তীর্থ,  
 ভর্ত্তাই পুণ্য ও ভর্ত্তাই তপস্যা । অধিকন্তু, ভর্ত্তাই তাহার  
 রূপ, বর্ণ, শৃঙ্গার, সৌভাগ্য, অলঙ্কার ও গন্ধ । পর্ষদিনে  
 স্বামী পরিত্যাগপূর্ব্বকং এই সকল বিধান করিলে, যদিও  
 তাহার শোভা সম্পন্ন হয়, কিন্তু স্বামী বিরহিত হইলে,

লোকমুখনিপাতিত কীরের গায়, তাহার সমুদায় প্রতিভাই তিরোহিত হইয়া যায়। ফলতঃ, স্বামী থাকিলেই, স্ত্রী-জাতি মহাভাগা ও পরম কল্যাণিণী হইয়া থাকে। স্ত্রী-গমন করিলে, যে নারী শৃঙ্খারূপ বিধান করে, তাহার তৎসমস্ত বিকল ও শ্রমরূপে পরিণত হয়। এবং লোকে তাহাকে পুংশচলী বলিয়া নির্দেশ করে, সন্দেহ নাই। অতএব যে শুভলক্ষণশোভনা ললনা আত্মার মহাসৌখ্য অভিলাষ করে, সে সর্বদা পতিসংসর্গে অবস্থান করিবে। শাস্ত্রে স্বামীই সান্বীতীর পরম ধর্ম বলিয়া পরিগণিত হইয়াছেন। ভার্য্যা কখন সেই শাস্ত্রত ধর্ম পরিত্যাগ করিবে না। জানিয়া শুনিয়া আমি কি রূপে ধর্ম পরিত্যাগ করিব।

এ বিষয়ে সুদেবাচরিত নামে এক পরম পবিত্র পাপ-নাশন পুরাতন ইতিহাস কীর্তিত হইয়া থাকে, শ্রবণ কর।

## ত্রিচত্বারিংশ অধ্যায়।

সখীরা কহিল, মহাভাগা সুদেবা যে প্রকারে ষেরূপ অনুষ্ঠান করেন, কীর্তন কর।

সুকলা কহিল, অযোধ্যানগরে সর্বধর্মতৎপর পরম ধর্মজ্ঞ মহাভাগ মনুন্দন ইক্ষ্বাকু নামে মহারাজ ছিলেন। তিনি সর্বজ্ঞ ও দেবত্রাঙ্গপূজায় একান্ত সংস্কৃত। তাঁহার

ভাৰ্য্যা অতিমাত্র পতিপরায়ণা, ও পরম পুণ্যবতী। মহা-  
রাজ সেই চারুসর্বাঙ্গী সত্যশালিনী পত্নীর সহিত যজ্ঞ ও  
বিবিধ তীর্থের পরিচর্যা করিতেন। ঐ স্ত্রী মহাত্মা  
কাশীরাজের কন্যা, ইক্ষ্বাকুর সহিত পরিণীতা হইলেন।  
মহারাজ সর্বদাই তাঁহার সহিত অধিষ্ঠান করিতেন।

একদা তিনি তাঁহার সহিত অরণ্যে গমন করিলেন।  
গঙ্গারণ্যে সমাগত হইয়া, ভূরি ভূরি সিংহ, মহিষ, গজ ও  
বরাহ সংহারপূর্বক যুগযাত্রীড়ায় প্রবৃত্ত হইলেন। এই  
রূপ ক্রীড়া করিতেছেন, এমন সময়ে এক বরাহ বহুসংখ্য  
শূকরযুথ ও পুত্রপৌত্রে পরিবৃত্ত হইয়া, সমাগত হইল।  
পরম প্রণয়পাত্রী এক শূকরী তদীয় পাশে প্রতিষ্ঠিত রহি-  
য়াছে। মহারাজ ইক্ষ্বাকু সেই শূকরযুথপরিবারিত যুগ-  
যাত্রীগণের দুর্জয় পর্বতাকার বরাহকে অবলোকন করি-  
লেন। সেই দংষ্ট্রাকরালবদন বিশালকায় বরাহ একমাত্র  
বীর্য্যবলে ভাৰ্য্যাকে আশ্রয় করিয়া, পুত্র, পৌত্র, গুরু ও  
শিশু প্রভৃতির পরিপালন পূর্বক অরণ্যে একাকী অব-  
স্থিতি করিয়া থাকে। মহানা মহারণ্যমধ্যে যুগগণের তুযুল  
হত্যাকাণ্ড পরিষ্ঠানপূর্বক স্বীয় পুত্র পৌত্র ও ভাৰ্য্যাকে  
সম্ভাষণ করিয়া কহিল, মনুপুত্র মহাবল মহাবীর্য্য। কোশল-  
পতি যুগযাত্রীড়ার অনুসরণ ক্রমে যুগ সকল হত্যা করিতে-  
ছেন। তিনি আমাকে দর্শন করিয়া, নিশ্চয়ই সমাগত হই-  
বেন, সন্দেহ নাই। আমি অন্যান্য লুন্ধকগণের কিছুমাত্র  
ভয় করি না। কিন্তু নরপতি মদীয় রূপ দর্শনপূর্বক কোন  
মতেই দয়া করিবেন না। প্রিয়ে! তিনি পরম হর্ষাবিষ্ট  
ও লুন্ধকগণে পরিবৃত্ত হইয়া, শরশরাসনগ্রহণপূর্বক যুগ

নিত্য বিরাজ করিয়া থাক। তোমা দ্বারাই এই শূকরযুথ সুশোভিত হয়। অতএব তোমা ব্যতিরেকে কি শোচনীয় ঘটনাই উপস্থিত হইবে! নাথ! আমার এই বালক পুত্রগণ ও এই সকল শূকর তোমারই বলে গর্জ্জন পূর্বক গিরি-কন্দরে বিচরণ করে। এবং তোমারই তেজে ভয়শূন্য হইয়া, দুর্গে, নগরে, বনকুঞ্জে ও গ্রামে কন্দমূল ভক্ষণ করিয়া থাকে। এই পর্বতে নিদারুণ সিংহভয়ও ইহাদের কিছুই করিতে পারে না। অধিকন্তু তৃতীয় তেজে সুরক্ষিত হইয়া, ইহারা মনুষ্যদিগকেও ভয় করে না। তুমি বিরহিত হইলে, আমার এই বালক পুত্রগণ ও এই সকল বরাহ দীন ও হতচেতন হইবে। এবং তোমা ব্যতিরেকে কাহারই বা যুথ অবলোকন করিবে! পতিহীন হইলে, স্বভাবসুন্দরী ললনারও সমুদায় শোভা তিরোহিত হয়। সে রত্ন, পরিচ্ছদ, বস্ত্র, রমণীয় কাঞ্চনাদি দিব্য অলঙ্কারে অলঙ্কৃত! এবং পিতা মাতা ও ভ্রাতাপ্রভৃতি আত্মপক্ষগণে বেষ্টিত হইলেও, কোন মতে সুশোভিতা হয় না। যেরূপ চন্দ্র-হীন রাত্রি, পুত্রহীন কুল, দীপহীন গৃহ, কখন প্রতিভাত হয় না, সেইরূপ পতিহীন হইলে, স্ত্রীজাতি শোভাহীন হইয়া থাকে। যেরূপ আচার ব্যতিরেকে মনুষ্য, জ্ঞান ব্যতিরেকে বুদ্ধি, মন্ত্রি ব্যতিরেকে রাজা, সেইরূপ তোমা ব্যতিরেকে এই শূকরযুথ সর্বদা নিস্প্রভ হইবে। যেরূপ সাগরগামিনী কৈবর্তহীন নৌকা, সার্থবাহশূন্য সার্থ, সেনাপতিবিহীন সৈন্য, কোন মতেই শোভা পায় না, সেইরূপ তোমা ব্যতিরেকে এই শূকর সৈন্য নিতান্ত বিপন্ন হইবে। দ্বিজোত্তম দ্বিজাতি বেদহীন হইলে, যেরূপ মলিন

হইয়া থাকেন, সেইরূপ তুমি না থাকিলে, সকলেরই  
অবসাদ উপস্থিত হইবে। তুমি মরণ সুলভ করিয়া এই  
রূপ প্রতিজ্ঞা করিয়াছ, আমার প্রতি কুটুম্ববর্গের ভার  
ন্যস্ত করিয়া, প্রস্থান করিবে। কিন্তু আমি তোমা ব্যতিরেকে  
কখনই প্রাণ ধারণে সমর্থ হইব না। অতএব আমি তোমার  
সহিত স্বর্গে, বা নরকে অথবা মর্ত্যলোকে প্রপতিত  
হই বিষয়ে মতেই অন্যথা হইবে

উভয়েই পুত্র, পৌত্র ও শূকরযুথ সমভিব্যাহারে রমণীয়  
কন্দর সম্পন্ন দুর্গমার্গে প্রস্থান করি। অনর্থক প্রাণ পরি-  
ত্যাগ করিয়া, যত্নমুখে পতিত হইলে, কি লাভ হইবে বল।

বরাহ কহিল, শোভনে। তুমি বীরদিগের ধর্ম অবগত  
নহ। শ্রবণ কর। প্রতিযোদ্ধা সম্মুখীন হইয়া, আমারে যুদ্ধ  
দান কর, আমি তদর্থ সমাগত হইয়াছি, এই রূপে যুদ্ধ-  
যাচঞা করিলে, যে বীর বা ভট কাম, লোভ, ভয় বা  
মোহবশতঃ তাহারে যুদ্ধ দান না করে সে কুন্তীপাকনরকে  
অর্কুদ বৎসর বাস করিয়া থাকে। যুদ্ধদানই ক্ষত্রিয়দিগের  
পরম ধর্ম। যেব্যক্তি যুদ্ধ দান না করে, সে ইহলোকে  
অকীর্তি ও পরলোকে নির্যাতনা প্রাপ্ত হয়। যেব্যক্তি নির্ভয়  
চিত্তে যুদ্ধ করে, তাহার বর্ষ সহস্র বীরলোক ভোগ হয় এবং  
তথায় সে তাবৎ বর্ষ মোহিত হইয়া থাকে। মনুপুত্র স্বয়ং  
আগমন করিয়াছেন; এবং সংগ্রাম যাচঞা করিতেছেন।  
আমিও বীর, সন্দেহ নাই। অতএব ইহারে নিশ্চয়ই যুদ্ধ-  
দান করিব। ফলতঃ, এই সনাতন বিষ্ণুরূপ রাজর্ষি যুদ্ধ-  
রূপে সমাগত হইয়াছেন। ইঁহার যুক্তরূপ আতিথ্যসং-  
কার করা কর্তব্য।

শুকরী কহিল, নাথ! তুমি যখন এই মহাত্মাকে যুদ্ধ  
 দান করিবে, আমি তৎকালে তোমার পৌরুষ কীদৃশ, অব-  
 লোকন করিব। এই বলিয়া সে ত্বরান্বিত প্রিয়তম পুত্র-  
 দিগকে আহ্বান করিয়া কহিল, এই নাথ যাবৎ তোমাদের  
 প্রতিপালকরূপে প্রতিষ্ঠিত আছেন, তাবৎ তোমরা দূরবর্তী  
 দুর্গম গিরিগুহামুখে গমন এবং লুদ্ধকদিগকে পরিহার করিয়া,  
 তথায় সুখসচ্ছন্দে জীবনযাত্রা নির্বাহ কর। তোমাদের  
 পিতা যেখানে গমন করিবেন, সম্প্রতি আমি সেই স্থানে  
 প্রস্থান করিব। তোমাদের এই জ্যেষ্ঠ ভ্রাতা যুগলের  
 রক্ষণাবেক্ষণ এবং পিতৃব্যগণ সকলের পরিচরণ করিবেন।  
 অতএব সকলে আমারে পরিত্যাগ করিয়া, গিরিদুর্গে গমন  
 কর।

পুত্রগণ কহিল, এই পক্ষর্তরাজ প্রচুর ফল, মূল ও  
 সলিলসম্পন্ন। এবং সর্বথা ভয়শূন্য। অতএব আমরা  
 অনায়াসেই জীবনযাপনে সমর্থ হইব। কিন্তু আপনারা কি  
 জন্য সহসা এই ভয়ঙ্কর বাক্য প্রয়োগ করিলেন। সত্য  
 করিয়া বলুন।

শুকরী কহিল, এই রাজা ভয়ঙ্কর কালরূপে সমাগত  
 হইয়াছেন এবং যুগয়ালোলুপ হইয়া, বহুসংখ্য যুগ হত্যা-  
 পূর্বক ক্রোড়া করিতেছেন। ইহার নাম ইক্ষ্বাকু। ইনি  
 মনুর পুত্র, মহাবল ও দুর্দর্ষ। এবং সাক্ষাৎ কালস্বরূপ,  
 নিশ্চয়ই হত্যা করিবেন। অতএব তোমরা দূরে গমন কর।

পুত্রেরা কহিল, যে পাপাত্মা মাতাপিতাকে ত্যাগ  
 করিয়া, প্রস্থান করে, সে অতি ভীষণ নরকে পতিত হইয়া  
 থাকে। কেননা সেই নির্গণ মাতার স্তন্যপান করিয়াই,

পুষ্ট হইয়াছে। কলতঃ যে ছরাখ্যা মাতাপিতাকে ত্যাগ করিয়া যায়, সে নিত্য কুমিহুর্গন্ধিসঙ্কুল রক্তপূয় পান করে। অতএব আমরা গুরুত্যাগী হইয়া, কখনই প্রস্থান করিব না। এই স্থানেই অবস্থিতি করিব।

এই রূপে তাহাদের মধ্যে ধর্মার্থসম্পন্ন তুয়ুল বিসংবাদ সমুপস্থিত হইল। তখন সকলে বল ও তেজোভরে বৃহবন্ধনপূর্বক তথায় অধিষ্ঠিত ও হর্ষোৎসাহে, নিরতিশয় আবিষ্কৃত হইয়া, নৃপনন্দন ইক্ষ্বাকুকে দর্শন এবং পৌরুষ সহকারে গর্জ্জন করিয়া, অরণ্যমধ্যে ক্রীড়া করিতে লাগিল।

## চতুশ্চত্রিংশ অধ্যায়

সুকলা কহিল, এই রূপে শূকর সকল যুদ্ধমানসে নরপতির সম্মুখদেশে সমুপস্থিত হইলে, সেই মহাবরাহ সুবিশাল যুথ সমভিব্যাহারে বৃহবন্ধনপূর্বক গিরিসান্নু আশ্রয় করিয়া, প্রতিষ্ঠিত হইল। তাহার শরীর স্কুল, পীন ও কপিলবর্ণ, দংক্রী ও নখরাজি সাতিশয় বিশাল, এবং লুন্ধকগণ কোন ক্রমেই তাহার বলবিক্রম সহ করিতে পারে না। সে তৎকালে অতি ভয়ঙ্কর গর্জ্জন আরম্ভ করিল।

লুন্ধকগণ নিবেদন করিলে, শালতালবনাশ্রিত মহারাজ মনুন্ন্দন তাহাদের বাক্যে ঐ শূকরকে দর্শন করিলেন

এবং বলিতে লাগিলেন, সকলে এই বলদর্পিত  
 পরম বিক্রান্ত বাহকে গ্রহণ কর। এই প্রকার সম্ভা-  
 বণপূর্বক স্বয়ং অত্যাগ্রে ধনু ও নিশিত শর গ্রহণ করি-  
 লেন। তখন লুন্ধকগণ সকলে যুগয়ামদে মোহিত হইয়া,  
 কবচবন্ধন পূর্বক স্বগণ সমভিব্যাহারে প্রস্থান করিল।  
 এদিকে মহাবল মনুন্দন নিরতিশয় হর্ষিত হইয়া, অশ্বারো-  
 হণে চতুরঙ্গী সেনা গ্রহণ পূর্বক গঙ্গাতীরে উপনীত  
 হইলেন এবং তথায় যুদ্ধদর্শনমানসে গিরিবরোত্তম মেরু  
 পর্বত আশ্রয় করিয়া, অধিষ্ঠান করিলেন। মহাধর মেরু রত্ন-  
 সামুদ্রমুহে সর্বতোভাবে আকীর্ণ, বিবিধ রূক্ষে অলঙ্কৃত,  
 অতিশয় উচ্চ, প্রদীপ্তমরীচিমান্ সহস্রকরকিরণে উদ্ভাসিত  
 ও বিবিধ নগে পরিবারিত এবং গগনস্পর্শপূর্বক বিরাজমান  
 হইতেছে। যোজনবহুল সুবিমল গঙ্গাপ্রবাহ সমুপস্থিত মুক্তা-  
 ফলসদৃশ নির্মল সলিলকণসংপৃক্ত বীচিতরঙ্গে সর্বত্র শিলা-  
 তল প্রফালিত হওয়াতে, তাহার নিরতিশয় শোভা সমুৎ-  
 পন্ন হইয়াছে। দেব, চারণ, কিন্নর, সিদ্ধ, গন্ধর্ভ, বিদ্যাধর,  
 অঙ্গর ও ঋষিগণ নাগেন্দ্র সমভিব্যাহারে তথায় বিচরণ  
 করেন। কোথাও শাল, তাল, শবল, শ্রীখণ্ড ও চন্দন সমূহ,  
 কোথাও বিবিধ ধাতু ও নানারত্নে বিচিত্রিত বিমান, কুণ্ড ও  
 কমলাকর, কোন স্থানে নারিকেল বন ও দিব্য পুগসমূহ,  
 স্থলবিশেষে দিব্য পুনাগবহুল কদলীষণ্ডমণ্ডিত পুষ্পিত  
 চম্পক, পাটল, ও কেতকরাজি, কোথাও বিবিধবর্ণে সুর-  
 ঙ্গিত মনোহর পুষ্প সমূহে সমাকীর্ণ অন্যান্য বিবিধ জাতীয়  
 বৃক্ষপরাশরা শোভা পাইতেছে। ষোগী, যোগীন্দ্র ও পরম-  
 সিদ্ধগণ কন্দরাস্তরে বাস করিতেছেন। স্ফটিকময় শিলাতল,



রমণীয় নিবারণ, নন্দীপ্রবাহ, সঙ্গম, ও নির্মল জল জলাশয় সকলে অপূর্ব শোভা সমুদ্ভূত হইয়াছে। শরভ, শার্দূল, যুগযুথ, মহামত্ত মাতঙ্গ, মহিষ ও রুরুগণ ইত্যন্তঃ বিচরণ করিতেছে। এতদ্ভিন্ন অনেকবিধ দিব্যভাবে মনোহর শোভা বিস্তার হইয়াছে। অযোধ্যাধিপতি মনুন্দন মহাবীর ইক্ষাকু ধমুপ্পানিও পরম কৌতুকাবিষ্ট হইয়া, চতুরঙ্গ সেনাদল ও ভাৰ্য্যার সহিত এবংবিধ বিবিধশোভাসম্পন্ন মহীধর আশ্রয় করিলেন।

ঐ সময়ে, মহাবল বরাহ গুরুও শিশুপ্রমুখ বহুসংখ্য শূকরগণে পরিবৃত্ত ও ভাৰ্য্যার সহিত মিলিত হইয়া, গঙ্গা-তীরের সমস্তাৎ মেরুভূমি আশ্রয়পূৰ্বক, যে স্থানে অবস্থিতি করিতেছে, বীর লুদ্ধকগণ কুকুরসমূহ সমভিব্যাহারে তথায় তাহার পুরোবর্তী হইল। তদর্শনে বরাহ পরম হৃষ্ট হইয়া, ভাৰ্য্যাকে সম্বোধন করিয়া কহিল, প্রিয়ে! অবলোকন কর, বীরবর কোশলেশ্বর সমাগত এবং আমাকে উদ্দেশ্য করিয়া, যুগয়াক্রীড়ায় প্রবৃত্ত হইয়াছেন। আমি ইহার সহিত সুরাসুরগণের হর্ষবর্দ্ধন তুমুল যুদ্ধ করিব। সশর-শরাসনধারী মহাতেজা মনুন্দন তাহার এই বাক্য শ্রবণ করিয়া, হর্ষসহকারে স্বীয় ভাৰ্য্যারে কহিলেন, প্রিয়ে! অবলোকন কর, যুগঘাতিগণের সুহৃৎসুহৃৎ এই ঘোরকায় বরাহ পরিবারবর্গে বেষ্টিত হইয়া, মহামেষের ন্যায় গর্জ্জন-পূৰ্বক যুদ্ধার্থ আমারে আহ্বান করিতেছে। অদ্য আমি ইহারে নিশিত সায়ক প্রহারে সংহার করিব। প্রিয়তমা ভাৰ্য্যাকে এই প্রকার সস্তাষণপূৰ্বক লুদ্ধকদিগকে কহিলেন, তোমরা সকলেই শূর ও মহাঘোর শূকরকে প্রেরণা কর।

বনচারী লুদ্ধকগণ এই রূপে প্রেযিত হইয়া, বল, তেজ, পরাক্রম ও শৌর্য্য প্রকাশ পুরঃসর বায়ুবেগে শূকরের প্রতিকূলে ধাবমান হইল। এবং বিবিধ অস্ত্র শস্ত্র ও শানিত বাণপরম্পরা প্রয়োগ পূৰ্ব্বক সেই বীররূপী বরাহকে বিদ্ধ করিতে লাগিল।

শুকলা কহিল, বাণ, তোমর ও শানিত শূল সকল শূকরকে বিদ্ধ করিয়া, অরণ্যচত্বরে গিরিমধ্যে যত্রতত্র পতিত হওয়াতে, বোধ হইল যেন মেঘ সকল বর্ষণ করিতেছে। ঐ সময়ে সমুদায় শূকরবল যুদ্ধে প্ররৃত্ত হইয়া, গভীর গর্জন আরম্ভ করিল। মহাবল বরাহ তত্রৎ যুথপতিগণে পরিষৃত হইয়া, সমরমাগরে অবতরণ পূৰ্ব্বক ঘুর-ঘুরারব সহকারে লুদ্ধকদিগকে বিদ্রাবিত করিতে লাগিল। শত শত মহাবল কুকুরবল তাহাকে চতুর্দিকে বেষ্টিত করিল। ঐ সময়ে তদীয় কুটুম্বদল রণে বিমুখ হইলে, সে রাজাকে দর্শন করিয়া, হর্ষভরে পুত্র, পৌত্র ও বান্ধবগণ সমভিব্যাহারে শরবেগে অতিমাত্র তাড়িত হইয়া, স্থিরভাবে অধিষ্ঠিত হইল। তাহাতে লুদ্ধকগণ তাহাদের অভিযুখে গমন করিল এবং কুকুর সকল তাহাদিগকে দংশু দ্বারা আঘাত করিতে লাগিল। সেই বেগধারণ বশতঃ হস্ত ও পাদ ছিন্ন হইলে, ঐ বরাহ মূলচক্রে সমাগত হইয়া স্বীয় তেজঃপ্রভাবে মুখাগ্র ও দংশুর আঘাত পূৰ্ব্বক শত শত লুদ্ধককে বিনাশ করিল, এবং ভূপতির অধিষ্ঠিত প্রদেশে গমন করিয়া, আপনার পুত্র, পৌত্র ও বান্ধবদিগকে তেজোবলে রক্ষা করিতে লাগিল। এই রূপে ক্রোধভরে কোশলপতির সুবিপুল সৈন্য সংত্রাসিত করিয়া, সঙ্গর

হর্ষবেগে পরিপূর্ণ হইয়া, তাঁহার সহিত যুদ্ধ প্রতীকার অবস্থিতি করিল। সংগ্রামে তাহার সাতিশয় নৈপুণ্য ছিল। এই জন্য সে রণ পরিত্যাগ করিল না। ক্রোধভরে সূতীক্লদন্ত সহিত তুণ্ডাএ দ্বারা ধরাতল ফোভিত করিয়া, বর্ষর-রবসহকৃত ছঙ্কার সহকারে নৃপতিকে আহ্বান করিতে লাগিল। তৎকালে বিষ্ণুর ন্যায় পরাক্রমবিশিষ্ট মনু-নন্দনকে দর্শন করিয়া, আনন্দে তদীয় দেহ রোমাঞ্চিত হইল।

মহারাজ ইক্ষ্বাকু তদীয় পৌরুষ পরিদর্শন পূর্বক মনে মনে বরাহরূপী ভগবানকে চিন্তা করিয়া, বিশাল শূল দ্বারা তাহার বক্ষঃস্থলে নির্ধাত বিদ্ধ করিলেন। এবং অতি-বত্তী সৈনিকদিগকে বারংবার গ্রহণ কর বলিয়া, তাহার বিনাশ জন্য প্রেরণা করিতে লাগিলেন। সৈনিকগণ তাঁহার বাক্য আকর্ষণ পূর্বক কহিল, মহারাজ! এ অতি সামান্য শূকর, এই বলিয়া ধনুর্দ্ধারণ পূর্বক প্রচণ্ড ভাব পরিগ্রহ ও তৎক্ষণাৎ স্ববাহনসমূহ সমভিব্যাহারে তাহার অতি-যুখে গমন করিল এবং অতিমাত্র আশুবেগ বারণদিগকে প্রেরণা করিতে লাগিল। তৎকালে সকলেই খড়্গ, তোমর, বাণ, ভিন্দিপাল, মুদগর ও পাশহস্তে ক্রমে ক্রমে যুদ্ধে তৎপর হইল। কিন্তু কেহই তাহারে পরাস্ত করিতে পারিল না। গজ ও অশ্বগণ ক্ষয় প্রাপ্ত হইল। ঐ সময়ে সেই রণদুর্জয় সুদুর্দর্ষ বরাহ কখন দৃষ্ট, কখন অদৃশ্য হইতে লাগিল; কখন ভটদিগকে চূর্ণ, কখন বা অশ্বদিগকে মর্দন করিতে লাগিল; এবং স্বপক্ষীয় শূকরদিগের সমর্থন পূর্বক প্রতিপক্ষীয় মহাভটদিগের অশেষে প্ররৃত্ত হইল।

অনন্তর তাহাদিকে মর্দন করিয়া, ক্রোধভরে অরুণলোচন  
হইয়া, শব্দ করিতে লাগিল ।

মহাবীর মনুসন্দন সেই মহাকায় মেঘনিম্বন রণদুর্জয়  
বরাহকে ঐরূপে যুদ্ধ করিতে দেখিয়া, সমররঙ্গে বিলম্বিত  
হইয়া, প্রতিগর্জনে প্ররুত হইলেন এবং স্বীয় তেজঃপ্রভাবে  
ধীরভাব অবলম্বন করিয়া, শোভা পাইতে লাগিলেন ।  
তৎকালে শূকরের মুখদংক্রী বিদ্যুতের ন্যায় উল্লাসিত হইয়া  
উঠিল । কোশলপতি দেখিলেন, শূকর রণস্থলে একাকী ;  
কোন মতেই শরপাতে বিনষ্ট হইতেছে না ; প্রত্যুত, বহু-  
তর অস্ত্রশস্ত্রে আহত হইয়াও, পুনরায় যুদ্ধ প্রার্থনা করি-  
তেছে । তদর্শনে তিনি পুনরপি সৈনিকদিগকে কহিলেন,  
তোমরা বলপূর্বক নিশিত শর প্রয়োগ করিয়া যুদ্ধ ও  
তেজোবলে এই শূকরকে গ্রহণ কর । তিনি ক্রোধভরে  
এইপ্রকার কহিলে, সেই সমরদুর্জয় সৈনিকগণ সকলে  
সমবেত হইয়া, পাশ হস্তে যুদ্ধার্থ সমুপস্থিত হইল । তাহা-  
দের মধ্যে সংগ্রাম নিপুণ কেহ কেহ সেই শূকরের চতু-  
র্দিকে সুপ্রযুক্ত শরজাল নিক্ষেপ করিতে লাগিল । এবং  
কখন চক্রাঘাতে, কখন দুর্ধর ও সুবিপুল খড়াঘাতে তাহারে  
আঘাত করিতে প্ররুত হইল । তখন শূকররাজ নিরতিশয়  
ক্রুদ্ধ হইয়া, পৌরুষ সহকারে প্রাস সকল ছেদনপূর্বক  
অন্যান্য মহাশূকর সমভিব্যাহারে সংগ্রামে অবতরণ করিল ।  
এবং ত্রিধার শোণিত প্রবাহে অভিযুক্ত হইয়া, করতুও  
প্রহার পুরঃসর হস্তগণের শিরোদেশে পদাঘাত করিয়া,  
তাহাদিগের অনুসরণে প্ররুত হইল । অনন্তর সংহার  
কৌতুকে মগ্ন ও রোষাবিষ্ট হইয়া, স্বীয় সুভীক্ষু দংক্রী

প্রহার করিয়া, বীরবর পদাতিদিগকে নিপাতিত ও গজ সকলের কৃত্ত বিদারণ করিতে লাগিল। তৎকালে শূকর ও লুন্ধকগণ রোষাক্রমে নেত্রে পরস্পর মিলিত হইয়া, ঘোর-তর সংগ্রাম আরম্ভ করিল। এবং পরস্পর আঘাত ও প্রতিঘাত করিতে লাগিল। তাহাতে লুন্ধকগণ শূকরগণ কর্তৃক এবং শূকরগণ লুন্ধকগণ কর্তৃক আহত হইয়া, প্রাণ-পরিত্যাগপূর্বক ক্ষতজোক্ত শরীরে ধরাতল আশ্রয় করিল। রাজন্ ! লুন্ধকগণ দংশিত্বাতে ও শূকরগণ বাণচক্রে নিহত হইয়া, এইরূপে পৃথিবীপৃষ্ঠে যেখানে সেখানে পতিত হইল; অধিকন্তু কোন কোন শূকর একবারেই বিনষ্ট হইল; কেহ কেহ বা ভীত হইয়া, দুর্গমধ্যে, কুঞ্জপ্রান্তরে, কন্দরান্তে, ও গুহান্তরে পলায়ন করিল। যত্র তত্র নিপতিত বাণুরা, পাশ, জল, কুটক, পঞ্জর ও নাড়ী সমূহে রণভূমি পরিপূর্ণ হইয়া উঠিল।

এই রূপে শূকর ও লুন্ধকগণ খণ্ডে খণ্ডে বিদলিত হইয়া, প্রাণত্যাগ পূর্বক স্বর্গে গমন করিল। একমাত্র বরাহ যুদ্ধার্থী ও বলদর্পিত হইয়া, শ্রিয়তমা দয়িতা ও পুত্রপঞ্চক সমভিব্যাহারে রণাঙ্গনে অবস্থিতি করিতে লাগিল। তদ-র্শনে শূকরী তাহারে সম্বোধন করিয়া কহিল, নাথ ! আর কেন ? আমরাও এই বালকদিগের সহিত এই বেলা প্রস্থান করি। তচ্ছুবণে শূকর নিতান্ত হর্ষিত হইয়া কহিল, প্রিয়ে ! রণে ভঙ্গ দিয়া কোথায় গমন করিব ? পৃথিবীতে কুত্রাপি আমার স্থান নাই। আমি পলায়ন করিলে, এই শূকরকুল বিনষ্ট হইবে। দুই সিংহের মধ্যে এক শূকর জল পান করিতে পারে; কিন্তু শূকরদ্বয়ের মধ্যে এক সিংহ

কখন সলিলপানে সমর্থ হয় না। শূরপুরুষের এইপ্রকার বলোৎকর্ষ দেখিতে পাওয়া যায়। আমি সেই জন্যই বলিতেছি, ভিক্ষা দিয়া কোথায় গমন করিব। বিশেষতঃ, বহু-মঙ্গল সাধন ধর্ম আমার পরিজ্ঞাত আছে। যে যোদ্ধা কাম, লোভ, ভয় বশতঃ রণতীর্থ পরিত্যগ করিয়া, প্রণমিত হয়, নিশ্চয়ই সে পাপাভাগী হইয়া থাকে। কিন্তু যে যোদ্ধা-পুরুষ নিখিল শস্ত্রসংঘাত সন্দর্শনপূর্বক হর্ষাবিষ্ট হয়, সে শতপুরুষের উদ্ধার ও বৈকুণ্ঠলোক লাভ করে। ফলতঃ, যে ব্যক্তি বীর, শস্ত্রসঙ্কুল সংগ্রাম তাহার অতিমাত্র প্রীতি বিধান করে। পুরুষ ঐরূপ যুদ্ধ দর্শনে হর্ষ হইয়া, তাহাতে প্রবৃত্ত হইলে, যে পুণ্যফল প্রাপ্ত হয়, শ্রবণ কর। তাহার পদে পদে ভাগীরথীসলিলে মহৎমান সমাহিত হয়। রণে ভিক্ষা দিয়া, লোভ বশতঃ গৃহে গমন করিলে, তাহার যেরূপ গতি হয়, তাহাও শ্রবণ কর। ঐরূপ ব্যক্তি মাতৃদোষ প্রকাশ করে এবং স্ত্রীজাত বলিয়া পরিকল্পিত হয়। বলিতে কি, যেখানে ষষ্ঠ, যেখানে তীর্থ, যেখানে মহোজা দেবগণ এবং যেখানে সিদ্ধ চারণ ও ঋষিগণ কৌতুক দর্শন করেন, সেই বীরপ্রকাশনেই ত্রৈলোক্য প্রতিষ্ঠিত। অতএব রণে ভিক্ষা দিলে ত্রিলোকবাসী ব্যক্তিগণ তাহা দেখিতে পায় এবং সেই নিষ্ফল পাপাত্মাকে বারংবার উপহাস করিয়া থাকে। ধর্মরাজ ও তাহার দুর্গতি দর্শন করেন, সন্দেহ নাই। ফলতঃ, যেব্যক্তি যুদ্ধে শোণিত বহন করে, তাহারই যশঃ, তাহারই সুখ, এবং তাহারই অশ্বমেধ ফল ও ইন্দ্রলোক লাভ হয়। অগ্নি বরাননে! শূরপুরুষ সময়ে শত্রুজয় করিলে, লক্ষ্মী ও বিবিধ ভোগ, এবং সম্মুখ রণে নিরাশ্রয়

হইয়া প্রাণত্যাগ করিলে, পরমলোক ও দেবকন্যা প্রাপ্ত হন। আমি এবংবিধ ধর্ম অবগত হইয়া, কিরূপে পলায়ন করিব। অতএব এই বীরবর মনুপুত্র মহারাজ ইক্ষ্বাকুর সহিত নিশ্চয়ই যুদ্ধ করিব। তুমি পুত্রদিগকে লইয়া গৃহে যাও এবং সুখে জীবন যাপন কর।

শুকরী তদীয় বাক্য শ্রবণে কহিল, নাথ ! আমি তোমার বন্ধুতা, স্নেহপূর্ণ হান্স ও রতিক্রীড়ায় নিতান্ত বদ্ধ হইয়া আছি। তোমারে কিরূপে পরিত্যাগ পূর্বক প্রস্থান করিব। অতএব এই পুত্রগণ সমভিব্যাহারে তোমার সমক্ষে প্রাণত্যাগ করিব !

রাজন্ ! পরস্পর হিতৈষিতা বশংবদ হইয়া, এই প্রকার সম্ভাষণ পূর্বক সেই শূকরদম্পতী যুদ্ধার্থ কৃত-নিশ্চয় হইল। এবং মহামতি মহাবীর কোশলপতিকে নিরীক্ষণ করিতে লাগিল। বর্ষানমাগমে জলধর যেরূপ বিদ্যুদ্বিকাশ সহকারে ঘোর গভীর গর্জন করে, শূকর-রাজও সেইরূপ প্রিয়তমা সমভিব্যাহারে গর্জন করিয়া, খুরাণে দ্বারা রাজাকে আহ্বান করিতে লাগিল। নর-পতি পরমপুরুষার্থ স্বরূপ বরাহকে একাকী গর্জন করিতে দেখিয়া, সংগ্রামজৈত্র বেগ ধারণ পূর্বক নিরতি-শয় সুখী হইলেন।

## পঞ্চচত্রিংশ অধ্যায় ।

সুকলা কহিল, রণদুর্ধর দুঃসহ বরাহ স্বীয় দুর্ধর  
নৈশ্চিগকে জয় করিল দেখিয়া, মহীপতি নিতান্ত  
রোষাবিষ্ট হইলেন এবং কালানল সদৃশ বাণ ও শরা-  
সন গ্রহণ করিয়া, অশ্বারোহণে ধরাতল সমুল্লেক্ষনপূর্বক  
বেগভরে তদীয় সম্মুখে অধিষ্ঠান করিলেন । শূকরযুথ-  
পতিও সেই অনন্তবলপৌরুষ মহীপতিকে অশ্বারূঢ় দেখিবা-  
মাত্র তাঁহার সম্মুখীন হইল । এবং রোষভরে খুরাশ্র  
দ্বারা ভূমিতল বিদৌর্ণ করিয়া, স্বীয় বলে গর্জন করিতে  
লাগিল । অনন্তর নরপতির নিখিল শরে আহত হইয়া,  
সহসা তদীয় অশ্বের পদতলে প্রবিষ্ট হইল । তদর্শনে  
সেই পরম বেগগামী অশ্ব তাহারে লঙ্ঘন করিয়া,  
সুবিপুল বেগভরে বিচরণ করিতে লাগিল । নরপতিও  
তাহারে নিশিত খড়্গের আঘাত করিতে লাগিলেন ।  
তথাপি সে বিমুগ্ধ হইল না । প্রত্যুত বেগভরে চরণ  
প্রহার পূর্বক তদীয় বল নিহত এবং তুণ্ড দ্বারা  
আঘাত করত অশ্বকে ধরাতলে নিপাতিত করিল ।  
অনন্তর মনুপুত্রের নিশিত শরবরে বারংবার আহত  
হইয়া, বেগ খর্বীকৃত হইলে, সেই শূকরযুথপতি  
পৌরুষ তেজে সমুন্নত হইয়া, গর্জন আরম্ভ করিল ।  
এইরূপে অশ্ব, রথ হত ও পতিত হইলে, সে নৃপতির



নীড়মধ্যে সমাগত ও তথায় ক্ষুরিকাণ্ডে আহত হইয়া, সহসা মূর্ছিত ও পতিত হইল। কিন্তু পুনরায় উত্থান পূর্বক যুদ্ধে প্রবৃত্ত হইল। তৎকালে শোণিত প্রবাহে রোমরাজি অরুণায়িত হওয়াতে, তাহার মূর্তি অতিশয় বিকৃত হইয়া উঠিল। তথাপি সে নিবৃত্ত হইল না। প্রত্যুত যুদ্ধবাসনায় নরপতির সম্মুখীন হইয়া, মহা-মেঘের ন্যায়, গম্ভীর গর্জন এবং রথনীড়গত কোশল-পতিকে তুণ্ড দ্বারা আঘাত করিতে লাগিল। তদর্শনে মনুনন্দন গদা গ্রহণপূর্বক তাহারে আহত করিলেন। সে তৎক্ষণাৎ গিরিমধ্যে নিপতিত হইল এবং প্রাণ পরিত্যাগ করিয়া বৈকুণ্ঠে গমন করিলেন।

এইরূপে শূকররাজ ঘোরতর যুদ্ধ করিয়া, অবশেষে হত ও গতাসু হইয়া, ধরাতল আশ্রয় করিলে, দেবগণ পরম পরিতুষ্ট হইয়া, তাহার উপরি মনোহর কুমুদ ও সস্তানক মৌরুভ এবং কুম্ভুম ও চন্দন স্নিগ্ধি আরম্ভ করিলেন। তৎকালে সেই শূকররাজ দিব্যরূপ চতুর্ভুজ ধারণ করিয়া, দিব্য অম্বরভূষণে বিভূষিত হইয়া, স্বীয় তেজঃপ্রভাবে নরপতিসমক্ষে দিবাকরের ন্যায়, প্রতিভাত হইল। অনন্তর সুররাজ ও সিংগণে পূজ্যমান হইয়া দিব্যস্থানে আরোহণপূর্বক দিব্যালোকে গমন করিল। তথায় আপনার পূর্বদেহ প্রাপ্ত ও পুনরায় গন্ধর্বগণের অধিরাজ হইল।

## ষট্চত্বারিংশ অধ্যায়

শুকলা কহিল, অনন্তর সুরকবল দারুণ শূল ও ভয়ঙ্কর পাশ গ্রহণ করিয়া, শূকরীর প্রতি ধাবমান হইল। শূকরী কুটুম্বসহিত স্বামীকে সমরে প্রাণত্যাগ করিতে দেখিয়া বালক পুত্রদিগকে দূরে লইয়া গিয়া, শোকসন্তপ্ত হৃদয়ে নিতান্ত হুঃখিত হইয়া কহিল, মনীয় মহাত্মা ভর্তা। বৈরকর্ম প্রভাবে ঋষি দেবগণের পূজিত হইয়া, স্বর্গে গমন করিলেন। আমিও বীরব্রত অবলম্বন পূর্বক, তদীয় অধিষ্ঠিত প্রদেশে গমন করিব। এইরূপ কৃতনিশ্চয় হইয়া, পুত্রদিগের প্রতি চিন্তা করত কহিল, এই বংশধর পুত্রচতুষ্টয় যাবৎ জীবিত থাকিবে, তাবৎ সেই মহাত্মা মহাবল শূকর জীবিত বলিয়া পরিগণিত হইবেন। বেহেতু, আত্মাই পুত্র রূপে জন্ম গ্রহণ করে। এক্ষণে কি উপায়ে পুত্রদিগের রক্ষা করিব। এই প্রকার চিন্তাপরায়ণা হইয়া, পরম প্রকাশসম্পন্ন সুবিস্তীর্ণ গিরি-সঙ্কট দর্শনপূর্বক, পুত্রগণ সমভিব্যাহারে তথায় গমন করিল। এবং অতিমাত্র মোহিত হইয়া তাহাদিগকে কহিল, বৎসগণ! আমি যাবৎ অবস্থিতি করি, তাবৎ তোমরা গমন কর।

তাহাদের জ্যেষ্ঠ কহিল, মাতাকে ত্যাগ করিয়া,

সামান্য জীবিতলোকে কি রূপে গমন করিব? একুণ্ড  
জীবনে ধিক্! অতএব আমি রণে শত্রুকুল সংহার  
করিয়া, পিতার ঋণ পরিশোধ করিব। তুমি আমার  
এই কনীয়ান্ ভ্রাতা ও স্ত্রীদিগকে গ্রহণ করিয়া, কন্দরে  
গমন কর। যে ব্যক্তি মাতাপিতাকে ত্যাগ করিয়া,  
প্রস্থান করে, সেই পাপাত্মা কুমিকোটসমাকুল কুমি-  
ষোনিপ্রাপ্ত হয়।

শূকরী অতিমাত্র হুঃখিত হইয়া কহিল, বৎস! আমিই  
বা তোমারে ত্যাগ করিয়া, কি রূপে গমন করিব। আমি  
ষার পর নাই পাপকারিণী। যাহা হউক, এই পুত্রত্রয়  
গমন করুক। এই বলিয়া উভয়ে সেই তিন জনকে পুরো-  
বর্তী করিয়া, সকলের সমক্ষে দুর্গ মার্গে প্রস্থান করিল।  
এবং তেজ ও বলে বারংবার গর্জন করিতে লাগিল।

লুদ্ধকগণ তদর্শনে মহারাজগোচরে নিবেদন করিল,  
রাজন্! তিন জন দুর্গমার্গে প্রেরিত হইয়াছে। এক্ষণে  
জননী ও পুত্র উভয়ে স্বীয় পথ বুঝিয়া, অবস্থিতি করি-  
তেছে। এই বলিয়া তাহারা খড়্গ, বাণ ও ধনু ধারণ পূর্বক  
তাহাদের অনুসরণ এবং স্ত্রীস্ক চক্র, তোমর ও যুধল  
সহায়ে আঘাত আরম্ভ করিল। তাহাতে পুত্র মাতাকে পৃষ্ঠ-  
বর্তিনী করিয়া, শনৈঃ শনৈঃ যুদ্ধে প্রবৃত্ত হইল এবং কাহাকে  
দংষ্ট্রাঘাতে নিহত, কাহাকে তুণ্ডাঘাতে পাতিত, কাহাকে  
ধুরপ্রহারে সংহার করিয়া ফেলিল। শূর লুদ্ধকগণ  
ইতস্ততঃ পতিত হইতে লাগিল। অনন্তর সেই মহাবল  
শূকর পরম হ্রষ্ট হইয়া, পিতার পূর্বনিদেশ অনুসারে নর-  
পতির সম্মুখে গমন ও তাহার সহিত যুদ্ধ আরম্ভ করিল।

তদর্শনে মহাতেজা মনুন্দন বাণপানি ও ক্লতোদ্যম হইয়া, অর্দ্ধচন্দ্রাকারী নিশিত শরে বিদ্ধ করিলে তৎক্ষণাৎ সে মৃত ও ভূমিতলে পতিত হইল ।

ঐ সময়ে দারুণ পুত্রমোহে অভিভূত হইয়া, শূকরী স্বয়ং যুদ্ধে প্রবৃত্ত হইল এবং তুণ্ডাঘাতে লুক্কদিগকে নিহত করিতে আরম্ভ করিল । তাহাতে কেহ কেহ ধরাতলে পতিত, কেহ পলায়িত ও কেহ কেহ উপরত হইল । তদনন্তর শূকরী মাহাত্ম্যবিধায়িনী কৃত্যার ন্যায়, দংষ্ট্রার আঘাত পূর্বক সৈন্যদিগকে মর্দন করিতে লাগিল । তদর্শনে দেবরাজনন্দিনী সুশ্রবা রাজাকে সম্বোধন করিয়া কহিলেন, নাথ ! এই শূকরী আপনার সকল সৈন্যই সংহার করিল । আপনি কি জন্ম উপেক্ষা করিতেছেন, বলুন । রাজা কহিলেন আমি স্ত্রীহত্যাপাতকে লিপ্ত হইতে অভিলাষী নহি । যেহেতু, দৈবতগণ স্ত্রীবধে মহান্ দোষ নির্দেশ করিয়াছেন ; সেই হেতু ইহারে বধ করিব না । কোন রূপে প্রেষণা করিব । সুন্দরি ! আমি ইহার বধনিমিত্ত পাপে নিতান্ত ভীত হইয়াছি । এই বলিয়া তিনি বিরক্ত হইলেন

এদিকে ঝর্ঝর নামক লুক্কক শূকরীকে সৈনিকগণের সুহৃৎসহ সংহারে প্রবৃত্ত দেখিয়া, সুবেগবিশিষ্ট নিশিত বাণে বিদ্ধ করিল । সে বাণবিদ্ধ হইয়া, শোণিতধারায় পরিপ্লত ও সাতিশয় শোভয়ানা হইল এবং সহসা ধরাতল আশ্রয় করিল । অনন্তর উথান পূর্বক তুণ্ড দ্বারা ঝর্ঝরকে নিহত করিল । ঝর্ঝরও সেই হতপাতিত অবস্থায় দারুণ খড়া গ্রহণ করিল । তাহাতে শূকরী নিচলীকৃত হইয়া, বিপুল

নিশ্বাস পরিত্যাগ এবং মুচ্ছান্বিত ও নিরতিশয় ক্রেশাবিষ্ট হইয়া, ধরাভলে লুণ্ঠন করিতে লাগিল।

## সপ্তচত্বারিংশ অধ্যায়

সুকলা কহিল, পুত্রবৎসলা শূকরীকে তদবস্থ দর্শন করিয়া সুশ্রবা অতিশয় করুণাবিষ্ট হইলেন এবং তৎক্ষণাৎ তদীয় সকাশে গমন করিয়া, সেই রণশোভিনীর মুখে ও সর্ব্বাঙ্গে শীতল সলিল সেক করিতে লাগিলেন। কহিলেন, ভদ্রে ! সমাশ্বস্ত হও এবং ক্ষণকাল জীবন ধারণ কর।

শূকরী সুশ্রবর মানুষ বাক্য প্রয়োগ করিয়া কহিল, দেবি ! আপনার কল্যাণ হউক। যেহেতু, আপনি আমারে অভিষিক্ত করিলেন এবং আপনার দর্শন ও সম্পর্কবশতঃ অদ্য আমার সমস্ত পাতক বিনাশিত হইল।

সুশ্রবা সেই অদ্ভুতাকার মহদ্বাক্য শ্রবণ করিয়া কহিলে, অদ্য আশ্চর্য্য দর্শন করিলাম। তুমি মানুষী বাণী প্রয়োগ করিতেছ। বলিতে কি, তুমি পশুজাত। তথাপি তোমার বাক্য স্পষ্ট ও সৌষ্ঠবাবিষ্ট এবং স্বরব্যঞ্জন সংযুক্ত ও অতিশয় সংস্কারসম্পন্ন। এই বলিয়া তিনি হর্ব-বিস্ময়ে অভিভূত হইয়া, সাহস সহকারে স্বামীকে সন্োধন করিয়া কহিলেন, মহারাজ ! অবলোকন করুন, শূকরী

পশুঘোনি হইয়াও, মানুষের ন্যায়, জন্মান্তরীণ সংস্কার বলে পরম সংস্কৃত বাক্য প্রয়োগ করিতেছে ।

জ্ঞানবানগণের অগ্ৰগণ্য মহারাজ মনুন্দন শ্রবণ করিয়া কহিলেন, আমি কখন এরূপ অত্যাশ্চর্য্য বা অদ্ভুত-প্রকার ঘটনা শ্রবণ বা দর্শন করি নাই। অনন্তর তিনি প্রিয়তমা সুশ্রবাকে পুনরায় কহিলেন, শুভে! তুমি ঐ কল্যাণীকে জিজ্ঞাসা কর, ও কে ?

সুশ্রবা নরপতিবাক্যে শূকরীকে জিজ্ঞাসা করিলেন, ভদ্রে ! তুমি কে ? তোমায় অতিশয় আশ্চর্য্য দেখিতেছি । পশুঘোনি হইয়াও, তুমি মানুষ্য বাক্য প্রয়োগ করিতেছ । তোমার এই বাক্য সৌষ্ঠবও জ্ঞানসম্পন্ন । স্বীয় পূর্ব চেষ্টিত নির্দেশ কর এবং তোমার এই মহাভট মহাত্মা ভর্তাই বা কে, তাহাও কীর্তন কর । এই মহাবীৰ্য্য পূর্বে কে ছিলেন, যে, স্বীয় পরাক্রমে স্বর্গে গমন করিলেন । কলতঃ, আপনার ও স্বামীর পূর্বানুচরিত সমস্ত কীর্তন কর । মহাভাগা সুশ্রবা এই বলিয়া বিরত হইলেন ।

শূকরী কহিল, ভদ্রে ! আপনি যখন জিজ্ঞাসা করিতে-হেন, আমার ও এই মহাত্মার সমুদায় পূর্বচরিত কীর্তন করিব । আমার স্বামী এই মহাপ্রাজ্ঞ পূর্বজন্মে রজ্জবিদ্যা-ধরনামধেয় গন্ধর্ষ ছিলেন । ইনি অতিশয় গাতপণ্ডিত ও সমুদায় শাস্ত্রার্থের বিশেষজ্ঞ । তৎকালে মুনিসত্তম মহাভেজা পুলষ্ঠ্য চারুকন্দরবিরাজিত মনোহর নিব্বোধিত গিরিবরশ্রেষ্ঠ মেরুপর্ষত আশ্রয় করিয়া, নির্য্যালীক চিত্তে তপশ্চর্য্যায় প্রবৃত্ত হইয়াছিলেন । একদা রজ্জবিদ্যাধর স্বেচ্ছাক্রমে তথায় সমাগত হইয়া, রুকশাখা আশ্রয় করিয়া

স্বরতালসমম্বিত সুস্বর সঙ্গীত আরম্ভ করিল। গীত শ্রবণে মুনির মন ধ্যান হইতে বিচলিত হইয়া গেল। তাহাতে তিনি সেই গানপরায়ণ বিদ্যাধরকে কহিলেন, তোমার এই দিব্য সঙ্গীতে দেবগণও মোহিত হইয়া থাকেন, সন্দেহ নাই। সুত্রত! অদ্য তোমার এই সুস্বর সুপবিত্র তালমানলয় ও মুচ্ছনা সহিত ভাবময় গীতপ্রভাবে আমারও মন ধ্যান হইতে বিচলিত হইয়াছে। অতএব তুমি এই স্থান পরিত্যাগ করিয়া, অন্যত্র প্রস্থান কর।

বিদ্যাধর কহিল, আমি এখানে আত্মজ্ঞানানুরূপিণী বিদ্যা সাধন করিতেছি। স্বর্গলোকে কেহ কখন আমা দ্বারা কিছুমাত্র ক্রোশিত হয় নাই। দেবতামাত্রই মদীয় দিব্য সঙ্গীতে সন্তুষ্ট হইয়া থাকেন। স্বয়ং মহাদেবও গীতমানে আকৃষ্ট হইয়াছেন। একমাত্র গীতই সর্বরস এবং একমাত্র গীতই আনন্দ বিধান করে। শৃঙ্গারাদি সমুদয় রস, সমুদায় শাস্ত্র ও সমুদায় বেদ এই গীতেই প্রতিষ্ঠিত এবং সুশোভিত হয়। সমুদায় দেবতাও গীতে সন্তুষ্ট হইয়া থাকেন, সন্দেহ নাই। আপনিই কেবল আমারে বারণ করিয়া, ইহার নিন্দা করিতেছেন। ইহা আপনার ষার পর নাই অন্যায়।

পুলস্ত্য কহিলেন, তুমি সত্য বলিয়াছ, গীত বহুপুণ্য বিধান করে। তথাপি অভিমান ত্যাগ করিয়া, মদীয় বাক্যে কর্ণপাত কর। আমি গানের নিন্দা বা তাহার অন্যথাবাদ প্রয়োগ করিতেছি না। কিন্তু মন নিশ্চল না হইলে, চতুর্দশ বিদ্যাও কখন একতঃ মঙ্গল বিধানে সমর্থ অথবা প্রাণগণের সিদ্ধি সম্পন্ন হয় না। অপিচ, একচিত্ততাই

তপস্যা ও মন্ত্র সিদ্ধির একমাত্র সাধন । মনের স্বভাবই  
 এই, এ কারণে না হইলে, আত্মাকে ধ্যান হইতে বিষয়রূপে  
 চালিত করিয়া থাকে । এই জন্য, যেখানে শব্দ, রূপ ও  
 যুবতীসঙ্গের নাম মাত্র নাই, ঋষিগণ তপঃসিদ্ধির অভিলাষে  
 তাদৃশ স্থানে গমন করেন । তোমার এই গীত অতিশয়  
 মনোহর ও নিরতিশয় সুখপ্রদান করে । ফলতঃ, ঋষিগণ  
 অরণ্য আশ্রয় করিয়াই, তপশ্চর্যায় প্রবৃত্ত হইলেন । অত-  
 এব তুমি অন্যত্র প্রস্থান কর । নতুবা আমাকে গমন  
 করিতে হইবে ।

বিদ্যাধর কহিল, যিনি বিষয় সুখের সম্পর্ক সত্ত্বেও  
 আত্মাকে প্রকৃত পথে যোজিত করেন, তিনিই তপস্বী,  
 তিনিই ধীর এবং তিনিই যোগী বলিয়া পরিগণিত হইলেন ।  
 যিনি শব্দ শ্রবণ ও রূপ দর্শন করিয়াও, ধ্যানযোগ হইতে  
 বিচলিত না হইলেন, তিনিই ধীর ও পরম তপস্বী । আপনি  
 তেজোহীন ও ইন্দ্রিয়গণের আয়তীকৃত । আপনার কিছু-  
 মাত্রই সামর্থ্য নাই । বীর্যহীন পুরুষগণই বন পরিত্যাগ  
 করিয়া থাকে । সে যাহা হউক, এই পর্বত যেরূপ দেব-  
 গণের, সেই রূপ সমুদায় জীবগণের ; তোমার ও আমার  
 সকলেরই ইহাতে সমান অধিকার । তবে আমি কেন এই  
 অমূল্য অরণ্য ত্যাগ করিয়া যাইব । অতএব তোমার  
 যেরূপ অভিক্রুচি, তদনুসারে তুমি অন্যত্র গমন বা এই  
 স্থানেই আধিষ্ঠান কর । গীতবিদ্যাধর তাঁহারে এই রূপ  
 সম্ভাষণ করিয়া, পূর্ববৎ গানে প্রবৃত্ত হইল ।

মুনিমণ্ডম মেধাবী পুলস্ত্য তদন্ত উত্তর শ্রবণ করিয়া  
 চিন্তা করিলেন, যে কোন উপায়ে ইহার প্রতি বিধান



করা কর্তব্য। এই ভাবিয়া তাহারে মার্জ্জনা পূৰ্বক অন্ত্র  
প্রস্থান করিলেন। এবং তথায় যোগাসন বন্ধন, কাম,  
ক্রোধ, লোভ, মোহ বিসর্জন ও সবিশেষ পর্যালোচনা  
সহকারে ইন্দ্রিয়দিগকে বিষর হইতে আবর্জন করিয়া, তপ-  
শ্চর্যায় প্রবৃত্ত হইলেন। তৎকালে সেই মুনিপুঙ্গব এই  
রূপে অবস্থিতি করিলেন।

এদিকে ঋষিসত্তম পুলস্ত্য প্রস্থান করিলে, বিদ্যাধর  
চিন্তা করিল, ইনি আমার ভয়বশতই পলায়ন করিলেন।  
যাহা হউক, কোথায় গেলেন, কোথায় আছেন এবং কিরূ-  
পই বা অনুষ্ঠান করিতেছেন, দেখিতে হইবে। এই রূপ  
চিন্তানন্তর বরাহরূপ ধারণ করিয়া, তদীয় আশ্রমপদে  
গমন করিল। দেখিল, তিনি আসন বন্ধন করিয়া, সমা-  
ধিস্থ হইয়াছেন এবং তেজঃশিখায় প্রজ্বলিত হইতেছেন।  
তদর্শনে তদীয় কোভোৎপাদনে প্রবৃত্ত হইল। এবং অসৎ  
চেষ্টার বশব্দ হইয়া, তুণ্ডাগ্র দ্বারা তাঁহারে তর্জনা  
করিতে লাগিল। কিন্তু তিনি পশু ভাবিয়া, তাহার দুশ্চে-  
ষ্টিত ক্ষমা করিলেন। বিদ্যাধর তাহাতে ও বিনিবৃত্ত না হইয়া,  
তাঁহার অগ্রে গিয়া, যুত্রপুরীষ বিসর্জন এবং নৃত্য ও  
ক্রীড়া করিয়া, পতিত ও ধাবিত হইতে লাগিল। মুনি-  
সত্তম পুলস্ত্য পশু ভাবিয়া, তাহাও মার্জ্জনা করিলেন।

অনন্তর একদা পুনরায় সেই বরাহ রূপে সমাগত  
হইয়া, কখন অট্টহাস্য, কখন হাস্য, কখন রোদন ও কখন  
সুস্বর সঙ্গীত সহকারে তাঁহারে চালনা করিতে আরম্ভ  
করিল। তদর্শনে তিনি চিন্তাপরায়ণ হইলেন এবং তখনই  
বুঝিতে পারিলেন, এ শূকর নহে! দুরাচার বিদ্যাধর

পুনরায় আমারে চালনা করিতেছে । কিন্তু আমি পশুবোধে এই পাপাত্মারে পরিহার করিয়াছি । এই রূপ অবগত হইয়া, মহামতি মুনিশার্দূল নিতান্ত রোষাবিষ্ট হইলেন, এবং তাহারে বক্ষ্যমাণ বাক্যে শাপ দিয়া কহিলেন, অস্মি মহাপাপ ! যেহেতু তুমি শূকররূপে আমারে চালনা করিতেছ, সেই হেতু পাপময় শূকরযোনি প্রাপ্ত হইবে । তখন নে অভিশপ্ত হইয়া, পুরন্দর সমীপে সমাগত হইল এবং কামান দেহে সেই মহাত্মারে নিবেদন করিল, সহস্রাঙ্ক মুনিপুঙ্গব পুলস্ত্য দারুণ তপস্যায় প্রবৃত্ত হইয়াছিলেন । তাহাতে আমি সেই তপঃপ্রভাবস্থ ঋষিরে চালিত ও ক্ষোভিত করিয়াছিলাম । এই রূপে আমি অপনার কার্য্য আধন করিয়াছি । কিন্তু তিনি শাপ প্রদান করিয়া, আমার দেবরূপ বিনষ্ট করিয়াছেন । এক্ষণে আমি পশুযোনিতে পতিত, আমারে রক্ষা করুন ।


দেবরাজ এই বৃত্তান্ত অবগত হইয়া, তাহার সমভিব্যাহারে গমন পূৰ্ব্বক ঋষিরাজ পুলস্ত্যকে কহিলেন, দ্বিজোত্তম ! আপনি ঋত্বিক, অমুগ্রহপূৰ্ব্বক ইহার অনুষ্ঠিত পাপ ক্ষমা করিতে হইবে ।

পুলস্ত্য কহিলেন দেবরাজ ! আমি তোমার বাক্যে অতিমাত্র সন্তুষ্ট হইলাম । ইক্ষ্বাকু নামে সৰ্বশাস্ত্রার্থপারগ পরম ধার্ম্মিক মহাবল মনুনন্দন মহারাজ হইবেন । এই বিদ্যাধর তদীয় হস্তে নিহত হইয়া, পুনরায় পূৰ্ব স্বরূপ প্রাপ্ত হইবে, সন্দেহ নাই ।

দেবি ! আপনার নিকট সৰ্ববৃত্তান্ত কীর্তন করিলাম । এক্ষণে আশ্বরূতান্ত নিবেদিতেছি, পতির সহিত শ্রবণ

করুন। আমি পূর্নজন্মে গুরুতর পাতক অনুষ্ঠান করিয়া  
ছিলাম।

## অষ্টচত্বারিংশ অধ্যায়।



সুকলা কহিল, চারুমর্কাদ্বী সুশ্রবা শূকরীকে সংশোধন করিয়া কহিলেন, শুভ ! তুমি পশুযোনি প্রাপ্ত হইয়াও, কি রূপে সংস্কৃত বাক্য প্রয়োগ করিতেছ, তোমার এবং বিধ মহাজ্ঞান কি রূপে সমুদ্ভূত হইল এবং কি রূপে বা ভক্তার ও আপনার পূর্নজন্মান্ত অবগত হইলে ?

শূকরী কহিল, দেবী ! মদীয় পুত্রপৌত্রগণ যুদ্ধ করিয়া, সংগ্রামে পতিত হইলে, আমার জ্ঞান বিনষ্ট হয়। বিশেষতঃ, পশুভাবমূলভ মোহে আমি স্বভাবতঃ আচ্ছন্ন। তাহাতে আবার খড়াবাণে আহত ও যত্নকবলে নিপতিত হইয়া, বৈক্লব বশতঃ আরও হতজ্ঞান হইয়াছিল। আপনি পবিত্র হস্তসলিলে আমারে অভিষিক্ত করিলেন। এই রূপে ভবদীয় হস্ত বিনিঃসৃত সুশীতল পুণ্যসলিলে সর্বাঙ্গ সিক্ত হওয়াতে, আমার সমুদায় মোহ তিরোহিত হইল। যেরূপ দিবাকরতেজে অন্ধকাররাশি বিনষ্ট হয়, তদ্রূপ আপনার অভিষেক বশতঃ আমার সমুদায় পাতকও নিরস্ত হইয়াছে। এক্ষণে স্বকীয় পূর্নজন্মান্ত এবং পাপীন্সী আমি

যে বহুতর হুকুম অঙ্গীকার করিয়াছি, বলিতেছি, শ্রবণ করুন।

কলিঙ্গনামক পবিত্র জনপদে শ্রীপুরনামক পত্তন আছে।  
ঐ শ্রীপুর সর্বাঙ্গিসম্পন্ন ও বর্ণচতুষ্টয়ে অধিষ্ঠিত।  
তথায় বসুদত্ত নামে দ্বিজরাজ বাস করিতেন। তিনি নিত্য  
ব্রহ্মচারবিশিষ্ট, সত্যধর্ম্যে ঐকান্তিক নিষ্ঠাসম্পন্ন, বেদ-  
বিদ্বান্, জ্ঞানবান্, পরম পবিত্রতা ও বিবিধ গুণের আধার  
এবং অতিশয় তেজস্বী, ধনধান্যসম্পন্ন ও পুত্রপৌত্রে  
অলঙ্কৃত। আমি তাঁহারই কন্যা। শৃঙ্গার, অলঙ্কার,  
সৌন্দর্য অম্বয় অথবা বান্ধব আমার এ সকলের অভাব  
ছিল না। আমার জননী মুন্দরী। আমি রূপে মনোহরী,  
হইয়া, তাদৃশী সাধ্বী জননী ও তাদৃশ মহাত্মা জনক হইতে,  
সংসারে জন্মগ্রহণ করিয়াছিলাম। এবং যেরূপ রূপ,  
সেইরূপ সর্বাঙ্গকারে ভূষিত ও রূপযৌবনগর্বে মত্ত  
হইয়া, কালযাপন করিতাম। আমারে দর্শন করিয়া,  
স্বজনবান্ধব ও অন্যান্য সকলেই বিবাহ জন্য যাচঞা করিত।  
কিন্তু পিতা আমার স্নেহ ও মোহ বশতঃ কাহারেও প্রদান  
করেন নাই। ক্রমে আমি যৌবনসীমায় পদার্পণ করিলে,  
মাতা আমার যৌবনসমৃদ্ধ রূপ সন্দর্শনে সাতিশয় দুঃখিত  
হইয়া, পিতাকে কহিলেন, তুমি কি জন্য কন্যা দান করি-  
তেছ না? যাহা হউক, সম্প্রতি কোন মহাত্মা ব্রাহ্মণকে  
সম্প্রদান কর। দ্বিজশ্রেষ্ঠ বসুদত্ত কহিলেন, মহাভাগে! শ্রবণ  
কর। আমি অতিমাত্র কন্যামোহে মুগ্ধ হইয়াছি। যে ব্রাহ্মণ  
আমার গৃহস্থ হইবেন, তাঁহারেই জামাতা ও কন্যাদান করিব,  
সন্দেহ নাই। পিতা আমার জন্য এই প্রকার কহিলেন।

এই সময়ে কৌশিকবংশে সমুদ্ভূত, সমুদায় ব্রাহ্মণ-  
 গুণে অলঙ্কৃত, বেদাধ্যয়নবিশিষ্ট, শীল ও গুণসম্পন্ন,  
 সর্ববিদ্যাবিদ্যারদ, সুস্বর পাঠনিপুণ, পিতৃমাতৃবিহীন,  
 কোন শুচিয়ান্ ব্রাহ্মণ ভিক্ষাভিলাষে স্বারদেশে সমাগত  
 হইলেন। পিতা সেই রূপবান্ মহামতি ব্রাহ্মণকে দর্শন  
 করিয়া, জিজ্ঞাসিলেন, আপনি কে, আপনার নাম কি,  
 কুল কি, গোত্র কি এবং আচার কি, বলুন। তিনি শ্রবণ  
 করিয়া কহিলেন, আমি কৌশিকবংশে জন্মগ্রহণ ও সমু-  
 দায় বেদবেদান্তে পারদর্শিতা লাভ করিয়াছি। আমার  
 নাম শিবশর্মা। আমার পিতামাতা কেহই নাই। কেবল  
 চারি ভাই বর্তমান আছেন। তাঁহারা সকলেই বেদপারগ।  
 এই রূপে তিনি আপনার কুল, গোত্র ও আচার প্রভৃতি  
 বর্ণন করিলেন।

অনন্তর শুভলগ্নে শুভতিথিতে ও ভগদৈবত নক্ষত্রে  
 পিতা তদীয় হস্তে আমারে সম্প্রদান করিলেন। আমি  
 সেই মহাত্মার সহিত পিতৃগেহেই বাস করিতে লাগিলাম।  
 কিন্তু পাপকারিণী আমি পিতৃবিভবে ও তজ্জন্য গর্বে  
 নিতান্ত মোহিত হইয়া, রতিভাব, স্নেহ বা বাক্য মাতেও  
 কখন তাঁহার শুশ্রূষা করিতাম না। সর্বথা পাপপথে  
 প্রযত্ন হইয়া, ক্রুর বুদ্ধিতে তাঁহারে অবললোকন করিতাম।  
 ক্রমে ক্রমে পুংশ্চলীগণের সঙ্কবশতঃ তাহাদের স্বভাব  
 দোষে আক্রান্ত হইলাম। মাতা, পিতা ও ভ্রাতৃগণ নানা-  
 প্রকার শিক্ষা দিলেও, তাহার অনুসরণ করিতাম না।  
 যেখানে সেখানে গমন করিতাম। মদীয় ভর্তা শিবশর্মা  
 এইপ্রকার পাপাচার দর্শনেও, শ্বশুরকুলের স্নেহবশতঃ

কিছুই বলিতেন না। অল্পান বদনে আমার দুর্ভাগ্য ও দুঃখচারিত্র মার্জনা করিতেন। এবং আত্মীয়গণ, ও কিছুই না বলিয়া, নানাপ্রকারে আমাকে প্রতিবেদন করিতেন।

পিতা, মাতা ও অন্যান্য স্বজনবর্গ শিবশর্ম্মার সাধু-চারিত্র দর্শন পূর্ব্বক, আমার এই কুৎসিত ব্যাপারে অতি-মাত্র দুঃখিত হইয়া উঠিলেন। স্বামী আর সহ করিতে না পারিয়া, সেই গ্রাম ও দেশ পর্য্যন্ত পরিহার করিয়া, শ্বশুরগৃহ হইতে বহির্গত হইলেন। তিনি প্রস্থান করিলে, পিতা, সাতিশয় চিন্তিত ও আমার দুঃখে দুঃখার্ত হইয়া, রোগাভিভূতের ন্যায় নিতান্ত ব্যাকুল হইয়া পড়িলেন। তদর্শনে মাতা তাঁহারে সস্ত্রাষণপূর্ব্বক কহিলেন, নাথ! কি জন্ম চিন্তা করিতেছেন? আপনার দুঃখ কি, বলুন। বস্তুদত্ত কহিলেন, শ্রিয়ে! জামাতা কন্যাকে পরিত্যাগ করিয়া গিয়াছেন। তোমার এই কন্যা অতিমাত্র পাপ-কারিণী, ইহার অণুমাত্র ঘৃণা নাই। পাপীয়সীই মহামতি শিবশর্ম্মাকে ত্যাগ করিয়াছে। তিনি ইহারে কিছুই বলিতেন না। এবং কখন নিন্দা বা কুৎসা করিতেন না। সর্ব্বদাই সৌম্যভাবে আলাপ করিতেন। যেহেতু, তিনি পণ্ডিত ও বুদ্ধিমান। এক্ষণে এই কুলনাশিনীকে লইয়া কি করিব। অতএব এই যুহুর্ভেই এই ব্রহ্মাচারবিনাশিনী কন্যাকে পরিত্যাগ করিব।

ব্রাহ্মণী কহিলেন, নাথ! আজি আপনি কন্যার গুণ-দূষণ জানিতে পারিলেন। দুহিতা আপনারই স্নেহ ও যোহে বিনষ্ট হইয়াছে। যাবৎ পঞ্চমবর্ষে উপনীত না হয়, তাবৎ পুত্রের লালন করিবে। অনন্তর শিকারুদ্ধির অনুসরণ

ক্রমে স্নানাদি আচ্ছাদন, ভক্ষ্য, ভোজ্য ও পেষ প্রদান পূর্বক গুণে ও সদ্বিদ্যার যোজনা করিবে, তাহাতে পুণ্য-লাভের সম্ভাবনা। ঐরূপ গুণশিক্ষার্থ পিতা সর্বদা নির্যোহ হইবেন। যেহেতু, পালন ও পোষণে অতিমাত্র মোহ উপস্থিত হয় এবং পুত্রও অধাৰ্মিক ও উত্তরোত্তর কুৎসাপন্ন হইয়া, দিন দিন কাঠিন্যবাদসহকারে নিপীড়িত করিয়া থাকে। কিন্তু সদ্বিদ্যা ও জ্ঞান তৎপর হইলে, অভিমান ও ছলক্রমেও পাপপথে প্রবৃত্ত হয় না। এবং দিন দিন বিদ্যা ও গুণ নিপুণ হইয়া, বিপুল সিদ্ধি লাভ করে। এই রূপে মাতা কন্যার ও স্নুসার, গুরু শিষ্যের, স্বামী স্ত্রীর, মন্ত্রী রাজার, বীর অশ্বের ও গজাক্রুড় গজের লালন ও পালন করিবে। কলতঃ শিক্ষাবুদ্ধিতে লালন ও পালন করিলেই সিদ্ধি লাভ হইয়া থাকে। অন্যথা হইলে, অন্যথাপত্তির সম্ভাবনা। বলিতে কি, আপনিই কন্যাকে সর্বথা বিনাশিত করিয়াছেন। আপনি ও শিবশর্মা উভয়েই সুভ্রাক্ষণ; কিন্তু আপনাদের সহিত গৃহের নিরঙ্কুশ অবস্থান করিয়াই, মদীয় কন্যা নষ্ট হইয়া গিয়াছে। নাথ! শ্রবণ করুন। যাবৎ অষ্ট বর্ষ কন্যাকে গৃহে রাখিবে। ইহার উর্দ্ধ ধারণা করিবে না। পুত্রী পিতৃগৃহে থাকিয়া যে পাপ করে, পিতা মাতা উভয়কেই সেই পাপ স্পর্শ করে, সন্দেহ নাই। সেই জন্য সময় হইলে, কন্যাকে নিজমন্দিরে রাখিতে নাই। যাহারে দান করা হইয়াছে, তাহার গৃহে পাঠাইয়া দিবে। সেখানে থাকিবে, তত্ত্বিপূর্বক গুণবান্ পতির সাধনা সম্পন্ন হইতে পারে। তাহাতে পিতৃকুল কলঙ্কিত এবং পিতার মুখও বিনষ্ট হয় না।

কেন না, স্বামিগৃহে স্ত্রী যে পাপ করে, স্বামী তাহা প্রাপ্ত হইবেন । অধিকন্তু, পতিগৃহে অবস্থিতি করিলে, কন্যা পুত্র পৌত্রে সর্বদা বদ্ধিত হইয়া থাকে এবং পিতা তদীয় গুণপরিম্পরায় কীর্তি সঞ্চয় করিতে পারেন । অতএব সম্বামিকা হুহিতাকে কখন গৃহে ধারণ করিবে না ।

এ বিষয়ে এক পুরাতন ইতিহাস শুনিতে পাওয়া যায় । অষ্টাবিংশতিক দ্বাপরযুগ উপস্থিত হইলে, ঐ ইতিহাসবিষয় সংঘটিত হইয়াছিল । যদুকুলধুরন্ধর মহাবীর নরপতি উগ্রসেনের সেই চরিতঘটিত ইতিবৃত্ত কীর্তন করিব, অবধানপূর্বক শ্রবণ করুন ।

০০

## উনপঞ্চাশ অধ্যায়

সুদেবা কহিলেন, মাধুরদেশে যথুরানাম্নী নগরীতে উগ্রসেন নামে যদুবংশাবতংশ পরবীরনিসুদন রাজর্ষি ছিলেন । তিনি সকল ধর্মার্থ তত্ত্বের অভিজ্ঞ, বেদবিৎ, শ্রেতশীল, বলবান্, দাতা, ভোক্তা, গুণগ্রাহী ও গুণ সকলের বিশেষজ্ঞ । এবং ধর্ম্মানুসারে প্রজা পালন করিয়া, রাজ্য করিতেন । সেই মহাতেজা প্রতাপবান্ উগ্রসেন এবংবিধ গুণসম্পন্ন । তিনি বৈদর্ভবিষয়বাসী পরম তেজস্বী সত্য-কেতুর আত্মজা পদ্মাবতীর পাণি গ্রহণ করিয়াছিলেন ।



পদ্মাবতী সত্য ও ধর্মপরায়ণা, সমুদার ক্রীণে অনঙ্কতা, এবং দ্বিতীয়া লক্ষ্মীর সদৃশী। তাহার লোচনযুগল পরম-সুন্দর ও পঙ্খের ন্যায়। এবং বদনমণ্ডল কবলসন্নিভ। মহাভাগ উগ্রসেন তদীয় গুণপরম্পরায় পরমপ্রীত ও নিরতিশয় সুখী হইয়া, সর্বদা একত্রে বাস ও বিহার করিতেন। এবং তদীয় স্নেহ ও প্রণয়ে নিতান্ত মুগ্ধ হইয়াছিলেন। কলতঃ মহাভাগ পদ্মাবতী তাঁহার প্রাণ অপেক্ষাও পরম-প্রীতি আকর্ষণ করেন। নরপতি পদ্মাবতী ব্যতিরেকে কখন ভোগসুখে বা আহ্লাদ প্রমোদে ব্যাপ্ত হইতেন না। নাথ! সেই রাজদম্পতী এইরূপে পরম্পর পরম্পরের স্নেহ প্রীতি প্রণয় সমুদ্ভাবনপূর্বক বাস করিয়াছিলেন।

ঐ সময়ে রাজর্ষি সত্যকেতু মহিষীর সহিত একদা স্বীয় দুহিতা পদ্মাবতীকে স্মরণ পূর্বক অতিমাত্র দুঃখিত হইলেন। অনন্তর তাঁহার আনয়নজন্য দূত পাঠাইয়া দিলেন। দূত নৃবীরেন্দ্র উগ্রসেন গোচরে উপনীত হইয়া, সাদরে নিবেদন করিল, মহারাজ! বীর বিদর্ভাধিপতি ভক্তি ও স্নেহে সতাজন পূর্বক আত্মকুশল প্রেরণ এবং ভবদীর কুশল জিজ্ঞাসা করিয়াছেন। এক্ষণে তিনি কন্যাদর্শনে অভিলাষী হইয়া, অতিশয় ওৎসুক্য ও উৎকণ্ঠায় অধিষ্ঠান করিতেছেন। যদি পতিস্নেহ মাননা করেন, তাহা হইলে এই পদ্মাবতীকে প্রেরণ করুন।

নরেশ্বর উগ্রসেন শ্রবণ করিয়া, মহাত্মা সত্যকেতুর স্নেহ, প্রীতি ও দার্কিণ্য স্মরণপূর্বক তৎক্ষণাৎ প্রিয়তমা পত্নী পদ্মাবতীকে পাঠাইয়া দিলেন। পতিব্রতা পদ্মা পূর্ব-গৃহপ্রাপ্তি পূর্বক পিতৃপূর্ব কুটুম্বদিগকে দর্শন করিয়া পরম

পুলকিতা হইলেন । মহারাজ বৈদর্ভও কন্যাকে সমাগত দেখিয়া, নিরতিশয় হর্ষ লাভ এবং বস্ত্র ও অলঙ্কারাদি দ্বারা তাঁহার যথাবিধি সংবর্দ্ধনা করিলেন । পতিত্ৰতা পদ্মাবতী পরম সুখে পিতৃগৃহে বাস, নিঃশঙ্ক হইয়া সখীগণের সহিত আমোদ প্রমোদ এবং পরম পুলকিত হইয়া, পুনরায় বালিকার গৃহ, বনে, তড়াগে, যেখানে সেখানে পূর্ববৎ ক্রীড়া ও বিহার করিতে লাগিলেন । ফলতঃ পিতৃগৃহের সুখ স্বামিগৃহে দুর্লভ, আর কখন এরূপ ঘটবে না, ভাবিয়া তিনি এইরূপ মোহভাবে সখীগণসমভিব্যাহারে সর্বদাই ক্রীড়াব্যাপারে প্রবৃত্ত হইলেন ।

### পঞ্চাশ অধ্যায়

ব্রাহ্মণী কহিলেন, মহাভাগা পদ্মা একদা কোন পার্কতে গমন করিল । দেখিল, ঐ পার্কতে কদলীষণ্ডে মণ্ডিত, শাল তাল তমাল নারিকেল পূগ চম্পক পাটল কুমু-মিত কেতক অশোক ও বকুলপ্রভৃতি বিবিধ বৃক্ষে অলঙ্কৃত, এবং নানাবিধ ধাতুতে পরিপূর্ণ । উহার সর্বত্র পবিত্র সলিল সম্পন্ন সুনির্মল তড়াগ কমল, কুমুদ, কঙ্কার, রক্তোৎপল ও নীলোৎপল প্রভৃতি রমণীয় জলজ গুপ্পে আমোদিত এবং জলকুহুট ও অন্যান্য জলজ বিহঙ্গমে

প্রতিনাদিত হইয়া, সাতিশয় শোভা পাইতেছে। অধিকন্তু, উহার সর্বত্রই কোকিলকুলের কলনিবাদের প্রতিধ্বনিত এবং ময়ূরগণের মনোহর শব্দে মধুরায়িত। সুলোচনা পদ্মা এবং বিধ রমণীয় পর্বত, অমৃতম বন ও সর্বতোভদ্র তড়াগ দর্শন করিলেন। তিনি সেই অদ্ভুত অরণ্য ও তত্ত্বৎবস্তুজাত দর্শন করিয়া, সখীগণের সহিত ক্রীড়া ও স্ত্রীস্বভাবমূলত চপলতার বশবর্তিনী হইয়া, বিহার করিতে প্রবৃত্ত হইলেন। অনন্তর পরম সুখে বিহার করত সখীগণ সর্ষভিব্যাহারে সেই সরোবরে জলক্রীড়ায় সমাসীন হইলেন এবং কখন হাস্য ও কখন গান করিতে লাগিলেন। এই রূপে তিনি সুখবিহার আরম্ভ করিলেন।

ঐ সময়ে কুবেরের ভৃত্য ক্রমিলনামক সর্বভোগপতি দৈত্য দিব্য বিমানে আরোহণ করিয়া, আকাশমার্গে গমন করিতেছিল। সর্বযোষিদ্বরীয়সী উগ্রসেনমহিষী বিশালাক্ষী বৈদভী তাহার নয়নপথে পতিত হইলেন। দৈত্যপতি সেই অপ্রতিমরূপরাশি সর্ষাক্ষসুন্দরীকে দর্শন করিয়া, চিন্তা করিল, এই ললনা মন্থথের রতি, বিষ্ণুর লক্ষ্মী, মহাদেবের পার্বতী, অথবা ইন্দ্রের শচী হইবেন। যেহেতু, ইনি সেইরূপই লক্ষিতা হইতেছেন। ধরাতলে ইনি সমুদায় নারীকুলের অগ্রগণ্য এবং ইহার সদৃশী বা দ্বিতীয়া দেখিতে পাওয়া যায় না। যে রূপ নক্ষত্রমণ্ডলে চন্দ্র, যে রূপ পুষ্করষণ্ডে হংস, তদ্রূপ এই ভাবিনী সখীগণসমাজে শোভা পাইতেছেন। আহা, ইহার কি রূপ! কি লীলা! না জানি, এই চারুভূষণধরা সুলোচনা কে, কাহার পরিগ্রহ? দৈত্যপতি ক্রমিল বরাননা পদ্মাকে দর্শন

করিয়া, কৰ্ণকাল এইপ্রকার চিন্তাপরায়ণ হইল। অনন্তর সুগভীর জ্ঞানবলে জানিতে পারিল, ইনি উগ্রসেনের দম্বিতা ও অতিমাত্র পতিত্রতপরায়ণা; আত্মবীর্যে ইতরপুরুষের দুর্ধৰ্ম্ম হইয়া, অবস্থান করিতেছেন। উগ্রসেন অতি মূৰ্খ। সেই জন্য এই বরবর্ণিনীকে স্বীয় নগরী হইতে পিতৃ-গৃহে প্রেরণ করিয়াছে। সে নিশ্চয়ই ভাগ্যবঞ্চিত হই-  
 জাছে। না জানি, যুট পতি এই বরাননা ব্যতিরেকে কি  
 রূপে জীবনধারণ করিতেছে।

বিপ্র! ক্রমিল তাঁহার দর্শনমাত্র তৎক্ষণাৎ কাষবাণের  
 বশবস্তী হইয়াছিল। পুনরায় চিন্তা করিল, এই পতিত্রতা  
 সৰ্ব্বথা পুরুষগণের দুষ্প্রাপ্য। আমি ইহাৰে কি রূপে  
 সম্ভোগ করিব। দুর্ভাগ্য মম্মথ অতিমাত্র পীড়ন করিতেছে।  
 তাহার তেজও অসামান্য। ইহাৰে যদি সম্ভোগ না করি,  
 অদ্যই নিঃসন্দেহ মৃত্যুমুখে পতিত হইব। এইপ্রকার চিন্তা-  
 নস্তর উপায় চিন্তায় প্ররৃত্ত হইল। এবং উগ্রসেনের মায়ী-  
 ময় রূপ বিধান করিল। সেই নরপতির যেরূপ রূপ, এবং  
 অঙ্গ ও উপাঙ্গ সকল যেরূপ, মায়ীবলে অবিকল তদ্রূপ  
 হইয়া, তাঁহার অমূৰূপ স্বর, ভাষা, গতি, বয়স, বেশ ও বস্ত্র  
 পরিগ্রহ করিল। অনন্তর তাঁহার সদৃশ দিব্য মাল্য, দিব্য  
 অশ্বর, দিব্য গন্ধাম্বুলেপন ও দিব্য অলঙ্কারে ভূষিত  
 এবং সৰ্ব্বথা তম্বর হইয়া, অশোকছায়া আশ্রয় পূৰ্ব্বক  
 পৰ্ব্বতশিখরে শিলাতলে আসীন হইল এবং বীণাদণ্ডগ্রহণ  
 করিয়া, বিশ্ববিমোহন করত সুস্বর সঙ্গীত আরম্ভ করিল।  
 দুর্ভাগ্য ক্রমিল তদীয় রূপে মোহিত হইয়া, এই রূপে  
 তালমান ক্রিয়াযুক্ত মগ্নস্বরমুশোভিত সৰ্ব্বভাবসুসম্পন্ন

মহাসৌখ্যবিধায়ক সুন্দরস্বর ও লয় মিশ্রিত সঙ্গীতে প্রবৃত্ত হইলে, সখীমধ্যবিহারিণী বরাননা বৈদভী তাহা শ্রবণ করিলেন এবং কোন্ ধর্ম্মাত্মা এই গান করিতেছেন জানিতে উৎসুক হইয়া, সখীগণ সমভিব্যাহারে গমন করিলেন। দেখিলেন, দানবোত্তম ক্রমিল পুষ্পমালা, অম্বর, দিব্যগন্ধা-মূলেপন ও সর্বাভরণ শোভায় বিভূষিত উগ্রসেন রূপে স্তম্ভীতল শিলাতলে অশোকচ্ছায়ায় উপবিষ্ট রহিয়াছে। তদর্শনে পতিব্রতা পদ্মাবতী চিন্তা করিলেন, মদীয় ভর্তা নিত্য ধর্ম্মপরায়ণ মহাত্মা মাথুরেশ রাজ্য ত্যাগ করিয়া, ঈদৃশ দূরপথে আগমন করিয়াছেন। তিনি এইরূপ চিন্তা করিতেছেন, এমন সময়ে পাপাত্মা দৈত্য তাঁহারে আহ্বান করিয়া কহিল, তুমি আমার প্রিয়তমা, একাকী রহিয়াছ। পদ্মাবতী চকিত, শঙ্কিত, লজ্জিত ও দুঃখিত হইয়া, অধোবদনে ভাবিতে লাগিলেন, নাথ এখানে কি রূপে আসিলেন। আমি পাপকারিণী ও দুরাচারিণী, একাকিনী বিচরণ করিতেছি। নিশ্চয়ই ইনি তাড়না করিবেন।

দুরাত্মা দানব পুনরায় তাঁহারে আহ্বান করিয়া কহিল, প্রিয়ে! এস, এস! তোমাব্যতিরেকে কণকালও প্রাণ-ধারণে সক্ষম নহি। তুমিই আমার জীবন এবং একমাত্র প্রিয়তম। তোমার স্নেহে আমার নিরতিশয় সন্তোষ উপস্থিত হয়। তোমারে ত্যাগ করিতে কোন মতেই আমার সাহস হয় না।

ব্রাহ্মণী কহিলেন, পদ্মাবতী এই প্রকার অভিহিতা হইয়া, তৎকালে লজ্জানতবদনে তদীয় সকাশে সমাগত

হইলেন। দুরাশ্রা দৈত্য তাঁহারে আলিঙ্গন ও একান্তে  
আনয়ন পূর্বক স্বেচ্ছামুসারে সন্তোগ করিল।

সুকলা কহিলেন, কিন্তু বরাননা বৈদর্ভী কামসঙ্কেত-  
প্রাপ্ত হইলেন না। তাহাতে অতিমাত্র শঙ্কিত ও দুঃখিত  
হইয়া, তৎক্ষণাৎ বস্ত্র পরিগ্রহ করিলেন এবং ক্রোধভরে  
সেই দৈত্যাধমকে কহিলেন, তুমি কে? তোমার আকার  
অভিশয় দারুণ, আচার নিতান্ত পাপময় এবং স্বর্গার লেশ  
নাই। অনন্তর তিনি দুঃখে একান্ত ব্যাকুল ও পীড়িতা  
হইয়া, বারংবার কম্পিত হইতে লাগিলেন এবং শাপদানে  
উদ্যতা হইয়া, কহিলেন, দুরাশ্রা তুমি মদীয় স্বামিবেশে  
সমাগত হইয়াছ। এত আমার পরম পতিব্রতধর্ম বিনষ্ট  
করিয়াছ। রে দুরাশ্র! তুমি সুধর সঙ্গীতে পতিব্রত  
বিনাশ করিয়া, আমার জন্মও নিফল করিলে।

## একপঞ্চাশ অধ্যায়

পদ্মাবতী শাপদানে উদ্যত হইয়া, এই প্রকার সন্তোষ  
করিলে, দৈত্যপতি তদীয় বাক্য শ্রবণ করিয়া, কহিল, তুমি  
কি জন্য আমারে শাপদানে উদ্যত হইয়াছ, বল। আমি  
এমন কি দোষ করিয়াছি যে, তুমি অভিশপ্ত করিবে। আমি  
পৌলস্ত্যের অমুচর ক্রমিলনামা দৈত্য; দৈত্যাচারে জীবন-  
যাত্রা নির্বাহ করি। সমুদায় বেদার্থ, শাস্ত্রার্থ ও বিদ্যার্থ

এবং কলানিচয় আমারি পরিজ্ঞাত আছে। এই রূপে আমি সকল বিষয়েরই বিশেষজ্ঞ। আমাদের আচার নিয়মও শ্রবণ কর। আমরা বলপূর্বক পরস্ব ও পরদার ভোগ করিয়া থাকি। ফলতঃ, আমরা দৈত্য। সত্য সত্য বলিতেছি, সর্বতোভাবে দৈত্যাচার বা জাতিভাবের অনুসরণ পূর্বক সংসারমার্গে বিচরণ করি, প্রতিদিন ব্রাহ্মণগণের ছিদ্রে অন্বেষণ করি এবং নানাপ্রকার বিঘ্নযোগে তাঁহাদের তপোহানি সংঘটিত করি। এ বিষয়ে অনুমাত্র স্নানশয় নাই। অধিকন্তু, দেবদেব নারায়ণ, পতিব্রতা ধর্মতৎপর সাধী রমণী এবং সুব্রাহ্মণ ইহাদিগকেই কেবল দূরে পরিহার করিয়া, আধিষ্ঠান করি। কেননা, মহাত্মা বিষ্ণু, পতিব্রতা রমণী ও ব্রহ্মনিষ্ঠ ব্রাহ্মণ ইহাদের তেজঃ সহ্য করা দৈত্যগণের অসাধ্য। রাক্ষসসহচর দানবগণ ঐরূপ পতিব্রতা, বিষ্ণু ও সুব্রাহ্মণ ভয়ে দূরে পলায়ন করিয়া থাকে। ফলতঃ আমি দানবধর্ম্যানুসারে পৃথিবীবিচরণে প্রবৃত্ত হইয়াছি। আমার কিছুমাত্র দোষ নাই। তবে তুমি কিজন্য শাপদানে অভিলাষিনী হইয়াছ ?

পদ্মাবতী কহিলেন, তুমি আমার ধর্ম্য কাম উত্তরই নষ্ঠ করিয়াছ। আমি পতিব্রতা, সাধী, পতিকামা, তপস্বিনী এবং সর্বথা স্বমার্গের অনুসারিণী। তুমি পাঁপ যান্নাবলে আমারে বিনষ্ট করিলে। সেই জন্য অদ্য তোমাতে দণ্ড করিব, সন্দেহ নাই।

ক্রমিল কহিল, যদি তোমার অভিরুচি হয়, ধর্ম্যবিষয় কীর্তন করিব। অগ্নিবিদ ব্রাহ্মণের যে ধর্ম্য শ্রবণ কর। যে ব্রাহ্মণ ত্রিসন্ধ্যা অগ্নিতে আহুতি দেন এবং কখন অগ্নিত্যাগে

উদ্যত নহেন, তিনিই অগ্নিহোত্রী এবং উত্তরোত্তর বিজয়ী  
 হয়েন। বরাননে! ভৃত্যধর্ম্যুও শ্রবণ কর। যে ভৃত্য প্রতি-  
 নিয়ত কার, মন ও বাক্যে শুদ্ধ, জ্ঞানবলে বিঘ্নে পরিহার  
 ও ভক্তিপূর্বক অগ্নে অবস্থান করে সেই পুণ্যভোক্তা ভৃত্য  
 বলিয়া পরিগণিত হয়। অন্যান্য ধর্ম্যুও শ্রবণ কর। যে  
 গুণবান্ পুত্র সবিশেষ বিবেচনা সহকারে কার্যমনোবাক্যে  
 পিতামাতার পরিপালন করে, তাহার নিত্য গঙ্গাস্নান কল-  
 লাভ হয়। অন্যথা করিলে, নিঃসন্দেহ পাপভাগী হইয়া  
 থাকে। যে রমণী কার্যমনোবাক্যে প্রতিদিন স্বামীর শুশ্রূষা  
 করে; ভর্তা রুচি হইলে, প্রতিরোধে পরাঙ্মুখ হইয়া,  
 প্রীতিভাব প্রদর্শন করে; স্বামী তাড়না করিলেও দোষ-  
 গ্রহণ না করিয়া, তাঁহারে সন্তুষ্ট করে এবং পতির সকল  
 কর্ম্মই পুরোবর্ত্তিনী হয়, সেই রমণীই পতিব্রতপরায়ণা  
 বলিয়া অভিহিত হয়। পিতা পতিত, বহুদোষে লিপ্ত,  
 এবং কুষ্ঠী বা ব্যাধিগ্রস্ত হইলেও, যে পুত্র তাঁহারে ত্যাগ  
 না করিয়া, সেবা করে, তাহার পরমলোকে ও বিষ্ণুর সেই  
 পরমপদে অধিষ্ঠিত হয়। এই রূপে ভৃত্য প্রভুর উপাসনা  
 করিলে, তদীয় প্রমাদে ইন্দ্রলোকে গমন করে। ব্রাহ্মণ  
 অগ্নিত্যাগ না করিলে, ব্রহ্মলোক প্রাপ্ত হয়েন; কিন্তু  
 অন্যথাচরণে প্ররুত হইলে, য্বলীপতি বলিয়া অভিহিত  
 হইয়া থাকেন। ভৃত্যুও স্বামী ত্যাগ করিলে, স্বামিদ্রোহী  
 হয়, তাহাতে সংশয় নাই। অতএব পিতা, অগ্নি ও স্বামী  
 ত্যাগ করা বিধেয় নহে। যে ব্রাহ্মণ, পুত্র বা ভৃত্য অগ্নাদি  
 ত্যাগ করে, তাহাদের নারকী গতি প্রাপ্ত হয়। দেবি!  
 যদি শ্রেয়োগাতের অভিলাষ থাকে, তাহা হইলে, স্ত্রী কখন



পলিত, ব্যাধিত, বিকল, কুষ্ঠী, সৰ্বধৰ্মবিহীন ও বহুপাতক-  
লিপ্ত ভৰ্তাকে ত্যাগ করিবে না। যে রমণী স্বামিত্যাগ-  
পূৰ্বক অন্ত্ৰচারিণী হয়, সে সৰ্বধৰ্মবহিক্ততা পুংশলী  
বলিয়া পরিগণিত হইয়া থাকে। ভৰ্তা উপরত হইলে, যে  
নারী লোভপরবশ হইয়া, গ্রাম্য ভোগ ও শৃঙ্গারাদিতে  
সংস্কৃত হয়, তাহাকেও লোকে পুংশলী বলিয়া নির্দেশ  
করে। এই রূপে আমি বেদ ও শাস্ত্রবিশুদ্ধ ধৰ্ম অব-  
গত আছি।

একগে দানব, রাক্ষস ও প্রেতগণ কি কারণে সৃষ্ট  
হইল, তাহাও কীর্তন করিব। যেরূপ ব্রাহ্মণগণ দানবমধ্যে,  
পিশাচমধ্যে রাক্ষসগণও সেইরূপ। তাহারা প্রোক্ত  
সকল ধৰ্মার্থই অধ্যয়ন করে, সকলেই সকল অবগত আছে  
ও তাহার ব্যবহার ও করিয়া থাকে। কেবল মানবগণ  
অজ্ঞানবশতঃ বিধিহীন অনুষ্ঠান এবং অবৈধতা বশতঃ  
অন্যায় মার্গে বিচরণ করে। যে নরাধমগণ ঐরূপ বিধি-  
হীন ধৰ্মে প্রবৃত্ত হয়, আমরা নিরতিশয় দণ্ডসহকারে তাহা-  
দের শাসন করিয়া থাকি। তুমি নিতাস্ত নিম্ন ও দারুণ  
কর্মের অনুষ্ঠান করিয়াছ। কি জন্য গার্হস্থ্য ত্যাগ করিয়া,  
অনায়াসে এখানে আগমন করিলে বল। রে দুষ্টি!  
কার্যে তোমার কিছুমাত্র পতিদৈবতনিষ্ঠতা নাই। তুমি  
স্বামিত্যাগ করিয়া, কি কারণে এই বিজনসঙ্গ অবলম্বন করি-  
য়াছ, এবং নিতাস্ত স্বগাশূন্য হইয়া, শৃঙ্গারভূষণ ও বেশ-  
বিন্যাসপূৰ্বক অবস্থিতি করিতেছ? তুমি কি জন্য এইরূপ  
অনুষ্ঠান করিলে, বল। তুমি এককিনী নিঃশক্তি হইয়া,  
অম্মান বদনে গিরিকাননে বিচরণ করিতেছ। সেই জন্য

আমি তোমারে মহৎ দণ্ডে শাসন করিলাম । ফলভঃ,  
 দুঃখ ও অধর্মচারিণী ; পতি ত্যাগ করিয়া আসিয়াছ ।  
 তোমার পতিদৈবত্ব কোথায়, প্রদর্শন কর । তুমি পুংশ্চলী,  
 সেই জন্ম স্বীয় স্বামী ত্যাগ করিয়াছ । পৃথক্ শয্যা  
 গ্রহণ করিলেই, স্ত্রী পুংশ্চলী বলিয়া পরিগণিত হয় । রে  
 নির্লজ্জ ! রে নিস্বর্গে ! রে দুঃখে ! তুমি আবার সম্মুখীন  
 হইয়া, কি বলিতেছ ? অদ্য তোমার বলবীৰ্য্যপরাক্রম প্রদ-  
 র্শন কর ।

পদ্মাবতী কহিলেন, রে অসুরাধম ! শ্রবণ কর ।  
 পিতা স্নেহবশতঃ আমারে ভর্তৃগৃহ হইতে আনয়ন করি-  
 য়াছেন । তাহাতে পাতকসম্ভাবনা কোথায় ? আমার মন  
 সর্বথা সেই পতির প্রতি আসক্ত এবং আমি সর্বদা  
 পতিরই ধ্যান করিয়া থাকি । কাম, লোভ, মোহ বা মাৎসর্য  
 প্রযুক্ত তাঁহারে ত্যাগ করিয়া আসি নাই, তুমি ভর্তৃরূপ-  
 ধারণ করিয়াই ছলক্রমে আমারে বঞ্চিত করিয়াছ ? আমি  
 স্বামিবোধেই তোমার সম্মুখীন হইয়াছি । রে নরাধম !  
 এক্ষণে তোমার মায়ী জানিতে পারিয়াছি । অতএব এক-  
 মাত্র হুকুমে তোমারে ভস্মসাৎ করিব ।

ক্রমিল কহিল, শ্রবণ কর, যাহাদের চক্ষু নাই, তাহা-  
 রাই দেখিতে পায় না । তুমি ধর্ম্মনেত্রবিহীন হইয়াছ, কি  
 রূপে আমারে জানিতে পারিবে । যে সময় তোমার পিতৃ-  
 গৃহে মন ধাবমান হয়, সেই সময়েই তুমি পতিভাব ত্যাগ  
 করিয়া, ধ্যানে মুক্ত হইয়াছ । এবং সেই সময়েই তোমার  
 জ্ঞানচক্ষু বিনষ্ট ও হৃদয় ক্ষুণ্ণিত হইয়া যায় । তুমি জ্ঞান-  
 চক্ষু বিহীন হইয়া, কিরূপে আমারে জানিতে পারিবে ।

স্বামী হউক, সংসারে কে কাহার মাতা, কে কাহার পিতা, কে কাহার ভ্রাতা ও বান্ধব। সর্বস্থানে ত্রীলোকের পতিই এক, তাহাতে সংশয় নাই। নরধর্ম এই বলিয়া মহামুখ আশ্চর্য পুনরায় কহিল, রে পৃথলি! তোমা হইতে আমার কিছুমাত্র ভয় নাই। তোমার ক্রোধে আমার কি হইতে পারে? তুমি যথা তর্জন করিতেছ। এক্ষণে মদীর গেছে মনোমুখ ভোগ সম্ভোগ করিবে, চল।

পদ্মাবতী কহিলেন, রে পাপ! রে নিষ্কণ! কি বলিতেছ? এখান হইতে দূর হও। আমি পতিব্রতপরায়ণা; সর্বথা সতীতাবের অনুসরণ করি। যদি পুনরায় এইরূপ বাক্য প্রয়োগ কর, দণ্ড করিয়া ফেলিব।

পদ্মাবতী এইপ্রকার কহিলে, দৈত্য তৎক্ষণাৎ ভূমিতলে বসিয়া পড়িল এবং অতিমাত্র দুঃখিত হইয়া কহিল, শুভে! আমি তদীর উদরে স্বীয় বীর্য নিষেক করিয়াছি। তাহাতে ত্রৈলোক্যবিক্রোভন পুত্র সমুৎপন্ন হইবে। এই বলিয়া সে প্রস্থান করিল। দুর্ভাগ্য পাপীয়ান্ দানব প্রস্থান করিলে, নৃপনন্দিনী সাতিশয় দুঃখিতা হইয়া, রোদন করিতে লাগিলেন।

## দ্বিপঞ্চাশ অধ্যায়

ব্রাহ্মণী কহিলেন, পদ্মাবতী ঐরূপে রোদন করিতে আরম্ভ করিলে, তদীয় সখীগণ তাহা শ্রবণ করিয়া, জিজ্ঞাসা করিল, ভদ্রে ! কি জন্য রোদন করিতেছ, কি হইয়াছে, বল । তোমারত কোন অভদ্র ঘটে নাই ? যিনি এইমাত্র প্রিয়ে বলিয়া আহ্বান করিলেন, তোমার স্বামী সেই মথুরাধীশ কোথার গেলেন ? তাহাতে পদ্মাবতী বারংবার রোদন করিয়া, অতিমাত্র দুঃখভরে সমুদায় জাতিদোষ সমুদ্ভব তাহাদের গোচর করিলেন । এবং অতিশয় কল্পিত হইতে লাগিলেন । সখীগণ তাঁহারে তদবস্থ পিতৃ-গেহে লইয়া গিয়া, মাতার সমক্ষে সমুদায় নিবেদন করিল । দেবী শ্রবণ করিয়া, ভর্তৃমন্দিরে গমন ও হুহিত্বৃত্তাস্ত আদ্যোপান্ত তাঁহার গোচর করিলেন । রাজা শ্রবণ করিয়া, অতিশয় দুঃখিত হইলেন এবং মানাচ্ছাদনপূৰ্ব্বক কন্যাকে পরিচারসমভিব্যাহারে মথুরায় পাঠাইয়া দিলেন । নাথ ! পিতামাতা এই রূপে পুত্রীর দোষ আচ্ছাদন করিলেন ।

এদিকে বৈদর্ভী প্রিয়মন্দির প্রাপ্ত হইলে, ধর্ম্মাত্মা উৎসেনে তাঁহারে সমাগত দেখিয়া, অতিশয় পুলকিত হইয়া কহিলেন, বরাননে ! তোমা ব্যতিরেকে জীবনধারণে কখনই সক্ষম নহি । তোমার ভক্তি ও সত্যনিষ্ঠতা, গুণ, শীল ও পতিদৈবভায় এবং বিশ্বক্কাচারিত্র্যে আমি অতিশয় প্রীতিনাত করিয়াছি । নৃপোত্তম উৎসেনে প্রিয়তমা

✱ পত্নীকে পূর্বোক্তরূপে সস্ত্রাষণপূর্বক তাঁহার সহিত বিহার সূখে যথ্য হইলেন। ঐ সময়ে সৰ্বলোকভয়াবহ দারুণ গর্ভ ক্রমে ক্রমে বিদ্বিত হইয়া উঠিল। বৈদভী স্বীয় গর্ভ কারণ অবগত ছিলেন। তিনি তদর্শনে দিবানিশি চিন্তা করিতে লাগিলেন, এই দুষ্টি পুত্রে আমার প্রয়োজন কি? এই ভাবিয়া তিনি গর্ভপাতের ঔষধচেষ্টায় সর্বতোভাবে ব্যাপৃতা হইলেন এবং তজ্জন্য নানাবিধ উপায়ও কল্পনা করিলেন। তথাপি সৰ্বলোকভয়ঙ্কর গর্ভ দিন দিন বদ্বিত হইতে লাগিল।

অনন্তর ঐ গর্ভ মাতা পদ্মাবতীকে সম্বোধন করিয়া কহিল, মাতঃ! তুমি কিজন্য দিন দিন ঔষধ চেষ্টায় ব্যথিত হইতেছ? আয়ু পুণ্যবলে বদ্বিত ও পাপপ্রভাবে ক্ষীণ হইয়া থাকে। লোকে স্বীয় কৰ্ম্মবিপাক বশতঃ আপনিই মৃত ও জীবিত হয়। এইজন্য কেহ আমগর্ভে পাতত, কেহ অপক্কাবস্থাতেই গত, কেহ জাতমাত্রেই উপরত এবং কেহ কেহ যৌবনে মৃত্যুর কবলিত হইয়া থাকে। ফলতঃ সকলেই কৰ্ম্মবিপাকবশতঃ জীবিত ও উপরত হয়। আমি কে, তাহা আপনার পরিজ্ঞাত নাই। মহাবল কালনেমিকে দর্শন বা তাহার নাম শ্রবণ করিয়া থাকিবেন। ঐ দানব ত্রিলোকীর ভয়াবহ। এবং দেবামুরমহায়ুদ্ধে ভগবান্ নারায়ণ কর্তৃক নিহত হয়। আমি সেই কালনেমি, বল পূর্বক বৈরসাধনার্থ তদীয় উদরে অবতরণ করিয়াছি। অতঃপর আপনি এই দুঃসাহস পরিহার করুন। এই বলিয়া সে বিরত হইল। তদবধি বৈদভী উদ্যম পরিত্যাগ করিয়া, তদীয় হৃৎথে হৃৎখিতা হইয়া, কালষাপন করিতে লাগিলেন।

অনন্তর দশমাস অতীত হইলে, সেই বংশগর্ভ সাতিশর  
 পুষ্ট হইয়া, মহাতেজা মহাবল কংস নামে ভূমিষ্ঠ হইল।  
 যে কংস বাসুদেবহস্তে নিহত হইয়া, নিঃসংশয়িত মোক-  
 পদ লাভ করিয়াছিল।

নাথ ! আমি এইরূপে শ্রবণ করিয়াছি, ভবিতব্যতা  
 অবশ্যস্তাবী। সমুদায় পুরাণেই এইপ্রকার লিখিত হইয়াছে।  
 আপনার নিকট কীর্তন করিলাম। কলতঃ, পিতৃগৃহে  
 থাকিলে, কন্যা নষ্ট হইয়া যায়। অতএব গৃহে রাখিবার  
 জন্য কন্যামোহে যুক্ত হওয়া উচিত নহে। এক্ষণে এই মহা-  
 পাপিনী দুর্ভাগারিণী হুহিতারে বিদায় করিয়া, সুখী হউন।  
 মহাপাপ বা দারুণ হুঃখে পতিত হওয়া বিধেয় নহে।  
 লোকে যাহা শ্রেয়স্কর বলিয়া প্রতিপন্ন করে, আমার সহিত  
 তাহা ভোগ করুন।

দ্বিজসত্তম তদীয় বাক্যে সন্তুষ্ট হইয়া, আমারে ত্যাগ  
 করিতে কৃতসঙ্কপ হইলেন এবং আহ্বান করিয়া কহিলেন,  
 শুভে ! শ্রবণ কর। আমি তোমারে বস্ত্র, শৃঙ্গার ও সম্বল  
 প্রভৃতি বখারীতি প্রদান করিয়াছি। কিন্তু তুমি অতিশয়  
 অসতী ও কুলদূষণী এবং যার পর নাই পাপকারিণী।  
 দ্বিজোত্তম শিবশর্মা তোমারই দুষ্কৃত্যে প্রস্থান করিয়াছেন।  
 এক্ষণে তোমার ভর্তা যেখানে, তুমিও সেখানে গমন কর।  
 এবং মাতৃদৃষ্ট কাল পরিপালন কর।

অগ্নি মহাতাগিনি ! পিতা, মাতা ও কুটুম্বগণ এই  
 বলিয়া পরিত্যাগ করিলে, নির্লজ্জা আমি তৎকণাৎ বহির্গতা  
 হইলাম। কিন্তু কুত্রাপি বাসার্থ স্থান প্রাপ্ত হইলাম না।  
 যেখানে বাই, সেইখানে পুংশলী বলিয়া লোকে ভৎসনা

করে। সুতরাং আমি সকলের বর্জনীয়া হইয়া, বনে, গুহে, মৌরাক্ষে, শিবমন্দিরে, ঘনস্থানে এবং অতিবিখ্যাত সমৃদ্ধিসম্পন্ন নগরে, এইরূপে দেশে দেশে পর্যটন করিতে লাগিলাম। ক্ষুধায় নিতান্ত পীড়িত হইলে, কর্ণপ্রবেশ পূর্বক ভিক্ষা করিতাম। কিন্তু গৃহিগণের দ্বারদেশে প্রবেশ করিলেই, সকলে আমার রূপ দর্শন করিয়া, কুৎসা করিত। তাহাতে আমি যার পর নাই দুঃখিত হইয়া উঠিলাম। এইরূপ মহাদুঃখে ইতস্ততঃ বিচরণ করিতে করিতে, একদা কোন অমুক্তম গৃহ অবলোকন করিলাম। ঐ গৃহ বেদনি-  
 নাদে প্রতিবাদিত, অনেক ব্রাহ্মণে পরিব্যাপ্ত, ধন ধান্যে পূর্ণ, বহুসংখ্য দাসদাসীতে অলঙ্কৃত, এবং বিভাবাতিশয্যে সর্বদাই আমোদিত। আমার স্বামী শিবশর্মা এই সর্ব-  
 ভোক্তা রমণীয় গৃহের অধিস্বামী। আমি ক্ষুধাবেগে নিতান্ত ব্যাকুল হইয়া, তথায় প্রবেশপূর্বক ভিক্ষা প্রার্থনা করিলাম। যিজ্ঞাতম শিবশর্মা শ্রবণমাত্র তৎক্ষণাৎ মঙ্গলা-  
 নারী সাক্ষাৎ লক্ষীকৃষ্ণিণী বরবর্ণিনী পত্নীকে আহ্বান করিয়া কহিলেন, শ্রিয়ে! এই দুর্কলা ভিক্ষার্থ দ্বারে সমা-  
 গত হইয়াছে। ইহারে আহ্বান করিয়া, ভোজন করাও। চারুমঙ্গলা মঙ্গলা এই বৃত্তান্ত অবগত ও পরমরূপাবিষ্ট হইয়া, তথাস্তু বলিয়া, আমারে সুদূর্লভ মিষ্টান্নে ভোজন করাইলেন। ঐসময়ে মহামতি ধর্ম্মাত্মা শিবশর্মা আমারে সম্বোধন করিয়া কহিলেন, শুভে! তুমি কে, কিজন্য এখানে আগমন করিয়াছ এবং কি কারণেই বা সর্বত্র ভ্রমণ করিতেছ, সমস্ত আমার সমক্ষে কীর্তন কর। পাপীয়সী আমি মহাত্মা তর্কতার বাক্য শ্রবণ করিয়া, তৎক্ষণাৎ স্বরে উহারে

চিনিতে পারিলাম। তাহাতে অতিমাত্র লজ্জা হওয়াতে, মুখ অবনত করিয়া রহিলাম। চারুসর্কারী মঙ্গলা তদর্শনে ভর্তাকে কহিলেন, নাথ ! বলুন, এই রমণী কে, আপনাকে দেখিয়া লজ্জিতা হইতেছে। এ কাহার পরিগ্রহ, অনুগ্রহ-পূর্বক নির্দেশ করুন।

—০০

### ত্রিংশোধ্যায়

ব্রাহ্মণ কহিলেন, মঙ্গলে ! যদি জিজ্ঞাসা করিতেছ, শ্রবণ কর। অগ্নি শুভাননে ! তুমি ষদর্থ জিজ্ঞাসা করিলে, অবধান কর। এই বরাকী তিস্কুবশে সমাগত হইয়াছে। বিপ্রবর বসুদত্ত ইহার পিতা। ইহার নাম সূদেবা। চারু-লোচনা সূদেবা পূর্বে আমার সহিত পরিণীতা হয়। মদীর বিরোগহুঃখে দগ্ধ হইয়া, কোন কারণে স্বদেশ পরিত্যাগ পূর্বক আগমন করে। সম্প্রতি আমারে জানিতে পারিয়া তিস্কুবশে তদীর গৃহে প্রবিষ্ট হইয়াছে। তুমি আমার প্রিয় সাধনে একান্ত অভিনাষিনী। অতএব ইহার সমুচিত আতিথ্য বিধান পূর্বক কর্তব্য সাধন করিয়াছ, সন্দেহ নাই। পতি দেবতা মঙ্গলা স্বামিবাক্য শ্রবণ পূর্বক যার পর নাই হর্ষিতা হইলেন। এবং তৎকণাৎ আমারে স্নান, আচ্ছাদন, ভোজ্য, রত্ন, কাঞ্চন ও আভরণাদি প্রদান করিলেন।



ভদ্রে ! আমি সেই পতিকাম্যা মঙ্গলা কর্তৃক ভূমিতা ও বহুমানিতা হইয়া, তথায় অধিষ্ঠিতা হইলাম । অনন্তর মদীয় বক্ষঃস্থলে সর্ষপ্রাণবিনাশন মহাতীত্র ত্রণ সমুৎপন্ন হইল । তদর্শনে আমি বুঝিতে পারিলাম, আত্মকৃত তত্ত্বৎ দারুণ দুষ্কৃত ত্রণরূপে উদ্ভিত হইয়াছে । ঐ সময়ে স্বামীর সহিত সম্ভাষণে আমার একান্ত অভিলাষ হইল । কিন্তু আমি কখন এই মহাত্মাকে পাদপ্রক্ষালন বা যুগ-সম্বাহন একান্তেও প্রদান করি নাই । একে সেই পাপ-নিশ্চয়া আমি কিরূপে, ইহার সহিত আলাপ করিব । এই ভাবিয়া সেই অনিবার্য ও অনুচিত ইচ্ছাবেগ কথঞ্চিৎ সংবরণ করিলাম । ভদ্রে ! সেই ঘটনাত্তভীষণা শোক-সহস্রময়ী সুদীর্ঘযামা ত্রিযামা যোগে অপার দুঃখমাগরে পতিতা হইয়া, একাকিনী অনাথিনীর ন্যায় এইপ্রকার চিন্তা করিতে করিতে, আমার পাষণহৃদয় সহসা ক্ষুটিত হইয়া গেল । তৎকণাৎ পাপ দগ্ধ হত প্রাণ দূষিত দেহ-ত্যাগ করিয়া বিনিক্ষ্রান্ত হইল । অনন্তর মহাত্মা ধর্মরাজের দূতগণ আমারে লইতে আসিল । তাহারা সকলেই ঘোর, ক্রুর ও সাতিশয় দারুণ এবং সকলেরই হস্তে গদা, চক্র ও খড়্গ বিরাজমান । দেবি ! তাহারা বহুবন্ধন শৃঙ্খলে বন্ধন করিয়া, আমারে যমপুরে লইয়া চলিল । ..আমি রোদন করিতে লাগিলাম । অনন্তর তাহারা আমারে মুদগর প্রহার, হুর্গমার্গে নিপীড়ন ও ভৎসনা করিতে করিতে যমদ্বারে প্রবেশ করাইল । মহাত্মা যমরাজ দর্শনমাত্র রোষভরে আমারে যথাক্রমে অক্ষারসঞ্চয়, তৈলদ্রোণী ও করন্তুবালুকে বিক্ষিপ্ত, অসিপত্রে ছিন্নভিন্ন, জলযন্ত্রে ভ্রামিত, ক্ষারক-

সমূহে প্রকৃষ্ট, করণত্র ও শক্তিপরম্পরায় তাড়িত, এবং  
 অন্যান্য সমুদায় নরকে নিপাতিত করিয়া, পুনরায় তত্তৎ  
 দুঃখসঙ্কুল দারুণ নরক সকলে নিক্ষেপ করিলেন। অনন্তর  
 আমি বহু যোনিতে গমন ও দারুণ দুঃখ ভোগ করিয়া,  
 শূকরীযোনি লাভ করিলাম। পরিশেষে তাহা হইতে পুন-  
 রায় সর্প, কুক্কুট, মার্জ্জারী ও আখুযোনি প্রাপ্ত হইলাম।  
 এই রূপে ধর্ম্মরাজ কর্তৃক বহুতর পাপযোনি সন্তোগ করিয়া,  
 পুনরায় তাহারই বিহিত এই শূকরী যোনিতে নিপতিত  
 হইয়াছি। বাহা হউক, আপনি পতিত্রতা ও বরবর্গিনী।  
 আপনার হস্তে সকল তীর্থই বিরাজমান। আমি তদীয়  
 উদকে অতিশয় তৃপ্তি লাভ করিয়াছি। আপনার প্রমাদে  
 আমার পাতকও বিধ্বস্ত ও তেজঃপুণ্যে জ্ঞান উজ্জ্বলিত  
 হইয়াছে। এক্ষণে নরকাণবনিপতিতা আমার উদ্ধার  
 করিতে হইবে। আপনি উদ্ধার না করিলে, আমি পুনরায়  
 অন্য যোনিতে গমন করিব। বলিতে কি, তা ম আশ্রয়-  
 হীন, দীন, পাপভারে মলিন এবং দুঃখে সাতিশয় ক্ষীণ।  
 আমারে পরিত্রাণ করুন।

শুশ্রবা কহিলেন, ভদ্রে ! আমি এমন কি পুণ্যসম্ভব  
 স্মৃকৃত সঞ্চয় করিয়াছি যে, তোমায় উদ্ধার করিব।

শূকরী কহিল, এই মনুসন্দন মহাপ্রাজ্ঞ মহাভাগ মহী-  
 পতি ইক্ষ্বাকু সাক্ষাৎ বিষ্ণু এবং আপনি লক্ষ্মী স্বরূপা,  
 তাহাতে অন্যথা কি ? অধিকন্তু, আপনি পতিত্রতা, মহা-  
 ভাগা, পতিসত্যসম্পন্ন, পরম পবিত্র শ্রীশালিনী এবং  
 সর্বদা সর্বতীর্থ ও সর্বদেবময়ী দেবী সরূপা। আপনি  
 একাএচিন্তে স্বামীর শুশ্রবা করিয়াছেন। অতএব

আপনিই ইহ লোকে একমাত্র মহাপতিব্রতা। যদি অনুগ্রহ-  
বিতরণে অভিলাষ হইয়া থাকে, তাহা হইলে, আপনার  
পতিশ্রদ্ধার এক দিবসের পুণ্য প্রদান করুন। আপনিই  
আমার মাতা এবং আপনিই আমার সনাতন গুরু। আমি  
পাপ ও দুর্গাচারসম্পন্ন এবং সত্য ও জ্ঞানবর্জিত।

রাজ্ঞী শ্রবণ করিয়া স্বামীর দিকে দৃষ্টিপাত করিলেন  
এবং কহিলেন, মহারাজ! এই শূকরী কি বলিতেছে?  
আমার কর্তব্য কি?

রাজ্ঞা কহিলেন, এই বরাকী পাপ যোনিতে পতিত  
হইয়াছে। ইহাকে স্বীয় পুণ্যে উদ্ধার কর। মহৎ শ্রেয়ঃ  
লাভ করিবে।

চারুমঙ্গলা সুশ্রবা এইপ্রকার অভিহিতা হইয়া, অতি-  
শয় হর্ষাবিষ্টা হইলেন, এবং শূকরীকে কহিলেন, বরাননে!  
আমি তোমারে এক বর্ষের পুণ্য প্রদান করিলাম। এইরূপ  
বলিবামাত্র শূকরী তৎক্ষণাৎ রূপযৌবনশালিনী, দিব্যমালা-  
বিভূষিতা, সর্বাভরণশোভাঢ্যা, বিবিধ রত্নে সুশোভিতা  
এবং দিব্যগন্ধানুলেপনা দিব্য যুক্তি ধারণ ও দিব্যবিমানে  
আরোহণ করিয়া, অন্তরীক্ষে গমন করিল। তথা হইতে  
প্রণাম পূর্বক কঙ্করা আনত করিয়া, রাজ্ঞীকে কহিতে লগিল,  
মহাভাগিনি! আপনার স্বস্তি। আপনার প্রসাদেই আমি  
পাপে পরিমুক্ত ও স্বর্গ লোক প্রাপ্ত হইলাম। অনন্তর  
সে প্রণাম করিয়া স্বর্গে গমন করিল।

## চতুঃপঞ্চাশৎ অধ্যায় ।

সুকলা কহিল, আমি পূর্বে পুরাণে এইপ্রকার ধর্ম শ্রবণ করিয়াছি । অতএব পাপনিশ্চয়া আমি পতিহীন হইয়া, কি রূপে ভোগসুখে সংস্কৃত হইব । কলতঃ, স্বামী ব্যতিরেকে আর এই দেহ বা প্রাণ ধারণ করিব না ।

এইরূপে তিনি পতিব্রত পরায়ণ পরমধর্ম কীর্তন করিলে, বরাহ্মনা সখীগণ নারীগণের গতিবিধায়ক সেই প্রশস্ত ধর্ম শ্রবণ করিয়া অতিমাত্র হর্ষিত হইল । ব্রাহ্মণ, গুরু ও স্বাধী রমণীগণ সকলেই মহাভাগা ধর্মবৎসলা সুকলার প্রশংসা করিতে লাগিলেন ।

বিষ্ণু কহিলেন, ঐ সময়ে দেবরাজ ইন্দ্র সুকলার ধ্যান, প্রভাব ও পতিভাবপরায়ণতা দর্শন করিয়া চিন্তা করিলেন, ইহার এই পবিত্র স্বভাব পরীক্ষা করিতে হইবে ! সুরেশ্বর এইপ্রকার কল্পনা করিয়া, তৎক্ষণাৎ মন্থথদেবকে স্মরণ করিলেন । মহাবল মীনকেতু পরম ছফ্ট হইয়া, পুষ্পচাপগ্রহণপূর্বক প্রিয়তমা রতির সমভিব্যাহারে উপাগত হইলেন এবং বদ্ধাঞ্জলি হইয়া, নিবেদন করিলেন, বিত্তো ! কি জন্য আপনি মধুর সহিত আমারে স্মরণ করিয়াছেন ? সর্বতোভাবে আদেশ বিধান করুন ।

ইন্দ্র কহিলেন, কামদেব ! শ্রবণ কর । মহাভাগা সুকলা অতিমাত্র পতিব্রতা । আমি ইহারে পরীক্ষা

করিব। এ বিষয়ে তোমারে সমুচিত সাহায্য করিতে হইবে! কামদেব কহিলেন, দেবরাজ! সহস্রাঙ্ক! আচ্ছা, তাহাই হইবে। আমি আপনার সহায় হইব এবং কৌতুক-কারণ যথাসাধ্য সাহায্য করিব। এই বলিয়া সেই অতি দুর্জয় অতি তেজস্বী কন্দর্প পুনরায় কহিতে লাগিল, আমি ঋষিসত্তম ঋষি ও দেবসত্তম দেবতাকেও জয় করিতে পারি। অবলা রমণী অতি সামান্য পদার্থ। আমি তাহাদের শরীরে সর্বদাই বাস করিয়া থাকি; ভালে, কণ্ঠে, নেত্রে, কুচাগ্রে, নাভিতে, কটিতে, পৃষ্ঠে, জ্বনে, যোনিমণ্ডলে, অধরে, দশনে, ও কুক্ষিতে এই রূপে তাহাদের অঙ্গে ও উপাঙ্গে সর্বত্রই আমার অধিষ্ঠান। আমি তত্তৎ প্রদেশ আশ্রয় করিয়া, পুরুষদিগের বল পৌরুষ হরণ করিয়া থাকি। স্বভাবতঃ অবলা নারী মদীয় শরসম্পাতে আহত ও সন্তপ্ত হইয়া, সুরূপ সুগুণ পিতা, ভ্রাতা বা অন্য আত্মীয় বান্ধবকেও দর্শন করিলে, চলনেত্রা ও পাতকচিন্তায় পরাশুখী হয়। তৎকালে তাহাদের যোনি স্পন্দিত ও স্তনাগ্রেও কম্পিত থাকে। ফলতঃ, অবলাগণের কিছুমাত্র ধর্মজ্ঞান নাই। অতএব আমি সুকলাকে বিনাশ করিব।

ইন্দ্র কহিলেন, মনোভব! আমি রূপবান্, গুণবান্ ও বলবান্ পুরুষ মূর্ত্তি পরিগ্রহ করিব। এবং সত্য সত্য বলিতেছি, এ বিষয়ে আমার কাম, লোভ, সংরম্ভ, আরম্ভ, মোহ বা অন্য কারণ কিছুই নাই। একমাত্র কৌতুকবশতঃ ইহা চালাই এবং তোমার সাহায্য কারণে পরীক্ষা করিব। এই প্রকার উদ্দেশ্য করিয়া, সুররাট স্বয়ং সর্বাভরণ-শোভায় সুশোভিত, সর্বভোগসম্পন্ন, সর্বাশ্চর্য্য বিশিষ্ট

সর্বলীলাসমলঙ্কৃত, মন্থাখাকারসমুদ্ভূত, পরম রূপবান্ ও গুণ-  
শালী বিগ্রহ পরিগ্রহ করিলেন রুকরকামিনীর  
স্থিত প্রদেশে সমাগত হইয়া, আপনার লীলা, রূপ ও গুণভাব  
প্রদর্শন করিতে লাগিল। কিন্তু সাধী সুকলা তদীয়  
রূপগুণে ক্রমেকপও করিলেন না। অনন্তর তিনি যে যে  
স্থানে গমন করেন, সেই সেই স্থানেই দেখিতে লাগিলেন,  
ঐ পুরুষ সাভিলাষ চিত্তে তাঁহারে দর্শন করিতেছে।

ঐ সময়ে ইন্দ্রের প্রেরিত দূতী সেই মহাতাগার  
পার্শ্বে সমাগত হইয়া, সহাস্য আস্যে কহিল, আহা কি  
ধৈর্য, কি সহিষ্ণুতা, কি ক্ষমা, কি রূপ, কি সত্যনিষ্ঠতা!  
তোমার সদৃশী রূপরাশি ললনা সংসারে দেখিতে পাওয়া  
যায় না। কল্যাণি! তুমি কে, কাহার ভার্য্যা? তুমি কাহার  
অঙ্কলক্ষ্মী, সেই পুরুষই ধন্য ও পরম পুণ্যাত্মা।

মনস্বিনী সুকলা শ্রবণ করিয়া কহিলেন, আমার স্বামী  
বৈশ্যজাতিতে সমুৎপন্ন এবং অতিশয় ধার্মিক ও পুণ্যবৎসল।  
তাঁহার নাম রুকর। আমি সেই সত্যসন্ধ ধীমান্ রুকরের  
প্রিয়দয়িতা। সম্প্রতি তিনি ধর্মোদ্দেশে তীর্থযাত্রায় গমন  
করিয়াছেন। সেই মহাতাগ প্রস্থান করিলে, অদ্য তিন  
বৎসর অতিক্রান্ত হইয়াছে। তদীয় বিরহে আমি নিতান্ত  
দুঃখিত হইয়া পড়িয়াছি। আশ্রুতান্ত সমুদায় কীর্তন  
করিলাম। এক্ষণে, কে তুমি আমাং জিজ্ঞাসা করি-  
তেছ, বল।

দূতী শ্রবণ করিয়া পুনরায় কহিল, ভদ্রে। যদি জিজ্ঞাসা  
করিতেছ, সমুদায় বলিতে হইল।" অগ্নি বরবর্গিনি! আমি  
কার্য্যার্থিনী হইয়া, তদীয় সকাশে আগমন করিয়াছি। যে জন্ম

আসিয়াছি, বলিতেছি, শ্রবণ কর এবং শ্রবণ করিয়া, সবিশেষ অবধারণ কর। তোমার স্বামী নিৰ্ব্বাণ, সেই জন্ম তোমারে ত্যাগ করিয়া গিয়াছেন। কিন্তু যত দিন যৌবন, মনুষ্য তাবৎ ভোগ করিয়া থাকে। অতএব তুমি তাদৃশ প্রিয়ঘাতক পতি লইয়া কি করিবে? ভাবিয়া দেখ, তুমি সাতিশয় সাধী, তথাপি তিনি তোমারে ত্যাগ করিয়া গেলেন। এক্ষণে তিনি মৃত বা জীবিত আছেন, তাহারও কোন নিশ্চয় নাই। অতএব তাদৃশ পতিতে তোমার প্রয়োজন কি? তুমি রুখা খেদ করিতেছ। এবং কি জন্ম এই দিব্য হেমসমপ্রভ শরীর বিনাশ করিতেছ। বাল্যকাল উপস্থিত হইলে, বালক্রীড়া ব্যতিরেকে মনুষ্য আর কোন সুখ লাভ করিতে পারে না। বার্কিক্যও নির-বচ্ছিন্ন দুঃখময়। তৎকালে জরা শরীর পীড়ন করিয়া থাকে একমাত্র তারুণ্যই সর্বভোগ ও সর্বসুখের সাধন স্বরূপ। বয়স গত হইলে, সেই যৌবনই বা কি করিবে? দেবি! বৃদ্ধ কাল উপস্থিত হইলে, কিঞ্চিৎমাত্র কার্যসিদ্ধির সম্ভা-বনা নাই। স্ববিবরণ কেবল চিন্তা করে; কোন কার্যেই সুখে হস্তক্ষেপ করিতে পারে না। ফলতঃ, সলিল গত হইলে, সেতুবন্ধনে প্রয়োজন কি? সেই রূপ, তারুণ্য অতীত হইলে, শরীরও নিশ্চয়োজন হইয়া থাকে। অতএব তুমি সুখে ভোগ ও মধুমাধবী পান কর। অগ্নি চারুলো-চনে! মম্বথ তোমার এই দেহ দক্ষ করিতেছে। ঐ দেখ, রূপবান্ ও গবান্ পুরুষ সমাগত হইয়াছেন। ইনি ধনী, সর্বজ্ঞ ও সকল পুরুষের শ্রেষ্ঠ এবং তোমার জন্ম নিত্য স্নেহসম্পন্ন।

সুকলা কহিলেন, দূতিকে ! জীব স্বভাবতঃ সুসিদ্ধ ও সম্যক সিদ্ধি বিধান করেন। তাঁহার আবার বাল্য কি, যৌবন কি, বার্দ্ধক্যই বা কি ? তিনি অজর, নির্জর, সৰ্ব-ব্যাপী, সৰ্বসিদ্ধিসম্পন্ন, সত্যবিক্রম, নিকাম ও কামদ এবং আত্মা রূপে সংসারে বিচরণ করেন। এই দেহে ও গেহে কিছুমাত্র বিশেষ নাই। গেহের সংস্থান যেরূপ, দেহেরও সেইরূপ। গেহ যেরূপ কাষ্ঠ, পাষণ, স্তম্ভ, নানাবিধ দারু ও সূত্রাদি দ্বারা নিশ্চিত ও পরিমিত এবং বিবিধ লেপন দ্রব্যে লিপ্ত ও বিবিধ বর্ণে রঞ্জিত, দেহও সেইরূপ যুক্তিকা, জল ও বর্ণাদি তত্তৎ পদার্থে সংঘটিত। প্রথমে রূপ এই গৃহ সূত্রে সূত্রিত হইয়া আগমন করে এবং দিন দিন ভাস্করকিরণে বিচ্ছুরিত হয়। পরে বায়ু কর্তৃক ধূলি আন্দোলিত হইয়া, গৃহ মলিন করিয়া থাকে। তখন গৃহস্বামীর চক্ষে রূপহানি সংঘটিত হয়। যাহা হউক, ঐরূপ রূপ ঘটনাই গেহের তারুণ্য বলিয়া কল্পিত হয়। অস্মি দূতিকে ! তত্তৎ কাষ্ঠ ও পাষণাদি বহুকালে জীর্ণ ও স্থানভ্রষ্ট এবং পরিশেষে মূলান্ত্রে বিচলিত হইলে, পুনরায় প্রাদুর্ভূত হয় না। তখন এই দেহগেহে আধারমাত্রে প্রতিষ্ঠিত হইয়া, লেপনাদিত্যর সহ্য করিতে পারে না। ইহাই গৃহের বার্দ্ধক্য বলিয়া কথিত হয়। গৃহস্বামী তৎকালে গৃহকে পতনোন্মুখ দেখিয়া, তাহা ত্যাগ ও সবিশেষ বিবেচনা পূর্বক সত্বর অন্য গৃহ আশ্রয় করেন। মনুষ্য-গণের বাল্য, যৌবন ও বার্দ্ধক্যের ক্রম এইপ্রকার।

ফলতঃ, বস্ত্র, অলঙ্কার, ভূষণ, চন্দনাদি লেপন এবং তাগুলজ প্রভৃতি অন্যান্য বর্ণ দ্রব্যে চিত্রিত করিলেই,



দেহের তারুণ্যও অতিরূপসম্পন্ন, রসাদি সেবন করিলেই, মাংস অঙ্গসকল আপ্যায়িত ও বিস্তৃত এবং অভ্যঙ্গাদির অনুষ্ঠান করিলেই সৌকুমার্য সম্পাদিত হয়। এই রূপে রস ও মাংস উভয়ের সংযোগে দন্ত, স্তন, বাহু, কটি, পৃষ্ঠ, উরু, হস্ত ও পাদ শরীরের এই সকল উপাঙ্গ ও অঙ্গ বর্দ্ধিত ও স্বরূপতা প্রাপ্ত হয়। তৎকালে মনুষ্যও রসবদ্ধ ও স্বরূপতা লক্ষ্য করে। যাহা হউক, এইরূপ কৃত্রিম স্বরূপ মনুষ্য লোকে কি জন্য শোভা পায়, বলিতে পারি না। ভাবিয়া দেখ, এই দেহ বিষ্ঠামূত্রের কোষমাত্র এবং তজ্জন্য অতিশয় অপবিত্র ও দুগুপ্তিত। জলবুদ্বুদের ন্যায়, তাহার আবার রূপবর্ণনা কি? যাবৎ পঞ্চাশ বর্ষ এই দেহের দৃঢ়তা, অনন্তর দিন দিন ক্ষয় হইয়া থাকে। তৎকালে দন্ত সকল শিথিলিত, মুখ লালাক্লিন্ন, দর্শনশক্তি বিলুপ্ত, কর্ণ বধিরায়িত, গতিশক্তি তিরোহিত এবং হস্ত-পাদ অবসাদিত হয়। অধিকন্তু, জরার নিম্পীড়ন জন্য শরীর ক্ষমতাহীন ও দিন দিন শুষ্ক হইয়া যায়। আমারও রূপ এই প্রকারে আগমন করিয়াছে এবং এই প্রকারেই ক্ষয় প্রাপ্ত হইবে। অতএব আমার রূপ কণ্ঠনামাত্র। আর তুমি যাহার প্রশংসা করিতেছ এবং যাহার জন্য দূতীভার গ্রহণ করিয়াছ, তাহারও রূপ ঐপ্রকার কণ্ঠনামাত্র। এ বিষয়ে তুমি কি অপূর্ব দেখিয়াছ, বল। তাহার শরীরে রূপ থাকিতে পারে, কিন্তু তাহা কণ্ঠনার অতিরিক্ত নহে। অথবা তুমি ষেরূপ বলিতেছ, তোমার কথিত পুরুষ তাহারই অনুরূপ। তুমিও তদ্রূপ, সংশয় নাই। কলতঃ সংসারে রূপ নাই; অতএব তাহারও রূপ নাই। দেখ, অত্যাঙ্গ

শাদপ ও পর্কত সকলও কালবশে পীড়িত ও পতিত হইয়া থাকে । ভূতগণের অবস্থাও তদ্রূপ, সংশয় নাই ।

শুভে । অরূপ স্বরূপ সর্বব্যাপী দিব্য আত্মা একাকী, ঘটমলিলের স্রাব, স্থাবর জঙ্গম সমুদায় পদার্থে অধিষ্ঠান করেন । লোকে বৃষ্টিতে পারেন না, ঘট নষ্ট হইলে, সমুদায় জল একীভূত হয় এবং আত্মাও পিণ্ডনাশে ঐ প্রকার একরূপতা প্রাপ্ত হইয়া থাকেন । সমুদায় অঙ্গসঙ্গে অন্তর-গত উপল যেকোন স্বীয় স্বভাব ত্যাগ করিয়া, মাৎসভাবে পরিণত হয়, অন্ন উদরস্থ হইলে, তদ্বৎ আত্মভাব ত্যাগ করে এবং সত্ত্বর ক্রিমিমিশ্র বিষ্ঠা হইয়া থাকে । পুরুষও এইরূপ নিজরূপ ত্যাগ করিয়া, প্রথমে পুষ্প এবং পশ্চাৎ দুর্গন্ধিস্কুল ক্রিমিত্ব প্রাপ্ত হয় । অনন্তর সেই ক্রিমি নিতান্ত দারুণ ও অতিশয় কঠুম্ফাটক সমুৎপাদন এবং সেই পুষ্প সর্বাসঙ্গে পরিচালনাপূর্বক ব্যথা সম্পাদন করে । নখ দ্বারা ঘর্ষণ করিলে ঐ কণ্ডুর শান্তি হয় । শুভে ! শ্রবণ কর, সুরতেরও তদ্বৎ, তাহাতে সংশয় নাই ।

যনুষ্য এই রূপে যে রস পান ও ভক্ষ্য ভোগ করে, তাহা প্রাণবায়ু দ্বারা পাকস্থানে নীত এবং তথায় অগ্নি দ্বারা পক হইলে, অপানে মলপীড়া সঞ্চারিত হয়, এবং যে সারভূত শুদ্ধবীৰ্য্য সুনির্মল রস সমুদ্ভিক্ত হয়, তাহা বায়ু কর্তৃক প্রণীত ও আদিষ্ট হইয়া, ব্রহ্মস্থানে গমন করিয়া থাকে । তৎকালে উৎপন্ন বীৰ্য্য চঞ্চলত্ববশতঃ স্থানলাভে সমর্থ হয় না ।

প্রাণিগণের কপালবিভাগে পাঁচটা ক্রিমি অধিষ্ঠিত আছে । তন্মধ্যে কর্ণমূলে দুইটা, নেত্রস্থানে দুইটা এবং

রক্তের পশ্চাৎ কনিষ্ঠাঙ্গুলির সমান একটা বাস করিয়া থাকে। ভাহাদের নাম বলিতেছি, শ্রবণ কর। কৰ্ণমূলস্থিত কুমিধ্বয়ের নাম পিঙ্গলী ও শৃঙ্গিনী; নেত্র স্থানের নাম শৃঙ্গলী ও জঙ্গলী। ইহারা সকলেই নবনীতবর্ণ ও কৃষ্ণপক্ষ এবং মনুষ্যের অতিমাত্র দুঃখ সাধন করে। অধিকন্তু, এই চারিটির আগে শতপঞ্চাশৎ কুর কুমি হইয়াছে। ইহারা প্রমাণে বাজিশরীর সদৃশ এবং সকলেই ভাঙ্গান্তরে অবস্থান করে। ইহাদের প্রভাবেই লোকের কপালরোগ প্রাদুর্ভূত হয়, তাহাতে সংশয় নাই। দৃতি! শ্রবণ কর, প্রাজাপত্যনামক আর একটা মহাকুমি মনুষ্যশরীরে অধিষ্ঠিত আছে। ঐ কুমি অতিশয় দুর্দ্ধর্ষ ও অঙ্গুলির ন্যায় প্রমাণ বিশিষ্ট এবং তাহার মুখে কেশদ্বয় বিরাজমান। প্রাণিগণ উহার প্রভাবে তৎক্ষণাৎ ক্ষয় প্রাপ্ত হয়। কেননা, তদ্বারাই সেই প্রাণিগণের বীর্য্য বলপূর্ব্বক স্বস্থানস্থিত প্রাজাপত্য কুমির মুখগহ্বরে নিপাতিত হইয়া থাকে। সে তাহা মুখ দ্বারা পান করিয়া, মত্ত হইয়া উঠে। এবং তালুস্থানে নিতান্ত চঞ্চল ভাবে পরিভ্রমণ করে। ইলা ও পিঙ্গলা নামে যে সূক্ষ্ম নাড়ীদ্বয় সংস্থিত আছে, তৎকালে তাহার বলপ্রভাবে সেই নাড়িকায়ও কম্পিত হইয়া থাকে। তাহাতে প্রাণিগণের কামরাগ সমুৎপন্ন হইলে, পুরুষের লিঙ্গ ও স্ত্রীর যোনি ক্ষুরিত হইয়া উঠে। তৎক্ষণাৎ স্ত্রী পুরুষ উভয়ে ক্ষণকাল জন্য পরস্পর সঙ্গত হইয়া, শরীর দ্বারা শরীর ঘর্ষণ পূর্ব্বক নীধুবনলীলারমে একান্ত মগ্ন হয়। তাহাতে ক্ষণমাত্র সুখ; কিন্তু পুনরায় তাদৃশী কণ্ডু প্রাদুর্ভূত হইয়া থাকে। দৃতি! সৰ্বদাই

এইপ্রকার ব্র দেখিতে  
স্বস্থানে প্রস্থান কর । এ বিষয়ে কিছুই অপূর্বতা নাই  
যদি কিছু অপূর্ব বলিতে পার, নিঃসংশয়ে সম্পাদন করিব

### পঞ্চপঞ্চাশ অধ্যায়

বিষ্ণু কহিলেন, সুকলা এই প্রকার বাক্য প্রয়োগ  
করিলে, দূতী প্রস্থান পূর্বক সমুদায় সংক্ষেপে নিবেদন  
করিল । পুরন্দর অবধারণপূর্বক চিন্তা করিলেন, সংসারে  
রমণী হইয়া কেহ কখন এইপ্রকার জ্ঞানোদকবিশোধিত  
পরম সিদ্ধ যোগরূপ বলিতে পারে না । অতএব মহাভাগা  
সুকলাই পবিত্রতার আধার, সন্দেহ নাই । এবং এই সুক-  
লাই সমস্ত ত্রৈলোক্য ধারণ করিতে সক্ষম, তাহাতেও  
সংশয় নাই । ভগবান্ জিহু এবংবিধ চিন্তা করিয়া,  
কামদেবকে কহিলেন, আমি কুকরগৃহিণী সুকলার দর্শনার্থ  
তোমার সহিত একত্রে গমন করিব । মনুখ বলদর্পিত  
হইয়া কহিলেন, সহস্রাক্ষ ! চলুন, সেই পবিত্রতার অধি-  
ষ্ঠিত প্রদেশে গমন করি । সুররাজ ! আমি গমনমাত্রই  
তাহার মান, বীর্য, বল, ধৈর্য, সত্য ও পাতিত্রত্য সমুদায়ই  
ধ্বংস করিব ; এ বিষয়ে আবার মায়া কি ? দেবরাজ শ্রবণ  
করিয়া কহিলেন, কন্দর্প ! তুমি অতিবাদ প্রয়োগ করিতেছ ।

সুকলা সত্যবেলে অতিশয় দৃঢ় ও ধৈর্যবলে অতিশয় স্থির ভাব লাভ করিয়াছে। ইহাৱে জয় করা সাধ্য নহে। এ বিষয়ে তোমার পৌরুষ কার্যকর হইবে না।

মম্বথ শ্রবণমাত্র অতিমাত্র ক্রুদ্ধ হইয়া কহিলেন, আমি ঋষিগণ ও দেবগণেরও বীৰ্য্য হরণ করিয়াছি; এই অবলার বল গণনীয় হইতে পারে না। অতএব আপনি কি বলিতেছেন? দেখুন, আপনার সমক্ষেই ইহাৱে বিনাশ করিব। নবনীত যেরূপ অগ্নির তেজঃ দর্শনমাত্র দ্রবীভূত হয়, আমিও তদ্রূপ তেজোবলে ইহাৱে বিদ্রাবিত করিব। এক্ষণে চলুন, মহৎকার্য্য উপস্থিত, তথায় গমন করিব। আমার তেজঃ নিশ্চয়ই ত্রিলোকীবিনাশে সমর্থ।

ইন্দ্র শ্রবণ করিয়া পুনরায় কহিলেন, অগ্নি পুষ্পধন্বন্। আমি নিশ্চয় জানি, তুমি ইহাৱে জয় করিতে পারিবে না। কেন না, এই ললনা ধৈর্য্য, বীৰ্য্য, অতিশয় সত্য ও পুণ্যশালিনী এবং অতিমাত্র পবিত্ররূপিণী। যাহা হউক, চল, ধনুর্দ্ধারী তোমার উগ্রবীৰ্য্য পুরুষকার অবলোকন করিব। তখন কামদেব প্রিয়তমা রতি ও দূতীর সহিত মিলিত হইয়া তদীয় সমভিব্যাহারে পতিব্রতার সকাশে গমন করিলেন। দেখিলেন, পরমযোগী যেরূপ ধ্যানবশে বিকম্পহীন হইয়া, কাহাৱে চিন্তা করেন না, তদ্রূপ পতিভক্তিযুক্তা ও পরমপুণ্যশালিনী সুকলা একাকিনী স্বীয় গৃহে অধিষ্ঠান পূৰ্ব্বক এক চিত্তে পতির ধ্যান করিতেছেন। তাঁহার রূপ অত্যদ্ভূত, ও অনন্ততেজঃ কন্দর্পর্যুক্ত এবং সাধুগণের সাক্ষাৎ মোহন ও সর্বলীলাসমম্বিত। তৎকালে সেই যোগরসনিমগ্না মহানুভবা ললনা সহসা পুরোভাগে দর্শন করিলেন,

কামসহচর পুরন্দর পরমলীলায়িত মহৎ পুরুষমूर्তি পরিগ্রহ  
করিয়া, অতিশয় কামভাবে বিচরণ করিতেছেন। কিন্তু  
তিনি তাহার প্রতি জ্ঞানপাণ্ড করিলেন না !

তদর্শনে কন্দর্প কহিতে লাগিলেন, সালিল যেরূপ  
পায়োধর কর্তৃক পরিমুক্ত হইয়া, পাদ্দলে গমন পূর্বক  
চঞ্চল হইয়া থাকে, তদ্রূপ এই পতিব্রতার পরমসত্যনিষ্ঠ  
প্রভাবও ক্ষণমধ্যে চঞ্চল হইবে।

সুকলা দর্শনমাত্র বুঝিতে পারিলেন, এই ব্যক্তিই  
দূতী প্রেরণ করিয়াছিল। দূতী ইহারই গুণ বর্ণনা করিয়া  
গিয়াছে। এক্ষণে সাক্ষাৎকারে আপনার লাল্য, স্বরূপ ও  
বিলাস প্রভৃতি সমুদায় প্রদর্শন করিতেছে। দূতী পূর্বেই  
সুসম্বন্ধ শত্রুগুণ গান পূর্বক আমার সমক্ষে এই কামকে  
প্রবল রূপে প্রতিপন্ন করিয়াছে। কিন্তু মদীয় সত্যস্বভাবে  
প্রমর্দিত হইলে, রতির সহিত কাম কখনই জীবিত থাকিবে  
না। কিন্তু প্রার্থনা করি, নাথ আমার সুবুদ্ধিযুক্ত ক্রিয়া  
ও তাবপরিগ্রহপূর্বক চিরজীবী হউন। ফলতঃ কাম  
আমার শূন্য, চেষ্টাহীন ও মৃতকম্প হইয়াছে। এবং মদীয়  
কর্ম্য বলে এই দেহের সহিত তাহার প্রজা ও প্রিয়াখ্যা  
শক্তিও বিনষ্ট হইয়াছে। নাথ যত দিন সহবাসে ছিলেন,  
তাবৎ আমার এই শরীর সুশোভিত ছিল। এক্ষণে আর  
ইহার কিছুমাত্র শোভাবিভাব নাই। অতএব ইহা বিনষ্ট  
হইলেই, হর্ষ ও অতিশয় সঙ্ঘর্ষে পরিবর্তন করিতে  
পারিবে। তখন ইহার প্রকৃত শোভাও সমুৎপন্ন হইবে।  
অতএব যে ব্যক্তি ভোক্তুকাম হইয়া, আমার প্রার্থনা  
করিবে, তাহারে গুরু ভাবে প্রতিষ্ঠা দিত করিব।

মহারাজ ! সুকলা অতিশয় সাধী এবং তাহার চিত্তও সত্যাকরপ্রফালিত ও সাতিশয় সংযত । সে এইপ্রকার বিচারণাপূর্বক তৎক্ষণাৎ গৃহান্তে প্রবেশ ও স্বামিচিত্তায় চিত্ত সন্নিবেশ করিল ।

বিষ্ণু কহিলেন, সুররাজ তদীয় ভাব অবগত হইয়া, সম্মুখের কামকে বলিতে লাগিলেন, কাম ! তুমি ইহায়ে কখনই জয় করিতে পারিবে না । ঐ দেখ, এই সতী সত্য-রূপ সন্ন্যাসী সুদংশিত হইয়া, ধর্ম্মাখ্য ধর্ম্মঃ ও জ্ঞানাখ্য সায়ক গ্রহণ করিয়া, বীরভাবদর্পিত বীরের ন্যায়, যুদ্ধবাসনায় সংগ্রামে স্থির ভাবে অবস্থিতি করিতেছে । এক্ষণে তুমি ইহার তেজঃ জয় করিয়া, আত্মানুরূপ পুরুষার্থ বা পৌরুধ প্রদর্শন কর । কিন্তু ইহা নিশ্চয় জানিও, সতী তোমার পরাজয় করিবেন এবং তোমারে মরিতে হইবে । তুমি পূর্বে মহাত্মা শতুর সহিত বিরোধ করিয়া, দক্ষ ও সেই দুর্কর্ম্মের ফল স্বরূপ অনঙ্গ হইয়াছ, ইহা স্মরণ করিও । এবং ভাবিয়া দেখিও, পূর্বে যেরূপ কর্ম্ম করিয়াছিলে, তাহার প্রারব্ধও তদ্রূপ তীব্র হইয়াছে । অতএব চল, পতি-ব্রতের সহিত বিবাদে প্রয়োজন নাই । স্বর্গে থাকিয়া, অক্ষয় কীর্ত্তি লাভ করিবে । সংসারে যাঁহার জ্ঞানবান পুরুষ, তাঁহার কখন মহাত্মার সহিত বিবাদ করেন না । যাঁহার বিবাদ করে, তাঁহার রূপবিনাশন দুঃখময় অযশস্কর ফল প্রাপ্ত হয় । অতএব চল, এই সতীরে ত্যাগ ও পূজা করিয়া, স্ব স্ব স্থানে প্রতিপ্রস্থান করি । শ্রবণ কর, আমি পূর্বে এইপ্রকার সতীসঙ্কবশতঃ যুদ্ধে অতি পাপময় ফল ভোগ করিয়াছিলাম । মহাত্মা গৌতম আমারে যে শাপ

দেন, তাহাও তোমার অবিন্দিত নাই। তাহাতে আমার যে দুর্দশা হইয়াছে, বলিবার নহে। তৎকালে তুমি আমারে ত্যাগ করিয়া, পলায়ন করিয়াছিলে। কলতঃ বিধাতা সতীদিগের অতুল প্রভাব কল্পনা করিয়াছেন। সূর্য্যও তাহা সহ্য করিতে পারেন না। পূর্বে অত্রির পত্নী অনশুয়া মুনি কর্তৃক অভিশপ্তা হইলেও, স্বর্গে আপনার রূপচক্র বিস্তার করিয়াছিলেন। অনন্তর স্বকীয় তেজে সূর্য্যের তেজ রুদ্ধ করিয়া, পরম ভাস্বর দিব্য লোকে প্রবেশ ও দেবত্রয়কে স্বীয় পুত্ররূপে পরিণত করেন। মমথ ! পূর্বে তুমি বারংবার শ্রবণ করিয়াছ, সতীগণ কখন অসত্য বাক্য প্রয়োগ করেন না। ভাবিয়া দেখ, অশ্বপতির পুত্রী সাবিত্রী দ্যুমৎ-সেনাযুজ স্বীয় প্রিয়দয়িত সত্যবানকে বমের হস্ত হইতে আচ্ছিন্ন করিয়াছিলেন। বলিতে কি কোন মৃত অগ্নির শিখা স্পর্শ করিতে পারে এবং স্বহস্তে গলে শিলা বাঁধিয়া, সাগরতরণে সক্ষম হয় ? অতএব মৃত্যু সাহার একান্ত প্রার্থনীয়, সেই ব্যক্তিকেই সতীগণের বিনাশবাসনার প্রবৃত্ত হইয়া থাকে।

দেবরাজ কামের শিক্ষার্থ এইপ্রকার নীতিগর্ভ উদার বাক্য প্রয়োগ করিলে, রতিনাথ তাহা শ্রবণ করিয়া, প্রত্যুত্তর করিলেন, সুরনাথ ! আমি আপনারই আদেশে ধৈর্য্য-বন্ধন ও পুরুষার্থ সঙ্কলন পূর্ব্বক আগমন করিয়াছি। কিন্তু আপনি আমারে ত্যাগ করিয়া, বহুভয়যুক্ত মিথ্যাবাক্য প্রয়োগ করিতেছেন। ভাবিয়া দেখুন, আমি যদি কার্য্য-সাধনে নিরত হইয়া, প্রত্যাবর্তন করি, তাহা হইলে, আমার কীৰ্ত্তিনাশ এবং লোকমধ্যে অযশস্কর মানহানি সংঘটিত



হইবে। সকলেই বলিবে, সুকলা আমারে জয় করিয়াছে। আমি পূর্বে যাহাদিগকে জয় করিয়াছি, সেই দেবগণ, দানবগণ ও তপঃপ্রভাবসম্পন্ন তপোধনগণও এই বলিয়া হাস্য করিবেন যে, এই ভীষণ মন্থণ সামান্য মনুষ্যরমণীর হস্তে পরাজিত হইল। এই জন্ম, আমি আপনার সহিত উহার সমীপে গমন করিব, আপনি অনুমোদন করুন। দেবরাজ! আমি নিশ্চয়ই এই রমণীর তেজঃ ও ধৈর্য্য বিনষ্ট করিব। আপনি কি জন্ম ভীত হইতেছেন? কাম এই বলিয়া দেবরাজকে সম্বোধনপূর্বক সপুংখশরসহিত শরাসন গ্রহণ করিলেন এবং পুরোবর্তিনী ক্রীড়াকে কহিলেন, প্রিয়-সখি! শ্রবণ কর। তোমারে মায়া বিধান করিয়া, ধর্ম্মবিদ্-বরিষ্ঠা পরমসত্যনিষ্ঠা ক্লকরকামিনী সুকলার সমীপে গমন ও সাহায্য রূপ সবিশেষ কার্য্য সাধন করিতে হইবে। অনন্তর কাম প্রিয়তমা রতিকে সত্বর আহ্বান করিয়া কহিলেন, প্রিয়ে! তোমারেও আমার গুরুতর কার্য্য করিতে হইবে। চারুলোচনা! সুকলা ইন্দ্রকে দর্শন করিয়া, যাহাতে তাঁহার প্রতি স্নেহ করে, এবং বশীভূতা ও ব্যাকুলা হইয়া উঠে, তুমি গুণবাক্যযুক্ত তত্তৎপ্রভাববলে তাহা সমাধান কর। সখে মাধব! তুমিও সত্বর মায়ায় নন্দনকাননে গমন এবং তাহাকে ফলকুমুমে অলঙ্কৃত, এবং কোকিল ও ষট্পদগণের কলনির্নাদে প্রতিধ্বনিত কর। তিনি মকরন্দ ও স্বাদুগুণসম্পন্ন রসালকেও আহ্বান করিয়া কহিলেন, তোমরা স্ব স্ব কর্ম্মযোগবলে ইহার প্রীতি সমুৎপাদন ও অনুরাগ সঞ্চারিত কর। মন্থণ মোহবশতঃ হত্বকাম হইয়া, সুবিপুল মৈত্র্যদিগকে এই প্রকার আদেশ দিয়া বিদায়

করিলেন। অনন্তর স্বয়ং মহামতি সুকলার সম্মোহনার্থ  
দেবরাজমমতিব্যাহারে যথাস্থানে প্রস্থান করিলেন।

## ষট্‌পঞ্চাশ অধ্যায়

বিষ্ণু কহিলেন, দেবরাজ ও যম্মথ উভয়ে সতীর বিনাশ  
জন্য সবলবাহন প্রস্থান করিলে, সেই সুকলা ধর্মকে  
কহিতে লাগিলেন, অয়ি মহাপ্রাজ্ঞ ধর্ম্ম ! কাকের ব্যবহার  
অবলোকন কর। অতএব আমি তোমার, আপনার ও  
পরম পুণ্যভাক্ মহাত্মা স্বামীর জন্য এই সত্যার্থ্য সুবি-  
প্রার্থ্য সুদেবার্থ্য ধাম রূপ সুখ সমৃদ্ধ মহাস্থান ত্যাগ করিব।  
এখানে থাকিলে, দুরাত্মা মন্দবুদ্ধি কাম তৌমারে বিনাশ  
করিতে পারে। পতিব্রতা সতী, তপোধন ব্রাহ্মণ এবং  
স্বামী কাম এই সকলের শত্রু, তাহাতে সংশয় নাই।  
ধর্ম্ম ! বোধ হয়, তুমি এই কারণে মদীয় গেহ ত্যাগে অভি-  
লাষী হইয়াছ। বাহা হউক, আমি গেহান্তর আশ্রয় করিলে  
বোধ হয়, তুমিও সেখানে গমন করিতে পার। ধর্ম্ম ! তুমি  
সহায় হইলে, পুণ্যও শ্রদ্ধার সহিত সমাগত হইয়া, মদীয়  
মন্দিরে ক্রীড়া করিবে; ক্ষমাও শান্তির সহিত আগমন  
করিবে এবং সত্য, শৌচ, দয়, দয়া, সৌহার্দ, সুনির্লোভ  
ও প্রজ্ঞাও তথায় অধিষ্ঠিত হইবে। ইহারা সকলেই আমার

পরম পবিত্র স্বভাববান্ধব । ফলতঃ অস্ত্রের, অহিংসা, তিতিকা, বুদ্ধি, গুরুশ্রদ্ধা, এবং যাহা হইতে মোক্ষমার্গ প্রকাশিত হয় সেই জ্ঞানদীপ্তিসমন্বিত লক্ষ্মী সমভিব্যাহারী বিষ্ণু ও অগ্নিপ্রমুখ সমুদায় বেদ মদীয় গেহে নিত্য আগমন করেন । আমি ইহাদের সহিত সতীধর্ম্মমার্গের অনুসরণ পূর্বক সর্বদা বাস করিয়া থাকি । আমার গৃহ এই সকল সাধুমণ্ডলীতে নিত্য পরিবৃত । উহারাই আমার কুটুম্ব । আমি সেই কুটুম্বগণের মধ্যবর্তিনী হইয়া, যখন তখন তোমার সহিত বাস করি ।

যিনি সর্বশক্তিমান্ ও সমস্ত বিশ্বের প্রভু, সেই ত্রিশূলী রূষবাহন শিবমঙ্গল মদীয় গেহ রূপে বিরাজমান । আমি সেই শঙ্করাখ্য মহেশ্বর সদন আশ্রয় করিয়া ছিলাম ! দুর্ভাগ্য মন্থত তাহাও বিনাশ করিয়াছে । মহাত্মা বিশ্বামিত্র পরম তপস্শায় প্রবৃত্ত হইলে, এই কাম মেনকারে আশ্রয় করিয়া, তাঁহারও মোহ সমুৎপাদন করে । গৌতমের প্রিয়ভার্য্যা অহল্যা অতিশয় সাধ্বী ও পতিব্রতা । দুর্ভাগ্য মন্থত তাঁহারেও সত্য হইতে চালিত করিয়াছিল । অন্যান্য মুনিগণের সর্ব ধর্ম্মজ্ঞা পতিব্রত পরায়ণা গৃহস্থা রমণীগণও এই কাম রূপ অনলে দগ্ধ হইয়াছিলেন । বলিতে কি, এই দুর্দ্ধর দুঃসহ সর্বব্যাপী সত্যনিষ্ঠুর কাম নিত্য আমায়ে অবলোকন করে এবং বারংবার আমার সমীপে ষাতায়াত করিয়া থাকে । এ দেখ, দুর্ভাগ্য হঠাৎ বৈর আশ্রয় করিয়া, সশর শরাসন গ্রহণ পূর্বক মদীয় গৃহ বিনাশ বাসনায় আগমন করিতেছে । অদ্য অন্যান্য ক্রুরপ্রকৃতি পাষণ্ড-  
ধর্ম্ম পাণ্ডারাও মদীয় গৃহে প্রবেশ করিবে । ইহার

সেনাপতি মহাবল । ছুরায়া তাহারেও ছলপূর্বক প্রেরণ করিয়াছে । ধর্ম্য ! এক্ষণে আমি ধৈর্যশস্ত্র গ্রহণ করিয়া, মহারণে অধিষ্ঠিত হইলাম । ঋণকালও ইহার সহিত যুদ্ধ করিব । কিন্তু কাম অতিশয় বলবান্ । নিশ্চয়ই আমারে পঞ্চপ্রাণ, ইন্দ্রিয় ও যাতনাদি দ্বারা তাড়না করিবে । তখন আমি ইহার প্রভাবে দগ্ধ হইয়া যাইব । এই জন্য এই গৃহ ত্যাগ করিয়া, গুতনবিধ ধর্ম্মসংভূত স্ত্রীয়াখ্য গৃহ-সৃষ্টির অভিলাষিণী হইয়াছি ।

তৎকালে পুণ্য সকলের প্রিয়ভার্য্যা শিবমঙ্গলা ধর্ম্মকে কহিলেন, ধর্ম্ম ! ছুরায়া কাম আমার সুকলাখ্য গৃহ দগ্ধ করিতে উদ্যত হইয়াছে । দেবরাজ ইন্দ্রও কোন কারণে কামের পূর্বরূত অবগত হইয়া, তাহার সহিত মিলিত হইয়াছেন । পূর্বে ইনি অহল্যাসঙ্গে প্রীতিরস অনুভব করেন । তাহাতে মূনির পুরুষকার ও সতীর ধর্ম্মণা অবলোকন করিয়াছিলেন । এবং ঋষির শাপে বিনষ্ট হইয়াছিলেন । তৎকালে দারুণ শাপ ভোগ করিয়া, ইহার দুঃখের অবধি ছিল না । তথাপি ইনি কুরপ্রেয়সী ধর্ম্মচারিণী সুকলারে বিনাশ করিতে অভিলাষী হইয়া, পাপাত্মা কামের সহিত মিলিত হইয়াছেন । ধর্ম্মরাজ ! আপনি মহাপ্রাজ্ঞ ও সমুদায় মতিমদগণের বরিষ্ঠ । তাহাতে সুকলা ইন্দ্রের সহিত প্রয়াণ না করে, তদনুরূপ বিধান করুন ।

ধর্ম্ম কহিলেন, আমি কামের আহ্বান বা ভেদ কিছুই করিব না । যে উপায় দর্শন করিয়াছি, তাহাই এ বিষয়ে পর্য্যাপ্ত হইবে । এই সুরূপা পরম বুদ্ধিমতী শকুণী সুকলার স্বামীর শুভাগমন সর্বদাহ প্রখ্যাপন করিতেছে । সুকলা

ইহার প্রভাবে ও স্বামীর আগমনে সর্বথা স্থিরচিত্তা ও  
দৃষ্টিচারবহিভূতা হইবে, তাহাতে সংশয় নাই। এই  
বলিয়া তিনি দৈবজ্ঞরূপধারিণী প্রজ্ঞারে সুকলার গৃহে প্রেরণ  
করিলেন। সুকলা দৈবজ্ঞ দর্শনে নিরতিশয় হর্ষাবিষ্টা  
হইয়া, ধূপদীপাদি দ্বারা তাঁহার সমুচিত পূজা ও সম্মাননা  
করিলেন এবং ভাবিলেন, না জানি, এই ব্রাহ্মণ অদ্য  
আমারে কি বলিবেন।

ব্রাহ্মণ কহিলেন, ভদ্রে ! তোমার স্বামীর আগমন  
দর্শন করিয়াছি। তিনি নিশ্চয়ই সপ্তমদিবসে সমাগত হই-  
বেন। সুকলা শ্রবণমাত্র আনন্দিতা হইলেন।

বিষ্ণু কহিলেন, এদিকে কাসসহচরী ক্রীড়া মনোহর  
বিগ্রহ পরিগ্রহ করিয়া, পতিব্রতার গৃহে গমন করিল। এবং  
সাদর বাক্যে তাঁহারে সন্তোষণ করিল। সাধ্বী সুকলা পরম  
পবিত্র বচনবিষ্ঠাসে তদীয় সভাজনানন্তর সহাস্য আস্যে  
আপনার অভিলষিত সত্য ও যুক্তিযুক্ত প্রমের প্রত্যুত্তর  
প্রদান করিয়া কহিলেন, পুণ্যশীলে ! শ্রবণ কর, আমার  
স্বামী বীর, বিদ্বান্, বলবান, গুণজ্ঞ ও সকলের পূজাহ'।  
তিনি পুণ্যশালিণী আমারে ত্যাগ করিয়া গিয়াছেন।

শুদ্ধচারিত্র সুকলা স্বীয় রহস্য প্রকাশ করিলে, ক্রীড়া  
পুনরায় কহিল, ভদ্রে ! আমি সখীস্বরূপ তদীয় গৃহে সমা-  
গত হইয়াছি, অতএব তোমার স্বামী কি জন্য রূপবতী  
তোমারে ত্যাগ করিয়া গেলেন, সমুদায় কীর্তন কর।

সুকলা কহিলেন, মদীয় স্বামীর চরিত্র স্বভাব যথাযথ  
শ্রবণ কর, তিনি ধর্ম্ম বা পুণ্য যখন যাহা ইচ্ছা করিতেন,  
আমি একান্ত হইয়া, তখনই তাহা সাধন এবং সর্বদা

তাহার ধ্যানশালিনী হইয়া তদীয় ক্য পরিপালন করিতাম। অধিকন্তু, একান্তশীল হইয়া, স্বপুণে ও প্রীতি সহকারে তাহার সেবা করিতাম। কিন্তু সম্প্রতি আমার পূর্ব-বিপাক উপস্থিত; সেই জন্য তিনি মন্দভাগিনী আমাকে ত্যাগ করিয়া গিয়াছেন। সখি! আর আমি এই জীবন বা দেহ ধারণ করিব না। স্ত্রী পতিহীন হইলে, কিরূপে নিষ্করণ প্রাণ ধারণ করিতে পারে? অয়ি মহাভাগিনি! স্বামীই ললনা জনের শৃঙ্গার ও সৌভাগ্য বলিয়া, সর্বদা সর্বতোভাবে শাস্ত্র সকলে কথিত হইয়া থাকেন।

ক্রীড়া এই সকল শ্রবণ করিয়া, যাহা প্রত্যুত্তর করিল, মহাভাগা পতিদেবতা সুকলা তৎসমুদায় সত্যভাব বলিয়া অবধারণ করিলেন এবং বিশ্বাসবদ্ধা হইয়া, তাহারে পুনরায় সম্ভাষণ পূর্বক আত্মচেষ্টানুরূপ বচনবিন্যাসে আপনার পূর্ব স্বত্তান্ত, দুঃখ ও সত্যনিষ্ঠতা এবং পুণ্য-সাধনতৎপর ভর্তা ষেরূপে সৃষ্ট হইলেন, তৎসমস্ত তাহার গোচর করিলেন। ক্রীড়া শুনিয়া তাহারে প্রবোধ প্রদান করিতে লাগিল।

বিষ্ণু কহিলেন, একদা ক্রীড়া সুকলাকে কহিল, সখি! এই দিব্য পাদপবিরাজিত রমণীয় বন অবলোকন কর। এখানে বিবিধ বল্লীবিতত সুকুমার কুমুমে অলঙ্কৃত, পাপনাশন পরম পবিত্র তীর্থ আছে। বরাননে! উভয়ে তথায় পুণ্য হেতু গমন করি, চল। সুকলা যাহা কর্তৃক অভিহিতা হইয়া তদীয় সমভিব্যাহারে সেই নন্দন সদৃশ রমণীয় কাননে প্রবেশ করিলেন। দেখিলেন, ঐ অরণ্য সকল ঋতু সুলভ কুমুমে সুশোভিত, কোকিলকুলের কলনির্নাদে

প্রতিনাদিত, এবং সৰ্বভাবে পরিপূর্ণ। মায়া ও মাধব  
সুকলার সহিত তথায় প্রবেশ করিল এবং তত্তৎ দৈবযুক্ত  
পরম কোতুকময় পদার্থ সকল দর্শন করিতে লাগিল।  
কিন্তু সেই সর্বমুখসাধন সর্বভাবন দিব্য অরণ্য দর্শন  
করিয়াও সুকলার কিছুমাত্র মোহ উপস্থিত হইল না।

ঐ সময়ে মন্থথ সৰ্বভোগপতি ও কামলীলার সমাকুল  
হইয়া, সেই দূতীর সহিত তথায় সমাগত হইলেন। সুকলা  
তাঁহার সমীপবর্তিনী হইয়া, সস্তাষণ পূর্বক কহিলেন,  
মহাভাগ! এই ক্রীড়া ছলনাপূর্বক আমারে তদীয় সকাশে  
আনয়ন করিয়াছে। এক্ষণে আমি ইহার পুরোবর্তিনী হই-  
য়াছি। তুমি আমারে যথেষ্ট প্রহার এবং যদি পৌরুষ  
থাকে, তাহাও প্রদর্শন কর।

কামদেব কহিলেন, দেবরাজ! আপনি এই বেলা  
আপনার চতুলীলাসম্বিত স্বরূপ প্রদর্শন করুন। আমি  
তদ্বারা পঞ্চবাণযোগে ইহারে প্রহার করিব।

ইন্দ্র কহিলেন, যুৎ! সম্প্রতি সমাহিত হইয়া, যুদ্ধে  
অভিলাষী হইতেছে। কিন্তু যদ্বারা লোক সকল বিড়ম্বিত  
হইয়া থাকে, তোমার সেই পরম পুরুষকার কোথায়?  
কামদেব কহিলেন, দেবদেব মহাদেব আমার সেই পূর্ব  
স্বরূপ বিনাশ করিয়াছেন। তদবধি আমি অনঙ্গ হইয়াছি।  
এক্ষণে কোন রমণীকে বিনাশ করিতে অভিলাষ হইলে, পুরুষ-  
শরীর আশ্রয় করিয়া, স্বীয় রূপ প্রকাশিত করি। এবং  
পুরুষবধে ঐপ্রকার নারীদেহে অধিষ্ঠান করিয়া থাকি। পুরুষ  
পূর্বে যে রমণীকে দর্শন করে, তাহার চিন্তা করিয়া  
থাকে। সে বারংবার তাহার গাঢ় চিন্তায় প্রবৃত্ত হইলে,

আমি সেই অদৃষ্টা রমণীকে আশ্রয় করিয়া, স্বীয় সত্ব সমুৎপাদন করি উল্লিখিত প্রকারে নারীদেহ উন্নতি করিয়া থাকি। সুরেশ্বর ! এইপ্রকার সংস্মরণ জন্য আমার নাম স্মর হইয়াছে। লোকের দেহ যাদৃশ বা তাদৃশ হইলেও, আমার সহায়ে, বস্তুরূপ আশ্রয় ও আত্মতেজঃ প্রকাশ করে এবং অধন্যও ধন্যতা প্রাপ্ত হয়। ফলতঃ, আমি নারীদেহ আশ্রয় করিলে, বীর পুরুষও নিতান্ত মোহিত হয় এবং পুরুষদেহে অধিষ্ঠিত হইলে সাধ্বী রমণী ও দ্রবীভূত হইয়া থাকে। দেবরাজ ! আমি রূপ হীন। সেই জন্য অন্ত্যদীয় রূপ আশ্রয় করিতে হয়। এবং সেই জন্যই ভবদীয় রূপ আশ্রয় করিয়া, অভীপ্সিত সাধন করিব। মাধবসখ মনোভব এই বলিয়া, মহাত্মা ইন্দ্রের দিব্যযুক্তি আশ্রয় করিয়া, পরম সাধ্বী পতিপ্রাণা কুরুপ্রেয়সীর বধ-সাধনমানসে নিতান্ত উৎসুক চিত্তে তদীয় নয়ন লক্ষ্যস্বরূপ নির্ণয়পূর্বক শরহস্তে প্রতীক্ষা করিতে লাগিল।

### সপ্তপঞ্চাশ অধ্যায়

বিষ্ণু কহিলেন, এদিকে ক্রীড়া সেই মনোহর অরণ্যানী মধ্যে প্রবেশ করিলে, বৈশ্যভাৰ্য্যা সুতন্বী সুকলাও প্রবিষ্ট হইলেন। তিনি সেই মনোজগহন দর্শন করিয়া, মায়া



জিজ্ঞাসা করিলেন, সখি ! এই স্বকামসুসিদ্ধ পরম পবিত্র মনোভিরাম দিব্য অরণ্য কাহার ? তিনি হর্ষাবেশে এই প্রকার জিজ্ঞাসিলে, ক্রৌড়া কহিল, মহাত্মা মাধব ও মকরধ্বজ স্বভাববলে এই দিব্যগুণপ্রযুক্ত কামকলবিশিষ্ট পুষ্পময় কানন নির্মাণ করিয়াছেন । সুকলা শ্রবণমাত্র অতিমাত্র হর্ষাবিষ্টা হইলেন ; কিন্তু মহদ্রুত পর্যালোচনা করিয়া, তাহার কল গ্রহণ করিলেন না । বায়ু স্বভাবতঃ সৌরভ সহকারে প্রবাহিত হইয়া থাকে । তাহাতে অনায়াসেই তাহার ভ্রাণ নাসামধ্যে প্রবিষ্ট হয় । তৎকালে বায়ু কর্তৃক আন্দোলিত হইয়া, এই রূপে পুষ্পসৌরভ নাসারন্ধ্রে প্রবেশ করিলে, বরাননা সেই ভ্রাণও পরিহার করিলেন । তদ্রত্য সুরস ফলও তিনি আশ্বাদন করিলেন না । তদর্শনে বিহারপরায়ণ কামসখা মকরন্দ নিতান্ত লজ্জিত ও একান্ত দুঃখিত হইয়া, আসন হইতে ভূমিতলে অবতরণ করিল । মল্লিকাগণ তাহারে সংগ্রামপতিতের ন্যায় দর্শন করিতে লাগিল এবং পক্ষিগণ হাস্য সহকারে ভক্ষণ করিতে আরম্ভ করিলে, সে প্রবাহযোগে মন্দ মন্দ প্রয়াণ করিতে লাগিল । নগবিহারী শকুনা সকল বিবিধ রবে জপনা করিতে লাগিল, এই মকরন্দ সুকলা কর্তৃক পরাজিত হইয়া, নিত্যপথ আশ্রয় করিল ।

অনন্তর কামভার্যা রতি প্রীতির সহিত পতিব্রতার সমীপবর্তিনী হইয়া, হাস্যপূর্বক কহিল, ভদ্রে ! তোমার স্বস্তি ও স্বাগত ? এক্ষণে তুমি এই প্রীতির সহিত বিহার কর ।

পতিব্রতা। সুকলা তাহাদের বল্লিত ও বাক্য শ্রবণ ও

দর্শন করিয়া কহিলেন, আমার স্বামী রতি প্রীতি উভয়কেই সমভিব্যাহারে লইয়া গিয়াছেন ! যেখানে স্বামী, আমিও সেখানে, আমার রতিও সেখানে । এবং আমার কাম, প্রীতি ও নিরাশ্রয় দেহও সেখানে ।

রতি প্রীতি শ্রবণ করিয়া অতিমাত্র লজ্জিত হইল এবং হতাশ হইয়া মহাবল কামের সমীপে প্রত্যাগমন করিল । মহাবল কাম তৎকালে মহাকায় ইন্দ্রদেহ আশ্রয় করিয়া, শরাসন আকর্ষণপূর্বক নেত্র লক্ষ্য করিয়াছিলেন । রতিও তাঁহারে কহিতে লাগিল, মহাভাগ ! এই সুকলা নিতান্ত দুর্জেয় । অতএব আত্মপৌরুষ ত্যাগ কর । এই মহাভাগা সর্বথা পতিকামা, রতিকামা নহে ।

কামদেব কহিলেন, এই পতিব্রতা যখন মহাত্মা ইন্দ্রের রূপ দর্শন করিবে, তখন ইহারে বিনাশ করিব, সন্দেহ নাই ।

বিষ্ণু কহিলেন, মহাবেশ ইন্দ্র অন্যবেশ ধারণপূর্বক সত্বর কামের অনুগামী হইলেন এবং সর্বভাগসম্বিত, সর্বাভরণসম্পন্ন, দিব্যমাল্যাস্বরধর ও দিব্য গন্ধানুলেপনে দিগ্ভ্রম হইয়া, দূতী সমভিব্যাহারে নির্দিষ্ট স্থানে গমন করিলেন । তথায় সমাগত হইয়া, সত্যচারিণী মহাভাগা সুকলাকে কহিলেন, আমি পূর্বে দূতীর সহিত প্রীতিকে প্রেরণ করিয়াছিলাম । কি জন্য তাহাদের অবমাননা করিয়াছ ? এক্ষণে স্বয়ং সমাগত হইয়াছি, আমারে ভজন কর ।

সুকলা কহিলেন, তোমার মঙ্গল হউক । ভর্তার অধিকৃত মহাত্মা মহাবল শূকরগণ পুরুষাকারে সর্বদা সর্বতোভাবে

আমার রক্ষা করিতেছে। আমিও তাঁহার কর্ণে সৰ্ব্বথা ব্যস্ত। মহামতে ! এই সকল কারণে চক্ষুর নিমেষমাত্রও কথা বলিবার অবকাশ নাই। আর আমার সহিত কথা কহিতে আপনারও কি লজ্জা হয় না ? আপনি কে ; নির্ভয় হইয়া মরণাভিলাষে আগমন করিয়াছেন।

ইন্দ্র কহিলেন, ভদ্রে ! তোমায় অরণ্যমধ্যে একাকিনী অবলোকন করিতেছি, কেহ তোমার সহায় নাই। তবে আমি কাহারে ভয় করিব। তুমি যে স্বীয় স্বামীর বীর ভটগণের উল্লেখ করিলে, তাহাদিগকে কিরূপে দেখিতে পাইব, দেখাও।

সুকলা কহিলেন, আমার স্বামী নিত্যযুক্ত, মহাত্মা, অচল, অখণ্ডিত, যোগশীল, অভিমানী ও সহজধৰ্ম্মাবলম্বী। তিনি আমারে নিজ্বলে আরুত এবং ধৃতি, মতি, গতি ও বুদ্ধ্যাখ্য সৈন্যগণের আধিপত্যে সন্নিবেশিত ও সন্ত্যস্ত করিয়া সৰ্ব্বদা সুরক্ষিত করিয়াছেন। এই রূপে তিনি আমারে সমগুণ, শৌচ ও ধৰ্ম্ম দ্বারা প্রতিনিয়ত রক্ষা করেন। ঐ দেখ, মহাবল সত্য শান্তি ও ক্ষমার সহিত মদীয় সম্মুখে সমাগত হইয়াছেন। মহাবীর্য মহাযশাঃ জ্ঞান সৰ্ব্বদাই আমার নিকটে আছেন, তাঁহারা কখন আমারে পরিত্যাগ করেন না। এতদ্ভিন্ন, আমি নিজ গুণরূপ দৃঢ় বন্ধনে বদ্ধা হইয়া, নিত্য অবস্থান করি। কলতঃ সম্প্রতি সত্য প্রভৃতি সকলেই আমার রক্ষায় নিযুক্ত এবং ধৰ্ম্ম ও লাভাদি সকলেই বুদ্ধির অনুসারী হইয়া, আমারে সৰ্ব্বতোভাবে রক্ষা করিতেছেন। তুমি কিজন্য বলপূৰ্ব্বক প্রার্থনা করিতেছ। তুমি কি জান না, সত্য ধৰ্ম্ম ও জ্ঞান ইহারা সংসারে অতিশয়

প্রবল । তাঁহারাই ভর্তার সহায় রূপে আমার রক্ষা করিতেছেন । আমি দম ও শান্তির একমাত্র অধীন । সুতরাং কখন রক্ষাশূন্য নহি । সাক্ষাৎ শচীপতি ইন্দ্র অথবা মহাবল রতিপতি কামও আমারে পরাজয় করিতে সক্ষম নহেন । সত্যরূপ কবচে আমার শরীর সুসংযত, তাহাতে সন্দেহ নাই । কামবাণ নিশ্চয়ই ব্যর্থ হইবে । এবং ধর্ম প্রভৃতি মহাভট সকলও তোমারে নিঃসন্দেহ সংহার করিবেন । অতএব তুমি দূরে গমন ও পলায়ন কর, কদাচ এখানে থাকিও না । যদি প্রতিসিদ্ধ হইয়াও অবস্থান কর, ভয়ীভূত হইবে । স্বামী ব্যতিরেকে আর কেহই আমার রূপ নিরীক্ষণে ক্ষমবান্ নহে । অগ্নি যদ্বৎ দারু দহন করে, তদ্বৎ তোমারে এখনই দগ্ধ করিয়া ফেলিব ।

সহস্রাঙ্ক শ্রবণ করিয়া, সাতিশয় শঙ্কিত হইয়া, কামকে কহিলেন, ইহার পৌরুষ দেখিলে, অতঃপর পলায়নই শ্রেয়স্কর । অনন্তর ইন্দ্র প্রভৃতি সকলে মহাশাপে ভয়াতুর হইয়া, যেমন আসিয়াছিলেন, তেমনই স্ব স্ব স্থানে প্রস্থান করিলেন । তাঁহারা প্রস্থান করিলে, পতিব্রতা সুকলা ধ্যানস্থিমিত চিত্তে সতীর পবিত্র গৃহে প্রবেশ করিলেন ।

বিষ্ণু কহিলেন, মহারাজ ! এদিকে কুকর সন্ন্যাসীর্ষ সাধন পূর্বক সাতিশয় আনন্দিত হইয়া, সার্থবাহসমভিব্যাহারে গৃহাভিমুখে প্রস্থান করিলেন । পশ্চিমধ্যে চিন্তা করিতে লাগিলেন, এতদিনে আমার সংসার সফল হইল । বদীয় পিতৃগণও পরিতৃপ্ত হইয়া, নিশ্চয়ই স্বর্গপ্রাপ্ত হইবেন । এইরূপ চিন্তা করিতেছেন, এমন সময়ে তদীয় পিতামহ সাক্ষাৎকারে সমাগত হইয়া, তথায় অবস্থান করিলেন

এবং সেই মহাকায় দিব্যরূপ কুকরকে বলিতে লাগিলেন তোমার তীর্থযাত্রা শ্রমমাত্র, উহাতে কিছুই ফল হয় নাই। স্বয়ং সন্তোষ লাভ করিতেছ বটে, কিন্তু পুণ্যলেশে বঞ্চিত হইয়াছ। তোমার পিতৃগণও বদ্ধ হইয়াছেন। অতএব তুমি বৃথা শ্লাঘা করিতেছ।

কুকর শ্রবণ করিয়া কহিল, আপনি কে এরূপ বলিতেছেন? তদীয় পিতামহবর্গ কিজন্য কি দোষে বদ্ধ হইলেন, তাহার কারণ বলুন। কিজন্যই বা আমার তীর্থফল ও তীর্থযাত্রা ভ্রষ্ট হইয়াছে, যদি অবগত থাকেন, সবিশেষ স্পষ্ট করিয়া বলুন।

ধর্ম্মরাজ কহিলেন, যে ব্যক্তি প্রীতি ও পুণ্যশালিনী পত্নীরে গৃহে রাখিয়া যায়, তাহার পুণ্যকল বৃথা হইয়া থাকে সন্দেহ নাই। যাহার পুণ্যবলে ধর্ম্মাচারপরায়ণা ধর্ম্মসাধনতৎপরী পরমযশস্বিনী ভার্য্যা সংঘটিত হয়, মহোজা দেবগণ তাহারই গৃহে অবস্থান করেন এবং পিতৃগণও তদীয় গেহমধ্যস্থ হইয়া, নিত্য কল্যাণ বাসনা করিয়া থাকেন। ফলতঃ, যাহার গৃহে সত্যতৎপরী পুণ্য সতী বাস করেন, তদীয় গৃহে গঙ্গাদি পবিত্র নদী ও সাগরাদি পবিত্র জলাশয় এবং যজ্ঞ, দেবতা ও তপোধন ঋষিগণ অধিষ্ঠিত হইয়েন। ভার্য্যা প্রসন্ন হইলে, গাহস্থ্য সঞ্চিত হয়। এই গাহস্থ্য আশ্রয় করিয়াই জীবগণ জীবন ধারণ করে। গাহস্থ্যের ন্যায় অন্য উত্তম আশ্রম নাই। যে পুরুষের গৃহে অগ্নিহোত্র, বেদ, সমুদায় সনাতন ধর্ম্ম এবং দান ব্যবহার প্রবর্তিত ও অমুষ্ঠিত হয়, একমাত্র ভার্য্যাহীন হইলে, তাঁহার সেই গৃহও বন রূপে পরিণত

হইয়া থাকে। সেই ভার্গ্যাহীনের গৃহে যজ্ঞ বা বিবিধ দান আর সিদ্ধি প্রাপ্ত হয় না। এবং সমুদায় ধর্মকর্ম ও পুণ্যক্রিয়াও বিকল হইয়া যায়। অতএব ভার্গ্যার সমান পুণ্যসাধনহেতু তীর্থ নাই। মহাবল! শ্রবণ কর, এই ত্রিভুবনে ভার্গ্যার সমান গৃহস্থের অন্ত্যবিধ ধর্মও লক্ষিত হয় না। যেখানে স্ত্রী, সেইখানেই পুরুষের গৃহ, ইহাতে অন্ত্য নাই। গ্রামেই হউক, অরণ্যেই হউক, স্ত্রীই সর্বধর্মের সাধন। বলিতে কি, ভার্গ্যার সমান পুণ্য নাই, ভার্গ্যার সমান সুখ নাই, ভার্গ্যার সমান উদ্ধার ও হিতসাধন তীর্থও নাই। যে নরাধম ধর্মচারিণী সতী স্ত্রীকে ত্যাগ করিয়া যায়, তাহার ধর্ম ও ধর্মকলও পরিত্যক্ত হয়। তুমি ভার্গ্যাবিরহিত তীর্থে দান ও শ্রাদ্ধ করিয়াছ, সেই হেতু তোমার পূর্ব পিতামহগণ বঞ্চিত হইয়াছেন। তুমি চোর, তোমার পিতামহগণও চোর; যেহেতু তাঁহারা চোরের ন্যায় লোলুপ হইয়া, তোমার স্ত্রীবিরহিত প্রদত্ত শ্রাদ্ধ গ্রহণ করিয়াছেন। যে আশ্রয়বান্ পুত্র ভার্গ্যাবিরহিত পিণ্ডে শ্রাদ্ধ দান করে, তাহার পুণ্য শ্রবণ কর। যেরূপ যুৎপিণ্ডে পিতৃগণ পরমতৃপ্ত হইবেন, তাহার সেই পিণ্ডেও সেইরূপ হইয়া থাকেন। ভার্গ্যাই গার্হস্থ্য ধর্মের স্বামিনী হইবেন। তুমি সেই স্ত্রীব্যতিরেকে অনর্থক চোরের কার্য করিয়াছ। এই কারণে তোমার পিতামহগণও চোর হইয়াছেন। ভার্গ্য্য স্বহস্তে যে অমৃতোপম অন্ন পাক করে, পিতৃগণ হৃষ্টচিত্তে তাহা ভক্ষণ করিয়া থাকেন। তাহাতেই তাঁহাদের তৃপ্তি ও পরম সন্তোষ উপস্থিত হয়। এই জন্য ভার্গ্য্য বিনা পুরুষের ধর্মকর্ম সিদ্ধ হইতে পারে না।

## অষ্টপঞ্চাশ অধ্যায় ।

কুকর কহিল, ধর্মরাজ ! কি রূপে আমার সিদ্ধি লাভ  
ও কি রূপে পিতৃগণের মোচন হইবে, সবিস্তর বর্ণন করুন ।

ধর্মরাজ কহিলেন, মহাভাগ ! গৃহে গমন করিয়া,  
ধর্মচারিণী সুকলারে লইয়া, ধর্ম অনুষ্ঠান, স্বকীয় পুণ্যে  
তাহার সম্বোধন, তদীয় হস্তে শ্রদ্ধাদান এবং পবিত্র তীর্থ  
সকল স্মরণ করিয়া, সুরোত্তমগণের পূজা কর, তীর্থযাত্রা-  
কৃত সিদ্ধি লাভ করিতে পারিবে । যে ব্যক্তি ভার্য্যাবিনা  
ধর্মসাধনে উদ্যত হয়, সে গার্হস্থ্য লোপ করিয়া,  
একাকী বিচরণ করে । গৃহিণী গৃহে থাকিবেই, যজ্ঞ সকল  
সুসিদ্ধ হয় । কেহ কখন ভার্য্যাবিনা একাকী ধর্মার্থ সাধন  
করিতে পারে না । ধর্ম এই বলিয়া পুনরায় যথাগত  
প্রস্থান করিলেন । ধর্মাত্মা মেধাবী কুকরও স্বগৃহে  
প্রত্যুপস্থিত হইল এবং সার্থবাহ সমভিব্যাহারে পতিব্রতা  
ললনারে দর্শন করিয়া, স্বাস্থ্য লাভ করিল । পতিব্রতা  
সুকলা ধর্মকোবিদ ভর্তার সমাগত দেখিয়া, তদীয় আগমনে  
পুণ্যমঙ্গল বিধান করিলেন ।

অনন্তর বৈশ্যবর কুকর ভার্য্যার সমক্ষে ধর্মের উপদেশ  
বাক্য বর্ণন পূর্বক শ্রদ্ধা সহকারে তদীয় সমভিব্যাহারে  
গৃহস্থিত হইয়া, শ্রদ্ধা, পুণ্যানুষ্ঠান ও দেবগণের পূজা  
করিল । ঐ সময়ে পিতৃগণ, দেবগণ ও গন্ধর্ভগণ, বিমানা-

রোহণে সমাগত হইয়া যুনিগণ সমভিব্যাহারে সেই মহাত্মা ও ধর্মজ্ঞ দম্পতির ভূয়সী প্রশংসা করিতে লাগিলেন। আমি, ব্রহ্মা, দেবী সহিত মহাদেব এবং দেব ও গন্ধর্ভগণ আমরা সকলেই সুকলার পাতিব্রতে যার পর নাই প্রীতি লাভ করিলাম। এবং সেই সত্যপণ্ডিত বৈশ্য-ধিধুনকে কহিতে লাগিলাম, সুব্রত! ভার্যার সহিত বরগ্রহণ কর। তোমার কল্যাণ হউক।

কুকর কহিল, সুরোত্তমবর্গ! আপনারা কাহার তপস্যা ও পুণ্য প্রসঙ্গে সপত্নীক আমারে বরদানার্থ সমাগত হইয়াছেন?

ইন্দ্র কহিলেন, এই মহাভাগা সুকলা সাধ্বী ও পরম পুণ্যশালিনী। ইহারই সত্যে সন্তুষ্ট হইয়া আমরা তোমারে বরদানে উদ্যত হইয়াছি। এই বলিয়া তিনি সংক্ষেপে সমুদায় পূর্বঘটনা এবং তদীয় চারিত্র ও মহাত্ম্য সম্যক রূপ বর্ণন করিলে, কুকর নিরতিশয় হর্ষাবিষ্ট হইল। অনন্তর হর্ষভরে ব্যাকুললোচন হইয়া, পত্নীর সহিত বারংবার দেবতাদিগকে দণ্ডবৎ প্রণাম করিতে লাগিল। এবং বলিল, আপনারা এই তিন সনাতন দেবতা এবং অন্যান্য দেব ও ঋষিগণ যদি কৃপা করিয়া, আমার উপরি সন্তুষ্ট হইয়া থাকেন, তাহা হইলে, আমি যেন জন্ম জন্ম দেবভক্তি লাভ করিতে পারি, এবং আপনাদের প্রসাদে আমার যেন ধর্ম্যে ও সত্যে অমুরাগ সঞ্চিত হয়। বলিতে কি, যদি দেবগণ তুষ্ট হইয়া থাকেন, তাহা হইলে, আমি পরিণামে ভার্য্যা ও পিতৃগণের সহিত বৈষ্ণবলোকে গমন করিতে অভিলাষ করি।



দেবগণ কহিলেন, মহাভাগ ! তাহাই হইবে । তোমার সমুদায়ই সুসিদ্ধ হইবে । এই বলিয়া তাঁহার। সকলে তাহাদের উভয়ের উপরি পুষ্পবৃষ্টি আরম্ভ করিলে, গন্ধর্ভ-গণ মহৎ পুণ্য ললিত সুস্বর গান ও অঙ্গরোগণ নৃত্য করিতে লাগিল । অনন্তর সেই মগন্ধর্ভ বিবিধ দেবগণ বর-দানানন্তর পতিব্রতার প্রশংসা করিতে করিতে স্ব স্ব স্থানে প্রতিপ্রস্থান করিলেন ।

মহারাজ ! আমি এই বিবিধ তীর্থ কীর্তন করিলাম । আর কি বলিতে হইবে বল । আমি যে সকল পবিত্র আখ্যান কীর্তন করিলাম, ইহা শ্রবণ করিলে, মনুষ্যের সর্ব-পাপ বিমোচন হয় । যে নারী শ্রদ্ধা সহকারে সুকলার প্রশস্ত উপাখ্যান শ্রবণ করে, তাহার কখন সৌভাগ্য, সত্য-নিষ্ঠা ও পুত্র পৌত্র বিচ্যুত হয় না । অধিকন্তু, সে ধন ও ধান্যসহ সর্বদা আমোদ ও সুখ সম্ভোগ করে এবং জন্ম জন্ম পতিব্রতা হইয়া থাকে, তাহাতে অন্যথা নাই । ব্রাহ্মণ ইহা শ্রবণ করিলে, বেদবিৎ, ক্ষত্রিয় বিজয়ী, বৈশ্য-গৃহে ধনধান্য, ধর্মজ্ঞান, সুখ ও সদাচার এবং শূদ্রের পরম সুখ, পৌত্রপুত্রসমৃদ্ধি, বিপুল লক্ষ্মী ও ধনধান্যশোভা সম্পন্ন হয় ।

বেণ কহিলেন, ভগবন্ ! আপনি সর্বতীর্থসম্বিত ভার্য্যাতীর্থ কীর্তন করিলেন ; এক্ষণে পুত্রগণের পরিত্রাণ-সাধন পিতৃতীর্থ নির্দেশ করুন ।

বিষ্ণু কহিলেন, মহাতীর্থ কুরুক্ষেত্রে কুণ্ডল নামে ব্রাহ্মণ বাস করিতেন । তাঁহার সুকর্মানামধেয় সংপুত্র সমুৎ-পন্ন হয় । সুকর্মা ভক্তি ও কৃপাবিষ্ট হইয়া আপনার

ধর্মজ্ঞ শাস্ত্রকোবিদ অতিরিক্ত জরাপীড়িত গুরুদেবের অহ-  
 নিশ শুশ্রূষায় কায়মনে নিযুক্ত হইয়াছিলেন। তিনি পিতৃ-  
 দেবের সমীপে সমুদায় বেদ ও বহুবিধ শাস্ত্র অধ্যয়ন  
 করেন। তাহাতে সদাচারপরায়ণ, ধর্মবিৎ; জ্ঞানবৎসল  
 ও দমগুণে অলঙ্কৃত হইয়া উঠেন। মহারাজ ! ঐরূপ  
 গুণপরম্পরার অধিষ্ঠান প্রযুক্ত তিনি স্বয়ং পিতা মাতার  
 অঙ্গসম্বাহন, পাদপ্রক্ষালন, স্নান ও ভোজনব্যাপার সমা-  
 ধান এবং স্বহস্তে শয্যা করিয়া দিতেন।

ঐ সময়ে পিপ্পল নামে কশ্যপকুলোদ্ভূত কোন  
 ব্রাহ্মণ জিতাহার, জিতমৎসর, জিতচিত্ত, জিতক্রোধ, জিত-  
 কাম এবং শৌচ ও দমসম্পন্ন হইয়া, তপশ্চর্য্যায় প্রবৃত্ত  
 হইয়াছিলেন। তিনি শ্রীমান্, জ্ঞানবান্ ও শান্তিপারায়ণ  
 এবং দশারণ্যের অধিনায়ক। সমুদয় ইন্দ্রিয় সংযত করিয়া  
 মনকে আত্মবশে আনয়ন করেন। যেখানে কোন প্রকার  
 শব্দ না শুনিতেন তাদৃশ স্থানে গমন ও একাগ্র চিত্তে  
 অধিষ্ঠান করিয়া সানন্দ মুখপঙ্কজে পরব্রহ্মের ধ্যানধারণায়  
 মগ্ন হইয়া থাকিতেন। এবং দারুণ হইয়া স্থিরভাবে অব-  
 স্থিতি করিতেন। এইরূপে একস্থানে থাকিয়া বর্ষসহস্র অতি-  
 বাহিত হইলে, বৃদ্ধ পিপীলিকার যুক্তিকাসঞ্চয়ে ক্রমে ক্রমে  
 তাঁহার উপরি নিজ মন্দির স্বরূপ প্রকাণ্ডকায় বন্মীক উপচিত  
 হইল। তিনি সেই বন্মীকোদরমধ্যগত হইয়াই, তপস্য  
 করিতে লাগিলেন। তাহাতে কালসহকারে মহাবিষ কৃষ্ণ-  
 সর্পগণ তাঁহার সর্বত্র বেষ্টিত করিল এবং সেই উগ্রতেজা  
 বিপ্রর্ষিরে দংশন করিতে লাগিল। কিন্তু তাহাদের দারুণ  
 বিষ তদীয় গাত্রচর্ম্ম ভেদ করিতে পারিল না। ঐ সময়ে

শরীর হইতে দীপ্ততাজোবিশিষ্ট অর্চিঃ সকল বিনির্গত হওয়াতে, সেই বন্যীকমধ্যগত মহাআপিপ্পল শিখাবলয়-বেষ্টিত প্রথর বহির ন্যায় প্রতিভা ধারণ করিলেন । তীক্ষ্ণ-বষ আশীবিষগণ তথাপি সূতীক্ষ্ণ দংশন দ্বারা সেই মহাআরে, দংশন করিতে লাগিল । কিন্তু তাহাতেও তাঁহার গাত্রচর্ম ভেদ করিতে পারিল না ।

এই রূপ তপঃ করিতে করিতে বর্ষ সহস্র অতিক্রান্ত হইলে, তিনি শীত গ্রীষ্ম বর্ষা এই ত্রিকাল সাধনায় প্রবৃত্ত হইলেন । তাহাতেও এক সহস্র বৎসর অতীত হইল । অনন্তর মহামনাঃ বিপ্র বায়ুভক্ষ হইয়া, কঠোর তপস্যায় পুনরায় তিন সহস্র বৎসর অতিপাতিত করিলেন । তদ-র্শনে দেবগণ তদীয় মস্তকে পুষ্পরষ্টি করিয়া বলিতে লাগিলেন, মহাভাগ ! তুমি ব্রহ্মজ্ঞ ও সর্বজ্ঞ, সংশয় নাই । এবং তুমি স্বকীয় কর্মপ্রভাবে সর্বজ্ঞানময় হইয়াছ । অত-এব তোমার অভিলষিত সমুদায় প্রাপ্ত হইবে, অন্যথা নাই । এবং তোমার সর্বকামময়ী সিদ্ধি সম্পন্ন হইবে ।

মহাঅবান্ পিপ্পল মহৎ বাক্য শ্রবণ করিয়া, ভক্তি-ভরে নতকঙ্কর হইয়া, সকলকে প্রণাম করিলেন এবং অতিমাত্র হৃষ্ট হইয়া কহিতে লাগিলেন, দেবেন্দ্রগণ ! এই বিশ্বজগৎ যাহাতে আমার বশীভূত হয় এবং যাহাতে আমি বিদ্যাধর হই, আপনারা তাহা বিধান করুন । এই বলিয়া মেধাবী বিপ্র বিরত হইলে, দেবগণ তথাস্তু বাদ প্রয়োগপূর্বক কহিলেন, তোমার সমুদায়ই সিদ্ধ হইবে । এইপ্রকার বরদান করিয়া দেবগণ স্ব স্ব স্থানে গমন করিলে, দ্বিজসত্তম প্রতিনিয়ত ব্রাহ্মণ্য সাধন ও রশ্যাবশ্য চিন্তায়

শ্রবণ হইলেন। মহারাজ! তদাপ্রভৃতি সেই মেধাবী  
দ্বিজবর কামগামী বিদ্যাধর পদ লাভ করিলেন এবং দেব-  
লোকে সৰ্বধর্ম্যবিশারদ মহামতি বিদ্যাধর হইলেন।

একদা তিনি চিন্তা করিলেন, দেবগণ বর দিয়াছেন,  
সমুদায় আমার বশীভূত হইবে। অদ্য তাহার পরীক্ষা  
করিব। এইপ্রকার অনুপ্রত্যয় বিধানে উদ্যত হইয়া  
সেই দ্বিজপুঙ্গব যাহা যাহা চিন্তা করিতে লাগিলেন, তৎ-  
সমস্তই স্ববশে আনীত করিলেন। অনন্তর প্রত্যয় সুসিদ্ধ  
হইলে, মনে মনে কল্পনা করিলেন, আমার ন্যায় পুরুষো-  
ত্তম সংসারে দ্বিতীয় নাই।

স্মৃত কহিলেন, মহাভাগ কাশ্যপ এইপ্রকার কল্পনার  
শ্রবণ হইলে, তৎকালে কোন সারস তদীয় মানুষভাব  
অবগত হইয়া, সরোবরতীরে অবস্থান পূর্বক সুস্বর ব্যঞ্জন-  
লাঞ্জিত দন্ত্যোষ্ঠস্বরসম্পন্ন মনোহর বাক্যে কহিতে লাগিল  
বিপ্র! তুমি কি জন্ম বারংবার আশুপতনসাধন বিপুল  
গর্ব করিতেছ? তপস্যায় তোমার কি ইষ্টাপত্তি হই-  
য়াছে, বল। তোমার এই সর্ববশ্যাত্মিকা সিদ্ধি কিছুমাত্র  
বিস্ময়াবহ নহে। যাহারা অর্ধাচীন, তাহারা এই বশ্যা-  
বশ্য কর্তৃক প্রশংসা করে। পরাচীন, তোমার পরিজ্ঞাত নাই।  
বুঝিলাম, তুমি অতি মুখ। তুমি যাবৎ বর্ষত্রয়মাত্র তপস্যা  
করিয়াছ, তাহাতেই গর্বভরে অবসন্ন হইতেছ। শ্রবণ  
কর, কুণ্ডলপুত্র পরমশুচিয়ান্ ও বিদ্যাবান্ সুকর্ম্যাই সম  
সংসার বশীভূত করিয়াছেন। তিনি অতি বুদ্ধিম  
অর্ধাচীন পরাচীন তাহার পরিজ্ঞাত নাই। লোবে  
তাঁহার সদৃশ মহাজ্ঞানী কেহ নাই। তিনি কখন দ

জ্ঞানচিন্তা, অগ্নিতে আল্পতি বিধান, যজ্ঞাদির অনুষ্ঠান, তীর্থযাত্রায় সাধুগণের উপাসনা অথবা কোন প্রকার ধর্ম উপার্জন করেন নাই। তিনি স্বচ্ছন্দে বিচরণ করেন পিতামাতার সেবা করেন, বেদ অধ্যয়ন করেন, এবং সমুদায় ধর্মার্থ অবগত হইয়াছেন ও অতিশয় ধার্মিক। তাঁহার জ্ঞান যেরূপ, তোমার তাহ! কিছুই নাই। অতএব তুমি রথা গর্ভ করিতেছ।

পিপ্পলু কহিলেন, আপনি কে বিহঙ্গম রূপে আমার কুৎসা করিতেছেন; এবং কি জন্য আমার জ্ঞান নিন্দা করিতেছেন? পরাচীন কাহাকে বলে; কি রূপেই বা আপনারে জানিতে পারিব, সবিস্তর কীর্তন করুন। অয়ি বিহঙ্গরাজ! আপনি অর্বাচীন ও পরাচীন উভয়বিধ গতি জ্ঞানপূর্বক ব্যাখ্যান করুন। আপনি কি ব্রহ্মা, না, বিষ্ণু না, মহেশ্বর?

সারঙ্গ কহিল, তুমি এতদিন যে তপস্যা করিলে, তাহার কিছুমাত্র ভাব নাই এবং ফলও কিছুই হয় নাই। এক্ষণে শ্রবণ কর। কুণ্ডলপুত্র বালক সুকর্মার যে গুণ ও পরাচীন বিষয়ে যেরূপ জ্ঞান, তোমার সেরূপ নাই। দ্বিজোত্তম! তুমি তাঁহার সমীপে বাইয়া আমার বিষয় জিজ্ঞাসা কর! সেই ধর্মাত্মা তোমার সর্বজ্ঞান নির্দেশ করিবেন। কাশ্যপ তৎসমস্ত আকর্ষণপূর্বক সবেগে দর্শারণ্য মহাশ্রমে প্রস্থান করিলেন।

বিষ্ণু কহিলেন, রাজন্! তিনি কুণ্ডলের সত্যধর্মসম্বিত আশ্রমপদে গমন করিয়া দেখিলেন, পিতৃমাতৃপরায়ণ মহামনা সত্যশীল গুণশ্রবাসম্পন্ন সুকর্মা ভক্তিভরে পিতা

তিনি চরণোপাস্তে উপবিষ্ট রহিয়াছেন । তিনি শাস্ত্র ও সর্বজ্ঞানের আধার । দ্বারদেশস্থিত কাশ্যপকে দর্শনমাত্র তৎক্ষণাৎ আসন হইতে উত্থান ও প্রত্যুত্থান করিয়া, স্বাগতবাদ সহকারে কহিতে লাগিলেন, মহাভাগ মহামতে বিদ্যাধর ! আসুন । এই বলিয়া পাদ্য, অর্ঘ্য ও আসন প্রদানানন্তর পুনরায় নিরাময় শ্রম বিধান করিয়া কহিলেন, মহাপ্রজ্ঞ ! আপনার কুশল ? আপনি নির্বিঘ্নে আসিয়াছেন ? যে জন্ম আসিয়াছেন, তৎসমস্ত কীর্তন করিব । আপনি তিন সহস্র বৎসর যাবৎ তপস্যা করিয়াছেন । তাহাতে অমরগণ আপনাকে বর দিয়াছেন । সেই বরপ্রভাবে আপনার বশ্যত্ব ও কামচারিত্ব সম্পন্ন হইয়াছে । তজ্জন্ম মৃত্যু ও অজ্ঞান হইয়া, বহুতর গর্ভ করিয়াছিলেন । মহানুভব সারস তদর্শনে আমার নাম ও জ্ঞান কীর্তন করেন ।

কাশ্যপ কহিলেন, বিপ্র ! সেই সরোবরতীরবিহারী প্রভু ও ঈশ্বর স্বরূপ সারস কে, আমারে প্রেরণা ও সর্বজ্ঞান উপদেশ করিলেন ?

সুকর্মা কহিলেন, যে সারস সরোবরতীরে আপনাকে সন্তোষণ করেন, তিনি সাক্ষাৎ পরমপ্রভাব পরমেশ্বর ব্রহ্মা । এক্ষণে আর কি জিজ্ঞাস্য আছে, বলুন, তাহাও বলিব ।

কাশ্যপ কহিলেন, আমি শুনিয়াছি, আপনাতে সমুদায় পুণ্য ও সমুদায় সংসার প্রতিষ্ঠিত আছে । আমারে বিশেষ রূপে এই কৌতুক প্রদর্শন করিতে হইবে । বশ্যাবশ্য জন্ম আমার অতিশয় কৌতুক উপস্থিত হইয়াছে ।

পরম ধার্মিক সুকর্মা সকল রহস্য প্রকাশ করিয়া

কহিলেন। এবং তাহার পরীক্ষার্থ ইন্দ্রাদি লোকপাল, অগ্নিপুরোগম দেবতা এবং নাগ ও বিদ্যাধরদিগকে আহ্বান করিলেন। তাঁহারা আহ্বানমাত্র তৎক্ষণাৎ সমাগত হইয়া, সুকর্মাাকে কহিলেন, বিপ্র! কি জন্য স্মরণ করিয়াছেন, বলুন।

সুকর্মা কহিলেন, এই কশ্যপনন্দন বিদ্যাধর আগমন করিয়া, আমারে বশ্যাবশ্যত্ব কারণ জিজ্ঞাসা করিতেছেন। এই মহাত্মার প্রত্যয় জন্যই আপনাদিগকে আহ্বান করিয়াছি। এক্ষণে স্বস্থ স্থানে গমন করুন।

দেবগণ সেই মহামতিকে কহিলেন, বিপ্র! আমাদের দর্শন কখন নিষ্ফল হয় না! অতএব তোমার কল্যাণ হউক। তুমি যথাভিলষিত বর গ্রহণ কর। আমরা নিঃসন্দেহই তোমারে তাহা প্রদান করিব।

সুকর্মা ভক্তিতে দেবতাদিগকে প্রণাম করিয়া, বর প্রার্থনাপূর্বক কহিলেন, আপনারা আমারে পিতামাতার প্রতি নিত্যভাবম্পন্ন অচলা ভক্তি প্রদান করুন। এবং আমার পিতামাতা যাহাতে বৈষ্ণবলোক লাভ করেন তাদৃশ বর বিতরণ করুন। এতদ্ভিন্ন অন্য বরে আমার অভিলাষ নাই। দেবগণ কহিলেন, বিপ্রেন্দ্র! আপনি পিতৃভক্ত। এই ভক্তিয়োগ বশতঃ আপনার প্রতি আমরা সর্বদাই প্রীতিমান। এই বলিয়া তাঁহারা স্বর্গলোকে গমন করিলেন।

সুকর্মা এই প্রকারে আপনার সমুদায় ঐশ্বর্য ও তাদৃশ অদ্ভুত কৌতুক পরিদর্শন করাইলে, কাশ্যপ দর্শন করিয়া কহিলেন, বদতাংবর! এক্ষণে অর্ধাচীন ও পুরাচীন উভয়ের স্বরূপ ও প্রকার কীর্তন করুন।

সুকর্মা কহিলেন, শ্রবণ করুন, পরাচীন স্বরূপ ও লক্ষণ বর্ণন করি। যদ্বারা ইন্দ্রপ্রমুখ শ্বাবর জঙ্গম লোক সমুদায় প্রমুদিত হয়, সেই এই জগন্নাথ সর্ষগামী সর্ষব্যাপী ও সর্ষভূত! ইহার রূপ কেহ কখন যোগ-বলেও দেখিতে পায় নাই। শ্রুতিও তাহা নির্ণয় করিতে অক্ষম হইয়া, নেতি নেতি বলিয়া থাকেন। ইহার পদ নাই, হস্ত নাই, নাসিকা নাই, কর্ণ নাই এবং মুখ নাই। ইনি ত্রৈলোক্যবাসী সকলের কৃত কৰ্ম্ম দর্শন করেন। ইনি আপনিই আপনার সাক্ষী এবং কর্ণহীন হইলেও, সকলের কথা শুনিতে পান। ইনি গতিহীন; তথাপি সর্ষত্র গমন করেন এবং সর্ষত্র লক্ষিত হইয়া থাকেন। ইনি অপাদ ও অহস্ত, তথাপি ধাবন ও গ্রহণ করেন। ইনি সর্ষব্যাপক, এই জন্য সর্ষত্র লক্ষিত হইয়েন। তত্ত্বদর্শী ঋষি ও স্বয়ং দেবরাজও যাহা দেখিতে পান না, ইনি সত্যাসত্য পথ-স্থিত তৎসমস্ত অনায়াসেই দর্শন করেন। একমাত্র মহা-যোগী ব্যাস ও মার্কণ্ডেয়ই ইহারে ব্যাপক, বিমল, সিদ্ধ, সিদ্ধিদ ও সর্ষনায়ক স্বরূপ অবগত আছেন। ইনিই তেজো-মূর্তি, একবর্ণ ও অসীম আকাশ। অষ্টমূর্তি বিভাগ সকলে ইহারই তেজ লক্ষিত হইয়া থাকে। এই প্রকারে ইনি সর্ষমুখ ও অদ্বিতীয় স্বরূপ এবং গুণাতীত, গুণজ্ঞ ও নিগুণ। ব্যাস ও মার্কণ্ডেয় ইহার পদ অবগত আছেন এবং শ্রুতি সকলে ইহার এই প্রাচীন মূর্তি সম্যক ব্যাখ্যাত হইয়াছে।

এক্ষণে অর্ষাচীন লক্ষণ বলিতেছি, একাধি হইয়া শ্রবণ করুন। সর্ষভূতাত্মা সর্ষপ্রভু এক ও অদ্বিতীয়



প্রজাপতি জনার্দন সমস্ত সংহরণ পূর্কক শেষভোগ আশ্রয় করিয়া, একাৰ্ণবসলিলে শয়ন ও তাহাতে বহুকাল অতিবাহন করিলে, মহাযোগী মার্কণ্ডেয় জলাঙ্ককারে পরিব্যাপ্ত ও স্থান-লাভে অভিলাষী হইয়া, আলস্যপরিহারপুরঃসর ভ্রমণ করিতে প্রবৃত্ত হইলেন। ভ্রমণ করিতে করিতে দেখিলেন, ভগবান্ শঙ্খচক্রগদাধর শেষপর্য্যকে শয়ন করিয়া, যোগ-নিদ্রায় আচ্ছন্ন হইয়াছেন। তাঁহার প্রতিভা কোটিসূর্যের ন্যায় ; দৃশ্য অতি রমণীয় ; দিব্য আভরণ দিব্য মাল্য ও দিব্য অস্তরে তাঁহার শোভার পরিসীমা নাই। আরও দেখিলেন, সেই সর্বব্যাপী মহেশ্বরের পাশ্বে কৃষ্ণাঙ্কনচয়স-ন্নিভা দংষ্টাকরালবদনা অতি ভীষণস্বরূপা প্রকাণ্ডশরীর-বিশিষ্টা এক ললনা আসীনা রহিয়াছেন। ঐ ললনা মার্কণ্ডেয়কে কহিলেন, মুনিবর ! তোমার ভয় নাই। এই বলিয়া তিনি সেই মহামুনি মার্কণ্ডেয়কে পঞ্চযোজনবিস্তৃত অতি-বিশাল পদ্মপত্রে সন্নিবেশিত করিয়া, পুনরায় কহিলেন, তুমি নির্ভয় হইয়া, সুখে অবস্থিতি কর।

যোগিবর যুকণ্ডুনন্দন উক্তা ললনাকে কহিলেন, স্বামিনি ! আপনি কে একাকিনী এই নির্জনে অবস্থিতি করিতেছেন ?

ললনা কহিলেন, যিনি নাগভোগাঙ্কপর্য্যকে শয়ন করিয়া আছেন, ইনি কেশব। আমি ইঁহার বৈষ্ণবী শক্তি ; আমারে কালরাত্রি বলে। বিপ্র ! তুমি জানিবে, আমি বিষ্ণুর সহিত সম্যকরূপে সম্বন্ধ-এবং আমিই পুরাণ সকলে জগন্মোহিনী মহাখায়া বলিয়া অভিহিতা হই। এই বলিয়া সেই দেবী তৎক্ষণাৎ অন্তর্হিতা হইলেন। মার্কণ্ডেয় দেখি-

লেন, দেবী গমন করিলে, বিষ্ণুর নাভি হইতে হাটকসদৃশ এক পদ্ম সমুৎপন্ন হইল। লোকপিতামহ মহাতেজাঃ ব্রহ্মা তাহাতে জন্ম গ্রহণ করিলেন। অনন্তর স্বাবরজঙ্গম লোক সমুদায়, ইন্দ্রাদি লোকপালবর্গ এবং অগ্নিপ্রমুখ দেবগণ প্রাহুভূত হইলেন। ইঁহারই নাম অর্বাচীন স্বরূপ। ফলতঃ, যাহা শরীর, তাহাই অর্বাচীন এবং যাহা নিরাশ্রয় তাহাই পরাচীন। এই পরাচীনকায় দর্শন করিলেই, লোকে কামরূপ হইয়া থাকে। তখন ব্রহ্মাদি অর্বাচীন লোক সমুদায় প্রাহুভূত হয়। ফলতঃ সংসারে সমুদায় লোকই অর্বাচীন। সেই ভূতাত্মাই কেবল পরাচীন। যোগিগণ ইঁহারে দর্শন করেন। ইনিই সাক্ষাৎ মোক্ষ, পরম স্থান, পরমব্রহ্ম, অব্যক্ত, অমল, অতিশয় শুদ্ধ ও সিদ্ধিসম্পন্ন এবং হংস নামে পরিগণিত। বিদ্যাধর! পরাচীনের যে-প্রকার লক্ষণ, তৎসমস্ত তোমার সমক্ষে বলিলাম, আর কি বলিতে হইবে, নির্দেশ কর।

বিদ্যাধর কহিলেন, সূত্রত! আপনার এই অদ্ভুত ও অসীম জ্ঞান কি প্রকারে সমুদ্ভূত হইল; আপনি কিপ্রকারে এখানে থাকিয়াই আমার বিষয় জানিতে পারিলেন; কি প্রকারেই বা অর্বাচীন ও পরাচীন গতি আপনার পরিজ্ঞাত হইল? আপনি কঠোর তপশ্চর্যা, উত্তম বিদ্যাশিক্ষা, তীর্থসাধন, অথবা দান ও যজ্ঞন কিছুই করেন নাই। কোন্ তপস্যাবলে এই মহোদয় জ্ঞান লাভ করিলেন? আপনি যাহার প্রভাবে এই অতুল জ্ঞান প্রাপ্ত হইয়াছেন, তাহাই নির্দেশ করুন।


সুকর্মা কহিলেন, আমি তপস্যা অবগত নহি। কায়-

শোধন, যজ্ঞ, যাজ্ঞ বা ধর্মেরও অনুষ্ঠান করি নাই ।  
 তীর্থসেবা বা সুকর্ম জন্য পুণ্যকালসাধন এ সকলেও  
 আমার অধিকার নাই । আমি কেবল পিতা মাতার সর্বা-  
 ঙ্গীন পরিচর্য্যাই অবগত আছি । স্বহস্তে প্রতিদিন স্বয়ং  
 উভয়ের পাদদ্বয় প্রক্ষালন করি, অঙ্গস্নান, স্নান ও ভোজ-  
 নাদি স্বয়ং সম্পাদন করি ; ত্রিসন্ধ্যা উভয়েরই ধ্যানে  
 মগ্ন হইয়া যাপন করি ; এবং ভক্তিভাবে উভয়ের পাদো-  
 দক বন্দনা ও স্বভাবতঃ প্রতিদিন তাহারই পূজা করি ।  
 যত দিন পিতামাতা জীবিত থাকিবেন, তাবৎ আমার  
 অসীম লাভ সম্পন্ন হইবে এবং তাবৎ আমি ভক্তিভাবশুদ্ধ  
 চিত্তে ত্রিকাল উভয়ের পূজা করিব । মহাভাগ ! আমি  
 এই প্রকারে একমাত্র পিতামাতার পূজা করিয়া, স্বচ্ছন্দ  
 লীলায় পরিবর্তন করি । আমার অন্য তপস্যায় প্রয়োজন  
 কি, কায়শোধনে আবশ্যিক কি, তীর্থযাত্রা বা অন্যবিধ  
 পুণ্যানুষ্ঠানে কল কি ? দ্বিজাতিগণ যজ্ঞ সকলের বিধান  
 জ্ঞাত যে ফল প্রাপ্ত হইবেন, একমাত্র পিতৃসেবায় তাহা  
 দেখিতে পাওয়া যায় । তদ্বৎ, মাতার শুশ্রূষাও পুত্রগণের  
 গতি সাধন করে । জননীর সেবা করিলে, সংসারে জগজ্জয়-  
 সারভূত সর্বধর্মসর্বস্ব সঞ্চিত হইয়া থাকে । পূজ্যপাদ  
 পিতামাতা যাবৎ জীবিত থাকেন, যে পুত্র তাঁহাদের পরি-  
 চর্য্য করে, তাহার পুণ্যফল শ্রবণ কর । সমুদায় দেবগণ ও  
 পুণ্যবৎসল বসুগণ তাহার প্রতি সন্তুষ্ট হইবেন । এই প্রকারে  
 পিতৃশুশ্রূষাই দেবগণের সন্তোষ সাধন করে । ফলতঃ,  
 প্রতিনিয়ত পিতামাতার পাদ বন্দনা করিলে নিত্য গঙ্গা-  
 স্নানের ফল লাভ হয় । যে পুত্র ভক্তিভাবে পবিত্র মিষ্টির

পানাদি দ্বারা পিতামাতার ভোজন সাধন করে, তাহার পুণ্য অ্রবণ কর। সে অশ্বমেধ যজ্ঞের ফল লাভ করে। তথাপি তায়ূ ল, আচ্ছাদন, স্নান ও পানাদি দ্বারা ভক্তিব্যাবস্কৃত শুদ্ধ চিত্তে পরমপূজনীয় পিতামাতার পূজা করিলে সমুদায় জ্ঞান, ধনঃ ও কীর্তিলাভে সমর্থ হওয়া যায়। পিতামাতাকে দর্শন পূর্বক হর্ষভরে সন্ত্রাষণ করিলে, নিধি সকল মন্থুট হইয়া, গৃহে বাস করিয়া থাকে। এবং গো সকল মৌহার্দ বন্ধন ও নিত্য সুখ সাধন করে।

— ০ —

## উনষষ্টি অধ্যায়।



শুকশ্রী কহিলেন, দ্বিজসত্তম ! পিতামাতা স্নান করিলে, যে পুত্রের সর্বাঙ্গে সেই সলিলকাণ পতিত হয়, তাহার সর্বতীর্ধময় স্নান সম্পন্ন হইয়া থাকে। পিতা পতিত, শ্রান্ত, সর্বকর্মে অশক্ত, ব্যাধিগ্রস্ত, অথবা কুষ্ঠী হইলে, যে পুত্র তদীয় সেবায় পরাঙ্মুখ না হয় এবং তথাবিধ জনীরও পরিচর্যা করে, বিষ্ণু তাঁহার প্রতি প্রমন্নচিত্ত হইলে, সংশয় নাই। এবং পরিণামে তাহার ষোগিগণেরও অপ্রাপ্য বৈষ্ণবলোক প্রাপ্ত হইয়া থাকে। যে পুত্র বৃদ্ধ, দীন, বিকলাঙ্গ ও অতিশয় রোগগ্রস্ত পিতামাতাকে পরিত্যাগ করে, সে পাপাত্মা চরমে কৃষিসঙ্কুল দারুণ

নরকে পতিত হয়। বৃদ্ধ পিতামাতা আশ্বান করিলে, যে মৃত তাঁহাদের অভিমুখীন না হয়, সে মরিয়া বিষ্ঠাশী হয়। এবং পুনরায় যাবজ্জন্মসহস্র কুকুর হইয়া থাকে। বৃদ্ধ পিতামাতা গৃহে থাকিতে, যে দুরাচার স্বয়ং প্রথম মিষ্ট ভোজন করে, সে যাবজ্জন্মসহস্র মূত্রবিষ্ঠা ভোগ করিয়া থাকে। এবং শত শত জন্ম কৃষ্ণ সর্প হইয়া, অবতরণ করে। বৃদ্ধ পিতামাতার অবজ্ঞা করিলেও জন্ম জন্ম দূষিত গৃধ্র যোনি লাভ হয়। বলিতে কি, একমাত্র পিতামাতার প্রসাদ বলেই স্বয়ং বাসুদেবেরও সর্বজ্ঞান সম্পন্ন ও পরাচীনবেদ সমুদ্ভূত হয়। অতএব কোন্ বিদ্বান্ তাদৃশ জনক জননীর পূজা না করিবে। রাজন্! যে ব্যক্তি পিতার পূজা না করে, তাহার সাজ্জোপাঙ্গ স্মৃতিশাস্ত্র সমন্বিত বেদ অধ্যয়ন ও তপশ্চরণে কি হইতে পারে? যে ব্যক্তি জননীর পূজা না করে, তাহারও বেদ নিরর্থক, যজ্ঞ সকল নিষ্ফল এবং সমুদায় শাস্ত্রজ্ঞান বা তীর্থসাধন নিষ্প্রয়োজন হইয়া থাকে। অপিচ, গৃহস্থিত জীবমান পিতার পরিচর্যায় পরাশ্রুত হইলে, দানেরও, তীর্থেরও এবং যজ্ঞেরও কিছুমাত্র ফল লাভ হইতে পারে না, তাহাতে সংশয় নাই। অতএব পিতামাতার নিত্য শুশ্রূষা করা পুত্রের সর্বধা কর্তব্য। ইহাই তাহার ধর্ম, ইহাই তাহার তীর্থ, ইহাই তাহার যজ্ঞ এবং ইহাই তাহার দান, তাহাতেও সন্দেহ কি? আমি পূর্বে ধর্মশাস্ত্রে এই প্রকার শ্রবণ ও জ্ঞানগত করিয়াছি। সেই জন্যই নিত্য পিতা মাতার ভক্তি-পরায়ণ হইয়া যাপন করিয়া থাকি। কদাচ ইহার অন্যথা করি না। পূর্বে পিতা পরিতুষ্ট হওয়াতেই, পৃথ্বীপতি

## পদ্মপুরাণ।

পুরু পরম সুখ প্রাপ্ত হইলেন এবং পিতা শাপ দেওয়াতেই  
ষড়্ৰ দুর্বিষহ দারুণ দুঃখ উপস্থিত হয়। আমি এই  
বিষয় অবগত হইয়া, উভয়ের পরিচর্যা করিয়া থাকি।  
তাহাতেই উভয়ের প্রসাদে পরম ফল প্রাপ্ত হইয়াছি।

## ষষ্টি অধ্যায়।

বিদ্যাধর কহিলেন, মহীপতি পুরু পিতার প্রসাদে  
কি প্রকার সুখ প্রাপ্ত ও সন্তোষ করিয়াছিলেন, এবং  
আপনার ভক্তির ভাব ও প্রভাব কি প্রকারে সমুদ্ভূত  
হয়, সমুদায় সবিস্তর কীর্তন করুন।

কৌণ্ডলেয় কহিলেন, নহ্ষতনয় পরমপুণ্যশীল মহানু-  
ভব যযাতির পাপনাশন চরিত্র বলিব, শ্রবণ করুন।  
পৃথিবীপতি নহ্ষ সোমবংশে জন্মগ্রহণ করেন। তিনি  
অনেক উৎকৃষ্ট দান, ধর্ম, এবং শত অশ্বমেধ, শত বাজ-  
পেয় ও অন্যান্য অনেকবিধ যজ্ঞের অনুষ্ঠান করিয়া পরি-  
ণামে স্বীয় পুণ্যবলে ইন্দ্রলোক প্রাপ্ত হইয়াছিলেন। স্বর্গ-  
গমন সময়ে আপনার পুত্র ধর্ম, গুণ ও সত্য সম্পন্ন মহা-  
মতি, ধর্মবীর্য যযাতিকে রাজা করিয়া আপনার পদে  
প্রতিষ্ঠিত করেন। সত্যবান যযাতি তদনুসারে যথাধর্ম  
প্রজাগণের পরিপালন ও স্বয়ং তাহাদের কার্য সকল দর্শন

করিতে লাগিলেন। তিনি অতিশয় ধর্মজ্ঞ। ধর্ম শ্রবণ করিয়া, সর্ববিধ দান, পুণ্য, তীর্থসেবা ও বহুতর যজ্ঞ সাধন করিলেন। নৃপনন্দন মেধাবী যযাতি এই প্রকার সত্যধর্মের বশব্দ হইয়া অশীতি সহস্র বৎসর রাজ্য শাসন করিলেন।

তাঁহার চারি পুত্র। সকলেই তদীয় বলবিক্রমে অধিষ্ঠিত। তাহাদের নাম এক মনে শ্রবণ করুন। মহাবল পুরু সকলের জ্যেষ্ঠ। দ্বিতীয়ের নাম তুরু, তৃতীয়ের নাম কুরু এবং চতুর্থের নাম পরমধার্মিক যদু। এইপ্রকারে এই চারি জন মহামতি যযাতির সুপুত্র। সকলেই পিতার তুল্য তেজঃ, পৌরুষ ও পরাক্রমবিশিষ্ট। বিপ্র! মহাভাগ যযাতি উল্লিখিতরূপ ধর্ম্যানুসারে রাজ্য শাসন করিয়াছিলেন। তদীয় কীর্তি ও যশে ত্রিভুবন পবিত্র হইয়াছিল।

বিষ্ণু কহিলেন, একদা দ্বিজশ্রেষ্ঠ ব্রহ্মনন্দন নারদ দেবরাজ পুরন্দরের দর্শনবাসনায় স্বর্গে গমন করিলেন। সহস্রাঙ্ক সর্বজ্ঞানপণ্ডিত হতাশনসদৃশদ্যুতিবিশিষ্ট দেবর্ষিকে দেখিয়া, ভক্তিতে নতকঙ্কর হইয়া মধুপর্কাদি দ্বারা পূজা ও উৎকৃষ্ট আশনে সন্নিবেশিত করিয়া, জিজ্ঞাসা করিলেন, কিজন্য অদ্য আপনার এখানে আগমন হইয়াছে। মহামতে! অদ্য আপনার কি প্রিয়ানুষ্ঠান করিতে হইবে?

নারদ কহিলেন, দেবরাজ! তোমার এই ভক্তিয়ুক্ত বাক্যেই আমার সমুদায় সম্পাদিত ও অতিশয় সন্তোষ লাভ হইয়াছে। এক্ষণে আগমন প্রয়োজন কীর্তন করিব। নহয়-

নন্দন যযাতিকে দর্শন করিয়া, তোমার সাক্ষাৎ অভিলাষে সত্যলোক হইতে ত্বদীয় নিলয়ে সমাগত হইয়াছি।

ইন্দ্র কহিলেন, পৃথিবীতে কোন্ রাজা সত্যধর্মাসু-সারে সর্বদা প্রজাপালন করে? কোন রাজা সর্বধর্ম-সম্পন্ন, শুভবান, জ্ঞানবান্, গুণবান্, দৈবজ্ঞ ও ব্রাহ্মণপ্রিয় এবং কোন্ রাজা ব্রহ্মপরায়ণ, বেদবিৎ, শূর, দাতা, যজ্ঞা ও পরম ভক্তিমান্?

নারদ কহিলেন, নহুষনন্দন মহাবল যযাতিই এবং-বিধ গুণসম্পন্ন। তাহার সত্য ও বীর্য্য সকল লোক প্রতিষ্ঠিত রহিয়াছে। সেই নহুষতনয় যযাতিই পৃথিবীতে তোমার সদৃশ। তুমি স্বর্গে আর সেই নরপতি ভুলোকে সকলের ভূতিবর্দ্ধন করেন। এই মহাভাগ পিতা অপেক্ষাও শ্রেষ্ঠ। তিনি শত অশ্বমেধ, শত বাজপেয় ও অন্য বহুসংখ্য যজ্ঞ, অনেকবিধ পুণ্য, লক্ষ সহস্র ও কোটিশত গে', লক্ষ ও ধর্ম্মের সাক্ষোপাঙ্গরূপ পরিপালন, করিয়াছেন। এবংবিধ বহুবিধ গুণসম্পন্ন নহুষাযুজ, স্বর্গস্থিত আপনার ন্যায়, অশীতি সহস্র বৎসর যথাসত্যরাজ্য করিয়াছেন।

দেবরাজ ইন্দ্র যুনীশ্বর নারদ মুখে এই বৃত্তান্ত আকর্ষণ পূর্ব্বক যযাতির ধর্ম্মপালন জন্য নিতান্ত ভীত হইয়া চিন্তা করিলেন, পূর্ব্বক নহুষ শত যজ্ঞ প্রভাবেই ইন্দ্রপদ লাভ ও দেবগণের আধিপত্য করেন। অনন্তর শচীর বুদ্ধিপ্রভাবে পদত্রফ হইয়াছিলেন। মহারাজ যযাতি পিতার সদৃশ ও তুল্য পরাক্রম। তিনিও ইন্দ্রপদ লাভ করিবেন, সন্দেহ নাই। অতএব যে কোন উপায়ে তাহারে স্বর্গে আনয়ন করিতে হইবে। মহারাজ! দেবরাজ নরপতি যযাতির মহা-



তয়ে ভীত হইয়া, এইপ্রকার চিন্তা করিতে লাগিলেন। অনন্তর তদীয় আনয়ন জন্য সৰ্বকামসম্পন্ন বিমান সম্ভি-  
 ব্যাহারে সারথি মাতলিকে দূত স্বরূপ প্রেরণ করিলেন। মহামতি মাতলি সুররাজ কর্তৃক প্রহিত হইয়া, নল্লষনন্দন  
 যেখানে, তথায় সমাগত হইলেন। দেখিলেন, মহারাজ যযাতি সভায় আসীন হইয়া, সুধৰ্ম্মাধিষ্ঠিত দেবরাজের  
 ন্যায় বিরাজ করিতেছেন। তিনি সেই সত্যভূষণ মহামু-  
 ভাব নাল্লষকে সম্বোধন করিয়া কহিলেন, রাজন্! মদীয়  
 বাক্যে কৰ্ণপাত করুন। আমি দেবরাজের সারথি। এবং  
 তদীয় আদেশে ভবদীয় সকাশে আগমন করিয়াছি। দেব-  
 রাজ যাহা বলিয়া দিয়াছেন, অব্যঞ্চে চিন্তে তাহা সাধন  
 করুন। আপনাকে অদ্যই ইন্দ্রলোকে যাইতে হইবে,  
 ইহাই তদীয় আদেশ বাক্য। অতএব আপনি পুত্রের প্রতি  
 রাজ্যভার অর্পণ ও অন্ত্যেষ্টি সাধন করুন। নল্লষনন্দন!  
 মহাতেজা ঐল, মহাপ্রভাব পুরোরবা, প্রতাপবান্ বিপ্রচিত্তি,  
 মহারাজ শিবি, নরপতি ইক্ষ্বাকু, সগর, তদীয় পিতা নল্লষ,  
 ক্রতবীর্য্য ক্রতজ্ঞ মহামনা শান্তনু, ভরত, নরেশ্বর কার্ত্তবীর্য্য  
 ও পুণ্যবান্ মরুত্ত এবং অন্যান্য মহাতপা নরপতিবর্গ যজ্ঞা-  
 দির আহরণ করিয়া, স্ব স্ব কৰ্ম্মবলে স্বর্গে বাস ও ইন্দ্রের  
 সহিত আমোদ অনুভব করেন। আপনি সৰ্ব্বধৰ্ম্মজ্ঞ ও সম্যক  
 সংস্থিত। চলুন, ইন্দ্রের সহিত আমোদ সন্তোগ করিবেন।

যযাতি কহিলেন, আমি এমন কি কার্য্য করিয়াছি যে,  
 আপনি ইন্দ্রের হইয়া, আমার নিকট প্রার্থনা করিতেছেন,  
 তাহা বলিতে হইবে।

মাতলি কহিলেন, রাজন্! আপনি অশীতিবর্ষ সহস্র

যাবৎ দান পুণ্যাতির অনুষ্ঠান ও যজ্ঞ সকলের আহরণ করিয়াছেন । এক্ষণে স্বর্গে গমন ও স্বীয় কর্মবলে দেব-রাজের সহিত সখিতাবন্ধন করুন । মহাভাগ ! আপনি যজ্ঞ, দান, তপস্যা, ক্রিয়াকর্ম ও অন্যান্য ভোগার্থ যাহা করিতে হয়, সমুদায়ই সম্পন্ন করিয়াছেন । অতএব দিব্য রূপ আশ্রয় ও মনোভুগত ভোগ সমুদায় পরিত্যাগ পূর্বক এই পঞ্চাঙ্গক পৃথিবীতে বিনর্জ্জন করিয়া, প্রস্থান করুন ।

যযাতি কহিলেন, মাতলে ! যে শরীরে ভুলোকে সুকৃত দুকৃত উভয়ই সিদ্ধ হয়, তাহা ত্যাগ করিয়া, কিপ্রকারে গমন করিব ?

মাতলি কহিলেন, রাজন্ ! এইখানেই যে পঞ্চীভূত দেহ উপার্জিত হইয়াছে, লোকে এইখানেই তাহা ত্যাগ করিয়া দিব্যধামে গমন করে । ইতর মনুষ্যগণ, যাহারা পাপপুণ্য যুগপৎ সাধন করে, তাহারা দেহ ত্যাগ করিয়া, যুগপৎ অধঃ ও উর্দ্ধগতি প্রাপ্ত হয় ।

যযাতি কহিলেন, মনুষ্য যদি এই পাঞ্চভৌতিক শরীরে সুকৃত দুকৃত উপার্জন করিয়া, যথাক্রমে অধঃ ও উর্দ্ধগতি প্রাপ্ত হয়, তাহা হইলে, অধর্মের বিশেষ কি ? ফলতঃ, পাপ ও পুণ্য উভয় প্রভাবেই শরীরের পতন হয়, সংসারে এই প্রকার দৃষ্টান্ত প্রত্যক্ষ দেখিতে পাওয়া যায় । অতএব ধর্মকর্ম অধিক বিশেষ লক্ষিত হয় না । মনুষ্য যে শরীরে সত্যধর্মাদি পুণ্য সাধন করে, কিজন্য তাহা পরিত্যাগ করিয়া থাকে । তথাপি, আত্মা ও দেহ পরস্পর মিত্র স্বরূপ । কিন্তু আত্মা সেই মিত্ররূপী দেহও পরিত্যাগ করিয়া যান ! ইহার কারণ কি ?

মাতলি কহিলেন, রাজন্ ! আপনি সত্য বলিয়া-  
ছেন । দেহী দেহ ত্যাগ করিয়া প্রস্থান করেন । আমার  
সেই আত্মা ও এই দেহ পরম্পর কিছুমাত্র সম্বন্ধ নাই ।  
যেহেতু এই পঞ্চত্বয় দেহ সৰ্ব্বথা সন্ধিজর্জর । আত্মা  
জরারোগে স্বয়ং ভগ্ন ও তন্নিবন্ধন থাকিতে অনিচ্ছুক হইয়া,  
এই জরাপীড়িত দেহ ত্যাগ করিতে ইচ্ছা করেন । এবং  
আকুল ও ব্যাকুল হইয়া প্রাণত্যাগ পূর্বক প্রস্থান করিয়া  
থাকেন । ধর্ম, সত্য, দান, পুণ্য, নিয়মসঞ্চয়, অশ্বমেধাদি  
যজ্ঞ ও তীর্থসংযমন, কিছুতেই এই জরা নিবারিত হয়  
না । মহারাজ ! এইপ্রকার পাতকপরম্পরাও শরীর  
পাক করিয়া থাকে ।

যযাতি কহিলেন, সূত ! জরা কি জন্য সমুৎপন্ন হইয়া,  
কি কারণে শরীর পীড়ন করে, সবিস্তর কীর্তন করুন ।

মাতলি কহিলেন, আত্মা স্বরূপ ত্যাগ করিলে, পঞ্চ-  
বিষয়াশ্রিত পাঞ্চভৌতিক দেহ কখন সুরক্ষিত হয় না ।  
বহ্নি দীপ্যমান হইয়া, প্রজ্বলিত হইলে, তাহা হইতে ধূম,  
ধূম হইতে মেঘ, মেঘ হইতে জল এবং জল হইতে পৃথিবী,  
প্রোদ্ভূত হয় । অনন্তর পৃথিবী, রজস্বলা রমণীর ন্যায়,  
বিকার প্রাপ্ত হইলে, তাহা হইতে গন্ধ, গন্ধ হইতে রস, রস  
হইতে অন্ন, অন্ন হইতে শুক্র, এবং সেই শুক্র হইতে এই  
পাঞ্চভৌতিক কায় সমুৎপন্ন হইয়া থাকে । পৃথিবী গন্ধ-  
ত্যাগ করিলে, রসস্রাব সংঘটিত হয় । নাসিকা সেই সর-  
ধারা দ্বারা সর্বতোভাবে শরীর স্রাবিত করে । তাহাতে গন্ধ  
ও গন্ধ হইতে পুনরায় রস এবং রস হইতে মহাবহ্নি অবতরণ  
করে । ইহার দৃষ্টান্ত দেখুন ; অগ্নি যজ্ঞপ কাষ্ঠ হইতে

## পদ্মপুংগবা

উৎপন্ন হইয়া, পুনরায় সেই কাষ্ঠকেই প্রতপ্ত করে, তদ্বৎ কায়মধ্যে রস হইতে অগ্নির আবির্ভাব হইয়া থাকে। এই অগ্নি সত্ত্বরিত হইলে, শরীর পুষ্টি লাভ করে। এবং রসের আধিক্যাবৎ জীব নিরতিশয় শান্তি অনুভব করিয়া থাকে। অপিচ, অগ্নিই রসচয়ন পূৰ্বক ক্ষুধা রূপে পরিগণিত হয়। জীব তাহাতে সন্তপ্ত হইয়া, অন্ন ও জলপানে অভিলাষ প্রকাশ করে। রাজন্ ! অন্ন ও জল না পাইলে, অগ্নি বীৰ্য্য ও শোণিতে চরণ করিয়া থাকে, তাহাতে সংশয় নাই। বীৰ্য্য ও শোণিত চরিত হইলেই, সৰ্বকায়বিনাশন ক্ষয় রোগ উপস্থিত হয় এবং রসাধিক্য হইয়া, অগ্নিমান্দ সংঘটিত করে। এই প্রকার রসাগ্রপীড়াই ক্ষয়রোগের কারণ। ক্ষয়রোগ হইলে, বহিঃ শ্রীবা, পৃষ্ঠ ও কটি ভাগে আবদ্ধ হইয়া, অবস্থিতি করে।

যাহা হউক, এই প্রকারে প্রজাত বহিঃ রসাধিক্যের নিরাকরণ করিলে, শরীর পুষ্টি ও সেই রস বলাধিক্যে পরিণত হয়, এবং এই বলাধিক্য মৰ্ম্ম স্থানে বীৰ্য্য চালনা করিলেই, শল্য স্বরূপ কাম আবিভূত হইয়া থাকে। এই কাম অগ্নি বলিয়া অভিহিত এবং তৎপ্রভাবেই বল বিনষ্ট হয়। অপিচ, কামী এই কামানে দক্ষ হইয়াই মৈথুন প্রসঙ্গে চলিতমনস্ক এবং নাড়ীমন্ডনে প্রবৃত্ত হইয়া থাকে। এই রূপে মৈথুন প্রসঙ্গে মূর্চ্ছিত হইলে, মৰ্ম্ম নিশ্চুখিত, তেজঃ বিনষ্ট এবং শরীরে বলহানি সংঘটিত হয়। বলহীন হইলে, মনুষ্য দুৰ্ব্বল হইয়া, বহির আয়ত্ত হইয়া পড়ে। তাহাতে শুক্র শোণিত সমভিব্যাহারে শরীর সেই অগ্নি কর্তৃক সত্ত্বরিত হয়। এবং শুক্র শোণিতের বিনাশ

হইলেই, পুনরায় রোগ জন্মিয়া থাকে । অকালে দারুণাকৃতি অত্যন্ত বায়ু আবিত হইয়া, সমধিক সস্তাপ সমুৎপাদন করে । তজ্জন্য স্বপ্নাবুদ্ধি মানব ইতস্ততঃ বিচালিত হয় ।

রাজন্ ! মনুষ্য যখন বলহানি জন্য দুর্কল ও বহির্কর্তৃক প্রেরিত হয়, তখন শরীরস্থ মাংস শোণিত ক্ষয় ও পালিত সঞ্চয় হইয়া থাকে । তাহাতে কামী দিন দিন বৃদ্ধ হইয়া পড়ে । বার্ষিক বেরূপ বৃদ্ধি চিন্তা করিয়া উত্তরোত্তর স্নান হয়, কামাত্মাও সেইরূপ সতত নারীচিন্তাও স্মরণ করিয়া, তেজোহানি লাভ করে । এইরূপে প্রবর্তিত কাম পরিণামে বিনাশ জন্ম কল্পিত হয় এবং অগ্নি সাক্ষাৎ জরা রূপে শরীরে আবির্ভূত হইয়া থাকে, সন্দেহ নাই । এই দারুণ জরা প্রাণিগণের যুর্তিমান্ ক্ষয় । স্থাবরজঙ্গম সকল বস্তুই ইহার প্রভাবে নিষন্ত্রিত ও বহুপীড়ায় আক্রান্ত হইয়া, সর্বতোভাবে বিনষ্ট হইয়া থাকে । আপনারে আর কি বলিব ? ইন্দ্রসারথি মাতলি এই বলিয়া বিনিবৃত্ত হইলেন ।

## একষষ্টি অধ্যায়

যথাতি কহিলেন, মাতলে ! দেহ আত্মার সহিত ধর্মের রক্ষা করে, একাকী নাশপ্রাপ্ত হয় না । ইহার কারণ কি, বলুন ।

## পঞ্চপুরাণ

মাতলি কহিলেন, ভূপতে ! পঞ্চভূতের পরম্পর সম্মিলন নাই। এবং আত্মার সহিতও কখন তাহাদের সংগতি হইতে পারে না। একমাত্র শরীরই তাহাদের সংহতি স্থল। অতএব জরা কর্তৃক পীড়িত হইলেই, তাহারা স্ব স্ব কাল প্রাপ্ত হয়। রাজন্ ! পৃথিবী যেরূপ রসমিশ্রিত হইয়া, শিথিলিত হইলে, পিপীলী ও মুষিকাগণ তাহা ভেদ করে এবং তাহাতে ছিদ্র ও বন্মীক প্রভৃতি উচ্ছ্রায় প্রাদুর্ভূত হয়, তদ্রূপ গণ্ডময় বিচর্চিকা উৎপন্ন হইলে, এই শরীর কুমিগণে ভিদ্যমান ও পরম পীড়া জনক গুল্মাদিতে ছাদ্যমান হইয়া থাকে। নহ্ষনন্দন ! যে দেহ এবংবিধ দোষপরম্পরায় পরিব্যাপ্ত, তাহাতে প্রাণ সংযোগ অথবা দিব্যগতি লাভ কি রূপে সম্ভবিত্তে পারে ? ফলতঃ, এই দেহ কখন স্বর্গে গমন করে না, যেমন পৃথিবী, তেমনি অবস্থিতি করে। আপনার নিকট এই গুণদোষাদি সমস্ত কীর্তন করিলাম।

যযাতি কহিলেন, মাতলে ! শ্রবণ করুন। শরীর যদি পাপে বা ধর্ম্মে পতিত বা অপতিত না হয়, তাহা হইলে, পাপপুণ্যে বিশেষ কিছুই দেখিতেছি না। আরও দেখুন, এই দেহ যেমন পতিত হয়, পুনরায় তদ্রূপ প্রাদুর্ভূত হইয়া থাকে। ইহার এইপ্রকার উৎপত্তি কথঙ্কারমাধ্য, বিস্তরতঃ কীর্তন করুন।

মাতলি কহিলেন, নারকিদিগের দেহ কেবল অধর্ম্ম প্রযুক্ত ক্ষণমাত্র ভূত সহযোগে সমুৎপন্ন হয়। সেইরূপ, কেবল ধর্ম্মবলে বিনষ্ট দেহ তৎক্ষণাৎ দিব্য দেহে আবির্ভূত হইয়া থাকে। পাপ ও পুণ্যের এইমাত্র প্রভেদ।

## ভূমিধাতু

যাহা হউক, অতিমিশ্র কর্মগতিতে প্রাণিগণের যে দেহ সংঘটিত হয়, ভূতপরিণাম বশতঃ তাহা বহির্দেশে চতুর্বিধ হইয়া থাকে। তন্মধ্যে গুল্মাদি স্থাবর সকল, উদ্ভিজ্জ, কুমি কীট ও পতঙ্গাদি শ্বেদজ, মৎস্য নরু ও বিহঙ্গাদি অণুজ এবং মানুষ ও চতুষ্পদাদি সমুদায় জরায়ুজ বলিয়া অবগত হইবে।

পৃথিবী জলমিক্ত ও পরিণামে তাহাতে অনুবিদ্ধ হইয়া, বায়ু কর্তৃক ধম্যমান হইলে, ক্ষেত্রে বীজ আরোপিত হয়। অনন্তর সেই বীজ পুনরায় জল দ্বারা সর্বতোভাবে সিদ্ধ হইলে, প্রথমে উষ্ণ নত্র ও মৃদুত্ব, পরে মূলভাবত্ব প্রাপ্ত হয়। সেই মূল হইতে অঙ্কুর উৎপন্ন হয়; অঙ্কুর হইতে বর্ণ সম্ভূত হয়, বর্ণ হইতে কাণ্ড প্রাদুর্ভূত হয় এবং কাণ্ড হইতে প্রকরসম্ভব হইয়া থাকে। তন্মধ্যে যবাদি শালি পর্যন্ত ফলসারাচ্য সপ্তদশ ওষধিই শ্রেষ্ঠ; তদভিন্ন ক্ষুদ্র বলিয়া পরিকীর্তিত হয়। এই সকল মূল শূর্ণ, উলুখল ও ভস্ম এবং স্থালী, জল ও অগ্নি দ্বারা শনৈঃ শনৈঃ মর্দিত ও আপূরিত হইয়া উত্তমরূপে পক্ব বা সংস্কৃত হইলে, ষড়বিধ আহার রূপে পরিণত হইয়া থাকে। অনন্তর পরস্পর রসসংযোগে নানাপ্রকার আশ্বাদ লাভ করে। রাজন্ ! উল্লিখিত আহার্য পদার্থ সমুদায় ষড়বিধ ভাগে বিচ্ছিন্ন; ভক্ষ্য, ভোজ্য, লেহ্য, পেয়, চোষ্য ও পিচ্ছল। ইহাদের গুণও ছয় প্রকার; কটু, তিক্ত, মধুর, কষায়, ক্ষার ও অম্ল। দেহিগণ এই প্রকারে প্রস্তুত অন্নপিণ্ড কবল বা গ্রাসাদি দ্বারা উদরসাৎ করে। তাহাতে সেই ভুক্ত অন্ন যথা ক্রমে প্রাণ সকলকে স্মৃলাশয়ে স্থাপন করিয়া থাকে। এবং

স্বয়ং বায়ু কর্তৃক অপকভাবে পরিণত হয়। এই বায়ু আত্মমধ্যে লক্ষপ্রবেশ হইলে, পক অন্ন ও জল পৃথগ্ভূত হয়। তন্মধ্যে জল অগ্নির উর্দ্ধে এনং অন্ন জলের উপরি সংস্থাপিত হইলে, স্বয়ং প্রাণ জলের অধোভাগে অবস্থিত করে এবং শনৈঃ শনৈঃ বায়ু আঘাত হইয়া উঠে। তখন অগ্নি বায়ু কর্তৃক ধম্যমান হইয়া, জলকে অতিমাত্র উষ্ণ করে। তাহাতে অপক অন্ন পুনরায় উষ্ণযোগে সমস্তাৎ পরিপক হইতে থাকে। এবং ঐ রূপ পরিপাক দশায় দ্বিধা হইলে, কীট ও রস পৃথক হইয়া পড়ে। তন্মধ্যে এই কীট দ্বাদশ প্রকার মলাশ্রয় দ্বারা দেহ হইতে ভিন্ন হইয়া, বাহিরে বিনির্গত হয়। কর্ণ, অক্ষি, নাসিকা, জিহ্বা, দন্ত, স্ফিক, নখ, গুদ, কফ, স্বেদ, বিষ্ঠা ও মূত্র এই দ্বাদশটি মলাশ্রয়। ছৎ ও পাদদেশে যে সকল নাড়ী বদ্ধ হইয়া আছে, প্রাণ তাহাদের মুখে রসস্থাপনা করে। এবং যথাক্রমে তাহাদিগকে রস দ্বারা পরিপূরিত করিয়া থাকে। অনন্তর সেই রস প্রাণকর্তৃক চালিত হইলে, রক্তত্ব প্রাপ্ত হয়। রক্ত হইতে লোম ও মাংস, মাংস হইতে স্নায়ু ও কেশ, স্নায়ু হইতে মজ্জা ও অস্থি, অস্থি ও মজ্জা হইতে নখ, অনন্তর প্রভবকারণ শুক্র জন্ম গ্রহণ করে। অন্নের এই দ্বাদশ পরিণাম প্রকীর্ণিত হইয়াছে।

শুক্রও অন্নের পরিণাম। এবং দেহ সন্তুবের সাধন। ঋতুকালে যে নির্দোষ শুক্র স্থূলিত ও সম্যকরূপে সুস্থিত হয়, তাহা বায়ু কর্তৃক সৃষ্ট ও স্ত্রীরক্তে মিশ্রিত হইয়া থাকে। শুক্রের বিসর্গসময়ে কারণসম্বন্ধ জীব স্বকর্মে নিয়মিত হইয়া, নৃষোনিতে প্রবিষ্ট হয়। তৎকালে শুক্র



ও রক্ত একত্র হওয়াতে, একদিনে কলন, পঞ্চরাত্রে পলন, অনন্তর বৃদ্ধ, আকারে সম্পন্ন হয়। পুনরায় একমাসে পঞ্চ ভাগে বিভক্ত হইয়া থাকে। মাসদ্বয় অতীত হইলে, গ্রীবা, শির, স্কন্ধ, পৃষ্ঠবংশ, উদর, পানি, পাদ, পাশ্ব ও কীটপাত্র এই সকল যথাক্রমে সত্ত্বূত হয়। অনন্তর তিন মাসে শতশঃ অঙ্কুর সঞ্চিত, চারি মাসে অঙ্কুলি প্রভৃতি সম্পন্ন, পাঁচ মাসে মুখ, নাসিকা, কর্ণ, দন্তপংক্তি, জিহ্বা ও নখ সকল প্রাদুভূত হয়। ষণ্মাস মধ্যে কর্ণদ্বয়ের ছিদ্র, পায়ু, মেদ, উপস্থ ও শির; সাত মাসে গাত্রস্থ সন্ধি সমুদায়, আট মাসে অঙ্গপ্রত্যঙ্গসম্পূর্ণ শিরঃকেশসমন্বিত বিভক্তাবয়ব দেহ সমুৎপন্ন হয়। তখন জীব পঞ্চাত্মক-সংযুক্ত ও সর্বথা পরিপাক হইয়া অবস্থিতি করে। এবং জননীৰ নাড়ীসূত্রনিবন্ধ ষড়বিধ আহার বীৰ্য ও বলে দিন দিন বর্দ্ধিত হইয়া থাকে। অনন্তর শরীর পূর্ণ হইলে, পূৰ্বস্মৃতির উদ্বেকবশতঃ জন্মান্তরীণ নিদ্রাসুপ্ত এবং মুখ দুঃখ তাহার পরিজ্ঞাত হয়। তখন সে ইহাও জানিতে পারে যে, আমি মরিয়া, পুনরায় জন্মিয়াছি এবং জন্মিয়া পুনরায় মরিব। পূর্বে অনেক বার অনেক সহস্র যোনি আমার দৃষ্ট হইয়াছে। অধুনা পুনরায় সংসারে জন্মগ্রহণ করিয়াছি। আর যাহাতে গর্ভবাস প্রাপ্ত হইতে না হয়, অতঃপর তাদৃশ শ্রেয়ঃ সাধন করিব। এবং গর্ভ হইতে বিনিঃসৃত হইয়াই, সংসারনিবর্তক পরম জ্ঞান অভ্যাস করিব। জীব গর্ভে থাকিয়া দিন দিন এইপ্রকার চিন্তা করে এবং অবশ্য কর্মবশে নিরতিশয় গর্ভযন্ত্রণায় সাতিশয় পীড়িত হইয়া, পরিণামে মোক্ষোপায় চিন্তা করিয়া থাকে।

যে রূপ গিরিসংকটে রুদ্ধ হইলে, লোকের অবস্থিতি দুঃখময় হয়, জীব তদ্রূপ জরায়ুবাসে চিন্তামলিন বাস করে। যে রূপ সাগরপতিত ব্যক্তি নিতান্ত আকুল হইয়া উঠে, তদ্রূপ গর্ভোদকসিক্তাঙ্গ জীবের মন দুঃখবশাৎ নিতান্ত ব্যাকুলতা প্রাপ্ত হয়। লৌহকুন্তে ন্যস্ত হইলে, অগ্নি কর্তৃক পরিপাকক্রিয়া যদ্বৎ সাধিত হয়, গর্ভকুন্তে ক্ষিপ্ত জীবের জঠরানলে তদ্বৎ পাক সম্পন্ন হইয়া থাকে। অগ্নিবর্ণ সূচী দ্বারা বিদ্ধ হইলে, যে রূপ নিরবচ্ছিন্ন দুঃখ উপস্থিত হয়, গর্ভস্থ জীবের তদ্রূপ হইয়া থাকে। ফলতঃ, গর্ভবাস অপেক্ষা ক্লেশময় বাস আর কিছুই নাই। এবং অসীম দুঃখ ও ঘোর সঙ্কটও আর লক্ষিত হয় না। প্রাণিগণের ইত্যেতৎ গর্ভদুঃখ কীর্তন করিলাম।

জন্মসময়ে জীব যে যাতনা প্রাপ্ত হয়, তাহা গর্ভদুঃখের কোটিগুণ। প্রবল প্রসববায়ু দ্বারা পাপবুদ্ধি দেহী যৎকালে গর্ভ হইতে বিনিক্ষ্রান্ত হয়, তখন ইক্ষুবৎ পীড়্যমান ও যাতনায় মূর্ছিত হইয়া থাকে। কোন মতেই তাহাতে পরিত্রাণ লাভ করিতে পারে না। এই জন্ম অতিমাত্র দুঃখ আপতিত হয়। ফলতঃ, ইক্ষু সকল যন্ত্রপীড়িত হইলে, যে রূপ নিঃসার হয়, ষোনিস্থ শরীর যোনিপীড়নে তদ্রূপ হইয়া থাকে। রাজন্! এই শরীর অস্থিময়, বর্তুলাকার, রক্ত মাংসে সর্বদাই লিপ্ত, বিম্মুত্রদেবের নিত্য আধার, কেশলোমভূগে আচ্ছন্ন, রোগের একমাত্র নিলয়, বদনরূপ মহাগহ্বর ও গোরুর ন্যায় অক্ষিবিশিষ্ট, ওষ্ঠ কপাল দন্ত জিহ্বা গল ও করমাত্রে বিচ্ছিন্ন, নাড়ীশ্বেদের প্রবাহ ও কফপিত্তে পরিপ্লুত, জরাশোকে নিত্য উপক্রম,

কালচক্রের বেগভরে উখিত, কামক্রোধে আক্রান্ত, বায়ু সকলে উপমর্দিত, ভোগতৃষ্ণায় অনুগত, রাগদ্বেষের বশ, বোধবিচারপরিশূন্য, অস্থিপঞ্জরের সমষ্টিমাত্র, জরায়ু কৈরুক পরিবেষ্টিত, এবং ষোনিমার্গে অতি সংকটে বহির্গত হইয়াছে । কোন কালেই ইহার চেষ্টার বিরাম নাই । অষ্টাদশ শতষষ্ঠ্যাধিক সার্ক্ তিন কোটি রোম ও তৎসংখ্যক নাড়ী ইহারে সমস্তাৎ আচ্ছন্ন করিয়া আছে । ঐ সকল নাড়ী স্থূল ও সূক্ষ্ম ভেদে দৃশ্য ও অদৃশ্য বলিয়া পরিগণিত হয় । এই দেহ সেই নাড়ীপরম্পরায় বন্দীভূত হইয়া, অপবিত্র ক্লেদভার বহন করিয়া থাকে । এতদ্ভিন্ন, ষাত্রিংশৎ দশন, বিংশতি নখ, পিত্ত ও কফপিণ্ড, ত্রিংশৎপল বশা, পঞ্চাষট্ পল কলল, দশপল মেদ, একপল মহারক্ত, চারিপল মজ্জারক্ত, অর্দ্ধকুড়ব শুক্র, তদূর্দ্ধকুড়ব বল, শতপল রক্ত এবং অপ্রমাণ বিষ্ঠামূত্র এই দেহের সংস্থান । রাজন্ ! অত্যা নিত্য, নির্দোষ ও কর্মবন্ধের বহির্ভূত । কিন্তু তাঁহার এই দেহগেহ অনিত্য, অবিশুদ্ধ ও কর্মবিপাকে নিতান্ত বদ্ধভাবাপন্ন । অধিকন্তু, ইহা শুক্র ও শোণিত যোগে সমুৎপন্ন এবং নিত্য বিষ্ঠা ও মূত্রে পূর্ণ, এই জন্য অতিমাত্র জঘন্য বলিয়া পরিকল্পিত হয় । বিষ্ঠাপূর্ণ ঘট যেরূপ অন্তে জলসেকেও শুদ্ধ হয় না, তদ্রূপ যত্ন পূর্বক শোধন করিলেও এই দেহ অশুচি হইয়া থাকে । তথাহি, অতিপবিত্র পঞ্চ গব্য ও মৃতাদিও যে দেহের সংসর্গে তৎক্ষণাৎ অশুচিত্ব প্রাপ্ত হয়, এবং সুরভি-অন্নপানাদিও যাহার সংসৃষ্ট হইলে, ক্ষণমাত্রে অপবিত্র হইয়া থাকে, সেই দেহের সম্পর্কে কে না অপবিত্র হইবে ।

অগ্নি জীবগণ ! তোমরা কি দেখিতেছ না, প্রতিনিয়ত যে বিষ্ঠা, মূত্র, কফ ও পিত্তরাশি বহির্গত হইতেছে, তাহার আধার কখন শুচি হইতে পারে ? বলিতে কি, পঞ্চগব্য ও কুশসলিলে শুধ্যমান হইলেও এই দেহ কদাপি মূষ্যমাণ অঙ্গারের ন্যায় মলিনতা পরিহার করে না । পর্কত হইতে যেপ্রকার স্রোতোরশি প্রবাহিত হয়, সেইপ্রকার যাহা হইতে রাশিরাশি কফমূত্র সতত বিনিঃসৃত হইয়া থাকে, সেই অশুচি দেহ কি রূপে শুদ্ধ হইতে পারে ? রাজন্ ! এই প্রকারে এই দেহের সর্বশুদ্ধি বিধান কখনই সম্ভব নহে । যত্নপূর্বক অগ্নি ধূমাদি দ্বারা সম্যক রূপ সংস্কার বিধান করিলেও স্বভাব কখন এই দেহকে পরিহার করে না । অপিচ, ইহা স্বভাবতই মলিন, তজ্জন্য উপায়বোধেও শুদ্ধি লাভে সমর্থ হয় না । বারংবার শোধন করিলেও, যেরূপ মলিন, তজ্জপই থাকে । নিজমল দর্শন ও দুর্গন্ধ জ্ঞান পূর্বক নাসিকা পীড়ন করিয়াও, কোন্ ব্যক্তি বিরক্ত না হয় ? কিন্তু মোহের কি মাহাত্ম্য ; তদ্ধারা সমস্ত সংসার ব্যামো-  
হিত হইয়া আছে ! দেখ, লোকে স্বকীয় দোষ সমস্ত দর্শন, পরিকলন ও জ্ঞানপথে গ্রহণ করিয়াও, কোন মতে বিরক্ত হয় না । যে ব্যক্তি স্বীয় দেহের অশুচি গন্ধেও বিরক্ত না হয়, তাহার বিরাগের কারণ আর কি উপদিষ্ট হইতে পারে ? সমুদায় সংসার একমাত্র ভাববলেই পবিত্র হইয়া থাকে । এই জন্য মলাবয়বস্পর্শমাত্র শুচিও অশুচি হয় । গন্ধলেপের অপলোপার্ধ স্নেহশৌচ পরিকীর্তিত হইয়াছে । উভয়ের অপগম হইলে, পশ্চাৎ শুদ্ধি দ্বারা শুদ্ধি লাভ সংঘটিত হয় । যাহার অন্তর্ভাব নিরতিশয় দূষিত, অগ্নি-

প্রবেশ, তীর্থযাত্রি এবং স্বর্গ ও অপবর্গও তাহার শোধন করিতে পারে না। এই রূপে ভাবশুদ্ধিই পরম শৌচ ও সর্বকর্মে প্রমাণ হইয়া থাকে। এবং এই ভাববলে ভিন্ন ভিন্ন বস্তুতে ভিন্ন ভিন্ন মনোরতির সংঘটন হয়। দেখ, লোকে এক ভাবে কান্তাকে ও অন্য ভাবে দুহিতাকে আলিঙ্গন করে। সেই রূপ, বধুও ভিন্ন ভিন্ন ভাবের বশীভূত হইয়া, স্বামী ও পুত্রের চিন্তা করিয়া থাকে। এই প্রকারে ভিন্ন ভিন্ন ভাবের ভিন্ন ভিন্ন ভাগ কল্পিত হইয়াছে। যে ব্যক্তি ভাবহীন, সে পরিশ্রুত হইলেও, কান্তাকে আলিঙ্গন এবং সম্মুখে প্রাপ্ত হইলে, অম্মাদি বিবিধ সুরতি ভক্ষ্যও ভক্ষণ করে না। অতএব ভাবই সর্বত্র কারণ। তদ্ব্যতীত, অন্যবিধ বাহ্যশোধনে কখন চিত্তের শুদ্ধি হইতে পারে না। মনুষ্য জ্ঞানপ্রভাবে যখন শুদ্ধ ও শুচি হইয়া, বৈরাগ্যের অনুসরণ করে, তখনই তাহার স্বর্গ ও অপবর্গ প্রাপ্তি হইয়া থাকে। এবং তখনই তাহার অবিদ্যাবাধ ও বিষ্ঠা মূত্রের গন্ধলেপ বিদূরিত হয়। যাহা হউক, এই রূপে এই শরীর স্বভাবতই অশুচি। যে বুঝিমান পুরুষ ইহাকে ত্রয়াত্রিয়ার, অসার, কদলীসার সদৃশ ও নিরবচ্ছিন্ন দোষময় জানিয়া, শিথিলিত ও দৃঢ়গ্রাহী হয়েন, তিনিই সংসার অতিক্রম করিয়া থাকেন। রাজন্! আমি এই অতিক্রমময় জন্মদুঃখ কীর্তন করিলাম।

গর্ভে থাকিয়া পুরুষের যে মতি হয়, জন্মগ্রহণ করিয়া অজ্ঞানদোষে ও বিবিধ কৰ্ম্মবশে তাহা বিনষ্ট হইয়া যায়। যোনিযন্ত্রের অতিমাত্র পীড়ন জন্য দুঃখ বশতঃ সাতিশয়

মূর্ছিত ও বাহ্য বায়ুর সংসর্গে তদবস্থা সংঘটিত হওয়াতে, শরীরিমাত্রের দারুণ মোহ উপস্থিত হয়। বিশেষতঃ সৃষ্টমাত্রের ঘোর জ্বরে আক্রান্ত ও তন্নিবন্ধন মহামোহে অভিভূত হওয়াতে, তৎক্ষণাৎ স্মৃতিভ্রংশ সংঘটিত হয়। স্মৃতি ভ্রষ্ট হইলে, জন্মান্তরীণ কর্মবশাৎ সেই জন্মেই সত্ত্বর রতি উপস্থিত হইয়া থাকে। রতি আবিভূত হইলে, জ্ঞান বিনষ্ট ও অকার্য্যপ্রবৃত্তি সমুদ্ভূত হয়। তখন আত্মপর ও দৈবদৈব জ্ঞান তিষ্ঠিতে পারে না। যাহা শ্রেয়স্কর তাহাতে কণ ধাবমান হয় না। চক্ষু থাকিতেও দেখিতে পাওয়া যায় না। সমান পথে পদক্ষেপ করিলেও পদে পদেই স্ফলন হইয়া থাকে। বুদ্ধি থাকিলেও, পণ্ডিতগণের উপদেশে জ্ঞানোদয় হয় না। এবং বিবিধ রোগে আক্রান্ত হইয়া, সংসারে বিবিধ যন্ত্রণা ভোগ হইয়া থাকে। লোকে যে ইহার উপরিও ধর্মকামার্থসাধন পরম জ্ঞান থাকিতেও আত্মার শ্রেয়োবিধানে পরাশ্রুত হয়, ইহাই অতিমাত্র বিন্ময়াবহ।

সে যাহা হউক, ইন্দ্রিয়বৃত্তির সম্যক রূপ উপচয় না হওয়াতে, বাল্যকালে অতিশয় দুঃখ উপস্থিত হয়। তৎকালে ইচ্ছা করিলেও, বলিতে বা কার্য্য করিতে সামর্থ্য হয় না। ইহা অপেক্ষা ঘোরতর দণ্ড আর কি হইতে পারে? অধিকন্তু, তৎকালে বায়ুগ্রহপ্রভৃতি বিবিধ রোগে অতিশয় যন্ত্রণা, ক্ষুধা, তৃষ্ণার নিরতিশয় দুঃখ, মোহ বশতঃ বিষ্ঠা মূত্র ভক্ষণ এবং কোমারে কণবেধ, পিতামাতার তাড়না, গুরুশাসন ও অক্ষরসাধনাদ্য বিবিধ দুঃখ আপ-  
তিত হইয়া থাকে।

অনন্তর যৌবনে ইন্দ্রিয়বৃদ্ধি প্রসন্ন হইলে, কামরাগপীড়া উপস্থিত ও ক্রমে ক্রমে বৃদ্ধি প্রাপ্ত হয়। তাহাতে সুখলাভের সম্ভাবনা কোথায়? অপিচ, রাগ সঞ্চারিত হইলে, মোহ ও ঈর্ষ্যা জন্ম দারুণ দুঃখ আক্রমণ করে। এবং চক্ষুর্দ্বয় আরক্ত হইয়া থাকে। ফলতঃ, রাগ নিরবচ্ছিন্ন ক্লেশময়। রাগাসক্ত যুবা পুরুষ কামানলে দহমান হইয়া, রাত্ৰিতে নিদ্রা লাভ এবং দিবসেও অন্নোপার্জনচিন্তায় সুখ লাভ করতে পারে না। ব্যবায়সংসক্ত পুরুষের শুক্রবিন্দু সকল কখন সুখের বলিয়া বোধ করিতে নাই; নিরবচ্ছিন্ন খেদ-সাধন, অবগত হইবে। নরাধম নর ক্রমি কর্তৃক তাড়্যমান হইলে, কণ্ডুয়নাগ্নির সন্তাপে যে সুখবোধ করে, স্ত্রীতেও তদনুরূপ পরিজ্ঞাত হইয়া থাকে। এবং ধনোপার্জন-চিন্তায় যাদৃশ সুখ অনুভূত হয়, স্ত্রীতে তাহার অধিক কিছুই লক্ষিত হয় না। যাহা না থাকিলে, চিত্ত নিরুত হয়, তাহাই গণ্ডবেদনা। এই গণ্ডবেদনা পূর্বে, পরে ও বর্তমান একরূপ।

যে ব্যক্তি জরাপীড়িত আত্মাকে অপূর্ষ ভাবিয়া, ত্যাগ করিতে হইলে, বারংবার অবলোকন করে, তাহা অপেক্ষা অচেতন দ্বিতীয় নাই। জরাপীড়িত হইলে, পত্নী পুত্রাদি বান্ধব ও ভৃত্যগণ দুরাচারের ন্যায় বারংবার পরিভব করে। এবং ধর্ম, অর্থ, কাম বা অপবর্গ সাধনে কিছুমাত্র ক্ষমতা থাকে না। অতএব যৌবনকালে সর্বথা ধর্ম সঞ্চয় করিবে। বাত, পিত্ত ও কফাদির বৈষম্যই ব্যাধি বলিয়া নির্দিষ্ট হয়। এই দেহ সেই বাতাদিসমূহে পরিবর্দ্ধিত, এই জন্ম ইহাকে ব্যাধিসম বলিয়া অবগত হইবে। বাতাদি

ব্যাধিসম্ভাপ ব্যতিরেকেও অন্যান্য বিবিধ রোগে দেহীর নানাপ্রকার ক্লেশ ঘটিত রাজন চান্তর শত যুত্ব এই দেহে প্রতিষ্ঠিত হইয়াছে। তন্মধ্যে একতর কালসংযুক্ত ; অবশিষ্ট যুত্বসমূহ নামান্তর বলিয়া পরিগণিত। এই নামান্তরগণিত যুত্ব সমুদায় ঔষধবলে উপশমিত হয়। এবং জপ ও হোমাদি দানেও নিরাকৃত হইয়া থাকে। কিন্তু কালযুত্ব কিছুতেই নিবারিত হইবার নহে। সংসারে যুত্বের শাসন না থাকিলে, কেহ কাহারও বিধেয় হইত না। যুত্বকে ভয় না করে, এরূপ পুরুষ দেখিতে পাওয়া যায় না। প্রাণিগণের সর্পাদি ব্যাধি সমস্ত যেরূপ নানাপ্রকার, বিষ ও অভিচারভেদে যুত্বের দ্বারও সেইরূপ নানাবিধ। তৎসমস্ত রোগাদিতে আক্রান্ত এবং কালপ্রাপ্ত হইলে, স্বয়ং ধন্বন্তরিও সুস্থ করিতে সক্ষম নহেন। যে ব্যক্তি কাল কর্তৃক নিপীড়িত হয়, কি ঔষধ, কি তপস্যা, কি দান, কি অম্মা, কি বান্ধবগণ কেহই তাহারে পরিত্রাণ করিতে পারে না। ফলতঃ লোকে মহাত্মাগণের যোগসিদ্ধি, রমায়ন এবং তপোজপেও অত্মার অনায়ত্ত হইয়া, কালযুত্ব প্রাপ্ত হয়। ঐপ্রকার যুত্বের পর কৰ্ম্মবশে তাহার যোনিকীটে জন্ম হইয়া থাকে। পুরুষের কৰ্ম্মসংক্ষয় প্রযুক্ত দেহভেদে যে বিপ্রযোগ সাধিত হয়, তাহাই মরণ বলিয়া নির্দিষ্ট হয় ; পরমার্থতঃ কখন বিনাশ হইতে পারে না। সে যাহা হউক, কৰ্ম্ম সকলের ক্ষয় জন্ম যুত্ব হইলে, জীব দারুণ অন্ধকারে প্রবিষ্ট হইয়া যে যাতনা ভোগ করে, ইহলোকে তাহার উপমা নাই। সে তৎকালে নিতান্ত দুঃখিত হইয়া, মনে মনে হা তাত ! হা মাতঃ ! হা



কান্তে ! বলিয়া, অতিশয় রোদন করিয়া থাকে । বলিতে কি, সর্প যজ্ঞপ মণ্ডুক গ্রাস করে তজ্জপ সমস্ত সংসার মৃত্যুর কবলমাৎ হইয়া আছে । জীব যখন সেই মৃত্যু কর্তৃক আক্রান্ত হয়, বান্ধবগণ তাহারে ত্যাগ ও আত্মীয়ষণ বেষ্ঠন করিয়া থাকে, তাহার মুখ শুষ্ক হইয়া যায় ; ঘন ঘন দীর্ঘ নিশ্বাস বহির্গত হয় ; খটায় পরিবর্তন করিতে করিতে বারংবার মোহ আসিয়া আক্রমণ করে । এবং দারুণ অজ্ঞানবশে তদীয় হস্ত পদ সমস্ত ইতস্ততঃ বিক্ষিপ্ত হইতে থাকে । শরীর নগ্ন ও মূত্র বিষ্ঠায় পরিপূর্ণ ; কণ্ঠ, ওষ্ঠ ও তালু শুষ্কভাবাপন্ন, লজ্জার লেশমাত্র নাই ; বারংবার কেবল জল প্রার্থনা করিয়া খট্টা হইতে ভূমিতে ও ভূমি হইতে খট্টাতে, এই রূপে খট্টা ও ভূমিতে পুনঃ পুনঃ যাতায়াত সংঘটিত হয় । এবং ঘন ঘন চিন্তা ও কম্প উপস্থিত হইয়া থাকে । অনন্তর সে পঞ্চভূত কর্তৃক ক্ষুভ্যমাণ ও কালপাশে কর্ষিত হইয়া সকলের সমক্ষেই মৃত্যুমুখে নিপতিত হয় । এবং তৎক্ষণাৎ তদীয় কণ্ঠমধ্যে ঘুরঘুরায়িত হইয়া উঠে । মরিলেও তাহার নিস্তার প্রাপ্তির সম্ভাবনা নাই । ভূগর্ভলোকের ন্যায় পুনরায় দেহ হইতে দেহান্তরে প্রবেশ করে এবং প্রাণাণান্তরসংযোগ হইলে, পূর্বদেহ বিসর্জন করিয়া থাকে ।

যাঁহারা বিবেকবিশিষ্ট তাঁহাদের মরণ অপেক্ষা প্রার্থনা-দুঃখ অধিকতর । মরিলে ক্ষণমাত্র দুঃখ, কিন্তু প্রার্থনাদুঃখের অবশেষ নাই । জগৎ প্রার্থনা করিয়া, স্বয়ং বিষ্ণুও, বামন হইয়াছিলেন । সেই বিষ্ণুর অধিক কে আছে যে, লঘুতা প্রাপ্ত না হইবে । রাজন্ ! আমি অধুনা অবগত হইয়াছি

বরং মৃত্যুও ভাল, তথাপি প্রার্থনা করিবে না। তৃষ্ণা হইতেই লঘুতা জন্মিয়া থাকে। এই তৃষ্ণার আদিতে দুঃখ, মধ্যে দুঃখ ও অন্তেও দুঃখ। এই রূপে স্বভাবতঃ সর্ব-দুঃখের আধার বলিয়া, সংসারে মনুষ্যের বর্তমান, অতীত, ভবিষ্যৎ সর্বত্রই দুঃখ। যাহার জ্ঞান নাই, সেই ব্যক্তিই কেবল আসক্ত হয়; কোন মতেই বিরাগ প্রকাশ করে না। ভাবিয়া দেখুন, অতিভোজন করিলেও অতিশয় দুঃখ হয়। ভোজন না করিলেও তদ্রূপ হইয়া থাকে। আবার খাদ্য সংগ্রহ করিতেও ক্লেশের অবধি থাকে না। এই প্রকারে কিছুতেই সুখের লেশ নাই। সমুদায় রোগের সমবায় বশতঃ শেষব্যাধি তমঃ বলিয়া অভিহিত হয়। উহা সর্বদোষ-নিরপেক্ষ হইলে, ক্ষণমাত্র উপশমিত হইয়া থাকে। ক্ষুদ্রব্যাধিও অতিশয় তীব্র ও নিঃশেষে বল হরণ করে। তাহাতেও অন্যান্য ব্যাধির ন্যায়, মৃত্যু সংঘটিত হয়। জিহ্বা-প্রপরিবর্তন ব্যতিরেকে এই ক্ষুধায় কি সুখ হইতে পারে? আরও দেখ, সময় অতীত হইলে, ক্ষুধার আর লেশমাত্র থাকে না। এই রূপে ক্ষুদ্রব্যাধিতে সন্তপ্ত হইয়া লোকে প্রাণত্যাগ করে। এই জন্য পণ্ডিতগণ ক্ষুধাকে পরমার্থতঃ সুখের নিমিত্ত কল্পনা করেন না। নিদ্রা ও জাগরণও সর্বথা ক্লেশময়। লোকে সর্বকার্য্যবিবর্জিত ও অন্ধকারে আচ্ছন্ন হইয়া মৃতের ন্যায় যে শয়ন করে, তাহাতে সুখসম্ভাবনা কোথায়? জাগরণেও বহুতর কার্য্য নিমিত্ত আত্মা উপহত হয়; তাহাতেই বা সুখ কি? কলতঃ দিবসে কৃষি ও বাণিজ্য সেবা, গোরক্ষাদি পরিশ্রম, প্রাতঃকালে বিষ্ঠামূত্র বিমর্জ্জন, মধ্যাহ্নে ক্ষুৎপিপাসা, এবং রাত্ৰিতে নিদ্রায়

অভিভব ও কামাগ্নির দারুণ সন্তাপ এ সকলও সুখের হইতে পারে না।

অর্থও কখন সুখের নহে। অর্থের অর্জনে দুঃখ, রক্ষণে দুঃখ, বিনাশে দুঃখ, এবং ব্যয়েও দুঃখ। যেমন দেহিদিগের মৃত্যু হইতে ভয় হয়, চৌর, সলিল, অগ্নি, স্বজন ও পার্থিব হইতে অর্থবান্দিগের তেমনই ভয় হইয়া থাকে। মাংস যেমন আকাশে রাখিলে পক্ষিগণ, স্থলে স্থাপদগণ ও জলে মৎস্যগণ ভক্ষণ করে, অর্থবান্ও তদ্রূপ সর্বত্র অভিপন্ন হইয়া থাকে। অর্থের সমৃদ্ধিতে মোহ, বিপদে সন্তাপ এবং উপার্জনে খেদ উপস্থিত হয়। অতএব অর্থ কখন সুখাবহ নহে। রাজন্! কালও লোকের সর্বথা দুঃখসাধন। দেখুন, শীতকালে শীত, গ্রীষ্মকালে গ্রীষ্ম এবং বর্ষাকালে বৃষ্টি; নিরতিশয় ক্লেশ সম্পাদন করে।

বিবাহব্যাপারে দুঃখ, গর্ভোদ্বহনে দুঃখ, প্রসবকালে দুঃখ, বিষ্ঠাদিপরিস্কারে দুঃখ, এইরূপে পুত্রও নিরবচ্ছিন্ন দুঃখময়। অধিকন্তু, পুত্রের দন্ত ও অক্ষিপীড়া হইলে, হায় কি কষ্ট, আমি কি করিব! বলিয়া লোকে ব্যাকুল হইয়া থাকে। অধিকন্তু, আমার গোধন নষ্ট হইল, কৃষি ভগ্ন হইল, ভাৰ্য্যা পলায়ন করিল, আমার গৃহস্থিত ব্যক্তিগণও সকলেই ভগ্নচিত্ত ও পরাধুখ প্রায়; স্ত্রীও আমার বালবৎসা অথবা বন্ধ্যা; কে আমার গৃহবন্ধন করিবে; এবং দেয় কাল উপস্থিত হইলে, কন্যার আমার কীদৃশ বর হইবে, ইত্যাদি চিন্তাভিভূত গৃহিণের সুখসম্ভাবনা কোথায়? এইপ্রকার কুটুম্বচিত্তায় আকুল হইলে, পুরুষের শ্রেত, শীল ও গুণ সমুদায়ই, আমঘটনিহিত জলের ন্যায়;

দেহের সহিত বিনষ্ট হয় । এতদ্ভিন্ন । কুক্কুরের ন্যায় পর-  
স্পর এক দ্রব্যের অভিলাষ বশতঃ দেহিমাত্রেরই স্বজাতীয়  
হইতে ভয় হইয়া থাকে ।

সর্বদা সন্ধিবিগ্রহের আকাঙ্ক্ষা থাকাতে, রাজত্বেও  
সুখসম্ভাবনা নাই । বিশেষতঃ, সংগ্রামে প্রবেশ না করিলে  
এবং পরবল নিরস্ত করিয়া, নিভয়ে অবলীলাক্রমে থাকিতে  
না পারিলে, কোন রাজাই খ্যাতিমান হইতে পারেন না ।  
দেখুন, শ্রীমান কার্তবীৰ্য্যের বাহুসংগ্রহে যুদ্ধে খণ্ড খণ্ড  
হইয়াছিল । দশরথনন্দন রাম মহাবল ভৃগুরামের অতুল  
বীর্য্য ও উর্দ্ধগতি উভয়ই ব্যাহত করিয়াছিলেন । জরাসন্ধ  
স্বয়ং বাসুদেবেরও বশ বিনষ্ট করেন ; মহাবীর ভীমের  
হস্তে তাঁহারও নিধন সম্পন্ন হয় । আবার সেই ভীম  
বানরের পুচ্ছঘাতে বিক্ষিপ্ত ও ধরাতলে পতিত হইয়া-  
ছিলেন । যে অর্জুন স্বর্গে বলদর্পিত নিবাতকবচ দানব-  
দিগকে জয় করেন, তিনি গোপাল হস্তে পরাজিত হইয়া-  
ছিলেন । সূর্য্য সাতিশয় প্রতপ্ত হইলেও, মেঘে কখন  
কখন আচ্ছন্ন হইয়া থাকেন । সেই মেঘ বায়ুবশে বিক্ষিপ্ত  
হয় ; নগগণ সেই বায়ুরও বীর্য্য বিনাশ করে ; সেই নগ-  
গণও অগ্নি কর্তৃক দহমান হয় , সেই অগ্নিও জলসংসর্গে  
নির্বাণিত হইয়া থাকে ; সেই জলও সূর্য্যের তেজে শুষ্ক  
হয় ; সেই সূর্য্যও সামুচর ও সত্রৈলোক্য প্রলয় সময়ে  
ত্রস্কা কর্তৃক বিনষ্ট হইয়েন ; সেই ত্রস্কাও আবার সমুদায়  
দেবতায় সহিত পরাধিকারকালান্তে পরমাত্মা শিব কর্তৃক  
সংহত হইয়া থাকেন । এই রূপে সংসারের পরমপুরুষ  
অব্যয় নারায়ণ ব্যতিরেকে সর্বোত্তমবলসম্পন্ন আর কেহই

নাই । রাজন্ ! বুদ্ধিমান ব্যক্তি এই রূপে এই অসার জগৎ পরিত্যাগ করিবেন ।

সংসারের যখন এই প্রকার দশা, তখন ইহাতে কোন ব্যক্তিই সৰ্বাংশে শূর বা পণ্ডিত এবং সৰ্বাংশে মূর্থ বা সৰ্বজ্ঞ হইতে পারে না । যে ব্যক্তি যে বিষয় অবগত, সে তাবৎমাত্রই পণ্ডিত । স্মৃতরাং সৰ্বত্র সমান মান বা সমান প্রভাব হইবার সম্ভাবনা কি ? যে ব্যক্তি যে বিষয়ে অতিশায়ী, তাহারই প্রভাব পরিগণিত হয় । দানবগণ দেবতাদের এবং দেবতারাও তাহাদিগকে জয় করিয়াছিলেন । ফলতঃ জয় পরাজয় ভাগ্যবশতঃ পরস্পরে অধিষ্ঠান করিয়া থাকে । এইরূপে রাজার শয্যা, আসন, পান, ভোজন, পরিচ্ছদ ও ভাজন ইত্যাদি সুখসম্পত্তি কেবল দুঃখের জন্ম ! আপনি সৰ্ব্ব ভূমির অধিপতি । আপনাকেও খট্টামাত্রপরিগ্রহ হইতে হইবে । অতএব সলিলকুন্তসহস্র কেবল ক্লেশ ও আয়াস-বিস্তারমাত্র । তথাহি, রাজা যে মনে করে, মদীয় গৃহে প্রত্যুষসময়ে তুৰ্য্যনির্ঘোষ ও অন্যান্য বাদ্য হইয়া থাকে, ইহা বাহ্য অভিমান মাত্র । যাবৎ মৃত্যু না হয়, তাবৎ প্রীতিপর গীত নৃত্য, উগ্ধত চেষ্টিত ও আলোপন প্রভৃতি সমুদায়ই শোভা পায় । রাজন্ ! এই সকল জানিয়া শুনিয়া রাজ্যভোগে কখন কি সুখ লাভ হইতে পারে ? আরও দেখুন, পরস্পর বিজিগীষু নরপতিগণের ধনবাহুল্য জন্ম অভিমানগর্ভ একমাত্র দুঃখেরই কারণ হইয়া থাকে ।

স্বর্গেও সুখ লাভের সম্ভাবনা নাই । কেননা স্বর্গ প্রাপ্ত হইলেও, পুনরায় পতিত হইতে হয় । বিশেষতঃ উপ-

যুঁপরি সকলের পরম্পর অপেক্ষা আতিশয়্য এবং সৌভাগ্য-  
 গর্ব দর্শন করিরা, মনে নিতান্ত অসুখ জন্মে । কাহারও  
 তথায় নিঃশেষে পুণ্যফল ভোগ করিবার সম্ভাবনা নাই ।  
 পুণ্যব্যতিরেকে অন্য কর্মে প্রবৃত্ত হইলে, দারুণ দোষোৎ-  
 পত্তি হইয়া থাকে । পাদর্প যেমন ছিন্নমূল হইলে পর্বত  
 হইতে পৃথিবীতে পতিত হয়, দেবতারও পুণ্য প্রক্রিয়া  
 তদ্বৎ নিপ্পতিত হইয়া থাকে । অধিকন্তু, স্বর্গে দেবগণের  
 সুখাভিলাষনিষ্ঠ সুখ ভোগ করিতে করিতে অকস্মাৎ দুঃখ  
 উপস্থিত হয়, ইহাও অতিশয় ক্লেশের বিষয় । এই প্রকার  
 বিবেচনা করিলে, স্বর্গেও দেবগণের সুখসম্ভাবনা নাই !  
 আরও দেখুন, স্বর্গে কর্মভোগের জন্য ক্ষয় ও অভিপ্রেত  
 সিদ্ধির ব্যাঘাতও অসম্ভাবিত নহে । তাহাতে পুনরায়  
 জন্মবিপাকবশতঃ মৃত্যুমুখে নিপতিত হইতে হয় । রাজন্ !  
 বাক্য, মন, কায় ও মানস এই চতুর্বিধ ঘোর পাতক জন্ম  
 জীবনাবসানে দেহিদিগের অতিশয় কষ্ট ও নরকানলে নিতান্ত  
 দুঃখ উপস্থিত হইয়া থাকে ।

অধিক কি, সূক্ষ্মসহ কুঠারচ্ছেদ, বল্কল ভক্ষণ, প্রচণ্ড বায়ু  
 দ্বারা পর্ণশাখা ও ফলপাত, গজ ও অন্যান্য শরীর দ্বারা  
 উন্মূলন ও অপমর্দন, দাবাগ্নি ও হিমশোষণ, স্থাবর জাতিতে  
 এই সকল দুঃখ ও ক্লেশ । তদ্ব্যতীত, সর্পগণের তৃষ্ণা, বুভুক্ষা  
 ক্রোধ, দুষ্টিগণের নির্যন্ত্রণ, ও পাশবন্ধন, কীটাদির বারং-  
 বার অকস্মাৎ জন্ম মরণ, সরীসৃপাদির অনেকবিধ ক্লেশ,  
 যুগবিহঙ্গমগণের বর্ষা শীত ও গ্রীষ্মাদিতে অতিশয় দুঃখ,  
 যুগগণের পদে পদে অতিমাত্র ক্লেশ ও অতিমাত্র ত্রাস এবং  
 এড়কাদি পাশুগণের ক্ষুভ্ৰুত্বাদি সহিষ্ণুতা, বন্ধন, দণ্ড-

তড়ন, নামারোধন, সন্ত্রাসন, শীতবাত্তে সর্বদা আহতি, বেণুকাষ্ঠাদি নিগড়, অক্ষুশ দ্বারা নিৰ্বন্ত্রণ, শিক্ষাবন্ধাদি জন্য নিষ্পীড়ন, বলপূর্বক আনয়ন ও বন্ধনে আত্মযুথ বিরহ ইত্যাদি বহুবিধ দুঃখ লক্ষিত হইয়া থাকে। মনুষ্যও তদ্রূপ গর্ভবাস, অতিবাল্যকালে জ্ঞানশূন্যতা, কৌমারে গুরুশাসন, যৌবনে কাম, রাগ ও ঈর্সা, গোরক্ষাদি কৰ্ম-পরম্পরা, কৃষি ও বাণিজ্যমেবা, বার্ককে জরাব্যাদিনিপীড়ন মরণ প্রার্থনা, চৌরাগ্নিজলদাঘাত ইত্যাদি বিবিধ দুঃখে অভিভূত ও আক্রান্ত হয়। অর্থের অর্জন ও রক্ষণ, কার্পণ্য, মৎসর, দম্ব, ধনী হইলে অকার্য্যে প্রবৃত্তি, ভৃত্য-বৃত্তি, কুমীদ, দাসত্ব, পরাধীনতা, ইষ্টানিষ্টযোগ, দুর্ভিক্ষ, দুর্ভগত্ব, মুর্থতা, দরিদ্রত্ব, অধারাত্তরবিভাগ, নরক, রাজ-বিভ্রম, অন্যোন্യാতিশয ও ভয়, এবং মহীপতিগণের রাজ্যে অন্তর্কর্ষিঃ প্রকোপ, প্রভাব ও বিভ্রমের অনিত্যতা, অন্যোন্য়ের মুর্ষভেদার্থ অন্যের পীড়া সমুৎপাদন এবং পাপ, মোহ ও লোভ ইত্যাদিও মনুষ্যজাতির নিরতিশয় ক্লেশ ও ভয়ের কারণ হইয়া থাকে। রাজন্! যেহেতু নিরয়াদি মনুষ্যান্ত সমুদায় সংসার ইত্যাকার নানাপ্রকার দুঃখের আধার, সেইহেতু পণ্ডিত ব্যক্তি ইহা পরিহার করিবেন। ফলতঃ, এই সংসার কেবল দুঃখময় এবং দুঃখেই উপ-শান্ত হয়।

স্বর্গেও ভোগসংপ্লব বা সন্তুব সমুদায় এই প্রকার অন্যোন্യാতিশযের অতিপাতী নহে। তথায় দেবগণের ধর্মক্ষয় জন্য বিবিধ দুঃখ, পুণ্যক্ষয় জন্য বিবিধ জাতি-সহস্রে উদ্ভব এবং তদ্ভিন্ন বহুবিধ রোগ প্রাভূত হইয়া

থাকে । দেখুন, যজ্ঞের শিরঃ ছিন্ন হইয়াছিল । অশ্বিদ্বয় তাহা পুনঃসন্ধিত করেন । সেই দোষে যজ্ঞ সৰ্বদাই শিরোরোগে অভিভূত । সূর্যের কুষ্ঠ, বরুণের জলোদর, পুষার গতিবৈকল্য, ইন্দ্রের ভূজস্তম্ভ, সোমদেবের অতিশয় ক্ষয়রোগ কাহারও অবিদিত নাই । প্রজাপতি দক্ষেরও অতিশয় জ্বর উপস্থিত হয় । কল্পে কল্পে মহাপ্রভাব দেবগণেরও ক্ষয় হইয়া থাকে । পরাৰ্দ্ধদ্বয় উপস্থিত হইলে, ত্রেকারও ধ্বংস হয় । অধিকন্তু তিনি কামপরতন্ত্র হইয়া, পূর্বে তেজোবলে স্বীয় পৌত্রী হরণ করিয়াছিলেন । যেখানে কাম ক্রোধ উভয় অবস্থিত, সেখানে তদাত্মক সমস্ত দোষ ও সমস্ত দুঃখও অবস্থিতি করে, তাহাতে সংশয় নাই । বিষ্ণুরও জন্ম মরণ, মায়াবিত্ত, স্ত্রীবধ, কামশক্তি ও পাণ্ডবরণে সারথ্য শুনিতে পাওয়া যায় । ভগবান্ রুদ্রও পুর দক্ষ ও দক্ষযজ্ঞ বিনাশ করিয়াছিলেন । স্কন্দেরও শুক্র হইতে জন্ম ও সহস্র সহস্র ক্রীড়াদি ব্যাপার পরিকীৰ্তিত হইয়াছে । এই রূপে সমুদায় দেবতাই রাগাদি দোষত্রয়ে আচ্ছন্ন ; একমাত্র সত্যস্বরূপ সৰ্বপ্রভু স্বয়ম্ভাব পরমপূর্ণ নারায়ণই সকলের শ্রেষ্ঠ ।


এই প্রকারে সমুদায় সংসার পারম্পর আতিশয্যে প্রতিষ্ঠিত ও বহুল দুঃখে পরিপূর্ণ জানিয়া সৰ্বথা নির্বেদ আশ্রয় করিবে । নির্বেদ হইতে বিরাগ জন্মে, বিরাগ হইতে জ্ঞানসম্ভব হয়, জ্ঞান প্রভাবে পরমস্বরূপ পরিজ্ঞাত হইলে, শিবমূর্তি, স্বস্থানলাভে পরমসুখী, সৰ্বজ্ঞ ও নিরতিশয় পূর্ণ এবং কূট বলিয়া অভিহিত হয় ।

রাজন্ ! আপনি জিজ্ঞাসা করিয়াছিলেন, তদনুসারে



আপনার নিকট ধর্ম্মাধর্ম্মবিবেক ও সর্বজ্ঞানসম্বুদ্ধয় সর্বতো-  
ভাবে কীর্ত্তন করিলাম। এক্ষণে ইন্দের আদেশে ইন্দ্রলোকে  
গমন করুন।

## দ্বিমষ্টি অধ্যায়



যযাতি কহিলেন, মাতলে! আমার ভাগ্য প্রসন্ন,  
সেই জন্য দেবরাজের সম্ভ্রাম বশতঃ আপনার দর্শন  
সম্পন্ন হইল। যাহা হউক, মর্ত্ত লোকে মানবগণ দারুণ  
পাপ করিয়া থাকে। এক্ষণে তাহাদের তত্ত্বৎ কর্ম্মবিপাক  
বলিতে হইবে।

মাতলি কহিলেন, শ্রবণ করুন, পাপাচারলক্ষণ কীর্ত্তন  
করিব। ইহা শ্রবণ করিলে, প্রম্মকালে জ্ঞান প্রাপ্তুত  
হইয়া থাকে। লোকে যে বেদের নিন্দা ও ত্রক্ষাচার  
কুট্টন করে, জ্ঞানপণ্ডিতগণ তাহাকে মহাপাতক জানিবেন।  
লোকে যে সাধুগণের পীড়ন করে, তাহাও মহাপাতক;  
তাহার প্রায়শ্চিত্ত নাই। লোকে যে কুলাচার পরিত্যাগ  
করিয়া, অন্যাচার অবলম্বন করে তত্ত্ববেদিগণ তাহাকে  
পাতকসম্ভূত বলিয়া থাকেন। মাতাপিতার নিন্দা, ভগি-  
নীর তাড়না, এবং দুহিতার কুৎসাও পাতক বলিয়া পরি-

গণিত হয়। রাজন্! যে ব্যক্তি শ্রাদ্ধ সময়ে পঞ্চক্ৰোশ অন্তরে থাকিয়া, জামাতা, দৌহিত্র ও ভগিনীকে পরিত্যাগ পূৰ্বক কাম, ক্রোধ বা ভয়ে অন্তকে ভোজন করায়, তাহার পিতৃগণ সেই শ্রাদ্ধে ভোজন করেন না এবং ব্রাহ্মণগণও প্রস্থান করিয়া থাকেন। ইহা তাহার পিতৃ-হত্যা সমান পরম পাতক বলিয়া পরিকল্পিত হয়। বিদ্বান হউক, মুর্থই হউক, ব্রাহ্মণগণ উপনীত হইলে, যে ব্যক্তি ভূমিদান ত্যাগ করে এবং অন্যান্যকে বর্জন করিয়া কেবল একজনকে দান করে, তাহার দানভ্রংশকর ঘোর মহা-পাতক হইয়া থাকে। বর্জমানের গৃহস্থিত ব্রাহ্মণদিগকে পরিত্যাগ করিতে নাই। তাঁহাদিগকে পরিত্যাগ পূৰ্বক দান, দানের লক্ষণ হইতে পারে না। সদাচারসম্বিত সর্বথা তপস্যানিষ্ঠ সমদর্শী দ্বিজাতিকে ত্যাগ করিয়া, অন্যকে দান করিলেও, দত্তকল অসংশয়িত নিষ্ফল হয়। ব্রাহ্মণ বিদ্বান্ বা মুর্থ হউক, সর্বপ্রকার পুণ্য কালেই তদীয় পূজা করিবে। ঐ প্রকার পূজা করিলে, অশ্বমেধযজ্ঞের ফল লাভ হয়। যেব্যক্তি অন্য বিপের স্নেহবশতঃ অপরকে নিবারণ করে, সেই মহাপাতকী দান ফল প্রাপ্ত হয় না। শ্রাদ্ধে ভক্তি পূৰ্বক পিতৃপিতামহের তর্পণ সময়ে দুই জন ব্রাহ্মণকে অন্ন, বস্ত্র, তাম্বুল ও দক্ষিণা যোগে পূজা করিবে। তাহাতে পিতৃগণ পরিতুষ্ট হইবেন। শ্রাদ্ধভোক্তা দ্বিজাতিকে দক্ষিণা ও দান করা বিধেয়। না করিলে, শ্রাদ্ধকর্তার গোহত্যাসদৃশ পাতক হয়। এই জন্য শ্রাদ্ধ-পূৰ্বক দুই জনের পূজা করিব।

রাজন্! ব্যতীর্ণাত, বৈধতি, অমাবস্থা, কয়াহ,

পরপক্ষ এই সকল উপস্থিত হইলে, ব্রাহ্মণাদি বর্ণ দ্বারা  
 শ্রদ্ধা করিবে। যজ্ঞে সেরূপ ঋত্বিক্ প্রকল্পিত হয়, তদ্বৎ-  
 শ্রদ্ধাদান জন্য সর্বদা ব্রাহ্মণ নিয়োগ করিবে। সবিশেষ  
 অবগত হইয়া, বিবেচনা পূর্বক এই নিয়োগ করা কর্তব্য।  
 যাহার বংশ, কুল, ষট্ পুরুষ, ও আচার পরিজ্ঞাত তাদৃশ  
 ব্রাহ্মণকে নিমন্ত্রণ করিবে। সচরাচর জ্ঞান আচার ব্যব-  
 হার বিচারণার সাধন হইয়া থাকে। মুখ যদি শুদ্ধ হয়,  
 তাহাকেও শ্রদ্ধা দান করিতে নাই। আবার বেদবেদান্ত-  
 পারগ হইলেও, যদি অবিজ্ঞাত হয়, তাহাকেও দান বা  
 ব্রাহ্মণ করিবে না। রাজন্! শ্রদ্ধা দ্বিজাতির অপূর্ব  
 আতিথ্য করা বিধেয়। অন্যথা করিলে নিশ্চয়ই পাপ ও  
 নরকগতি লাভ হয়। পিতৃগণ তদীয় বিপ্রবর্জিত গৃহে  
 ভক্ষণ করেন না। প্রতু্যত, শাপ দিয়া তথা হইতে প্রস্থান  
 করেন। সে মহাপাপী ও ব্রহ্মহত্যার পাতকভাগী হয়।  
 যে ব্যক্তি মোহবশতঃ পৈত্রাচার পরিত্যাগ করে, তাহাকে  
 সর্বধর্মবহিষ্কৃত মহাপাপী অবগত হইবে। যাহারা ভোগ  
 সাধন শৈব বা বৈষ্ণবাচার ত্যাগ এবং ব্রাহ্ম ধর্মের নিন্দা  
 করে, তাহারাও পাপবান্ধব বলিয়া পরিজ্ঞাত হয়। যাহারা  
 শিবাচার বিসর্জন ও শিবভক্তের ঘেঁষ, হরির নিন্দা ও  
 ব্রহ্মার বিদেষ এবং আচারকুটন করে, তাহারাও মহা-  
 পাপীর অগ্রগণ্য। যে ব্যক্তি পরম জ্ঞান পূজা করত  
 প্রশস্ত ভাগবত, বৈষ্ণব, হরিবংশ, মৎস্য, কুর্ম বা পদ্ম-  
 পুরাণের সেবা করে, সেই দেবদেব বা সুরদেবের সাক্ষাৎ  
 পূজাকল লাভ করিয়া থাকে। সেই জন্য দেবালয়ে নিত্য  
 বৈষ্ণব জ্ঞান ও বিষ্ণুবল্লভ বৈষ্ণব পুস্তক পূজা করা

কর্তব্য। ঐরূপ পূজা করিলে, স্বয়ং কমলাপতি সর্বতো-  
ভাবে পূজিত হইবেন। যাহারা লোভ বা অজ্ঞানবশতঃ  
পূজা না করিয়া, হরির জ্ঞান ধ্যান, লিখন, অন্যান্যতঃ দান,  
শ্রবণ, উচ্চারণ, বিক্রয়, অপবিত্র প্রদেশে যথেষ্ট স্থাপন,  
যেভাবে সেই জ্ঞান জানিতে হয় তাহা করিয়া, শক্তি  
থাকিতেও প্রকাশ, অধ্যয়ন বা প্রমাণ, এবং অশুচি হইয়া  
অশুচি স্থানে কীর্তন বা শ্রবণ করে; তাহাদের তৎসমস্ত  
নিন্দাসমান কীর্তিত হয়।

যে ব্যক্তি গুরুপূজা না করিয়া শাস্ত্র শ্রবণে অভিলাষী  
হয়, তদীয় শুশ্রূষা ত্যাগ ও আজ্ঞা ভঙ্গ করে, তাহা হইলে  
অভিনন্দন করিতে প্রস্তুত না হয়, তদীয় বাক্যের উত্তর  
করে, সাধ্য হইলেও তদীয় কার্যে উপেক্ষা করে, গুরু  
মোহাচ্ছন্ন, বিদেশস্থ অথবা শত্রুকর্তৃক পরিভূত হইলে,  
ত্যাগ করিয়া থাকে, তাহার পাপ শ্রবণ কর। সে যাবৎ-  
চতুর্দশ-ইন্দ্র কুম্ভীপাক নরকে বাস করে। পুত্র, মিত্র ও  
কলত্রের প্রতি অবজ্ঞা করিলেও, গুরুনিন্দার সমান পাপ  
হইয়া থাকে। ব্রহ্মঘ্ন, স্বর্ণস্তুয়ী, গুরুতপ্পগ, যোগনাশক  
এবং পাতিত্যসঞ্চারক এই পাঁচ জনও মহাপাপী। তন্মধ্যে  
যে ব্যক্তি ক্রোধ, দ্বেষ, ভয় বা লোভ বশতঃ ব্রাহ্মণকে  
মর্মান্তিক দোষ দান করে, তাহাকে ব্রহ্মঘ্ন বলে। যে ব্যক্তি  
যাচমান অকিঞ্চন দ্বিজাতিকে আহ্বান করিয়া, পশ্চাৎ নাই  
বলিয়া থাকে, সেও ব্রহ্মঘ্ন। যে ব্যক্তি সভামধ্যে উদাসীন  
দ্বিজাতিকে বিদ্যাভিমান নিস্তেজিত করে, যে ব্যক্তি মিথ্যা-  
শ্রুতি আত্মাকে তৎক্ষণাৎ উৎকর্ষিত করে, যে ব্যক্তি গুরুর  
মিরোধ করে, অনভোক্তানাভিলাষী ক্ষুভ্ণমার্গ দগ্ধজনের

## পঞ্চবিধ

বিঘ্নসাধন করে, তাহাকেও ব্রহ্মহত্যা বলে। যে ক্রুর সকল লোকের রক্তাশ্বেষণে তৎপর ও উদ্বিগ্নজনক, এবং দেব, দ্বিজ ও গোগণের পূর্বভুক্ত ভূমি হরণ করে, তাহাকেও ব্রহ্মহত্যা বলে। রাজন্! অন্যায়পূর্বক দ্বিজবিশ্বের হরণ করিলেও, ব্রহ্মহত্যার সমান পাতক সঞ্চিত হয়।

পঞ্চবিধ ষষ্ঠীয় কর্মে অগ্নিহোত্র পরিত্যাগ, মাতা পিতা ও অন্যান্য গুরুজনের কৌটমাক্য, সুহৃদ্বধ, শিবভক্তের অপ্রিয় সাধন, অভক্ষ্য ভক্ষণ, সংগ্রামে বিজিতবাদ প্রাণিগণের সংহার, গোগণের গোষ্ঠে অরণ্যে গ্রামে বা নগরে অগ্নিদীপন এবং সুরাপান ইত্যাদি ঘোর পাতক বলিয়া জানিবেন। পরস্ত্রী, গজ, বাজী, গো, ভূমি, রজত, রত্ন, ওষধি, রস, চন্দন, অগুরু, কপূর, কস্তুরী, পট, বস্ত্র এবং হস্তন্যাস ও দরিদ্রের সর্বস্ব হরণ স্বর্ণ চুরির সমান বলিয়া পরিগণিত হয়। কন্যা বরযোগ্যা হইলে, সদৃশ পাত্রে অসম্প্রদান, পুত্র মিত্রের কলত্র ও ভগিনীতে গমন, ইত্যাদি পাতক গুরুতম্পর সদৃশ। মহাপাতক সদৃশ যে সকল পাপ উক্ত হইয়াছে, তাহারা পাপসংজ্ঞ, অত্যন্ত পাতক নহে।

যে ব্যক্তি ব্রাহ্মণের জন্য প্রতিজ্ঞা করিয়া প্রদান না করে অথবা তাহারে স্মরণ না করার, তাহার তাহা উপপাতক। দ্বিজদ্রব্যের অপহরণ, মর্যাদালঙ্ঘন, অভিমান, অতিকোপ, দান্তিকত্ব, ক্রতঘ্নতা, অত্যন্ত বিষয়াসক্তি, কাপট্য, শঠতা, মৎসর, পরদারহরণ, সাধ্বী কন্যাতির দূষণ, পরিবিত্তি কর্তৃক পরিবেত্তার আলিঙ্গন, তাহাদের যাজন বা কন্যাদান, স্বামী অভাবে পুত্রমিত্র কলত্রের পরিত্যাগ,

ভার্যাবর্জন, গোষ্ঠে সাধু, তপস্বী, বৈশ্য, স্ত্রী বা শূদ্রের হত্যা, শিবায়তন বৃক্ষের পুষ্প শাখার বিনাশন, ইচ্ছা-পূর্বক আশ্রম স্থানের উৎপীড়ন, আশ্রমস্থ ভৃত্য ও পশু গণের নিধন, ধন ধান্য বা পশুচোর্য, অসাধ্য যাচঞা, যজ্ঞারামতড়াগ বা পুত্র কত্রের বিক্রয়, তীর্থযাত্রা ও উপ-বাসাদি ত্রত, অন্যান্য সংকর্ষ এবং স্ত্রীধন বা স্ত্রীর অর্জনে উপজীবিকা, সুবর্ণবিক্রয়, অধর্মচর্চা পরদোষপ্রবাদ, পরচ্ছিত্রের পর্যাবলোকন ইত্যাদি পাতক সমস্ত গোহত্যার সমান বলিয়া জানিবেন। যে ব্যক্তি সর্বশাস্ত্রের কর্তা হর্তা ও বিক্রয়ী, ভৃত্যগণে দয়াহীন, পশুগণের দমন ও মিথ্যা প্রবাদে কণ প্রদান করে, এবং স্বামী, মিত্র ও গুরুদ্রোহে প্রবৃত্ত হয়, যে ব্যক্তি মায়াবী, চপল, শঠ, এবং ভার্য্যা, পুত্র, মিত্র, বাল, বৃদ্ধ, কৃশ, আতুর, ভৃত্য অতিথি ও বুভুক্ষিতদিগকে ত্যাগ করিয়া একাকী ভোজন মিষ্ট ভক্ষণ ও মিষ্ট আশ্বাদন করে, এবং ব্রহ্মবাদিগণের বিগর্হণায় প্রবৃত্ত হয়, তাহাকেও পাপী বলিয়া অবগত হইবেন। যে ব্যক্তি জিতেন্দ্রিয় হইয়াও স্বয়ং আদান পূর্বক নিয়ম সকল ত্যাগ করে, রহস্যক্ষেত্রের ভেদ করে, সাধু, বিপ্র, গুরু, গো ও নির্দোষ সাধ্বী রমণীর তাড়না করে, আলস্যে বদ্ধনর্বাঙ্গ হইয়া বারংবার শয়ন করে, দুর্বলের অপরিপোষণ ও নষ্টের অন্বেষণ করে, গোরূষদিগকে অতি-ভারে পীড়িত বা অতিমাত্র বাহিত করে, সর্ব পাপে আহত বা সংযুক্ত হইয়া, ভোগপরম্পরার অনুসরণ করে এবং ভগ্ন ক্ষতরোগার্ত্ত মুখাতুর গো সকলকে পরিপালন না করে, সে গোরূষ বলিয়া পরিগণিত হয়। যে পাপিষ্ঠ

স্বর্গগণের স্বর্গ ছেদন ও গোবৎসের বাহন করে, সে মহানরকির সদৃশ। যাহারা ক্ষুৎতৃষ্ণাশ্রমকাতর আগন্তুক বা অতিথিকে প্রত্যাখ্যান করে, তাহারা নরকে গমন করে। যে মৃত অনাথ, বিকল, দীন, বাল ও তৃষ্ণাতুরের পরিপালন না করে, সে নরকার্ণবে নিমগ্ন হয়। আজাবিক, মাহিবিক, সামুদ্রী, স্বর্গলীপতি, বিপ্রাচারবিশিষ্ট শূদ্র, শিল্পী, কারু, বৈদ্য, নৃপধ্বজ, দূত ও অমাত্য ইহারা সকলেই নরকগামী। যে রাজা উদিত অতিক্রম পূর্বক ইচ্ছানুসারে কর সংগ্রহ করে এবং দণ্ডই যাহার একমাত্র রুচিকর, তাহাকে নরকে পচিতে হয়। যে রাজার রাজ্যে উৎকোচ ও চৌর্যের অতিশয় পীড়ন, তাহাকেও নরকে পচিতে হয়; যে দ্বিজ অন্যাযপ্রবৃত্ত রাজার নিকট প্রতিগ্রহ করেন, তাহাদের নিঃসংশয় ঘোর নরক হয়। পারদারিক, চোর ও অরক্ষক নৃপতির যে পাপ, প্রতিগ্রাহী তদ্বৎ ঘোর পাতক সঞ্চিত হইয়া থাকে। রাজা যদি ন্যায়বিচার পরিত্যাগ পূর্বক কর্মান্তর আশ্রয় করেন, তবে চোর না হইলেও চোরের প্রধান হয়েন। আর যদি ন্যায়বিচার করেন, চোর হইলেও অচোর হইয়া থাকেন।

স্বত, তৈল, অন্ন, পান, মধু, মাংস, সুরা, আসব, গুড়, ইক্ষু, ক্ষীর, শাক, দধি, মূল, ফল, তৃণ, কাষ্ঠ, পুষ্প পত্র, শস্য ভাজন, উপানৎ, ছত্র, শকট, শিবিকা, আসন, ভাত্র, শীস, ত্রপু, শস্য, শঙ্খাদি জলোদ্ভব, বেণুবংশাদ্য বাদিত্র, গৃহোপকরণ, উর্ণা, কার্পাস, কোষোথ, রক্ত ও বাসোদ্ভব, তুল, সূক্ষ্ম বস্ত্র এবমাদি অন্যান্য বিবিধ দ্রব্য লোভ বশতঃ হরণ করিলে, নরকে নিশ্চয়ই পতিত হইতে হয়। কসতঃ

পরদ্রব্য বা পরস্ব যা তা হউক, যে কোম প্রকারে হরণ করিলে, নিঃসংশয় নরক লাভ হইয়া থাকে। রাজন্ এমাদি পাপে অতিক্রান্ত মানবগণ চরমে শরীর পরিহার করিয়া, পূর্ব দেহ প্রাপ্ত হয়। এবং যমের আদেশানুসারে তদীয় ঘোরাকৃতি দূতগণ কর্তৃক নীরমান ও সাতিশয় হুঃখিত হইয়া, যমলোকে গমন করিয়া থাকে। যাহারা দেব-মানুষনিন্দাদি অধর্মদোষে নিয়তচিত্ত, ধর্মরাজ বিবিধ দারুণ বধ বন্ধনে তাহাদের শাস্তা বলিয়া পরিকীৰ্ত্তিত হইলেন। যাহারা বিনয়াচারবিশিষ্ট, তাহারা প্রমাদ বশতঃ চলিত-মনস্ক হইলে, প্রায়শ্চিত্ত দ্বারা গুরুই তাহাদের শাস্তা হইলেন। যাহারা পারদারিক, চৌর, ও অন্যায়চারে প্রবৃত্ত, রাজাই তাহাদের শাসক। কিন্তু যাহারা ছদ্মবেশী, ধর্মরাজ তাহাদের শাসন করেন। এই জন্য কৃত-পাপের প্রায়শ্চিত্ত বিধেয়। অন্যথা অভুক্ত পাপের কোটি শত কল্পেও বিনাশ হয় না। যে ব্যক্তি কায়মন-বাক্যে স্বয়ং পাপ করে, করায় বা অনুমোদন করে, তাহার অধোগতি ফল লাভ হইয়া থাকে।

রাজন্! আমি সংক্ষেপে এই ত্রিসাধন পাপভেদ এবং পাপকর্মা মানবগণের বিবিধ গতি কীর্ত্তন করিলাম। এক্ষণে আর কি বলিতে হইবে বলুন। দেবসারথি মাতলি সেই ধর্মবৎসল রাজাকে ধর্মপ্রসঙ্গে এই প্রকারে পরম পুণ্য নির্দেশ করিয়াছিলেন।



## ত্রিষষ্টি অধ্যায় ।



মাতলি কহিলেন, এই প্রকার পাপ করিলে, দেহি-  
মাত্রেই বিবশ হইয়া, ঘোর ত্রাসজনক যমলোকে গমন  
করিয়া থাকে । গর্ভস্থ বা ভূমিষ্ঠ, বালক বা তরুণ, স্ত্রী বা  
পুরুষ, নপুংসক বা বৃদ্ধ, সকলকেই নরকে গমন করিতে  
হয় । তথায় চিত্রগুপ্তপ্রমুখ সমদর্শী সাধু মধ্যস্থবর্গ তাহা-  
দের শুভাশুভ ফল বিচার করিয়া থাকেন । সংসারে এমন  
প্রাণী নাই, যাহাকে যমলোকে গমন করিতে না হয় ।  
তথায় বিচারিত কৃতকর্মের ভোগও অবশ্যস্বাবী । তন্মধ্যে  
যাহারা পবিত্র কর্মশীল, শুদ্ধচিত্ত ও দয়াসম্পন্ন, তাহারা  
সৌম্যমার্গে যমভবনে গমন করে । যে ব্যক্তি ব্রাহ্মণকে  
কাষ্ঠপাত্রকা দান করে, সে অশ্বযানে পরম সুখে যমালয়ে  
গমন করিয়া থাকে । যে ব্যক্তি ছত্র দান করে, সে মস্তকে  
ছত্র ধারণ, যে বস্ত্র দান করে সে দিব্যবস্ত্র পরিধান, যে  
শিবিকা দান করে সে রথে আরোহণ, যে উত্তম আসন দান  
করে সে সুখভোগ, যে আরাম দান করে সে সুশীতল ছায়া  
নিসেবন, যে পুষ্পবাটী দান করে, সে পুষ্পক যানে অধি-  
রোহণ, যে দেবায়তন ও ষষ্টিগণের আশ্রম বিধান করে  
সে উত্তম গৃহে অধিষ্ঠান করিয়া, যমভবনে সমাগত হয় ।  
যে ব্যক্তি গুরু, অগ্নি, দ্বিজাতি, দেবতা, পিতা ও মাতার  
পূজা করে, শ্রদ্ধাপূর্বক নিখিল গুণনিলয় দরিদ্রদিগকে স্বল্প-

যাত্রাও দান করে, সে সর্বকামসমুপেত হইয়া থাকে । সাধু-  
গণ যাহাকে শ্রদ্ধাদান কহেন, সেই শ্রদ্ধাদানে শাকমাত্র  
প্রদান করিলেও, অনন্ত ফল লাভ হয় । দেশ, কাল, পাত্র  
এবং গুণবান্ ও শুদ্ধমত্ কৰ্ত্তা এই চতুষ্টয় সমবেত হইলে,  
শ্রদ্ধাদানের আনন্ত্য হইয়া থাকে । এই জন্য শ্রদ্ধাপূৰ্ব্বক  
দান করিবে । তাহার ফল অবশ্যস্তাবী । আপনার নিকট  
শ্রদ্ধাও কীর্তন করিলাম ।

## চতুঃষষ্টি অধ্যায়

মাতলি কহিলেন, শিবধৰ্ম্মাগমোত্তমে শিবকৰ্ত্তৃক যে  
সকল ধৰ্ম্ম কথিত হইয়াছে, কৰ্ম্মযোগের প্রভেদ বশতঃ  
তৎসমস্ত নানাভাগে বিভক্ত । এই সনাতন শিবধৰ্ম্ম সমু-  
দায় সুমহান বৃক্ষস্বরূপ অনন্ত শাখায় পরিকলিত, একমাত্র  
শিবমূলে অধিষ্ঠিত, জ্ঞানধ্যানরূপ সুকুমার পুষ্পে সুশোভিত  
এবং সৰ্বথা শুদ্ধ ও সৰ্বভুতহিতাবহ । ইহাতে হিংসাদি  
বা ক্লেশাদি দোষের নামগন্ধ নাই । যে হেতু ভগবান্ শিব  
অধিষ্ঠাতা এবং তদীয় ভাব সমস্ত ধারক, সেই হেতু শিব-  
ধৰ্ম্ম বলিয়া পরিগণিত হয় । এই সকল ধৰ্ম্ম সংসারসমু-  
দ্রের পার বিধান করে । শম, দম, সত্য, তিতিক্ষা,  
অস্তেয়, আর্জ্জব, দান, ইচ্ছা, তপস্যা, ধ্যান, ধৰ্ম্মের এই

দশবিধ সাধন । ইহাদের ব্যস্ত বা সমস্ত যে কোন ভাবে  
 অনুষ্ঠান হইলেই, শিবপ্রাপ্তি ও শিবগতি লাভ হইয়া থাকে ।  
 পৃথিবী যেমন সর্বভূতের সাধারণ স্থান, সেই প্রকার শিব-  
 পুর শিবভক্তগণের সাধারণ বলিয়া পরিকল্পিত হয় ।  
 ইহলোকে ভূতগণের যেমন সাতিশয় ভোগ দেখিতে পাওয়া  
 যায়, শিবপুরে বিবিধ পুণ্য ভেদে তদনুরূপ ভোগ ঘটিয়া  
 থাকে । এখানে যেমন শুভাশুভ ফল দেহিমাত্রেরই অবশ-  
 স্তোগ্য, তদ্রূপ শিবধর্মের ফলও তথায় ভোগ করিতে হয় ।  
 শ্রদ্ধা ও পাত্র বিশেষে যাহার যাদৃক পুণ্য সঞ্চিত হয়, শিব-  
 পুরে তাহার তাদৃক ভোগাতিশয় কথিত হইয়াছে । তথায়  
 স্থান প্রাপ্তিও সাতিশয় ভোগতুল্য হইয়া থাকে । অতএব  
 সপ্তস্বর্গজয়াভিলাষে মহৎ পুণ্য সঞ্চয় করিবে । শিবপুরে  
 শুদ্ধ সর্বাধিপত্য নহে, সর্বজগৎপতি মহাদেবে আত্মভোগাধি-  
 পত্যও প্রাপ্ত হওয়া যায় । জ্ঞানযোগরত কোন কোন  
 ব্যক্তি সেই স্থানেই মুক্ত হয় । ভোগতৎপর পুরুষগণ  
 সংসারে আবর্তন করে । এই জন্য মুক্তিলাভাভিলাষী মানব-  
 গণ ভোগাসক্তি সর্বথা পরিহার করিয়া, বৈরাগ্য অবলম্বন  
 করিবেন । তাহাতে শিবজ্ঞান লাভ হইবে । যাহারা অন্য-  
 সক্তচিত্ত হইয়াও, প্রসঙ্গক্রমে ভগবান্ ঈশানকে জয়  
 করিতে পারে, তিনি তাহাদিগকেও স্বরূপত্রঃ স্থান দান  
 করেন । যাহারা সক্রম উচ্ছিষ্ট কর্ম দ্বারা সেই রুদ্রের  
 অর্চনা করে, তিনি তাহাদিগকে পিশাচলোকে স্থান প্রদান  
 করিয়া থাকেন ।

যে ব্যক্তি অন্নদান ও প্রাণদান করে, সে শ্রীশ্রী ও  
 সর্বদ বলিয়া অভিহিত হয় । অন্নদান করিলে সর্বতোভাবে

## পদ্মপুরাণ

তাহার ফল প্রাপ্ত হওয়া যায়। এই ত্রৈলোক্যের যাবতীয়  
রত্ন, ভোগ, স্ত্রী ও বাহন এবং পুত্র ফল প্রভৃতি সমস্তই অন্ন-  
দাতার অধিকৃত। যে ব্যক্তি পুণ্যানিষ্ঠ হইয়া, অন্নপান  
প্রদান পূর্বক শ্রাদ্ধ করে, সে অন্নদাতার অর্ধফল  
লাভ করিয়া থাকে, সন্দেহ নাই। এই দেহ ধর্ম, অর্থ,  
কাম ও মোক্ষের পরম সাধন। এবং অন্ন সাক্ষাৎ প্রজা-  
পতি, সাক্ষাৎ বিষ্ণু ও সাক্ষাৎ শিবস্বরূপ। এই জন্য অন্ন-  
সমান দান হয় নাই, হইবেও না। অন্নই ত্রিলোকীর জীবন  
বলিয়া পরিগণিত। এবং অন্নই শুদ্ধ ও সর্বরসাত্মক  
দিব্য অমৃত। অন্ন, উপানং, ভূ, গো, বস্ত্র, শয্যা, ছত্র  
ও আসন এই অষ্টবিধ দানই প্রৈতলোকে সবিশেষ প্রশস্ত  
হইয়া থাকে।

এই প্রকারে দানবিশেষ অনুষ্ঠান করিলে, অক্লেশে  
ধর্মরাজপুরে গমন হয়। এই জন্য ধর্ম সাধন করিবে।  
যাহারা ক্রুরকর্মা, পাপাত্মা ও দানবর্জিত, তাহারা দারুণ  
নিরয়ভুংখ ভোগ করে। কিন্তু ধর্মকর্তার অতুল সুখ সম্পন্ন  
হয়। ফলতঃ ধর্মযোগরত হইলে, মোক্ষপদপ্রাপ্তি হইয়া  
থাকে।

রাজন্ ! উল্লিখিত শিবপুর অপ্রমের দিব্যগুণসম্পন্ন  
সর্বপ্রাণির উপকারক সর্বকামিক অংসখের বিমানে পরি-  
ব্যাপ্ত, সুর্য্যতেজ সদৃশ প্রভাববিশিষ্ট, সহস্রগুণে দিব্য এবং  
সমগ্রগুণসম্পন্ন বলিয়া অভিহিত হয়। শিবভক্ত্যত্রেই  
এবিষয়ে জঙ্গম প্রভেদ  
নাই। সারংবার অর্চনার কথা দূরে থাক, ভক্তিপূর্বক  
দিব্যসমাত্রও শঙ্করের পূজা করিলে, শিবহান লাভ হয়।

যাহারা বিষ্ণুভক্ত ও বিষ্ণুধ্যানপরায়ণ, তাহারা চক্রীর সন্নিহিত বৈষ্ণব গমন করে। ধর্মাত্মা ব্রহ্মবাদী ব্রহ্মলোকে অধিষ্ঠিত হয়। পুণ্যকর্তা পুণ্য প্রভাবে পুণ্যলোকে লাভ করিয়া থাকে। এই জন্য আত্মা দ্বারা আত্মাতে মহীয়সী ঈশভক্তি ভাবনা করিবে। মহারাজ ! যিনি যুক্তাত্মা ও জ্ঞানবান, তিনি হরিভক্তিরও ভাবনাপর হইবেন। কেন না বিষ্ণু প্রভাবে নিকৃষ্ট কর্মেও আশু দেশভাবানুরূপ স্থান প্রাপ্ত হওয়া যায়।

রাজন্ ! আপনার নিকট এই শিবপুর বৃত্তান্ত কীর্তন করিলাম। যাহারা কর্মনিষ্ঠ, তাহাদের পুনরাবর্তন হয়। শিবপুরের উর্দ্ধে বৈষ্ণবপুর। বিষ্ণুধ্যানপরায়ণ বৈষ্ণবগণ তথায় গমন করে। আর তত্ত্বকোবিদ যাগশীল ব্যক্তিগণ এবং যুদ্ধশালী ক্ষত্রিয়বর্গ ব্রহ্মলোক ও ইন্দ্রলোকে অধিষ্ঠিত হয়। অন্যান্য পুণ্যকর্তা পুণ্যলোক প্রাপ্ত হইয়া থাকে।

## পঞ্চম অধ্যায়।

মাতলি কহিলেন, এক্ষণে অতিদারুণ ও অতিতীব্র ষমপীড়া কীর্তন করিব। ব্রহ্মঘাতক ক্রুর পাশিগণ তাহা ভোগ করিয়া থাকে। তাহারা কখন তীব্রতর বিষ্মিত্তে অতিমাত্র পক্ষ কখন সিংহ ব্যাধ ও নিদারুণ দংশ কীর্টে,

কখন মহাজলৌকার, কখন অজগরসমূহে, কখন ভয়ংকর  
মকিকাচক্রে, কখন বিষোল্লুগ সর্পে, কখন দৃষ্টিপ্রমার্থী মত্ত  
মাতঙ্গযুথে, কখন সূচি খড়্গা ও মস্থানদণ্ডে, কখন তীক্ষ্ণ-  
শৃঙ্গ মহার্ষষ ও মহাশৃঙ্গ রুষ্ট মত্ত মহিষদলে, কখন রৌদ্রা-  
কৃতি ডাকিনী ও ভয়ঙ্কর রাক্ষসনিকরে, কখন বা মহাঘোর  
ব্যাদিপরম্পরায় নিপীড়িত হইয়া থাকে । সমদূতগণ কখন  
মহাতুলার আরোহণ করাইয়া গুরুতর আঘাত, প্রচণ্ড  
বায়ুবেগে অতিমাত্র ক্লেষিত, বৃহৎ বৃহৎ পাষণ বর্ষে সম-  
স্তাৎ আরত, এবং বজ্রনির্ঘোষণ ও সুদারুণ উল্কাপাতে  
নিপাতিত, করে । ফলতঃ, পাপ করিলে, দারুণ পাপ ভোগ  
করিতে হয় । পাপবিশেষে পাপিষ্ঠগণের নিরয়গতি ও  
তথায় বহুতর পীড়া ভোগ হইয়া থাকে ।

আমি এই আপনার নিকট ধর্ম্মাধর্ম্ম সমুদায় কীর্ত্তন  
করিলাম । আর কি বলিব, নির্দেশ করুন ।

## ষট্‌ষষ্টিতম অধ্যায়

যযাতি কহিলেন, আপনি যে অনুত্তম ধর্ম্মাধর্ম্মবিষয়  
কীর্ত্তন করিলেন, তাহা শ্রবণ করিয়া, পুনরায় শ্রবণ করিতে  
আমার বাসনা হইতেছে । অতএব দেবাদি লোক সমুদায়  
যিনি যেরূপপুণ্যপ্রসঙ্গে যাহা প্রাপ্ত হইয়াছেন, কীর্ত্তন  
করুন

যাতলি কহিলেন, আমি দেবগণের উপাস্যসঙ্কিত  
 সর্বসুখবিধায়ক যোগযুক্ত নির্মল স্থান, আয়াসবর্জিত  
 ধর্ম্যভাব এবং উপর্যুপরি অধিষ্ঠিত লোক সকলের স্বরূপ  
 অনুক্রমে কীর্তন করিব। পার্থিব ঐশ্বর্য অষ্টগুণ, পিশি-  
 তাশী রাক্ষসগণের ঐশ্বর্য ষোড়শ গুণ, যক্ষগণের চতুর্বিংশ-  
 শতিগুণ, গন্ধর্বগণের ষাট্ৰিংশদগুণ ইন্দ্রের পাঞ্চভৌতিক  
 চত্বারিংশদগুণ, সোমের ঐশ্বর্য দিব্য, মানস ও পঞ্চভূতা-  
 স্মক, প্রজাপতীশ সকলের ঐশ্বর্য সৌম্য গুণাধিক অহঙ্কার,  
 ব্রহ্মার ঐশ্বর্য চতুঃষষ্টিগুণ, বিষ্ণুর ঐশ্বর্য প্রধান সূক্ষ্ম  
 ব্রহ্মপদ, শিবপুরে শিবের ঐশ্বর্য সর্বকামিক ও অনন্তগুণ  
 এবং আদিমধ্যান্তরহিত, পরমশুদ্ধ, তত্ত্বস্বরূপ, সর্বাভি-  
 কামুক, সূক্ষ্ম, অনৌপম্য, পরাংপর, পরমপূর্ণ, জগতের  
 কারণ ও পশুপাশবিমোচন। এই স্থান প্রাপ্ত হইলে,  
 সনাতন ভোগ, এবং মহাদেবের প্রসাদে তৎসমান পুণ্যার্থ  
 লাভ হয়। তারা সকলের যে বিবিধরূপ লক্ষিত হইয়া  
 থাকে, তৎসমস্ত সুরকৃতিগণের পরম দীপ্তিশালী অষ্টাবিংশ-  
 শতি কেটি উর্দ্ধতন ভোগ্য লোক। যাহারা ভগবান্ ঈশা-  
 নকে নমস্কার করে, তাহাদের তত্তৎ লোক প্রাপ্তি হয়।  
 প্রসঙ্গক্রমে মনে মনে মহাদেবের কীর্তন বা নমস্কার করি-  
 লেও, তাহা কখন বিফল হয় না। শিবকার্যে এবং বিধ  
 মহতী গতি লাভ হইয়া থাকে। এই শিবকার্যের অবসরে  
 তদীয় অনুভাবনায় প্রসঙ্গতঃ শ্রীকণ্ঠের স্মরণ করিলেও  
 যখন অতুল সুখ সম্পন্ন হয়, তন্মাত্রপরায়ণ হইলে, কি না  
 হইতে পারে? লোকে ধ্যানবলে তদগত হইয়া বিষ্ণুর  
 চিন্তা করিলেও, তাহার পরম পদাভিহিত পরম স্থানে গমন

করে । রাজন্ ! শৈব ও বৈষ্ণব উভয় লোকই একবিধ ।  
 এবং মহাআগণের সমান পুণ্য সাধন করে । এই উভয়ে কিছু-  
 মাত্র অন্তর নাই । যে ব্যক্তি দেবতাজ্ঞানে বিষ্ণুরূপ শিব ও  
 শিবরূপ বিষ্ণুকে নমস্কার করে, তাহার পরম গতি লাভ  
 হয় । ফলতঃ শিবের হৃদয় বিষ্ণু, বিষ্ণুর হৃদয় শিব ।  
 এবং ব্রহ্মা, বিষ্ণু ও মহেশ্বর এই তিন দেবতা এক মূর্তি ।  
 এই তিনের কিছুমাত্র প্রভেদ নাই ; কেবল গুণভেদ  
 কল্পিত হইয়াছে । মহারাজ ! আপনি শিবভক্ত এবং  
 ভগবানেও সংস্কৃত । এইজন্য ব্রহ্মা, বিষ্ণু ও মহেশ্বর  
 তিনেরই প্রসাদ লাভ করিয়াছেন । এবং তিন জনেই ভব-  
 দীপ কার্যে পরমপ্রীত ও বরদাতা হইয়াছেন । এক্ষণে  
 আমি দেবরাজের আদেশে আপনার সকাশে আসিয়াছি ।  
 ইন্দ্রপদে গমন করিবেন, চলুন । পশ্চাৎ দাহপ্রায়বি-  
 বর্জিত ব্রাহ্ম, মহেশ্বর ও বৈষ্ণব পদ ভোগ করিবেন ।  
 রাজন্ ! এই সর্বগামী দিব্য বিমানে আরোহণ করিয়া  
 দেবগণের মনোমুগত দিব্যভোপরম্পরা সম্ভোগ করুন ।  
 মাতলি ধর্মতত্ত্বজ্ঞ নহুশনন্দন যযাতিকে এইপ্রকার কহিয়া,  
 তৃষ্ণীস্তাব অবলম্বন করিলেন ।



## সপ্তষষ্টিতম অধ্যায়

পিপ্লু কহিলেন, মহাপ্রাজ্ঞ ! মাতলির বাক্যাবসানে রাজা নাহুযি কি করিয়াছিলেন, বিস্তরতঃ কীর্তন করুন । এই কথা সৰ্ব্বপুণ্যময়ী ও পাপনাশনী । শ্রবণ করিতে পুনরায় ইচ্ছা হইয়াছে ; কোন মতেই তৃপ্তি লাভ করিতেছি না ।

সুকন্যা কহিলেন, সমুদায় ধর্মভূদ্বরিত্ত নৃপশ্রেষ্ঠ যযাতি ইন্দ্রনারথি মহাত্মা মাতলিকে কহিলেন, আমি কখনই শরীর ত্যাগ করিব না এবং পার্থিব দেহ ব্যতিরেকেও স্বর্গে গমন করিব না । যদিও এই দেহের মহাদোষ সমস্ত পূর্বে কীর্তিত হইয়াছে এবং অদ্য আপনিও গুণাগুণ সকল প্রখ্যাপন করিলেন ; কিন্তু আমি ইহা ত্যাগ করিব না, স্বর্গেও যাইব না । আপনি এখান হইতে প্রস্থান করিয়া, দেবদেব পুরন্দরকে এই কথা নিবেদন করুন । অগ্নি মহামতে ! একাকী শরীরেই জীবন ধারণ হইয়া থাকে । এই দেহ ব্যতিরেকে সংসারে কোনপ্রকার সিদ্ধিই সম্পন্ন হয় না । বলিতে কি, এই দেহ কখন প্রাণবিনাকৃত নহে এবং প্রাণও কখন দেহবিনাকৃত নহে । একমাত্র তপস্যাবলেই উত্তরের মিত্রতা বিনষ্ট হইতে পারে । যাহা হউক, শরীরের প্রভাব-ভাবেই জীব কেবল সুখ ভোগ ও নানাপ্রকার অভিলষিত

ভোগ সাধন করে । এইপ্রকার স্বর্গভোগ জানিয়া শুনিয়া কখন ত্যাগ করিতে পারিব না । মাতলে ! সত্য বটে, শরীরে পাপবশতঃ পরম দুঃখজনক নিরতিশয় দোষবহুল ব্যাধি সকল এবং জরাদি দোষরাশি সমুদ্ভূত হয় । কিন্তু আমার এই ষোড়শবার্ষিক পুণ্য দেহ অবলোকন কর । আরও দেখ, জন্ম প্রভৃতি বৎসর হইতে বৎসর গমন করিলেও, শরীরের নূতন ভাব সঞ্চারিত হইয়া থাকে । আমার কাল লক্ষবৎসর অতিক্রম করিয়াছে । তথাপি ষোড়শবর্ষের ন্যায়, মদীয় শরীর শোভা পাইতেছে । ইহাতে বলবীর্যেরও অভাব নাই । শ্রম, ব্যাধি বা জরারও প্রাদুর্ভাব নাই । অধিকন্তু, আমার এই দেহ ধর্ম্মোৎসাহে বর্দ্ধিত হইতেছে । আমি পূর্বে পাপাব্যধির প্রশমন জন্ম সর্ব্বাশ্রয়তম পরম দিব্য ঔষধ স্বরূপ ধর্ম্মার্থ সাধন করিয়াছি । তৎপ্রভাবেই মদীয় দেহ সাধিত ও গতদোষ হইয়াছে । হৃষীকেশের নামভাবসমন্বিত পরমপ্রশস্ত ধ্যান সাফাৎ রসায়ন । আমি নিত্য তাহা অভ্যাস করি । সেইজন্য আমার পাপাদ্য ব্যাধিদোষ প্রলয় প্রাপ্ত হইয়াছে । সংসারে ক্লেশনাম মহৌষধ বিদ্যমান থাকিতেও, মানবগণ পাপাব্যধি-প্রপীড়িত হইয়া, প্রাণ পরিত্যাগ করে । সেই সকল পাপমুক্ত নিশ্চয়ই ক্লেশনামরসায়ন পান করে না । যাহা হউক, হৃষীকেশের জ্ঞান, ধ্যান ও পূজাভাব এবং সত্য, দান ও পুণ্যপ্রভাবে মদীয় দেহ নিরাময় হইয়াছে । পাপ জন্ম মায়া বশেই দেহিদিগের বিবিধ পীড়া প্রাদুর্ভূত হয় । এবং এই পীড়া হইতেই মৃত্যু হইয়া থাকে, সংশয় নাই । এইজন্য পুণ্য ও সত্যশ্রম ধর্ম্ম সঞ্চয় করিবে । সংসারে মনুষ্য হেম-

## তুবিখণ্ড।

সদৃশ; তত্ত্বভাব মহান অগ্নি এবং এই পাঞ্চভৌতিক শত-  
সন্ধিবিল্বের কলেবর শতখণ্ডময় ধাতু স্বরূপ। যে ব্যক্তি  
হরির নামরূপ দিব্য সৌভাগ্য ইহাতে অনুসন্ধিত  
করিতে পারেন, তিনিই বুদ্ধিমান। শতসন্ধিবিল্বের  
পঞ্চাত্মক খণ্ড সকল তৎপ্রভাবে সন্ধিত হইলে  
দেহ ধাতুসম হইয়া থাকে। ফলতঃ হরির পূজোপচার,  
ধ্যান, নিয়ম, সত্যভাব ও দান এই সকলে শরীর এক  
হইয়া যায়। তখন ব্যাধি প্রভৃতি দোষ সমস্তও বিনষ্ট,  
বাহ্য ও আভ্যন্তর শৌচ সম্পন্ন, দুর্গন্ধি দূরীভূত, এবং  
চক্রীর প্রসাদ বলে পরম পবিত্রতা জন্মে। অতএব আমি  
স্বর্গে গমন করিব না, এই খানেই আমার স্বর্গ হইবে।  
বলিতে কি, আমি তপস্যা, প্রভাব, স্বধর্ম ও ভগবানের  
প্রসাদ সহায়ে স্বর্গরূপ সম্পাদন করিব। তুমি ইহা অবগত  
হইয়া দেবরাজের গোচর কর।

তখন মাতলি নরপতির পরিভাষিত আকর্ষণ পূর্বক  
তাঁহাকে আমন্ত্রণ করিয়া, তথা হইতে প্রস্থান ও মহাত্মা  
ইন্দ্রকে নিবেদন করিলেন। দেবরাজ শ্রবণ করিয়া, মহা-  
প্রভাব যযাতিকে নিজালয়ে আনিবার জন্য চিন্তা করিতে  
লাগিলেন।

## অষ্টম অধ্যায়

পিপ্পল কহিলেন, ইন্দ্রসারথি মহাত্মা মাতলি প্রস্থান  
করিলে, নহুষাত্মজ যযাতি কি করিয়াছিলেন ?

সুকর্মা কহিলেন, স্বর্গচর দূত প্রস্থান করিলে, নরেন্দ্র-  
নন্দন যযাতি চিন্তামগ্ন হইলেন। অনন্তর প্রধান দূতকে  
আহ্বান করিয়া, ধর্মার্থযুক্ত এই পরম আদেশ দিলেন,  
তোমরা নগরে, গ্রামে, দেশে ও দ্বীপসমূহে, কলতঃ সমস্ত  
লোকে গমন করিয়া, আমার এই ধর্মসম্পন্ন বাক্য ঘোষণা  
কর, যেন সমুদায় লোক এই সুহৃর্ত্তেই নারায়ণের শরণ  
গ্রহণ করে; বিষয় বিসর্জনপূর্বক অমৃতায়মান ভক্তি,  
জ্ঞান, ধ্যান, তপস্যা, পুণ্য, যজ্ঞ ও দান সহকারে চরাচরা  
হরির অর্চনা করে; শুষ্কে, আর্দ্রে, স্থাবরে, জঙ্গমে,  
আকাশে, ভূমিতে ও স্ব স্ব শরীরে সেই জীবরূপী একমাত্র  
মুরারিকে দর্শন করে; সেই নারায়ণদেবকে উদ্দেশ্য করিয়া,  
পৈতৃক আতিথ্যভাব দ্বারা বিবিধ দান অনুষ্ঠান ও তাঁহারই  
উপাসনা করে এবং যেন অচিরেই সমস্ত দোষ পরিহার করে।  
যে ব্যক্তি লোভ বা মোহবশতঃ আমার এই আদেশ পালন  
না করিবে, সেই নিষ্কণ, চৌরের ন্যায়, নিশ্চয়ই আমার  
দণ্ডার্থ হইবে।

দূতপ্রবর নরপতিবাক্যে পরম পুলকিত হইয়া, সমস্ত  
পৃথ্বী পর্যটন পূর্বক সকল প্রজালোকে তদীয় প্রণীত আদেশ  
বহন করিয়া কহিতে লাগিল, নরপতি অমর্ত্য লোক হইতে  
পৃথিবীতে পরম পবিত্র অমৃত আনয়ন করিয়া রাখিয়াছেন,  
তোমরা সকলে তাহা পান কর। সেই রাজা যযাতি  
শ্রীপদ্মনাভ ও সমস্ত বিশ্বের মহেশ্বর এই দোষহর নামা-  
মৃত আনয়ন করিয়াছেন, তোমরা তাহা পান কর।  
যজ্ঞেশ্বর, রথাক্ষপাণি, অনন্তরূপ ও পুণ্যাকর এই দোষ-  
হর নামামৃত আনয়ন করিয়াছেন, তাহা পান কর। বিমল,

বিশ্বাধিবাস, রামাতিথান, বিরামস্বরূপ, সকলের শরণ্য ও  
 যুরারি এই নামায়ত আনয়ন করিয়াছেন, তাহা পান কর ।  
 শঙ্খাজপানি, মধুসুদনাখ্য, শ্রীনিবাস, গুণময় ও সুরেশ্বর  
 এই দোষহর নামায়ত আনয়ন করিয়াছেন, তাহা পান  
 কর । আদিত্যরূপ তমোবিনাশী ও পাপপঙ্কজের প্রভা-  
 কর স্বরূপ এই দোষহর নামায়ত আনয়ন করিয়াছেন,  
 তাহা পান কর । যে ব্যক্তি বিষ্ণুভক্ত হইয়া, দোষহর  
 পদ্মপ্রশস্ত নামায়ত প্রতিদিন প্রভাতে পান করে, সে  
 নিঃসন্দেহ মুক্তিপ্রাপ্ত হয় ।

## উনসপ্ততিতম অধ্যায় ।

সুকর্মা কহিলেন, দূত সকল গ্রামে গ্রামে, দেশে দেশে,  
 দ্বীপে দ্বীপে ও পত্তনে পত্তনে বলিতে লাগিল, লোক সকল  
 তোমরা নরপতির এই সাধু নির্দেশ শ্রবণ কর । শ্রবণ  
 করিয়া, যজ্ঞ, দান, তপস্যা, ধর্ম্যকাম, যজ্ঞ ও মন ইত্যাদি  
 সর্বতোভাবে নারায়ণের অর্চনা ও ধ্যান কর । রাজা  
 যযাতির এইমাত্র আদেশ । তাহাদের এইপ্রকার পবিত্র  
 ঘোষণা ভূমিতলে লোকমাত্রেই শ্রবণ করিল । তদাপ্রভৃতি  
 সকলেই তদগতচিত্তে বেদপ্রণীত সূক্তমালা ও অমৃতায়মান  
 প্রশস্ত স্তোত্রে শ্রীকেশব যুরারির ত্রিসঙ্খ্য যজ্ঞ, ধ্যান ও

গানে প্রবৃত্ত হইল এবং বিষয়াদি সমস্ত দোষ বিসর্জন করিয়া, ত্রুত, উপবাস, দান ও নিয়মাদি দ্বারা সেই লক্ষ্মী-নিবাস জগন্নিবাস শ্রীনিবাসের পূজা আরম্ভ করিল ।

নৃপতির এইপ্রকার আজ্ঞা ক্রিতিমণ্ডলে প্রবর্তিত হইলে, লোক সকল তদ্যান, তদগতপ্রাণ ও তৎপূজাপরায়ণ হইয়া, বৈষ্ণব ভাব অবলম্বন পূর্বক নাম ও কৰ্ম্ম দ্বারা হরির ভজন যজনে সমাসক্ত হইল । যতদূর এই পৃথিবী এবং যতদূর সূর্য্য তাপ প্রদান করেন, তত দূরের লোক সকল ভক্তিতরে বিষ্ণুর ধ্যান, পূজা ও স্তব করিয়া, আধিহীন, শোকহীন, স্থিরযোবন ও পরমপুণ্যশীল হইল । তদীয় প্রসাদে তাহাদের রোগ সমস্ত দূরীকৃত ও রোষ দোষ পরিহৃত হইয়া গেল । অধিক কি, তাহারা সেই চক্রীর স্নেহপ্রসূত্রে অমর, অজর, ধনধান্যসম্বিত, পুত্র পৌত্রে অলঙ্কৃত, সৰ্বদোষবিমুক্ত সৰ্বসৌভাগ্যসম্পন্ন, পুণ্যমঙ্গল-সংযুক্ত, এবং জ্ঞান, ধ্যান ও সৰ্ব্বথা দানপরায়ণ হইল । তাহাদের গৃহদ্বারে নিত্য নিত্য সৰ্বকামপ্রদায়ক কল্পদ্রুম ও সৰ্বকামদুর্ঘা গাভী সকল এবং সৰ্বকামসাধন পরম চিন্তামণিসমূহ নিত্য নিত্য বিরাজ করিতে লাগিল ।

কলতঃ, রাজা যযাতি শাসনকার্যে প্রবৃত্ত হইলে, দুর্ভিক্ষ, ব্যাধি ও অকালমৃত্যু দূরে পলায়ন করিল । সকলেই বিষ্ণুভক্ত ও বিষ্ণুধ্যানপরায়ণ ; এবং তদজ্ঞান ও তদ্ভাবসম্পন্ন হইয়া উঠিল । সকলেরই গৃহ গুরুপতাকায় দিব্যভাববিশিষ্ট, শঙ্খমুক্তায় অলঙ্কৃত, পদ্মসমূহে অঙ্কিত, বিমানের ন্যায় প্রতিভাসম্পন্ন ও ভিত্তিভাগে উত্তম চিত্রে চিত্রিত সৰ্বত্রই গৃহদ্বারে দিব্য বন ও দিব্য শাখল

কিরাজমান ; সর্বত্রই বৈষ্ণবভাব ও বহুমঙ্গল এবং সর্বত্রই পাপদোষবিনাশন সুস্বর শঙ্খশব্দে শক্তি এবং সর্বত্রই গৃহদ্বার সকল বিষ্ণুভক্ত রমণীগণের লিখিত শঙ্খ স্বস্তিক পদ্যসমূহে পরম শোভা বিস্তার করিল । লোক-মাতেই ভগবানের ধ্যানপরায়ণ হইয়া, মুর্ছনালাপসহকৃত গীতরাগসম্পন্ন সুস্বরে তাঁহার গান করিতে লাগিল । কেহ কেহ হরিমুরারি, কেহ কেহ শ্রীঅচ্যুত মাধব, কেহ কেহ শ্রীনরসিংহ কমলেক্ষণ গোবিন্দ কমলাপতি এই নাম উচ্চ-স্বরে বলিতে লাগিল । কেহ কেহ কৃষ্ণ ও শরণ্য বলিয়া, শরণ গ্রহণ করিতে লাগিল । অন্যান্য পরমবৈষ্ণবগণ দণ্ড-বৎ প্রণাম, ধ্যান, জপসহকারে ষড়ন ও সর্বতোভাবে সেই গঙ্গাধরের পূজা করিতে লাগিল ।

## দশমোত্তম অধ্যায় ।

সুকর্ণ্য! কহিলেন, মনুষ্যাগণ সর্বদাই বিষ্ণু, কৃষ্ণ, হৃষী-কেশ, যুকুন্দ, মধুসূদন, নারায়ণ, বিশ্বরূপ, নরসিংহ, অচ্যুত, কেশব, পদ্মনাভ, বাসুদেব, বামন, বরাহ, অমরেশ, বিশ্বেশ, বিরূপ, অনন্ত, অনঘ, শুচি, পুরুষ, পুরুষাক, শ্রীধর, শ্রীপতি, হরি, শ্রীপদ, শ্রীনিবাস, সুমোক্ষ, মোক্ষদ, প্রভু, ইত্যাদি নামমালা উচ্চারণ করিতে লাগিল । বাল, ক, কুমারী ও গৃহকর্মনিরতা ললনাগণ সকলেই শয়নে,

## পদ্মপুরাণ ।

আমনে, যানে, ধ্যানেন, জ্ঞানে একমাত্র মাধবেরই গানে নিমগ্ন হইল । বালকগণ ক্রীড়া করিতে করিতেও গোবিন্দ-নাম বিস্মৃত হইল না । দিবারাত্র হরিধ্বনি শ্রয়মাণ হইতে লাগিল । দ্বিজসন্তমগণ সর্বত্রই বিষ্ণুর দ্বারসেবা করিতে লাগিলেন । লোকমাত্রেই বৈষ্ণব ধর্ম্মে জীবিকা নির্বাহ করিতে লাগিল । প্রাসাদ কলসের অগ্রভাগ ও দেবার-তন সকলে সূর্য্যবিম্বসদৃশ চক্র সকল শোভমান হইল । ব্রহ্মন্ ! সেই ভগবদ্ভক্ত নহুষপুত্র যযাতি স্বীয় পুণ্যবলে বৈকুণ্ঠের যে ভাব, সেই ভাব সংসারে সম্পাদন, এবং পৃথিবীতে বিষ্ণুলোকের সমান করিলেন । তাহাতে ভুতল ও বৈকুণ্ঠ এক ভাবে পরিণত ও সর্বথা প্রভেদ পরিশূন্য হইল । বৈকুণ্ঠে যেরূপ তত্রস্থ নিবাসিগণ হে বিষ্ণো ! হে মাধব ! হে বৈকুণ্ঠ ! বলিয়া থাকে, ধরাতলে মানবগণও তাদৃশ উৎসাহে প্রবৃত্ত হইল । জরা ও মৃত্যুভয় দূরীভূত হওয়াতে, সকলেই অমরত্ব লাভ করিল । পৃথিবীতে দান ভোগের সমধিক প্রভাব লক্ষিত হইতে লাগিল । সন্তম ! ভগবানের প্রসাদদান ও উপদেশবলে লোকমাত্রেই সর্বব্যাধিবিনি-মুক্ত ও পরম বৈষ্ণব হইয়া, পুত্রজন্য পুণ্যসুখ সর্বিশেষ সম্ভোগ করিতে লাগিল । দ্বিজসন্তম ! নরপতি নাহুষ পঞ্চবিংশবর্ষ মধ্যেই মর্ত্তলোকে স্বর্গলোকপ্রভাব সম্পা-দন করিলেন । তাহাতে সকলেই রোগহীন, জ্ঞান ও ধ্যানপরায়ণ, যজ্ঞ ও দাননিরত ; সকলেই দয়াভাবে পূর্ণ, উপকারে প্রবৃত্ত, ধন্য, পুণ্য, যশস্য ও সর্বধর্ম্মে সংস্কৃত এবং সকলেই তদীয় উপদেশে ভগবানের ধ্যান ধারণা ও ভক্তিরসে মগ্ন হইয়া উঠিল ।



কহিলেন, নৃপসত্তম ! যযাতির চরিত শ্রবণ কর । তিনি স্বয়ং সৰ্বধৰ্ম্মপরায়ণ ও ভগবানে নিত্য ভক্তিসম্পন্ন । লক্ষ বৎসর অতীত হইলেও, তিনি রূপে ও বয়সে পঞ্চবিংশতিবর্ষদেশীয় ব্যক্তির ন্যায় ভগবানের প্রসাদে সমধিক বল ও প্রৌঢ়ি বিশিষ্ট হইয়া বিরাজ করিতে লাগিলেন । রাজন্ ! তাঁহার অধিকারস্থ লোক সকলও রাগদোষবিহীন, কামভোগবর্জিত, দান ও পুণ্য প্রভাবে সর্বথা সুখী, সৰ্বধৰ্ম্মপরায়ণ এবং যমভয়-বিনির্মুক্ত হইয়া, দুর্বা ও বটের ন্যায়, পুত্রপৌত্রপরম্পরায় পৃথিবীতে বিস্তৃত হইয়া পড়িল । এবং মৃত্যুদোষ-বিহীন, চিরজীবী, স্থিরদেহ, জরা ও ব্যাধি শূন্য হইয়া, পঞ্চবিংশতিকের ন্যায় লক্ষিত হইতে লাগিল । ফলতঃ, চক্রির প্রসাদে সকল বর্ণই সত্যাচারনিষ্ঠ, বিষ্ণু-ধ্যানসংস্কৃত ও দানভোগে প্রবৃত্ত হইল । কেহ আর মৃত্যুকবলে নিপতিত হয় না ; কেহ আর শোক প্রাপ্ত হয় না ; কাহার আর দোষ উৎপন্ন হয় না । স্বর্গের যজ্ঞপ, ভূতলেরও তজ্ঞপ অবস্থা সম্পন্ন হইল ।

যমদূতগণ বিধিভ্রষ্ট ও বিষ্ণুদূত কর্তৃক তাড়িত হইয়া পরম্পর রোদন করিতে করিতে ধৰ্ম্মরাজসমীপে সমাগত হইল এবং যযাতির চরিত বিজ্ঞাপিত করিয়া কহিল, ভাস্করনন্দন ! নহ্ষনন্দন যযাতি দানভোগে পৃথিবীকে অধিক করিয়া তুলিয়াছেন ।

সুকৰ্ম্মা কহিলেন, ঐ সময়ে স্বয়ং ধৰ্ম্মরাজও শৌরি-দূত কর্তৃক অভিহত হইয়া, দেবরুদ্রে পরিবৃত্ত সহস্রা-ক্ষের দর্শনবাসনায় তথায় গমন করিলেন । সুররাজ

তঁাহাকে সমাগত দেখিয়া, তৎক্ষণাৎ উত্থান পূর্বক সমু-  
 চিত অর্ঘ্য প্রদান করিলেন। অনন্তর জিজ্ঞাসিলেন,  
 কিজন্য আগমন করিয়াছেন, বলুন। ধর্মরাজ দেবরাজের  
 স্বাক্ষর আকর্ষণ করিয়া যযাতির চরিত বিস্তারে প্রবৃত্ত  
 হইলেন। কহিলেন, দেবদেবেশ! যে জন্য আগমন  
 হইয়াছে, শ্রবণ করুন। আমি তাহার কারণ বলিতেছি,  
 পরম ভাগবত মহানুভাব নহুষনন্দন যযাতি পৃথিবীস্থ  
 সমস্ত লোককেই বৈষ্ণব এবং মর্তলোককে বৈকুণ্ঠের  
 সমান করিয়াছেন। মানবগণ সম্প্রতি অজর, অমর,  
 নিষ্পাপ, সত্যসম্পন্ন, কামক্রোধহীন, লোভমোহপরিশূন্য,  
 দানশীল, মহাত্মা, ধর্মপরায়ণ, এবং সকল ধর্মের অনু-  
 স্তান পূর্বক অনাময় নারায়ণের শরণাপন্ন হইয়াছে।  
 অপিচ, বৈষ্ণব ধর্মের অনুসরণ করিয়া তাহাদের রোগ  
 শোক দূরীভূত, স্থির যৌবন সম্পন্ন, এবং শাখিবিস্তৃত  
 দুর্বাটের ন্যায় পুত্র পৌত্র ও প্রপৌত্রপরম্পরায় সাত্তি-  
 শয় বংশ বিস্তারও সংঘটিত হইয়াছে। সেই নহুষনন্দন  
 যযাতি এই রূপে সমুদায় পৃথিবীকেই জরায়ুত্যাগবিবর্জিত  
 বৈষ্ণব করিয়া তুলিয়াছেন। সুতরাং আমি পদভ্রষ্ট ও  
 ব্যাপারবিরহিত হইয়াছি। আপনি যাহা জিজ্ঞাসিলেন,  
 তৎসমস্ত কহিলাম। এই জন্যই এখানে সমাগত  
 হইয়াছি।

ইন্দ্র কহিলেন, ধর্মরাজেন্দ্র! আমিও পূর্বে তঁাহারে  
 আনিবার জন্য দূত পাঠাইয়াছিলাম। কিন্তু তিনি দূতমুখে  
 বলিয়াছেন যে, আমি স্বর্গের অভিলাষী নহি, সুতরাং  
 তথায় গমন করিব না। অধিকন্তু, আমি সমুদায় জগ-

তীকে স্বর্গরূপ করিব। এই বলিয়া তিনি প্রজাপালনে  
প্রবৃত্ত হইয়াছেন। বলিতে কি, আমি তাঁহার বৈষ্ণবীয়  
ভাবে সর্বদাই ভীত হইয়া অবস্থান করিতেছি।

ধর্ম্যরাজ কহিলেন, দেবরাজ ! যদি আমার প্রিয়-  
সাধনে অভিলাষ থাকে, তাহা হইলে, যে কোন উপায়ে  
যযাতিকে সত্বর আনয়ন করুন। সুররাজ তদীয় বাক্য  
আকর্ষণ করিয়া সর্বতত্ত্বপারিকলনপূর্বক চিন্তা করিতে  
লাগিলেন। অনন্তর কামদেবকে আহ্বান ও সম্মাননা  
করিয়া, রতি ও মকরন্দকেও আনয়ন পূর্বক কহিলেন,  
তোমরা আমার আদেশে মর্তলোকে গমন এবং নরপতি  
যাহাতে এখানে আইসেন তাহা সম্পাদন কর।

কামদেব কহিলেন, আমি সর্বথা আপনাদের প্রিয়া-  
সুষ্ঠান করিব। এই বলিয়া কামাদি সকলে নটরূপী  
নায়ক হইয়া যযাতি সমীপে গমন করিয়া কহিল, মহা-  
রাজ ! সুসাতিকা দর্শন করুন। পৃথিবীপতি যযাতি  
তাহাদের বাক্যে পরম পণ্ডিতদিগকে লইয়া সভা করিলেন  
এবং স্বয়ং জ্ঞানবিজ্ঞানকোবিদ সভাপাল হইয়া, তাহাদের  
প্রণীত বামনচরিত নাটক দর্শন করিতে লাগিলেন। কামাদি  
সকলে অপ্রতিমরূপসম্পূর্ণ নটরূপ ধারণ করিয়া, নৃত্য ও  
নারীরূপে সুস্বর গান করত সাতিশয় বিরাজমান হইল।  
মহীপতি যযাতি কামদেবের গীত, লাস্য, হাস্য, ললিত  
মধুর আলাপ, দিব্যভাব, চরিত ও মায়াবলে সাতিশয়  
মোহিত হইয়া পড়িলেন। তৎকালে কাম বামন, বলি  
ও বিক্র্যাবলীর যথাযথ অভিনয় আরম্ভ করিলেন। তিনি  
স্বয়ং সূত্রধার, মাধব পারিপার্শ্বিক, ও দৃষ্টিপ্রিয়া রতি

নটীবেশে সুসজ্জিতা হইলেন । এবং মহাপ্রাজ্ঞ মকরন্দ  
নেপথ্যাভিচর হইয়া, অন্যবিধ নৃত্য প্রদর্শন করিতে  
লাগিল । মহামুভব যযাতি যথাযথা নৃত্যগীত দর্শন  
ও শ্রবণ করেন, কাম তাতথা তাঁহারে জরাগীতে  
মোহিত করিতে লাগিল ।

### একসপ্ততম অধ্যায়

সুকর্মা কহিলেন, রাজরাজেন্দ্র যযাতি কামদেবের গীত,  
বাদ্য, হাস্য ও ললিতে এরূপ মোহিত ও বশতাপন্ন  
হইলেন, যে, যুক্তপুরুষ বিসর্জন পূর্বক পাদশৌচ না  
করিয়াই আসনে উপবেশন করিলেন । এই ছিদ্রে  
পাইয়া জরা তদীয় শরীরে তৎক্ষণাৎ সংক্রান্ত হইল ।  
তাঁহাতে কাম শ্রেষ্ঠকার্য ইন্দ্রকার্য সুসম্পন্ন করিলেন ।  
অনন্তর নাটক বিনিবৃত্ত হইলে, ধর্ম্মাত্মা যযাতি জরায়  
অভিভূত ও কামে ব্যাসক্তচিত্ত হইয়া আর তিষ্ঠিতে  
পারিলেন না । দিন দিন কামমোহে আচ্ছন্ন, বিহ্বল  
ও বিকলেন্দ্রিয় হইয়া পড়িলেন । তাঁহার জ্ঞানকাণ্ডও  
তিরোহিত হইল । তিনি অতিশয় ধার্ম্মিক । এক্ষণে  
বিষয়সেবার কাল যাপন করিতে লাগিলেন । একদা  
সেই রাজর্ষি কামরাগবশংবদ ও যুগয়াশীলতৎপর হইয়া,  
অরণ্যে গমন করিলেন এবং তথায় ক্রীড়াৎসাহে প্রবৃত্ত  
হইলেন ।

সুকর্মা কহিলেন, মহামুভাব নৃপতি ক্রীড়া করিতে-  
 ছেন, এমন সময়ে এক চতুঃশৃঙ্গ রথোপম যুগ সমাগত  
 হইল । ঐ যুগ সর্বাঙ্গসুন্দর, সুবর্ণসদৃশ তনুরূহে আচ্ছন্ন,  
 রত্নের ন্যায় জ্যোতিঃ সম্পন্ন, সর্বাঙ্গে সুচিত্রিত এবং  
 পরম দর্শনীয় ও মনোহর । মেধাবী যযাতি দর্শনমাত্র,  
 কোন দৈত্য আসিয়াছে ভাবিয়া, বাণপানি ও ধনুর্ধর  
 হইয়া, বেগভরে তাহার অভিধাবন করিলেন । যুগও  
 তাঁহারে দূরে আকর্ষণ করিয়া লইয়া চলিল । যযাতি  
 গমন করিতে করিতে রথবেগশ্রমে নিতান্ত খিন্ন হইয়া  
 পড়িলেন । অনন্তর দেখিতে দেখিতে যুগ অন্তর্হিত  
 হইয়া গেল । তখন নন্দনসদৃশ সদ্গুণরাশি অরণ্যানী  
 নয়নগোচর হইল । ঐ অরণ্য বিবিধ পল্লবে বিরাজিত  
 কদলীষণ্ডমণ্ডিত সুবিপুল চন্দন, বকুল, অশোক, পুন্নাগ,  
 নারিকেল, তিন্দুক, যুথাকল, খর্জুর, সপ্তপর্ণ, পুষ্পিত কর্ণি-  
 কার, কুমুমসুরভি কেতক ও পটোল এবং অন্যান্য সদাকল  
 বিবিধ সুচারু রূপরম্পরায় আকীর্ণ । ইত্যন্তঃ দর্শন করিতে  
 করিতে তিনি তথায় পুণ্যসলিলপরিপূর্ণ, পঞ্চযোজন-  
 বিস্তীর্ণ, হংস ও কারণ্ডবগণে আকীর্ণ, জলবিহঙ্গমগণের  
 বিনাদসম্পন্ন, কমলসমূহে আমোদিত, শ্বেতোৎপলে বিরা-  
 জিত, রক্তোৎপল ও স্বর্ণোৎপলে মণ্ডিত, নীলোৎপলে প্রকা-  
 শিত, কহলার সকলে অতিশোভিত, যত্র যধুকরনিকরে  
 সর্বত্র প্রতিমাদিত, এইরূপে সর্বগুণোপেত উত্তম সরোবর  
 এবং পঞ্চযোজনবিস্তৃত, দশযোজনদীর্ঘ, দিব্যভাবসমল-  
 ক্লত, সর্বতোভদ্রে তড়াগ অবলোকন করিলেন । তিনি বেগে  
 আচ্ছন্ন ও শ্রমে পীড়িত হইয়াছিলেন । অতএব সেই শুভ-

ছায়ামুখীতল অরণ্যে উপবেশন করিলেন । অনন্তর গন্ধ-  
মৌগন্ধিবৎসল সর্ষশ্রমনিম্বদন মমৃতায়মান শীতল সলিল  
পান করিয়া, পুনরায় বৃক্ষছায়ার আশ্রয়ে ধরাতলে সংনি-  
বিষ্ট হইলেন । ঐ সময়ে যথা তথাগায়মান গীতধ্বনি কণ-  
গোচরে উপনীত হওয়াতে, সেই গীতপ্রিয় মহারাজ, যেরূপ  
দিব্য রমণী গান করিতেছে এবং যেরূপে এই ধ্বনি শ্রুত  
হইতেছে, তদ্বিষয়চিন্তায় মগ্ন হইয়া পড়িলেন । আকুল  
চিত্তে এইপ্রকার চিন্তা করিতেছেন, এমন সময়ে পীনশ্রোণি-  
পয়োধরা কোন ললনোত্তমা সেই অরণ্যপ্রান্তরে সহসা সমা-  
গত হইয়া, তদীয় সমক্ষে নৃত্য করিতে লাগিল । ঐ ললনা  
সর্ষাতরুণ-সর্ষাকী এবং শীলে ও লক্ষণে সুম্পন্ন । মহারাজ  
যযাতি তাহারে কহিলেন, তুমি কে, কাহার পরিগ্রহ, এবং  
কিজন্যই বা এখানে আসিয়াছ, বল । কিন্তু সেই বরাননা  
তাঁহারে দর্শন করিয়া, ভাল মন্দ কিছুই বলিল না ; উচ্চৈঃ-  
স্বরে হাস্য করিয়া, বীণাদণ্ড বাদন করিতে করিতে, সত্বর  
চলিয়া গেল । তদর্শনে রাজেন্দ্র যযাতি নিতরাং বিস্মাপিত  
হইলেন । অনন্তর পুনরায় সস্তাষণ করিলেন । তাহাতেও  
কোন উত্তর পাইলেন না । তখন তিনি সাতিশয় চিন্তাস্থিত  
হইলেন । ভাবিলেন, আমি যে চতুঃশৃঙ্গী যুগ দর্শন করি-  
গছি, তাহারই নারী অবলোকন করিলাম । অথবা, সমুদায়ই  
যিখ্যা প্রতিভাত হইতেছে । আমি যারূপ দর্শন করি-  
লাম । এই যারূপ দানবগণের হইবে । তিনি এইপ্রকার  
চিন্তা করিতেছেন, তৎক্ষণাৎ দেখিতে পাইলেন, সেই রমণী  
পুনরায় হাস্য করিয়া, নৃত্য করিতে করিতে চলিয়া গেল ।

ইত্যবসরে পরম দিব্য যুচ্ছনালাপসম্পন্ন সুন্দর সঙ্গীত

তদীয় প্রতিবিম্বের সহসা সংপ্রবিষ্ট হইল। তিনি অরণ্যমাত্র  
 সত্বর সেই সুমহান্ সঙ্গীতশব্দের সন্নির্গমে সমাগত হইয়া,  
 সন্দর্শন করিলেন, সলিলমধ্যে সাতিশয়সুন্দর সহস্রদল  
 সমুৎপন্ন হইয়াছে, শীলরূপগুণাবিতা দিব্যলক্ষণসম্পন্ন দিব্যা-  
 স্তরগবিভূষিতা দিব্যভাবসমাপন্যা এক বরা রমণী সেই  
 পদ্মের উপরি আসীনা হইয়া, বীণাদণ্ড ধারণ পূর্বক দেব,  
 মুনি, দৈত্য, গন্ধর্ব ও কিন্নর সমেত সমুদায় সংসার সম্বো-  
 হিত করিয়া, তালমানলয়বিশিষ্ট সুস্বর গান করিতেছে।  
 নরপতি সেই রূপতেজঃসুশোভনা বিশাললোচনা ললনারে  
 নয়নগোচর করিয়া চিন্তা করিলেন, সংসারে ইহার সদৃশী  
 রূপরাশি রমণী লক্ষিত হয় না। বিপ্র! যযাতির নটীজরা-  
 যুক্ত শরীরে ইতিপূর্বে যে মহাকাম লব্ধ প্রসন্ন হইয়াছিল,  
 এইপ্রকার চিন্তা করিতে করিতে তাহা প্রকটিত হইল।  
 অগ্নি যেরূপ স্নতদর্শনে প্রজ্বলিত হয়, তদ্রূপ সেই রমণীরে  
 নিরীক্ষণ করিয়া, যযাতির সেই দেহ হইতে কাম প্রাভুভূত  
 হইল। তিনি সর্বাঙ্গীয় কামাবিষ্ট হইয়া, চিন্তা করিতে  
 লাগিলেন, এরূপ বিশ্ববিমোহন রমণীরত্ন কখন নয়নগোচরে  
 নিপতিত হয় নাই। তৎকালে তিনি এরূপ হতজ্ঞান ও  
 লুব্ধ হইয়া উঠিলেন, যে, কামাসক্ত হৃদয়ে কণকাল এই-  
 প্রকার চিন্তা করিয়া, তদীয় বিরহে মদনানলে সাতিশয় দহ্য-  
 মান ও তদীয় সায়কে অবসন্ন হইতে লাগিলেন। ভাবিলেন,  
 এই ললনা কিরূপে আমার পরিগ্রহ ও কিরূপেই বা বশী-  
 ভূত হইবে। এই পদ্মপ্রতিমা পদ্মলোচনা যদি আমারে  
 আলিঙ্গন করে, তাহা হইলে, আমার জীবিত সকল ও সমু-  
 দায় সার্থক হয়।

পৃথিবীপতি যযাতি এইপ্রকার খিদ্যামান হইয়া, তাহারে কহিলেন, অগ্নি বরারোহে ! তুমি কে, কাহার পরি-  
 গ্রহ ? আমি পূর্বে যে ললনারে দেখিয়াছিলাম, পুন-  
 রায় তাহারেই কি দর্শন করিলাম । কল্যাণি ! তোমার এই  
 পাশ্চাত্তরিণী রমণীই বা কে, সমুদায় নির্দেশ কর । আমি  
 মহারাজ নহুষের আশ্রয়, সোমবংশপ্রসূত, সপ্ত দ্বীপের  
 অধিরাট, ত্রিভুবনখ্যাতনামা রাজা যযাতি । সেই আমি  
 নবমঙ্গমলালস্য রতিভাব যাঃঞা করিতেছি । ভদ্রে !  
 আমার অভিলাষ পূর্ণ ও প্রিয় সমাধান কর । তুমি যাহা  
 কাঁই প্রার্থনা করিবে, তৎসমস্তই দান করিব, সন্দেহ নাই ।  
 অগ্নি বরবর্গিনি ! আমি দুর্জয় কামে হত ও নিতাস্ত দীন  
 ভাবাপন্ন হইয়া, তোমার শরণাপন্ন হইয়াছি ; অতএব  
 আমার সহিত সঙ্গত হইলে, তোমারে রাজ্য, সমুদায় পৃথিবী,  
 অধিক কি, শরীর ও আত্মার সহিত ত্রিভুবন প্রদান করিব ।

সেই পক্ষনিভাননা ললনা রাজার বাক্য আকর্ষণ করিয়া  
 বিশালানাম্নী স্বীয় সখীকে কহিল, তুমি এই যযাতিকে  
 আমার নাম, উৎপত্তিস্থান, পিতা, মাতা, অতিপ্রায় ও  
 অভিলাষ সমস্ত নিবেদিত কর ।

বিশালা যযাতিকে তদীয় অক্ষিগত জানিতে পারিয়া  
 মধুরালাপে কহিতে লাগিল, রাজনন্দন ! শ্রবণ করুন, ভুবন-  
 বিশ্রুত কাম পূর্বে দেবদেব শত্রু কর্তৃক দগ্ধ হইলে, রতি  
 ভর্তৃবিয়োগহুঃখে সুস্বরে রোদন করিতে লাগিলেন । তিনি  
 প্রতিদিন এই রূপে রোদন করিয়া যাপন করেন । ভগবতী  
 পার্বতী তদীয় কলুষাবিল সুস্বর প্রলাপ শ্রবণ করিয়া, সান্তি-  
 শয় করণার্থী হইলেন এবং মহাদেবকে কহিলেন, মহা-



ভাগ ! কামকে পুনরুজ্জীবিত করুন। এই হতভাগিনী রতি  
 তর্কবিরহে নিতান্ত দুর্দশাপন্ন হইয়াছে। অতএব আমার  
 প্রতি প্রীতিবশত্ব হইয়া, কামকে দেহযুক্ত করুন। মহা-  
 দেব কহিলেন, দেবি ! তাহাই হইবে ; কামকে পুনরুজ্জীবিত  
 করিব। মাধব সখা কাম পুনরায় জীবিত ও দিব্য দেহে  
 পরিবর্তিত হইবে, সন্দেহ বা অন্যথা নাই। অনন্তর মহা-  
 দেবের প্রসাদে মীনকেতু জীবিত হইলে, দেবী পার্বতী  
 তাহারে সবিশেষ আশীর্বাদ করিয়া কহিলেন, কাম ! প্রস্থান  
 কর এবং প্রিয়ার সহিত নিত্য প্রবৃত্ত হও। কাম কহিলেন,  
 স্থিতিসংহারকারিকে ! আমি আপনার আশীষে অতিশয়  
 তেজস্বী হইলাম। কাম এইরূপে পুনরায় শরীর লাভ করিয়া,  
 হুঃখিতা রতি যেখানে, তথায় গমন করিলেন। সেই কামও  
 রতি উভয়েই এখানে অবস্থিতি করেন।

সে যাহা হউক, দুঃস্বপ্নময় মহাভাগ যন্মথ দক্ষ হইলে,  
 দারুণাকৃতি পাবক রতির সকাশে সমাগত হইলেন। তাহাতে  
 অতিমাত্র দক্ষ ও মোহ যুচ্ছিতা হইয়া, সেই তর্কহীনা রতি  
 ক্রন্দন করিতে লাগিলেন। তৎকালে তদীয় লোচনযুগল  
 হইতে অশ্রু বিম্বু সকল মলিলে পতিত হইলে, সেই বিম্বু-  
 সমূহ হইতে প্রথমে সর্বলোকবিনাশন শোক, পশ্চাৎ জরা,  
 ও বিয়োগ সমুদ্ভূত ও সমুখিত হইল ; ইহারা সকলেই  
 বিশ্বাসঘাতক ও সর্বনাশের হেতু। এবং পরস্পর সস্তাব-  
 গুণসম্পন্ন ও যুক্তিমান হইয়া, রতির পাশ্বে সংস্থান করিল।  
 কাম এই রতান্ত অবগত হইয়া, তথায় সমাগত হইলেন।  
 তদর্শনে রতি সাতিশয় আহ্লাদিত হইয়া উঠিলেন। ঐ  
 সময়ে তদীয় আনন্দাশ্রুপরিপ্লুত লোচনযুগল হইতে যে

অশ্রুবিन्दুসমূহ জল মধ্যে নিপতিত হয়, তাহা হইতে প্রীতি ও লজ্জা, মহানন্দ ও শান্তি, সীমা ও ক্রীড়া নামক সুখ-সন্তোষবিধানিনী অপর দুইটা কন্যা এবং মনোভাবসন্তোষ এই সকল প্রজা প্রাদুর্ভূত হইয়াছিল। অধিকন্তু, তাঁহার ষাটনত্র বিনিঃসৃত বিन्दুসমূহ সলিল মধ্যে পতিত হইয়া, যে সুন্দর পঙ্কজ সমুৎপাদন করে, তাহা হইতেই এই বরাননা নারী জন্মগ্রহণ করিয়াছেন। ইনি রতির পুত্রী; নাম অশ্রুবিन्दুমতী। আর আমি বরুণের আত্মজা বিশালা। ইহার প্রীতি ও সৌভাগ্যে নিরতিশয় হর্ষাবিষ্টা হইয়া, সর্বদা সন্নিধানে অবস্থিতি ও স্বেচ্ছানুসারে বিচরণ করিয়া থাকি। ইনি সম্প্রতি পতিকামা হইয়া, তপস্যায় প্রবৃত্ত হইয়াছেন। আপনার নিকট স্বকীয় ও অদমীয় সমস্ত বৃত্তান্ত কীর্তন করিলাম।

রাজা কহিলেন, শুভে ! তুমি সমুদায় বলিলে; আমিও তাহা অবগত হইলাম। এক্ষণে শ্রবণ কর। তোমার সখী এই রতিনন্দিনী আমােরেই ভজনা করুন। তাহা হইলে, আমি ইহার সমুদায় প্রার্থনাই পরিপূরণ করিব। কল্যাণি ! যাহাতে ইনি আমার বশ্যা হইয়েন, তাহা করিতে হইবে।

বিশালা কহিল, আমি ইহার ব্রত বলিব, শ্রবণ করুন। যে ব্যক্তি ষৌবনসম্পন্ন, সর্বজ্ঞ, বীরলক্ষণ, দেবরাজের সদৃশ বর্ণাচারবিশিষ্ট, তেজস্বী, মহাযাজ্ঞিক, দাতা, ষমিগণের নরীষ্ঠ, ধর্ম্যতাব ও গুণ সকলের জ্ঞাতা, পুণ্যভাজন, ধর্ম্যতৎপর, সর্বৈশ্বর্যগুণসংযুক্ত, দেবগণের পরম প্রিয়, ব্রাহ্মণগণের অতীব প্রীতিভাজন, দেবগণের তত্ত্বজ্ঞ, ব্রহ্মণ্য, বিষ্ণুপারায়ণ, ত্রৈলোক্যশ্রেষ্ঠবিক্রম, এবং সকলের পূজিত, ইনি

তপশ্চর্যা সহকারে তাদৃশ ব্যক্তিকেই আপনার প্রিয় বসন্ত  
পতি বাঞ্ছা করিতেছেন।

যযাতি কহিলেন, আমারেও এই সকল গুণভূষিত বলিয়া  
অবগত হইবে। কলতঃ, বিধাতা আমারে ইহার অনুরূপ  
তর্ভা সৃষ্টি করিয়াছেন।

বিশালা কহিল, আপনি ত্রিভুবনে সর্বাপেক্ষা পুণ্য-  
সংহৃষ্ট এবং পূর্বোক্ত গুণ সকলও আপনাতে সন্নিবিষ্ট  
আছে। কলতঃ আপনি বিষ্ণুর সমান। কিন্তু একমাত্র  
মহাদোষে ইনি আপনার অনুরাগিণী নহেন।

যযাতি কহিলেন, চারুসর্বাঙ্গি! যে জন্য আমি ইহার  
অনভিমত, প্রসন্ন হইয়া, যথাযথ সেই মহাদোষ নির্দেশ কর।

বিশালা কহিল, জগতীপতে! আপনি কি জন্য নিজের  
দোষ অবগত নহেন? জরায় আপনার দেহ ব্যাপ্ত হইয়াছে।  
সেই জন্য ইহার অভিরুচি নাই।

যযাতি এই অতিশয় অপ্রিয় বাক্য শ্রবণ করিয়া, অতি-  
মাত্র দুঃখিত হইয়া, বারংবার কহিতে লাগিলেন, ভদ্রে!  
কাহার সংসর্গ বশে আমার জরাদোষ সংঘটিত হইয়াছে,  
আমি তাহা অবগত নহি। যাহা হউক, ইনি ত্রৈলোক্য-  
বাঞ্ছিত যাহা যাহা বাঞ্ছা করেন, তৎসমস্ত প্রদান করিতে  
উদ্যত আছি। বর গ্রহণ কর।

বিশালা কহিল, রাজন্! জরাহীন হইলেই, ইনি আপ-  
নার প্রিয়া হইলেন। ইহা নিশ্চয়, সত্য সত্য বলিতেছি।  
এই জরা পুত্র, ভ্রাতা বা ভৃত্য যখন যাহাতে সংক্রমিত হয়,  
তখন তাহার অঙ্গে সংক্রমিত হইতে পারে। এবং তদীয়  
যৌবন গ্রহণ করিয়া, স্বকীয় জরাপ্রদান পূর্বক, উভয়ের গুণ

বা অশুভ শ্রীতি সম্বোধন সম্ভবিত্তে পারে। বলিতে কি, যে ব্যক্তি যথার্থ দান করে, তাহার সেই দানপুণ্যের অসম্বন্ধ ফল জন্মিয়া থাকে। দুঃখ সঙ্কিত পুণ্য অল্পাঙ্গ প্রদান করা বিধেয় নহে। তাহাতে অপুণ্য হইতে পারে এবং গৃহীতা তাহার পুণ্যফল ভোগ করিয়া থাকে। আপনার তরুণ বা অতরুণ পুত্রকে জরা দান ও তদীয় রূপ আদান পূর্বক আগমন করুন।

সুকর্ণ্য কহিলেন, রাজেন্দ্র যযাতি তদীয় বাক্য আকর্ষণ পূর্বক বলিলেন, আচ্ছা, তাহাই হইবে, তোমার নিদেশ সম্পাদন করিব। বিপ্র! তিনি নিতান্ত হতজ্ঞান ও কামাসক্ত হইয়াছিলেন। এইপ্রকার উল্লেখ পূর্বক তৎক্ষণাৎ গৃহে গমন এবং পিতৃবৎসল তুরু, পুরু, কুরু ও বহু এই চারি পুত্রকে আহ্বান করিয়া কহিলেন, পুত্রগণ! আমি আদেশ করিতেছি, তোমরা আমার সুখ সম্বিধান কর।

পুত্রেরা কহিলেন, আপনি ধর্ম্যপরাষণ রাজা। সত্যানুসারে প্রজাপালন করুন। কিজন্য আপনার ঈদৃশ প্রকৃতিচপল ভাব উপস্থিত হইল?

যযাতি কহিলেন, পূর্বে আমার পুরে যে নর্তকগণ আগমন ও প্রবর্তনা করে, তাহাদের হইতেই আমার কায়সম্মোহ ও এইপ্রকার মোহ সম্ভবিত্ত হইয়াছে; তদবধি জরায় শরীর ব্যাপ্ত করিয়াছে এবং তদবধিই আমি কামে আবিষ্টচিত্ত ও হত চেতন হইয়াছি। সম্প্রতি কোন দিব্যরূপা বরাননা রমণী দর্শন করিয়া, তাহারে সম্ভাষণ করিয়াছিলাম। কিন্তু তিনি আমারে কিছুই বলিলেন না। বিশালা নামে তাহার এক বুদ্ধিমতী সখী আছে। সেই আমারে আমার সুখ-

সাধন এই শুভ কথা বলিয়াছে যে, আপনি জরাহীন হই-  
 লেই, সখী আপনার প্রিয়া হইবেন। তাহার এই বাক্য  
 আমার সম্পূর্ণ মনে লাগিয়াছে। সে আমার জরা নিহরণ  
 জন্ম ইহাও বলিয়া দিয়াছে যে, আপনি যে ব্যক্তিতে জরা  
 সংক্রমণের ইচ্ছা করিবেন, সেই ব্যক্তিতেই জরা গমন  
 করিবে এবং তাহারই বয়স আপনাতে উপগত হইবে।  
 পুত্রগণ! তোমরা সমুদায় অবগত হইলে; এক্ষণে মদীয়  
 মুখ সাধন কর।

তুরু কহিলেন, পুত্র জনক জননীর প্রসাদেই শরীর  
 প্রাপ্ত হয় এবং তাহাতেই ধর্ম্য সাধন করে। বিশেষরূপে  
 সেই পিতামাতার সেবা করা তাহার অবশ্য কর্তব্য। অত-  
 এব পুত্রগণ ভাগ করিয়া স্ব-স্ব যৌবন প্রদান এবং বিভাগ  
 করিয়া, জরাগ্রহণ করুন। অন্যান্য পুত্রেরাও কহিলেন,  
 শুভ বা অশুভ হউক, পিতৃবাক্য পালন করা পুত্রের পরম  
 কর্তব্য কর্ম। অতএব আপনি যাহা বলিতেছেন, তাহা  
 সত্বর সম্পন্ন বোধ করিবেন।

যথাতি পুত্রগণের বাক্য শ্রবণ করিয়া, ব্যাকুলচিত্তে  
 পুনরায় বলিতে প্রবৃত্ত হইলেন।

## द्विसप्ततितम अध्याय ।

घषाति कहिलेन, तोमादेर मध्ये एक जन आमार  
ऐइ दुःखसाधिनी जर्रा ग्रहण एवं स्वकीय तारुण्य सहकृत  
परम सुन्दर रूप प्रदान कर । आमार मन अद्य नितास्त  
स्तौरत ओ एकान्त चण्णल हईयाहे । बरि षेरूप भाजनहित  
मलिलराशि प्रवर्तित करे, तद्रूप कामानले मदीय चित्त  
विचालित करितेहे । अतएव सत्वर एक जने आमार  
दुःखदायिनी जर्रा ग्रहण कर । आमि ताहार तारुण्य आदान  
पूर्वक यथा सुखे विचरण करि । षे पुत्र आमार जर्रा ग्रहण  
करिबे, सेइ आमार राज्य प्राप्त हईबे ओ चतुक्के विचरण  
करिबे । ताहार सुख सम्पत्ति, धन धान्य सम्पन्न, विपुल  
सम्पत्ति एवं मशः ओ कीर्तिओ प्राप्तुर्त हईबे । से  
पश्चात् स्वकीय यौवनग्रहणपूर्वक सुख भोग करिते पाईबे ।

तुरु कहिलेन, जर्रा हईते ग्लानि उत्पन्न हय, ग्लानि  
हईते पौरुष संकर हय, पौरुष कर हईले धर्महानि  
हय एवं धर्म हीन हईले, स्वर्गलाभेओ वञ्चित हईते हय ।  
अतएव आमि आपनार वाक्य पालन करिते पारिब ना ।  
जेष्ठ पुत्र तुरु ऐइप्रकार कहिले, घषाति श्रवणमात्र अति-  
मात्र रोषाविष्ट हईलेन एवं क्रोधे अरुणलोचन हईया,  
शाप दिग्ना कहिलेन, रे पापचेतन ! तूमि आमार आदेश  
अपधस्त करिले । ऐइ हेतु सर्वधर्मवहिकृत पापी हईबे,



শিবশাস্ত্র, দেবশাস্ত্র ও সর্বাচারবিবর্জিত হইবে; ব্রহ্মহত্যা, গোহত্যা, দেবদূষণ, সুরাপান ও চণ্ড ধর্মের অনুষ্ঠানে সংস্কৃত হইবে; সত্যবর্জিত, নরাধম, চক্ষুরোগী, দৃশ্চর্য্যা, যুক্তকণ্ঠ, ব্রহ্মদেবী, নিরাকৃতি, ও পরদারসংসর্গী হইবে; অতিশয় চণ্ড, সাতিশয় লম্পট, সর্বদা সর্বভক্ষ, দুর্বুদ্ধি ও সগোত্রা রমণী সঙ্কে প্রবৃত্ত হইবে; এবং সর্ব ধর্মের বিনাশক, পুণ্যজ্ঞানপরিভ্রষ্ট ও কুণ্ঠচিত্ত হইবে, তাহাতে কিছু-মাত্র সংশয় নাই। তোমার পুত্র পৌত্র কিছুই হইবে না, তাহাও নিঃসংশয়িত। ফলতঃ, তুমি আমার শাপে কলুষীকৃত ও এই রূপে সর্ব পুণ্যের হস্তা হইবে।

যযাতি তুরুকে শাপ দিয়া, যদুকে কহিলেন, যে পুত্র মদীয় জরা ধারণ করিবে, তাহারই অকণ্টক রাজ্য ভোগ হইবে। তাহাতে যদু বদ্ধাঞ্জলিপুটে উত্তর করিলেন, তাত! কৃপা করুন; আমি আপনার জরা ভোগ বা বহন করিতেও পারিব না। মন্দগতি, নির্যন্ত্রণ, শ্রম, স্ত্রীভয়, ও বয়ঃপ্রাতিকূল্য জরার এই পঞ্চ হেতু। অতএব আমি এই প্রথম বয়সে জরাহুঃখ সহ করিতে পারিব না। আর কেইবা তাহা ধারণ করিতে পারে? আপনি ক্ষমা করুন।

দ্বিজনন্দন! মহারাজ যযাতি তখন ক্রোধভরে যদুকেও শাপ দিয়া কহিলেন, তোমার বংশ কখনও রাজ্যহ' হইবে না। অধিকন্তু বল ও তেজোহীন এবং কত্রধর্ম বিবর্জিত হইবে, তাহাতে সন্দেহ নাই। যেহেতু, তুমি আমার শাসনপরাশুখ হইলে।

যদু কহিলেন, মহারাজ! বিনাদোষে কিজন্য অতিশয় কহিলেন। প্রসন্ন হইয়া, অনুগ্রহ বিতরণ করুন।

রাজা কহিলেন, পুত্রক ! মহাদেব বাসুদেব যখন সূর্যবংশে অবতরণ করিবেন, তখন উহা পবিত্র হইবে। অনন্তর পরস্পর বিবাদ করিয়া, ক্ষয় প্রাপ্ত হইবে।

যহু কহিলেন, মহারাজ ! আমি আপনার পুত্র ; বিশেষতঃ নির্দোষ। তথাপি আপনি আহত করিলেন ! এক্ষণে যদি দয়া হইয়া থাকে, অনুগ্রহ বিতরণ করুন।

রাজা কহিলেন, যে পুত্র জ্যেষ্ঠ ও পিতার দুঃখ বিনাশ করে, তাহারই রাজ্যদায় ভোগ ও ভারবহন হইতে পারে। অতএব শুভাশুভ সমুদায়ই সম্পাদন করা তোমার অবশ্য কর্তব্য। কিন্তু তুমি অনায়ামেই আমার আত্মা পরিহার করিলে। তোমার প্রতি আর অনুগ্রহ কি ? তুমি যাহা ইচ্ছা করিতে পার।

যহু কহিলেন, মহারাজ ! আপনি আমার বংশ ও কুল-গৌরব উভয়ই নষ্ট করিলেন। অতএব আমি আপনার দোষে দোষাশ্রিত হইলাম। আমার বংশে ক্ষত্রিয়গণ আর জন্মগ্রহণ করিবেন না। তাহাদের গ্রাম, দেশ, স্ত্রী ও রত্ন প্রভৃতিও অন্যে ভোগ করিবে। অধিকন্তু, আমার বংশে যে দুষ্কর্মগণ উৎপন্ন হইবে, তাহারাই আপনার দারুণ শাপে শপ্ত ও বিনাশ প্রাপ্ত হইবে। কিন্তু যাহারা সৌম্যভাব-সম্পন্ন ও বিষ্ণু ভক্ত হইবে, সেই মহাত্মগণ কদাচ আপনার শাপে সংক্রমিত হইবে না।

যহু ক্রুদ্ধ হইয়া, এই প্রকার কহিলে যমুনা তীরে পুনরায় তাহাকে শাপ প্রদান করিলেন, শ্রবণ কর। তোমার বংশজন্মাত্রেই প্রজানাশক স্নেহ হইবে। এবং যাবচ্ছন্দ-দেবতার ও যাবৎ পৃথিবী নক্ষত্রতারক কুন্তীপাকে ও



রৌরবে বাস করিবে । অনন্তর তিনি সুলকণ সম্পন্ন ক্রীড়া-  
পারায়ণ বালক পুরুকে দর্শন পূর্বক আহ্বান করিয়া কহি-  
লেন, আমার এই জরা গ্রহণ ও আমার প্রদত্ত নিকটক  
রাজ্য ভোগ কর ।

পুরু কহিলেন, রাজ্যভোগ দৈব্যায়ত্ত । এ বিষয়ে আপ-  
নার পিতা প্রমাণ স্থানীয় । যাহা হউক আপনার আদেশ  
পরিপালন করিব, তাহাতে বিচারণা কি ? আপনি অদ্য  
মদীয় তারুণ্যে সুন্দর রূপ ধারণ করিয়া, বিষয়সুখে সর্বিণেষ  
সংযুক্ত হইয়া, স্বকীয় ভোগাভিলাষ চরিতার্থ করুন ।  
তাত ! যতদিন জীবিত, ততদিন আমি জরা বহন করিব ।

মহারাজ যযাতি তদীয় বাক্যে নিতরাং হর্ষিত হইয়া,  
প্রত্যুত্তর করিলেন, যেহেতু তুমি আমার আদেশ পালন ও  
সর্বথা সফল করিলে, সেই হেতু, তোমার বহুসৌখ্য সম্প্রা-  
দন করিব । এই কথা বলিলে, পুরু তাঁহারে স্বীয় যৌবন  
দান করিয়া, তদীয় জরা গ্রহণ করিলেন । তাহাতে সেই  
পুরুষ শরীরে জরা জন্ম বৃদ্ধভাব সঞ্চারিত হইল এবং যযাতি  
সুতনত্র পরিগ্রহ করিয়া শোড়শবার্ষিকের ন্যায়, দ্বিতীয়  
ময়ূথের ন্যায়, নিরতিশয় সৌন্দর্য্যে আবিষ্কৃত হইলেন । অন-  
ন্তর মহারাজ যযাতি পুরুকে রাজহুত্র, যান, বাহন, কোষ,  
বল, সুন্দর চামর ও ধনুঃ প্রদান করিয়া, নিতান্ত আসক্ত  
চিত্তে সেই রমণীর চিন্তা করিতে লাগিলেন । এবং সত্বর  
তদুদ্দেশে প্রস্থান করিলেন । তথায় সেই চারুশীলপরে-  
ধরা বিশাললোচনা রমণীকে সখীসহ সন্দর্শন করিয়া, ময়ূথ-  
মখিত মানসে কহিতে লাগিলেন, অয়ি বামলোচনে বিশালে !  
আমি সমাগত হইয়াছি । আমার জরাত্যাগ ও তারুণ্য

সম্পন্ন হইয়াছে। একেণে যাহা যাহা অভিলষণী, সমুদায়ই  
প্রদান করিব, সন্দেহ নাই।

বিশালা কহিল, আপনি জন্মপুষ্টি ত্যাগ করিয়াছেন;  
তথাপি এক দোষে লিপ্ত আছেন। সেই জন্ম ইনি আপ-  
নার অভিলাষিণী নহেন।

ষষাতি কহিলেন, যদি নিশ্চয় জান, আমার দোষ কি  
বল। আমি তাহা ত্যাগ ও অভিমত গুণ সম্পাদন করিব,  
সংশয় নাই।

### ত্রিসপ্ততম অধ্যায়।

বিশালা কহিল, বরাননা শর্নিষ্ঠা ও দেবযানী যাহার  
ভাগ্যা, তাহার আবার সৌভাগ্য কি? এই জন্ম আপনি  
সাপত্য্য ভাবে প্রতিষ্ঠিত হইয়াছেন। মহারাজ! আপনি  
সম্পূর্ণ চন্দন বৃক্ষের সদৃশ। চন্দন তরু যেরূপ সর্পগণে  
বেষ্টিত, আপনিও সেইরূপ অসংখ্য সপত্নীতে পরিবেষ্টিত।  
বরং অগ্নি প্রবেশ করিবে; বরং শিখর হইতে পতিত  
হইবে, তথাপি রূপগুণসম্পন্ন সপত্নী সহিত প্রিয়তম পতি  
প্রার্থনা করিবে না। আপনি সর্বগুণবিশিষ্ট হইলেও সপত্নী-  
বিষে পরিপূর্ণ, এই জন্ম গুণসাগর আপনাকে পতিত্রে বরণ  
করা ইহার অভিমত নহে।

রাজা কহিলেন, বরাননে! দেবযানীতে আমার কার্য

নাহি, শাস্তিভোগেও প্রয়োজন নাই। একমাত্র তোমার সখীরই  
জন্ম আমার এই মর্ত্যধর্ম দেহ অবলোকন কর।

বিন্দুমতী কহিলেন, আমার রাজ্যে বা দেহে প্রয়োজন  
নাই। বাহা বাহা বলিব, আপনি কেবল তাহাই মনস্কাম  
করুন। এবিষয়ে প্রত্যয়জন্ম আমারে বরদান করিতে  
হইবে।

রাজা কহিলেন, বরবর্ণিনি! আমি তোমা ব্যতিরেকে  
অন্য ভার্য্যা গ্রহণ করিব না। একগে তুমি আমার রাজ্য,  
সকল পৃথিবী, দেহ ও স্বীয় কামভোগ কর। তোমারে  
এই বর দিলাম। অতঃপর ফাহা বলিবে, তাহাই করিব।

অশ্রু বিন্দুমতী কহিলেন, মহারাজ! তবে আমিও আপ-  
নার ভার্য্যা হইলাম। মহারাজ যযাতি এই কথা শ্রবণমাত্র  
হর্ষ ব্যাকুললোচন হইয়া, তৎক্ষণাৎ গান্ধর্ববিধানে সেই  
নন্দিরে বিবাহ করিলেন। এবং তাহারে সমভিব্যাহারে  
লইয়া সাগরতীরে, বনে, উপবনে, পর্বতে, জলদে, নদীতে  
বিহার করিতে লাগিলেন। এইরূপে বিচরণ ও প্রিয়াসহ-  
কারে বিহার করিতে করিতে সেই মহাবল মহাভাগ যযাতি  
পঞ্চবিংশৎ সহস্র বৎসর এক দিনের ন্যায় অতিবাহন  
করিলেন।

বিষ্ণু কহিলেন, কামদেব দেবরাজের স্বার্থসিদ্ধি জন্ম  
পৃথিবীপতি যযাতিকে এই প্রকারে মোহিত করিয়াছিল।

সুকর্মা কহিলেন, মুখ যযাতি কামকন্যার মোহে ও  
সুরত ললিতে নিতান্ত আবিষ্ট ও হতজ্ঞান হইয়া, দিব্যরাত্র  
পরিজ্ঞানেও বঞ্চিত হইয়া উঠিলেন। ঐ সময়ে বিন্দু-  
মতী তাঁহাকে কহিল মহারাজ! আমার অতীত মনোরথ

সাধন করিতে হইবে। মথশ্রেষ্ঠ অশ্বমেধের অনুষ্ঠান করুন। যযাতি কহিলেন, আচ্ছা, তাহাই হইবে; সর্বথা তোমার প্রিয়সম্পাদন করিব। এই বলিয়া তিনি রাজ্যভারে নিরূপিত পুত্র শ্রেষ্ঠ পুরুকে আহ্বান করিলেন। পুরু আহ্বান মাত্র ভক্তিতারে নতকঙ্কর হইয়া, তথায় সমাগত হইলেন এবং কৃতাজলি পুটে তদীয় পাদযুগলে প্রণাম পূর্বক অবনত কঙ্করে কহিলেন, মহারাজ! আপনার প্রণত কিঙ্কর সমাগত হইয়াছে। কি করিবে, আদেশ বিধান করুন। যযাতি কহিলেন, বৎস! সমুদায় ষিদ্ধাতি, ঋত্বিক, ও নরপতিদিগকে আহ্বান করিয়া, অশ্বমেধ যজ্ঞের আহরণ কর। পরম ধার্মিক মহাতেজাঃ পুরু আদেশমাত্র তদনুরূপ আয়োজন করিলেন। তখন মহারাজ যযাতি কামকন্যার সহিত সুদীক্ষিত হইয়া, বহুসংখ্য অশ্বমেধ ও অন্যান্য যজ্ঞ সম্পাদন এবং ব্রাহ্মণদিগকে বিশেষতঃ দরিদ্র-সমূহকে অনন্ত ভূমি দান করিলেন। অনন্তর যজ্ঞাবসানে বরাননা কামকন্যাকে কহিলেন, আর তোমার কি প্রিয়ানুষ্ঠান করিব, বল। অয়ি বরবার্গনি! সাধ্য হউক বা না হউক, তৎ সমস্ত সম্পাদন করিব।

সুকর্মা কহিলেন, কামকন্যা এই প্রকার অভিহিতা হইয়া বলিতে লাগিলেন, মহারাজ! আমার দোহদ পূরণ করুন। ইন্দ্রলোক, ব্রহ্মলোক, শিবলোক ও বিষ্ণুলোক দর্শনে অভিলাষ হইয়াছে। যদি আমি আপনার প্রেয়সী হই, তৎ সমস্ত দেখাইতে হইবে। যযাতি কহিলেন, তুমি অতি পুণ্যবাক্য প্রয়োগ করিতেছ। যাহা হউক, তুমি স্ত্রী-জীব, চাপল্য অথবা কোতুক বশতঃ যাহা বলিলে, তাহা

অসাধ্য সন্দেহ নাই। যজ্ঞ, দান, তপস্যা ও পুণ্যবলেও  
এই অপূর্ববাদ সাধনীয় হইতে পারে না। সত্য বটে বাহা  
অসাধ্য, পুণ্যবলে তাহারও সাধন হইয়া থাকে। কিন্তু  
আমি কখন এই শরীরে কাহাকেও মৃত্যুলোকে বা স্বর্গ-  
লোকে গমন করিতে দেখিয়াছি বলিয়া বোধ করিতেছি না।  
কলতঃ, তোমার প্রার্থনীয় সর্বথা অসাধ্য। অতএব অন্য  
কিছু নির্দেশ কর, সম্পাদন করিব। কামকলা কহিলেন,  
মহারাজ! অন্য মনুষ্যের ইহা অসাধ্য হইতে পারে, সন্দেহ  
নাই। কিন্তু আমি সত্য সত্য বলিতেছি, আপনার সাধনীয়  
হইবে। মৃত্যুলোকে তপস্যা, যশঃ, কৃত্তবল, যজ্ঞ বা দান  
কোন বিষয়েই ভবাদৃশ ব্যক্তি লক্ষিত হয় না। আপনাতে  
কৃত্তবল ও পরমতেজঃ সমুদায়ই প্রতিষ্ঠিত। অতএব  
আমার এই প্রিয় দোহদ সর্বদা সাধন করিতে হইবে।

## চতুঃসপ্ততম অধ্যায়।

পিপ্পল কহিলেন, দ্বিজসত্তম! মহারাজ যযাতি কামকন্যার  
পানি পীড়ন করিলে, তাঁহার পূর্ব ভার্য্যা মহাভাগা দেব-  
যানী ও বৃষর্বহুহিতা শর্শ্বিষ্ঠা কি করিয়াছিলেন? তাঁহাদের  
চরিত্র কীর্তন করুন।

সুকর্মা কহিলেন, যযাতি কামকন্যাকে নিজভবনে  
লইয়া গেলে মনস্বিনী দেবযানী অতিমাত্র স্পর্ধিত হইয়া  
উঠিলেন। বিশেষতঃ তাহার ক্ষণ্য পুত্রের অতিশয়  
হইয়াছেন, তজ্জন্য ক্রোধে অরুণলোচন হইয়া, তৎকণাৎ

শশিষ্ঠাকে আহ্বান পূর্বক পরস্পর সখিতা স্থাপন করিলেন। অনন্তর উভয়ে রূপ, ভেজ, দান, সত্য, পুণ্য সকল বিষয়েই কামকন্যার সহিত স্পর্ধা করিতে লাগিলেন। কাম-বন্দিনী উভয়ের দুর্ভেদ্য অবগত হইয়া কণবিলম্ব ব্যতিরেকে সমুদায় রাজার গোচর করিলেন। যযাতি রোষাবিষ্ট হইয়া, যদুকে আহ্বান করিয়া কহিলেন, তুমি সত্বর গমন করিয়া, শশিষ্ঠা ও দেবযানীকে সংহার কর। যদি ঐয়োলাভের অভিলাষ থাকে, সত্বর আমার এই শ্রিয়-বিধান কর। যদু শ্রবণ করিয়া, জননীর প্রতি ক্রোধ পরারণ সেই রাজাকে কহিলেন, তাত! আমি দৈববর্জিত মাতৃঘরের বধ করিতে পারিব না। দেব ও পণ্ডিতগণ মাতৃহত্যায় গুরুতর পাতক নির্দেশ করিয়াছেন। অতএব তাঁহাদের সংহার করা আমার সাধ্য নহে। বলিতে কি, জননী বা ভগিনী অথবা দুহিতা সহস্র দোষে দোষী হইলেও, পুত্র, ভ্রাতা বা অন্যকেহ তাহাদের হত্যায় প্রবৃত্ত হইবে না। পৃথিবী পতি যযাতি যদুর বাক্য শ্রবণ করিয়া, ক্রোধে অভিভূত হইলেন। অনন্তর তাঁহাকে পুনরায় শাপ দিয়া, বিকুধ্যানতৎপর চিত্তে কামকন্যার সহিত সুখ-ভোগে মগ্ন হইলেন। সেই সুলোচনা অশ্রুবিম্বমতী বনোন্মুগ্ধ ভোগ সকল ভোগ করিতে লাগিলেন।

সেই মহাভাগ মহানুভাব যযাতির কাল এই প্রকারে অতিবাহিত হয়। অধিকন্তু, তিনি রাজপদে প্রতিষ্ঠিত হইলে, সমুদায় প্রজালোক অজর, অমর, বাসুদেবের ধ্যান-পরায়ণ এবং তপস্বী ও শুচিতার সর্বদা সুখী হইয়াছিল।

## পঞ্চ সপ্ততম অধ্যায় ।

সুকর্মা কহিলেন, অনন্তর দেবরাজ শতক্রতু যযাতির  
বিবিধ দান পুণ্য ও বিক্রমাদি দর্শন করিয়া, সর্বথা ভীত  
হইয়া উঠিলেন, এবং অঙ্গরা মেনকাকে কার্য সাধনে  
প্রেরণ করিয়া, কহিলেন, ভদ্রে ! মহাভাগে ! তুমি এখান  
হইতে গমন করিয়া, কামকন্যাকে আমার আদেশ বলিয়া  
আইস যে, দেবরাজ বলিয়াছেন, মহারাজ যযাতিকে যে  
কোন উপায়ে আনিতে হইবে । মেনকা শ্রবণমাত্র গমন  
করিয়া, দেবরাজের সমস্ত ভাষিত যথাযথ কীর্তন করিল ।  
মনস্বিনী রতিপুত্রী সমুদয় অবগত হইয়া, যযাতিকে কহিল,  
রাজন্ ! আপনি পূর্বে আমারে সত্যধর্মাসুন্দরে সম্মানিত  
ও পত্নীত্বে বরণ করিয়াছেন । এবং বলিয়াছিলেন, আমার  
সমুদায় প্রার্থনাই পূরণ করিবেন । কিন্তু তাহার কিছুই  
করিলেন না । অতএব আমি আপনারে ত্যাগ করিয়া,  
পিতৃভবনে গমন করিব ।

যযাতি কহিলেন, ভদ্রে ! তুমি যাহা বলিবে, তাহাই  
করিব, সন্দেহ নাই । কিন্তু অসাধ্য পরিত্যাগ করিয়া,  
সাধ্য নির্দেশ কর ।

বিন্দুমতী কহিলেন, আমি এই জন্মই আপনারে আশ্র-  
দান করিয়াছি । ভাবিয়াছিলাম, আপনি সকলের সমাদৃত,

সকল লক্ষণ সম্পন্ন, সকলের কর্তা, সকল ধর্মের বিধাতা ও  
 সকল পুণ্যের দ্রষ্টা । এবং সকল বিষয়ই আপনার সাধ্য,  
 সকল সংসারই আপনার সাধক, ত্রৈলোক্যের সকল স্থানেই  
 আপনার গতি । অধিকন্তু, আপনি সত্যধর্ম সম্পন্ন, বাসু-  
 দেবের ভক্ত ও ভাগবতগণের অগ্রগণ্য । ইহাই জানিয়া  
 এবং এই আশাতেই আপনাকে পূর্বে স্বামী করিয়াছি ।  
 ফলতঃ, স্বয়ং ভগবান যাহারে প্রসন্ন তাহার সর্বত্র গমন  
 হইয়া থাকে । সচরাচর ত্রৈলোক্যে তাহার কোন বিষয়ও  
 দুর্লভ হইতে পারে না । তাবিয়া দেখুন, আপনি পৃথিবীতে  
 থাকিয়াই, অসংখ্য কই জরা পলিত বিহীন ও মৃত্যুহীন  
 করিয়াছেন । নরষভ ! আপনারই প্রভাবে সমুদায় গৃহ-  
 ষ্টারে বহুসংখ্য কম্পলতা হইতেছে । আপনিই গৃহে গৃহে  
 কামধেনু ও নিধি সকল প্রেরণ ও স্থিরীকৃত করিয়াছেন  
 এবং আপনার ও প্রজালোকেরও সমুদায় কামনা সম্পন্ন  
 করিয়াছেন । লোকমাত্রেয়ই গৃহমধ্যে যে সহস্রকুল লক্ষিত  
 হয়, সেই কুলবিষয়ই আপনার বিহিত । বলিতে কি,  
 আপনি যম ও ইন্দ্রের সহিত বিরোধ করিয়া, যমুব্যদিগকে  
 ব্যাধিপাশে বিনির্মুক্ত, স্বীয়তেজঃ ও অহঙ্কারে পৃথিবীকে  
 স্বর্গরূপ এবং তৎসহকারে ইহাই প্রদর্শন করিয়াছেন যে,  
 আপনার সদৃশ রাজা নাই, পূর্বেও ছিলেন না এবং পরেও  
 হইবেন না । আমি এইরূপ সর্বধর্মপ্রদায়ক জানিয়া আপ-  
 নাকে স্বামিত্বে বরণ করিয়াছি । আপনি কিঞ্চিৎ এরূপ  
 কহিতেছেন । যাহা হউক, যদি আপনার ধর্ম থাকে, সত্য  
 থাকে, তাহা হইলে, ধর্ম ও সত্য করিয়া বসুন, দেবলোকে  
 কেন আপনার অবিহিত গতি নাই । সত্য পরিত্যাগ



পূৰ্বক জানিয়াও মিথ্যা বলিলে, আপনার পূৰ্বসঞ্চিত সমুদায় শ্রেয়ই ভস্মীভূত হইবে ।

রাজা কহিলেন, ভদ্রে ! তুমি সত্য বলিয়াছ, আমার সাধ্যসাধ্য কিছুই নাই । জগৎপতি বাসুদেবের প্রসাদে সংসারে সকল বিষয়ই আমার সাধ্যায়ত্ত । যেজন্য স্বর্গে যাইব না, তাহার প্রকৃত কারণ শ্রবণ কর ! স্বর্গে গেলে দেবগণ পুনরায় আমাকে মর্ত্যে আসিতে দিবেন না । তাহা হইলেই, মদীয় বিরহে সমুদায় প্রকৃতিবর্গ মরণশীল হইবে, সংশয় নাই । সত্য বলিতেছি, এই জন্যই স্বর্গগমনে অভিলাষ নাই ।

কামকন্যা কহিল, মহারাজ ! তত্তল্লোক দর্শনানন্তর পুনরায় প্রত্যাবর্তন করিব । এক্ষণে আমার অভিলাষ পূরণ করুন । এবিষয়ে আমার অতিমাত্র শ্রদ্ধা জন্মিয়াছে ।

রাজা কহিলেন, যাহা বলিলে, নিঃসংশয়িত সাধন করিব । এই প্রকার নির্দেশ করিয়া সেই মহাতেজা নহুষ-নন্দন যযাতি সবিশেষ বিবেচনা সহকারে বহুধা উপস্থিত দৈববদ্ধ চিন্তা করিতে লাগিলেন । ভাবিলেন, অন্তর্জল-বিহারী মৎস্যও জালে পতিত হয় ; মরুৎসমান বেগবান যুগও বদ্ধ হইয়া থাকে ; পক্ষী যোজনমহত্স দূরে থাকিলেও আমিষ দেখিতে পায়, কিন্তু সেই আমিষ-সংলগ্ন পাশ তাহার দৃষ্টিগোচর হয় না । তৎকালে তাহার মোহ উপস্থিত হয় । ফলতঃ, কালই বৈষম্যের হেতু, কালই সন্মানহানির সাধন, কালই পরিভবের কারণ, এবং এই কালই যত্র তত্র অবস্থিতি করিয়া, পুরুষকে দাতা আবার প্রার্থয়িতা করিয়া থাকে । স্বর্গে বা মর্ত্যে স্থাবরাদি যাবতীয় ভূত

সংসার কালেরই আয়ত্ত, কালই একাকী এই সংসার এবং কালই অনাদির নিধন ও জগতের পরম কারণ, তথাহি এই কালই সংসারে বৃক্ষে ফলের ন্যায় আহিত বিষয় পরিপক্ব করে। মন্ত্র নহে, দান নহে, তপস্যা নহে, মিত্র নহে, বান্ধব নহে; কলতঃ, কালপীড়িত ব্যক্তির পরিত্রাণ করিতে কেহই সমর্থ নহে। বিবাহ জন্ম মরণ এই কালকৃত পাশত্রয় কোন কালে কোন স্থানে কোন উপায়েই ছেদন করা যায় না। জলধর যেরূপ আকাশে বায়ুবশে আন্দোলিত হয়, সেই রূপ কর্মযুক্ত কাল সমস্ত সংসার চালনা করিয়া থাকে।

সুকর্মী কহিলেন, বিপ্র! মনুষ্য এই কালযুক্ত কর্মের সেবা করে এবং লোকে যে কর্মে প্রবৃত্ত হয়, কালই তাহার প্রেরয়িতা। সর্প ও ব্যাধি সকল এইরূপ কর্মযুক্ত হইয়াই মানুষে প্রবর্তিত হয়। পুণ্যমিশ্রিত সুখসাধন উপায় সকলও কর্মসংযুক্ত হইয়া, শুভাশুভ যোজনা করে। কর্মই লোকে প্রধান। কর্মই সম্বন্ধী এবং কর্মই বান্ধব। পুরুষের সুখ বা দুঃখ এই কর্ম হইতেই প্রাপ্ত হইয়া থাকে। এবং স্বর্গ, রৌপ্য ও রূপ প্রভৃতিও এই কর্মের আয়ত্ত। সকলকেই অবস্থানুসারে এই কর্মের সেবা করিতে হয়। গর্ভাবস্থাতেই জন্তুর আয়ু, কর্ম, বিত্ত, বিদ্যা ও নিধন এই পাঁচটি সৃষ্ট হইয়া থাকে। কর্তা যেরূপ মৃৎপিণ্ড হইতে যথেষ্ট নির্মাণ করে, পূর্বকৃত কর্ম তদ্রূপ কর্তার বিবিধ দশান্তর ঘটনা করিয়া থাকে। লোকে স্ব স্ব কর্মবলেই দেবত্ব, মানুষত্ব, পশুত্ব, পক্ষিত্ব, তির্য্যকত্ব অথবা স্থাবরত্ব প্রাপ্ত হয়। সুখ বা দুঃখ যাহাই হউক, সমুদায়ই আত্মার বিহিত। এই প্রকার আত্মবিহিত নিত্য ভোগ করিতে হয়। লোকে গর্ভ

শরীর আসীন হইয়াও পৌৰ্বদেহিক সুখদুঃখ প্রাপ্ত হয়। বল বা বুদ্ধি কিছুইতেই প্রাক্তন কর্মের কিছুমাত্র অন্যথা করিতে পারা যায় না। স্বকৃত সুখ বা দুঃখ সমুদায়ই ভোগ করিতে হয়। মনুষ্য নিত্য তাহা প্রাপ্ত হইয়া, কর্মবন্ধে বদ্ধ হইয়া থাকে। বৎস যেরূপ ধৈর্য সহস্র মধ্যেও জননীকে চিনিয়া লয়, তদ্রূপ শুভাশুভ কর্ম সহস্র মধ্যে কর্তার অনুগমন করে। উপভোগ ব্যতিরেকে এই কর্মের ফল দেখিতে পাওয়া যায় না। প্রাক্তন বন্ধন স্বরূপ কর্মের অন্যথা করা কাহারও সাধ্য নহে। ফলতঃ প্রারম্ভ কর্ম যথাকৃত সহস্র রূপে অনুসরণ করে। সুশীঘ্র ধাবন করিলে অনুধাবন, অবস্থিতি করিলে অবস্থিতি, গমন করিলে অনুগমন, অনুষ্ঠান করিলে, সহানুষ্ঠান করে এবং ছায়ার ন্যায় অন্তর্হিত হয়। তথাহি, এই কর্ম ছায়ার ন্যায় পরস্পর নিত্য সম্বন্ধ। মানুষ পূৰ্বকর্মে অগ্রে পীড়িত হয় ; পশ্চাৎ গ্রহ রোগ সর্প ডাকিনী ও রাক্ষসাদি কর্তৃক নিপীড়িত হইয়া থাকে। সুখ বা দুঃখ যাহার যে স্থলে ভোগ করা বিহিত, সে দৈববদ্ধ হইয়া, বলপূৰ্বক তথায় নীত হয়।

দৈবও কর্মের ন্যায় বলবান্। যে ব্যক্তির যেরূপে সুখ বা দুঃখভোগ হইবার সম্ভাবনা, দৈব তাহাকে সেইরূপে বলপূৰ্বক চালনা করে। এই জন্য দৈব সুখ-দুঃখের উপাদান বলিয়া উল্লিখিত হয়। মনুষ্য, জাগ্রৎ বা স্বপ্নে এক রূপ কর্মের চিন্তা করে, দৈববশে তাহার অন্যথারূপ ঘটনা হইয়া থাকে। শস্ত্র, অগ্নি, বিষ বা দুর্গে রক্ষিতব্যই রক্ষা করে, কিন্তু যাহা অরক্ষিত, তাহা দৈবই রক্ষা করিয়া থাকে। অতএব দৈব বিনাশ করিলে, কিছুতেই রক্ষার

সম্ভাবনা নাই। পৃথিবীতে যে রূপ বীজ, অন্ন ও ধন, আত্মাতে সেই রূপ কৰ্ম অধিষ্ঠিত ও প্রাদুর্ভূত হয়। যেমন তৈলক্ষেয়ে দীপ নিৰ্বাপিত হইয়া যায়, কৰ্ম্ম ক্ষীণ হইলে, তদ্রূপ প্রাণিশরীর বিনষ্ট হয়। তদ্ববেদিগণ নিরূপণ করিয়াছেন, কৰ্ম্মক্ষেয়েই মৃত্যু হইয়া থাকে। পাপাত্মার রোগ যেমন নানা প্রকার, তাহার কারণ পরম্পরাও তদ্রূপ বিবিধ। যাহা হউক, পূৰ্ব্বকৰ্ম্মের বিপাক আমার উপস্থিত হইয়াছে। এই ত্রীই সেই যুক্তিমান বিপাক, সন্দেহ নাই। দেখ কোথা হইতে নৰ্ত্তন ও নটকর্তৃগণ মদীয় গোহে সমাগত হইল। তাহাদের সঙ্গপ্রসঙ্গে জরা আমার শরীর আশ্রয় করিল। এই রূপে আমার যাহা যাহা ঘটয়াছে, তৎসমস্তই কৰ্ম্মকৃত বোধ হইতেছে। অতএব কৰ্ম্মই প্রধান, উপায় কোন কার্যেরই নহে। পূৰ্বে দেবরাজ আমার জন্ম স্বীয় দূত মাতলিকে প্রেরণ করেন। সে কথায় আমার কৰ্ণপাত হইল না। সম্প্রতি তাহারই কৰ্ম্মবিপাক উপস্থিত হইয়াছে। এক্ষণে যদি প্রীতিপূৰ্ব্বক ইহার কথা না রাখি, তাহা হইলে, সত্য ও স্বৰ্গ উভয়ই ভ্রষ্ট হইবে, তাহাতে সন্দেহ নাই। ফলতঃ, কৰ্ম্ম যাহা নির্দেশ করে, তাহা অসাধ্য হইলেও, আমার সাধ্য হইবে। দৈবও অতিক্রম করা সহজ নহে। মহারাজ যযাতি অতিমাত্র দুঃখিত হইয়া, এই প্রকার নানা-প্রকার চিন্তা করিতে লাগিলেন। অনন্তর সৰ্বক্লেশবিনাশন দেবদেব কৃষ্ণের শরণ গ্রহণ এবং মনে মনে সেই মধুসূদনের নাম স্মরণ ও নমস্কার করিয়া, কহিলেন, কমলাপ্রিয় ! আমি তোমারই শরণাপন্ন। আমারে রক্ষা কর।

## ষষ্ঠমস্তমিতম অধ্যায়



পরম ধার্মিক যযাতি এইপ্রকার চিন্তামগ্ন হইলে, বরাননা রতিনন্দিনী তাঁহারে সম্বোধন করিয়া কহিল, রাজন্ ! বোধ হয়, আপনি চিন্তা করিতেছেন, স্ত্রীলোক প্রায়ই পাপকারিণী হইয়া থাকে, তাহাতে সন্দেহ নাই। কিন্তু বলিতে কি, আমি শুদ্ধ চপলতাবশতঃ আপনারে প্রেরণা করিতেছি না। না হয়, অদ্য আপনার পার্শ্ব পরিহার করিব। ইতর রমণীগণ যেরূপ লোভমোহে আচ্ছন্ন হইয়া, চপলতাবশতঃ অকার্য্যে প্রেরণ করে, আমার সেপ্রকার নহে। লোক সকল দর্শন করিতে বাস্তবিকই আমার অভিশয় শ্রদ্ধা জন্মিয়াছে। যদি দেবদর্শনপুণ্য মানুষের দুর্লভ হয়, আদেশ করুন, আমিই তাহা সাধন করিব। এ বিষয়ে যদি আমি হইতে আপনার কিছু দোষ বা আস্রাস্র কর থাকে, তাহাও বলুন। কি জন্য মহাভয়ে ভীত অথবা মোহগর্ভে নিপতিত প্রাকৃত জনের ন্যায় চিন্তা করিতেছেন। আর আপনারে স্বর্গে যাইতে হইবে না, চিন্তা ত্যাগ করুন। যাহাতে আপনার দুঃখ হইতে পারে, আমার তাহা কখনই বিধেয় নহে।

তখন যযাতি সেই বরাজ্ঞনাকে কহিলেন, দেবি ! আমি যাহা ভাবিতেছি। শ্রবণ কর। এ বিষয় আমার প্রিয় হইলেও, মানভঙ্গ সুস্পষ্ট লক্ষিত হইতেছে। আমি স্বর্গে

গমন করিলেই প্রজাগণ দীনভাবাপন্ন হইবে । দুষ্টা আ-  
 মায়াবী বিবিধ ব্যাধি দ্বারা তাহাদিগের ত্রাস সম্পাদন করিবে ।  
 কেন না সেই ক্লান্ত আয়ার সহিত নিত্য স্পর্ধা করিয়া  
 থাকে । বাহাই হউক, তোমারে লইয়া স্বর্গে গমন করিব ।  
 এই বলিয়া তিনি সর্বধর্মুজ্জ্বল জরাশ্রু মহামতি পুত্রশ্রেষ্ঠ  
 পুরুকে কহিলেন, বৎস! আগমন কর । ধর্মু নিশ্চয়ই তোমার  
 জ্ঞানগোচর হইয়াছে । তাত ! এক্ষণে স্বীয় তারুণ্য গ্রহণ  
 করিয়া, মদীয় জরা প্রত্যর্পণ কর । আমি এই সক্রোধবল-  
 বাহন রাজ্য এবং সত্রোমবলপত্তন রত্নপূর্ণা সাগরমেখলা বসু-  
 ক্ষরাও প্রদান করিলাম । সর্বদা ইহার শাসন ও প্রজাগণের  
 পালন করিবে । যাহাতে দুষ্টগণের দমন ও সাধুগণের রক্ষা  
 হয়, ধর্মুশাস্ত্রপ্রমাণতঃ নিত্য তদ্বিষয়ে প্রবৃত্ত হইবে । অপিচ,  
 ব্রহ্মণ্যপ্রভাব অবলম্বন ও ত্রিবিধ কর্ম্মের অনুসরণপূর্বক  
 ভক্তিসহকারে প্রজালোকের রক্ষণাবেক্ষণ সমাধা করিবে ।  
 তাহাতে ত্রিভুবনে পূজনীয় হইতে পারিবে । বৎস ! পঞ্চমে  
 সপ্তমে কোষবল পর্যবেক্ষণ এবং প্রসাদ, ধন ও ভোজনাদি  
 প্রদান করিয়া, পণ্ডিতগণের পূজা করিবে ; নিত্য চারচক্ষু  
 ও দান পরায়ণ হইবে ; জ্ঞানবিদ্ ব্যক্তিবর্গসহায়ে সর্বদা  
 মন্ত্র সংযমন ও পোষণ করিবে । আত্মা সংযত করিবে ;  
 কখন যুগয়ায় গমন করিবে না ; স্ত্রী, বল, কোষ, শত্রু ইহা-  
 দিগকেও বিশ্বাস করিবে না । ফল ও পাত্র সকলের  
 যথাযথ সংগ্রহ করিবে ; যজ্ঞানুষ্ঠানপূর্বক নিত্য স্বর্ষীকেশের  
 উপাসনা করিবে ; সর্বথা পুণ্যকর্ম্মে প্রবৃত্ত হইবে । প্রজা-  
 গণের কণ্টক সমস্ত দিনদিন দর্শন, যুক্তি সম্পাদন ও সর্বতো-  
 জাবে পোষণ করিবে ; আত্মাকে বশ করিবে ; পরদার-

প্রযুক্তি পরিহার করিবে । পরদ্রব্যে মতি তৃষ্ণা বিসর্জন করিবে ; সর্বদা রিপুগণের হিঁদ্র অশ্বেষণ করিবে ; নিত্য মদীয় বাক্যের অনুসরণ করিবে ; সর্বদা শাস্ত্রচিন্তা ও দেব-চিন্তা করিবে এবং গজ সিংহ ও রথাত্যগাসে প্রযুক্ত হইবে । এই প্রকার আদেশ, আশীর্বাদ ও অভিনন্দন করিয়া, স্বহস্তে কর দণ্ড আয়ুধ স্থাপন, স্বকীয় জরা পুনর্গ্রহণ ও যৌবন প্রত্যর্পণ পুরঃসর পৃথিবীপতি যযাতি স্বর্গগমনে উদ্যত হইলেন ।

### সপ্তসপ্ততম অধ্যায় ।

সুকর্মা কহিলেন, অনন্তর মহাভাগ যযাতি সমস্ত-দ্বীপবাসী প্রজাদিগকে আহূত করিয়া, নিরতিশয় হর্ষাবিষ্ট হইয়া কহিতে লাগিলেন, অয়ি সত্তমসমূহ ! আমি অতঃপর পত্নীর সহিত ইন্দ্রলোক, ব্রহ্মলোক, শিবলোক, ও বিষ্ণুলোক গমন করিব । তোমরা ব্রাহ্মণ, ক্ষত্রিয়, বৈশ্য ও শূদ্রপ্রমুখ প্রজাবর্গ স্ব স্ব কুটুম্ব সমভিব্যাহারে মুখে অবস্থান কর । মহাবাহু মহাবীর দণ্ডধর পুরুকে তোমাদের পালয়িতৃপদে প্রতিষ্ঠিত করিলাম ।

প্রকৃতিবর্গ এইপ্রকার অভিহিত হইয়া, কহিতে লাগিল, রাজন্ ! বেদ ও পুরাণ সকলে ধর্ম কেবল ক্রয়মাণ হয়েন ; কেহ কখন দেখিতে পায় নাই । কিন্তু আমরা সেই সত্যপ্রিয় দশাক্ষ ধর্ম সাক্ষাৎ প্রত্যক্ষ করিয়াছি । মহা-

রাজ নহুষের মহাগৃহে এই ধর্ম্য হস্তপাদযুক্ত উৎপন্ন হইয়া-  
ছেন। ফলতঃ, আপনি সর্বাচারপ্রচারক, জ্ঞানবিজ্ঞান-  
সম্পন্ন, পুণ্য সকলের মহানিধি, গুণ সকলের আকর, সত্য-  
পণ্ডিত, সত্যবান্ ও পরমতেজস্বী এবং মহা ধর্ম্মের অনুষ্ঠাতা  
যুক্তিমান্ ধর্ম্ম। ঐদৃশ ধর্ম্মরূপী ধর্ম্মকর্ত্তা সত্যবাদী কর্ম্মত্রয়-  
পথবর্ত্তী আপনারে কিরূপে ত্যাগ করিতে পারি। যেখানে  
আপনি সেই খানেই আমরা, সেইখানেই যজ্ঞ, এবং সেই-  
খানেই পুণ্য। আপনি নরকে থাকিলে, আমরাও নরকে থাকিব,  
সন্দেহ কি? ফলতঃ, আপন। ব্যতিরেকে আমাদের স্ত্রীতে  
কি, ধনে কি, ভোগে কি, জনে কি, এবং প্রাণেই বা কি  
হইতে পারে? অতএব রাজেন্দ্র! আপনার সহিত আম-  
রাও যাইব, তাহাতে কোন মতেই অন্যথা হইবে না।

পৃথিবীপতি যযাতি প্রজাগণের এইপ্রকার বাক্য  
আকর্ষণ করিয়া, অতিমাত্র হর্ষিত হইয়া কহিলেন, তবে  
সকলেই আমার সহিত আগমন কর। এই বলিয়া তিনি  
কামকন্যার সহিত দিব্যরথে আরোহণ করিলেন। তৎকালে  
হংসবর্ণ শঙ্খ নিনাদিত হইয়া উঠিল। এবং চন্দ্রবিষ্মানু-  
কারী চামরব্যজনে বীজ্যমান, পরম রমণীয় কেতুতে শোভ-  
মান এবং ঋষিগণ, বন্দিগণ, চারণগণ ও প্রজাগণে স্তূয়মান  
হওয়াতে, সেই নহুষাশ্রয় যযাতি দেবরাজ পুরন্দরের ন্যায়  
বিরাজমান হইলেন। প্রজাগণ কেহ গজে কেহ অশ্বে, কেহ  
রথে, কেহবা অন্যবিধ যানে আরোহণ করিয়া, স্বর্গাভিমুখে  
গমন করিতে লাগিল। তাহাদের মধ্যে ব্রাহ্মণ, ক্ষত্রিয়,  
বৈশ্য, শূদ্র ও অন্যান্য ইতরজাতি সকলেই বিষ্ণুর পরম  
ভক্ত ও তদীয় ধ্যানধারণায় একান্ত আসক্ত। তাহাদের



দণ্ড সকল ও পতাকিসমূহ শঙ্খচক্রে অঙ্কিত এবং কেতু সকল হেমদণ্ডে অলঙ্কৃত । বায়ুভরে ঐ সকল কেতু পুনঃ পুনঃ আন্দোলিত হইতে লাগিল । তৎকালে সকলেই দিব্য মাল্য, দিব্য গন্ধানুলেপন ও দিব্য বস্ত্রে অলঙ্কৃত, দিব্য চন্দনদিষ্কাঙ্গ, ও দিব্যাভরণে ভূষিত হইয়া, সাতিশয় শোভা ধারণ ও রাজার অনুগমন করিল । অধিকন্তু, তাহারা সকলেই পুণ্যশীল, পুণ্যকর্তা, এবং বাসুদেবের ধ্যান ও জপ পরায়ণ । নিরতিশয় হর্ষিত হইয়া, রাজার সমভিব্যাহারী হইল । এইরূপে নরপতি যযাতি পুত্রকে স্বরাজ্যে স্থাপন করিয়া, স্বয়ং ঐন্দ্র লোকে গমন করিলেন । এবং তদীয় তেজঃ, পুণ্য, তপস্যা ও ধর্মবলে ঐ সকল লোক বৈষ্ণব-লোক প্রাপ্ত হইল ।

তিনি স্বর্গে সমাগত হইলে, গন্ধর্ষ, কিন্নর ও চারণ-বর্গ দেবরাজের সহিত তাঁহার সম্মুখীন হইয়া, সবিশেষ পূজা করিল । ইন্দ্র কহিলেন, মহারাজ ! আপনার স্বাগত ? সম্প্রতি মদীয় গৃহে প্রবেশ এবং মনোমুগ্ধন দিব্য ভোগ সমস্ত সন্তোগ করুন ।

রাজা কহিলেন, মহাপ্রাজ্ঞ, সহস্রাক্ষ ! আপনার চরণার-বিন্দ বন্দনা করি । সম্প্রতি আমি ত্রৈলোক্যে গমন করিব । এই বলিয়া তিনি দেবগণ কর্তৃক সর্বতোভাবে স্তুয়মান হইয়া, ত্রৈলোক্যে প্রস্থান করিলেন । মহাতেজাঃ পদ্মঘোনি প্রধান প্রধান তপোধন সমভিব্যাহারে সুবিস্তর অর্ঘ্যাদি দ্বারা সমুচিত আতিথ্য বিধান করিয়া কহিলেন, রাজনু ! স্বকীয় পুণ্য কর্মবলে বিষ্ণুলোকে প্রয়াণ কর । এইপ্রকার অভিহিত হইয়া, যযাতি শিবমন্দিরে গমন করিলে

মহাদেব ও উষার সহিত তাঁহার সবিশেষ অতিথ্য সংকার  
বিধান করিলেন এবং কহিলেন, রাজেন্দ্র ! তুমি কৃষ্ণভক্ত  
এবং আমারও অতিমাত্র প্রিয় । অতএব মদীয় নিলয়েই  
অবস্থান কর । এখানে মানুষগণের সুহৃৎপ্রাপ্য সমুদায় ভোগ  
সন্তোগ হইবে । বিষ্ণুতে আঘাতে কিছুমাত্র অন্তর নাই ।  
ষিনিই বিষ্ণু, তিনিই রুদ্র, এবং ষিনি রুদ্র, তিনিই সনাতন  
বাসুদেব ইহাতে সংশয় নাই । ফলতঃ, উভয়েই একস্বরূপ ।  
এইজন্য আমি এইপ্রকার কহিতেছি । বিষ্ণুভক্ত পুণ্যায়ার  
এইপ্রকার স্থান । অতএব এখানে থাকিতে অথবা  
বৈকুণ্ঠে গমন করিতে পার । অনন্তর যযাতি মহাদেব  
কর্তৃক সমাদিষ্ট হইয়া, তথা হইতে প্রস্থান করিলেন । তৎ-  
কালে পৃথগবাস পরমপুণ্যাত্মা ভাগবতগণ তদীয় সম্মুখে  
নৃত্য করিতে লাগিল, চরাচর সমুদায় সুপাপন্ন শঙ্খনাদ,  
সুপুঙ্কল সিংহনাদ এবং সুগভীর ভেরিনাদসহকারে তাহার  
পূজা করিতে লাগিল ; শাস্ত্রকোবিদ পাঠকগণ ও গীত-  
কোবিদ গন্ধর্ভ সকল সুস্বরে গান করিতে লাগিল এবং  
সুরূপা অপ্সরোগণ সর্বতোভাবে পরিচর্যা করিতে লাগিল ।  
অনন্তর তিনি দেবগণ, ঋষিগণ, সিদ্ধচারণ গন্ধর্ভ ও কিন্নর-  
গণ, সাধ্য বিদ্যাধর ও মরুদগণ, বসু, রুদ্র, আদিত্য লোক-  
পাল ও প্রধান প্রধান পর্ষতগণ এইরূপে ত্রিলোকী কর্তৃক  
স্তু যমান হইয়া, নিরুপম নিরাময় বৈকুণ্ঠ ভবন অবলোকন  
করিলেন । সেই বৈকুণ্ঠ ভবন হংসকুম্ভেদুধবল সর্বশোভাঢ্য  
কাঞ্চনময় বিমানপরম্পুরায় পরিশোভিত ; মেরুকন্দর সদৃশ  
শত শত সৌম্য প্রাসাদে অলঙ্কৃত ; জাজ্বল্যমান কলস সমূহে  
ভাষাগণনিষেবিত তেজঃ ও শ্রীবিশিষ্ট আকাশের স্রাব

প্রকাশমান, এবং প্রোজ্জ্বল জ্বালা সকলে যেন শত শত চক্ষুবিক্ষারিত, হারময় বিবিধ রত্নখচিত সদন সকলে যেন হাম্ব ও ধ্বজপরাঙ্গরাব্যাপদেশে যেন সেই বিষ্ণুবল্লভ পুণ্যাত্মা-দিগকে আস্থান করিতে লাগিল। অধিকন্তু, বায়ু ভরে আন্দোলিত সুন্দর পল্লব শোভিত মনোহর ধ্বজাশ্রু, সূর্য্যভেজঃসদৃশ হেমময় দণ্ড, গোপুর, অট্টালক, রত্নখচিত জ্বালাময় মহাধন বাতাময়, সূবর্ণ সদৃশ প্রাকার, পরম প্রতিভা-বিশিষ্টপ্রাতোলা, বিবিধরত্নময়তোরণপতকা সূর্য্যবিক্রমসম্পন্ন চক্রবন্ধ, শঅদম্বুদমন্নিভ শতকণ্ঠ, প্রারটিকালীন জলদাকার মন্দির, দণ্ডচ্ছত্রসমাকীর্ণ কলস, ইন্দ্রনীলময় দণ্ডমানপতাকা, শঙ্খেন্দুসঙ্কাশ স্ফাটিক, বিবিধধাতুময় সূবর্ণনির্মিত প্রাসাদ-সম্বাধ ইত্যাদিতে উহার শোভাসমৃদ্ধির পরিসীমা নাই। ষাহারা শঙ্খচক্র গদাধর বাসুদেবের আরাধনা করে সেই পুণ্যশীল নিষ্পাপ বৈষ্ণবগণ তদীয় প্রাসাদে সর্বপুণ্যময় দিব্য গৃহ ও মন্দির সকলে বাস করিয়া থাকে।

মহীপতি যযাতি এইরূপে বিবিধ পাদপ, চন্দ্রশেভিত বন ও সর্বকাম ফলসমূহে সমলক্লুত বাপীকুপ তড়াগ ও সাগরসমূহে শোভমান এবং হংসকারওব সমাকীর্ণশতপত্র মহাপত্র পদ্মকঙ্কার উৎপল ও কনকোৎপল সকলে আমো-দিত সরোবরনিকরে বিরাজিত অনুভ্রম যোক স্থান বৈকুণ্ঠ-ভুবন দর্শন করিলেন। অনন্তর তিনি অমররুদ্রে পরিক্লুত সর্বদোষবহিস্কৃত দিব্যপুরে প্রবেশ করিয়া দেখিলেন যিনি সমুদায় দেবলোকের একমাত্র গতি, যিনি পরাৎপর ও পরম ঈশ্বর, যিনি সর্বক্লেশ বিনাশ ও সর্বদুঃখ হরণ করেন সেই পীতবসন জগন্নাথ শ্রীবৎসাক মহামতি অনাময় নারায়ণ

সর্বাভরণে ভূষিত বিমানপরম্পরায় পরিশোভিত, বৈনতেয়ে অধিরূঢ়, দেবগণে আকীর্ণ ও শ্রীর সমভিব্যাহারী হইয়া পরমানন্দ রূপ কৈবল্যে বিরাজমান রহিয়াছেন। মহাপুরুষ বৈষ্ণবগণ গন্ধর্ব সকল ও অঙ্গসরঃসমূহ তাঁহার সেবা করিতেছে। তদর্শনে মহারাজ যযাতি সেই পরম দৈবত নারায়ণকে প্রণাম করিলেন। তাঁহার সমভিব্যাহারে যে বাসুদেবভক্ত মানবগণ গমন করিয়াছিল তাহারাও তৎকালে ভক্তিভরে তদীয় পদারবিন্দ বন্দনা করিতে লাগিল।

মহাদেব হৃষীকেশ দীপ্ততেজা যযাতিকে প্রণাম করিতে দেখিয়া কহিলেন সূত্রত! আমি সন্তুষ্ট হইয়াছি। তোমার মনে যাহা আছে, সেই দুর্লভ বর প্রার্থনা কর। আমি তোমাকে নিঃসন্দেহ তাহাই দিব। যেহেতু তুমি আমার ভক্ত।

রাজা কহিলেন, আপনি দেবদেবেশ মধুসূদন! যদি তুষ্ট হইয়া থাকেন তাহা হইলে আপনার দাসত্ব প্রদান করুন।

বাসুদেব কহিলেন মহাভাগ! তুমি আমার অকপট ভক্ত। যাহা বলিলে তাহাই হইবে। এক্ষণে মদীয় লোকে অবস্থান কর। পৃথিবীপতি যযাতি এই প্রকার অভিহিত হইয়া সেই পরম প্রশস্ত বৈকুণ্ঠে বাস করিতে লাগিলেন।

## অষ্টাশীতম অধ্যায়



সুকর্মী কহিলেন, আপনার নিকট এই পাপ নাশন  
দিব্য চরিত্র কীর্তন করিলাম। পুত্রগণের উদ্ধার ও বহু  
শ্রেয় বিধান করে। এই ষযাতির চরিতাখ্যানে প্রত্যক্ষ  
দেখিতে পাওয়া যায়, পিতৃতীর্থপ্রসাদবলে মহাবাহু পুরু  
পুর রাজ্য ও অবশেষে স্বর্গ লাভ করিয়াছিলেন। ফলতঃ  
পিতা মাতার সমান পরম মহান্ তীর্থ নাই। উহা পুত্র-  
গণের পলিত্রাণ, পুণ্য বিধান, যশ সন্নিধান ধনধান্য সমাধান  
ও বহুফল প্রদান করিয়া থাকে। পিতা বা মাতা মাতি-  
লাষ চিন্তে পুত্রকে পুত্র পুত্র বলিয়া আহ্বান করিলে যে পুণ্য  
হয় শ্রবণ কর। পুত্র ঐ প্রকার সমাহুত হইয়া যদি হর্ষ  
ভরে তাহাদের অভিযান করে গঙ্গাস্নানের ফল প্রাপ্ত হয়।  
পাদপ্রাকালন করিলে উভয়ের প্রসাদে সর্বতীর্থের ফল লাভ  
করে; অঙ্গ সন্মাহন করিলে অশ্বমেধযজ্ঞের ফল সমুৎপাদন  
হয়; ভোজন ও আচ্ছাদন দ্বারা পূজা করিলে পৃথিবীদান  
পুণ্য প্রাপ্ত হইয়া থাকে। লোকে নিঃসংশয়ে নিরূপিত হই-  
য়াছে এবং পুরাণ কবিগণও অবগত আছেন। যে জননী  
সর্বতীর্থময়ী গঙ্গা এবং পিতা সর্বপুণ্যময় সিন্ধু। যে পুত্র  
পিতা মাতার নিন্দা বা আক্রোশ করে, সে বেদনাবহুল  
নরকে নিমগ্ন হয়। যে গৃহস্থ হইয়া বৃদ্ধ পিতা মাতার  
পোষণ না করে তাহার নিঃসন্দেহ রৌরব নরক প্রাপ্তি

## পদ্মপুরাণ ।

হয় । যে পুত্র স্বীয় কৰ্ম দ্বারা ঞ্জর প্রতি পাপবিধান করে তাহার নিষ্কৃতি লক্ষিত হয় না পুরাণ কবিগণ ইহা অবগত আছেন । বিপ্র ! আমি এইপ্রকার অবগত হইয়া প্রতিদিন ভক্তিভারনত কঙ্করে পিতা মাতার পূজা করিয়া থাকি । এবং কোন ব্যক্তি মদীর জনক জননীকে আহ্বান করিয়া কৃতাকৃত্য প্রয়োগ করিলে সৰ্বথা শঙ্কাপরিহার পূৰ্বক তাহার প্রতি অবিচারে প্রবৃত্ত হই । সেইজন্যই ইহাঁদের প্রসাদ বলে আমার গতিদায়ক পরমজ্ঞান সমুৎপন্ন ও সমস্ত সংসার পরিবর্তিত হইতেছে । চতুর্দিকস্থ মানবগণে যে কেহ যাহা কিছু অনুষ্ঠান করে, তৎসমস্তই আমার পরিজ্ঞাত হয় । তৎসৎ, তোমারও চরিত অবগত হইয়াছি । এতদ্ভিন্ন স্বর্গলোকেও মদীর জ্ঞান প্রবর্তিত হইয়াছে । নাগ ও যুগ-গণের গতি বিধিও আমার অবিদিত নাই । কলতঃ পিতা মাতার প্রসাদ বলে সমস্ত ত্রৈলোক্য আমার বশীভূত হইয়াছে । অতএব তুমি বৃথা গর্ঘ্যবহন করিও না ।

বিষ্ণু কহিলেন, দ্বিজশ্রেষ্ঠ সুকৰ্ম কর্তৃক এই প্রকার সম্বোধিত হইয়া, বিদ্যাধর পিপ্পল তাহাকে আমন্ত্রণ পূৰ্বক লজ্জিত চিত্তে স্বর্গে গমন করিলেন । ধর্ম্মাত্মা সুকৰ্ম্মাও পূৰ্ববৎ ঞ্জরসেবায় মনঃ সমাধান করিলেন । মহামতে ! আমি তোমার নিকট পিতৃতীর্থানুগত সমস্ত কীৰ্ত্তন করিলাম । এক্ষণে আর কি বলিতে হইবে, নির্দেশ কর ।

## উনাশীতিতম অধ্যায় ।

বেণ কহিলেন, দেবদেবেশ ভগবান্ হৃষীকেশ ! আপনি  
অনুগ্রহ পূর্বক ভাষ্যাতীর্থ, পিতৃতীর্থ ও পরম পুণ্যজনন  
মাতৃতীর্থ কীর্তন করিলেন । একণে প্রশন্ন হইয়া, গুরু-  
তীর্থ বর্ণন করুন ।

বিষ্ণু কহিলেন, রাজন্ ! পরম প্রশস্ত গুরুতীর্থ কীর্তন  
করিব । এই তীর্থ শিষ্যগণের পরম পবিত্র সনাতন ধর্ম-  
স্বরূপ সর্বপাপ হরণ, সর্বপুণ্য সাধন, সর্বাতিসম্পাদন, এবং  
পরম জ্ঞান বিধান ও প্রত্যক্ষ ফল প্রদান করিয়া থাকে ।  
রাজেশ্বর ! গুরুর প্রসাদে ইহলোকে কল ভোগ, পরলোকে  
সুখ, যশ ও কীর্তি প্রাপ্ত হওয়া যায় । গুরুর প্রসাদেই শিষ্য  
চরাচর ত্রৈলোক্য প্রত্যক্ষ দেখিতে পায়, যাবতীর লোকের  
আচার ব্যবহার অবগত হয় এবং গুরুর প্রসাদেই জ্ঞান  
বিজ্ঞান ও যোক লাভ করিয়া থাকে ! সূর্য্য যেরূপ সকল  
লোকের প্রসাধক, গুরু তক্রূপ শিষ্যগণের সাতিশয় বুদ্ধি  
সাধন করেন । রাজরাজ সোম যেরূপ রজনীতে সমুদিত  
হইয়া, স্বীয় তেজোবলে ঘন ঘোর অন্ধকার নিরস্ত করিয়া  
থাকেন, গুরু তক্রূপ অজ্ঞানতিমির পরিব্যাপ্ত শিষ্যদিগকে  
বিদ্যোতিত করেন । গুরুর উপদেশ রূপ দ্যুতিপ্রভাবে  
শিষ্য সাতিশয় প্রকাশিত হয় । সূর্য্য কেবল দিবসে ও  
চন্দ্র কেবল রাত্ৰিতেই প্রকাশিত হয়েন এবং দীপ

কেবল গৃহস্থিত তমোরাশি বিনষ্ট করে ; বি . . . . . কি  
দিন কি রাত্রি কি গৃহ কি বাহির সর্বদা সর্বত্র বিদ্যোভিত  
হইয়া থাকে, তাহাতে সংশয় নাই। কলতঃ, শিষ্যের  
অজ্ঞান অন্ধতমঃ, গুরু তাহার প্রকাশক সূর্য্য। এই জন্য  
গুরুই শিষ্যগণের পরমতীর্থ। শিষ্য এইপ্রকার অবগত  
হইয়া, সর্বতোভাবে গুরুকে প্রসন্ন করিবে। এবং গুরুই  
পুণ্যময় জানিয়া, ত্রিবিধ কৰ্ম্মযোগে তাহার পরিচর্যা করিবে।

সুত কহিলেন, বিপ্রবর্গ ! এ বিষয়ে মহাত্মা চ্যবনের  
সর্বপাপবিনাশন পুরাতন ইতিহাস শুনিতে পাওয়া যায়।  
মুনিমত্তম চ্যবন ভার্গববংশে জন্মগ্রহণ করেন। একদা  
তাঁহার এইপ্রকার চিন্তা সমুৎপন্ন হইল, কবে আমি সংসারে  
জ্ঞানবান্ হইব। তিনি জ্ঞানাথো হইয়া দিবানিশি ইহাই  
চিন্তা করিতে লাগিলেন। চিন্তা করিতে করিতে সহসা  
তাঁহার মতি হইল, অভীষ্টফলদায়িনী তীর্থযাত্রায় গমন  
করিব। অনন্তর তিনি পুত্র, কলত্র, গৃহ, ক্ষেত্র ও ধন  
প্রভৃতি পরিত্যাগ করিয়া, তীর্থযাত্রা প্রসঙ্গে মেদিনী ভ্রমণে  
প্রবৃত্ত হইলেন। তিনি আত্মার মায়া না জানিয়াই যাত্রা  
করিয়াছিলেন। যাহা হউক, সেই মুনীশ্বর নৰ্ম্মদা, সরস্বতী  
ও গোদাবরী প্রভৃতি সমুদায় নদী, সাগর, অন্যান্য পবিত্র  
তীর্থ ও ক্ষেত্র সমূহ এবং দেবগণের লিঙ্গ সকলের যাত্রা-  
ব্যপদেশে ভ্রমণ করিতে লাগিলেন। পরম তীর্থ সমুদায়ে  
পর্যটন করিয়া, তদীয় শরীর নির্ম্মল ও সূর্য্যতেজসদৃশ  
প্রতিভা প্রাপ্ত হইল। তিনি তৎপ্রভাবে পুণ্যাত্মা ও  
দীপ্তিমান্ হইয়া, সাতিশর শোভা ধারণ করিলেন। অনন্তর  
প্রীয়মাণ হইয়া, উত্তম ক্ষেত্র সকল ভ্রমণ পূর্বক নৰ্ম্মদার



দক্ষিণকূলে সর্বগতি বিধায়ক মন্দারামরকুণ্ডক ও মহালিঙ্গ  
ওঁকার তীর্থে সমাগত হইলেন । তথায় সিদ্ধিলাভ বাসনায়  
মহাদেবকে প্রণাম, স্তবও পূজা করিয়া, যথাক্রমে ব্রাহ্মণেশ,  
কপিলেশ ও মার্কণ্ডেশ তীর্থে গমন করিলেন ।

অনন্তর তথা হইতে যাত্রা করিয়া পুনরায় ওঁকার  
তীর্থে প্রত্যাবর্তন করিলেন । তথায় শ্রমনাশিনী সুশীতল  
বটচ্ছায়া আশ্রয় করিয়া, সুখে শয়ন করিয়া রহিলেন ।  
এমন সময়ে পশুভাষাসমায়ুক্ত জ্ঞানবিজ্ঞানসম্পন্ন পক্ষিশব্দ  
তদীয় কর্ণগোচরে পতিত হইল । বহুকাল জীবী কুঞ্জর নামা  
শুক সপুত্র ভার্যার সহিত সেই বটরূক্ষে বাস করিয়া থাকে ।  
তাহার চারি পুত্র, সকলেই কুলনন্দন । রাজেন্দ্র ! তাহাদের  
নাম বলিতেছি, শ্রবণ কর । জ্যেষ্ঠের নাম প্রজ্বল, মধ্যমের  
নাম সমুজ্জ্বল, কনিষ্ঠের নাম বিজ্বল এবং সর্ব কনিষ্ঠের নাম  
কপিঞ্জল । মহাত্মা কুঞ্জরের এইরূপে চারি পুত্র । তাহারা  
সকলেই পিতৃমাতৃপরায়ণ । ক্ষুধায় পীড়িত হইলে,  
ভোজনার্থ সমাহিত হইয়া, ক্ষুধাচিতে গিরিকুঞ্জে ও  
সকলে ভ্রমণ করে এবং অমৃতসন্নিভ ফলসমূহে স্ব স্ব ক্ষুধা  
নিবারণও পীযুষমুস্বাদসলিলে তৃষ্ণা নিরাকরণ করিয়া  
থাকে । অনন্তর পিতা মাতার জন্য পঞ্চরসাত্মক ফল সকল  
অতি যত্নে দস্তাগ্রে ধারণ করিয়া লইয়া আইসে । এইপ্রকার  
ভক্ষ্যভাব ও আহার সংগ্রহে তাহাদের সাতিশয় প্রতি  
ও নিরতিশয় আয়োদ উপস্থিত হয় । তাহারা কোথাও  
ক্রীড়ারত বা বিলাসে মগ্ন হইয়া থাকে না ; সন্ধ্যা হইলেই,  
পিতা মাতার জন্য যত্নাতিশয় সহকারে ভক্ষ্য সংগ্রহ করিয়া,  
তদীয় সান্নিধ্যে সমাগত হয় । মহানুভাব চ্যবন ঐ দিন

দর্শন করিলেন, তাহারা পূর্ববৎ আগমন করিয়া, কুলায় শোভা সম্পাদন ও পিতা মাতাকে যথাবিহিত প্রণাম পুরঃসর আকৃত খাদ্য নিবেদন করিয়া দিয়া, তাঁহাদের সম্মুখে দাঁড়াইয়া রহিল । তখন পিতামাতা তাহাদের সকলকেই প্রীতিসম্মিত সান্নিধ্য বাক্যে সম্ভাষিত ও সম্মানিত করিয়া, সুশীতল পক্ষবাতে সবিশেষ আপ্যায়িত করিল । এবং আশীর্ব্বচন প্রয়োগ পুরঃসর অভিনন্দনে প্রবৃত্ত হইল । অনন্তর পুত্রগণের প্রদত্ত অমৃতোত্তম প্রচুর খাদ্য প্রীতিসহকারে শনৈঃ শনৈঃ ভক্ষণ করিল । তৎকালে তাহাদের তৃপ্তিতেই পুত্রগণের পরম তৃপ্তি সম্পন্ন হইল । অনন্তর ভোজনাবসানে শুকদম্পতী স্বস্থান আশ্রয় করিয়া, কোটি তীর্থ সমুদ্ভূত নিষ্কুল সলিল অতিশয় ছফট মানসে পান করিতে লাগিল । পান সম্পন্ন হইলে, উভয়ে পাপনাশিনী দিব্য কথা আরম্ভ করিল ।

বিষ্ণু কহিলেন, পিতা কুণ্ডের পুত্র প্রজ্বলকে ছফটিতে বলিল, বৎস ! অদ্য তুমি কোন্ কোন্ স্থান ভ্রমণ করিলে ; তথায় কোন অপূর্ব্ব দর্শন বা শ্রবণ করিয়াছ কি না ?

প্রজ্বল পিতৃ বাক্যে ভক্তিতরে নতকঙ্কর হইয়া তাহারে প্রণাম ও মনোহারিণী কথা আরম্ভ করিয়া, প্রতু্যভর করিল, মহাভাগ ! আমি প্রতি দিন খাদ্য সংগ্রহার্থ অতিশয় উদ্যম সহকারে প্লক্ষ দ্বীপে পর্যটন করি । মহামতে ! এই দ্বীপে অনেক দেশ, পর্বত, সরিৎ, সরোবর, বন, উপবন, গ্রাম, পত্তন ও সুন্দর স্থলী সকল লক্ষিত হইয়া থাকে । তত্রত্য লোক সকল দান, পুণ্য, তপস্যা, শ্রদ্ধা ও ভক্তি বিশিষ্ট এবং নিরতিশয় ছফটিত হইয়া, সুখে বাস করে । এখানে

দিবোদাস নামে সত্যধর্মুপরায়ণ বিখ্যাত রাজর্ষি আছেন ।  
 তদীয় অপত্যের নাম দিব্যাদেবী । তিনি নারীগণের  
 মহারত্ন গুণ, রূপ ও পরম শীল সম্পন্ন । এবং সৌন্দর্য্যে  
 পৃথিবীতে অদ্বিতীয়া । পিতা সেই চাক্ষুসী রূপতাক্রম্য-  
 সুশোভনা দিব্যাদেবীকে প্রথম বয়সে পদার্পণ করিতে  
 দেখিয়া, কোন্ মহাত্মা সুপাত্রে সম্প্রদান করিবেন, ভাবিতে  
 লাগিলেন । অনেককাল চিন্তা করিয়া, রূপদেশপতি  
 মহাত্ম্য চিত্রসেনকে পাত্র স্থির করিলেন । অনন্তর  
 তাঁহারে আহ্বান করিয়া, কন্যা সম্প্রদানে উদ্যত হইলেন ।  
 কিন্তু বিবাহ সময়েই চিত্রসেন কালধর্ম্মে উপরত হইলেন ।  
 তখন ধর্ম্মাত্মা দিবোদাস অতিশয় চিন্তাকুলিত চিত্তে  
 ব্রাহ্মণদিগকে আহ্বান করিয়া, জিজ্ঞাসা করিলেন, চিত্রসেন  
 বিবাহসমকালেই স্বর্গ লাভ করিয়াছেন । আপনারা কন্যার  
 ইতিকর্তব্যতা নির্দ্ধারণ করুন ।

ব্রাহ্মণগণ কহিলেন, বিধানতঃ কন্যার বিবাহ দেওয়া  
 কর্তব্য । ভাবিয়া দেখুন, স্ত্রী কুরুপা বা মহাব্যাধিতে  
 আক্রান্ত হইলে, স্বামী রূপলালসু হইয়া, তাহাকে পরিত্যাগ  
 করে । ধর্ম্মশাস্ত্রে ঐরূপ স্বামীকে প্রতর্জিত বলে । অত-  
 এব স্বামী মরিয়া গেলে, স্ত্রী তাহাকে অবশ্যই ত্যাগ করিতে  
 পারে । কিন্তু ষাৎ রজস্বলা না হয়, তাৎ অন্য পতি  
 গ্রহণ করিবে । এবং পিতাও বিধানানুসারে তাহারে অন্য  
 পাত্রে সম্প্রদান করিতে পারেন । ধর্ম্মশাস্ত্রবিৎ পুরুষগণ  
 এইপ্রকার নির্দেশ করিয়াছেন । ইহাতে কোন সংশয় নাই ।  
 অতএব আপনি বিবাহ বিধান করুন ।

ধর্ম্মাত্মা দিবোদাস দ্বিজোত্তমগণের বাক্য শ্রবণ করিয়া,

কন্যার বিবাহ জন্য সমুদাত হইলেন এবং পুনরায় দিব্যা-  
 দেবীকে পুণ্যশীল মহানুভাব রাজা রূপসেন হস্তে সম্প্রদান  
 করিলেন । রূপসেনও বিবাহসমকালে মৃত্যু ধর্ম প্রাপ্ত  
 হইলেন । এই রূপে দিব্যাদেবীকে যখন যখন দান করি-  
 বার উদ্যোগ হয়, তত্কালে বিবাহসময়ে লগ্নমুহুর্তে স্বামী  
 মরিয়া যায় । ক্রমে ক্রমে একাংশতি ভর্তা মৃত্যুমুখে নিপ-  
 তিত হইল । তদর্শনে খ্যাতবিক্রম নরপতি দিবোদাস  
 অতিশয় দুঃখিত হইয়া উঠিলেন এবং মন্ত্রীদিগকে আহ্বান  
 পূর্বক সবিশেষ বিবেচনা সহকারে কৃতনিশ্চয় হইয়া;  
 স্বয়ংবরের কল্পনা করিলেন । অনতিকাল মধ্যেই প্লক্ষ-  
 দ্বীপবাসী রাজা সকল সমাহৃত হইয়া, আগমন করিতে  
 লাগিলেন । এবং তদীয় রূপ দর্শন করিয়া, নিতান্ত হতজ্ঞান  
 হইয়া পড়িলেন । অনন্তর সেই ধর্মতৎপর নরপতিগণ  
 মৃত্যু প্রেরিত হইয়া, পরম্পর সংগ্রামে প্রবৃত্ত ও মৃত্যুকবলে  
 পতিত হইলেন । এই রূপে ক্ষত্রিয়বল নিহত হইলে,  
 দিব্যাদেবী অতিশয় দুঃখাৰ্ত্তা হইয়া, বনকন্দের গমন করিল ।  
 তথায় করুণস্বরে রোদন করিতে লাগিল । তাত ! তৎ-  
 কালে তথায় এইপ্রকার অপূর্ব দর্শন করিয়াছি । আপনি  
 ইহার কারণ কি, সবিস্তার নির্দেশ করুন ।

## অশীততম অধ্যায় ।

কুঞ্জর কহিল, বৎস ! দিব্যাদেবীর চরিত্র কীর্তন করিব । তাহার জন্মাস্তরীণ বৃত্তান্ত শ্রবণ কর । বারাণসীনাথী পাপনাশিনী পবিত্রা নগরী আছে । তথায় বৈশ্যবংশাবতংস সুবীর নামে ধনধান্য সম্পন্ন অতিশয় জ্ঞানবিশিষ্ট কোন ব্যক্তি বাস করে । তাহার ভাৰ্য্যার নাম শুচিস্মিতা চিত্রা । চিত্রা কুলাচার পরিত্যাগ করিয়া, সৰ্বদাই অনাচারে প্রবৃত্তা হইত । এবং সাতিশয় প্রথরা হইয়া, স্বামীর প্রতি অবমাননা করিত । তাহার ধর্ম ও পুণ্যের লেশমাত্র ছিল না । সে একমাত্র পাপপরায়ণা ও কলহপ্রিয় হইয়া, সৰ্বদাই স্বামীর কুৎসা করিত ; নিত্য পরগৃহবাসিনী হইয়া, গৃহে গৃহে ভ্রমণ করিত ; প্রাণিমাতে সুরতিসন্ধানবশবর্তিনী হইয়া, প্রতিনিয়ত পরচ্ছিদ্রে দর্শন করিত ; এবং অনবরত সাধুগণের নিন্দা ও অতিশয় হাস্য করিয়া বেড়াইত । মহামতি সুবীর তাহারে আচারভ্রষ্টা পাপকারিণী জানিয়া, অন্যতর সতী বৈশ্যকন্যার সন্ধান পূর্বক তদীয় পাণিগ্রহণ করিল । এবং তাহার সহিত গৃহস্থে প্রবৃত্ত হইল । সুবীর যেরূপ ধর্মাত্মা ও পুণ্যশীল, সেই কন্যাও সেইরূপ সত্য ও পুণ্যশালিনী ।

এদিকে অতিমাত্র চণ্ডস্বভাবা চিত্রা স্বামী কর্তৃক পরিত্যক্তা হইয়া, পৃথিবী ভ্রমণ করিতে লাগিল । এবং দুষ্টি প্রাণিগণের সহবাস সংঘটনপূর্বক পাপ নিশ্চয়া হইয়া,

অনবরত ক্রুর কর্মের অনুষ্ঠানে প্ররক্ত হইল । কখন পাপমতি হইয়া, সাধুগণের গৃহভঙ্গ, কখন সাধী ললনারে আহ্বান পূর্বক পাপ বাক্যে প্রলোভন ও নানাপ্রকারে প্রত্যয় প্রদান পূর্বক মর্শ্বচ্ছেদন, কখন তাহাকে স্বামী হইতে বিচ্ছিন্ন করিয়া অন্য হস্তে প্রদাপন, ইত্যাদি বহুতর পাপকর্মের বিধান করিতে লাগিল । এইরূপ গৃহশত ভঙ্গ করিয়া, স্বয়ং কালকবলে নিপতিত হইল । যমপুরে উপনীত হইলে, ধর্ম-রাজ বহুদণ্ডবিধানপূর্বক তাহারে শাসন করিলেন । সে বহুকাল ঘোর নরক সকল ভোগ করিয়া, অতিশয় চিন্তাযুক্ত হইল । এবং রৌরব নরকে পতিত হইয়া, অতিমাত্র মনঃ-পীড়া দর্শন করিল । ফলতঃ, সে যে রূপ কর্ম করিয়াছিল, এক্ষণে তাদৃশ ফল ভোগ হইতে লাগিল । তাহার পাপ নিশ্চয় বশতঃ যেমন শত শত গৃহ ভগ্ন হইয়াছিল, তৎকালে তদনুরূপ কর্মবিপাক উপস্থিত হইল । তজ্জন্য তাহার দুঃখের অবধি রহিল না । যে যাহা হউক, পূর্বে পাপা-নুষ্ঠানবশতঃ বিবাহ সময় উপস্থিত হইলেই, তাহার স্বামী উপরত হইত । সে শত শত গৃহ ভগ্ন করে, এই জন্য তাহার শত শত স্বামী মরিয়া যায় । বৎস ! যাহা জিজ্ঞাসা করিয়াছিলে, দিব্যাদেবীর সেই পূর্ব চেষ্টিত ও পূর্ব সম্বন্ধ সমস্ত কীর্তন করিলাম । প্রভুল কহিল, চিত্রা গৃহভঙ্গ মহা-পাপে লিপ্তা হইয়াছিল । কিন্তু প্লকপতি দিবোদাসের কন্যা হইয়া জন্মগ্রহণ করে । কিরূপ পুণ্যপ্রভাবে এরূপ মহাকল প্রাপ্তি হয় । এ বিষয়ে আমার সংশয় হইয়াছে, নিরাকরণ করুন । তাত ! চিত্রা এইপ্রকার শাপীয়সী হইয়াও, রাজকন্যা হইল !

কুঞ্জর কহিল, চিত্রা পূর্বে যাছা বিধান করে, সেই পুণ্য-  
চরিতও বলিতেছি, শ্রবণ কর । একদা কোন মহাপ্রাজ্ঞ  
সিদ্ধ ভ্রমণ করিতে করিতে সমাগত হইল । তাঁহার পরি-  
ধান কৌপীনমাত্র ; শরীরে বস্ত্র নাই, হস্তে দণ্ড, স্কন্ধদেশে  
কতিপয় কুৎসিত চেলখণ্ড, এবং পাঁত্রে কোনপ্রকার আহার্য  
নাই । সেই দিগম্বর গৃহঘার আশ্রয় করিয়া, ছায়ায় অব-  
স্থান করিলেন । চিত্রা তাঁহারে শ্রমকাতর দর্শন করিয়া,  
অতিশয় দয়ার্দ্ৰ হইল । তৎক্ষণাৎ পাদপ্রক্ষালন করিয়া  
বসিতে আসন দিয়া কহিল, তাত ! এই সুকোমল আসনে  
সুখে উপবেশন ; উত্তম অন্ন ভক্ষণ ও সুশীতল মলিল পান  
করুন । অনন্তর অঙ্গ সন্ধান পূর্বক তদীয় শ্রমনোদন করিয়া,  
পুনর্বার কহিল, তাত ! পানভোজনানন্তর সুখী হইয়া, মদীয়  
কল্যাণ বিধান করিয়া, প্রস্থান করুন । চিত্রা এইপ্রকার  
সন্তোষ সম্পাদন করিলে, তত্ত্বার্থদর্শী মহানুভব সিদ্ধ অতি-  
মাত্র হর্ষিত হইলেন এবং কিয়ৎকাল স্থির হইয়া রহিলেন ।  
অনন্তর ইচ্ছানুসারে যথাগত প্রয়াণ করিলেন । মহাভাগ  
মহাযোগী সিদ্ধ প্রস্থান করিলে, চিত্রা অবসর পাইয়া, স্বকীয়  
কন্মের বিনবিষ্ট হইল ।

বিষ্ণু কহিলেন, মরণান্তর চিত্রা ধর্মরাজ কর্তৃক নির-  
তিশয় দুঃখ দণ্ডে দণ্ডিত হইয়া, যুগ সহস্র বহুবেদনা সম-  
ন্বিত নরক দুঃখ ভোগ করিল । ভোগাবসানে পুনরায়  
মানুষ জন্ম প্রাপ্ত হইল । সে পূর্বে শ্রদ্ধাসহকারে শুদ্ধ  
চিত্তে সিদ্ধদেবের পূজা করে । সেই কণ্ঠবিপাকে পুণ্য-  
ফল প্রাপ্ত হইয়া, কত্রিয়রাজ দিবোদাসের কন্যারূপে প্রাপ্ত-  
ভূত হইল । অসি মহামতে ! সে যে অন্নপান প্রদান করিয়া-

ছিল, এক্ষণে তাহারও মহৎ পুণ্য কল সম্পূর্ণ হইল। মহা-  
রাজ দিবোদাসের গৃহে থাকিয়া, প্রতি দিন সুশীতল জল,  
মিষ্টান্ন ভোজন ও বিবিধ দিব্য বিষয় ভোগ করিতে  
লাগিল। চিত্রা এইরূপে লোকের গৃহভঙ্গজন্য পাপ-  
প্রভাবে নরক ভোগ করিয়া, পরিশেষে সিদ্ধদেব প্রসাদে  
রাজকন্যা ও বিবিধভোগশালিনী হইয়াছিল। দিব্যাদেবীর  
সমুদায় সূচেষ্টিত বর্ণন করিলাম। আর কি বলিতে হইবে,  
জিজ্ঞাসা কর ।

প্রজ্জ্বল কহিল, সেই কন্যা কিরূপে নিরতিশয় শোক  
দুঃখে অব্যাহিত পাইয়াছিল। তৎকালে তাহার কিপ্রকার  
অবস্থা ঘটিয়াছিল। তাহার কর্মবিপাকই বা কিরূপ হইয়া-  
ছিল। আমার এই সকল সন্দেহ ছেদন করিতে হইবে।  
আহা, সেই মহাভাগা একাকিনী ঘোররবে কতই রোদন  
করিয়াছিল। অনন্তর যে উপায়ে মুক্তিলাভ করে, তাহাও  
নির্দেশ করুন ।

মহাপ্রাজ্ঞ কুঞ্জর পুত্রবাক্য শ্রবণে ক্ষণকাল চিন্তাপরায়ণ  
হইলেন। অনন্তর প্রত্যুত্তর করিলেন, বৎস ! শ্রবণ কর । সত্য  
করিয়া বলিতেছি, পাপযোনিতে জন্মগ্রহণ করিয়া, আমার  
স্মৃতিভ্রংশ ও ত্রির্ষ্যক্‌যোনিত্ব প্রযুক্ত জ্ঞানও নষ্ট হইয়াছে।  
তথাপি, বরাকী চিত্রা যেক্রূপে মোক্ষ ও মোক্ষপ্রবর্তক  
জ্ঞান লাভ করে, সেই মোক্ষসাধন উপদেশ ত্বদীয় প্রশ্ন,  
মহাভাগ প্রণব, রেবা ও ভগবান, বাসুদেবের প্রসাদে  
ষথাষথ কীর্তন করিব। যেক্রূপ অগ্নি সংযোগে সুবর্ণ নির্মূল  
হইয়া, তদীয় স্বরূপ প্রাপ্ত হয়, সেই রূপ মনুষ্য নিষ্পাপ  
হইলেই শুদ্ধি লাভ করিয়া থাকে। বাসুদেবের ধ্যান জপ,



ও হোম প্রভাবে লোকের পাপ সমস্ত বিনষ্ট হয় । নাগ যথা সিংহ ভয়ে মদশ্রাব করে, তদ্বৎ বাসুদেবের নামমাত্র সমস্ত কিল্বিষ বিদূরিত হয় । যজ্ঞপ গরুড় ভয়ে আশীবিষ বিবহীন হইয়া থাকে, তদ্বৎ চক্রপাণীর নামোচ্চারণ মাত্রেই ব্রহ্ম হত্যাदि পাতক সমস্ত প্রলয় প্রাপ্ত হয় । চিত্রা যে মাত্র কামক্রোধ বিসর্জন, সর্বেन्द्रিয়সংযমন, আত্মাতে আত্ম গোপন, ও স্থির ভাব অবলম্বন পূর্বক একীভূত হইয়া বাসুদেবের ধ্যানধারণায় প্রবিষ্ট হইল এবং তদীয় মলরাশি বিনাশন শত নাম জপ করিতে লাগিল, তৎক্ষণাৎ তন্মনা, তদগতা তদাভিতা, তল্লীনা, তজ্জানা ও তদ্যোগযুক্তা হইয়া, যুক্ত হইয়া গেল ।

প্রজ্জ্বল কহিল, তাত ! পরম জ্ঞান কাহাকে বলে, প্রথমে তাহা নির্দেশ করুন ! পশ্চৎ ধ্যান, ত্রত ও শত নাম শ্রবণ করিব ।

কুঞ্জর কহিল, যাহা সর্বথা দোষশূন্য, সেই কেবল কৈবল্য রূপ পরজ্ঞান বলিতেছি, শ্রবণ কর । প্রদীপ যে রূপ নিশ্চল ও নিৰ্কাঁত হইলে, প্রজ্জ্বলিত হইয়া, সমস্ত অন্ধকার নাশ করে, সেইরূপ যাহার উদয়ে আত্মা সর্বদোষ বিহীন ও নিরালম্ব হয় ; আশা ও চঞ্চলতা দূরীভূত হয়, শত্রু মিত্র জ্ঞান নিরাকৃত হয়, শোক হর্ষ, উন্মাদ, লোভ ও মোহ মৎসর বিনষ্ট হয়, অম সত্ত্বম ও সুখ দুঃখ পরিহৃত হয় ; ইन्द्रিয়গণ স্ব স্ব বিষয় হইতে প্রত্যাহত হয়, তাহাকেই কৈবল্য স্বরূপ পরজ্ঞান বলে । প্রদীপ যেরূপ কণ্ডুপ্রসাদে প্রদীপ্ত হইয়া, তৈলশোষণ ও পশ্চাৎ বায়ু বর্জিত ও স্থিরীভূত হইয়া তৈল কজ্জল বমন করে, ঐ সময়ে তাহার

যেমন কুম্বরেখা লক্ষিত হয়, অনন্তর তেজবলে তৈল শোষণ করিয়া, উত্তরোত্তর নির্মল হইয়া থাকে, তদ্বৎ শরীরস্থ জ্ঞান-বহি কস্মুতৈল শোষণ ও বিষয় সকলের অমুগত করিয়া প্রত্যক্ষ প্রদর্শন করে। অনন্তর প্রজ্বলিত ও নির্মলীভূত হইয়া, আপনাকে প্রকাশিত করিয়া থাকে। তৎকালে ক্রোধলোভাদি সঙ্গরূপ বায়ুবিহীন হওয়াতে, ঐ বহি সর্বথা নিশ্চল ও নিস্পন্দ হইয়া, তেজোবলে স্বয়ং উজ্জ্বল হয়। তখন স্বস্থানে থাকিয়াই, সমস্ত ত্রৈলোক্য কেবল জ্ঞানরূপ চক্ষু দ্বারা দেখিতে পাওয়া যায়।

পরমার্থপরায়ণ মহাত্মা যুনীন্দ্রগণ যোগযুক্ত হইয়া, যে সর্বজ্ঞ ও সর্বদর্শীকে দর্শন করেন, যিনি অহস্ত ও অপদ হইয়াও সর্ব কার্য সাধন ও সর্বত্র গমন করেন, যিনি অরূপ হইয়াও সৰূপ, যিনি সর্বলোকের প্রাণ ও সংসারের পূজিত, যিনি নীরসন হইয়াও সমুদায় বেদ শাস্ত্র বলিয়াছেন, যিনি নিস্ত ক হইয়াও সকলের স্পর্শন করিতে সক্ষম, যিনি সদা-নন্দ, বিরক্তাত্মা, নিরাশ্রয়, নিগুণ, নিশ্চয়, সর্বব্যাপী, সগুণ, নির্মল, অবশ, সর্ববশ্য, সর্বদ, ও সর্ববিত্তম, যিনি সর্বদা আছেন বা নাই, যিনি স্থাবর জঙ্গম সমুদায়ই গ্রহণ করেন, স্মৃখ ও অচক্ষু হইয়াও ভক্ষণ ও দর্শন করেন, কণ ন থাকি-লেও সমুদায় শুনিতে পান, যিনি সকলের সাক্ষী ও সর্বময়, তিনিই জগতের পতি ও বিভূ। যে ব্যক্তি পরমাত্মার এইপ্রকার সর্বময় ধ্যান ধারণা করে, তাহার পরম স্থান ও অমৃতোপম অমৃত লাভ হয়। এক্ষণে পরমাত্মার দ্বিতীয় প্রকার ধ্যান কীর্তন করিব। সেই পরাংপর বিষ্ণু মূর্তাকার সাকার, নিরাকার ও নিরাময়। অখিল ব্রহ্মাণ্ড তদীয় বসুতে

পরিচ্ছিন্ন, এই জন্য তিনি বামুদেব বলিয়া পরিগণিত । তিনি বর্ষমাণ মেঘের সদৃশ বর্ণ বিশিষ্ট ও সূর্যের স্যায় তেজ সম্পন্ন । তিনি চতুর্ভূজ ও সুরেশ্বর ! তাঁহার দক্ষিণে হেমরত্ন বিভূষিত শঙ্খ ও বামে সূর্য্যবিম্ব সমাকীর্ণ চক্র । তাঁহার সবে্যতর হস্তে অশুরবিনাশিনী কোমোদকী গদা ও দক্ষিণ হস্তে স্নুগন্ধাত্য মহাপদ্ম । তিনি কমলাপ্রিয় ও আয়ুধ সমূহে সর্বদাই শোভমান । তাঁহার গ্রীবা রেখাত্রেয়ে অঙ্কিত, আন্য রত্নের ন্যায়, লোচনযুগল পদ্মপত্রের ন্যায়, দশন সকল রত্নের স্যায়, অধর বিষের স্যায় । তিনি গুড়াকেশ, হৃষীকেশ, পুণ্ডুরীকাক্ষ, জনার্দন, বিজয়, জয়ভাংবর, হরি, গোবিন্দ, লোক সকলের কর্তা, জগতের প্রভু ও গরুড়াকৃৎ কেশব । কিরীট, কোমুভ, সুবিশাল রূপ, সূর্য্যতেজঃসদৃশী প্রতিভা, শ্রীবৎস, কেয়ুর, কঙ্কন, হার, হেমবর্ণ দুকূল, সুবিশাল শরীর, ক্রমসূক্ষ্ম বিযুক্ত অঙ্গুলী ; সুসম্প্রাপ্ত সর্বপ্রকার আয়ুধ, দিব্য আভরণ ইত্যাদিতে তাঁহার শোভাসমৃদ্ধির পরিসীমা নাই । মনুষ্য অনন্য চিত্তে এইপ্রকার ধ্যান করিলে, সমুদায় পাপ হইতে বিযুক্ত ও বিকুণ্ঠ লোক প্রাপ্ত হয় । এই আমি তোমার নিকট জগৎপতি জনার্দনের সমস্ত ধ্যানভেদ কীর্ত্তন করিলাম । এক্ষণে সর্ব পাপবিনাশন ত্রৈত ব্যাখ্যান করিব ।

## একাদশীতিতম অধ্যায় ।

কুঞ্জর কহিল, ত্রতও নানাপ্রকার । উহাতে হরির আরাধনা হয় । বলিতেছি, শ্রবণ কর । জয়া, বিজয়া, পাপনাশিনী জয়ন্তী, ত্রিম্পূশা ব্যঞ্জনী, তিলপাদা, অখণ্ড দ্বাদশী, মনোরথী এইরূপে একাদশীর অনেক প্রকার ভেদ লক্ষিত হয় । যাহা হউক, একাদশী, অশূন্য শয়ন, ও জন্মাষ্টমী মহাত্রত এই ত্রিবিধ ত্রতের অনুষ্ঠান করিলেই পাপ বিদূরিত হয় । এ বিষয়ে সন্দেহ বা অস্বার্থতা নাই ।

খগোত্তমগণ ! সম্প্রতি সেই ভগবান বাসুদেবের শতনামাখ্য পাপরাশিবিনাশন গতিদায়ক স্তোত্র কীর্তন করিব, সকলে শ্রবণ কর । ব্রহ্মা এই শত নামস্তোত্রের ঋষি, ওঁকার দেবতা, অনুষ্ঠূপ ছন্দঃ এবং বিনিয়োগ সর্বকামসিদ্ধার্থ ও সর্বপাপবিনাশার্থ । ওঁ, ছবীকেশ, কেশব ও মধুসূদনকে নমস্কার করি । তিনি সকল দৈত্যের অন্তক, জয়শীল, বিজয়ী, বিশ্বের ঈশ্বর, পূণ্যস্বরূপ বিশ্বনিলয়, সুরগণের অর্চিত, নিষ্পাপ, বিষ্ণু, পাপ সমূহের হর্তা, নারসিংহ, শ্রীর আশ্রয়, শ্রীপতি, শ্রীধর, শ্রীদ, শ্রীনিবাস, মহোদয়, শ্রীরাম, মাধব, মোক্ষ, ক্ষমারূপ, জনার্দন, সর্বজ্ঞ, সবেত্তা ধর্মজ্ঞ, সর্গনায়ক, হরি, মুরারি, পদ্মনাভ, প্রজাপতি, আনন্দ, জ্ঞানসম্পন্ন, জ্ঞানদ, জ্ঞান স্বরূপ, অচ্যুত সূবল, চক্র, চক্রপাণি, পরাবর, জয়াধার, জগদ্যোগি

ব্রহ্মরূপ, মহেশ্বর, যুকুন্দ, বৈকুণ্ঠ, একরূপ, জগৎপতি, বাসু-  
 দেব, মহাদেব, ব্রাহ্মণ্য, ব্রাহ্মণপ্রিয়, গোপ্রিয়, গোহিত,  
 যজ্ঞ, যজ্ঞাঙ্গ, যজ্ঞ বর্দ্ধন, যজ্ঞভোক্তা, বেদ ও বেদাঙ্গপরা-  
 য়ণ, বেদজ্ঞ, বেদরূপ, বিদ্যাবাস, সুরাধিপ, অব্যক্ত, মহা-  
 হংস, শঙ্খ, পাণি, পুরাতন, পুরুষ, পুষ্করাক্ষ, বরাহ, ধরনী-  
 ধর, প্রহ্ম, কামপাল, ব্যাস, বাল, মহেশ্বর, সর্বসৌখ্য,  
 সাধ্য, পুরুষোত্তম, যোগরূপ, মহাজ্ঞান, যোগপ্রিয়, সুরারি,  
 লোকনাথ, পদ্মহস্ত, গদাধর, গুহাবাস, সর্ববাস, পুষ্পহাস,  
 মহাজন, নিত্য ও নিরাময় নারায়ণ । আমি তাঁহার নমস্কার  
 করি । যে পুণ্যকর্তা স্থির চিত্তে এই শত নাম সমুচ্চারণ  
 করিয়া, শ্রীকৃষ্ণের স্তব করেন, তিনি ঐহিক দোষ বিমুক্ত ও  
 পবিত্র হইয়া, মধুসূদনলোক প্রাপ্ত হইবেন । অতএব অনন্ত-  
 ছন্দয়ে জপধ্যানসমন্বিত সর্বপাতকবিনাশন এই পরম পবিত্র  
 শত নাম জপ করিবে । তাহা হইলে, নিত্য গঙ্গাস্নান  
 লাভের ফল লাভ হয় । এক্ষণে তুমি সমাহিত ও স্থিরচিত্ত  
 হইয়া, ইহা জপ কর । সম্যক সংযত হইয়া, নিয়ম পূর্বক  
 ত্রিকাল জপ করিলে, অশ্বমেধযজ্ঞের ফল লাভ হয়, তাহাতে  
 সন্দেহ নাই । একাদশীর উপবাস করিয়া, জাগরণ পূর্বক  
 জপ করিলে, যে পুণ্য হয়, বলিতেছি, ঐ ব্যক্তি পুণ্ডরীক-  
 যজ্ঞের ফল প্রাপ্ত হইয়া থাকে । তুলসীর সন্নিহিত হইয়া,  
 জপ করিলে, দেব বা মানব রাজসুয়যজ্ঞের ফল লাভ করে ।  
 সুখাভিলাষী ব্যক্তি শালগ্রাম ও দ্বারবতী শিলা উভয়ের  
 সন্নিধানে এই নাম জপ করিবে । তাহা হইলে, স্বয়ং বহু-  
 সুখভোগ করিয়া, শতকুল একাকীই উদ্ধার করিতে পারা  
 যায় । যে ব্যক্তি কার্তিকস্নায়ী হইয়া, পূজানন্তর বাসুদেবের

এই প্রকার স্তব করে, তাহার পরম গতি সম্পন্ন হয় । মাস-  
স্নানী হইয়া, পূজা ও জপ করিলে, অথবা জপ শ্রবণ করিলে,  
সুরাপানাদিক সমস্ত পাতক বিনষ্ট ও পরম পদ প্রাপ্তি  
হইয়া থাকে । এবং চরমে জনার্দন গতি সম্পন্ন হয় ।  
শ্রাদ্ধকালে ব্রাহ্মণগণের সহিত এই পাতকবিদূরন স্তব পাঠ  
বা জপ করিলেও পিতৃগণ তৃপ্ত ও পরাগতি প্রাপ্ত হইবেন ।  
ফলতঃ উক্ত স্তব পাঠ করিলে, ব্রাহ্মণ বেদবিৎ, ক্ষত্রিয়  
বিজয়ী, বৈশ্য ধনসমৃদ্ধিসম্পন্ন, এবং শূদ্র পরমসুখভোগ  
করিয়া, চরমে ব্রাহ্মণ হয় ও জন্মান্তরে বেদবিদ্যা বিতরণ  
করে । অতএব এই সুখমোক্ষসাধন স্তোত্র সর্বথা জপ করা  
কর্তব্য । তাহাতে কেশবের প্রমাদে সর্ব সিদ্ধ সম্পন্ন হয় ।

## দ্ব্যশীতিতম অধ্যায় ।



কুঞ্জর কছিল, পুত্র ! ত্রুত, ধ্যান, জ্ঞান ও স্তোত্র সমুদায়  
তোমার সমক্ষে সবিশেষ কীর্তন করিলাম । সেই দিব্যা-  
দেবী এই চতুর্ভুজের অনুষ্ঠান করিলেই, সর্বসুখসাধন  
বৈকুণ্ঠে গমন করিবে । অতএব তুমি এখান হইতে গমন  
করিয়া, তাহারে প্রবোধিত কর । আমি তোমার জিজ্ঞা-  
সিত পাপনাশন পরম পুণ্যজনক কথা কীর্তন করিলাম ।  
তুমি ত্বরায় প্রস্থান কর । এই বলিয়া তিনি বিরত হইলেন ।

বিষ্ণু কহিলেন, মহামতি প্রজ্বল কুঞ্জর কর্তৃক মুক্ত হইয়া, পিতা মাতা উভয়েরই চণ বন্দনা পুরঃসর স্বরিত গমনে প্লক্ষ দ্বীপে গমন ও সর্বতোভদ্র গিরি দর্শন করিল । ঐ পার্বত নানাধাতু সমাকীর্ণ, নানারত্নময় উত্তুঙ্গশেখর সমূহে সুশোভিত এবং নির্মল প্রস্রবণ সকলে পরিপূর্ণ । তথায় বিশাল নদী সকল প্রবাহিত হইতেছে, কিন্নর ও গন্ধর্ব্ব সকল সুস্বরে গান করিতেছে; অপ্সরা সকল নৃত্য করিতেছে, দেব ও ঋষি সকল বিচরণ করিতেছেন; সিদ্ধ ও চারণ সকল কেলি করিতেছে; বিহঙ্গম সকল হর্ষভরে শব্দ করিতেছে । প্রজ্বল লঘুগতি সেই পার্বতে উপনীত হইয়া, দেখিল, দিব্যা বক্রগন্ধরে তথায় উচ্চৈঃস্বরে রোদন করিতেছে । তদর্শনে তাহারে কহিল, কল্যাণি ! তুমি কে, কিজন্য রোদন করিতেছ ? কেহ কি তোমার অনিষ্ট করিয়াছে ? আপনার দুঃখের কারণ নির্দেশ কর ।

দিব্যা কহিল, মহাভাগ ! আপনি কে ? অনুগ্রহ পূর্ব্বক মদীর দুঃখে পীড়িত হইয়াছেন ? আপনি পক্ষিরূপ ধারণ করিয়াও সুন্দর বাক্যবিন্যাস করিতেছেন ।

প্রজ্বল সমস্ত শ্রবণ করিয়া কহিল, মহাভাগে ! আমি পক্ষী ; সিদ্ধ বা জ্ঞানবান্ নহি । তুমি উচ্চৈঃস্বরে রোদন করিতেছ, কেন, দেখিবার জন্য সমাগত হইয়াছি । ঐক্ষণে জিজ্ঞাসা করিতেছি. ইহার কারণ কি বল । কিজন্যই বা পিতৃগেহ ত্যাগ করিয়াছ ।

মহাত্মা প্রজ্বল সুদুঃখিতা দিব্যাদেবীরে এই প্রকার কহিলে, তিনি আপনার দুঃখের কারণ সমুদায় একে একে কহিতে লাগিলেন এবং যেরূপে বিবাহ কালে স্বামী সকল

মৃত্যুকালে পতিত ছয়েন, তাহাও সংক্ষেপে কীর্তন করিলেন । প্রজ্বল সবিশেষ শুনিয়া কহিল, অয়ি সুলোচনে ! তুমি পূর্বজন্মে পাপ করিয়াছিলে । পিতা আমারে অনুগ্রহপূর্বক কহিয়াছেন, তুমি দৈবদোষে দূষিত ও লিপ্তা হইয়া জন্মগ্রহণ করিয়াছ । এক্ষণে জন্মান্তরীণ কর্মবিপাক ভোগ কর । আর শোক করিও না । দিব্যাদেবী মহানুভব প্রজ্বলের বাক্য আকর্ষণপূর্বক তাহারে প্রণাম করিয়া, দীনবাক্যে কহিল, তাত । অনুগ্রহপূর্বক এই পাপের নিষ্কৃতি প্রমাণানুসারে বলিতে হইবে । যদ্বারা উপপাতক শোধন হইতে পারে এবং যদ্বারা আমার পবিত্রতা লাভ ও মলরাশির নির্হরণ হয়, প্রসন্ন হইয়া, সেই প্রায়শ্চিত্ত নির্দেশ করুন ।

প্রজ্বল কহিল. অয়ি মহাভাগিনি ! তোমার জন্ম পিতাকে জিজ্ঞাসা করিয়াছিলাম । তাহাতে তিনি অনুত্তম প্রায়শ্চিত্ত নির্দেশ করেন । তাহার অনুষ্ঠান করিলে, তোমার সর্বপাতক শোধন হইতে পারিবে । তুমি স্বীকেশের ধ্যান ও শত নাম জপ কর ; নিত্যজ্ঞানপরায়ণা হও, এমন মহাপাতকবিনাশন পরমপবিত্র অশূন্যশয়ন ব্রতের অনুষ্ঠান কর । অনন্তর মহামনা প্রজ্বল ভাবানুবিষ্ণুর ধ্যান, স্তোত্র; ব্রত ও সর্বজ্ঞানপ্রকাশন জ্ঞান উপদেশ করিল । দিব্যাদেবী তৎক্ষণাৎ তাহা গ্রহণ করিয়া, সেই নির্জ্ঞান অরণ্যপ্রান্তরে অধিষ্ঠান পূর্বক সর্বদম্ব বিনির্মূল্য তপস্বিনী হইল । এবং কামক্রোধ পরিহার করিল । আরোপিত ব্রতের সমাধানার্থ মন সংযত করিল ; ইন্দ্রিগকে বশীভূত করিল, সমামোহ নিরস্ত



করিল, এবং সর্বথা নিরাধার হইয়া, আহার সংবম করিল। তাহার দুঃখের অবধি ছিল না। এই জন্য কোন ক্লেশই ক্লেশ বলিয়া বোধ হইল না। এইরূপে চতুর্থ বৎসর অতীত হইলে, ভগবান্ জনার্দন প্রসন্ন ও বরদানে উদ্যত হইয়া কহিলেন, নায়িকে ! বর বরণ কর।

সূত কহিলেন, নিরাশ্রয়া দিব্যা বেপাযানী ও বদ্ধাঞ্জলি হইয়া, সেই ইন্দ্রনীলঘনশ্যাম শঙ্খচক্রগদাধর সর্বাভরণ-শোভাঙ্গ পদ্মহস্ত মহেশ্বর মধুসূদনকে প্রণাম করিয়া, গদাদ বাক্যে কহিতে লাগিল, আপনার দিব্য তেজঃপ্রভাবে কোন মতেই তিষ্ঠিতে পারিতেছি না। অপর দেবরূপী আপনি কে রূপাপূর্বক আমার সম্মুখীন হইলেন। প্রসন্ন হইয়া, স্বীয় আগমন কারণ নির্দেশ করুন। তেজঃ ও চিহ্ন দেখিয়া, নিশ্চয় জ্ঞান হইতেছে, আপনি দেবতা। অয়ি জগন্নাথ ! জ্ঞানহীনা অবলা আপনার রূপ নাম অবগত নহে। আপনি কি ব্রহ্মা, কি ভগবান্ বিষ্ণু, কি মহাদেব ? অনুগ্রহপূর্বক সমস্ত কীর্তন করুন। এই বলিয়া সে দণ্ডবৎ প্রণামান্তর অবনীতলগামিনী হইল।

জগন্নাথ বাসুদেব সেই রাজনন্দিনীকে কহিলেন, শোভনে ! তুমি যে তিন দেবতার নাম করিলে, তাঁহাদের পরস্পর কিছুমাত্র প্রভেদ নাই। বরাননে ! যে ব্যক্তি নিত্য ব্রহ্মার আরাধনা অথবা মহাদেবের পূজা করে, বিনা পূজায় তাহার আমার পূজা সম্পন্ন হয়। অন্য কার্য বিচারণা নাই। এইরূপ, আমার অর্চনাতেই ইহাঁদের উভয়ের অর্চনা হয়। আমি দেব হৃষীকেশ ; অনুগ্রহ করিয়া, তোমার বশতাপন্ন হইয়াছি। যাহা হউক, স্তব, গুণ্য, ব্রত ও

নিয়মানুষ্ঠান করিয়া, তোমার পাপভার পরিহার হইয়াছে।  
একগে বর প্রার্থনা কর।

দিব্যা কহিল, জয় হৃষীকেশ ! জয় কৃষ্ণ ! জয় সর্বক্লেশ-  
নিরসন ! ভবদীয় চরণাবিন্দে নমস্কার করি। আমারে  
উদ্ধার করুন। অগ্নি সুরগণের ঈশ্বর ভগবন্ চক্রপাণি !  
অগ্নি সর্বপাপ বিনির্মুক্ত বৈকুণ্ঠ জনার্দন ! অগ্নি জগন্নাথ !  
এই দীনহীনা পতিতারে বরদানে উদ্যত হইয়াছেন। আ,  
আমার কি সৌভাগ্য ! পাপীয়সী হতভাগিনী আমার কি  
আনন্দ ! একগে প্রসন্ন হউন। এবং স্বকীয় পাদাঙ্গ জন্ত  
ভক্তি প্রদান করুন।

ভগবান্ কহিলেন, কল্যাণি ! আচ্ছা তাহাই হইবে।  
তুমি আমার প্রসাদে বীতশোক ও বীতকল্মষ হইয়া, ষোগি-  
হুল্লভ পরম বৈষ্ণবলোকে গমন করিবে। এই প্রকার  
কহিবামাত্র দিব্যাদেবী দিব্যরূপধারিণী, সূর্য্যতেজঃপ্রতি-  
ভায়িনী, দিব্যালঙ্কারশোভিতা, দিব্যমাল্যবিলম্বিতা ও দিব্য-  
হারে বিরাজমানা হইয়া, সকলের সমক্ষে দাহপ্রলয়বিব-  
র্জিত বৈষ্ণবলোকে গমন করিল। তখন প্রজ্বল সহর্ষে  
স্বীয় নিলয়ে সমাগত হইয়া, সমস্ত পিতৃসকাশে সবিশেষ  
কীর্তন করিতে লাগিল।

## ত্র্যশীতিতম অধ্যায় ।

অনন্তর মহাপক্ষী কুঞ্জর দ্বিতীয় পুত্র সমুজ্জ্বলকে কহিল, বৎস ! তুমিও কি অপূৰ্ব দেখিয়াছ বল, শুনিতে সাতিশয় কৌতূহল হইতেছে । পিতা এইপ্রকার আদেশ করিয়া বিরত হইলে, সমুজ্জ্বল প্রণাম সহকারে বিনয়াবনত হইয়া, পিতাকে নিবেদন করিল, তাত ! নিজের ও আপনাদের আহার সংগ্রহার্থ অদ্য আমি দেবগণ নিষেবিত নগশ্রেষ্ঠ হিমালয়ে গমন করিয়াছিলাম । এই হিমালয়ে ঋষিগণে আকীর্ণ, অপ্সরোগণে পরিবৃত, বহুতর কৌতুকে পূর্ণ এবং বিবিধবর্ণ পুষ্প ফলে বিরাজমান পরম মঙ্গলময় দেশ লক্ষিত হয় । তত্বৎ কৌতুক সম্পন্ন মানসসরোবর ঐদেশে বিরাজ করিতেছে । তাত ! তথায় মানসাস্তিকে অপূৰ্ব দর্শন করিয়াছি । এক কৃষ্ণবর্ণ হংস বহুসংখ্য হংসে পরিবৃত হইয়া, সহসা সমাগত হইল । তৎকালে অন্যতর হংসত্রয়ও আগমন করিল । তাহাদের মধ্যে দুইটী নীল এবং একতর শুভ্রবর্ণ । চারিটী স্ত্রী হংসীও উপস্থিত ছিল । সকলেই রৌদ্রমূর্তি, ভীষণপ্রকৃতি, দংষ্ট্রাকরাল, অতিশয় ক্রুর, উর্দ্ধকেশ ও ভয়ানক । এবং পশ্চাৎ সেই মানস সরোবরে আগমন করিয়াছিল । যাহা হউক, কৃষ্ণ হংসগণ তাহাদিগকে দেখিবামাত্র অতিমাত্র ভীত হইয়া, তৎক্ষণাৎ জলমগ্ন হইল । এবং অন্যান্য হংসগণও ঐরূপ করিল । তদর্শনে কৃষ্ণ হংসী সকুল উৎক্রান্ত দারুণ

হাস্য করিয়া উঠিল । অনন্তর মানস হইতে এক মহান্ হংস  
 বিনিক্রান্ত হইল । পশ্চাৎ অন্যান্য হংস সকল উত্থান  
 করিল । এবং আকাশমার্গ আশ্রয় করিয়া, পরস্পর বিবাদ  
 করিতে লাগিল । মহাভীম স্ত্রী হংসী সকল তাহাদের সম-  
 ভ্রাতৃ পরিভ্রমণ আরম্ভ করিল । সকলে এই রূপে বিবাদ  
 করিতে করিতে দারুণ দুঃখে দগ্ধ ও বিষণ্ণ হইয়া, বিস্ক্য  
 পর্বতের পবিত্র শিখর দেশে রক্ষচ্ছায়া আশ্রয় করিল ।  
 তাহাদের উৎপত্তন সময়ে মশরাসন ধনুর্ধারী এক ভিল্ল  
 যুগয়া প্রমঙ্গে তথায় আগমন করিয়াছিল । সে শিলাতল  
 আশ্রয় করিয়া, সুখে উপবেশন করিল । পশ্চাৎ তদীয়  
 পত্নী অন্তর্জল গ্রহণ করিয়া, উপস্থিত হইল । সে স্বামীকে  
 প্রতিদিন ষাটশ অক্ষ বা ষাটশ লক্ষণাক্রান্ত দর্শন করে,  
 অদ্য তাহার অনুরূপ দেখিতে পাইল । সে দেখিল, তাহার  
 তেজ অতিমাত্র বর্দ্ধিত ও আকাশবিহারী সূর্যের ন্যায় দিব্য-  
 ভাবে আক্রান্ত হইয়াছে । তাহাতে সে অনু পুরুষ মনে  
 করিয়া, পরিত্যাগ পূর্বক চলিয়া যাইবার উপক্রম করিল ।  
 তৎকালে স্বামী পার্শ্বে গমন করিয়া, নিরতিশয় বিস্ময়াবিষ্ট  
 হইয়া চিন্তা করিল, তেজঃসমাচার এই কোন্ ব্যাধ আমারে  
 আহ্বান করিল । অনন্তর ব্যাধী সেই দীপ্ততেজা স্বামীকে  
 কহিল, বীর ! দিব্যলক্ষণলক্ষিত কালান্তকরূপী আপনি কে ?  
 স্মৃত কহিলেন, ব্যাধী এইপ্রকার সন্তোষণ করিলে, ব্যাধ  
 কহিতে লাগিল, প্রিয়ে ! আমি তোমার স্বামী এবং তুমি  
 আমার স্ত্রী, কি জন্য আমারে চিনি পারিতেছ না ? যাহা  
 হউক, উপহাস ত্যাগ কর । ক্ষুধায় অত্যন্ত পীড়িত হইয়াছি ।  
 জল ও অন্ন দাও ।

ব্যাদী কহিল, আমার স্বামী কুপট, কৃষ্ণবর্ণ, রক্তাক্ষ, কৃষ্ণকণ্ঠক ও সর্বপ্রাণির ভয়জনন । কিন্তু আপনি কে দিব্যরূপে প্রিয়া বলিয়া আহ্বান করিলেন । ইহাতেই আমার সংশয় হইয়াছে ; সত্য বলুন, আপনি কে ? সমুজ্জ্বল কহিল, অনন্তর ব্যাধ আপনার কুল, সামর্থ, গ্রাম, ক্রীড়া, লক্ষণ, সমুদায় প্রত্যয় হেতু সবিশেষ বর্ণন করিলে, ব্যাদী অতিমাত্র হৃষ্ট হইয়া, প্রত্যুত্তর করিল, তবে তোমার কিরূপে শ্বেত-কণ্ঠক দিব্য দেহ সমুৎপন্ন হইল । ব্যাধ কহিল, প্রিয়ে ! নর্মদা নদীর উত্তর কূলে যে সঙ্কম আছে, আত্মা ক্ষুৎপিপাসায় নিতান্ত আকুল ও একান্ত শ্রান্ত হইলে, আমি তথায় গমন করিয়া তত্রস্থ পলুলে স্নান ও জলপানানন্তর পুনরায় প্রত্যাগমন করিলাম । তদবধি আমার দেহ ঈদৃশ তেজ সম্পন্ন, ও শুক্র কণ্ঠকে পরিবৃত এবং মনোহর বস্ত্রে মণ্ডিত হইয়াছে ।

এই প্রকৃর কুল ও লিঙ্গব্যাখ্যান করিলে, ব্যাদী সবিশেষ লক্ষ্য করিয়া স্বামীকে চিনিতে পারিল । অনন্তর কহিতে লাগিল, অগ্রে আমাকে সেই সঙ্কম দেখাও ; তবে আমি অন্নপান প্রদান করিব । তখন ব্যাধ সত্বর গমন পূর্বক তাহাকে পাপনাশন সঙ্কম প্রদর্শন করিল । উল্লিখিত লঘুবিক্রম বিহঙ্গম সকল আকাশমার্গে উডডীন হইয়া, তৎকালে তথায় গমন করিয়াছিল । আমিও তাহাদের সমভিব্যাহারে ছিলাম । ব্যাদী আমাদের সমক্ষেই অগ্রে ভর্তাকে স্নান করাইয়া দিল ; পরে স্বয়ং স্নান করিল । তাহাতে উভয়েরই দিব্যকান্তি সমন্বিত দিব্যবস্ত্রানুলেপন দিব্যদেহ সমুৎপন্ন হইল । তখন উভয়ে বৈষ্ণবযাদু অধিকৃত ও

মুনিগন্ধর্বে পরিপূজিত এবং বৈষ্ণবগণে স্তুয়মান হইয়া, আমার সমক্ষে বৈষ্ণবলোকে গমন করিল। তাহার স্বর্গমার্গে প্রস্থান করিলে, বিহঙ্গমগণ সেই তীর্থরাজ দর্শনে পরমপুলকিত হইয়া, ব্যক্তাকরে শব্দ করিতে লাগিল। অনন্তর কৃষ্ণ-হংসচতুষ্টয় পাপনাশন সঙ্গমে ভক্তিপূর্বক স্নান করিয়া, উজ্জ্বল্য লাভ করিল। এবং স্নানাবসানে জলপান করিয়া, পুনরায় বহিষ্কৃত হইল। ঐ সময়ে সমুদায় স্ত্রীহংসীই যুযুঁ হইয়া, ধরাতলে পতন পূর্বক হাহাকারে চীৎকার করিতে লাগিল। অনন্তর আমার সমক্ষেই যমলোকে গমন করিল। তাহাতে পুরুষ হংসকদম্ব উডডীন হইয়া, স্ব স্ব স্থানে প্রত্যাবৃত্ত হইল। তাত ! আমি এই ঘটনা প্রত্যক্ষ দর্শন করিয়াছি। এক্ষণে নিবেদন করি, সেই কৃষ্ণবর্ণময়ী স্ত্রীহংসীগণ কে, অনুগ্রহপূর্বক নির্দেশ করুন। আর মানস-মধ্য হইতে যে হংস বিনির্গত হইল, সেই বা কে, তাহাও কীর্তন করুন। তাত ! শুক্রবর্ণ হংসগণ কি জন্ম কৃষ্ণবর্ণ হইল না? স্ত্রীগণই বা কি জন্ম তৎক্ষণাৎ উপরত হইল? আপনি জ্ঞানবিদ; আমার এই দারুণ সংশয় ছেদন করিতে হইবে। আমি সর্বদাই আপনার প্রণত; অতএব প্রসাদ-সুমুখ হইয়া, সমস্ত নির্দেশ করুন। উজ্জ্বল এই বলিয়া দুষ্কীভাবে অবলম্বন করিল।

## চতুরশীতিতম অধ্যায় ।



সুত কহিলেন, উজ্জ্বলের সুভাষিত সমস্ত শ্রবণ করিয়া, ধর্ম্মাত্মা কুঞ্জর কহিতে লাগিল, তাত ! স্থির চিত্তে শ্রবণ কর । সমস্ত কীর্ত্তন করিব । ইহাতে সর্ব্ব সন্দেহ ও পাপ বিনষ্ট হয় । একদা পরম প্রাজ্ঞ মুনিসত্তম নারদ দেবরাজ ইন্দ্রকে দেখিবার জন্য, ত্বরিত গমনে তদীয় সভায় সমাগত হইলেন । সহস্রাঙ্ক সেই সূর্য্যতেজঃসম্প্রভ ঋষিকে সমাগত দেখিয়া, অতিশয় হর্ষিত ও প্রতুষ্টিত হইলেন এবং ভক্তিশুদ্ধপ্রণত-চিত্তে পাদ্য অর্ঘ্য প্রদানান্তর কৃতাজলিপুটে প্রণাম করিলেন । অনন্তর পরম পবিত্র রুচির আসনে উপবেশন করাইয়া, অতিমাত্র প্রণত ও হর্ষিত হইয়া, জিজ্ঞাসা করিলেন, সৌম্য ! কি কারণে আগমন হইয়াছে বলুন ।

মহামুনি নারদ দেবরাজ কর্ত্ত্বক অভিহিত হইয়া, প্রতুষ্টর করিলেন, পুরন্দর ! যত্নলোকস্থ বিবিধ পুণ্য প্রদেশ, বিবিধ তীর্থ ও ক্ষেত্র সমুদায় দর্শন ও তত্তৎস্থানে স্নান এবং দেব ও পিতৃগণের অর্চ্চনা করিয়া, অবশেষে তোমারে দেখিবার জন্য আগমন করিলাম । এই তোমার জিজ্ঞাসিত সমস্ত কহিলাম ।

ইন্দ্র কহিলেন, ঋষে ! আপনি যে সকল পুণ্যক্ষেত্র ও তীর্থ সমুদায় দর্শন করিয়া আসিয়াছেন, তাহাদের পুণ্যফল কীর্ত্তন করুন । সুতীর্থের সেবা করিলে, ব্রহ্মহৃত্যা, গোহৃত্যা,

পীড়াকর মহাপাপ রাজদ্রোহ, বিশ্বাসদ্রোহ, দেবভেদ লিঙ্গ-ভেদ, স্বর্গভেদ, গোষ্ঠভেদ, যুগদীপন, গৃহদীপন, অগম্যা-গমন, স্বামিত্যাগ, ইত্যাদি সমুদ্ভূত নিদারুণ পাপরাশি বিনা প্রায়শ্চিত্তে বিনাশ করিতে সমর্থ, সবিশেষ চিন্তা ও অব-ধারণ করিয়া এই দেবর্ষি নারদ ও দেবগণ সমক্ষে সবিস্তর নির্দেশ কর ।

মহামনা দেবরাজ এইপ্রকার পবিত্র বাক্য প্রয়োগ করিলে তীর্থ সকল কহিতে লাগিল, দেবরাজ ! আপনারে নমস্কার । এক্ষণে শ্রবণ করুন, সমুদায় বলিতেছি । এই যে সর্বপাপহর সর্ব তীর্থ উপস্থিত হইয়াছে, ইহাদের মধ্যে সকলেই আপনার কথিত ব্রহ্মহত্যা রূপ ঘোরতর দীপ্ত পাতক নাশে সক্ষম নহে । প্রয়াগ, পুষ্কর অনুত্তম অর্ঘ্য-তীর্থ ও মহাভাগা বারণসী এই অমিতবিক্রম তীর্থচতুষ্টয়ই কেবল ঐ সকল মহাপাতক বিনাশে ক্ষমবান্ আর আমরা উপপাতক বিনাশার্থ বিধাতা কর্তৃক প্রতিষ্ঠিত হইয়াছি । ফলতঃ পিতামহ ব্রহ্মা পুষ্করাদি মহাবল তীর্থদিগকেই মহা-পাতক বিনাশের মূল রূপে বিধান করিয়াছেন । দেবরাজ শ্রবণ করিয়া, অতিশয় হর্ষাবিষ্ট হইলেন এবং সকলেরই প্রশংসা করিতে লাগিলেন ।



## পঞ্চশীতিলম অধ্যায়



কুঞ্জর কহিল, পূর্বে দেবরাজ ইন্দ্র ব্রহ্মহত্যায় অভিভূত  
এবং গৌতমপত্নীর সঙ্গ জন্ম অগম্যাগমন রূপ পাতকে লিপ্ত  
হইলে, দেব ও ব্রাহ্মণগণ তাঁহারে বর্জন করিয়াছিলেন।  
তাঁহাতে দেবরাজ নিরালস্য ও নিরাশ্রয় হইয়া, তপোমুষ্ঠানে  
প্রবৃত্ত হইলেন। তপস্যা সম্পন্ন হইলে, পুনরায় দেবগণ, ঋষি-  
গণ, যক্ষ ও কিন্নরগণ সকলে তদীয় পূজার্থ অভিষেক আরম্ভ  
করিলেন। তাঁহাকে মানবকদেশে লইয়া গিয়া প্রথমতঃ  
বারাণসীতে উদককুন্তে স্নান করাইলেন। অনন্তর যথাক্রমে  
প্রয়াগে, পুষ্করে ও অর্ঘ্যতীর্থে লইয়া গিয়া ঐ প্রকার বিধান  
করিলেন। এই রূপে পিতামহপ্রমুখ দেবগণ, সর্বপাপমু  
ঋষিগণ এবং গন্ধর্ব কিন্নর ও নাগগণ পবিত্র বৈদিক মন্ত্রে  
স্নান করাইয়া দিলে, মহাত্মা মহাভাগ দেবরাজ সহস্রলোচন  
সর্বথা শুদ্ধি লাভ করিলেন। তাঁহার ব্রহ্মহত্যা ও অগম্যা-  
গমন উভয় পাতকই তৎক্ষণাৎ বিদূরিত ও বিনষ্ট হইল।  
তখন তিনি পরম প্রসন্ন হইয়া, ঐ সকল তীর্থে বরদানান্তর  
কহিলেন, যে হেতু, আমি তোমাদের সহায়ে বিমুক্ত হই-  
লাম, সেই হেতু মদীয় প্রমাদে তোমরা তীর্থ সকলের রাজা  
হইবে, সন্দেহ নাই। তোমরা স্বভাবতঃ স্মৃতিশয় নির্মল।  
অদ্য আমায়ে সূষোর পাতকে পরিত্রাণ করিলে। অনন্তর  
তিনি মানবককেও বর দিয়া কহিলেন, যে হেতু, আমি আমার

পাশ্চাত্য ক্রেশকর মলচ্চার বিদূরিত করিলে, সেই হেতু মদীয় প্রমাদে অন্নপান, ধনধান্য, ইত্যাদি অলঙ্কৃত হইবে, সন্দেহ নাই। পৃথিবী মধ্যে তোমার পুণ্যেরও প্রাধান্য হইবে। এই রূপে বরদান করিয়া, দেবরাজ পুরন্দর সমুদায় তীর্থ, সমুদায় ক্ষেত্র ও মানবককে নারদ সমক্ষে বিদায় দিলেন। তাহারাও সকলে বিদায় লইয়া, স্ব স্ব স্থানে প্রস্থান করিল।

শ্রুত কহিলেন, তদাপ্রভৃতিই প্রয়াগ, পুষ্কর, বারাণসী ও অর্ষ্যতীর্থ ইহারা তীর্থরাজত্ব প্রাপ্ত হইয়াছে।

কুঞ্জর কহিল, পাঞ্চালদেশে বিহুর নামে ক্ষত্রিয় ছিল। সে কদাচিত্ অনির্বচনীয় প্রমাদবশে ব্রাহ্মণহত্যা করিয়াছিল। তজ্জন্য শিখামূত্র ও তিলকবিহীন হইয়া, ভিক্ষার্থ পর্যটনে প্রবৃত্ত হয়। এবং ব্রহ্মস্ব ও সুরাপায়ীকে ভিক্ষায় প্রদান কর বলিয়া, সমস্ত গৃহে ভ্রমণ ও যাত্ৰা করে। এই রূপে সকল তীর্থ পর্যটন করিয়াও তাহার ব্রহ্মহত্যা বিদূরিত হইল না। তখন সে দুঃখ শোক সম্বিত দগ্ধ চিত্তে বৃক্ষ-চ্ছায়া আশ্রয় করিয়া, সন্নিবিষ্ট হইল এবং আপনার এই বিষমবিপরিণাম চিন্তা করিয়া, মনে মনে বিলাপ ও অনু-ভাপ করিতে লাগিল। কখন ভাগ্যকে তিরস্কার, কখন আপনাকে অনুরোধ, কখন বিধাতাকে নিন্দা, কখন বা সর্ব-ভূতধাত্রী ধরিত্রীর গর্হণা করিয়া, অন্তর্দাহরূপ বিষমব্যাধির উপশম-চেষ্টায় প্রবৃত্ত হইল। কিন্তু দৈব কিছুতেই তাহার প্রসন্ন হইল না। ঐ সময়ে তাহার সদৃশ শিখামূত্রহীন, বিপ্রলিঙ্গবিহীন, মহামোহে নিপীড়িত চন্দ্রশর্মা নামে এক পুরুষ তদীয় নয়নপথে পতিত হইল। বিহুর দর্শনমাত্র তাহারে জিজ্ঞাসা করিল, তুমি কে এখানে আগমন করিলে।

কি জন্মই বা হৃভাগ্য দক্ষচিত্ত ও বিপ্রলিঙ্গবিহীন হইয়া, যেদিনী ভ্রমণ করিতেছ ? দ্বিজোত্তম চন্দ্রশর্মা এই প্রকার অভিহিত হইয়া, পূর্বে গুরু গৃহে অবস্থান সময়ে মহামোহে আচ্ছন্ন ও ক্রোধে অবসন্ন হইয়া, যে গুরুতর পাতক অনুষ্ঠান করে, তৎসমস্ত বর্ণন করিয়া কহিল, ভ্রাতঃ ! পূর্বে গুরুহত্যা করিয়াছিলাম ; তজ্জন্ম এরূপ দক্ষ হইতেছি । এই রূপে সে আত্মরক্তাস্ত নিবেদন পূর্বক কহিল, আপনি কে নিতান্ত দুঃখিত ভাবে বৃক্ষচ্ছায়া আশ্রয় করিয়াছেন । তখন বিদূর সংক্ষেপে সমুদায় কহিল ।

ইত্যবসরে আর একজন দ্বিজাতি শ্রমকর্মিত হইয়া, তথায় আগমন করিল । তাহার নাম বেদশর্মা । সে বহুতর পাতক সঞ্চয় করিয়াছে । সে যাহা হউক, উল্লিখিত দ্বিজাতিদ্বয় তাহাকে জিজ্ঞাসা করিল, দুঃখিতাকৃতি তুমি কে, কিজন্ম পৃথিবী ভ্রমণ করিতেছ, বল । বেদশর্মা আত্মচেষ্টিত সমুদায় প্রকাশ করিয়া কহিল, আমি অগম্যাগমন করিয়াছিলাম । সেই পাপে লিপ্ত এবং সমুদায় লোক ও স্বজন বান্ধবগণে পরিত্যক্ত হইয়া, এই পৃথিবী পর্যটন করিতেছি । বলিতে বলিতে বঙ্কলনামে সুরাপানসংস্কৃত বিশেষতঃ গোল্ল কোন বৈশ্য তথায় সমাগত ও তাহাদের নয়নপথে পতিত হইল । অনন্তর সে আত্মপাতক বর্ণন করিল । মহাভাগ ! এই রূপে চারি জন পাপাশ্রিত একস্থানে সমাগত হইল । কিন্তু কথা বার্তা ব্যতিরেকে ভোজন বা আচ্ছাদন কোন বিষয়েই কাহার সহিত কাহার সম্পর্ক রহিল না । কেহ একাসনে উপবেশন বা একত্র শয়ন করে না । এই রূপে তাহারা তীর্থ

ব্রতপরায়ণ হইয়া, বিবিধ তীর্থে গমন করিল। কিন্তু কোথাও তাহাদের পাতক প্রকালিত হইল না। অথবা তথাবিধ পাতক বিনাশ করিতে কোন তীর্থের সামর্থ্য নাই। তখন বিহুরাদি সকলে কালঞ্জর পর্বতে গমন করিল।

## ষড়শীতিতম অধ্যায়

কুঞ্জর কহিল, তাহারা মহাপাপে নিতান্ত দক্ষ, হাহাভূত, বিচেতন ও একান্ত দুঃখিত হইয়া কালঞ্জরের আশ্রয়ে বাস করিতে লাগিল। একদা কোন মহাযশা সিদ্ধ তথায় সমাগত হইয়া, তদবস্থ তাহাদিগকে কহিলেন, তোমরা কি কারণে দুঃখিত হইয়াছ। তাহাতে তাহারা সমুদায় কহিলে, সেই সর্বজ্ঞানবিশারদ মহাপ্রাজ্ঞ পুণ্যভাক্ সিদ্ধ তাহাদের মহাপাপ অবগত হইয়া, করুণা পূর্বক কহিলেন, তোমরা অমাসোম সংক্রমণে প্রয়াগ, পুষ্কর, বিখ্যাত অর্ঘ্য-তীর্থ ও প্রসিদ্ধ বারাণসী নগরীতে গমন কর। তথায় গঙ্গা সলিলে সর্বদা স্নান করিলে, যুক্তি লাভ করিবে। এবং পাতক পরিহৃত ও সর্বথা শুদ্ধ হইবে, সন্দেহ নাই। তিনি এইপ্রকার আদেশ করিলে, সকলে ভক্তিপূর্বক প্রণাম করিয়া, তৎক্ষণাৎ কালঞ্জর হইতে অমাসোম সমা-যোগে যথাক্রমে মহাপুরী বারাণসী, প্রয়াগ, পুষ্কর ও অর্ঘ্যতীর্থে গমন করিল। তথায় বিহুর, বেদশূর্য্য চন্দ্রশূর্য্য

এবং গোধন সুরাপায়ী ও পাগলচরম বঞ্চল সকলেই উল্লিখিত  
 সন্ধ্যা সমাগমে গঙ্গাসলিলে স্নান করিল। মহামতে ! স্নান-  
 মাত্রেই ব্রহ্মহত্যা, গুরু হত্যা ও গোহত্যা পাতক হইতে  
 বিমুক্ত হইল। কিন্তু তত্তৎ তীর্থ সকল তাহাদের মহা-  
 পাপে লিপ্ত হইল। এবং সকলেই তজ্জন্য স্বর্ণবর্ণ পরি-  
 ত্যাগ ও কৃষ্ণবর্ণ ধারণ করিয়া, পৃথিবী পর্যটন করিতে  
 লাগিল। পর্যটন সময়ে তাহারা সমুদায় সূতীর্থেই স্নান  
 করিল। তথাপি তাহাদের সলিলেও কৃষ্ণবর্ণ বিদূরিত  
 হইল না। অধিকন্তু, তাহারা যে যে তীর্থে গমন করে,  
 সেই সেই তীর্থেই হংসরূপ ও নিতান্ত দুঃখিত হইয়া,  
 তাহাদের অনুসারী হয়। এই রূপে অষ্টষষ্টি তীর্থ হংস-  
 রূপে সেই সকল মহাতীর্থের সমভিব্যাহারে ভ্রমণ করিতে  
 লাগিল। ভ্রমণ করিতে করিতে পাপক্ষয় মানসে মানসমরো-  
 বরে সমাগত হইল। কিন্তু তথার স্নান করিয়াও পাতক  
 পরিহৃত হইল না। তাহাতে মানসমরোবর লজ্জায় আবিষ্ট  
 হইয়া, তোমারই দৃষ্টপূর্ব্ব পুষ্টকায় হংসরূপ ধারণ করিল।  
 অনন্তর সকলে মিলিয়া, উত্তর রেবাতীরস্থ পাপনাশন  
 কুঞ্জা সঙ্কমে গমন করিল। সেই সুর সিদ্ধ নিষেবিত সঙ্কমে  
 স্নানমাত্রেই সকলে পাপ হইতে মুক্ত ও কৃষ্ণবর্ণ পরিহার  
 পূর্ব্বক গুরু স্বরূপ প্রাপ্ত হইল।

বৎস ! হংসগণ যে যে তীর্থে গমন করে, সেই সেই  
 তীর্থেই স্নান করে। তথাপি পাতক প্রফালিত হয় না  
 দেখিয়া, স্ত্রীগণ হাস্য করিয়াছিল। অনন্তর কুঞ্জার তেজো-  
 বলে পাতক বিনষ্ট হইলে, তাহারা স্বয়ং মরিয়া গেল।  
 এই রূপে স্ত্রীরূপধারিণী গুরুহত্যা ও ব্রহ্মহত্যা পাতক

সমস্ত বেরাকুজার ভগ্নীভূত ও বিনষ্ট হইলে, হংসরূপা অষ্টাষষ্টি তীর্থ তাহাদিগকে নদীতটে পরিহার করিল। যাহা হউক, বৎস! ঐ সকল তীর্থই মানসসরোবরে গমন করিয়াছিল, জানিবে। তাহাদের মধ্যে কৃষ্ণ হংসচতুষ্টয়ের নাম শ্রবণ কর, প্রয়াগ, পুষ্কর, অর্ঘ্যতীর্থ ও বারাণসী ইহারাই শাপনাশন হংসচতুষ্টয়। ইহারাই ব্রহ্মহত্যাদি পাপে অভিভূত হইয়া, পরিভ্রমণ করিয়াছিল। কিন্তু বহুতর তীর্থে নিতান্ত দুঃখ সহকারে ভ্রমণ করিয়াও, ইহাদে ঘোর পাতক বিগত হইল না। অবশেষে কুজা সঙ্গমে তাহা হইতে মুক্তি ও শুদ্ধি লাভ করিল। সম্প্রতি প্রয়াগ দেব-রাজ সমক্ষে সমুদায় পবিত্র তীর্থে'র রাজা হইয়াছেন। কিন্তু ষাবৎ রেবা লক্ষিত না হয়, তাবতই তাহারা গর্জন করিয়া থাকে। রেবাই একমাত্র ব্রহ্মহত্যাদি পাতক বিনাশার্থ প্রতিষ্ঠিত হইয়াছে। কপিলা সঙ্গম, কুজা সঙ্গম, মেদনাদাসঙ্গম এই সকল স্থানেই পরম পবিত্র পরম ধন্যা রেবা অধিষ্ঠিত আর সর্বত্রই দুর্লভ। শৈবাগার ভৃগুক্ষেত্র, নর্মদা ও কুজা সঙ্গম, মাহিম্বতী, শ্রীকণ্ঠ ও মণ্ডলেশ্বর কুত্রাপি এই রেবা সুলভা নহে। যাহা হউক, অশিবনাশিনী ঘর্ষরা ও মহা-দেবী এই উভয় কুলের মধ্যে যেখানে সেখানে একবার মাত্র স্নান করিলেই, বুদ্ধিমান্ ব্যক্তি অশ্বমেধ ফল লাভ করে। বৎস! তোমার পরিপূচ্ছিত সমুদায় কীর্তন করিলাম। এই বলিয়া মহাপ্রাজ্ঞ কুঞ্জর তৃতীয় পুত্রকে বলিতে আরম্ভ করিল।

## সপ্তাশীতিতম অধ্যায়



কুঞ্জর কহিল, বৎস ! তুমি পর্যটনপ্রসঙ্গে আশ্চর্য্যযুক্ত কি অপূর্ব দেখিয়াছ, বল । তুমি আহারার্থ উদ্যত হইয়া, এখান হইতে কোন্ দেশে গমন করিয়াছিলে এবং কোন্ সময়েই বা আশ্চর্য্য দর্শন করিয়াছিলে ?

বিজ্বল কহিল, মেরুপৃষ্ঠে আনন্দনামে এক কানন আছে । ঐ অরণ্য ফল পুষ্পময় দিব্য পাদপে পরিপূর্ণ, দেব ঋষি সিদ্ধচারণ গন্ধর্ব্ব কিন্নর উরগ ও সুরূপ অঙ্গুরা সমূহে সমাকীর্ণ, বাপী কূপ তড়াগ ও নদীনির্ঝরে প্রফালিত, হংস-কুন্ডেন্দুসন্নিভ সহস্র সহস্র বিমান ও অন্যান্য দিব্য ভাবে উদ্ভাসিত, রমণীর গীত কোলাহল, বেদধ্বনি ও ষট্পদ শব্দে সর্বত্র মধুরায়মান, চন্দন চূত পুষ্পত চম্পক ইত্যাদি বিবিধ বৃক্ষে অলঙ্কৃত, এবং নানাজাতীয় পক্ষিনির্ভায়ে সর্বদাই কোলাহলময় । তাহা ! এবংবিধ শোভাসম্পন্ন আনন্দকানন আমার নয়নগোচর হইল । তাহার মধ্যে জলজন্তুসমাকীর্ণ হংসকারওবপরিপূর্ণ পদ্মসৌগন্ধিক সুরভিত পবিত্র সলিল সমাপন্ন সাগরোপম সরোবর শোভা পাইতেছে । ঐ সরোবর দেবগন্ধর্ব্ব ও মুনিবৃন্দ এবং কিন্নর ও উরগগণে পরিমোহিত । তথায় যে আশ্চর্য্য দর্শন করিয়াছি, বলিতে শক্তি হইতেছে না । কোন দিব্য পুরুষ ছত্রদণ্ড পতাকায বিরাজমান কিন্নরগণে গীয়মান গন্ধর্ব্ব ও অঙ্গুরোগণে শোভমান সর্বভোগায়তন

কলসম্পন্ন দিব্যবিমানে আরোহণ করিয়া সেই স্থানে সমাগত হইলেন । তাঁহার সর্বাঙ্গে সর্বাভরণ শোভা, গলদেশে দিব্যমালা, বক্ষঃস্থলে মহার্ছ রত্নমালা ; হস্তে হেমখচিত যুক্তাবলয় ও কঙ্কন, পরিধান দিব্যগন্ধি চন্দনলেপিত দিব্য বসন ; তন্ত্রবেদী মহাসিদ্ধ ঋষিগণ তাঁহার স্তব ও অন্যান্য গান করিতেছে । তিনি রূপে অদ্বিতীয় এবং সমকক্ষতায় অদৃষ্টপূর্ব্ব । তাঁহার সমভিব্যাহারিণী পীনশ্রোগিপয়োধরা রতিক্রপা রমণীও তাঁহার সদৃশ রূপসম্পত্তির আধার । ফলতঃ, তাঁহারা উভয়েই রূপলাবণ্য মাধুর্য্য ও সর্বশোভাসম্পন্ন । আমার সমক্ষে বিমানে আগমন ও তাহা হইতে অবরোহণ করিয়া, সরোবর সান্নিধ্যে গমন করিলেন । অনন্তর সেই কমললোচন দম্পতী স্নানানন্তর মহাশস্ত্র গ্রহণ পূর্ব্বক পরস্পরকে তদ্বারা আঘাত করিয়া, তৎক্ষণাৎ মৃত পতিত হইল এবং সেই শবরূপী আপনাদের দেহ হইতে মাংস উৎকিরণ পূর্ব্বক অমৃতের ন্যায় ভক্ষণ করিতে লাগিল । তাহারা জীবিত অবস্থায় যেরূপ রূপ ও শোভাসম্পন্ন লক্ষিত হইয়াছিল, শব শরীরেও তাহার কিছুমাত্র বৈলক্ষণ্য হইল না । অধিকন্তু, শস্ত্রে উৎকীর্ণ হওয়াতে, শোণিত ধারায় পরিপূত হইয়া, তৎকালে তাহাদের মাংস মাতিশয় শোভা ধারণ করিল । তাহারা ক্ষুধায় নিতান্ত আতুর হইয়াছিল । অতএব যাবৎতৃপ্তি পরস্পরের মাংস ভক্ষণ করিতে লাগিল । ভোজনাবসানে সরোবরমলিল পান করিয়া, পুনরায় প্রকৃতিস্থ হইল এবং কিয়ৎকাল তথায় অবস্থান করিল । ইত্যবসরে চাকুলক্ষণসম্পন্ন রূপসৌভাগ্য সমলক্ষতা হইতে পল্লবনা বিমানারোহণে আমার সমক্ষেই তথায় আগমন



করিল। তাহাদের আকার সাতিশয় উন্নত, বদনমণ্ডল  
 দংক্রীকরাল এবং দৃশ্য নিতান্ত ভীষণ। তৎকালে সেই  
 মহাবনে উল্লিখিত পতি পত্নী উভয়েও আপনার মাংস  
 ভক্ষণ ও আনন্দে উচ্চৈঃস্বরে হাস্য করিতেছিলেন। তদ-  
 র্শনে অগন্তুক স্ত্রীষয় তাহাদিগকে দাও দাও বলিতে লাগিল।  
 তাত ! আমি বনসান্নিধ্যে অবস্থান পূর্বক এই আশ্চর্য দর্শন  
 করিয়াছি। প্রতিদিনই এইপ্রকার দেখিতে পাই। তাহারা  
 প্রত্যহ উল্লিখিত রূপে মাংস উৎকিরণ করিয়া ভক্ষণ করে  
 এবং তাহাদের শরীরও পুনরায় সুসম্পন্ন হয়। এই ব্যাপার  
 দর্শন করিয়া, আমার নিতান্ত বিস্ময় উপস্থিত হইয়াছে।  
 আপনার আদেশানুসারে ভবদীয় সমক্ষে সমুদায় সবিশেষ  
 কীর্তন করিলাম। এক্ষণে প্রসন্ন হইয়া, প্রীয়মাণ চিত্তে  
 নির্দেশ করুন, যে পুরুষ স্ত্রীর সহিত বিয়ানে আগমন করি-  
 লেন, যাহার রূপ দিব্য ও নয়নযুগল কমলসদৃশ, তিনি  
 কে ? সেই মহামাংসভোজিনী স্ত্রীই বা কে ? আর যে  
 ভীষণাকৃতি ললনায়ুগল উচ্চৈঃ হাস্য করিয়া, বারংবার দাও  
 দাও বলিতে লাগিল, তাহারাই বা কে ? তাত ! আমার এই  
 সংশয় ছেদন ও সমুদায় যথাযথ কীর্তন করিতে হইবে। এই  
 বলিয়া বিজ্বল নিবৃত্ত হইল।

## অষ্টাশীতম অধ্যায়

কুঞ্জর কহিল, শ্রবণ কর, যে জন্য তাহার। তাদৃশ হইয়া,  
স্ব স্ব মাংস ভক্ষণ করে, তাহার কারণ কীর্তন করিব। শুভা-  
শুভ কর্মই সর্বত্র কারণ, তাহাতে সংশয় নাই। মনুষ্য পুণ্য-  
কর্ম্বলেই সুখ প্রাপ্ত হয় এবং পাপকর্ম্ব অনুষ্ঠান করিলেই  
দুঃখ ভোগ করে। দক্ষব্যক্তি শাস্ত্রজ্ঞানরূপ চক্ষু দ্বারা  
অগ্রে সূক্ষ্মধর্ম্ব বিচার ও সূক্ষ্মধর্ম্ব পর্যবেক্ষণ পূর্বক মনে  
মনে বিচার করিয়া, পরে কার্য্য করিবেন। তথাহি, সূক্ষ্ম-  
কার শিল্পী অগ্নির তেজে রস আবর্তন করিয়া, শনৈঃ শনৈঃ  
ভাপ প্রদান করে, তাহাতেই ধাতু বিশুদ্ধ হইয়া থাকে।  
বৎস! রসের পক্বতা ও ভোগানুসারেই ধাতুর সৌন্দর্য্য  
সংঘটিত হয়, তাহাতে সংন্দেহ নাই। সংসারে কর্ম্বই প্রধান  
এবং বীজরূপে পরিবর্তন করে। কৃষিকার ক্ষেত্রে যাদৃশ  
বীজ বপন করে, তাদৃশ ফলপ্রাপ্ত হয়, ইহাতে সংশয় কি ?  
সেইরূপ যেমন কর্ম্ব, তেমনি ফলভোগ হইয়া থাকে। আমরা  
সকলেই কর্ম্বের বশ। কর্ম্বই দায়াদ, কর্ম্বই সম্বন্ধী বান্ধব এবং  
কর্ম্বই পুরুষের সুখদুঃখের একমাত্র প্রেরক। সুবর্ণ বা রজত  
যথারূপ নিয়মিত হয়, লোকে পূর্ব কর্ম্বের বশানুগ হইয়া,  
তদনুরূপ ভোগ করিয়া থাকে। জীব যখন গর্ভশয্যায়, তখনই  
তাহার আয়ু, কর্ম্ব, চরিত্র, বিদ্যা ও নিধন এই পাঁচটি সৃষ্ট  
হইয়া থাকে। কৰ্ত্তা যেরূপে মূৎপিণ্ডযোগে যাঁহা যাঁহা ইচ্ছা

নির্মাণ করে, সেইরূপ পূর্বকৃত কৰ্ম কৰ্ত্তার প্রতিপন্ন হয় ।  
জন্তুর স্বাবরত্ব, তিৰ্য্যকত্ব, পক্ষিত্ব, পশুত্ব, মনুষ্যত্ব, অথবা  
দেবত্ব সমুদায়ই স্বকৰ্ম্যবশে সংঘটিত হইয়া থাকে ; সেইরূপ  
তাঁহাকে আত্মবিহিত সুখ দুঃখও নিত্য ভোগ করিতে হয় ।  
গৰ্ভশয্যায় অবস্থিতি করিয়াও, জন্মান্তরীণ ভোগ জ্ঞানের  
পরিহার হইবার সম্ভাবনা নাই । কোন ব্যক্তিই বল বা  
প্রজ্ঞা দ্বারা পূর্বকৃত কৰ্মের অন্যথা করিতে সমর্থ হয় না ।  
অতএব কৰ্মই সংসারে সকলের প্রধান ।

যাহা হউক, বৎস ! তুমি আনন্দকাননে তাঁহাদের দারুণ  
কৰ্ম্যবিপাক দর্শন করিয়াছ । এক্ষণে উভয়ের পূর্বচরিত  
বলিতেছি, শ্রবণ কর । এই ভারতভূমি কৰ্ম্যভূমি । এখানে  
পুণ্যাদির অমুষ্ঠান করিলেই, স্বর্গাদি স্ব স্ব ভূমি ভোগ  
করিতে পারা যায় । মহাভাগ ! চোলদেশে সুবাহু নামে  
রাজা আছেন । তিনি রূপবান্, গুণবান্, বীৰ্য্যবান্ এবং  
পৃথিবীতে সাদৃশ্যবিহীন । বিষ্ণুর ও বৈষ্ণবগণের প্রতি  
তাঁহার ভক্তি ও প্রীতির সীমা নাই । ত্রিবিধ কৰ্ম্যামুষ্ঠানে  
মধুসূদনের ধ্যান করিয়া থাকেন । কোন সময়ে তিনি অশ্ব-  
মেধাদি যজ্ঞের অমুষ্ঠানে প্রবৃত্ত হইলে, তদীয় পুরোধা  
জৈমিনী তাঁহারে আহ্বান করিয়া কহিলেন, রাজন্ ! যদ্বারা  
সুখলাভ হয়, তাদৃশ উৎকৃষ্ট দান বিতরণ করুন । দান-  
বলেই লোকের দুর্গতি দূর হইয়া থাকে । দানই সুখ ও  
শাস্বত যশঃপ্রাপ্তির নিদান ; দান বলেই মেদিনীমণ্ডলে অতুল  
কীর্ত্তি সম্পন্ন হয় । যতদিন কীর্ত্তি পৃথিবীতে বিরাজ করে,  
ততদিন কৰ্ত্তার স্বর্গবাস হয় । ফলত তাঁর অতিশয় দুষ্কর  
বলিয়া পরিগণিত । কেন না, সচরাচর সকলে ইহার

অমুষ্ঠান করিতে পারে না। অতএব সর্বদা সর্বপ্রযত্নে দান করা কর্তব্য।

সুবাহু কহিলেন, দ্বিজোত্তম! দান ও তপস্যা এই দুয়ের কোনটী অতিশয় দুষ্কর এবং অতিশয় পুণ্যফল সম্পাদন করে, নির্দেশ করুন।

জৈমিনী কহিলেন, রাজন্! পৃথিবীতে সর্বলোকসাক্ষিক সুদুষ্করতর বিষয় অনেক প্রত্যক্ষ দেখিতে পাওয়া যায়। দেখুন, ধনার্থে লোভমোহিত হইয়া, লোকে প্রিয়তম প্রাণও পরিহার, সাগরে বা বনে প্রবেশ ও কেহ কেহ অনায়াসেই ধনির দাসত্ব করে। এবং কৃষি প্রভৃতি বহুতর ক্লেশ স্বীকার করিয়া থাকে। এইরূপে দুঃখার্জিত অর্থ প্রাণ অপেক্ষাও গরীয়ান্। তাহার পরিহারও নিতান্ত দুষ্কর। বিশেষতঃ যে অর্থ ঞ্য়ানুসারে অর্জিত, তাহা কখন পরিত্যাগ করা যায় না। কিন্তু এই অর্থ বিধিবৎ শ্রদ্ধা সহকারে সংপাত্রে দান করিলে, তাহার অন্ত হয় না। এই শ্রদ্ধা ধর্মের আত্মজা দেবী স্বরূপ; সমুদায় বিশ্বের উদ্ধার ও পবিত্রতা সম্পাদন করে। অধিকন্তু ইহা সাবিত্রী, প্রসবিত্রী ও সংসার সমুদ্রের পারকর্ত্রী। শ্রদ্ধাতেই ধর্মের অমুষ্ঠান সম্পন্ন হয়। এবং অমুরাগী নিক্ষিপ্ত যুনিগণ শ্রদ্ধা ভাবেই স্বর্গ প্রাপ্ত হইলেন। রাজন্! সংসারে ভিন্ন ভিন্ন অনেকবিধ দান আছে। তন্মধ্যে অন্নদান অপেক্ষা প্রাণিগণের গতিবিধায়ক অন্য দান লক্ষিত হয় না। এই জন্ম পরঃসহ অন্নদান করা একান্ত কর্তব্য। বলিতে কি, ইহলোকে বা পরলোকে অন্নের পর দান নাই। এই অন্নদান লোকের উদ্ধার, যক্ষল ও সুখ সম্প্রাপ্তির হেতু। শ্রদ্ধাপূর্বক বিশুদ্ধ চিতে সংপাত্রে অন্নদান করিলে, যজ্ঞের

একপদ ফল লাভ হয়। যুক্তিমাত্র বা গ্রাসমাত্রও অন্নদান করিবে। তাহার ফল অক্ষয় হইয়া থাকে। স্বভাবতঃ আশ্তিক পুরুষ পর্বকাল প্রাপ্ত হইলে, শ্রদ্ধা ও ভক্তি সহকারে ব্রাহ্মণকে ভোজন করাইবেন। এক জনকেও ভোজন করাইলে, তাহার নিত্য ফল ভোগ হইয়া থাকে। পূর্ব জন্মে ভক্তি পূর্বক একবারও পাত্ৰসাৎ করিলে, জন্মান্তর গ্রহণ করিয়া, নিত্য অন্ন ভোগ করিতে পারা যায়। যেব্যক্তি ব্রাহ্মণদিগকে নিত্য অন্ন দান করে, তাহাদের যিষ্ঠান্ন পান কখন বিচ্ছিন্ন হয় না। এই অন্ন প্রাণরূপ ও অমৃত হইতে সমুদ্ভূত, সন্দেহ নাই। সেইজন্মে বেদপারগ কবিগণ ইহা দান করেন। যাহারা অন্নদান করে, তাহারা প্রাণ দান করে। মহারাজ ! আপনিও প্রযত্ন সহকারে অন্নদান করুন।

রাজা এই প্রকার শ্রবণ করিয়া পুনরায় জ্ঞানপণ্ডিত জৈমিনীকে জিজ্ঞাসা করিতে প্রবৃত্ত হইলেন।

### উন্নতবর্তিতম অধ্যায়

সুবাহু কহিলেন, দ্বিজমহাশয় ! সম্প্রতি স্বর্গের গুণ সকল নির্দেশ করুন। আমি নিঃসংশয়ে তৎসমস্ত পরিপালন করিব।

জৈমিনি কহিলেন, স্বর্গে নন্দন প্রভৃতি বিবিধ রমণীয় দিব্য পবিত্র উদ্যান আছে। এই সকল উদ্যান সর্বকাম শুভ-

সম্পন্ন এবং সর্বকাম ফলবিশিষ্ট পাদপ পরম্পরায় সমস্তাৎ  
পরিশোভিত । এতদ্ব্যতীত, তথায় যে সকল সুদিব্য কাম-  
গামী বিচিত্র বিমান আছে, তৎসমস্ত অঙ্গরোগণে নিষে-  
বিত, তরুণ আদিভ্যের ন্যায় উজ্জ্বল বল, চন্দ্রের ন্যায় সাতি-  
শয় শুভ্র, সুবর্ণময় শয্যাসনে পরিবৃত এবং যুক্তাজালে সমুদ্-  
ভাসিত । তত্রত্য অধিবাসীগণও সর্বথা সর্বকাম সম্বুদ্ধিমান্,  
সাতিশয় স্কৃত সম্পন্ন এবং সুখদুঃখবিবর্জিত হইয়া, যথা  
সুখে বিচরণ করে । নাস্তিকগণ, চোরগণ, অজিতেশ্রিয়গণ,  
নৃশংসগণ, পিশুনগণ, কৃতঘ্নগণ ও অভিমানিগণ তথায় গমন  
করিতে পারে না । যাহাদের সত্য আছে, তপস্যা আছে,  
সৌম্য আছে, দয়া আছে, এবং ক্ষমা আছে ; যাহারা  
যাজ্ঞিক, ও দানশীল, তাহারাই স্থান প্রাপ্ত হয় । অধিকন্তু,  
তথায় রোগ নাই, জরা নাই, মৃত্যু নাই, শোক নাই, হুঃখ  
নাই, ক্ষুধা নাই, তৃষ্ণা নাই, এবং কাহার হানিও দেখিতে  
পাওয়া যায় না । রাজন্ ! এইরূপ বহুবিধ গুণ স্বর্গে অব-  
স্থিতি করে ।

এক্ষণে তথায় যে সকল দোষ আছে শ্রবণ করুন । স্বর্গে  
শুভকর্মের সম্পূর্ণ ফল ভোগ হইয়া থাকে । কিন্তু কোনরূপ  
ক্রিয়ার অনুষ্ঠান হইতে পারে না, ইহাই তাহার মহান দোষ ।  
অপিচ, দীপ্তিমতী পরশ্রী দর্শন করিয়া, অসন্তোষ উপস্থিত  
হইয়া থাকে । কর্মের ক্ষয় হইলেই সহসা পতিত হইতে  
হয় । ইহলোকে যে কর্ম্য করা যায়, তাহারই ফলমাত্র ভোগ  
হইয়া থাকে । এইরূপে এই পৃথিবী কর্ম্যভূমি এবং স্বর্গ  
তাহার ফলভূমি বলিয়া পরিগণিত হয়

স্ববাহু কহিলেন, আপনি স্বর্গের মহান দোষ সমস্ত

কীর্তন করিলেন। এক্ষণে অন্যান্য শাশ্বত গুণ সমস্ত বর্ণন করুন।

জৈমিনি কহিলেন, মহারাজ! ব্রহ্মসদন পর্যন্ত দোষ সমস্ত অবস্থিতি করে। এইজন্য মনীষিগণ স্বর্গ প্রাপ্তির অভিলাষ করেন না। যাহা ব্রহ্মসদনের উপরিষ্ঠাৎ, তাহাই বিষ্ণুর পরমপদ। ঐ পদ কল্যাণময়, সনাতন ও সর্বথা দোষহীন। বিষয়াত্ম জ্ঞানহীন পুরুষগণে তথায় যাইতে পারে না। যাহারা দস্তা, লোভী, বিদ্রোহী ও ক্রোধপরায়ণ, তাহাদেরও গমন সুসাধ্য নহে। নিশ্চল, নিরহঙ্কার, নিৰ্বন্দ্ব, নিয়তেন্দ্রিয়, ধ্যান ও যোগ নিরত সাধুগণই তথায় স্থান প্রাপ্ত হইয়েন। যাহা জিজ্ঞাসা করিয়াছিলেন, তৎসমস্ত বর্ণন করিলাম।

পৃথিবীপতি সুবাহু স্বর্গের গুণ সমস্ত এই প্রকার শ্রবণ করিয়া, বদতাংবর মহাভাগ জৈমিনিকে কহিলেন, মুনে! আমি স্বর্গে গমন করিব না, এবং তাহার ইচ্ছাও করি না। যাহাতে পতন আছে, তজ্জন্য কৰ্ম্মানুষ্ঠানে আমার প্রবৃত্তি নাই। অতএব আমি কখন দান করিব না। যেহেতু, দানফললাভ হইলেই, পতিত হইতে হয়। একমাত্র ধ্যান-যোগ দ্বারা আমি কমলাপতির আরাধনা করিব। তাহাতেই আমার তদীয় লোক প্রাপ্তি হইবে। স্বর্গে প্রয়োজন নাই।

জৈমিনি কহিলেন, রাজন্! আপনি যাহা বলিলেন, তাহা সত্য ও সর্বশ্রেয়ঃ সম্পন্ন। তথাপি, নরপতিগণ দানশীল হইয়া, মহাযজ্ঞের যজ্ঞ করুন। এবং যজ্ঞের আদিতে ও অন্তে বস্ত্র, তাম্বুল, কাঞ্চন, ভূ ও গো প্রভৃতি সর্বপ্রকার দান করিয়া থাকেন। সেই যজ্ঞের প্রভাবে

তাঁহাদের বিষ্ণুলোক প্রাপ্তি এবং দানবলে পরমতৃপ্তি ও সন্তোষ সম্পন্ন হয় । ভাবিয়া দেখুন, তপোধনগণ অপার্শ্ব-বর্তী ব্রাহ্মণকে বিভাগ অনুসারে এক গোত্রোপাধি প্রদান করিয়া থাকেন । ফলতঃ অন্নদান করিবে তাহার সমুচিত কলভোগ হয় এবং ধাতৃক্ষণকুবিহীন হইয়া, বৈকুণ্ঠে গমন করিতে পারা যায় । অতএব আপনিও ন্যায়ার্জিত ধন বিতরণ করুন । দান বলে জ্ঞান এবং জ্ঞানবলে সিদ্ধি লাভ করিতে পারিবেন । যে ব্যক্তি এই উৎকৃষ্ট পুণ্যাখ্যান শ্রবণ করে, তাহার সৰ্বপাপ বিমুক্তি ও বিষ্ণুলোক প্রাপ্তি হয় ।

## নবত্বিতম অধ্যায়

সুবাহু কহিলেন, ব্রহ্মন্ ! কীদৃশ কৰ্ম্মে নরকলাভ আর কীদৃশ কৰ্ম্মে স্বৰ্গ হয়, কীৰ্ত্তন করুন ।

জৈমিনি কহিলেন, যে দ্বিজ লোভমোহিত হইয়া, ব্রাহ্মণ্য পুণ্য বিসর্জন পূৰ্বক কুৰ্ম্মে উপজীবিত হয়, তাহার নরক সংঘটিত হয় । যাহারা পরুষ, পিশুন, অভিমানী, অনৃত-বাদী, এবং অনগল প্রলাপ প্রয়োগ করে, তাহারাই নরক-গামী । যাহারা পরস্বহরণ, পরদূষণসূচন ও পরস্তুতে রমণ করে, তাহারাই নরকগামী । যাহারা প্রাণিগণের প্রাণ-হিংসায় নিরত, এবং প্রব্রজ্যাবসিত, তাহারাই নরকগামী । যাহারা স্বরূপ, তর্জাগ, বাপী ও সরোবর ভেদ করে, তাহারাই



নরকগামী। যাহারা বিপর্যয় সময়ে স্ত্রী, শিশু, ভৃত্য ও অতিথি বর্জন পিতৃদেবাদের উচ্ছেদ করে, তাহারাই নরক-গামী। যাহারা আদ্য পুরুষ ঈশাম স্বরূপ সর্বলোকমহেশ্বর কৃষ্ণের চিন্তা না করে, তাহারাই নরকগামী। যাহারা ব্রাহ্মণ, গো, কন্যা, সূহৃদ, সাধু ও গুরুর দূষক, তাহারাই নরকগামী। যাহারা কাষ্ঠ, শঙ্কু, শূল বা অশ্ব দ্বারা বিদ্ধ করে, তাহারাই নরকগামী। যাহারা ক্ষেত্র, বৃতি, গৃহ, প্রীতি ও প্রসাদ ছেদ করে তাহারাই নরকগামী। যাহারা শাস্ত্রের শিষ্যের ও শরাসনের কর্তা ও বিক্রেতা, তাহারাই নরকগামী। যাহারা অনাথ, বিকল, দীন, রোগী, বৃদ্ধ, ইহাদের প্রতি অনুকম্পাবিহীন, তাহারাই নরকগামী।

যাহারা হোম, জপ, স্নান ও দেবার্চনার তৎপর এবং শ্রদ্ধাশীল ও মহাত্মা, তাহারাই স্বর্গগামী। যাহারা শুচি ও বাসুদেবপরায়ণ হইয়া, শুচিদেশে বিষ্ণুগায়ত্রী পাঠ করে, আদরপূর্বক, সর্বদা মাতা পিতার শুশ্রূষা করে, দিবা নিদ্রা ত্যাগ করে, এবং কাহারও প্রতি হিংসা করে না, তাহারাই স্বর্গগামী। যাহারা সর্বংসহ, সর্বাশ্রয়, সহস্রপরিবেষ্টি, সহস্রদ, দাতা, দান্ত, যৌবনস্থ হইলেও জিতেন্দ্রিয়, ধীর, যাহারা সুবর্ণ, গোষ্ঠ, অন্ন ও বস্ত্র দান করে, শত্রুরও দোষ প্রখ্যা-পন করে না, প্রতু্যত গুণরাশি কীর্তন করে, যাহারা যাচিত হইয়া দর্শন করে ও দান করিয়া না বলে, তাহারাই স্বর্গ-গামী। যাহারা দানফল কামনা পরিত্যাগ করে, পরের স্ত্রী দেখিয়া সন্তপ্ত না হয়, বিমৎসর ও প্রফুল্ল হইয়া সকলের অভিনন্দন করে, যাহারা স্বয়ং উপাদান পূর্বক রস, রস ও নিবেশন সকল অন্তকে প্রদান করে, এবং ক্ষুধা তৃষ্ণা ও

শ্রমকাতর হইয়াও ভাগপূর্বক পান ভোজনাদি করিয়া থাকে, তাহারাই স্বর্গগামী । যাহারা বাপী, কুপ, তড়াগে, বেশ্ম, পানাশয় ও উদ্যান প্রভৃতির কৰ্ত্তা, যাহারা অনতেও সৎ, অনার্জ্জবেও সার্জ্জব, শক্রতেও মৈত্রী সম্পন্ন, যাহারা যস্মিন্ কস্মিন্ কুল জন্মা হইয়াও বহুপুত্র শতায়ু, সান্নুক্ৰোশ, ও সদাচার, যাহারা সৰ্বথা এক মাত্র ধর্ম্য কর্ম্ম দ্বারাও দিবস সার্থক করে, আক্রোশ্তা বা স্তোতা উভয়কেই তুল্য দর্শন করে, যাহাদের আত্মা শান্ত ও সংযত, যাহারা দশ্যভয়ভীত ব্রাহ্মণ স্ত্রী ও সার্থের সর্বতোভাবে রক্ষা করে ; গঙ্গা, পুষ্কর বিশেষতঃ প্রয়াগে পিতৃপিণ্ড প্রদান করে, যাহারা ইন্দ্রিয়-গণের অবশ্য ও সৰ্বথা সংযমনিরত, যাহারা লোভ ক্রোধ ও ভয় পরিত্যাগ করিয়াছে, তাহারাই স্বর্গগামী । যুক মৎকুণ্ড ও দংশ প্রভৃতি জন্তু সকল তুদিত করিলেও যাহারা পুত্রবৎ তাহাদের রক্ষা করে, মন ও ইন্দ্রিয় নিগ্রহে সৰ্বথা নিরত হয়, পরাপকারে প্ররতি পরিহার করে, অজ্ঞানবশতও ষথোক্ত বিধির লঙ্ঘন করে না, সর্বপ্রকার হৃন্দ সহিষ্ণু ও দমণ্ডণের পরতন্ত্র হয়, সর্বতোভাবে বিশুদ্ধ হইয়া মন বাক্য বা কর্ম্মেও পরস্ত্রী রমণ করে না, সত্বগুণের অনুসারী হইয়া, মিন্দিত কর্ম্ম পরিত্যাগ ও বিহিত কার্যের সাধ্যানুসারে অনুষ্ঠান করে, তাহারাই স্বর্গগামী হয় । রাজন্ ! আপনার নিকট তন্ত্রানুসারে সমস্তই কথিত হইল । কর্ম্মবশতই দুর্গতি সুগতি প্রাপ্ত হইয়া থাকে । যাহারা পরের প্রতিকূলতা করে তাহাদেরই স্তূহঃসহ ঘোর নরক লাভ হয় । আর যাহারা অমুকুল হইয়া, জীবন ধারণ করে, তাহারাই সুখাবহ স্থির যুক্তি প্রাপ্ত হয় ।

## একনবতিতম অধ্যায় ।

কুঞ্জর কহিলেন, সুবাহু জৈমিনিভাষিত ধর্ম্মাধর্ম্ম গতি শ্রবণ করিয়া, মুনিলোকে গমন করিলেন । তথায় গমন করিয়া, দেবদেবকে দেখিতে পাইলেন না । প্রত্যুত, অতি তীব্র ক্ষুধা ও তৃষ্ণায় অভিভূত হইলেন । তাহাতে তাঁহার আত্মা অতিমাত্র পীড়া অনুভব করিতে লাগিল । এইরূপে ক্ষুধা তৃষ্ণায় নিরতিশয় কাতর হইয়া, হৃষীকেশের অদর্শন জন্য তাঁহার দুঃখ আরও বর্দ্ধিত হইল ।

সুত কহিলেন, বসুধাধিপ সুবাহু প্রিয়তমার সহিত এই প্রকার একান্ত দুঃখিত, নিতান্ত আকুল ও ক্ষুধাকাতর হইয়া, ব্যাকুল চিত্তে ইতস্ততঃ ধাবমান হইতে লাগিলেন । তাঁহার শরীর সর্বাভরণে ভূষিত, রক্তচন্দনে অলঙ্কৃত, পুষ্পমালায় উদ্ভাসিত, হার কুণ্ডল ও কঙ্কণে সুশোভিত, এবং রত্নমালায় প্রদীপ্ত । তৎকালে তিনি পাতক পরম্পরায় পীড়্যমান ও সুখ দুঃখে সমাবিষ্ট হইয়া সমস্তাৎ বেগভরে গমন করিতে করিতে প্রিয়তমাকে কহিলেন, বিম্বুলোকে আসিয়াও ভগবান্ মধুসূদনের সাক্ষাৎ পাইলাম না । আমি যে এত পুণ্য করিলাম, তাহার মহৎ ফল ভোগ হইল না । ইহার কারণ কি ? ইহাতেই আমার অতিশয় দুঃখ বোধ হইয়াছে । এদিকে ক্ষুধা অতিশয় বর্দ্ধিত হইয়া উঠিতেছে । কি করি, কোথায় যাই ।

মহিষী কহিলেন, রাজনু ! সত্য বলিয়াছেন, ধর্মের কিছু-  
মাত্র ফল নাই । বেদশাস্ত্রে ও পুরাণ সকলে ব্রাহ্মণগণ যাঁহার  
পাঠ করেন, যদীয় নামোচ্চারণ মাত্রে সমস্ত দোষ দূরীভূত ও  
দুঃখ শোক তিরোহিত হয়, এবং মহাত্মাগণ যাঁহার ধ্যান  
করিয়া থাকেন, আপনি সেই দেবদেব মধুসূদনের সর্বথা পূজা  
করিয়াছেন । কিন্তু তাহার কল ত কিছুই দেখিতেছি না ।  
এখনও বাসুদেবের সাক্ষাৎ হইল না । বলিতে কি, ক্ষুধা  
ও তৃষ্ণায় মহাশোষ উপস্থিত হইতেছে ।

কুঞ্জর কহিল, প্রিয়তমাবাক্যে সুবাহুর ইন্দ্রিয় নিতান্ত  
আকুল হইয়া উঠিল । অনন্তর তিনি শ্রমনাশন পরম পবিত্র  
আশ্রম দর্শন করিলেন । ঐ আশ্রম চারুগন্ধি শ্রীখণ্ড ও  
অন্যান্য সর্বকামসমন্বিত বিবিধ জাতীয় দিব্য বৃক্ষে পরিবৃত ;  
হংস কারণ্ডব নিনাদিত পদ্ম কঙ্কালর সুরভিত সুনির্মূল সলিল  
সম্পন্ন পরম সুদৃশ্য বাপী, কূপ ও তড়াগ সমূহে আকীর্ণ ;  
তন্ত্রবেদী ঋষি, ঋষিশিষ্য, যোগী, যোগীন্দ্র, সিদ্ধ ও দেবগণে  
পরিসেবিত, বিকসিত কুমুমশোভায় সর্বদা জাজ্বল্যমান ও  
নিরতিশয় প্রতিভায় সূর্যের ন্যায় আলোক সম্পন্ন । সুবাহু  
পত্নীর সহিত এবং বিধ পূণ্যপরিপূর্ণ ষোণপটুবিরাজিত  
ষোণাসনে অধিনিবিষ্ট সর্বকামপ্রদ আশ্রমপদে প্রবেশ করিয়া  
দেখিলেন, বৈষ্ণবগণের অগ্রগণ্য মুনিশ্রেষ্ঠ বামদেব অতি  
মহতী দীপ্তিতে নিরতিশয় বিরাজমান হইয়া সূর্যের ন্যায়  
প্রতিভা ধারণপূর্বক ভক্তি যুক্তি প্রদাতা হৃষীকেশের ধ্যান  
করিতেছেন । তদর্শনে তিনি প্রিয়তমার সহিত দ্বারে প্রবেশ  
করিয়াই প্রণাম করিলেন । মহানুভব বামদেব রাজাকে  
সম্ভ্রমিত প্রণাম করিতে দেখিয়া, প্রথমতঃ আশীর্বাদে উভয়ের

অভিনন্দন করিলেন । অনন্তর পবিত্র আসনে উপবেশন করাইয়া, অর্ঘ্য পাদ্যাদি সহকারে সবিশেষ পূজা সমাধান পূর্বক সেই মহাভাগবত মহারাজ সুবালকে জিজ্ঞাসা করিতে লাগিলেন, রাজন্ ! আপনি বিষ্ণুধর্মজ্ঞ বিষ্ণুভক্ত নরোত্তম, ইহা আমার নিঃসন্দেহ পরিজ্ঞাত আছে । এক্ষণে পত্নীর সহিত সুখে আসিয়াছেন ত ?

সুবালু কহিলেন, আমি নিরাময় বিষ্ণুলোকে নিরাময় আগমন করিয়াছি । অধুনা, যে দেবদেব ভক্তপ্রিয় জগন্নাথ জনার্দনের পরম ভক্তিসহকৃত অরাধনা করিয়াছিলাম, সেই সুরপতি কমলাপতির কিরূপে সাক্ষাৎ হইতে পারে? নিদারুণ ক্ষুধা ও তৃষ্ণা আমারে অতিশয় কাতর করিয়াছে দেখুন । ভ্রুজ্ঞান্য কোন মতেই শান্তি বা সুখ লাভ হইতেছে না । এই কারণে আমার অতিশয় দুঃখ উপস্থিত হইয়াছে । যদি প্রসন্ন হইয়া থাকেন, ইহার হেতু নির্দেশ করুন ।

বামদেব কহিলেন, রাজন্ ! আপনি ভগবান্ বাসুদেবের ভক্ত এবং সর্বদা পরম পবিত্র ভক্তিমাত্র উপচারে সেই সর্বজ্ঞ মধুসূদনের বিনা নৈবেদ্যে পূজা ও আরাধনা করিয়াছেন, সন্দেহ নাই । কিন্তু কখন কোন ব্রাহ্মণকে একমাত্র অন্নও প্রদান করেন নাই । বিশেষতঃ একাদশী প্রাপ্ত হইয়াও তাহারে ভোজন করান নাই, অথবা পার্ণসময়ে সেই বিষ্ণুকে উদ্দেশ্য করিয়া, কখন অন্ন দান করেন নাই । এই অন্ন অমৃত রূপে সর্বদা পৃথিবীতে অধিষ্ঠান করে । কটু, তিক্ত, কষায়, মধুর, অম্ল ও ক্ষার ভেদে ঔষধি সকল নানা প্রকার । সমস্ত ঔষধিই পুষ্টির হেতু অমৃতরূপে উপলব্ধ হইয়াছে । অতএব অন্ন, ব্যঞ্জন ও ঔষধি সমস্ত সম্যকরূপে

পরিণামক করিয়া, সহস্ৰে বিষ্ণুরূপী দেবতা, ব্রাহ্মণ, অভিশি  
ও পিতৃদিগকে প্রদান করিয়া, পরে স্বজনবর্গের ভোজন-  
ক্রিয়া সম্পন্ন করিবে । তদনন্তর স্বয়ং অন্ন ভোজন করিবে ।  
অন্ন অমৃতের সমান । যাহার অন্নের অভাব নাই, তাহার  
আবার দুঃখ কি ? রাজন্ ব্রাহ্মণ, দেবতা ও পিতৃগণ ইহারা  
ক্ষেত্র স্বরূপ । কৃষক যেরূপ আপনার কৃষি নিরূহ করে,  
মমুষ্য তদ্রূপ বিপ্রময় ক্ষেত্র কর্ষণ করিবে । এ বিষয়ে মন  
ও বুদ্ধি রমভ স্বরূপ । সত্য ও জ্ঞান উভয়ের আশীঃ এবং  
শুদ্ধ আত্মা প্রভেদ । এই সকল গ্রহণ করিয়া বিপ্রনামক মহা-  
ক্ষেত্রে প্রত্যহ বপন করিবে । তাহাতে সমস্ত পাপ ক্ষুটিত  
হইয়া যাইবে । রাজন্ ! কৃষক যেরূপ কৃতোদ্যম হইয়া, উশু  
প্রসাধন করে, তদ্রূপ শুভ বাক্যে ব্রাহ্মণের প্রসাধন করিবে ।  
সমুদায় তীর্থ ও কাল ঘনরূপে বর্ষণ করিলে, ক্ষেত্র বপন  
যোগ্য হয় ; ক্ষেত্রী সেই সময়েই বপন করিয়া থাকে । তদ্রূপ  
ব্রাহ্মণ প্রসন্ন হইলেই, অন্নদান করিবে । ক্ষেত্রী যেরূপ উশু  
বৌজের কন ভোগ করে, দাতারও সেইরূপ দানভোগ সম্পন্ন  
হইয়া থাকে । এবং ইহামুক্ত পরম তৃপ্তিলাভ হয়, তাহাতে  
সন্দেহ নাই । কলতঃ দেব, দ্বিজাতি ও পিতৃগণ ক্ষেত্র  
স্বরূপ । এক্ষণে আপান যেরূপ শুভাশুভ কর্ম করিয়াছেন,  
তাহার তাদৃশ ফল ভোগ করুন । কোন মতে ইহার অন্যথা  
হইবে না । আপনি পূর্বে দেব, ব্রাহ্মণ ও পিতৃদিগকে কখন  
মিষ্টান্ন পান প্রদান করেন নাই । কেবল স্বয়ং সুভোজ্য  
ভোজন ও মিষ্ট মধুর সুস্বাদু পান করিয়াছেন এবং তাঁহা-  
দিগকে না দিয়া, অমৃত সন্তুব অম্নে স্বীয় শরীর পোষণ  
করিয়াছেন । সেই জন্যই ক্ষুধায় পীড়িত হইতেছেন । এবং

আপনার মহিষীও ক্ষুধায় অতি কাতর লক্ষিত হইতেছেন। ই  
একণে এখান হইতে গমন করিয়া, পৃথিবীতে মিজ দেখ  
পাতিত করুন।

সুবাহু কহিলেন, মহাভাগ! রাজ্ঞীর সহিত কত দিন  
এইরূপ করিতে হইবে এবং তদনন্তর কিরূপ অনুগ্রহ হইবে  
বলুন।

বামদেব কহিলেন, মহামতে! অন্ন ও পানীয়দান করিলে,  
স্বর্গে মহাসুখভোগ এবং পাপপীড়া নিরাকৃত হইয়া থাকে।  
মনুষ্য জীবিত অবস্থায় যদিও দান না করে, কিন্তু মৃত্যুকাল  
উপস্থিতে সর্বস্বদান করা বিধেয়। আদিতে অন্নদান করিবে,  
যে ব্যক্তি অন্ন, জল, ছত্র, উপানৎ, সুশোভন জলপাত্র, ভূমি,  
কাঞ্চন ও ধেনু এই আটপ্রকার দান করে, স্বর্গে তাহার  
ক্ষুধাতৃষ্ণাদি ভয় সংঘটিত হয় না। অন্নদান জন্য যে পরম-  
তৃপ্তি উপস্থিত হয়, তাহাতে ক্ষুধা হইবার সম্ভাবনা নাই এবং  
তীব্রতর পিপাসাও সহ্য করিতে হয় না। উদক দান করিলে,  
এইরূপ, ছত্রদান করিলে ছায়া, উপানৎ দান করিলে বাহন,  
ভূমিদান করিলে, সর্বকাম সহিত মহাভোগ এবং গোদান  
করিলে, রসপুষ্টি, সর্ব কাল সুখভোগে অধিষ্ঠান ও পরম  
তৃপ্তিলাভ হইয়া থাকে, এ বিষয়ে সংশয় নাই। কাঞ্চন দান  
করিলে, রোগহীন দুঃখহীন, সুখ ও সম্ভোগ সম্পন্ন এবং  
সুন্দর বর্ণ-বিশিষ্ট হওয়া যায়। রত্ন দান করিলে, শীল,  
রূপ ও ভোগ লাভ হয়। মৃত্যুকালে আপনি কিছুই প্রদান  
করেন নাই। তজ্জন্য ক্ষুধায় কাতর হইতেছেন। ইহাই  
আপনার কর্ম বশামুগ কারণ নির্দেশ করিলাম। লোকে  
ধেরূপ কর্ম করে, তদনুরূপ ভোগ করিয়া থাকে।

সুবাহু কহিলেন, মুনিসত্তম ! ক্ষুধায় আমার শরীর শুষ্ক  
পরিণামে নিতান্ত পরিভূত হইতেছে । কি রূপে এই ক্ষুধার শাস্তি  
ও দি হইবে, এবং যে রূপে দারুণ কর্মের পরিপাক হইতে পারে,  
তাহার প্রায়শ্চিত্ত নির্দেশ করুন ।

বামদেব কহিলেন, কিছুতেই আপনার প্রায়শ্চিত্ত নাই ।  
সর্বথা কর্মের সদৃশ ফল ভোগ করিতে হইবে । যেখানে  
আপনার শরীর পতিত হইয়াছে, প্রিয়ার সহিত সত্বরে  
তথায় গমন এবং সেই অক্ষয় দেহ ভক্ষণ করুন ।

রাজা কহিলেন, দ্বিজসত্তম ! কত দিন সস্ত্রীক এইপ্রকার  
অনুষ্ঠান করিব বলুন ।

বামদেব কহিলেন, বাসুদেবাখ্য মহাপাতকবিনাশন মহা-  
স্তোত্র কর্ণগোচরে পতিত হইলেই, তোমার মুক্তি লাভ  
হইবে । আপনাকে সমুদায়ই কহিলাম, এক্ষণে এখান  
হইতে গমন করুন ।

কুঞ্জর কহিল বৎস ! এইপ্রকার শ্রবণ করিয়া, মহামতি  
সুবাহু প্রিয়ার সহিত শরীরমাৎসতক্ষণে প্রবৃত্ত হইলেন ।  
নিত্য উহা ভক্ষণ করেন ; নিত্য উহা পূর্ণ হয় । এইরূপে  
উত্তরে তাহা ভক্ষণ করিতে লাগিলেন । নরপতি যে যে  
সময়ে স্বীয় দেহ ভক্ষণ করেন, সেই সেই সময়েই ললনাগণ  
যে হাস্য করিয়া থাকে, তাহা শ্রবণ কর । প্রজ্ঞা ও মহা-  
শ্রদ্ধা নরপতির চরিত দেখিয়াই ঐরূপ হাস্য করেন । লোকে  
যদি এই শ্রদ্ধায় পূর্যমাণ হইয়া, শ্রদ্ধাসহকারে সম্যকরূপে  
অন্ন কপন করিয়া বিষ্ণুর উদ্দেশে ব্রাহ্মণকে প্রদান করে,  
তাহা হইলে, সর্বত্র পান ভোজন সম্পূর্ণ ও পরম সুখ লাভ  
করিতে পারে । যাহা হউক, নরপতি বজ্রেশবের ন্যায় স্বীয়



মাংস ভক্ষণে প্রবৃত্ত হইলে, শ্রদ্ধা তাহা দর্শন পূর্বক এই বলিয়া হস্ত করিয়া উঠে, যে, এই পাপ চেতন বিকুলোকে বান করিয়াও ভার্য্যার সহিত স্বীয় দেহ ভক্ষণ করিতেছে। এ বিষয়ে আমার সঙ্গ প্রসঙ্গ নাই। অগ্নি সুবাহো! যে তোমারে মোহিত করিয়াছিল, একগে সেই মর্ছামোহ কোথায়? এবং যে লোভ এই মোহের সহিত মিলিত হইয়া, তোমারে তমোগর্ভে নিপাতিত করে, সেই বা অদ্য দুঃখ সঙ্কটে পরিব্যাপ্ত তোমার পরিত্রাণ করিতেছে না কেন? তুমি যেরূপ দানমার্গ পরিত্যাগ করিয়া লোভমার্গে প্রবৃত্ত হইয়াছিলে, অধুনা ভার্য্যার সহিত ভৃগু ক্ষুধিত হইয়া, তাহার ফল ভোগ কর। শ্রদ্ধা এই বলিয়া প্রিয়ার সহিত ক্ষুধার্ত সুবাহুকে উল্লিখিত কারণে উপহাস করেন। আর ভীমরূপ ভয়াবহ নিদারুণ ক্ষুধা ও তৃষ্ণাই দেহি দেহি বলিয়া বারংবার তাঁহার নিকট মাংস প্রার্থনা করিয়া থাকে। বৎস! তোমার জিজ্ঞাসিত সমুদায় কহিলাম। আর কি বলিতে হইবে বল।

বিজুল কহিল, তাত! নরপতি ষড়্ধারা বিষ্ণুর পরম পদ যোকপদ লাভ করিবেন, সেই বাসুদেবাখ্য স্তোত্র নির্দেশ করুন।

## দ্বিবিভিতম অধ্যায়



মহাভাগ বিজুল এইপ্রকার শুভ বাক্য প্রয়োগ করিলে, বদভাংবর কুঞ্জর সর্বক্লেশবিনাশন সর্বাশ্রয় বিধাতা স্বর্ষী-কেশকে প্রণাম ও ধ্যান করিয়া, বাহুদেবাখ্য স্তোত্র কীর্তন করিল। ঐ স্তোত্র মোক্ষের দ্বার, সর্বাশ্রয়প্রদায়ক ও সুখ-সম্পন্ন, এবং শান্তি সাধন, পুষ্টিবর্দ্ধন, সর্বকাম প্রদান, জ্ঞান বিজ্ঞান সম্পাদন ও পুণ্য বর্দ্ধিত করিয়া থাকে। বিজুল পিতার প্রকাশিত এই অপ্রমের অনুত্তম স্তোত্র সম্যকরূপ অবধারণ ও জ্ঞান গোচর করিয়া, পরিগ্রহ করিল। তখন কুঞ্জর তাহাকে সম্বোধন করিয়া কহিল, বৎস! তুমি এখান হইতে সত্বরে গমন ও ভূপতির পাপ বিনাশার্থ তদীয় গোচরে এই স্তোত্র পাঠ কর। তিনি আমার কথিত এই আত্মহিতকর স্তোত্র শ্রবণমাত্র ভগবানের প্রসাদে তৎক্ষণাৎ জ্ঞানময় হইবেন, তাহাতে সংশয় নাই।

অনন্তর লঘুবিক্রম বিজুল পিতাকে আমন্ত্রণ ও ত্বরিত পদে আনন্দকাননে গমন পূর্বক রক্ষণার্থ সমাবিষ্ট হইয়া, স্বীয় কার্য সাধনার্থ উদ্যম প্রকাশ পুরঃসর বিমানবিহারী নরপতির অপেক্ষা করিয়া রহিল এবং মনে মনে চিন্তা করিতে লাগিল, "নরপতি সুবাহু প্রিয়র সহিত কোন্ সময়ে সমাগত হইবেন। আমি তাঁহারে এই সুবলে তৎক্ষণাৎ মাংস তক্ষণ প্ৰার্থক হইতে বিমুক্ত করিব। জ্ঞানধানু বিজুল

এইপ্রকার চিন্তা করিতেছেন, এমন সময়ে কিঙ্কিনীজাল-সঞ্চিত ঘণ্টাবরনির্মানিত বেণু বীণায় মধুরায়িত দেবগন্ধর্ব-সংযুক্ত অঙ্গরোগণপরিবেষ্টিত সর্বকামসুসমৃদ্ধ দিব্য বিমান সমাগত হইল। নরপতি প্রিয়র সহিত তাহাতে অধিষ্ঠিত ছিলেন। তৎক্ষণাৎ সস্ত্রীক অবরোধন পূর্বক তীক্ষ্ণ শস্ত্র আদান করিয়া, শব কর্তনে যাবৎ প্ররক্ত হইলেন, তাবৎ বিজুলও সমাধান সহকারে কহিতে লাগিল, অয়ি দেবোপম পুরুষশার্দূল ! আপনি যে কাথ্য করিতেছেন, ইহা অতি নিম্নগ। অতি নৃশংসও ইহার অমুষ্ঠানে সক্ষম নহে। আপনার একি বিধি বিপর্যয় ! কি জন্য আপনি বেদাচার-বহিভূত এই হুক্ত সাহসিক কর্মে নিত্য প্ররক্ত হইয়া থাকেন। ইহার কারণ কি, সমুদায় সবিশেষ কীৰ্ত্তন করুন।

মহারাজ সুবাহু মহাত্মা বিজুলের বাক্য শ্রবণ করিয়া, প্রিয়তমা তাকীকে কহিলেন, প্রিয়ে ! যুগ সহস্র বাহিত করিলাম ; কেহ কখন ইহার ন্যায় বাক্য প্রয়োগ করে নাই। যাহা হউক, ইহার এই সর্বহুঃখবিনাশন শান্তিময় শুভবাক্য শ্রবণ করিয়া, মদীয় পীড়িত হৃদয়ও আনন্দিত ও নিতান্ত উৎসুক হইল ; অন্তঃকরণে শান্তি সঞ্চারিত হইল, এবং আক্সাদও বিকসিত হইয়া উঠিল। এই ব্যক্তিকে, নর কি গন্ধর্ব, ইন্দ্র কি মুনিশ্রেষ্ঠ, দেব কি সিদ্ধ। অথবা আর কেহ হইবেন।

পতিপরায়ণা তাকী প্রিয়তম কর্তৃক এই প্রকার আভাসিত হইয়া, প্রত্যুত্তর করিলেন, নাথ ! আপনি সত্য বলিয়াছেন। ইহা অতি আশ্চর্য, মদীয় চিত্তও আপনার অমু-

বর্জন করিতেছে। ইনি কে, পক্ষিরূপে আমাদিগকে জিজ্ঞাসা করিলেন ?

সুবাহু এই প্রকার অভিহিত হইয়া, বন্ধাঞ্জলি পুটে পক্ষীকে কহিতে লাগিলেন, অয়ি পক্ষিরূপধারিন্ মহাভাগ ! আপনার স্বাগত। আমি ভার্য্যার সহিত অবনত মস্তকে আপনার চরণাবিন্দুসম্বন্ধ বন্দনা করিতেছি; ভবদীয় প্রসাদে আমাদের কল্যাণ হউক। আপনি কে, পুণ্যরূপে পুণ্যবাক্য প্রয়োগ করিতেছেন ?

বিজুল কহিল, আমি শুকজাতিতে উৎপন্ন হইয়াছি। কুঞ্জর আমার পিতা; আমি তাঁহার তৃতীয় সন্তান, নাম বিজুল। আমি দেবতা, গন্ধর্ব্ব অথবা সিদ্ধ নহি। প্রতিদিনই তোমারে এই জুগুপ্সিত অনুষ্ঠানে প্ররক্ত দেখি। সেই জন্য জিজ্ঞাসা করিতেছি, আর কতদিন এই হুঃসাহস কর্ম্ম বিধান করিতে হইবে।

রাজা কহিলেন, পূর্বে বামদেব যেরূপ কহিয়াছেন, তদনুসারে বাসুদেবাখ্য স্তোত্র শ্রবণ করিলেই, আমার সুগতি হইবে। অয়ি বিহঙ্গম ! সেই মহাত্মা তপোধন এই প্রকারই নির্দেশ করিয়াছেন। তাহা হইলেই আমি পাতকযুক্ত হইব, সন্দেহ নাই।

বিজুল কহিল, আপনার জন্য আমি পিতার পূজা করিয়াছিলাম। তাহাতে তিনি আমারে সেই স্তব উপদেশ করেন। এক্ষণে, বলিতেছি, শ্রবণ করুন। এই বাসুদেবাস্তিধান স্তোত্রের হৃদয় অক্ষয় পুং, নারদ ঋষি, ওঁকার দেবতা, সর্বপাপ বিনাশ ও চতুর্ভুজ সাধনার্থ ইহার বিনিরোগ হইয়া থাকে। যিনি পদ্ম, পাবন, পুণ্য স্বরূপ, বেদজ্ঞ, বেদনিলয়, বিদ্যা ও

ধরার আধার, সেই প্রাণরূপী বাসুদেবকে নমস্কার। যিনি  
 নরের আশ্রয় অপ্রকাশ, স্বপ্রকাশ, মহোদয়, নিগুণ গুণবান্  
 ও পরমেশ্বর সেই ইত্যাদি। যিনি মোহের উদ্ভবকেন্দ্র, মহা-  
 রূপ মোহপ্রেরণ ও মোহবিনাশ করেন এবং সমস্ত সংসার-  
 সৃষ্টি করেন, সেই গুণাতীত ইত্যাদি। যিনি সর্বত্র গমন,  
 ভূতগণের ভূতি বর্দ্ধন ও দ্বন্দ্ব নির্হরণ করেন, সেই পরম  
 গতিস্বরূপ ইত্যাদি। যিনি গীতিপ্রিয়, সামগ, সঙ্কর, শুভ-  
 স্বরূপ, ও প্রাণবরূপ, সেই ইত্যাদি। যিনি বিচার ও বেদ-  
 রূপ, যিনি যজ্ঞাখ্য ও যজ্ঞবল্লভ এবং যিনি সর্বলোকের  
 যোনি ও ওঁকাররূপ, সেই ইত্যাদি। যিনি সংসারাগবমগ্ন  
 জীবগণের তারক ও নৌকারূপে বিরাজমান, সেই হরি  
 ইত্যাদি। যিনি একরূপ হইলেও, অনেকরূপে সর্বভূতে  
 অধিষ্ঠান করেন, যিনি কৈবল্যরূপ পরমধাম, সেই ইত্যাদি।  
 যিনি সূক্ষ্ম, সূক্ষ্মতর ও সূক্ষ্মতম, যিনি শুদ্ধ নিগুণ ও গুণ-  
 নায়ক, যিনি বেদস্থান ও প্রাকৃতক ভাব সমূহের অনাত্মাত,  
 ইত্যাদি। দেব, দৈত্য, উরগ, ও বিহঙ্গমগণ যাহার স্তব ও  
 অর্চনা করে, এবং অমর ও যোগিগণ ধ্যান করিয়া থাকেন,  
 সেই পরম কারণ ইত্যাদি। যিনি ব্যাপক, বিশ্ববেত্তা, পরম  
 বিজ্ঞান, শিব, শিবগুণ, শুভ্র ও শান্ত স্বরূপ, সেই পরম ঈশ্বর  
 ইত্যাদি। যদীয় মায়ার প্রবিষ্ট হইয়া ত্রাসাদি সুরেশ্বরগণও  
 যাহাকে জানিতে পারেন না, সেই পরম শুদ্ধ যোকদার  
 ইত্যাদি। যিনি আনন্দ কন্দ, শুদ্ধ হংস, পরাবর, সেই গুণ-  
 নায়ক ইত্যাদি। যিনি পঞ্চকন্য, সূর্য্যপ্রভ সূদর্শন, গদা ও  
 পদ্মে বিরাজমান, সকলের প্রভু সেই দেববাসুদেবের শরণ  
 গ্রহণ করি। যিনি বেদেরও বেদ, স্বগুণ, গুণের আধার ও

চরাচরের অধিষ্ঠাতা, সেই ইত্যাদি। চন্দ্র ও সূর্য পরম তপস্শাবলে বাহার স্বরূপে প্রতিভাত হইলেন, যিনি নভো-মণ্ডলে ও স্বর্গমণ্ডলে পরিব্যাপ্ত হইয়া, দেবগণের দৃষ্টিমার্গে বিচরণ করেন, সেই ত্রিবিক্রমের বিশ্ববিকাশক কেশপটল-পরিশোভিত দেবদুর্ভট বিরাট দেহে নমস্কার করি।

### ত্রিনবতিতম অধ্যায়

সূত কহিলেন, নরপতি সুবাহু এই প্রকার পরম পবিত্র, পাপবিনাশন, পুণ্যময়, নিরতিশয় সূক্ষ্ম ও কল্যাণময় এবং ধন্য, পুরাণ ও সুজাব্য স্তোত্র শ্রবণ করিয়া অতিমাত্র সুখী হইলেন। তাহার ক্ষুধা ও তৃষ্ণাও তৎক্ষণাতঃ দূরীভূত হইল। তখন তিনি ভার্যার সহিত পাপবন্ধবিমুক্ত হইয়া, দেবতার স্মার সুন্দররূপ ধারণ করিয়া শোভা পাইতে লাগিলেন। ঐ সময়ে শ্রীশঙ্খচক্রাজ্জ গদাদি ধর্তা দেবদেব বাসুদেব সূসিদ্ধ ব্রহ্মাণ ও দেবগণে পরিবৃত্ত হইয়া, সেই নিষ্পাপ নরপতি সরিধানে সমাগত হইলেন। তদীয় সমভিব্যাহারে নারদ, ভাগব, ব্যাস, মার্কণ্ডেয়, বাস্মীকিনামা বিষ্ণু ভক্ত ঋষি, ব্রহ্মনন্দন, এবং অন্যান্য বিষ্ণুপ্রিয় হরিপাদামুগ ভক্তিনিষ্ঠ বিগতকল্মষ পরম ধার্মিক ভাগবতবরিষ্ঠ ঋষিগণ আগমন করিলেন। সূতভুকপ্রমুখ দেবগণ এবং ব্রহ্মা ও মহাদেবও তথায় সমাগত হইলেন। সকলেই বাসুদেবের

পরিচর্যা পূর্বক অধিষ্ঠান করিতে লাগিলেন । অনন্তর গন্ধ-  
র্বরাজাদি দিব্য সুগায়ক সকল পরমার্থসম্পন্ন সুস্বরে দিব্য  
মধুর মনোজ্ঞ গান, এবং ঋষিগণ দেবগণের সহিত পবিত্র  
বাক্যে নরপতির স্তব করিতে লাগিলেন । তখন বাসুদেব  
মনোহর বাক্যে কহিলেন, রাজন্ ! যথেষ্ট বর প্রার্থনা কর ।  
আমি তাহাই প্রদান করিব ।

রাজা তদীয় বাক্য শ্রবণ পূর্বক পুরোভাগে অবলোকন  
করিলেন, অশুরারি মুরারি শঙ্খ, চক্র, গদা, পদ্ম, খড়্গ, রত্নো-  
জ্জ্বল কঙ্কন হার ও অন্যান্য মহার্হ আভরণ সমস্ত ধারণ  
করিয়া, স্ত্রীর সহিত বিরাজ করিতেছেন । তাঁহার বর্ণ  
নীলোৎপলের ন্যায়, প্রভা সূর্যের ন্যায়, দেহ দিব্য চন্দনগন্ধে  
আমোদিত, দেবগণ তাঁহার সেবা করেন । তিনিই পরম  
ঈশ্বর । দর্শনমাত্র সুবাহু অকৃত্রিম ভক্তিভরে ভূমিগত হইয়া,  
দণ্ডবৎ প্রণাম করিলেন । অনন্তর জয় উচ্চারণ করিয়া কহি-  
লেন, সুরপতে ! আমি সর্বদাই আপনার দাস ও কিঙ্কর ।  
আপনার ভক্তি ও ভাবনা কাহাকে বলে, অবগত নহি ।  
আমি যারপরনাই পাপাত্মা । এই স্থানে উপস্থিত আছি ।  
এবং সর্বদা শরণ গ্রহণ করিয়াছি । আমারে শাসন করুন ।  
যাহারা আপনার অনুগত, তাহারাই ধন্য । যাহারা সমাহিত  
চিত্তে মাধব ও কেশব বলিয়া সর্বদা ধ্যান করে, তাহারাই  
সুনিশ্চল হইয়া, ভবদীয় চরণারবিন্দমার্গ-নির্গত বৈকুণ্ঠে উপ-  
নীত হয় । যাহারা সমস্ত তীর্থসলিলে পরিপ্লুত হইয়া, মন্তক  
দ্বারা আপনার পূজা বহন করে, তাহারাই নিখিলপাতক-  
বিমুক্ত হইয়া, পরমানন্দে ভবদীয় ধাম প্রাপ্ত হয় । আমার  
জ্ঞান নাই, ভক্তি নাই, জ্ঞান নাই, ক্রিয়া নাই । তবে

কাহার পুণ্য প্রসঙ্গে পাপাত্মা আমারে বর দিতে উদ্যত হইয়াছেন।

হরি কহিলেন, রাজন্ ! তুমি বিজ্বলের নিকট যে মহাপাপ বিনাশন পরমপবিত্র বাসুদেবাখ্য শ্রবণ করিয়াছ, তাহাতেই আমার প্রতি তোমার ভক্তি সঙ্করি হইয়াছে, সন্দেহ নাই। এক্ষণে মদীয় লোকে অভিলষিত ভোগসম্ভার ভোগ কর।

সুবাহু কহিলেন, প্রভো ! দীন আমাকে যদি বর দান বিধেয় হয়, তবে অগ্রে বিজ্বলকে উত্তম বর প্রদান করিতে হইবে।

হরি কহিলেন, বিজ্বলের পিতা জ্ঞানপণ্ডিত কুঞ্জর অতিশয় পুণ্যবান্। যেহেতু, সে সর্বদাই বাসুদেবাখ্য জপ করিয়া থাকে। পুত্র ও প্রণয়িনী সমভিব্যাহারে তাহার মদীয় গেছ প্রাপ্তি হইবে। ফলতঃ এই স্তব জপ করিলেই তাহাকে মহাকল প্রদান করিব।

ভগবান্ এই প্রকার বাক্য প্রয়োগ করিলে, রাজা কহিলেন, এই পরম পাবন স্তোত্রের সফলতা বিধান করুন।

বাসুদেব কহিলেন, ত্রাঙ্কযুগে ইহা শ্রবণ করিলে, মানব-গণ তৎক্ষণাৎ মুক্ত হইবে, সন্দেহ নাই। ত্রেতাযুগে এক মাসে, দ্বাপরযুগে ছয় মাসে এবং কলিযুগে শ্রবণ করিলে এক বৎসরে স্বর্গ ও বৈষ্ণবগতি লাভ করিবে। যে ব্যক্তি স্নান করিয়া, ত্রিকাল বা এককাল জপ করিবে, তাহার সমস্ত কামনাই সুসিদ্ধ হইবে। ইহা জপ করিলে, ক্ষত্রিয় বিজয়ী, বৈশ্য ধনুধান্যে অলঙ্কৃত, শূদ্র সুখী এবং অন্ত্যজ পাপ ভারে পরিভ্রাণ পাইবে। ফলতঃ মদীয় স্তোত্র প্রসাদে মনুষ্যের অসংশয়িত সর্বকামসমৃদ্ধি ও সর্বসিদ্ধি সমুৎপন্ন



হইবে । শ্রাদ্ধকালে ভোজ্যগণ ব্রাহ্মণ সাহায়ে ইহা পাঠ করিলে, পিতৃগণ তৃপ্তি হইয়া, বৈষ্ণব লোকে গমন করিয়া থাকেন । ব্রাহ্মণ বা ক্ষত্রিয় তর্পণান্তে জপ করিলে, তদীয় পিতৃগণ ক্ষুষ্ণমানসে অমৃত পান করেন । হোম বা যজ্ঞ মধ্যে ভাবভরে জপ করিলে, বিশ্বসমূহ নিরাকৃত ও সর্বসিদ্ধি সুসম্পন্ন হয় । বিষম দুর্গম স্থানে, সিংহ ব্যাঘ্রাদি সঙ্কটে অথবা চৌরভয়ে উচ্চারণ করিলে, শান্তি লাভ হয়, সন্দেহ নাই । রাজদ্বারে অথবা অন্যান্য দুর্গম সময়ে ইহার অর্থ করিবে । এবং ক্রোধ বিবর্জিত হইয়া, ব্রহ্মচর্য বিধানে স্নান করত বাসুদেবের পূজা করিয়া, তিল তণ্ডুল দ্বারা আজ্য মিশ্রিত দশাংশ হোম বিধান করিবে । এইরূপ প্রতি শ্লোকে ধ্যান সহ হোম করিলে, আমি ভূত্যের ন্যায় তাহাদের পার্শ্ব কখন পরিত্যাগ করি না । কলিযুগ উপস্থিত হইলে, এই স্তোত্র বিনষ্ট হইবে । তৎকালে দেবভক্তি প্রসঙ্গে যে কোন ব্যক্তির ইহা উদয় হইবে, তাহারই সর্বকামসমৃদ্ধি সুসম্পন্ন হইবে । রাজন্ ! শ্রবণ কর, এইরূপে আমি এই স্তোত্রের সফলতা বিধান করিলাম । ব্রহ্মা ইহা নির্মাণ ও রুদ্র ইহা জপ করেন । ইন্দ্র ইহার প্রভাবে ব্রহ্মহত্যা পাতক হইতে বিমুক্ত হইলেন । দেব, ঋষি, সিদ্ধ ও বিদ্যাধরাদি সকলেই আয়ুঃসিদ্ধিকলপ্রদ এই স্তোত্রের পূজা করিয়া থাকেন । যে ব্যক্তি জপ করে, সেই পুণ্য, ধন্য, দাতা ও পুত্রবান্ হয় । অতএব বিচারণাপরিশূন্য হইয়া, ইহা জপ করিবে । একগণে ভার্য্যার সহিত মদীয় স্থান আগমন কর । এই বলিয়া তিনি ইস্তাবলয়ন প্রদান করিলে, দুন্দুভি সকল নিনাদিত হইয়া উঠিল ; গন্ধর্ভগণ ললিত গানে প্রবৃত্ত হইল,

অঙ্গরোগণ সম্মুখে হইয়া, নৃত্যাদি করিল ; দেবগণ পুষ্প-  
রাশি বর্ষণ করিতে লাগিলেন, এবং ঋষিগণ বেদস্তোত্রে  
প্রবৃত্ত হইলেন । অনন্তর দয়িতার সহিত মহাবাহু সুবাহু  
ভগবানে লীন হইলেন । তাহাতে সুরসিদ্ধগণ তাহার  
প্রশংসা করিতে লাগিলেন । তদর্শনে বিজুল অতিশয় তুষ্ট  
হইয়া, যেখানে পিতা মাতা ও সোদরবর্গ, তথায় সমাগত  
হইল ।

## চতুর্নবতিতম অধ্যায়

- ৩১ -

সুত কহিলেন, যেখানে পিতা অবস্থিতি করিতেছেন,  
বিজুল বরলাভানন্তর তথায় আগমন করিয়া, প্রথমে তাঁহাকে  
প্রণাম করিল । অনন্তর তদীয় সমক্ষে প্রসন্ন হৃদয়ে বাসু-  
দেবাখ্য স্তোত্রের সমস্ত বৃত্তান্ত এবং বাসুদেব যেরূপে আগমন  
করিয়া রাজাকে বরদান করেন, তাহাও সবিশেষ কীর্তন  
করিল । কুঞ্জর শ্রবণ পূর্বক সাতিশয় পুলকিত হইয়া, তাহাকে  
আলিঙ্গন করিয়া কহিল, বৎস ! তুমি ভগবানের কীর্তন  
করিয়া, সেই রাজাকে মুক্ত ও পরম উপকৃত করিয়াছ । এই  
বলিয়া সে সেই দেবসম পুত্রকে আশীঃ প্রয়োগ পুরঃসর  
অভিনন্দন ও স্মরণ্যার প্রশংসা করিতে লাগিল । মহারাজ !  
আপনার নিকাঃ উল্লিখিত মহামুখক বৈষ্ণবগণের সমগ্র  
চরিত কীর্তন করিলাম । আর কি বলিব, নির্দেশ কর ।

বেণ কহিলেন, দেবদেব শঙ্খক্ৰগদাধর ! আপনার কথা শ্রবণ করিয়া, আমার স্পৃহা পুনঃ পুনঃ বর্দ্ধিত হইতেছে । অতএব অমুখ্যে পূর্বক, মহাত্মা কুঞ্জর চতুর্থ পুত্রকে বাহা বলিয়াছিলেন, নির্দেশ করুন ।

ভগবান কহিলেন, শ্রবণ কর, কুঞ্জরচরিত বর্ণন করিব । এই পবিত্র পাপনাশন আখ্যান শ্রবণ করিলে, গোসহস্র দাতব্যর কল্যাণকর হইয়া পাপরক্ষ ।

### পঞ্চমবক্তিতম আখ্যান :

শ্রুত কহিলেন, দেবদেব স্বর্ষীকেশ তুঙ্গনন্দন বেণকে যে পাপনাশন মঙ্গল আখ্যান নির্দেশ করেন, সেই পুণ্যদায়ক কুঞ্জরচরিতকথা কীর্তন করিব, শ্রবণ করুন । কুঞ্জর পরম পুলকিত হইয়া, চতুর্থ পুত্রকে আহ্বান করিয়া কহিল, বৎস কপিঞ্জল ! কি অপূর্ব দর্শন করিয়াছ, বল । তুমি ভোজনার্থে এখান হইতে কোথায় গমন করিয়াছিলে । তথায় যদি কোন পুণ্য দর্শন করিয়া থাক, নির্দেশ কর ।

কপিঞ্জল কহিলেন তাত ! যে, অপূর্ব দর্শন করিয়াছি, কেহ কখন দর্শন বা শ্রবণ করে নাই, আমিও কাহার নিকট শ্রবণ করি নাই । এক্ষণে বলিতেছি, সাপানি, জননী ও ভ্রাতৃগণ সকলেই শ্রবণ করুন । কৈলাস নামে এক পর্বত আছে । উহা সমুদায় পর্বতের শ্রেষ্ঠ, ধবলবর্ণ ও চন্দ্রসন্নিভ,

এবং বিবিধ ধাতুতে আকীর্ণ, বিবিধ রূক্ষে উপশোভিত গঙ্গার পবিত্র সলিলে প্রফালিত, সপদ্ম সহস্র জলাশয় ও হংসসারস সেবিত বিবিধ দিব্য নদী সহস্রে অলঙ্কৃত। উহার শিখর দেশে পুণ্যদায়িনী গঙ্গা প্রবাহিত হইতেছেন। অধিকন্তু, উহা ধনরত্নে পরিপূর্ণ কলকুম্ভসম্পন্ন হরিৎ রূক্ষে বিরাজিত, কিন্নর ও অঙ্গরোগণে পরিব্যাপ্ত, গন্ধর্ব চারণ ও অমরগণে নিষেবিত, দিব্য অরণ্য ও দিব্যভাবে সমায়ুক্ত, বিবিধ দিব্যগন্ধে আঘোদিত, দিব্য বিহঙ্গমগণের কলনির্নাদে মধুরায়িত, ষটপদগণের মধুরশব্দে প্রতিধ্বনিত, কলকণ্ঠকুলের কলরবে সর্বত্র শোভাসম্পন্ন, এবং গণকোটীসমাকুলিত ও মহাদেবের মন্দিরস্বরূপ সাতিশয় শোভা পাইতেছে। উহার শিলেচ্ছয় সমুদায় পরমপুণ্যময়। সিংহ, সরভ, কুঞ্জর, শাখায়ুগ, ও নানাজাতীয় যুগগণ তথায় বিচরণ করিতেছে। বায়ু গুহামুখে প্রবেশ করিয়া হুঙ্কাররোধে গভীর গর্জন করিতেছে। পুলিন্দ ভিল্ল, কোল ও পুণ্যাত্মা মানবগণ ইতস্ততঃ বাস করিতেছেন। কন্দর, কুট, মানু, বিবিধ পুষ্পবন, ওষধি, অতু্যচ্চ শেখর ও অন্যান্য বহুবিধ কৌতুকমঙ্গলে সেই পুণ্যধামসমাকুল পুণ্যরাশি মহাগিরির সাতিশয় শোভা সমুৎপন্ন হইয়াছে। অধিকন্তু গঙ্গার উদক প্রবাহের পতনশব্দে উহা সর্বদাই শব্দময় ও হর্ষময়। অদ্য আমি সেই শঙ্করগৃহ সুধাবিমল কৈলাসে গমন করিয়াছিলাম। সেই স্থানই অদৃষ্টপূর্ব আশ্চর্য্য দর্শন হইয়াছে। শ্রবণ করুন, সমস্ত বলিতেছি।

হিমালয়ের পুণ্যমহোদয় শিখরভাগে যে ভাগীরথীর বেগসংঘোষিতবিমিশ্রিত সুশীতল ক্ষীর প্রবাহ ধরাতলে

নিপতিত হইতেছে। উহা কৈলাস শিখরে গমনপূর্বক সম-  
 ধিক বিস্তার ধারণ করিয়াছে। তাহাতে দশযোজন পরিমাণ  
 গঙ্গাহ্রদ উপন্ন হইয়াছে। উহার জল সাতিশয় পবিত্র।  
 এবং হংসগণ সর্বত্র ভ্রমণ পূর্বক দিব্য মধুর সমস্বরে সর্বদা  
 শব্দ করাতে, সেই হ্রদ সাতিশয় শোভাধারণ করিয়াছে।  
 মহামতে ! তাহারই তীরদেশে শিলাতলে আসীন হইয়া, অব-  
 লোকন করিলাম, এক রূপরাশি ললনা রোদন করিতেছে।  
 তাহার রূপ দেখিয়া বোধ হইল, এই ললনা অনিল পত্নী  
 স্বাহা, অথবা ইন্দ্রানী অথবা মহাভাগ রোহিণীও নহেন।  
 কেন না, ইহার রূপ, গুণ, শীল ষাটশ, অক্রুরা বা অন্যান্য  
 দিব্য সুবতীর্ণ কখন তাদৃশী রূপলক্ষণ সম্পত্তি দেখিতে  
 পাওয়া যায় না। তাত ! তাহার সর্বদাই বিশ্ববিমোহন।  
 ঐ কন্যা শিলায় আসীনা হইয়া, দুঃগাকুল চিত্তে তৎ-  
 কালে রোদন করিতেছিল। সে একাকিনী ও আত্মীয় স্বজন  
 বিহীনা। করুন স্বরে যে মুক্তা সহিত অশ্রুরাশি বিসর্জন  
 করিতেছে, তৎসরোবরের মহাসলিলে পতিত হওয়াতে  
 সুনির্ম্মল পদ্ম সকল সমুৎপন্ন হইতেছে। এবং ভাগীরথীর  
 প্রবাহ মধ্যে বিক্ষিপ্ত হইয়া, বেগভরে ইতস্ততঃ গমন করি-  
 তেছে। তাত ! এই প্রবাহ, অত্যুচ্চ হিমালয় হইতে বিনি-  
 র্গত হইয়াছে। ভগ দ্বারা সর্বরত্নাঢ্য সুচারুকন্দর বিশিষ্ট  
 যোজনদ্বয় বিস্তীর্ণ হংসকুল সমাকুল জল বিহঙ্গম সমাকীর্ণ  
 কৈলাস শিখর সলিল পূর্ণ হইয়া, বিরাজ করিতেছে। বিবিধ  
 বর্ণ চিত্রিত উল্লিখিত পদ্ম সমস্ত তথায় অধিষ্ঠান পূর্বক মুনি-  
 বৃন্দ নিষেদিত সুনির্ম্মল গঙ্গোদক প্রবাহে পরিপ্লুত হইয়া,  
 সৌরভ বিস্তার সহকারে সাতিশয় শোভা ধারণ করিয়াছে।

তাহার মধ্যে মধ্যে হংস সকল ক্রীড়া করিতেছে । তাহ !  
দেব ও দৈত্যগণের পরম পূজনীয় মহাদেব এই রত্নাখ্য  
পর্বতে সর্বদা অধিষ্ঠান করেন ।

যাহা হউক, তথায় জটাতার সমাক্রান্ত কোন পুণ্যাত্মা  
দিগহর ঋষি আমার দৃষ্টি বিষয়ে নিপতিত হইলেন । তিনি  
নিরাধার, নিরাহার, তপঃ প্রভাবে অতীব বদ্ধিত, ও অতি-  
শয় ক্রশাল । তাহার হস্তে দণ্ড, সমুদায় অঙ্গ প্রত্যঙ্গ ভস্ম-  
ভূষিত, এবং শীর্ণ গলিত শুষ্কপত্র সকল তাহার এক মাত্র  
ভক্ষ্য । অধিকন্তু, তিনি অতিশয় তপস্বী, নৃত্য গীত বিশা-  
রদ ও মহাদেবে ভক্তিমান্ । দুঃখিত ভাবে গজাতীরে আশীন  
হইয়া, অশ্রুজাত কমনীয় কমলরাজি সঙ্কলন পূর্বক মহেশ্বরের  
পূজা করিয়া থাকেন । এবং কখন তদীয় অগ্রে গান, কখন  
ব নৃত্য করেন । সেই মহাভাগ তৎকালে তথায় সমাগত  
হইয়া, করুণ স্বরে রোদন করিতে লাগিলেন । তাহ ! আমি  
এই অপূর্ব দর্শন করিয়াছি । যদি অবগত থাকেন, প্রসন্ন  
হইয়া, কারণ নির্দেশ করুন । এই মহাভাগা নারী কে, কি  
জন্য রোদন করিতেছে । আর সেই পুরুষই বা কে, সর্বদা  
মহাদেবের পূজা করিয়া থাকেন । আমার এই সন্দেহ  
কারণ নিরাকরণ করিতে হইবে । মহামনা কপিঞ্জল এই  
বলিয়া, পুনরায় পিতৃপ্রণামপুরঃসর বিনিবৃত্ত হইল ।

## ষষ্ঠবর্তিতম অধ্যায়

→০০←

কুঞ্জর কহিল, বৎস ! তোমার পৃষ্ঠ সমুদায় কীৰ্ত্তন করিব । ইচ্ছাতে উভয়েরই গৌরব সমুৎপন্ন হইয়াছে । একদা প্রমদোদ্ভমা মহাদেবী পার্বতী ক্রীড়া করিতে করিতে মহেশ্বরকে জিজ্ঞাসা করিলেন, মহাদেব ! মদীয় হৃদয়ে মহান্ কৌতুক উদ্ভূত হইয়াছে । অতএব কাননোত্তম নন্দনকানন প্রদর্শন করুন ।

মহাদেব কহিলেন, দেবি ! আচ্ছা, তাহাই হইবে । আমি তোমাতে দ্বিজসিদ্ধনিষেবিত দেবসঙ্কুল পবিত্র নন্দনকানন দর্শন করাইব । এই বলিয়া তিনি সেই দেবী ও স্বগণ সহিত সমুৎসুক হইয়া, নন্দন দর্শনাভিলাষে দিব্যাভরণভূষিত সর্ষগন্ধস্থম্বর সুচারুলক্ষণসম্পন্ন হংসকুন্দমুসক্কাস ঘণ্টা-কিঙ্কিনী ও মুক্তামালায় অলঙ্কৃত এবং চামর ও পুষ্পশোভিত দিব্য রূষভে আরোহণ করিলেন । অনন্তর বন্দি, ভৃঙ্গি, মহাকাল, গণপতি, বীরভদ্র, গণেশ্বর, পুষ্পদত্ত, অতিবল, সুবল, মেঘনাদ, ঘটাবহ, স্কন্দ ও ভৃঙ্গিপ্রমুখ গণকোটি সমভি-ব্যাহারে দেবীগণে পরিবৃত হইয়া, দেবকিন্মরনিষেবিত নন্দন-বনে গমন করিলেন । এবং দেবীসহ তথায় প্রবেশ করিয়া দেখিলেন, দিব্য রক্তা, পুষ্পিত চম্পক, সুনির্মল মালতী ও মল্লিকা, নিত্যপুষ্পাখাসম্পন্ন পাটল, চারুগন্ধ মহাশুক চন্দন, সরল, নারিকেল, পূগকল, রমণীয় ধঙ্কুর, কলভারি বিনমিত

পনস, সুগন্ধোদ্গাররাজিত অণুরু, অগ্নিতেজঃ সমহ্যতি সপ্ত-  
পর্ণ, পুষ্পশোভিত কদম্ব, প্রকাণ্ডকায় জম্বু, মাতঙ্গ, নাগরঙ্গ,  
মিকুরার, পিয়াল, শাল, তিম্বুক, উদ্ভূর, কপিল, লকুচ, পুষ্প-  
গন্ধ, পুরাগ, ফলরাজ, রাজ, ঘনসদৃশ, নীলবর্ণ শালমনি, সুবি-  
শাল তমাল, সৰ্বকাল ফলরাজিত কল্পমান গুণনিলয় পরম  
পবিত্র কল্পক্রম এবং অন্যান্য বিবিধজাতীয় কলপাদপ সেই  
নন্দনকানন ব্যাপ্ত শোভিত ও আমোদিত করিয়াছে।  
কোকিল প্রভৃতি মধুপানমুগ্ধ কলকণ্ঠ বিবিধজাতীয় পক্ষী ও  
ষটপদগণের সুস্বরনির্নাদে তাহার চতুর্দিক্ প্রতিধ্বনিত ও  
নানাপ্রকার যুগগণে সর্বদাই পরিপূর্ণ। এবং বৃক্ষ হইতে  
ধরাভলে নিপতিত সুগন্ধি কুসুমসমূহে সর্বতোভাবে আমো-  
দিত। অধিকন্তু সেই বনরাজ নন্দনের সমস্তাৎ পুষ্পমৌগন্ধি-  
পবিত্রিত হংসকারও বণীলাশোভন মলিলপূর্ণ সুনির্মল বাপী  
ও তোরসৌরভসুসেবিত সাগরসদৃশ তড়াগ, এবং হেমদণ্ডে  
বিমণ্ডিত শুভ্রবর্ণ বিমান, কলস ও প্রাসাদ সকল শোভা  
পাইতেছে, অঙ্গর ও কিন্নরগণ ক্রীড়া এবং গন্ধর্ব ও ঋষিগণ  
সর্বদা বিচরণ করিতেছেন। দেবীসহিত মহামুস্তব মহাদেব  
পুণ্যবান্গণের আশ্রিত শান্তিগুণসম্পন্ন সুখনিলয় এবং বিধ  
নন্দনকানন অবলোকন করিলেন।

. অনন্তর ভগবতী পার্বতী সূর্য্যতেজঃসদৃশ তেজোবলয়ে  
প্রতিভাত সেই নন্দনমধ্যে পুষ্প, ফল ও কোমলগুণসম্পন্ন  
পরমবিদ্যোতিত পাদপরাজ কল্পপাদপ দর্শন করিয়া মহা-  
দেবকে কহিলে, নাথ! এই সর্বপুণ্যালয়স্বরূপ  
মহারকের নাম কি? যেমন সমুদায় তেজস্বিমধ্যে সূর্য্য, দেব-  
মধ্যে মধুসুন্দর, নদীমধ্যে গঙ্গা, সৃষ্টিমধ্যে ব্রহ্মা, সুশ্রাব্য মধ্যে



সুতন্ত্রী, ভূতমধ্যে ধরিত্রী, নাগমধ্যে বাসুকি, মহোদধিমধ্যে কীরাক্কি, মহোষধিমধ্যে দেবদারু, স্বাবরমধ্যে হিমালয়, বিদ্যা-মধ্যে মহাবিদ্যা, এবং লোকমধ্যে মহর্লোক শ্রেষ্ঠ, সেইরূপ এই সর্বান্বিত প্রিয়দর্শন রুক, সমুদায় রুকের প্রধান। নাথ! এক্ষণে এই পাদপপতির পাবিত্র গুণ সমুদায় কীর্তন করুন।

মহেশ্বর মহাদেব দেবী বাক্য আকর্ষণ পূর্বক কহিতে লাগিলেন, প্রিয়ে! দেবোপম বা দেবশ্রেষ্ঠ পরম পুণ্যশীল লোক সকল যাহা যাহা কল্পনা করেন, এই বরণীয় পুণ্য-বিশিষ্ট মহাপাদপ তৎসমস্ত প্রদান করিয়া থাকে। এই জন্ম ইহার নাম কল্পক্রম। এই রুক হইতেই সমুদায় দুর্লভ লাভ হয় এবং দেবগণ ইহারই প্রসাদে বীজাদি রত্নময় দিব্য ভোগ সমস্ত সম্ভোগ করেন।

দেবী পার্শ্বতী মহাদেবের এই আশ্চর্যভূত বাক্য শ্রবণ ও মনে মনে পরিচালন পূর্বক তদীয় অনুমত্যানুসারে সেই রুকের নিকট এক সুরূপ সুগুণ স্ত্রীরত্ন কল্পনা করিলেন। এবং তৎক্ষণাৎ তদনুরূপ রূপ গুণ বিরাজিতা সর্বাঙ্গসুন্দরী ললনা প্রাপ্ত হইলেন। ঐ রমণী মকরধ্বজের সাক্ষাৎ সাহায্য, ক্রীড়ার নিধান, মূর্ত্তিমতী সুখসিদ্ধি ও সর্ব সমৃদ্ধির আধার এবং যেন বিশ্বমোহন বিধানার্থে বিনির্দ্ভূত হইয়াছেন। তাহার লোচনযুগল কমলায়ত ; বদনমণ্ডল পদ্ম সদৃশ ; মূর্ত্তি চামীকর প্রতিমায়িত ; কেশ-কলাপ সুচিক্কণ, সুনির্ম্মল, সুকুঞ্চিত, সাতিশর সুক্ষম, অতি-মাত্র লম্বিত, সুগন্ধি কুমুমগুচ্ছে অলঙ্কৃত, নানাবিধ গন্ধ লেপালিপ্ত ও সুন্দর নীলিমায় সুরঞ্জিত ; সৌমন্ত্যমার্গে পরম রমণীয় মুক্তাফল মালা ও তদীয় মূল ভাগে উদীয়মান দৈত্য

গুরুর গায় পরম ভাস্বর সুদিব্য তিলক, এবং কলাপ  
 ভাগে প্রদীপ্ত তেজোমণ্ডলিত যুগনাভি । এইপ্রকার  
 তিলক ও যুক্তামালার সহায়তায় তদীয় বদনমণ্ডল জ্যোৎস্না-  
 বিতানপরিরস্তিত সর্বশোভাঢ্য পূর্ণচন্দ্রের গায় বিশ্বজনীন  
 মোহ সম্পাদন পূর্বক সাতিশয় শোভা পাইতেছে । অধিকন্তু  
 চন্দ্র কলঙ্কী এবং নিত্য কলাহীন ও ক্ষীণ হইয়া থাকে ।  
 কিন্তু তাহার সেই বদনমণ্ডল সর্বথা নিষ্কলঙ্ক, পরম পূর্ণ ও  
 সর্বদাই প্রফুল্ল । পদ্য তাহার গন্ধবিকাশ দর্শন করিয়া,  
 কোনমতেই সুখ লাভ করিতে পারে না । প্রত্যুত ; তদীয়  
 ভুবনবিসারী সুগন্ধ সমীরণ কর্তৃক ইতস্ততঃ প্রবাহিত  
 দেখিয়া, লজ্জায় জল আশ্রয় পূর্বক সর্বদা অবস্থিতি করি-  
 তেছে । রতিও তাহারে দূর হইতে অবলোকন মাত্র অতি-  
 মাত্র লজ্জিত ও শোকে অভিভূত হইয়া থাকে । ফলতঃ,  
 সেই সর্বগুণভূষিত পদ্মাননা সুপদ্মা যনোহর ভাব সমবায়  
 বিনিশ্চিত হইয়াছে ! তদীয় অধরবিশ্ব একে অরুণ,  
 তাহাতে রদরত্নবিনিঃসৃত হাস্যলীলায় লাক্ষিত হওয়াতে,  
 শোভার পরিসীমা নাই । তাহার ক্রমুন্দর, নাসিকা সন্দর  
 কর্ণ সুন্দর, অংশ সুন্দর ও সুষম ; ভুজ সুন্দর, সুবর্ণ, শ্লক্ষু,  
 বর্তুল ও সুলক্ষণম্পন্ন, করপদ্য সুসদৃশ, সাতিশয় শীতল,  
 দিব্য লক্ষণ ও পদ্যস্বস্তিকসংযুক্ত এবং পদ্যের গায় বর্ণ-  
 বিশিষ্ট ; অঙ্গুলি সকল সরল, সুক্ষম, পরম্পর বিচ্ছিন্ন ও  
 সর্বম্পন্ন ; নখের অগ্রভাগ সাতিশয় তীক্ষ্ণ ও জলবিন্দু  
 সন্নিভ ; শরীরস্থিতি পদ্যের গায় প্রতিমায়মান ; সর্বাক্ষ  
 পদ্যগন্ধে পরিপূর্ণ ; পদযুগল সুসুক্ষ্ম সুশোভন ও রক্তোৎপল  
 সদৃশ, পাদাঙ্গসমস্ত বন্থ সকল রত্নজ্যোতির গায় প্রতিভাত

এবং সংশয় সৰ্বলক্ষণে নির্দিষ্ট আছে, তদনুরূপ লক্ষণাক্রান্ত। অধিক কি, সেই পদ্মিনী পদ্মের ন্যায় প্রতিভারিনী ও সর্বলক্ষণে ভূষিতা এবং হার, কঙ্কন, সুপূর, মেখলা, কটিসূত্র ও কাঞ্চি প্রভৃতি সর্বপ্রকার অলঙ্কার সুনীল পট্টবস্ত্র ও সুদীবা কঙ্কক ধারণ ও পরিধান পূর্বক লাক্ষাযোগে রঞ্জিতা হইয়া, বারংবার সাতিশয় শোভা-বিস্তার করিতেছে। দেবী-পার্বতী কল্পনামাত্র এইপ্রকার মহোদয় গুণলাভানন্তর কল্পক্রমাদিকে উদ্দেশ্য করিয়া, মহা-দেবকে কহিতে লাগিলেন, দেব ! আপনার কথিতানুরূপ দর্শন করিলাম। মনে মনে যাদৃশ কল্পনা করা যায়, তাহাই দেখিতে পাওয়া যায়।

সূত কহিলেন, ঐ সময়ে সেই চারুসর্বাঙ্গী তদীয় পার্শ্বে সমাগত ও ভক্তিতরে উভয়ের চরণামুজে অবনত হইয়া কহিতে লাগিল, অগ্নি তাত ! অগ্নি মাতঃ ! কিজন্য আমার সৃষ্টি করিলেন, বলুন।

দেবী কহিলেন, ভদ্রে ! আমি কৌতুক বশতঃ এই কল্পপাদপের পরীক্ষা করিয়াছিলাম। তাহাতে সদ্য ইহার ফল স্বরূপ রূপসমৃদ্ধিশালিনী তোমারে প্রাপ্ত হইয়াছি। যাহা হউক, তুমি অশোকসুন্দরী নামে লোকে খ্যাতিমতী এবং সর্বমৌভাগ্যসম্পন্ন হইবে, সংশয় নাই। শোমবংশে দেবরাজ পুরন্দরের ন্যায় সুবিশ্রুত রাজর্ষি মহাশয় তোমারে পত্নীত্বে বরণ করিবেন। তাহারে এইপ্রকার বর দান করিয়া হরপার্বতী উভয়ে সানন্দ হৃদয়ে গিরিবর কৈলাসে প্রস্থান করিলেন।

## সপ্তনবতীতম অধ্যায় ।

কুঞ্জর কহিল, বৎস ! চারুহাসিনী অশোকসুন্দরী সমুদায় রমণীগণের অগ্রগণ্য এবং নৃত্য গীতে সবিশেষ পারদর্শিনী । সেই ললনা সর্ব শোভা ধারণ পূর্বক সুরূপা অমর কামিনীগণ সমভিব্যাহারে সর্বকামসম্বিত পবিত্র নন্দন প্রদেশে সর্বদাই ক্রীড়া করিত । একদা ঐরূপ ক্রীড়া করিতেছে, এমন সময়ে বিপ্রচিতির পুত্র সর্বকালভয়াবহ প্রচণ্ডাকৃতি মহাকায়ী তুণ্ড তথায় প্রবেশ করিল । এবং সর্বালঙ্কারশোভিতা অশোক-সুন্দরীকে দর্শন করিয়া, তৎকণাৎ মন্থখবাণে বিদ্ধ ও বিকল-চিত্ত হইল । অনন্তর সেই মহাকায় অসুর তাহারে সম্বোধন করিয়া কহিল, শুভে ! তুমি কে, কাহার পরিগ্রহ, কি জন্য এই নন্দন বনে আগমন করিয়াছ ?

অশোকসুন্দরী কহিল, শ্রবণ কর, আমি দেবদেব মহা-দেবের আত্মজা ও কার্তিকেয়ের ভগিনী, স্বয়ং পার্বতী আমার জননী ; বাল্যমূলভ লীলার বশবর্তিনী হইয়া, এই নন্দনে আগমন করিয়াছি । তুমি কে, কি জন্যই বা আমারে এই প্রকার জিজ্ঞাসা করিতেছ ? তুণ্ড কহিল, আমি বিপ্রচিতির পুত্র ; তুণ্ডনামে বিখ্যাত, বলবীৰ্য্য ও পূর্ণলক্ষণে ভূষিত এবং সমুদায় দৈত্যগণের শ্রেষ্ঠ । অয়ি বরাননে ! দেবলোক, মনুষ্যলোক, নাগলোক, অথবা অন্তলোক কুত্রাপি কেহই আমার যশ, উপস্থাপনা, বল, ধন অথবা ভোগ কোন বিষয়েই

সমকক্ষ নহে। অদ্য তোমারে দর্শন করিয়া মম্বথবাগে নিহত হইলাম।

অশোক কহিলেন, শ্রবণ কর, সমুদায় সম্বন্ধহেতু নির্দেশ করিব। লোকে পুরুষের সদৃশী স্ত্রী এবং স্ত্রীর সদৃশ গুণ-বিশিষ্ট ভর্তা বিধেয় হইয়া থাকে। • সংসারে ইহাই প্রশস্ত পন্থা। দৈত্যরাজ ! আমি কোন মতেই তোমার পত্নী হইতে পারি না। এবিষয়ে কারণ আছে। তাহাও শ্রবণ কর। দেবী পার্বতী মহাদেবের ভাব সংগ্রহ পূর্বক আমারে কল্পনা করেন। তাহাতেই বৃক্ষরাজ কল্পক্রম হইতে আমার জন্ম হয়। তৎকালে তিনি তদীয় আদেশানুসারে আমার স্বামীও সৃষ্টি করিয়াছেন। আমার সেই স্বামী পরম ধার্মিক মহাপ্রাজ্ঞ নহুষ নামে সোমবংশে জন্ম গ্রহণ করিবেন। তিনি তেজে বিষ্ণু ও জিষ্ণুর ন্যায়, থাকিতে বৈশ্রবণের ন্যায়, রূপে মম্ব-থের ন্যায়, এবং সত্যবান্, গুণবান্, শীলবান্, ধর্মবান্, ও সর্বত্র খ্যাতিবান্ হইবেন। দেবী ও দেব উভয়ে এই প্রকার ভর্তাবিধান করিয়াছেন। তাঁহা হইতে দেবীর প্রসাদে আমার যম্বাতি নামে সর্বগুণসম্পন্ন, সর্বলোকবল্লভ, ধীর, সুন্দর ও পৃথিবীতে ইন্দ্রের সমান পুত্র লাভ হইবে। তুও ! আমি পতিব্রতা, বিশেষতঃ পর ভার্য্যা। অতএব সর্বথা আমার চিন্তা পরিহার করিয়া, অন্যত্র গমন কর। ..

তুও হাস্য করিয়া কহিল, সুন্দরি ! তোমার এই বাক্য যুক্তিযুক্ত নহে, হরপার্বতীও ভাল বলেন নাই। ধর্মাত্মা নহুষ সোমবংশে জন্মগ্রহণ করিবেন সত্য, কিন্তু তুমি তাঁহার বয়োজ্যেষ্ঠা ; কনিষ্ঠযোগ সঙ্গত হইতে পারে না। সর্বথা বল ও বয়োযুক্ত পুরুষই স্ত্রীর যোগ্য হইয়া থাকে। কেননা,

কনিষ্ঠ পুরুষ যোগে পুরুষের মৃত্যু সংঘটিত হয় । আরও দেখ, তিনি কত দিনে তোমার স্বামী হইবেন । তাবৎ তোমার যৌবনলাবণ্য বিনষ্ট হইয়া যাইবে । একমাত্র যৌবনবলেই রমণীগণ রূপবতী ও পুরুষের রত্নস্থানীর হইয়া থাকে । অগ্নি বরাননে ! তারুণ্যই যুবতীজনের মহামূল্য । ভোগ বা মনোরম বিষয়সুখ এই তারুণ্যেরই আশ্রিত । ফলতঃ, আয়ুর পুত্র নহুৎ কতদিনে জন্মগ্রহণ করিবেন । একনে যৌবনই শ্রেষ্ঠ বলিয়া পূজনীয় । অতএব, অগ্নি বিশালাক্ষি ! এই যৌবনপ্রলোভে আমার সহিত মধুমাধবী সন্তোগ ও সুখে বিহার কর ।

শিবতনয়া অশোকসুন্দরী তুণ্ডের বাক্য শ্রবণ করিয়া, সাধনসহকারে পুনরায় কহিতে লাগিলেন, মহাভাগ ! ষাণ্মর-নাথে অষ্টাবিংশতিক যুগ উপস্থিত হইলে, বসুদেবনন্দন শেখাবতার বলদেব রেবতনন্দিনীর পাণিপীড়ন করিবেন । মহাভাগা রেবতী ত্রেতাযুগে সমুৎপন্না হইয়াছেন । অতএব তিনি বলদেব অপেক্ষা যুগত্রয় পরিমাণে জ্যেষ্ঠা । তথাপি বলদেবের প্রাণসমাশ্রিয়া ভাঙ্গিয়া হইবেন । আরও দেখ গন্ধর্বনন্দিনী যাম্ববতী পূর্বে জন্মগ্রহণ করিয়াছেন । কিন্তু বীরবর যাদবেশ্বরনন্দন মহাবল প্রহ্ময় ভবিষ্যযুগে জন্মগ্রহণ পূর্বক অসুরবর শব্বরের সংহার পুরঃসর তাঁহারে গ্রহণ করিবেন । জ্ঞানবান মহাভাগ ব্যাসাদি পুরাতন ঋষিগণ এই প্রকার ভবিষ্যদর্শন করিয়াছেন । এবং লোকে, ঐদৃশী ঘটনা দুর্লভ নহে । শিখালয় হুহিতা জগদ্ধাত্রী পার্বতী ইহাই ভাবিয়া, আমারে এরূপ কহিয়াছেন । তুমি কেবল দুর্লভ-কামনার লুকাইয়া, বেদবহিক্ত পাপময় বাক্য প্রয়োগ

করিতেছ। শুভ বা অশুভ যাহার যাহা দৃষ্ট হয়, পূর্ব-  
কর্মানুসারেই তাহার তাহা সম্পন্ন হইয়া থাকে। বিশেষতঃ,  
দেবতা ও ব্রাহ্মণের বদনে যে শুভ বা অশুভ বিনিঃসৃত হয়,  
তাহার সত্যতা অসন্দিগ্ধ। হরপার্বতী মদীয় ভাগ্য অবগত  
হইয়াই, নহুষের সহিত যোগবিচারণা করিয়াছেন। অতএব  
তুমি ব্রাহ্মণপরিহার পূর্বক এখান হইতে গমন কর। মদীয়  
চিত্ত প্রচলিত করা তোমার উচিত হয় না। আর পতিব্রতার  
মন চালন করা কাহারও সাধ্য নহে। অতএব সত্বর প্রস্থান  
কর। নতুবা শাপ দিয়া দণ্ড করিব।

বলশালী তুণ্ড শ্রবণ করিয়া, মনে মনে চিন্তা করিল,  
কিরূপে ইহারে ভার্গ্যা করিব। অনন্তর তাহারে বর্জনপূর্বক  
তথা হইতে বিনিক্ষান্ত হইল। পরদিন তমোময়ী মায়া বিধান  
ও দিব্যরমণীয় মূর্তি পরিগ্রহ করিয়া, হাম্বলীলাসহকারে আগ-  
মন করিল এবং শিবনন্দিনী বিশালাক্ষী অশোকসুন্দরীকে  
সন্তোষণ করিয়া কহিল, বালে! তুমি কে, কাহার, কিজন্য  
তপোবনে অবস্থান ও কায়শোষণ তপস্যা করিতেছ। শুভগে!  
যেজন্য এই দুষ্কর সাধনে প্রবৃত্ত হইয়াছ, নির্দেশ কর। দুরাত্মা  
দানব মায়ারূপে প্রতিচ্ছন্ন হইয়াছিল। তদীয় মায়ারূপ না  
জানিয়া, স্ত্রীবোধে সৌহার্দবশতঃ শিবনন্দিনী দুঃখিত চিত্তে  
আপনার পূর্বপ্রবৃত্ত সৃষ্টিবৃত্তান্ত, তপস্যার কারণ ও দৈত্যের  
উপপ্লব সমুদায় যথাতত্ত্ব কীর্তন করিলেন।

তুণ্ড কহিল, দেবি! তোমার এই ব্রত সাধু। ফলতঃ  
তুমি সাধুব্রতা, সাধুশীলা, সাধ্বী, ও মহাস্মৃতি এবং সর্বথা  
সদাচারের বশবর্তিনী। ভদ্রে! আমিও পতিব্রতপরায়ণা।  
সেই দুরাত্মা তুণ্ড মদীয় স্বামীকে বিনষ্ট করিয়াছে। বৎসে!

তুও এই প্রকারে সখিতাবে মোহিত, মায়ামোহে অভিভূত  
ও আত্মবেগে আহ্লাদিত করিয়া শিবনন্দিনীকে আপন  
অমুপম ও অতিশোভন দিব্যগৃহে লইয়া গেল। বেরুশেখরে  
বৈভূর্য্যনামে যে উৎকৃষ্ট নগরী আছে, তুওর বহুগুণসম্পন্ন  
সর্বকাল সুখাবহ কাঞ্চনাখ্য দিব্যগৃহ তথায় প্রতিষ্ঠিত। উক্ত  
প্রাসাদসমূহ বহুল কলস, নানাজাতীয় ঘনোপম সুনীল রুক্ষা-  
বলি; বাপী, কূপ, ভড়াগ, নদী, জলাশয়, হেমময় প্রাকার,  
মহামূল্য রত্ন এবং সর্বকামসমৃদ্ধ বিষয়পরম্পরায় ঐ গৃহ পূর্ণ  
ও অলঙ্কৃত। অশোকসুম্বরী সেই রমণীয় পুর দর্শন করিয়া  
কহিলেন, সখি! এই পুর কোন্ দেবতার অধিষ্ঠিত।

তুও কহিল, মহাভাগিনি! তুমি যে দানবেশ্বরকে পূর্বে  
দর্শন করিয়াছিলে, এস্থান তাহারই অধিষ্ঠিত। আর আমিই  
সেই দানবরাজ তুও। তোমারে মায়াবলে আনয়ন করিয়াছি।  
এই বলিয়া শিবভূতাকে বিবিধ বেশ্য সংযুক্ত শাতকুস্ত্রে  
অলঙ্কৃত কৈলাসশিখর সদৃশ গৃহ মধ্যে লইয়া গিয়া, দেলায়  
সন্নিবেশিত করিল এবং কামপীড়িত হইয়া, করপুট আরস্ত্রন  
পূর্বক পুনরায় কহিতে লাগিল, ভদ্রে! যাহা যাহা অভিলাষ  
করিবে, তৎ সমস্তই প্রদান করিব। তাছাতে সংশয় নাই।  
বিশালাক্ষি! এক্ষণে অমুগত ও কামপীড়িত আমাকে ভজনা  
কর।

দেবী কহিলেন, দানবেশ্বর! আমাকে চালনা করা  
তোমার সাধ্য নহে। রে দানবধম! আমি বার বার বলি-  
তেছি, তোমার ঐয়া মহাপাপ দৈত্যগণ আমারে লঙ্ঘনে লাভ  
করিতে পারে না। অতএব তুমি এই উপস্থিত মায়ামোহ  
ধারণা কর। অনন্তর সেই কন্দভগিনী তপস্তেজস্বলিনী



অশোকমুন্দরী অতিমাত্র রোষে জ্বালামানা ও তদীয় বিনাশে  
 সমুদ্যতা হইয়া, কালের জিহবার ল্যায় বিক্ষারিতা হইতে  
 লাগিলেন এবং পুনরায় দানবধম তুণ্ডকে কহিলেন, রে  
 পাপ ! তুমি আত্মনাশ নিমিত্ত উগ্র কেশ্বরের অনুষ্ঠান করিলে  
 এবং আপনার সহিত স্বজনদিগকেও বিনষ্ট করিলে । তুমি  
 অগ্নির প্রজ্বলিত ক্ষু লিঙ্গরাশি গৃহ মধ্যে প্রবেশ করাইয়াছ ।  
 যেরূপ সংসারের মূর্ত্তিমান্ অমঙ্গল কুক্কূটপক্ষী গৃহে প্রবেশ  
 করিলে, গৃহস্থামী বংশ, বিত্ত ও স্বজন সহিত বিনষ্ট হয়,  
 সেইরূপ আমাকে বিনাশ জন্য গৃহে আনয়ন করিয়াছ । অদ্য  
 আমি তোমার, ও তোমার পুত্রগণের এবং ধন, ধান্য, কুল,  
 বংশ, ও পুত্র পৌত্রাদিক বীজ সমুদায়ের সংহার করিয়া,  
 বিনিক্ষান্ত হইব, সন্দেহ নাই । আমি পতিকামা হইয়া,  
 সোমনন্দন নহুষের অভিলাষে দুশ্চর তপস্যায় প্রবৃত্ত হইয়া-  
 ছিলাম । তুমি যেমন আমারে আনয়ন করিলে, সেইরূপ  
 মদীয় ভর্ত্তা তোমারে বিনাশ করিবেন । পিতা মহাদেব  
 পূর্বেই আমার জন্য এই প্রকার উপায় কল্পনা করিয়াছেন ।  
 সে যাহা হউক, স্বর্গে ও এই লৌকিকী গাথা শুনিত্তে পাওয়া  
 যায়, যে, লোকে তাহা প্রত্যক্ষ দর্শন করে, কুবুদ্ধিগণ তাহা  
 জানিতে পারে না । তথাহি, যাহা হইতে, যেখানে ও  
 যেরূপে সুখ দুঃখাদির ভোগ বিধেয় হয়, তাহা হইতে, সেই  
 খানে ও সেই রূপেই তত্তৎ ভোগ হইয়া থাকে; ইহাতে  
 অন্যথা নাই । অতএব তোমাকেও স্বকীয় কর্ম ফল ভোগ  
 করিতে হইবে । লোকে যেরূপ অঙ্গলাঞ্জে আত্মনাশ জন্য  
 সুতীক্ষ্ণধার খড়্গ মর্শন করে, তদ্বৎ আমাকেও অবগত হইবে ।  
 কো ব্যক্তি গর্জ্জমান কুপিত কেশরীর সম্মুখীন হইয়,

অন্যাসে সাহসসহকারে তদীয় কেশর ভিন্ন করিতে পারে ?  
 অতএব সত্যাগারিণী, দয়াশালিনী, তপোনিয়মের অনু-  
 সারিণী পতিব্রতা আমার ভোগলালসাবশংবদ হইয়া, তুমি  
 সন্দেহাত্মক কামনা করিতেছ। যে ব্যক্তি কালপ্রেমিত,  
 জীবমান কৃষ্ণসর্পের মাংস গ্রহণে তাহারই অভিলাষ হয়।  
 রে যুট ! তুমিও কালের সন্নিহিত হইয়াছ, সেই জন্য কামে  
 মোহিত ও ঈদৃশী বিসদৃশী বুদ্ধির পরতন্ত্র হইয়া, আত্মমরণ  
 দেখিতে পাইতেছ না। বলিতে কি, আয়ুপুত্র নহুয ব্যতি-  
 রেকে যে ব্যক্তি আমারে শরীরমাত্রেও দর্শন করিবে, তাহা-  
 রই তৎক্ষণাৎ বিনাশ হইবে। শিবভূমিতা অশোকা এই  
 প্রকার আভাষণ পূর্বক গঙ্গাতীর আশ্রয় করিলেন এবং  
 নিরতিশয় দুঃখিতা হইয়া, পুনরায় তাহারে কহিলেন, রে  
 পাপ ! আমি পূর্বে পতিকামা হইয়া, নিয়ম সংযম সহকারে  
 ঘোর তপস্যা করিয়াছিলাম। এক্ষণে তোমার বধকামা  
 হইয়া, তদনুরূপ দারুণ তপস্যা করিব। মহাত্মা নহুয  
 আশির্বিষ সদৃশ বজ্রকম্প সুশাগিত সায়ক প্রহার পূর্বক  
 সংহার করিলে, দুর্ভাগ্য তুমি যে সময়ে যুক্তকেশে কুধিরাক্রম  
 পতিত হইবে, সেই সময়ে তোমারে তদবস্থ দর্শন করিয়া,  
 আমার নিরুত্তীর্ণতা হইবে। এই প্রকার দৃঢ়তর নিয়মবন্ধন  
 পূর্বক তিনি তুও বিনাশে স্থির সংকম্পা হইয়া, গঙ্গাতীরে  
 অধিষ্ঠান করিলেন। অর্চি যেরূপ দীপ্তিমতী ও সমুজ্জ্বলা  
 হইয়া, অতিমাত্র তেজে লোক সকল দগ্ধ করে, সেইরূপ  
 তিনি ক্রোধে প্রাজ্বলিতা হইয়া, হৃৎকর তপস্যায় প্রবৃত্ত  
 হইলেন।

কুণ্ডর কহিল, বৎসে ! শিবতনয়া মহাত্মা অশোকা

তুঙ্কের বধসাধনার জন্য সত্যবন্ধননহকারে গঙ্গাসলিলে স্নান করিয়া, কাঞ্চননাম্নী নগরীতে তপশ্চর্য্যায় এইরূপ প্ররুতা হইলে, সেই দৈত্য হুংখিত, বিপন্ন, বিচেতন ও মদনানলে অতীব সন্তপ্ত হইয়া, চিন্তা করিতে লাগিল। অনন্তর কম্পননাম্নী স্বকীয় অমাত্যকে আহ্বান করিয়া, অশোকর প্রদত্ত মহাশাপ ঘটনা প্রকাশপুরঃসর কহিল, সেই শিবকন্যা অশোকা এই বলিয়া অভিশপ্ত করিয়াছে, তর্ভা নহুবহন্তে আমার মৃত্যু হইবে। কিন্তু আয়ুর পত্নী আজিও গর্ভিণী বা সেই গর্ভও সমুৎপন্ন হয় নাই। এক্ষণে যাহাতে ইহার অন্তথা হয়, তাহা বিধান কর।

কম্পন কহিল, আয়ুর পত্নীকে হরণ করিয়া আনয়ন করিব। তাহাই হইলে, আপনার শত্রু জন্মিতে পারিবে না। অন্য কোনরূপ ভীষণ উপায়ে তদীয় গর্ভ নিপাত করা বিধেয় হয় না। কেননা, এই প্রকার হইলেই, আপনার শত্রুজন্ম প্রতিহত হইবে। সম্প্রতি দুরাচার নহুষের জন্মকাল প্রতীক্ষা করুন। আমি তাহার ভাবিনী পত্নীকে ইতিমধ্যে হরণ করিয়া আনি। এই প্রকার মন্ত্রণা স্থির হইলে, তুঙ্ক নহুষবিনাশে সমুদ্যত হইয়া রহিল।

বিষ্ণু কহিলেন, সোমবংশ ভূষণ মহাভাগ আয়ু তুঙ্কের ঔরসে জন্মগ্রহণ করেন, সমুদায় ভূপতির মণ্ডল ও সর্বভূমির অধিপতি এবং পৃথিবীর মধ্যে সত্য ও ধর্ম্মজ্ঞ ছিলেন। অধিকন্তু, তপস্বী, যশ ও বলে ইন্দ্রোপেন্দ্র সমান পরম-ধর্ম্মাশ্রী সেই কিতীশ্বর আয়ু দান, ষড়্, পুণ্য, সত্য ও নিয়মানুসারে একচ্ছত্র রাজ্য করিয়াছিলেন। পুত্র না হওয়াতে তিনি অভিমাত্র হুংখিত হইয়া, তাহার উপায় চিন্তায়

প্রবৃত্ত হইলেন এবং তৎকাল পরম সমাহিত হইয়া, যত্ন করিতে লাগিলেন । তৎকালে অত্রির দত্তাত্রেয় নামে এক পুত্র উৎপন্ন হইয়াছিলেন । তিনি সমুদায় ব্রাহ্মণের শ্রেষ্ঠ, মহাযোগিগণেরও ঈশ্বর ও অতিশয় মহানুভব । মদিরানন্দ লোচনে সর্বদাই স্ত্রীগণের সহিত ক্রীড়া করেন ; স্ত্রীগণে পরিবৃত্ত হইয়া, মদিরা লইয়াই অবস্থিতি করেন ; সর্বাঙ্গ-সহারিণী যুবতীর ক্রোড়ে নৃত্য, গীত ও সুরাপান করেন এবং ষড়োপবীত পরিহার করিয়া, দিব্য পুষ্পমালা ও যুক্তাহার পরিচ্ছদ পরিধান করেন । তাহার দেহ অগুরু ও চন্দনদিক্ত ; তদ্বারা শোভার সীমা নাই । রাজা আয়ু তদীয় আশ্রম পদে গমন ও তাঁহারে দর্শন করিয়া, সমাহিত হইয়া, মন্তক দ্বারা দণ্ডবৎ প্রণাম করিলেন । কিন্তু তিনি সম্মুখীন হইয়া, ভক্তিভাবে প্রণত হইলেও, দত্তাত্রেয় তাহা দোখিয়াও, অবজ্ঞা করিয়া রহিলেন ।

এইরূপে শতবৎসর অতীত হইয়া গেল । ‘আয়ু তথাপি চলিতমনস্ক হইলো না । পূর্ববৎ ভক্তিতৎপর অবস্থিতি করিলেন । তদর্শনে দত্তাত্রেয় তাঁহারে আহ্বান করিয়া কহিলেন, রাজন্ ! কি জন্য ক্লিষ্ট হইতেছ । আমি ব্রহ্মাচারহীন ও ব্রহ্মত্ব বিহীন । এবং সর্বদাই স্ত্রীতে সংস্কৃত ও সুরা মাংসে একান্ত লোভাক্রান্ত । আমার শক্তি কোথায় । অতএব তুমি অন্যত্র ব্রাহ্মণের নিকট গমন কর ।

আয়ু কহিলেন, আপনার ন্যায় মহাভাগ ও ব্রহ্মণসত্ত্বম্বিতীয় নাই । আপনি ত্রিভুবনে সর্বকামদাতা ও পরমেশ্বর । আপনি সুরোত্তম গরুড়ধ্বজ ভগবান গোবিন্দ, অত্রিবংশে ব্রাহ্মণরূপে অবতীর্ণ হইয়াছেন । আপনি দেব দেবশ,

আপনাকে নমস্কার, আপনি পরমেশ্বর, আপনাকে নমস্কার ।  
আপনি শরণাগত বৎসল, অতএব আপনার শরণ লইলাম ।  
আপনি সাক্ষাৎ বিশ্বরূপ স্বর্ষীকেশ; কেবল মায়ায় প্রতিচ্ছন্ন  
আছেন । আমি নিশ্চয় জানিয়াছি, আপনিই বিশ্বের বিধাতা  
ও নায়ক এবং আপনিই জগন্নাথ ও মধুসূদন ! ফলতঃ,  
আপনি বিশ্বরূপ গোবিন্দ, আপনারে নমস্কার । এক্ষণে  
আমারে রক্ষা করুন ।

কুঞ্জর কহিল, বৎস! অনন্তর বহুতিথ কাল অতীত হইলে,  
দহাত্রেয় নৃপোত্তমকে যন্ত্ররূপে কহিলেন, রাজন্ ! মদীয়  
নিদেশ প্রতিপালন কর, এই পতিত মাংস ও সুরা করপত্রে  
প্রদান কর । রাজা শ্রবণমাত্র অতিমাত্র ত্বরাস্থিত ও পবিত্র  
হইয়া, তৎক্ষণাৎ সুরা ও পতিতমাংস আহরণ পূর্বক স্বহস্তে  
তদীয় হস্তে প্রদান করিলেন । মুনিমত্তম আত্রেয় তদীয়  
ভক্তি, প্রভাব ও শুশ্রূষা দর্শন করিয়া, অতিশয় প্রসন্ন হই-  
লেন এবং রাজেন্দ্র আয়ুকে কহিলেন, ভদ্র ! তোমার কল্যাণ  
হউক, পৃথিবীদুর্লভ বর গ্রহণ কর । তোমার অভিলষিত  
সমস্তই প্রদান করিব ।

রাজা কহিলেন, ভগবান্! আমারে অনুগ্রহ পূর্বক বর-  
দান করিবেন ; সর্বগুণোপেত সর্বজ্ঞ পুত্র প্রদান করুন । ঐ  
পুত্র যেন দেবকার্য্য তৎপর, দেব ব্রাহ্মণে ভক্তিমান্, বিশেষ-  
রূপে প্রজাগণের পালক, যজ্ঞশীল, দানপতি, শূর, শরণাগত-  
বৎসল, দাতা, ভোক্তা, মহাত্যাগী, বেদশাস্ত্রে সুপণ্ডিত,  
ধনুর্বেদ সুনিপুণ, শাস্ত্রপরায়ণ, অনাহতমতি, ধীর, সংগ্রামে  
অপরাজিত, বংশপরম্পরার প্রসুতি ও ধারক, নিরতিশয়  
ভাগধেয়, সম্পন্ন অতিশয় সুন্দর, এবং দেব, দানব,

ক্ষত্রিয়, রাক্ষস, কিন্নর ও গন্ধর্ভগণের অজেয় হয় । যদি  
অনুগ্রহে পূর্বক বরদানে অভিলাষ হইয়া থাকে, এবংবিধ গুণ-  
স্বরূপ পুত্র বিধান করুন ।

দত্তাত্রেয় কহিলেন, মহারাজ ! আচ্ছা তোমার এবংবিধ  
গুণভূষিত বিষ্ণুর অংশসংযুক্ত বংশধর পুত্র সমুৎপন্ন হইবে ।  
ঐ পুত্র ইন্দ্রতুল্য সর্বভূমির আধিপত্য করিবে । এইপ্রকার  
বর দিয়া তিনি পুত্রাণ্য উৎকৃষ্ট ফল প্রদানান্তর কহিলেন,  
ঈশ্বর মহিষীকে প্রদান করিও । এই বলিয়াই সম্মুখবর্তী  
প্রণত আয়ুকে বিসর্জন ও আশীঃসহ অভিনন্দন করিয়া  
অস্তর্ধান বিধান করিলেন ।

## অষ্টনবতিতম অধ্যায়



কুঞ্জর কহিল, মহানুভাব মহাভাগ মহাযুনি দত্তাত্রেয়  
প্রস্থান করিলে, মহারাজ আয়ু ক্ষুণ্ণচিত্তে পরম লক্ষ্মীলাঙ্ঘিত  
সর্বকামসমুদ্বার্থ দেবরাজগৃহোপম স্বকীয় পুরে প্রত্যাवর্তন  
পূর্বক স্বর্গস্থ পুরন্দরের ন্যায় পূর্ববৎ স্বভানুতনয়া ইন্দু-  
মতীর সহিত প্রজাপালনে প্রবৃত্ত হইলেন । অনন্তর রাজ্ঞী  
ইন্দুমতী যথাকালে উত্তম গর্ভ ধারণ করিলেন । ঐ সময়ে  
তিনি একদা রাত্রিতে স্বপ্ন দেখিলেন, এক দিব্যকায়  
দেববেষ্টিত বহুমঙ্গলদায়ক সূর্য্যসন্নিভ দিব্য চন্দনলিপ্ত

দিব্যাভরণভূষিত সর্বাভরণশোভাজ শঙ্খ চক্র গদাধর অস্ত্র-  
হস্ত চতুর্ভূজ মহাযশা মহাপুরুষ গৃহমধ্যে প্রবেশ করিলেন।  
তদীয় মস্তকে শশধয়বিড়ম্বী শ্বেতছত্র দ্বিয়মাণ, কর্ণে শ্বেত  
পুষ্প বিনির্মিত মাল্যদাম, পরিধান শ্বেতবস্ত্র, হস্তে মুক্তামালা,  
কর্ণে চন্দ্র বিম্ব সদৃশ কুণ্ডলযুগল, এবং হস্তাদি যথাস্থানে হার,  
কঙ্কন কেয়ুর ও নুপুরাদি অলঙ্কার। তদ্বারা তাহার শোভার  
সীমা নাই। সেই মহাতেজা গৃহে প্রবেশ করিয়া, হস্তস্থিত  
পদ্ম প্রদান পূর্বক স্বস্থানে প্রস্থান করিলেন। তদর্শনে  
রাজ্যী সমুদায় ভূপতি গোচরে নিবেদন করিয়া কহিলেন,  
নাথ! এই সেই পদ্ম অবলোকন করুন। রাজা শ্রবণ  
করিয়া, চিন্তাপরায়ণ হইলেন এবং শৌনবকে আহ্বান  
করিয়া, স্বপ্ন স্বতান্ত্র বিজ্ঞাপন পূর্বক কহিলেন, ইহার  
কারণ কি?

শৌনক কহিলেন, রাজন্! ধীমান্ দত্তাত্রেয় বরদানান্তর  
আপনারে পুত্রহেতু সপ্ত গুণ কল প্রদান করেন, আপনি তাহা  
কি করিলেন এবং কাহারেই বা নিয়োগ করিলেন। রাজা  
উত্তর করিলেন, আমি তাহা স্বীয় ভাৰ্য্যাকেই প্রদান করি-  
য়াছি! তখন শৌনক পুনরায় কহিলেন, নরদেব! দত্তা-  
ত্রেয় প্রসাদে ভবদীয় গৃহে বৈষ্ণবাংশসমুত্ত গুণবান্ পুত্র  
জন্মগ্রহণ করিবে। তাহার সংশয় নাই। ইহাই স্বপ্নের  
কারণ। যাহা হউক, ঐ পুত্র ইন্দ্রোপেন্দ্র সদৃশ দিব্য-  
বীৰ্য্য, সর্বধন্বাত্মা, বিংশতিভূষণ, ধনুর্বেদবেদনিপুণ, সদৃগুণ-  
বিশিষ্ট, এবং পরম তেজস্বী হইবে। এই বলিয়া মহাত্মা  
শৌনক স্বকীয় গৃহে গমন করিলেন। রাজা শুনিয়া মহিষীর  
সহিত অতিমাত্র হর্ষবিশিষ্ট হইলেন।

## নবনবতিতম অধ্যায় ।

কুঞ্জর কহিল, বৎস ! ইন্দুমতী ক্রীড়া লালসায় সখীগণ সম্ভিব্যাহারে নন্দনে গমন করিয়াছিলেন । তৎকালে তুণ্ডের পুত্রও বিহারমানসে তথায় প্রবেশ করে । সে চারণগণের মুখে শ্রবণ করিল, আয়ুর পুত্র বিষ্ণু তুল্য পরাক্রম মহাবীর্য্য নহ্ম তুণ্ডের বধসাধন করিবে । এই নিরতিশয় অশ্রিয় ও হুঃখজনক বাক্য শ্রবণ করিয়া, পিতার অগ্রে সমস্ত নিবেদন করিল । পিতাও নিশ্চয় অবগত হইয়া, অশোকুসন্দরীর পূৰ্ব্বকৃত শাপ স্মরণ করিতে লাগিল । অনন্তর ইন্দুমতীর গর্ভ বিনাশে ক্লভ্যোদ্যম হইয়া হৃষ্টচিত্তে প্রতিদিন তদীয় ছিদ্রে অন্বেষণে প্রবৃত্ত হইল । কিন্তু রূপোদার্য্যগুণশালিনী দিব্যতেজঃসমায়ুক্তা ইন্দুমতী বিষ্ণুর তেজে রক্ষিতা হইয়া- ছিলেন । সূর্য্য বিষ্বসদৃশ দিব্য তেজঃ সমস্ত সাক্ষাৎকারে তদীয় পার্শ্ব সৰ্ব্বদা রক্ষা করিতেছে । তদর্শনে হৃষ্টমতি দানব তদীয় অগ্রে বহুবিধ উগ্র ভীষণ বিভীষিকা প্রদর্শন করিতে লাগিল । কিন্তু বিষ্ণুতেজ রক্ষিতা রাজ্ঞীর হৃদয়ে কিছুতেই ভয় সঞ্চার করিতে পারিল না । তাহাতে তাহার উদ্যম বিফল, মনোরথ ভ্রষ্ট ও অভিলষিত বিনষ্ট হইয়া গেল । এইরূপে বর্ষশত অতীত হইলে, স্বভানুন্দিনী রজনীযোগে পুত্রশ্রেষ্ঠ পুত্র প্রসব করিলেন । ঐ পুত্র নতম্ব দিবাকরের ন্যায় তেজোবলে অতিমাত্র শোভমান ।



অনন্তর রাজ্ঞী তনয়রত্ন প্রসব করিয়াছেন, এই মহামঙ্গল ঘোষণা পূর্বক কোন দাসী রাজগৃহে সমাগত হইলে, দান-বাধম তুণ্ড তাহার নি কট সমস্ত অবগত হইয়া, তদীয় অঙ্গে আবিষ্কৃত ও তৎসহায়ে স্মৃতিমন্দিরে প্রবিষ্কৃত হইল । সকলেই নিদ্রিত, বালকও নিদ্রায় মোহিত হইয়াছিলেন । দৈত্য সেই দেবগর্ভস্থ শিশুকে হরণ পূর্বক বহির্গত ও কাঞ্চননাম্নী স্বীয় নগরীতে সমাগত হইল । এবং ভার্য্যাকে আহ্বান করিয়া কহিল, এই বালরূপা মহাপাপ মদীয় শত্রুকে সংহারও পশ্চাৎ ভোজনার্থ স্মৃদহস্তে সম্পাদন কর । এবং এই নিষ্ফূর্ণকে বিবিধ রূপে পাক করিতে বলিয়া দেও । আমি স্মৃদহস্তে ইহারে ভক্ষণ করিব ।

দানবী বালকের রূপ দর্শনে মুগ্ধা হইয়াছিল । এক্ষণে স্বামী বাক্যে নিতান্ত বিস্মিতা হইয়া চিন্তা করিল ইনি কি জন্ম নিষ্ঠুরের ন্যায় জুগুপ্সিত সাধন করিবেন । আহা, এই দেবগর্ভ সদৃশ সর্ব লক্ষণ সম্পন্ন সুকুমার শিশু কাহার ; মদীয় স্বামী নিষ্ফূর্ণ ও রূপাহীন হইয়া, ইহারে ভক্ষণ করিতে উদ্যত হইয়াছেন, কারণ বিচারণা পূর্বক এই প্রকার চিন্তা করিয়া, স্বামীকে জিজ্ঞাসা করিল, আপনি কি জন্ম বালক ভক্ষণ করিবেন ; কি জন্মই বা নিতান্ত ক্রুদ্ধ ও নিরপত্রপ হইয়া, এই প্রকার বাক্য প্রয়োগ করিতেছেন ; সত্য করিয়া ইহার কারণ নির্দেশ করুন । তাহাতে দানব আপনার, বিনাশ বৃত্তান্ত ও অশোকসুন্দরীর প্রদত্ত শাপ ঘটনা যথাযথ-কীর্তন করিলে, দানবী কারণ অবগত হইয়া, চিন্তা করিল এই বালক সর্বথা বধ্য ; অন্যথা আমার স্বামী বিনষ্ট হইবেন । অনন্তর সে মেনকানাম্নী মৈরিক্সীকে আহ্বান করিয়া

কহিল, মেনকে ! তুমি এই দুষ্কৃমতি পরম পাপ ছুরাত্মা  
বালককে সংহার ও ভোজনার্থ স্মদহস্তে প্রদান কর ।

মেনকা বালককে গ্রহণ ও স্মদকে আহ্বান করিয়া  
কহিল, ইহাকে পাক করিয়া রাজার আদেশ পালন কর । স্মদ  
শ্রবণ করিয়া বালককে তদীয় হস্ত হইতে গ্রহণ পূর্বক বধসাধ  
নার্থে শস্ত্র উত্তোলন করিল । তদর্শনে স্বকর্মদুশ্চ সেই  
দেবাংশ রক্ষিত আয়ুন্ন্দন বারং বার হাস্য করিতে লাগিলেন  
স্মদ দর্শন মাত্র অতিমাত্র ক্রুপান্নিত হইল । সৈরিক্রীও  
কারণাবিষ্ট হইয়া, স্মদকে কহিল, মহামতে ! এই শিশু সর্ব  
লক্ষণ সম্পন্ন এবং কোন রাজকূলে প্রসূত হইয়াছে ;  
অতএব ইহারে বধ করিও না । স্মদ কহিল, ভদ্রে ! তোমার  
বাক্য যেরূপ ক্রুপামিশ্রিত, সেই রূপ সত্যসঙ্গত । বাস্তবিক  
এই শিশু রাজলক্ষণ সম্পন্ন, রূপবান্ ও সর্বথা কর্ম্ম রক্ষিত ।  
দানবোধম পাপাত্মা কি জন্ম ইহারে ভক্ষণ করিবে ? যে  
ব্যক্তি জন্মান্তরীণ কর্ম্মবলে সুরক্ষিত, সে বিবিধ আপৎ ও  
সঙ্কট হইতেও জীবিত হইয়া থাকে, তাহাতে সন্দেহ কি ?  
কর্ম্ম সহায় হইলে, নদীবেগে প্রবাহিত অথবা বহি মধ্যে  
নিক্ষিপ্ত ব্যক্তির জীবন ক্ষয় হইবার নহে । লোকে এই জন্ম  
ধর্ম্ম পুণ্য সমন্বিত কর্ম্মের অনুষ্ঠান করে । তাহাতে আয়ু-  
স্বান্ অথবা সুখী হইয়া থাকে । ফলতঃ, কর্ম্মই তারক,  
পাবক, হিতসাধক এবং ভুক্তি ও মৈত্রস্থানের নিয়ামক ।  
সরিশেষ বুদ্ধি সহকারে দান, পুণ্য, প্রিয়বাক্য ও উপকার  
সমন্বিত কর্ম্মের সর্বদা অনুষ্ঠান করিলে, সেই কর্ম্মই রক্ষা  
করিয়া থাকে । তথাহি, স্বকর্ম্মে প্রেরিত হইয়াই, লোকে  
বিজয় লাভ করে । কর্ম্ম সংহার করিলে, তুমি আমি, পিতা,

। মাতা, স্বজন বান্ধব কাহারও রক্ষা করিবার ক্ষমতা নাই।  
 আয়ুর্নন্দন নন্দনও রক্ষিত হইয়াছিলেন। সেই জন্য সুদ ও  
 সৈরিক্তী কেশুর বশ ও প্রেরিত হইয়া অতিমাত্র করুণাবিষ্ট  
 হইল। অনন্তর উভয়ে যোগ করিয়া সেই চারুলক্ষণ শিশুকে  
 রক্ষা করিল। পুণ্যভাগিনী সৈরিক্তী রাত্রিতেই গৃহনিষ্কাশিত  
 করিয়া, বশিষ্ঠ ঋষির পবিত্র আশ্রমে লইয়া গেল। তৎকালে  
 ঋষি শয়ন করিয়াছিলেন। সৈরিক্তী তদীয় দ্বারদেশে সামু-  
 † এই হৃদয়ে বালককে নিক্ষেপ করিল। অনন্তর সুদ অন্য  
 মাংস পাক করিয়া দিলে, দানবাধম তুণ্ড হৃষ্ট হইয়া, ভক্ষণ  
 করিল। তাহাতে অশোক সুন্দরীর শাপ ব্যর্থ হইল জানিয়া,  
 মনে মনে আরও হর্ষিত হইয়া, অমাত্যগণের সাহিত হান্স  
 পরিহাসে প্রবৃত্ত হইল।

কুঞ্জর কহিল, এদিকে সুবিমল প্রভাত উপস্থিত হইলে,  
 মুনিসত্তম বশিষ্ঠ বহির্বির্নির্গত হইয়া, কুটীদ্বারের সমীপে অব-  
 লোকন করিলেন, এক দিব্য লক্ষণ সংযুক্ত সম্পূর্ণ চন্দ্রসঙ্কাশ  
 চারুলোচন সুকুমার কুমার পতিত রহিয়াছে। তদর্শনে  
 তিনি কহিতে লাগিলেন, ঋষিগণ সকলে আগমন করিয়া  
 দেখুন, এই বালক কাহার, রাত্রিতে কেই বা ইহারে মদীয়  
 দ্বারাঙ্গনে আনয়ন করিল। আপনারা সকলেই এই সকল-  
 রূপসংযুক্ত রাজলক্ষণলক্ষিত দেব গন্ধর্ব গর্তাভ বালককে  
 অবলোকন করুন। তাহাতে সমুদায় তপোধন পরম কৌতুকী  
 হইয়া, মহাভাগ আয়ুর নন্দনকে সন্দর্শন করিতে লাগিলেন।  
 পরম তেজস্বী বশিষ্ঠ বালককে দেখিবামাত্র যোগবলে আয়ুর  
 পুত্র বলিয়া অবগত হইলেন। এবং হুরায়া দানবেরও  
 হুরভিসন্ধি বুঝিতে পারিলেন। অনন্তর সেই ব্রহ্মনন্দন

পরমর্ষি কৃপাপ্রযুক্ত আয়ুসন্দনকে উত্থাপিত করিয়া, কর-  
 যুগলে পরিগ্রহ করিবামাত্র, তৎক্ষণাৎ দেবগণ স্বর্গ হইতে  
 তাহার উপরি পুষ্পরশ্মি আরম্ভ করিলেন । গন্ধর্ব ও কিন্নর-  
 গণ সুললিত সুস্বর গান করিয়া উঠিল । এবং ঋষিগণ  
 বৈদিক মন্ত্রে স্তব করিতে লাগিলেন । অনন্তর ভগবান্  
 বিশিষ্ঠ সেই বালককে রোদন করিতে দেখিয়া, কহিলেন,  
 তোমার নাম নহুষ বলিয়া, সর্বলোক বিশ্রুত হইবে ।

### শাকতম আশ্রয়

কুঞ্জর কহিল, অনন্তর মুনিসত্তম বিশিষ্ঠ বালকের জাত  
 কৰ্ম্মাদি কৰ্ম্ম ও গুরু শিষ্যাদি ব্রতদান বিসর্গ বিধান করি-  
 লেন । আয়ু পুত্র শিষ্যরূপে পরম উক্তি বিশিষ্ট হইয়া,  
 ষড়ঙ্গ সহিত সম্পূর্ণ বেদ, সমুদায় শাস্ত্র, সরহস্ত্য ধনুর্বেদ,  
 প্রয়োগ সংহার সমুদায় সমুদায় অস্ত্র শস্ত্র, এবং রাজনীতি  
 ও জ্ঞানশাস্ত্র সম্যক্রূপে অধ্যয়ন করিলেন । এইরূপে মহা-  
 মতি মহাভাগ নহুষ ভগবান্ বিশিষ্ঠের প্রসাদে রণচাপধর ও  
 সর্ববিষয়ে সুসম্পন্ন হইলেন ।


এদিকে তদীয় বরবর্ণিনী জননী স্বর্ভানুসন্দিনী নিরুপম  
 দেবোপম পুত্রকে দেখিতে না পাইয়া, হাহাকার ও উচ্চৈঃ-  
 স্বরে রোদন করিয়া কহিলেন, কোন্ ব্যক্তি আমার দিব্য-  
 দিবাকরের ন্যায় তেজোবলে আত্মাজ্ঞা শোভমান

লক্ষণ পুত্রকে হরণ করিল । বৎস ! আমি অনেক তপস্যা, দান, যত্ন ও কঠোর নিয়মানুষ্ঠান করিয়া, অনেক কষ্টে তোমারে প্রাপ্ত হইয়াছিলাম । মহাভাগ দত্তাত্রেয় অনেক পুণ্যে সন্তুষ্ট হইয়া, তোমারে প্রদান করিয়াছিলেন । কে তোমারে হরণ করিল । হা পুত্র ! হা বৎস ! হা বাল ! হা গুণমন্দির ! হা মদীয় জীবিতবন্ধন ! তুমি কোথায় কাহা কর্তৃক নীত হইয়াছ, আমারে শব্দ প্রদান কর । অয়ি সুর-নন্দন ! তুমি সমুদায় সোমবংশের ভূষণ, তাহাতে সন্দেহ নাই । কে তোমারে আমার প্রাণের সহিত অপনৌত করিল । হা বৎস ! তুমি সম্পূর্ণ রূপ লক্ষণ ও দিব্য লক্ষণ পরম্পরায় পরিশোভিত ; সেই তোমারে কোন্ ব্যক্তি হরণ করিল । হায়, আমি কি করি, কোথায় যাই ! অন্য জন্মে যাহা করিয়া ছিলাম, তাহা বিলক্ষণ বুঝিতে পারিতেছি । পূর্বজন্মে কাহারও ন্যাস বিনাশ করিয়াছিলাম, ইহা তাহারই পরিণাম, অথবা পাপকারিণী আমি জন্মান্তরে কাহারও ফল হরণ করিয়া থাকিব ; তাহারই জন্য এই দুঃখভোগ করিতে হইল । ফলতঃ আমি কাহার রত্ন হরণ করিয়াছি ; সেই জন্য পুত্র-রত্নে বঞ্চিত হইলাম । অথবা সেই দারুণ কঠোর এই অতি-মাত্র পুত্র শোকরূপ অবিতর্কিত ফল লাভ করিলাম, ইহাতে সন্দেহ কি, অথবা জন্মান্তরে কাহারও সহিত বিরোধ করিয়া-ছিলাম । ইহজন্মে সেই পাপবশে পুত্র বিয়োগ দুঃখভোগ করিতে হইল । অথবা পূর্বে কর্মভোগ নিরত বিশ্বদেবের মন বিচালিত করিয়াছিলাম সেই জন্য দ্বিজাতিগণ পুত্রকে হরণ করিয়া লইলেন । মহাভাগা ইন্দুমতী অপার পুত্র-শোকে অভিভূতা হইয়া, এইরূপ করুণস্বরে রোদন করিতে

লাগিলেন। অনন্তর শোকে বিহ্বলা ও যুচ্ছিতা হইয়া, বৎস হীন গাভীর ন্যায় ঘন ঘন নিশ্বাস পরিত্যাগ করিতে করিতে ধরাতলে নিপাতিতা হইলেন।

নরপতি আয়ুও পুত্রের হঠাৎ হরণ রূদ্রান্ত্র শ্রবণ করিয়া তৎক্ষণাৎ ধৈর্য্য পরিহার করিলেন এবং অতিমাত্র শোক দুঃখের বশবর্তী হইয়া, বলিতে লাগিলেন, বুঝিলাম, তপস্যার ফল নাই, দানেরও ফল নাই। আমি অনেক দান ও তপস্যা করিয়াছি, তথাপি পুত্র অপহৃত হইল। মহাভাগ দত্তাত্রেয় পূর্বে প্রসন্ন হইয়া, চিরযৌবন, চিরায়ু ও সর্বগুণাকর পুত্র বর স্বরূপ প্রদান করিয়াছিলেন। তাঁহার প্রদত্ত বরেরও বিঘ্ন সংঘটিত হইল। আয়ু মহাদুঃখে আক্রান্ত হইয়া, এই প্রকার চিন্তা করিতে লাগিলেন।

### একাদিকশততম অধ্যায়।



কুঞ্জর কহিল, অনন্তর দেবর্ষি নারদ স্বর্গ হইতে সমাগত হইয়া, রাজাকে কহিলেন, মহারাজ! কি জন্য শোক করিতেছ? পুত্রের হরণ জন্য তোমার দুঃখ হইয়াছে, জানিতে পারিয়াছি। কিন্তু এই ঘটনা দৈবাধীন জানিয়া, শোক পরিত্যাগ কর। তোমার সেই পুত্র সর্বজ্ঞ, সর্বদর্শী, ও সর্বকলানুসম্পন্ন, সন্দেহ নাই। যে ব্যক্তি তাদৃশ দেব

গুণোপম বালককে হরণ করিয়াছে, সে কাল প্রেরিত, সংশয় নাই। কেননা মহাবল মহাবীৰ্য্য ত্বদীয় আত্মজ অপহৃত্তাকে সংহার করিয়া, পক্ষী সমভিব্যাহারে তোমার সকাশে আগমন করিবেন। বলিতে কি, তিনি অতিমাত্র তেজস্বী, ইন্দ্রোপেন্দ্র সমান ও স্বকীয় পুণ্য কৰ্ম্মবলে ইন্দ্রপদ প্রাপ্ত হইবেন। দেবর্ষি নারদ এই বলিয়া স্বর্গে প্রস্থান করিলেন। তিনি প্রস্থান করিলে, আয়ু ভাৰ্য্যাসকাশে আগমন ও সমুদায় জ্ঞাপন করিয়া কহিলেন, ভদ্রে! দত্তাত্রেয় যে দেববরোপম পুত্র দান করিয়াছেন, তিনি বিষ্ণুরতেজে জন্মিয়াছেন, জানিবে। বরাননে! যে হুরাত্মা সেই গুণবান পুত্রকে হরণ করিয়াছে, তিনি তাহার শির গ্রহণ পূৰ্ব্বক প্রত্যংগত হইবেন। দেবর্ষি এই কথা বলিয়া গেলেন। রাজ্ঞী ইন্দুমতী স্বামিবাক্যে সাতিশয় হর্ষিত হইয়া, চিন্তা করিলেন, নারদ যাহা কহিয়াছেন, তাহার অন্যথা নাই। আর দত্তাত্রেয় যে বর দিয়াছেন, তাহাও অক্ষয় অমৃত স্বরূপ সৰ্বথা সম্পন্ন হইবে। তিনি এই প্রকার চিন্তা করিয়া, দ্বিজ পুঙ্গব আত্রেয়কে বক্ষ্যমাণ বাক্যে নমস্কার করিতে লাগিলেন, সেই পরিষদ্বিপ্র মহাত্মা অত্রিয় পুত্রকে নমস্কার, যাহার প্রসাদে আমি শ্রুতচারুধর্ম্ম সুপুত্র প্রাপ্ত হইয়াছি। তিনি নিশ্চয় জানিয়াছিলেন, পুত্র নহ্মষ পুনরায় আগমন করিবেন। অতএব এই প্রকার কহিয়াই বিনিরুক্তা হইলেন।

## দ্ব্যধিকশততম অধ্যায় ।

স্মৃত কহিলেন, ব্রহ্মপুত্র মহাতেজা তপস্বিবর বশিষ্ঠ  
একদা নহ্ষকে আহ্বান করিয়া কহিলেন, বৎস ! সত্বর  
বন গমন পূর্বক যথেষ্ট বন্য আহরণ কর । নহ্ষ শ্রবণ করিয়া  
তৎক্ষণাৎ অরণ্যে প্রস্থান করিলেন । এবং তথায় শুনিতে  
পাইলেন, দেব দূতগণ তাহারে লক্ষ্য করিয়া, পরস্পর বলি-  
তেছে, এই নহ্ষনামা মহাপ্রাজ্ঞ মহাবল পরম ধার্মিক অয়ু-  
নন্দন বাল্যকালেই মাতৃবিমুক্ত হইয়াছে । ইহার বিয়োগে  
আয়ুমহিষী সর্বদাই বিলাপ করিয়া থাকেন । শিবদুহিতা  
অশোকা ইহার জন্য পরম দুঃখর তপস্যায় প্রবৃত্তা হইয়াছেন ।  
না জানি, দেবী ইন্দুমতী কত দিনে আপনার এই পুত্রকে  
দর্শন করিবেন । পূর্বে ছুরাত্মা দানবগণ ইহারেই হরণ  
করিয়া আনয়ন করে । সেই নিরালম্বা তপস্বিনী শিবনন্দিনী  
অশোকা কত দিনে ইহার সহিত সঙ্গতা হইবেন, বলিতে  
পারি না । ধর্মাত্মা নহ্ষ চারণগণের এবংবিধ বাক্য আক-  
র্গন করিয়া, নিতান্ত বিভ্রম প্রাপ্ত হইলেন । অনন্তর তিনি  
বন্য আহরণ পূর্বক বশিষ্ঠের আশ্রমে সমাগত হইয়া, তাঁহাকে  
তৎ সমস্ত নিবেদন করিলেন । পরে বদ্ধাঞ্জলিপুটে ভক্তিন-  
মিত কন্ধরে কহিলেন, তপস্বিবর মহাপ্রাজ্ঞ ভগবন্ ! চারণ-  
গণের অপূর্ব বাক্য শ্রবণ করুন । তাহারা কহিল, এই  
আয়ুর্নন্দন নহ্ষ দুঃখ দানবগণ কর্তৃক জননী ইন্দুমতীর সহিত



বিয়োজিত হইয়াছে । শিবতনয়া ইহারই জন্য দুষ্টির তপশ্চর্য্যায় প্রবৃত্ত হইয়াছেন । তাহারা পরম্পর এই প্রকার কহিতেছিল, আমি সমুদায় শ্রবণ করিয়াছি । এক্ষণে নিবেদন করি, সেই মহাভাগ আয়ু কে, দেবী ইন্দুমতী কে, অশোকসুন্দরী কে, এবং নহুষই বা কে । আমার এই সংশয় ছেদন করিতে হইবে । পৃথিবীতে আর কেহ নহুষ আছে ? সমুদায় কারণান্তর কীর্তন করুন ।

বশিষ্ঠ কহিলেন, ধর্ম্মাত্মা মহাবল আয়ু সপ্তদীপের অধীশ্বর এবং চারুৰূপা তপস্বিনী ইন্দুমতী তাঁহার ভার্য্যা । রাজরাজ আয়ু সেই প্রিয়া মর্ত্ত্বীতে সোমবংশবিভূষণ গুণ-নিলয় তোমাকে সহস্রপাদন করিয়াছেন । আর চারুহাসিনী গুণরূপসমলঙ্কতা সুভগা ও সুশ্রোণী অশোকা মহাদেবের আত্মজা । তোমার জন্য তপোবনে নিরালস্য তপস্চার্য্য সন্নি-  
 বিষ্টা হইয়াছেন । বিধাতা যোগবলে তোমারেই তদীয় ভর্ত্তা নিশ্চয় ও দর্শন করিয়াছেন । সেই রূপৌদার্য্যগুণোপেতা সুভগা কমলেক্ষণা অশোকা তপ প্রভাবে প্রজ্বলিতা হইয়া, ধ্যানযোগ অবলম্বন পূর্ব্বক একাকিনী ভাগীরথী তীর আশ্রয় করিলে, দানবেন্দ্র তুণ্ড তাঁহারে দর্শন করিয়া, কামবাণে প্রপী-  
 ডিত হইয়া, কহিয়াছিল, চারুহাসিনি ! আমার পত্নী হও । তাহাতে তিনি উত্তর করিলেন, তুণ্ড ! পুনঃ পুনঃ আর এরূপ কহিয়া সাহস প্রকাশ করিও না । আমি তপস্বিনী ও আয়তা, বিশেষতঃ পর ভার্য্যা । ভগবান্ দৈব আয়ুপুত্র মহাবল নহুষকে আমার পতি করিয়াছেন । সেই দৈবদত্ত মহাতেজা মেধাবী নহুষই আমার স্বামী হইবেন । যদি আমার কথা না শুন, শাপ দিয়া এখনই ভস্ম করিয়া ফেলিব । কিন্তু তুণ্ড

কামবাণে নিতান্ত বিদ্ধ হইয়াছিল। অতএব ছলক্রমে তাহারে হরণ করিয়া, নিজ মন্দিরে লইয়া গেল। তিনি তাহা জানিতে পারিয়া, সেই দানবধমকে এই শাপ দিলেন যে, নহুষেরই হস্তে তোমার মৃত্যু হইবে। বৎস! তিনি যখন এই কথা বলেন, তখন তোমার জন্ম হয় নাই। অনন্তর তুমি আয়ুর পুত্ররূপে জন্ম গ্রহণ করিলে, পাপাত্মা দানব তোমারে হরণ করিয়া লইয়া যায়। কিন্তু সুদ রক্ষা করিয়া, পশ্চাৎ তোমারে মদীয় আশ্রমে প্রেরণ করিয়াছে। চারণ ও কিন্নরগণ বন মধ্যে তোমারে দর্শন করিয়া, এই কথাই শ্রবণ করাইয়াছে। এক্ষণে তুমি পাপকর্তা দানবধম তুণ্ডকে সংহার কর, জননীকে গিয়া দর্শন, প্রবোধন ও অশ্রুবারি বিমার্জ্জন কর, এবং অশোক সুন্দরীর স্বামিপদ গ্রহণ কর। তোমারে এই সমুদায় কারণ নির্দেশ করিলাম। মহামতি বিপ্র এই বলিয়া বিরত হইলেন। নহুষ মুনি-যোজিত সমুদায় আকর্ষণ ও পরিকলন করিয়া, যারপর নাই রোষাবিষ্ট ও একাকীই দানববধে কৃতসংকল্প হইলেন।

## ত্র্যধিকশততম অধ্যায় ।



বিষ্ণু কাহিলেন, অনন্তর নহুষ যুনিশ্রেষ্ঠ বশিষ্ঠকে প্রণাম, প্রসন্ন ও আমন্ত্রণ করিয়া, বাণপাণি ও ধমুর্দ্ধর হইয়া, আশ্রম হইতে বহির্গত হইলেন । এ দিকে সুদ যে অন্য মাংস পাক করিয়া দিয়াছিল, তুণ্ড তাহা জানিতে পারে নাই । সুগুণ সুরূপ ও সুললিত আয়ুপুত্র জানিয়া সেই মাংস সুন্দররূপে সংস্কৃত, ঘৃষ্ট, ও রসপক ও সুস্বাদু করিয়া, ভোজন করিল এবং নিরতিশয় হর্ষাবিষ্ট ও কালবশে হতচেতন হইয়া, অশোকাসকাশে গমন পূর্বক কাহিল, ভদ্রে ! আমি তোমার স্বামী আয়ুন্দনকে ভক্ষণ করিয়াছি । এক্ষণে আমারে ভজনা ও মনোবুগুণ ভোগ সমস্ত উপযোগ কর । সেই গতাযু মানুস পতিতে তোমার কি হইবে ?

তপস্বিনী অশোকা প্রত্যুত্তর করিলেন, আমার স্বামী দৈবতগণের প্রদত্ত, অতএব অজর ও দোষবর্জিত । মহাশ্মা-গণও তাঁহার মৃত্যু দেখিতে পান না । হুরাচার দানব শ্রবণ করিয়া, বারংবার হাস্য করিতে লাগিল এবং সেই বিশা-লাক্ষীরে পুনরায় কাহিল, সুন্দরি ! আয়ুরপুত্র হুরাচার বালক নহুষ জাতমাত্র তদীয় মাংস ভক্ষণ করিয়াছি । অশোকা শুনিয়া অতিমাত্র রোষাবিষ্টা হইয়া কাহিলেন ; আমি সতী নিয়মানুসারে তপস্যা করিতেছি । আয়ুর পুত্র চিরায়ু হই-বেন, তাহাতে সন্দেহ নাই । হুরাচার ! এক্ষণে যদি জীবিত

লাভের বাসনা থাকে, অন্যত্র গমন কর । অন্যথা, পুনরায় নিঃসন্দেহ অভিশপ্ত করিব । তাহাতে তুণ্ড পরে আবর্তন পূর্বক সূদ সকাশে সমস্ত বিজ্ঞাপন করিল । সূদ শুনিয়া কহিল, আপনার দাসী এ বিষয়ে সবিশেষ বলিতে পারে । পাপ চেতন তুণ্ড সূদ কর্তৃক এইপ্রকার প্রোষিত হইয়া, সত্বর বিনির্গত হইল এবং স্বীয় ভার্য্যাকে সমস্ত নিবেদিত করিয়া কহিল, সূদ ও দাসী কি করিয়াছে, বলিতে পারি না ।

সূত কহিলেন, তপস্বিনী অশোকা নিরতিশয় শোক, দুঃখ ও গুরুতর তপশ্চর্য্যায় কর্ষিতা ও মস্তপ্তা হইয়া, স্বামি-চিন্তায় পুনঃ পুনঃ অতিমাত্র আকুল হইয়া পড়িলেন । এক-বার ভাবিলেন, দৈত্যগণ বিবিধ উপায় বলে কি না করিতে পারে ? বিশেষত তুণ্ড উপায়জ্ঞ এবং সর্বথা বুদ্ধি সম্পন্ন ও উদ্যমশীল । পূর্বে সেই দুরাচার উপায় বলে আমারে বিনষ্ট করিবার চেষ্টা করে । এক্ষণেও সেই উপায়যোগে আয়ুর পুত্র বিনষ্ট হইবেন, তাহাতে অসম্ভাবনা কি, আবার ভাবিলেন, যে, অনাময় ভাবী ভাব দৈবযোগে বিনির্দিষ্ট হয় তাহা উদ্যমসহায়ে নষ্ট অথবা নাও বিনষ্ট হইয়া থাকে অথবা উদ্যমই শ্রেষ্ঠ হউক, আর স্বকীয় কৰ্ম্মজ ফলই শ্রেষ্ঠ হউক । দৈবদৃষ্ট ভাবী ভাব কখন বিনষ্ট হয় না । দেবগণ যে বিশেষ সংভাবিত করেন তাহার অন্যথাপত্তির সম্ভাবন নাই । মহাভাগা অশোকা এবং বিধ বহুবিধ চিন্তা করিয়া বারংবার খিন্না ও অবসন্ন হইতে লাগিলেন ।

এ সময়ে বিহুরনামে হারকণ্ঠ দিব্যগন্ধ বিনির্লিপ্ত বৃহৎ বংশ মহাতমু দ্বিত্বজ কিন্নর ভার্য্যার সহিত পক্ষসহায়ে অতিউর্দ্ধ বিমানমার্গে গমন করিতেছিল । সে বংশহস্তে

সহসা সমাগত হইয়া, বিষমহৃদয়া অশোকারে সম্বোধন পূর্বক কহিল, দেবি ! কি জন্য রোদন করিতেছ । আমি তোমারই জন্য আগমন করিয়াছি । আমি বিষ্ণুভক্ত, জাতিতে কিন্নর, দেবগণ আমারে পাঠাইয়া দিয়াছেন । নহুষের জন্য দুঃখ করিবার প্রয়োজন নাই । পাপীয়ান্ তুও তদীয় সংহার বাসনার পূর্বে কৃতোদ্যম হইয়া, তাঁহারে হরণ করিয়াছিল । কিন্তু দেবগণ বিবিধ উপায়ে তদীয় রক্ষা বিধান করিয়াছেন । দানবধম তাহা জানিতে না পারিয়া, হরণ ও ভক্ষণ করিয়াছি ভাবিয়া, তোমারে দেখিতে আসিয়াছিল এবং তাহাই শ্রবণ করাইয়া চলিয়া গিয়াছে । যাহা হউক, তদীয় ভর্তা মহাযশা নহুষ পূর্বজন্মার্জিত পুণ্য ও স্বকীয় কৰ্ম্মবশে এবং গিত পুণ্যবলে জীবিত বিরাজ করিতে ছেন । কল্যাণি ! হতমান পরম পাপীয়ান্ তেজোবিদূষক ঘাতকগণ উর্জিত জনের বিনাশ বাসনা করিয়া থাকে । এবং বিধ, ও শস্ত্রাদি নানাবিধ উপায়ে দিনদিন প্রাণহানির চেষ্টা করে । যে ব্যক্তি পুণ্য ও কৰ্ম্মবলে সুরক্ষিত, দুর্ভাগ্যগণ কোটিল্য, কুবিদ্যা, মোহ, স্তম্ভন, এবং অন্যান্য বলবান্ উপায়যোগে তাহাকেও বিনাশ করিতে উদ্যত হয় । কিন্তু পূর্বজন্মার্জিত স্কৃত ও পুণ্যবল এবং দেবানুগ্রহে সর্বদাই সুরক্ষিত, বলিয়া হুরাচার পাপিগণের তন্ত্র, মন্ত্র, বিষ, শস্ত্র, অগ্নি, বন্ধন ও অস্ত্রাদি তন্ত্রউপায় সমস্ত সফল বা তাহাতে প্রবিষ্ট হইতে পারেনা । প্রত্যুত, উপচারকর্তা স্বয়ং ভয়ীভূত হইয়া থাকে ; তিনি একাকী জীবিত পুণ্য ভোগ করেন । দেবগণ তদীয় ভর্তার তপঃপ্রভাব ও পুণ্য সঞ্চয় সমস্ত অবগত আছে । অতএব তুমি সেই বলিশ্রেষ্ঠ বীর

নহুযকৈ স্বকীর সত্য, তপস্যা, পুণ্য, নিয়ম ও দমবলে সুর-  
 কিত অবগত হইবে । এক্ষণে এই অক্ষরগ দারুণ শোক  
 হুঃখ পরিহার কর । পরম ধার্মিক আয়ু নন্দন পিতৃ মাতৃ  
 বিরোজিত হইয়াও, তপস্বী বশিষ্ঠের পরিচালনায় তপো-  
 বনে জীবিত বাস করিতেছেন । এবং সমুদায় বেদ, তন্ত্র,  
 ও ধনুর্বেদে সর্বিশেষ পারগ হইয়া, স্বকীয় তেজ ও স্বকীয়  
 কলায় শশধরের স্যায় বিরাজমান হইতেছেন । অধিকন্তু, বিদ্যা,  
 তেজ, তপস্যা, মহাপুণ্য ও মহাজ্ঞান এসকলে তাঁহার কিছু-  
 মাত্র অভাব নাই । সেই পরবীরের অর্গাভিনন্দন অমরপ্রিয়  
 নহুয স্বপ্নকাল মধ্যে দানবেন্দ্র তুণ্ডের সংহার ও তোমারে  
 পরিগ্রহ করিবেন । এবং তোমার সহিত পৃথিবীর একাধি-  
 পতি ও দেবরাজের সমকক্ষতা প্রাপ্ত হইবেন । তুমিও ইন্দ্র-  
 সদৃশ সপুত্র লাভ করিবে । ধর্ম্মাত্মা যযাতি তোমার গর্ভে  
 অবতরণ করিবেন । তিনি প্রজাবর্গের পরিপালক ও সর্বজীবে  
 দয়াপর হইবেন । তাঁহার চারিপুত্র জন্মিবে তাহারা সকলেই  
 পরম তেজস্বী, বলবীৰ্য্য গুণসম্পন্ন, ও ধনুর্বেদে পারগ হই-  
 বেন । তাঁহাদের নাম, তুর্বসু, পুরু, কুরু, ও যদু । যদুর আট  
 পুত্র হইবে । তাহারা সকলেই মহাবল, মহাতেজা, মহাবীৰ্য্য,  
 মহাত্মা ও মহাবিক্রমবিশিষ্ট হইবে । তাহাদের নাম পরাক্রমে  
 ভোজ, ভীম, অন্ধক, সর্ববান্ধব ধৃষ্টি, শ্রুতসেন, ধীর, ও  
 কালদংশু । তাহারা যাদব নামে বিখ্যাত হইবে । তুমি হুঃখ  
 ত্যাগ কর । অয়ি বরাননি ! নহুয তোমার সহিত অবশ্যই  
 মিলিত হইবেন ।° এবং দানব দলন করিবে । অশোকসুন্দরী  
 কহিলেন, হে ধর্ম্মাজ্ঞ ! আমার স্বামী কবে আসিবেন, সত্য  
 বল । এবং আমার মনঃসুখ বর্দ্ধিত কর ।

কিন্নর কহিল, তুমি অচিরাৎ স্বামীসমাগমলাভ করিবে ।  
এই বলিয়া সে বিবুধালয়ে গমন করিলে, অশোকসুন্দরী  
কাম ক্রোধ ও শোক পরিহার পুরঃসর সুদুশ্চর তপশ্চরণে  
প্ররক্ত হইলেন ।

### চতুরধিকশততম অধ্যায় ।

স্মৃত কহিলেন, এদিকে নহুষ সমুদায় ঋষি ও তপস্বী-  
শ্রেষ্ঠ বশিষ্ঠকে আমন্ত্রণ করিয়া, দানবের উদ্দেশে গমন  
করিতে একান্ত উৎসুক হইলেন । তদর্শনে বশিষ্ঠপ্রমুখ  
তপোধনবর্গ সেই আয়ুর পুত্র মহাবল নহুষকে আশীঃ  
প্ররোগ পুরঃসর আমন্ত্রণ এবং স্বর্গে দেবগণ হৃন্দুভিবাদ  
সহকারে তদীয় মন্তকে পুষ্পরক্ষি করিতে লাগিলেন । অনন্তর  
নহুষাফ সুরগণ সমভিব্যাহারে তথায় সমাগত হইয়া, সূর্য্য-  
তেজঃ সদৃশ ব্রহ্ম অস্ত্র সকল প্রদান করিলেন । নৃপসন্তম  
নহুষ তাঁহাদের নিকট তত্ত্বৎদিব্য অস্ত্র সকল গ্রহণ করিয়া,  
দিব্যরূপে প্রতিভাত হইয়া উঠিলেন । তখন দেবগণ ইন্দ্রকে  
কহিলেন, সুররাজ ! এই নরপতি নহুষকে রথ প্রদান করুন ।  
তাঁহাতে দেবরাজ দেবগণের অভিপ্রায় বুঝিয়া, তৎক্ষণাৎ  
সারথি মাতলিকে আহ্বান ও আদেশ করিলেন, মাতলে !  
এই মহাসুভাব মহাপ্রভাব মহারাজনন্দন ইন্দুতনয়কে সর্বগামী  
রথে আরোহণ করাইয়া, সমরে লইয়া যাও । মাতলিও,

যে আজ্ঞা, আপনার আদেশ প্রতিপালন করিব, বলিয়া, সমরোদ্যত আয়ুজসকাশে সমাগত হইলেন এবং দেবরাজ-সম্মেশ বিনিবেদিত করিয়া কহিলেন, নৃপশাৰ্দুল ! ইন্দ্র কহি-  
য়াছেন, এই রথে আরোহণ করিয়া, সংগ্রামে বিজয় লাভ  
ও পাপাত্মা দানবকে নিপাতিত করুন ।

রাজেন্দ্র নহুষ শ্রবণ করিয়া, আনন্দে পুলকিত হইয়া  
কহিলেন, আমি মহানুভাব দেবরাজ ও বশিষ্ঠের প্রসাদে  
পাপবুদ্ধি দানবকে সমরে নিহত এবং মদীয় পক্ষসঞ্চারী  
দেবগণের হিতসাধন করিব । মহাভাগ নহুষ এই প্রকার  
পবিত্র বাক্য প্রয়োগ করিলে, শঙ্খচক্রগদাধর বাসুদেব স্বয়ং  
তথায় সমাগত হইয়া, সূর্য্যগদৃশ তেজস্বী চক্র হইতে চক্র  
সমুৎপাদন পূর্বক প্রদান করিলে, আয়ুন্দন পরম পুলকিত  
হইয়া, সেই তেজঃপ্রদীপ্ত সুরভাক্তি জ্বলমান চক্র গ্রহণ  
করিলেন । অনন্তর মহাদেব তেজঃপরীত সূতীক্ষ্ম শূল  
অর্পণ করিলে, তিনি তাহা ধারণ করিয়া, দ্বিতীয় ত্রিপুরারি  
শঙ্করের ন্যায়, বিরাজমান হইলেন । ঐ সময়ে ব্রহ্মা ব্রহ্মাস্ত্র,  
বরুণ উৎকৃষ্ট পাশ ও চন্দ্রতেজঃপ্রতীকাশ নাদমঙ্গল শঙ্খ,  
দেবরাজ বজ্র ও শক্তি, আয়ু, ধনু, এবং অগ্নি আগ্নেয় অস্ত্র  
প্রদান করিলেন । এইরূপে দেবগণ বিবিধ দিব্য অস্ত্র শস্ত্র  
সকল সেই মহাভাগ রাজনন্দনকে প্রদান করিলেন ।

কুঞ্জর কহিল, অনন্তর আয়ুন্দন দৈবতগণে পরিবারিত  
এবং তত্ত্বদর্শী মহর্ষিগণ আশীঃসহ অভিনন্দিত হইয়া,  
ভাস্বররত্নমালী স্ফটিকনিবিন্দিত কিঙ্কিণীজালপরিবেষ্টিত  
দিব্য রথে অধিকৃত হইলেন । তাহাতে আকাশমার্গে স্বীয়-  
তেজঃ সমন্বিত দিবাকরের ন্যায়, দেবগণের প্রিয়কর সেই



নৃপাঞ্জল সাত্ত্বিক প্রভিভাত হইতে লাগিলেন । অনন্তর তেজঃপ্রতাপে প্রজ্বলিত হইয়া, শীঘ্রবেগরথারোহণে সদাগতি বায়ুর ন্যায়, ত্বরিত পদে রথচালক মাতলির সহিত স্ববলপরিবারিত পাপনিরত দানবের অধিষ্ঠিত প্রদেশে প্রস্থান করিলেন । এইরূপে ইন্দ্রপেন্দ্র সদৃশ বলবীর্য্যকোষ সর্বনৃপেশ নক্ষত্র মহাত্মা দানববধার্থ নিতান্ত সমুৎসুক হইয়া, দেব ও ঋষিগণের অভিনন্দন লাভ পূর্বক বহির্গত হইলে, গন্ধর্ব ও কিন্নরগণ চতুর্দিক হইতে স্তব করিতে লাগিল ।

## পঞ্চাধিকশততম অধ্যায় ।



কুঞ্জর বহিল, সুররাজ সদৃশ আয়ু পুত্র এইরূপে প্রস্থান করিলে, দেবগণের, গন্ধর্বগণের ও অপ্সরগণের রূপালঙ্কার-সমলঙ্কৃত বররমণীগণ এবং অন্যান্য কৌতুকমঙ্গল ও গীতি-পরায়ণা কামিনীসমূহ কৌতুক মানসে তথায় সমাগত হইলেন । সে ষাছা হউক, ইন্দুমতীনন্দন দুর্গাচার দানবনগরে উপনীত হইয়া দেখিলেন, তদীয় পুর বহুতর দিব্য নন্দনকানন, সপ্তকঙ্কলসরাস্বিত গেহ, পতাকাসহিত বিশাল দণ্ড, কৈলাসশেখরাকৃতি গগনস্পর্শী অতুল্যত শোভমান উৎকৃষ্ট ভবন, দিব্য বন, উপবন, সাগরোপম তড়াগ ও পদ্ম-রক্তোৎপলসমন্বিত সরোবর, নানারত্নে সুরঞ্জিত অট্টালক, সুনির্ম্মল জলপূর্ণ পরিখা, গজ, অশ্ব, মহাপ্রভাব মহাপ্রভ

পুরুষ এবং সুন্দরী ললনা সমূহ অলঙ্কৃত ও পরিবৃত । রাজশ্রেষ্ঠ ইন্দুনন্দন এবংবিধ মহোদয়পুরী প্রান্তে দিব্য বৃক্ষে বিরাজিত দিব্যকানন দর্শন পূর্বক নন্দনবনে দেবগণের ন্যায়, তাহাতে প্রবেশ ও মাতলির সহিত উপবেশন করিলেন । তিনি বনমধ্যে নদীতটে উপবিষ্ট হইলে, দিব্যরমণীরা তথায় সমাগত হইল ; গীততত্ত্বজ্ঞ গন্ধর্বেরা তাঁহার উদ্দেশে গান এবং স্তুত, মাগধ ও বন্দিগণ যথাবিধি স্তব করিতে লাগিল ।

## ষড়্বিংশততম অধ্যায় ।

—)\* ++\*(—

কুঞ্জর কহিল, শত্ৰুপুত্রী অশোকা দূর হইতে সেই সুতাল সুমধুর গীত ও পরমপবিত্র স্তোত্র শ্রবণ পূর্বক সবিশেষ চিন্তা করিয়া, সেই দিকে দৃষ্টিনিক্ষেপ করিলেন । অনন্তর তৎক্ষণাৎ আসন হইতে সমুখিতা হইয়া, মহোৎসাহ সহকারে তথায় সমাগত হইলেন । এবং দিব্যসংকাশ, দিব্যরূপ-সমপ্রভ, দিব্যগন্ধানুলিপ্ত, দিব্যমাল্যমুশোভিত, দিব্যভূষণ ভূষিত, দিব্যলক্ষণসংযুক্ত, সূর্য্যসমদোপ্যমান নহুষকে দর্শন করিয়া, ভাবিলেন, এই মহাপ্রাজ্ঞ পুরুষ দেবতা, কি গন্ধর্বে অপবাঁ আর কেহ হইবেন । দেবগণেও কখন এপ্রকার সুরূপ সুকুমার সুন্দর পুরুষ দেখি নাই ; মনুষ্য লোকের কথা আর কি বলিব ? ইনি কি স্বয়ং মহাদেব, অথবা মনো-

ভব কিংবা পিতৃসখা ধনাধিপ পৌলস্ত্য । অশোকমুন্দরী  
এই প্রকার চিন্তা করিতেছেন, এমন সময়ে রত্না সহস্রা  
তথায় সমাগত হইয়া, সহস্রা আশ্রয় তাঁহাকে কহিতে  
লাগিল ।

## সপ্তাধিকশততম অধ্যায় ।

---)\*†\*(---

রত্না কহিল, শুভে ! তপস্যা ত্যাগ করিয়া, কি  
দেখিতেছ ? বুঝিলাম, পুরুষের প্রাপ্তি জন্যই তোমার  
তপস্যা ।

অশোকমুন্দরী কহিল, বাস্তবিক, মনোমত পুরুষ কাম-  
নায় আমি তপস্যা করিয়াছি । দেব, অম্বর ও মহোরগণ  
কেহই আমাকে এবিষয়ে পশ্চাৎপদ করিতে পারিবে না ।  
এই পুরুষকে দেখিয়া, আমার মনে মহালোভ উপস্থিত  
হইয়াছে । এবং এখনই নিকটে যাইয়া ইহার সহিত কথা  
কহিতে ইচ্ছা হইতেছে । অগ্নি বরাননে ! আমার মনের  
এই প্রকার বিপর্যয় ঘটিয়াছে । যদি তোমার বিদিত  
থাকে, তাহা হইলে, এবিষয়ের কারণ নির্দেশ কর । দেব-  
তারা আমাকে মহাত্মা আয়ুপুত্রের পত্নী রূপে সৃষ্টি  
করিয়াছেন ।

রত্না কহিলেন, অগ্নি ভাবিনি ! সত্য স্বরূপ জ্ঞানস্বরূপ  
ব্রহ্ম সনাতন আত্মরূপে স্বয়ং ঘটকপ সমুদায় প্রাণিতে

বিরাজ করিতেছেন । যদিও তিনি প্রকৃতিপ্রমুখ অপকারী ইন্দ্রিয় সহায়ে মোহপাশশতে বদ্ধ হইলেন, তথাপি সর্বদা সিদ্ধ । আয়ুর পুত্র নহুষ সমাগত হইয়াছেন । আত্মা তোমার তাহা জানিয়াছেন ।

অশোকশুন্দরী কহিলেন, অয়ি বরবার্গিনি ! আত্মা ও মন স্বয়ং সমবেত ও কামনাতৎপর হইয়া, সর্বদাই এই বীরের প্রতি ধাবমান হইতেছে । অতএব মনের সমান দেবতা নাই । কেন না এই মন সমস্ত সৰ্বিশেষ জানিতে পারে । অয়ি চারুভাসিনি ! আমি এবিষয়ে আশ্চর্য্য দর্শন করিয়াছি । মদীয় মন এই মনোভব সদৃশ দিব্য লক্ষণ পুরুষের প্রতি যেরূপ ধাবমান, অন্য কাহারে দেখিয়া সেরূপ হইতেছে না । এক্ষণে চল, আমরা ইহঁার নিকট গমন করি । এই বলিয়া তিনি গমনের উপক্রম করিলে, রত্না তাঁহার ঐশুক্য দেখিয়া, নহুষসমীপে প্রস্থান করিল ।

সুত কহিলেন, অশোকা রত্না সমভিব্যাহারে বীরলক্ষণ লহুস সকাশে সমুপস্থিত হইয়া, তাহাকে প্রেরণা করিয়া কহিলেন, সখি এই দেবরূপী নহুষের সমীপস্থ হইয়া বল, অদ্য তোমার জন্ম স্বয়ং সমাগত হইয়াছি । রত্না কহিল, সুত্রতে ! আচ্ছা, তাহাই হইবে, তোমার পরমপ্রিয়ানুষ্ঠান করিব । এই বলিয়া সেই দেবরমণী রত্না দ্বিতীয় বাসবের-ন্যায় শরচাপধর বীরবর রাজনন্দন সকাশে গমন করিয়া কহিল, মহাতাগ ! আমি রত্না, আগমন করিয়াছি । শিব-দ্রুহিতা স্বয়ং আমারে পাঠাইয়া দিয়াছেন । দেবদেব মহাদেব পূর্বে তোমার জন্ম ভার্য্যারূপধর লোকহূলভ পদার্থ সৃষ্টি করিয়াছেন । মনুষ্য, দেবতা, ঋষি, গন্ধর্ব্ব,

পন্নগ, সিদ্ধ, চারণ বা অন্য কোন স্কৃতিবান্ পুরুষগণ সহজে তাহা প্রাপ্ত হইতে পারেন না। অরণ কর, একগে তিনি স্বয়ং তোমার জন্য সমাগত হইয়াছেন। তাঁহার নাম অশোকমুন্দরী ; তিনি পুণ্যযোগে বিনির্দ্গিতা হইয়াছেন। এবং তোমার জন্য তপোমুষ্ঠানপরায়ণা হইয়া, অতিমাত্র তপস্যা করিয়াছেন। তোমাতেই তাঁহার ঐকান্তিক কামনা লক্ষিত হইয়া থাকে। তুমি ইহা অবগত হইয়া, সেই সূত-গারে ভজনা কর। তোমা ব্যতিরেকে সেই বরারোহা আর কাহাকেও অবগত নহে।

নহুব সমুদায় অরণ ও অবধারণ করিয়া, প্রত্যাভর করিলেন, অরণ কর। পাপপরায়ণ দানবকে নিপাত না করিয়া আমি কখনই বরাননাকে পরিগ্রহ করিব না। তুমি যাহা বলিলে, সমস্তই আমার পরিজ্ঞাত হইয়াছে। তিনি আমার জন্য মহাতীত্র তপস্যা করিয়াছেন। বিধি বিধানতঃ আমার ভার্য্যা হইয়াছেন এবং আমারই জন্য কৃতনিশ্চয়া হইয়া অদ্যাপি তপস্যা করিতেছেন। পূর্বে ছুরাচার দানব নিয়মান্বিতা তাঁহারে হরণ করিয়া, আনয়ন করে। এবং আমাকেও স্মৃতিগৃহ হইতে হরণ করিয়া লইয়া যায়। আমি পিতৃ-বন্ধুবিমাকৃত হইয়া বাল্যকালেই তপোবনে অবস্থান করি। অতএব অগ্রে সেই দানবধমকে নিপাত করিয়া, পশ্চাৎ তোমার সখীকে বশিষ্ঠের আশ্রমে লইয়া যাইব। প্রিয়কারিণি রত্নে ! তাহারে গিয়া এই সমস্ত নির্দেশ কর।

রত্না তৎকর্তৃক এই প্রকার বিসর্জিত হইলে, পুনরায় আগমন পূর্বক সমস্ত অশোকমুন্দরীর গোচর করিল। তাহাতে তিনি রত্নার সহিত বীরস্বামীর বাক্য সকল

অবধারণ করিয়া, পরম হর্ষাবিষ্টা হইলেন। এবং তর্তার  
বীর্যদর্শনকৌতুকিনী হইয়া, তাহারই সহিত তথায় অবস্থিতি  
করিলেন।

## অষ্টাদশিকশততম অধ্যায়

— ) \* ÷ + \* (—

স্মৃত করিলেন, অনন্তর তুণ্ডের পরিচারক পরমপাপী  
দানবগণ রক্তানহুসংবাদ আকর্ষণ করিয়া, স্বকীয় প্রভুর  
গোচর করিল। তাহাতে দানবরাজ তুণ্ড নিতান্ত রোষাবিষ্ট  
হইয়া, বিশঠকে কহিল, বীর! তুমি মদীয় আদেশে সত্বর  
গমন করিয়া, জানিয়া আইস, কোন্ ব্যক্তি শিবকন্যার  
সহিত সম্ভাষণ করিতেছে। বিশঠ স্বামিনিদেশ শ্রবণ  
করিয়া, তৎক্ষণাৎ নহুসকে গিয়া কহিতে লাগিল, তুমি দিব্য  
রথ, অশ্ব, সারথি, শর ও শরাসনে ভয়ঙ্কর হইয়া কি জন্ম  
নির্ভয় চিত্তে এখানে অবস্থান করিতেছ? তুমি কে, কাহার  
কাহা কর্তৃক প্রেরিত হইয়াছ এবং রক্তা ও শিবকন্যার সহিত  
কি কথা বলিতেছিলে, সমস্ত স্পষ্ট করিয়া বল। দেবমর্দন  
তুণ্ডকে কি তোমার ভয় হয় না? যদি জীবিত লাভের অভি-  
লাষ থাকে, সমুদায় সবিশেষ কীর্তন ও সত্বর প্রস্থান কর।  
এখানে থাকিলে, সেই দানবরাজকে অতিক্রম করা কখনই  
সাধ্য হইবে না।

নহুস কহিলেন, যিনি সপ্তদ্বীপের অধীশ্বর প্রভু, আমাকে

সেই মহাবল আয়ুর পুত্র দৈত্যকুলান্তক নহু বলিয়া জ্ঞানিবেন। আমি সর্বথা দেব ব্রাহ্মণের পূজা করি। তোমার হুরাচার স্বামী পূর্বে বাল্যকালে সেই আমারে ও এই শিবহুহিতাকে হরণ করিয়াছিল। ইনি তদীয় বধসাধন মানসে ঘোর উপাস্তা করিয়াছেন। আর মহাভাগ আয়ুর যে বালক স্মৃতিকাগৃহ হইতে হত এবং বধার্থ সূদ ও দাসীর হস্তে সমর্পিত হয়, আমিই সেই বালক, অদ্য সমাগত হইয়াছি। শ্রবণ কর, সমুদায় দৈত্যের সহিত তোমাদের সেই পাপকর্ম্ম হুরাচার প্রভুকে যমমন্দিরে প্রেরণ করিব। পাপিষ্ঠ তুমি আমাকে জ্ঞানিয়া গিয়া, তাহার নিকট এই সমস্ত নিবেদন কর।

বিশেষ শ্রবণ করিয়া, তথা হইতে প্রস্থান পূর্বক সমুদায় গোচর করিলে, দিতিজেশ্বর নিতান্ত রোষাবিষ্ট হইল এবং ভাবিল, পাপাত্মা সূদ ও দাসী সংহার না করিয়া উপেক্ষা করাতেই মদীয় ব্যাধি বর্দ্ধিত পাইয়াছে। যাহা হউক, অধুনা শিবকন্যার সহিত ইহারে শিলাশিত সায়কপাতে সংগ্রামে সংহার করিব। এই প্রকার চিন্তা করিয়া, সারথিকে কহিল, শ্বেতবর্ণ উৎকৃষ্ট তুরঙ্গমসমূহে রথ যোজনা কর। অনন্তর সেনানীকেও আহ্বান করিয়া কহিল, সত্ত্বর সৈন্যদিগকে সুসজ্জিত, তুরগদিগকে পদাতিসংযোজিত এবং পতাকা, ছত্র ও চামরাদি কল্পনা করিয়া, চতুরঙ্গবল বিধান কর। মহাপ্রাজ্ঞ সেনাধ্যক্ষ শ্রবণ মাত্র তৎক্ষণাৎ যথাবিধি সমুদায় সমাধান করিলে, অসুররাজ সুনিপুণ চতুরঙ্গ সৈন্যে পরিবৃত্ত হইয়া, অরণ্যে গমন করিয়া, দেখিল, মহাবল নহু মশর শরাসন ধারণ পূর্বক সমরোদ্যত হইয়া, তেজোজ্বাল সমাকীর্ণ দ্বিতীয় ভাস্করের ন্যায়, ইন্দ্ররথে অধিরূঢ় রহিয়াছেন।

তিনি সমুদায় শস্ত্রধরগণের অগ্রগণ্য ও দেব দানবগণেরও  
দুস্ত্রধর্য। দেবগণ গগনমার্গে অবস্থান পূর্বক তাঁহারে দর্শন  
করিতেছেন ।

শ্রুত করিলেন, অনন্তর দানবগণ সকলেই স্ব স্ব উত্তম  
শর সমস্ত বর্ষণ পূর্বক খড়্গ, পাশ, মহাশূল, পরশুধ ও শক্তি  
সমূহ সহকারে মহাভাগ নহুষের সহিত যুদ্ধ ও জলধরের  
স্থায়, রোষভরে গর্জ্জন করিতে লাগিল । প্রতাপবান্ নহুষ  
তাঁহাদের বিক্রম দর্শন করিয়া, ইন্দ্রাযুধ সদৃশ শরাসনে  
শুণযোজনা পূর্বক বিস্ফারিত ও বজ্রশ্ফাট সদৃশ তুয়ুল শব্দ  
করিলে, দানবগণ তৎপ্রভাবে নিরতিশয় ভীত ও কম্পিত  
এবং যোহে আচ্ছন্ন হইয়া, মহারণে তৎকণাৎ তথ  
হইয়া গেল ।

## নবাব্বিকশততম অধ্যায়।



কুঞ্জর করিল, অনন্তর ধনুষ্পাণি নহুষ দানববিনাশে  
কৃতোদ্যম হইয়া, লোকসংহারলিপ্সু অন্তকের স্থায়, রণ-  
শিরে বিরাজমান হইলেন । এবং রবিতেজ তুল্য পরম  
দীপ্তি সম্পন্ন মহাত্মা সকল প্ররোগ করিয়া, দৈত্যদিগকে  
নিপাত করিতে লাগিলেন । অনন্তর বায়ু ধেরূপ মহাতেজে  
ও মহাবলে অরণ্যমধ্যে বৃক্ষসকল উন্মূলিত ও অম্বর মধ্যে  
যেথ সকল সঞ্চালিত করে, তিনিও তক্রূপ সূশাণিত সান্নক-



শরে রুগুর্শ্বদ দানবদিগকে পর্যুদস্ত করিলেন। তাহারা কোন মতেই তদীয় শরবর্ষণ সহ্য করিতে না পারিয়া, কেহ বৃত, কেহ পলায়িত, কেহ বা নিরুদ্দেশ হইল। দানব-রাজ তুণ্ড তদীয় আশ্চর্য্যতেজ, আশ্চর্য্য জ্ঞান ও আশ্চর্য্য দৈত্যবিনাশ দর্শন করিয়া, রোম্বতরে তিষ্ঠ তিষ্ঠ বলিয়া, সান্নিধ্যে গমন পূর্বক কহিল, রে আয়ুন্দন! অদ্য তোরে ষমপুরে প্রেরণ করিব। অবলোকন কর, তোরেই সংহার-বাসনায় সংগ্রামে আগমন ও অধিষ্ঠান করিলাম। পাপাত্ম্য! তোকে সংহার না করিয়া, যাইব না। এই বলিয়া শরা-সন সহিত অগ্নিশিখা সদৃশ সায়ক সমস্ত গ্রহণ করিল। তৎকালে প্রিয়মাণ শ্বেত ছত্রে রুগুস্তলে তাহার অতিমাত্র শোভা সমুদ্ভূত হইল। তদর্শনে নরপতি নহুষ ইন্দ্রসারথি মাতলিকে কহিলেন, তুণ্ডের সম্মুখে রথ লইয়া চল। লঘুবিক্রম মাতলি যে আজ্ঞা বলিয়া, তুরঙ্গমদিগকে চালনা করিলে, তাহারা বেগতরে রাজহংসের ন্যায়, আকাশে সহস্রা উৎপতিত হইল। ঐ সময়ে নহুষ শশধরবর্গ ছত্রে ও পতাকা-বিশিষ্ট রথে গগনমণ্ডলমধ্যবর্তী হইয়া, সাক্ষাৎ দিকাকরের ন্যায় তেজোবিক্রমে বিরাজমান হইলেন। তুণ্ডও সর্বাযুধ সুসম্পন্ন হইয়া, হস্তপতাকী রথে গগনবিভাগ আলোড়ন পূর্বক তদ্বৎ শোভা পাইতে লাগিল।

অনন্তর উত্তর বোরের দেববিশ্বয়সমুৎপাদক ভরঙ্গর দারুণ যুদ্ধ সমুপস্থিত হইল। নৃপানন্দন কঙ্কপত্রসমায়ুক্ত মুশানিত সায়কসমূহে দৈত্যপতিকে বাহুমধ্যে ভাঙনা করিলে, সেই দৈত্যও তাঁহাকে সায়কপক্ষে ভালমধ্যে বিদ্ধ করিল। নহুষ তদীয় পৌরুষ দর্শনে কহিতে লাগিলেন,

দৈত্য ! সাধু সাধু, যথেষ্ট হইয়াছে ; একগণে মদীয় বিক্রম  
দর্শন কর । বৎস ! তৎকালে মহাবাণে বিদ্ধ হওয়াতে, সেই  
নৃপনন্দন সাতিশয় শোভাধারণ করিলেন । অধিকন্তু, রুধির-  
ধারায় সর্ষশরীর পরিপ্লুত হওয়াতে, অরুণকিরণমালা প্রাত-  
রুদিত ভানুমানের ন্যায় তাঁহার প্রতিভা বিক্ষুরিত হইল ।  
তখন তিনি থাক থাক ও মদীয় লাঘব দর্শন কর, বলিয়া,  
দশ বাণে তাড়না পূর্বক তাহাকে, মুখে, গলে, ও হস্তে বিদ্ধ  
করিলে, সে হত ও মূর্ছিত হইয়া, তৎক্ষণাৎ সমুদায় সুরগণ  
সমক্ষে রথোপরি নিপতিত হইল । তদর্শনে সেই দেব ও  
চারুগণ নিতান্ত হর্ষিত হইয়া উঠিলেন । এবং জয় জয়  
সহকারে বারংবার শঙ্খসমূহ নিনাদিত করিতে লাগিলেন ।  
তাঁহাতে তুমুল কোলাহল সমুখিত হইয়া, শ্রবণবিবরে  
প্রবেশ করিলে, দানবরাজ মুচ্ছাতঞ্জে সত্বর গাত্রোথানপূর্বক  
আশীবিষ সদৃশ বাণ ও ধনু গ্রহণ করিয়া, এবং থাক থাক,  
আমি তোমার আঘাতে মরি নাই, বলিয়া, পুনরায় পঞ্চ-  
নিশিত শরে নহুষকে তাড়না করিল । এবং সেই মুহূর্ত্তেই  
এক এক বাণে তদীয় মুষ্টি ও বক্রু মধ্যে, চারি চারি বাণে  
জাম্বু মধ্যে ও অশ্বদিগকে, পাঁচ বাণে মাতলিকে, এবং সাত  
বাণে রথনীড়ে আঘাত করিয়া, স্তুতীক্ল শিখিপত্রে ধ্বজদণ্ড  
ছিন্ন ভিন্ন করিয়া ফেলিল । ফলতঃ, নহুষ যেমন আদান  
করেন সেও সেইরূপ দান করে এবং নহুষ যেমন লক্ষ্য করেন,  
সেও সেইরূপ মোচন করে । দেবগণ তদীয় লাঘব দর্শনে  
নিতান্ত বিস্ময়াবিষ্ট হইলেন । নহুষও স্বয়ং তাহার পৌরুষ  
দেখিয়া কহিলেন, দানবরাজ ! তুমি ধীর, তুমি কৃতবিদ্য,  
তুমি শূর এবং রণপণ্ডিত । এই বলিয়া, তিনি ধনুর্বিষ্কারণ-

পূর্বক লম্বুবিক্রম সহকরে সুশাণিত বাণপরম্পরায় তাহারে  
 বিদ্ধ করিতে লাগিলেন । তিন বাণে ধ্বজ ছেদন ও চারি  
 বাণে অশ্বদিগকে সংহার ও একবাণে ছত্র কর্তন পূর্বক ধরা-  
 তলে নিপাতিত, দশ বাণে সারথিকে যমমন্দিরে নীত, পুন-  
 রায় দশ বাণে দশন সহিত লোচনযুগল বিদলীকৃত এবং  
 দ্বাবিংশতি বাণে সর্বাঙ্গে তাড়িত করিলেন । দম্বুজপতি  
 হতাশ্ব ও হতরথ হইয়া, ধনুর্বাণ ও খড়্গাচর্ম্ম ধারণ পূর্বক  
 সেই নিশিতশরবর্ষী রাজার অভিমুখে ধাবমান হইল ।  
 ভূপতি ধাবমান তুণ্ডের খড়্গা ও ধর্ম্ম সুতীক্ষ্ণ খুরপ্রান্ত্রে তৎ-  
 ক্রমাৎ ছেদন করিয়া ফেলিলেন । তুণ্ড নিরুপায় হইয়া,  
 ইতস্ততঃ দর্শন ও ঘোর যুদ্ধের গ্রহণ করিয়া, পুনরায় বায়ু-  
 বেগে ধাবমান হইল । ভূপতি তদর্শনে নিশিত বাণদশকে  
 আকাশ হইতে পতমান সেই যুদ্ধের দশ খণ্ডে কর্তন করিয়া  
 দিলেন । তাহাতে যুদ্ধের তদবস্থ ধরাশায়ী হইলে, দম্বুজরাজ  
 গদা উদ্যত করিয়া, পুনরায় বেগভরে অভিগমন করিল ।  
 নরপতিও পুনরায় তীক্ষ্ণধার ক্ষুর দ্বারা তদীয় বাহু ছেদন  
 করিলেন । তখন বাহুদ্বয় গদার সহিত ভূপৃষ্ঠে পতিত  
 হইলে, দৈত্যপতি বজ্রবিক্ষেপবিষমীভূত তুয়ুল শব্দ সহ-  
 কারে রুধিরদিগ্ধ কলেবরে ক্রোধভরে নহ্মসংহারে  
 সমুদ্যত হইয়া, আরবার ধাবমান হইল । সে এইপ্রকার  
 অনির্বার্য হইয়া পার্শ্বে আগমন করিলে, ভূপতি মহাশক্তি  
 গ্রহণ করিয়া, হৃদয়দেশে আঘাত করিলেন । তাহাতে ঐ  
 অসুর বজ্র বিপাতিত অচলের ন্যায়, সহসা ভূপতিত হইল ।  
 তদর্শনে অন্যান্য দানবগণ কতি বা গিরি হুর্গে, কতি বা  
 অরণ্য প্রান্তরে আশ্রয় লইল । দেব, ঋকর্ষ, সিদ্ধ ও চারণ

গণ নিতান্ত হর্ষিত হইল । ভূপতি নহুষও মহাযুদ্ধে দুর্ভাগ্যে  
দৈত্যকে সংহার করিয়া, সেই তপস্বিনী দেবরূপার লাভ  
প্রযুক্ত নিতান্ত হর্ষ প্রাপ্ত হইলেন ।

### দশাধিকশততম অধ্যায় ।

—)\*++\*(—

কুঞ্জর কহিল, অনন্তর তপস্বিনী অশোকসুন্দরী রক্তার  
সহিত পরম হর্ষিতা হইয়া, বীর বিক্রান্ত নহুষকে কহিলেন,  
বীর ! যদি ধর্ম ইচ্ছা করেন, আমারে বিবাহ করুন ।  
আমি সর্বথা তোমারে চিন্তা করিয়াই, তপশ্চর্যায় নিযুক্ত  
হইয়া আছি ।

নহুষ কহিলেন, ভাবিনি ! চল, এই রক্তার সহিত উত্তরে  
গমন করি । এই বলিয়া তিনি মনোরমা রক্তা ও অশোকা  
উভয়কে রথে আরোহণ করাইলেন এবং সেই লঘুবেগে স্তম্ভন  
সহরে বশিষ্ঠাশ্রমে প্রস্থান করিলেন । অনন্তর মহাযশা  
মহারাজ ইন্দুপুত্র আশ্রমপথে পদার্পণ ও হর্ষভরে বশিষ্ঠকে  
প্রণাম করিয়া, বনমধ্যে দানবায়মকে স্বরূপে সংহার করেন,  
তৎসমস্ত গোচর করিলে, ভগবান্ বশিষ্ঠ নিরতিশয় হর্ষা-  
বিত্ত হইয়া, আশীঃসহকারে তাঁহারে অভিনন্দন করিলেন ।  
পরে শুভ লগ্নে ও শুভতিথিসমাগমে অগ্নি ও ব্রাহ্মণ  
সম্মিলিত উত্তরের বিবাহকৃত্য সম্পাদন করিয়া, পুনরায় পতি  
পত্নীকে আশীর্বাদ অভিনন্দন সহকারে বিদায় দিয়া

কহিলেন, এক্ষণে পিতা মাতার সহিত হইয়া, উত্তরের পরিচর্যা কর । পিতামাতা তোমারে সপত্নীক সন্দর্শন করিয়া, পার্বন অর্গবের স্মার, হর্ষভরে স্নান লাভ করুন । ব্রহ্মসন্দন বশিষ্ঠ এই প্রকারে প্রেরণা করিলে, ভূপতি নহুবং সেই লঘুগামী দিব্য রথে আরোহণ ও স্থিতক্রমে প্রণাম করিয়া, মাতুলির সহিত পিতৃসন্দর্শনার্থ স্বপুত্র প্রস্থান করিলেন ।

সুত কহিলেন, এদিকে দেবগণ মেনকা অঙ্গরাকে প্রেরণ করিলে, সে গমন করিয়া, শোকসাগরগর্ভস্থারিণী সুহৃৎখিতা মহাতাণ্ডা ইন্দুমতীকে কহিল, দেবি ! শোক পরিত্যাগ কর, পুত্রের সহিত সন্দর্শন হইবে । তোমার পুত্রহর্ষা পাপাত্মা দানব নিহত হইয়াছে । এক্ষণে তিনি সন্দ্রীক সমাগত হইতেছেন । এই বলিয়া মেনকা নহুবকৃত সমুদায় ঘটনা যথাযথ কীর্তন করিলে, ইন্দুমতী শ্রবণ করিয়া, হর্ষভরে উৎফুল্লনয়না হইয়া গদগদবাক্যে কহিলেন, সখি ! তুমি কি সত্য বলিতেছ ? তোমার এই অসুতার-মান শ্রিয় বাক্যে আমার মন নিতান্ত উৎসাহিত হইতেছে । তোমারে প্রাণাদি সর্বস্ব দান করা বিধেয় । এই বলিয়া তিনি রাজাকে কহিলেন, মহারাজ ! শুনিলাম, আপনার পুত্র আসিতেছেন । অঙ্গরা মেনকা এই কথা বলিয়া গেল । ভর্তৃকৃত্যাবগানন্তর তিষি হর্ষাধিক্য বশতঃ আর কথা কহিতে পারিলেন না । অনন্তর নরপতি বলিলেন, পুত্রের অন্ত হৃৎখিত হইও না । তিনি স্বকীর ভেজে দানবহত্যা করিয়া সমাগত হইবেন । এক্ষণে নারদবাক্য সত্য হইল । অথবা ঋষিবাক্য কখন মিথ্যা হইয়া থাকে । যুনিশ্রেষ্ঠ দত্তাশ্রয় সাক্ষাৎ জন্মদিন । পূর্বে আকরা উত্তরে ভূপতি

দ্বারা তাঁহার শুভ্রাধা করি। তাহাতে তিনি বিষ্ণুতেজঃ সমন্বিত পত্ররত্ন প্রদান করেন। সেই পুত্র পাণবুদ্ধি দানব বিনাশে সমর্থ হইবে, আশ্চর্য্য কি ? কলভঃ আমার পুত্র দত্তাত্রেয়ের বরপ্রাপ্তাবে বিষ্ণুর অংশধর, সর্বদৈত্যের হস্তা, মহাবল ও প্রজাগণের পরিপালক হইয়াছেন। দেব বা দানব কেহই তাঁহারে সংহার করিতে পারে না। নরপতি প্রিয়া ইন্দুমতীকে এপ্রকার সম্ভাষণ করিয়া, পুত্রাগমনিক মহোৎসবে প্ররুত হইলেন। এবং সর্বোপন্ন, সুরবর্গ-বন্দিত, আনন্দরূপ, পরমার্থস্বরূপ, সর্বক্লেশবিনাশন, সর্ব-সুখবিধাতা, মনুষ্যগণের একমাত্র আশ্রয় অদ্বিতীয় বিষ্ণুয় স্মরণ করিতে লাগিলেন।

## একাদশাধিকশততম অধ্যায় ।

—)\*++\*(—

কুঞ্জর কছিল, অনন্তর নল্লম্ব রত্না ও অশোকার সহিত সুদিব্য ইস্করথে অধিকৃত ও সর্বশোভাসমন্বিত হইয়া, নাগ-নাথক নগরে সমাগত হইলেন। ঐ নগর দিব্য মঙ্গল গৃহ পরিম্পরা দেবরূপ পুরুষ ও দিব্যরূপ ললনাসমূহ, বহুতর গজ অশ্ব ও রথ, বেদধনিসমাকুল বিবিধ মঙ্গলবাদ, বেধুর্কীণাদি বিবিধবাদিত্র ও সঙ্গীত শব্দে এবং সর্বশোভার অলঙ্কৃত ও সর্বদা পূর্ণায়মান। তিনি বেদমঙ্গলসম্পন্ন ব্রাহ্মণগণে অতিনন্দিত হইয়া, পুরমধ্যে প্রবেশ ও মাতাপিতাকে দর্শন

করিয়া, নিরতিশয় আনন্দিত হইলেন এবং উত্তরের চরণ-  
বন্দনা করিলেন । অশোকসুন্দরীও পরম ভক্তিতরে উত্তরের  
চরণযুগলে বারংবার প্রণাম করিতে লাগিলেন এবং রক্তাও  
প্রণাম করিয়া, অতুল প্রীতি প্রাপ্ত হইলেন ।

এই রূপে গুরুবন্দনা সমাপন পুরঃসর নহুধ অনামর  
জিজ্ঞাসা করিলে, মহাভাগ আয়ু পুলকিত হইয়া, কহিলেন,  
অদ্য আমার ব্যাধি সকল বিনষ্ট এবং দুঃখশোক উত্তরই  
বিগত হইল । অদ্য তোমার দর্শনে সমুদায় সংসারও  
প্রসন্ন হইল । বৎস ! তোমার জন্ম হওয়াতে, আমি  
সর্বথা কৃতকৃত্য হইয়াছি । অদ্য আমি স্বীয় বংশের  
উদ্ধার করিয়া, স্বয়ং ও সমৃদ্ধ হইলাম ।

ইন্দুমতী কহিলেন, পর্বকাল প্রাপ্ত হইলে, শশধরসন্দর্শনে  
মহোদধি ষেরূপ বর্দ্ধিত হয়, অদ্য আমি তোমারে দেখিয়া  
তদ্রূপ বর্দ্ধিত ও হৃষ্ট হইয়াছি । আমার আনন্দেরও পরা-  
কাষ্ঠা হইয়াছে । বলিব কি, অদ্য তোমার দর্শনে আমি ধন্য  
ও কৃতার্থম্বন্য বোধ করিতেছি । এই বলিয়া তিনি সেই  
দেবরূপী পুত্র নহুধকে ধেনুবৎসযথান্বয়ে আলিঙ্গন, মস্তকে  
আত্মাণ, অভিনন্দন ও পবিত্র আশীঃ সমূহ প্রয়োগ করিতে  
লাগিলেন ।

স্মৃত কহিলেন, অনন্তর মহাবল নহুধ পুনরায় আপনার  
আশ্রমবাস, অশোকসুন্দরীর জন্ম ও লাভ, এবং ভূগোর  
যুদ্ধ ও নিপাত ইত্যাদি সমস্ত ঘটনা যথাযথ কীর্তন করিয়া,  
পিতামাতার আনন্দ সম্পদান করিলে, তাহারে শ্রবণ করিয়া,  
পুত্রের বিক্রমোদ্যম জন্ম পরম হর্ষে পূর্ণ ও আবিষ্টচিত্ত  
হইলেন । পরে মহাবল নহুধ ধনুগ্রহণ ও ইন্দুরথে আরোহণ

করিয়া, সপত্নীয়া সপুত্রীয়া পুত্রী জয়ী করত পিতাকে প্রদান করিলেন এবং দান, ধর্ম ও অন্যান্য পবিত্র কার্যের অনুষ্ঠান পূর্বক সর্বদা তদীয় হর্ষনাধনে প্রবৃত্ত হইলেন । তখন আয়ু যুনি ও মিত্রগণ সমভিব্যাহারে রিপুমর্দন নহুশকে স্বরাজ্যে অভিষিক্ত করিয়া, ভার্য্যার সহিত কক্ষোপার্জিত স্বর্গলোক লাভ করিলেন । তথায় দেব ও সিদ্ধগণের পূজা আদান পূর্বক ইন্দ্র পদত্যাগ করিয়া, পুনরায় ত্রিলোকে উপনীত হইলেন । তথা হইতে পুত্রের তেজে ও আপনার কর্মবলে বিষ্ণুলোকে গমন করিয়া, বাস করিতে লাগিলেন । যাহারা পুণ্য ও ধর্মবান্, তাহাদের ঐদৃশ পবিত্র গতি সম্পন্ন ও প্রাপ্ত হয় । অন্যের তাহাতে অধিকার নাই । পুত্র ! ধর্মাত্মা পিতৃতারক কুলপোষক নহুশ যেরূপে জন্মগ্রহণ করেন, তৎসমস্ত আখ্যান করিলাম । আর কি বলিতে হইবে, বল । যে ব্যক্তি আয়ুপুত্রের এবং বিধ যশ ও পুণ্যময় পবিত্র চরিত্র শ্রবণ করে, তাহার যাবতীয় মর্ত্যভোগ ও চরমে হরিপদ প্রাপ্তি হয়

### দ্বাদশাধিকশততম অধ্যায় ।

বিজল কহিল, তাত ! পূর্বে বলিয়াছেন, গঙ্গায়ুখে বরাহ-  
 মনোরোদন করিতে করিতে নয়ন হইতে যে অশ্রুবিন্দু  
 তদীয় বহাগিন্ধে নিশাতিত করিতে হইবে, তৎসমস্ত সুন্দর,



সুগন্ধি ও পবিত্র পদ্মপুষ্পরূপে পরিণত হইতেছে । এক্ষণে জিজ্ঞাসা করি, সেই স্তম্ভরী কিজন্ম রোদন করিতেছে, কি জন্মই বা তদীয় নয়ন নির্গলিত সুনিখুল অশ্রুবিম্বু গঙ্গা-সলিলে পতিত হইয়া, পদ্মরূপে প্রাহুভূত হইতেছে ? সেই ললনা কে, কিজন্ম মহাদেবের অর্চনা করিয়া, পশ্চাৎ রোদন করিতেছে । আর সেই পুরুষই বা কে, কঙ্কালমাত্রাবিশিষ্ট চীরবেষ্টিত দেহে অর্টধারণ পূর্বক অশ্রুজাত হেমবর্ণ দিব্য-গন্ধি কমল সকল সঙ্কলন করিয়া, শিবসাধনে প্রবৃত্ত হইয়াছেন ? যদি আমার প্রতি প্রীতি থাকে, সমুদায় সবিশেষ নির্দেশ করুন ।

কুঞ্জর কহিল, বৎস ! শ্রবণ কর । এই দেবরচিত স্বতান্ত্র ও বিষ্ণুর সর্বপাপন্ন চরিত কীর্তন করিব । নহুয যে মহাবল তুণ্ডকে সমরে সংহার করেন, তাহার বিতুণ্ড নামে তপস্বী পুত্র ছিল । সে মহাবীর মহাবল আয়ুজ হস্তে পিতাকে সবলবাহনে নিহত শ্রবণ করিয়া, তৎকণাৎ তপস্যা-বিসর্জনপূর্বক রোষভরে সমুদায় দেবতাকে সংহার করিতে কৃতোদ্যম হইল । দেবগণ সেই তপোবর্দ্ধিত দৈত্যনন্দনের রণভূঃসহ পুরুষকার সম্যক অবগত ছিলেন । এক্ষণে সেই দেবত্রাঙ্কণকণ্টক পাপময় দানব সমুদায় দেবমানুষ সংহার পূর্বক পিতৃবৈরনির্ঘাতন মানসে প্রতিজ্ঞা বন্ধন করিয়া, ত্রিলোকবিনাশে সমুদ্যত হইল এবং তজ্জন্ম প্রজাপীড়ন-কর উপদ্রব আরম্ভ করিলেন, তদীয় তেজে অগ্নিপুরোগম দেবগণ দক্ষপ্রায় হইয়া, দেবদেবী মহাতাগ বাসুদেবের শরণ লইয়া কহিতে লাগিলেন, অগ্নি দেবদেব অগম্য শঙ্খচক্র-গদাধর ! বিতুণ্ডেরে যারপর নাই ভীত হইয়াছি, আশা-

দিগকে পরিত্রাণ কর । শ্রীকৃষ্ণ কহিলেন, দেবগণ ! আপনাদের ভয় নাই । আমি পাপিষ্ঠ দেবকণ্ঠক বিদুগুকে সংহার করিব । দেবতাদিগকে এই প্রকার আভাষণ পূর্বক মহা যশা বিষ্ণু মায়াবিধান করিয়া, স্বয়ং নন্দনকানন আশ্রয় করিলেন । তিনি তথায় মায়াবলে গুণাস্বিত রূপ কল্পনা করিলে, বিদুগুের বধার্থ দিব্যলাবণ্যশালিনী সর্ববিশ্ববিমোহিনী মহাভাগা মোহিনী প্রাচুভূত হইয়া, দেবমার্গে প্রস্থান করিলেন । দৈত্যনন্দন নন্দনপ্রাস্তে সেই মোহিনী ময়া দেখিতে পাইয়া, নিতান্ত মোহিত ও কামবাণে হতচিত্ত হইল । তজ্জন্ম সেই নবহেমবরবর্ণিনী রূপদ্রবিশালিনী কালরূপিণী দেবসীমন্তিনীকে সাক্ষাৎ আত্মনাশ বলিয়া জানিতে পারিল না । নিতান্ত লুব্ধ ও হতবুদ্ধি হইয়া, কহিল, বরারোহে ! তুমি কে, আমার চিত্ত প্রমথিত করিতেছ । এক্ষণে সমাগমদানে আমারে পরিত্রাণ কর । দেবি ! আমার সহিত সঙ্গতা হইলে, যাহা যাহা প্রার্থনা করিবে, দেব দানবদুল্লভ হইলেও তৎসমস্ত প্রাপ্ত হইবে, সন্দেহ নাই ।

ময়া কহিল, যদি আমারে ভোগ করিতে ইচ্ছা হইয়া থাকে, তাহা হইলে, দায় প্রদান করিতে হইবে । কামোদসম্ভব দিব্য সৌগন্ধি দেবদুল্লভ সপ্তকোটি মনোহর পুষ্পে মহাদেবের পূজা করিয়া, তন্নির্মিত মালা মদীয় কণ্ঠে আরোপিত কর । এইরূপ দায় প্রদান করিলেই, আমি তোমার প্রিয়া ভার্য্যা হইব, সন্দেহ নাই । দানবেশ্বর তথাস্ত বলিয়া, কামোদ রূকের অন্বেষণে বহুসংখ্য দিব্য বন, উপবন অরণ্য এবং যেখানে সেখানে জিজ্ঞাসা করিতে লাগিল ;

- কুত্রাপি সন্ধান পাইল না । সকলেই কহিল, কামোদ নামে কোন বৃক্ষ নাই । দুর্ভাগ্যের কামবাণে একান্ত ব্যাকুল হইয়াছিল । অতএব নিরন্তর না হইয়া, ভক্তিগনমিত, কঙ্করে ভার্গবকে কহিল, ভগবন্ । সুপুষ্প সম্পন্ন কামোদ বৃক্ষ কোথায় আছে বলুন । শুক্র কহিলেন, কামোদ নামে কোন বৃক্ষ নাই । উহা স্ত্রীর নাম । সেই কামোদা কোন কারণে হর্ষিতা হইয়া, হাস্য করিলে, কামোদ নামে দিব্য অগন্ধি পীতবর্ণ পরম উৎকৃষ্ট পুষ্প সকল প্রাচুর্ভূত হয় । দৈত্য শুনিয়া কহিল, ভৃগুনন্দন ! সেই কামোদা কোথায় থাকে ? শুক্র কহিলেন, সর্বপাতকবিনাশন পরমপবিত্র গঙ্গাধারে বিশ্বকর্ষুনির্ম্মিত কামোদ নামে যে পুর আছে, কামোদা দিব্য ভোগ ও দিব্যালঙ্কারে অলঙ্কৃত এবং দেবগণে পরিপূজিতা হইয়া, তথায় বাস করেন । তথায় ভূমি গমন করিয়া, প্রশস্ত উপায়ে তদীয় পূজা ও প্রমোদ সম্পাদন কর । এই বলিয়া মহাতেজা যোগিবর শুক্র বিরত ও স্বকীয় কার্য্য করণে সমুদ্যত হইলেন ।

## ত্রয়োদশাধিকশততম অধ্যায়

-(\*)-(—

বিজ্ঞল কহিল, তাত ! যাহার হাস্য হইতে সুরাসুর-  
দুর্লভ দিব্যগন্ধি মনোহর পুষ্প সকল সমুৎপন্ন হয়, দেবগণ  
কি জন্য তাহার পূজা করেন ; মহাদেবই বা কি জন্য সেই

হাস্ত পুষ্পে পূজিত হইয়', সম্ভাব লাভ করেন ; আর সেই কামোদাকে, কাহার অপত্য, কিরূপে তদীয় হাস্ত হইতে পুষ্প সকল প্রাপ্ত হুঁত হয়, তাহাদের গুণই বা কি, সবিস্তর কীর্তন করুন।

কুঞ্জর কহিল, দেব ও দৈত্যগণ পরস্পর মিলিত ও অমৃত লাভার্থ বন্ধোদ্যম হইয়া, কীরসাগর মন্থনে প্রবৃত্ত হইলে, কন্যাচতুষ্টয় সমুৎপিত হয়। ইহাদের একের নাম অলক্ষ্মী, দ্বিতীয়ের নাম বারুণী। এই বারুণী শ্রেষ্ঠা ও কামোদা উভয় নামে বিখ্যাত। অর্থাৎ সকলের অগ্রে জন্ম গ্রহণ করে, এইজন্য শ্রেষ্ঠা ও লোকে তন্নিবন্ধন সর্বদা পূজ-নীয়া হইয়া থাকে, আর অমৃতের অংশে জন্মিয়াছে, এইজন্য ইহার নাম কামোদা। পরংকেন এই পানরূপা বারুণীর উদ্ভবক্ষেত্র। সোম ও লক্ষ্মীও অমৃত হইতে সমুদ্ভূত। এইজন্য সোম ত্রিলোকীর, বিশেষতঃ মহাদেবের ভূষণ। যাহা হউক, বারুণী দেবগণের মৃত্যুরোগ হরণ করিয়া থাকে। এইজন্য শ্রেষ্ঠা ও পুণ্যসাধিনী এবং লোকের হিত অভিলাষ করে। সেইরূপ, কামোদাও অমৃতের প্রসব বলিয়া, পুণ্য-সাধন, বিষ্ণুর প্রীতি সম্পাদন এবং ব্রহ্মরূপ প্রতিপাদন করিয়া থাকে। বিষ্ণুপ্রীতিকরী তুলসী এই কামোদার স্বরূপ, তাহাতে সংশয় নাই। এইজন্য যেখানে তুলসী, সেইখানেই বিষ্ণু। এইজন্য একমাত্র তুলসীপত্র প্রদান করিলেই, ভগবান্ হরি দানকর্তার কল্যাণ করেন। এবং এইপ্রকার চিন্তা করিলেও, তদীয় প্রীতি লাভ হইয়া থাকে।

সে যাহা হউক, সেই কামোদা এইরূপে সমুদ্ভূত হইতে প্রথমে জন্মগ্রহণ করে। কোন কারণে গঙ্গাদেবী হইয়া;

হাস্য করিলেই, তদীয় মুখ হইতে সুগন্ধি ও সুদৃশ্য পদ্ম সকল নিস্পাতিত হয় । আবার সেই কামোদা কোন কারণে দুঃখিত হইয়া রোদন করিলেও, নয়ন হইতে ঐরাপ পুষ্প সকল বিনির্গলিত হয় । কিন্তু তৎসমস্ত মৌরতবিহীন । তদ্বারা ভগবানের পূজা করিলে, দুঃখসস্তার সমুপস্থিত হয় । যে পাপবুদ্ধি তাদৃশ পুষ্পে পূজা করে, দেবগণ তাহার দুঃখ প্রেরণ করিয়া থাকেন । তোমার নিকট এই কামোদা রত্নান্ত আনুপূর্বিক কীৰ্ত্তন করিলাম ।

এদিকে ভগবান্ মাধব মহাবল বিতুণ্ডের অসীম সাহস ও বিক্রম দর্শন ও বিচারণা করিয়া, দেবার্ষি নারদকে তদীয় বিমোহনার্থ প্রেরণ করিলে, সেই দুরাসমদ ঋষি ভগবদ্বাক্য শ্রবণমাত্র কামোদার উদ্দেশে গম্যমান দুরাচার দানবকে কহিলেন, দৈত্যরাজ ! অরিতপদে আসাম সহকারে কোথায় যাইতেছ ? কোন্ ব্যক্তি কাহার জন্য কোন্ কার্যে তোমারে প্রেরণ করিয়াছে ? তখন দৈত্য ব্রহ্মনন্দন নারদকে কৃত-ঞ্জলিপুটে প্রণাম করিয়া কহিল, দ্বিজসম ! আমি কামোদ-পুষ্পের সংগ্রহ জন্য প্রস্থান করিয়াছি । নারদ কহিলেন, ঐ পুষ্পে তোমার প্রয়োজন কি ? দৈত্য আপনার কার্যকারণ নির্দেশ করিয়া, উত্তর করিল, নন্দনবনবিভাগে কোন বরাননা ললনারে দর্শন করিবামাত্র কামের বশীভূত হইলে, আমাকে সেই বরাননা কহিল, কামোদসস্ত্রব সপ্তকোটি পুষ্পে মহা-দেবের পূজা কর, তাহা হইলে, আমি তোমার প্রিয়তমা ভার্য্যা হইব, সংশয় নাই । একগণে তাহারই জন্য কামোদা খ্য নগরাভিমুখে যাত্রা করিয়াছি । শ্রবণ করুন, সেই সিন্ধু-জাকে আনয়ন করিব । আনয়ন করিয়া, মনোলাস্তু মহাহাস্তে

হাস্ত করাইব । তাহাতে তিনি প্রীতা হইয়া, মদীয় কার্য-  
সাধন গঙ্গাদ হাস্ত করিলেই, দিব্যগন্ধি পুষ্প সকল তাহা  
হইতে পতিত হইবে । তদ্বারা আমি মহাদেবের পূজা  
করিব । সেই সর্বভূতেশ্বর লোকভাবন শঙ্কর উল্লিখিত পূজা  
প্রসাদে সন্তুষ্ট হইয়া, আমারে অভিলষিত ফল প্রদান  
করিবেন ।

নারদ কহিলেন, দৈত্য ! কামোদার্থে গমন করিবার আব-  
শ্যক নাই । তথায় সর্বদৈত্যক্ৰয়াবহ পরমমেধাবী মাধব  
সর্বদা বিরাজমান । এক্ষণে যে উপায়ে কামোদ পুষ্পসকল  
তোমার হস্তগত হইবে, বলিতেছি, শ্রবণ কর । ঐ সকল  
পুষ্প গঙ্গাসলিলে পতিত হইলে, প্রবলবেগে আগমন করিবে,  
সন্দেহ নাই । তখন তুমি তৎসমস্ত সংগ্রহ করিয়া, ভগবান  
ভবানীপতির পূজা ও তাহাতে সিদ্ধিলাভ করিতে পারিবে ।  
ইহা শুনিয়া দৈত্য কহিল, অবশ্যই তাহাই হইবে । প্রবাহ-  
সলিলসমাগতপুষ্প সকল চয়ন করিয়াই অভিলষিত সাধন  
করিব । তাহাতে ধর্মাত্মা নারদ পুনরায় চিন্তা করিলেন,  
এক্ষণে সেই কামোদা যেরূপে হুংখিতা হইয়া, অশ্রুরাশি  
মুক্ত করে, তাহার উপায় করা বিধেয় । বুদ্ধিপূর্বক কণকাল  
চিন্তা করিয়া, কামোদনগরে যাত্রা করিলেন ।

## চতুর্দশাধিকশততম অধ্যায়



শুভ কহিলেন, দেবর্ষি নারদ এইরূপে সর্বকামসমৃদ্ধ সর্বদেবসম্মাকুল পরম দিব্য কামোদাখ্যে গমন করিয়া, কামোদার পুরমধ্যে প্রবেশ করিলেন। তথায় সেই সর্বকাম-সম্মাকুলা কামোদারে দর্শন করিয়া, তৎকর্তৃক স্বাগতাদি প্রিয়বাক্যে পরমপূজিত হইয়া, দিব্যাসনে উপবেশন পূর্বক জিজ্ঞাসা করিলেন, ভদ্রে ! বিষ্ণুতেজঃসমুদ্ভবে ! তুমি ত সুখে অবস্থিতি করিতেছ ?

তিনি আশীঃসহ অভিনন্দন পুরঃসর অনাময় জিজ্ঞাসা করিলে, কামোদা কহিলেন, ভগবন্ ! আপনার ও বিষ্ণুর প্রসাদে আমি সর্বথা সুখে আছি। এক্ষণে জিজ্ঞাসা করি, উত্তর করুন, কিজন্ম আমার মতিনাশক মহামোহ সমুপস্থিত হইয়াছে। এই মোহ প্রভাবে মর্তীমূলত নিদ্রায় আচ্ছন্ন হইয়া, আমি দারুণ স্বপ্ন দেখিয়াছি, কোন ব্যক্তি আমার সম্মুখীন হইয়া কহিল, স্বর্ষীকেশ সংসার আশ্রয় করিবেন। তদা প্রভৃতি আমি দুঃখে পরিব্যাপিতা হইয়াছি। আপনি জ্ঞানবান্দিগের বরিষ্ঠ, ইহার কারণ কি, বলুন।

নারদ কহিলেন, বাতিক, পৈতিক, কফজ ও সান্নি-পাতিক এই চারি প্রকার স্বপ্ন মনুষ্য লোকে প্রতিষ্ঠিত হই-য়াছে ; তপস্বী বা দেবলোকে ইহার সংস্রব নাই। আদি-ভ্যের উদয়বেলায় যে স্বপ্ন লক্ষিত হয়, তাহাই উত্তম এবং মনুষ্যের পুণ্যকল বিধান করে। ইহা ব্যতীত স্বপ্নের অন্য

কারণও আছে । মহাবাতের আন্দোলন বশতঃ প্রচালিত হইয়া, নিখূল সূক্ষ্ম অণুকণ সকল ইতস্ততঃ সংলন করে । পরে লয় প্রাপ্ত ও পুনরায় সৃষ্টির বিষয়ীভূত হইয়া থাকে । ইহারই নাম স্বপ্নপয়ঃ । নিত্য ও অস্থিতীয় স্বরূপ শুদ্ধাত্মা ষড়বিংশ তন্ত্রের বহির্ভাগে অবস্থিত । প্রকৃতির যোগ হইলে, তিনি তদীয় স্বভাব ও আত্মস্বরূপ এই উভয় যোগে স্থানভ্রষ্ট হইবেন । আকাশ, পৃথিবী, বায়ু, জল ও তেজঃ এই পাঁচটি ভূত তাঁহারই তেজে মন হইতে কল্পিত হইয়াছে । এবং তাঁহাতে সঙ্গত হইলে, একত্র প্রাপ্ত হইয়া থাকে । সংসারে যে বহু সম্বন্ধ সংঘটিত হয়, ইহাদের ক্রীড়াপ্রচারই তাহার কারণ । যেসকল জলবিদ্যুৎ কণে জাত ও কণে লীন হয়, সেইরূপ ইহাদেরও পুনঃ পুনঃ জন্ম ও কয় দেখিতে পাওয়া যায় । কলতঃ, এই ভূতপঞ্চ আত্মদেব ও নিত্যরূপ, আত্মার সহিত উদ্ভূত ও প্রাহুভূত হয় । ইহাদের সংঘাত স্বরূপ দেহপিণ্ডেরই বিনাশ হইয়া থাকে । আত্মদোষ ও বিষয়দোষে পিণ্ড এইরূপ বিনষ্ট হইলে, ইহাদের ধ্বংস হয় না ।

আত্মা ঐ পিণ্ডের জন্ম প্রতিরূপে বাস করেন । আর অন্তরাত্মা অগ্নির স্ফুলিকের ন্যায়, প্রকাশিত হইলে, তদ্বারা দৃশ্যাদৃশ্য অনুভবসিদ্ধ হয় । শুদ্ধ আত্মাই পরব্রহ্ম । তিনি নিত্য ও সর্বদা সমুদ্ভূত হইবেন । অন্তরাত্মা প্রকৃতির গুণ-পরম্পরার সহায়তার বর্ধিত হইয়া, অন্ন ভক্ষণ পূর্বক পরম পুষ্ট ও সুখী হইবেন । অসুখ হইতে মোহের উদ্ভব হয় । মন এই মোহে আচ্ছন্ন হইলে, পশ্চাৎ তামসী নিদ্রা প্রাহুভূত ও বর্ধিত হইয়া থাকে । সূর্য্য নাড়ীমার্গযোগে মেরু-



যুলে সমাগত হইলে, বাবৎ চন্দ্রের উদয় না হয়, তাবৎ রাত্রি উপস্থিত হইয়া থাকে । হে শুভাননে ! তৎকালে অন্তরাঙ্গা বিষয়াক্রমকারে আচ্ছন্ন ও দোষসমূহে লয় প্রাপ্ত হইয়া, পশ্চাৎ মধ্যগ অবস্থায় অবস্থিতি করিলে, উদানবায়ু তীব্রতর ভাবে প্রচরিত হইয়া, বায়ুপূরিত বংশের ন্যায়, বেগতরে মহাশব্দ করিয়া থাকে । ফলতঃ আত্মার প্রভাবে উদানবায়ু সাতিশয় বলবান্ হয় । এইরূপে শরীরসমূহে প্রতিকম্পে সমুদ্ভূত হয় । অনন্তর নিদ্রা তাহার হৃদয়, কণ্ঠ, মুখ, নাসিকা ইত্যাদি অঙ্গ সকলে আবিভূত ও প্রতিষ্ঠিত হইয়া থাকে । উদানবায়ু আত্মার প্রভাবে অতিমাত্র তীব্র হইয়া, বল রোধ করে । সেইরূপ, প্রাণবায়ু আত্মার জন্য সংলগ্ন হয়, জানিবে । অয়ি মহামতে ! অন্তরাঙ্গা তদ্বারা বিদ্ধ হইলে, পূর্বজন্মার্জিত বাস সকল স্মরণ ও পরিজ্ঞান পূর্বক তাহাতে ধাবমান হইবেন । এবং তত্তৎ বাসে অধিষ্ঠান পূর্বক স্বেচ্ছামুসারে বিহার করেন । এইরূপ অধিষ্ঠান কালে প্রশান্ত, অপ্রশান্ত ও কৰ্ম্মসংযুক্ত বিবিধ স্বপ্ন তাহার দৃষ্টি-গোচরে নিপতিত হয় । তৎকালে তিনি স্বপ্নবশে বৃক, পৰ্ব্বত, দুৰ্গ ও অন্যান্য বিবিধ বিষয় দর্শন করেন । ইহারই নাম বাতজ স্বপ্ন অবগত হইবে । আর-তিনি যে স্বপ্নবশে নদী, তড়াগ ও অন্যান্য জলাশয়াদি দর্শন করেন, তাহার নাম ককজ স্বপ্ন এবং অগ্নি ও কাঞ্চনাদি যে অবলোকন করেন, তাহাকে পিত্তজ স্বপ্ন কহিয়া থাকে । এই সকল স্বপ্নের ফলাফল অরণ কর । প্রাতঃকালে যে স্বপ্ন দৃষ্ট হয়, তদ্বারা কৰ্ম্মযুক্ত লাভালাভ প্রকাশিত হইয়া থাকে । হে বরবর্গিনি ! স্বপ্নের অবস্থান কীর্তন করিলাম । ভগবান্

হরি জন্মগ্রহণ করিবেন । তন্নিমিত্ত তুমি হৃৎস্বপ্ন দর্শন করিয়াছ ।

## পঞ্চদশাধিকশততম অধ্যায় ।

—)\*++\*(—

কামোদা কহিল, দেবর্ষে ! দেবগণও যাঁহার স্বরূপ ও সিকান্ত অবগত নহেন ; যাঁহাতে সমুদায় বিশ্ব লীন হইয়া থাকে ; যিনি আত্মা বলিয়া বেদে বেদান্তে পুরাণে কলতঃ সর্বত্র কথিত হইলেন, যিনি মহানের মহান্ অশরীরী মহাভূত, যিনি আদিতে ও অন্তে অধিষ্ঠিত এবং ভূত ভবিষ্য বর্তমান কালত্রয় ব্যাপ্ত করিয়া সর্বদা সর্বত্র বিরাজ করেন, যিনি আকাশে বিবিধ জ্যোতিষ্ক রূপে, পৃথিবীতে যত্বে বিবিধ প্রাণি রূপে এবং সর্বত্র সত্তা ও প্রকাশ রূপে, চৈতন্য ও প্রাণ রূপে অবস্থিতি করেন ; যিনি দেবের দেব, দৈবের দৈব ও বিধাতারও বিধাতা, এবং সংসার যদীয় মায়ায় প্রযোজিত হইয়াছে, সেই জগৎপতি যদীয় পতি কিজন্য সংসারে জন্ম-গ্রহণ করিবেন ? সচরাচর পাপ বা পুণ্য কর্মে বদ্ধ মানব-গণই সংসারবাস প্রাপ্ত হয় । যদীয় পতি ভগবান্ হরির তাদৃশ কর্মের সম্ভাবনা কোথায় ? তবে তিনি কি জন্ম-গ্রহণ করিবেন ? আপনি সমস্ত স বিশেষ কীর্তন করিয়া, আমার কৌতুক নিরন্তর করুন । শুনিবার জন্য নিতান্ত কৌতুহল উপস্থিত হইতেছে । তাবিয়া দেখুন, যাঁহার নাম

করিলে, সংসারভয় তিরোহিত ও সমুদায় বন্ধন ছিন্ন হয়, সেই আত্মার আত্মা বিশ্বাত্মা বাসুদেব সামান্য মানবের আত্মা, সংসারে বদ্ধ হইবেন, ইহা অপেক্ষা বিশ্বয়ের বিষয় আর কি হইতে পারে ?

নারদ কহিলেন, দেবি ! ভগবান্ বাসুদেব কর্মপাশে বদ্ধ হইয়া, যাহা করেন, অবধান করুন । তিনি মহর্ষি ভৃগুর অগ্রে প্রতিজ্ঞা করেন, তদীয় যজ্ঞ রক্ষা করিবেন । তাহাতে ইন্দ্রের বচনানুসারে তিনি যুদ্ধ ত্যাগ করিয়া, দৈত্যগণ সমান্তিব্যাহারে ভৃগুর সেই মমোত্তমে সমাগত হইলেন । অবস্তুর তিনি যজ্ঞ ত্যাগ করিয়া গমন করিলে, পাপচেতন দানবগণ আগমন পূর্বক সেই যজ্ঞ ধ্বংস করিল । তদর্শনে ষোগীন্দ্র ভৃগু রোষাবিষ্ট হইয়া, ভগবান্ হরিকে এই বলিয়া শাপ দিলেন, জনার্দন ! তোমাকে আমার শাপে কলুষিত হইয়া, দশাষতার লাভ ও এই কর্মের ফল ভোগ করিতে হইবে । হে দেবি ! ভৃগুর শাপ অন্যথা হইবার নহে । ভগবান্ নিশ্চয়ই জন্মগ্রহণ করিয়া, অবতারপরম্পরা ভোগ করিবেন । সেইজন্য তুমি হুঃস্বপ্ন দর্শন করিয়াছ । এই বলিয়া দেবর্ষি নারদ তৎক্ষণাৎ ব্রহ্মলোকে গমন করিলেন ।

কামোদা এই ব্রহ্মান্ত্র শ্রবণপূর্বক স্বামির হুঃখে নিরতিশয় হুঃখিতা হইয়া, হাহাকারে করুণস্বরে রোদন করিতে লাগিলেন । পতিব্রতা ললনা স্বামীর স্বপ্নমাত্র হুঃখে অতিমাত্র ব্যাকুল হইয়া থাকেন । যাহা হউক, বৎস ! শ্রবণ কর । তিনি এইরূপে রোদন করিতে করিতে গঙ্গাতীরে উপবেশন পূর্বক স্বকীয় নেত্রযুগল হইতে যে অশ্রুপ্রাণি বর্ষণ করেন, সেই অশ্রুবিন্দু সকল গঙ্গাসলিলে পতিত ও

যগ্ন হইয়া, পুনরায় পদ্মরূপে প্রাহুর্ভূত হয় । ঐ সকল পদ্ম প্রফুল্ল ও লোহিতবর্ণ ; গঙ্গাসলিলে ইতস্ততঃ প্রবাহিত হইয়া থাকে । তৎকালে সমুদ্রের গঙ্গার জল তাহাদেয় মনোহর প্রতিভায় আলোকিত ও পরম দিব্য শোভন গন্ধে অতিমাত্র আমোদিত হয় ।

বিষ্ণুমায়াপ্রমোহিত দানবরাজ বিতুণ্ড তপস্বির বিনির্দিষ্ট ঐ সকল দুঃখজ সরোজ দর্শনপূর্বক অতিমাত্র হর্ষাবিষ্ট ও নিরতিয় উৎসুক হইয়া, গ্রহণ করিল । অনন্তর সে সেই বিকসিত সপ্ত কোটি পদ্ম গ্রহণ করিয়া, তদ্বারা দেবদেব ভবানীপতির পূজা করিলে, জগদ্ধাত্রী শঙ্করী তদর্শনে যোষাবিষ্ট হইয়া, ভগবান্ শঙ্করকে কহিলেন, মহামতে ! এই দানবধর্ম বিতুণ্ডের অত্যাচার অবলোকন করুন । এই হুরায়া শোকসমুৎপন্ন বিকসিত পদ্ম দ্বারা আপনার পূজা করিল । নিশ্চয়ই ইহাতে আমাদের উভয়েরই দুঃখ উপস্থিত হইয়াছে । আমি পাপাচার এই অপরাধ কোনরূপেই সঙ্ঘ করিব না । আমি আপনার নিতান্ত তক্তা ও অমুগতা । আপনার প্রতি আমার পক্ষপাতের পরিসীমা নাই । বলিতে কি, আপনি স্বয়ং আপনার অপকার করিলেও, আমার কোন মতেই সঙ্ঘ হয় না ; অত্বেয় কণা আর কি বলিব ?

মহাদেব কহিলেন, ভদ্রে ! তুমি সত্য বলিয়াছ । এই হুরায়া দৈত্য কামে আকুলচিত্ত হইয়া, গঙ্গাসলিলপতিত ঐ সকল শোকজ প্রফুল্ল পদ্ম গ্রহণপূর্বক তদ্বারা আমার পূজা করিয়া থাকে । অতএব কিরূপে তাহার শ্রেয়োলাভ হইবে । এই পাপাচার ষাটশ ভাবে আমার পূজা করে, তাটশ ভাবে সিদ্ধিলাভ করিবে । আমি নিশ্চয় করিয়াছি, এই দৈত্য

কামবশতঃ অন্যান্যনক্ষ, ধ্যানহীন ও পাপচরিত্র হইয়াছে। অতএব তুমি স্বকীয় তেজে ইহাকে নিপাত কর। তাহার পাপে কলুষিতচিত্ত, তাহাদের জীবিতপ্রয়োজন বিগত হইয়াছে। তাহার পৃথিবীর ভারমাত্র, বিধাতৃসৃষ্টির কলঙ্কমাত্র এবং সাক্ষাৎ নরক স্বরূপ সর্বথা অশুভপ্লিত ও বধ্য হইয়া থাকে। তাহাদের অসৎ দৃষ্টান্তে অন্য লোকেরও মতিবৈপরীত্য উপস্থিত হইতে পারে। পাপের যাহাতে বৃদ্ধি না হয়, তাহার স্থিরতর উপায়বিধান করা সর্বতোভাবে কর্তব্য। মাদৃশ ধর্মস্থাপনিতৃগণ সম্যকরূপে স্বতঃ পরতঃ এইরূপ কর্তব্যের অনুষ্ঠান করিবেন। নতুবা, লোকস্থিতবিধানের বিলক্ষণ ব্যাঘাত সংঘটিত হইবার সম্ভাবনা। পাপের বৃদ্ধি হইলে, উত্তমত্ব কল্যাণের পথ রুদ্ধ হয়। অতএব তুমি দুর্গায়া দৈত্যকে এই মুহূর্ত্তেই সংহার করিয়া, পাপের প্রসার পরাহত কর।

মহাত্মা শব্দ এইপ্রকার কহিলে, দেবী তাহা শ্রবণ পূর্বক কহিলেন, নাথ ! আমি আপনার আদেশে ইহাকে নিপাত করিব। এই বলিয়া দেবী ভগবতী তদীয় বধোপায় চিন্তায় প্ররত্ত হইলেন। কিস্কন্ধকণ চিন্তানস্তুর কহিলেন, ভগবন্ ! আমি মহাত্মা ব্রাহ্মণের মায়াধরুণ পরিগ্রহ করিয়া, আপনার আদেশে ইহার সংহার করিব। এই পাণ্ডায়া, দেখুন, শোকসমুৎপন্ন পাতকময় পুষ্পপরম্পরায় আপনার পূজা ও দিব্য পদ্ম সকল বিনাশ করিয়াছে। কোন মতেই কুমার যোগ্য নহে। তাহাদের চিত্তায়ত্তি মদনোন্মাদে উন্নত ও তজ্জন্য আত্মা বিচলিত হয়, তাহার কখন নির্বিল জীবিত-সুখ সম্ভোগের অধিকার প্রাপ্ত হইতে পারে না। কাম

সংসারের মুক্তিমান্ অমঙ্গল ও সাক্ষাৎ দুর্নিবার যুতু্য । সেই  
কাষেরবশী ভুত হইলে, যুতু্য ভিন্ন আর কি আশা করা যায় ?

কুঞ্জর কহিল, বৎস ! পাপ করিলে, যুতু্য যেরূপ আসন্ন-  
তরবর্তী ও কাল যেরূপ সন্নিধানে অধিষ্ঠিত হয়, এরূপ আর  
কিছুতেই সম্ভব নহে । বিতুণ্ডের ঘোর পাতক জন্য অবশ্য-  
স্তাবী দুঃপনের যুতু্য নিতান্ত সন্নিহিত হইয়াছিল । সেই  
জন্য সে কামে আকুল, দুঃখে ব্যাকুল, অন্তমনস্ক ও তস্তাব-  
তৎপর হইয়া, তৎকালে পূর্বদৃষ্ট বৈষ্ণবী মায়ী স্মরণ করিল ।  
স্মরণমাত্র কন্দর্প, নিতান্ত বলবান্ হইয়া, তাহাকে মহাবেগে  
আক্রমণ ও স্বকীয় খরধার শরে একান্ত ব্যথিত করিলে,  
দুঃখী দৈত্য বিরহবশতঃ নিতান্ত ব্যাকুল হইয়া, তদগত  
চিত্তে দুঃখিত হৃদয়ে বারংবার বিলাপ ও পশ্নিতাপ করিতে  
লাগিল । অনন্তর কামাক্ষুট হইয়া, অভিলাষসিদ্ধির জন্য  
মহাদেবের উপাসনাকামনায় উল্লিখিত শোকসমুৎপন্ন পদ্ম  
সকল গ্রহণ পূর্বক লোভবশতঃ দেবী পার্বতীর সমাহৃত  
শোভন পুষ্প সকল বিনাশ করিয়া, সেই শোকজ পুষ্প পশু-  
পতির পূজা আরম্ভ করিল । তৎকালে দুঃখী দৈত্যের  
নয়নপ্রাপ্ত হইতে অশ্রুসম্ভব বিন্দু সকল অবিরল ধারার  
ভগবান্ উমাপতির মস্তকে পতিত হইতে লাগিল ।

তদর্শনে ভগবতী পার্বতী ব্রাহ্মণরূপ ধারণ করিয়া  
তাহাকে কহিলেন, তুমি কে, শোকাকুল চিত্তে ভগবান্ ভব-  
দেবের উপাসনার প্রবৃত্ত হইয়াছ ? তোমার নয়নপ্রাপ্ত  
হইতে শোকসমুৎপন্ন অপাবিত্র অশ্রুবিন্দু সকল ভগবানের  
মস্তকে পতিত হইতেছে ।

বিতুণ্ড কহিল, আমি পূর্বে কোন সর্বসৌভাগ্যসম্পন্ন

ললনাকে দর্শন করি । তাহাকে দর্শন করিয়া, মোহবশতঃ  
কামে আমার চিত্ত ব্যাকুল হইয়া উঠে । তাহাতে আমি  
তাহার সন্তোম প্রার্থনা করিলে, সে কহিল, কামোদসমুৎপন্ন  
সপ্তকোটি পুষ্প দ্বারা মহাদেবের পূজা করিয়া, তাহাদের  
নির্ম্মিত মালা মদীয় গলে অর্পণ কর, আমার সন্তোম  
লাভে সমর্থ হইবে । আমি সেইজন্য দেবদানবহুলত  
কামোদসমুৎপন্ন পুষ্প দ্বারা দেবদেব মহাদেবের পূজা  
করিতেছি ।

দেবী কহিলেন, হুরাঅ্য তোমার ভক্তি কোথায়, ধ্যান  
কোথায়, জ্ঞান কোথায় এবং ভগবান্ ভবদেবের সহিত  
সম্বন্ধই বা কোথায় ? যাহারা ভক্তিহীন ও ধ্যানহীন,  
তাহারা কখন দেবপূজার অধিকারী হইতে পারে না । আর,  
প্রকৃত জ্ঞান ব্যতিরেকেও ঈশ্বরের পূজা সম্পন্ন হয় না ।  
যাহারা না জানিয়া বা না ভাবিয়া পূজা করে, বালকের মনঃ-  
কম্পিত যথেষ্ট পূজার ন্যায়, তাহাদের সেই পূজা সর্বথা  
বিকল হইয়া থাকে । যাহা হউক, সেই কামোদার রূপ  
কীদৃশ, কীর্তন কর ।

বিতুও কহিল, ভক্তি বা ধ্যান কিছুই আমার পরিজ্ঞাত  
নাই । আর, সেই কামোদাকেও কখন দর্শন করি নাই যে,  
তাহার রূপ কীদৃশ বর্ণন করিষ । আমি কেবল গঙ্গামলিন-  
পতিত পুষ্প সকল প্রতিদিন সংগ্রহপূর্বক দেবদেব ঈশ্বরের  
পূজা করিয়া থাকি । যদি তিনি প্রসন্ন হইয়া সেই প্রমদো-  
ত্তমার সহবাস সংঘটন করিয়া দেন, ইহাই আমার পূজা  
করিবার একমাত্র উদ্দেশ্য । মহাত্মা শুক্রে আমাকে এই-  
প্রকার পূজা করিতে আদেশ করেন । আমি তদীয়

বচনামুসারে দেবদেব শঙ্করের দৈনন্দিন পূজা করিয়া থাকি ।  
আপনার জিজ্ঞাসিত সমুদায় সবিশেষ কহিলাম ।

দেবী কহিলেন, হুরাত্মন ! তুমি সর্বথা ভক্তিবর্জিত ।  
এবং কামোদার রোদিনসমুদ্ভূত দুঃখসম্ভব পুষ্প দ্বারা  
প্রতিদিন মহাদেবের পূজা করিয়া থাক । তুমি বাদৃশ  
পুষ্প দ্বারা বাদৃশ ভাবে দেবদেবের অর্চনা কর, তাদৃশী  
সিদ্ধি প্রাপ্ত হইবে, তাহাতে সন্দেহ নাই । তুমি যে দিব্য  
পূজা বিনাশপূর্বক শোকসমুৎপন্ন পুষ্প দ্বারা উপাসনা কর,  
ইহাতে তোমার অতিমাত্র দারুণ দোষ আপতিত হইয়াছে ।  
এই দোষের কোন মতেই পরিহার নাই । যাহারা এইরূপে  
ভাবহীন, ধ্যানহীন ও বিচারবিহীন হইয়া, দেবপূজায় প্রবৃত্ত  
হয়, তাহাদেরই নিরতিশয় দোষ সমুৎপন্ন হইয়া থাকে ।  
তাহারা কোন কালেই ক্ষমার অর্হণীয় নহে । অত-  
এব ইহার প্রতিকূল প্রদান করিব ; স্বকীয় কৰ্ম্মকূল  
ভোগ কর ।

হুরাত্মা দৈত্যের কাল আসন্ন হইয়াছিল । বিশেষতঃ,  
সুবিষম বিষমশরের অভিভাব বশতঃ তাহার জ্ঞানচৈতন্যের  
লেশমাত্র ছিল না । সুতরাং, সে পূর্বাপরবিচারণাপরিশূন্য  
হইয়া, ক্রোধভরে সামান্য জ্ঞানে দেবীকে তুচ্ছ করিয়া  
কহিল, রে হুষ্ঠ ! রে হুরাচার ! রে মদীয়-কৰ্ম্ম-বিদূষক !  
তোমার কিছুমাত্র জ্ঞান নাই । সেইজন্য আমার প্রতিকূল  
পথে প্রবৃত্ত হইয়াছ এবং সেইজন্য আমার প্রভাব না  
জানিয়া, ষথেষ্ট বাক্য প্রয়োগ করিতেছ । এই যুহুর্ভেই  
এই নিশিত খড়্গে হুরাচার পাপাত্মা তোমার সংহার  
করিব । এই বলিয়া সে তৎক্ষণাৎ সুশানিত খড়্গে আদান



পূর্বক ব্রাহ্মণবেশধারিণী দেবী ভগবতীর বধকামনায় ক্রোধ-  
ভরে মহাবেগে ধাবমান হইল। পরমেশ্বরী ভগবতী তদর্শনে  
অতিমাত্র রোষাবিষ্টা হইয়া, সেই ব্রাহ্মণ বেশে হুংকার  
বিসর্জন পূর্বক তদীয় প্রক্ষিপ্ত খড়া কণমধ্যেই বিনিপাতিত  
করিলেন। দানবধম বিদুও দেবীর হুংকারনাদে বজ্রবিপা-  
টিত পর্বতের ন্যায়, সহস্র কাষ্ঠরূপে পতিত ও স্পন্দনশূন্য  
হইল। তাহার প্রাণবায়ুও তৎক্ষণাৎ পলায়ন করিল।

কুঞ্জর কহিল, বৎস! সর্বলোকবিনাশক দুর্ভায়া বিদুও  
এই রূপে বিনষ্ট হইলে, সমুদায় লোক দুঃখবিষাদবিবর্জিত  
ও প্রকৃতিস্থ হইল। বৎস! সেই রমণী এই কারণেই গঙ্গা-  
তীর আশ্রয় পূর্বক বিলাপ করিয়া থাকে। যাহা জিজ্ঞাসা  
করিয়াছিলে, সমুদায় সবিশেষ কীর্তন করিলাম।

বিষ্ণু কহিলেন, রাজন্! অওজসত্তম কুঞ্জর স্বীয় পুত্রকে  
এইপ্রকার কহিয়া বিরত হইল। আর কিছুই বলিল না।

## ষোড়শাধিকশততম অধ্যায়।

বিষ্ণু কহিলেন, মহারাজ! ধর্মপক্ষী কুঞ্জর পুত্রদিগকে  
এইপ্রকার কহিয়া, বিরত হইলে, এবং আর কিছুই না  
বলিলে, সেই বটরক্ষস পক্ষিশ্রেষ্ঠ মহাশুক তাহাকে কহিল,  
তুমি কে, পক্ষীরূপে বর্তমান রহিয়াছ? তুমি অতি ধার্মিক;  
কাহার শাপে এই পক্ষিযোগিনী অবস্থা ভোগ করিতেছ?

তোমার মতিভ্রংশ হইয়াছে । তথাপি, কিরূপে ঐদৃশ জ্ঞান র্ত্তমান রহিয়াছে । তুমি কি পুণ্যানুষ্ঠান অথবা তপস্যা করিয়াছ, তাহার ফলে তোমার ঐদৃশ জ্ঞান সম্পন্ন হইয়াছে । হে মহামতে ! তোমার এইপ্রকার প্রচ্ছন্ন রূপ ধারণ করিবার কারণ কি ? তুমি কে, সিদ্ধ অথবা দেবতা, সমুদায় যথাতত্ত্ব কীর্ত্তন কর । তোমার জ্ঞান ষেরূপ অসামান্য এবং বহুদর্শিতা ষেরূপ সুবিস্তৃত, তাহাতে, তোমাকে সামান্য পক্ষী বলিয়া বোধ হয় না । সমুদায় দেখিয়া শুনিয়া আমার অতিমাত্র বিস্ময় উপস্থিত হইয়াছে ।

কুঞ্জর কহিল, হে বিপ্র ! আমি সমুদায় মেদিনীমণ্ডল বিচরণ করিয়া থাকি ; তোমার গোত্র, কুল, প্রসিদ্ধি, বিদ্যা, তপস্যা ও প্রভাব আমার অপরিজ্ঞাত মাই । অধুনা, জিজ্ঞাসা করি, তোমার স্বাগত ? তুমি এই পবিত্র আসনে উপবেশন ও এই সুশীতল ছায়া-আশ্রয় করিয়া, শ্রবণ কর, আত্মবিবরণ সবিশেষ সমস্ত কীর্ত্তন কর । ঐহার প্রভাব অব্যক্ত, মহিমা অসীম, শক্তি অনধিগম্য ও চেষ্টা অনতি-ভাব্য, সেই জগদ্বোনি পদ্ব্যোনি হইতে তাঁহার সদৃশ গুণ-সম্পন্ন ও সর্বাংশে তাঁহার সমকক্ষ প্রজাপতি মহাত্মা ভৃগুর জন্ম হয় । তাঁহার বংশে চ্যবন নামে পৃথিবীতে খ্যাতবান্ মহাতপা মহর্ষি প্রোত্তুভূত হয়েন । তিনি সমুদায় ধর্ম্মার্থ-তত্ত্বের বিশেষজ্ঞ, অসামান্যজ্ঞানবান্ ও পরমপ্রভাব-বিশিষ্ট । হে বিপ্র ! আমি দেব নহি, গন্ধর্ব নহি অথবা কিম্বর নহি । আমি যে, বলিতেছি, অবধান করুন । মহাত্মা কশ্যপের বংশে কোন ব্রাহ্মণের জন্ম হয় । তিনি বেদ বেদান্তের তত্ত্বজ্ঞ, সর্বধর্ম্মের প্রকাশক, কুল শীল গুণ সদাচার

ও তপস্যা দ্বারা নিরতিশয় অলঙ্কৃত এবং বিদ্যাধর নামে সর্বত্র বিখ্যাত। সংসারে তাঁহার খ্যাতি প্রতিপত্তির সীমা নাই। তাঁহার তিন পুত্র, বসুশর্মা, সোমশর্মা ও ধর্মশর্মা। আমিই সেই সর্বকনিষ্ঠ ধর্মশর্মা। আমার কিছুমাত্র গুণ নাই। জ্যেষ্ঠ বসুশর্মা বেদশাস্ত্রার্থে সুপণ্ডিত, এবং সদাচার ও সদ্বিদ্যা দি গুণত্রয়ের আধার। মধ্যম সোমশর্মা সাতিশয় জ্ঞানবান্ ও অতিমাত্র গুণবিশিষ্ট। আমিই কেবল মুর্থপুত্ররূপে সমুৎপন্ন হই। হে সন্তম ! শ্রবণ কর। আমি কখন বিদ্যার উৎকৃষ্ট ভাবার্থ শ্রবণ অথবা গুরুগেহে গমন করি নাই। পিতা অনেক যত্ন করিয়াও আমাকে শিক্ষা দিতে বা গুরুগেহে পাঠাইতে পারেন নাই। সর্বদাই অসুদ্বালকগণের সহিত অসংক্রীড়াকৌতুকে আমার সময় অতিবাহিত হইত। মুর্থের স্বভাবই এই, তাহারা অনর্থক ক্রীড়া, কৌতুক, কলহ ও বিবাদাদিতে প্রবৃত্ত হইয়া, যথা সময় সাপেক্ষ করিয়া থাকে। যাহাতে আমার কিছুমাত্র উন্নতি নাই, ইহলোকে বা পরলোকে কল্যাণপ্রাপ্তির অণুমাত্র সম্ভাবনা নাই; তাদৃশ জুগুপ্সিত বিষয় ব্যাপারে আমার প্রবৃত্তি অনাহত ধাবমান হইত। শাস্ত্রকারেরা ইহাকেই মুর্থের বিশেষ লক্ষণ নির্দেশ করেন। ফলতঃ, মুর্থ হইলে, যে সকল দোষ ঘটিয়া থাকে, আমাতে তাহার কোন অংশে কিছুমাত্র অভাব ছিল না।

পিতা এই সকল দর্শন করিয়া চিন্তা করিলেন, আমি না জানিয়া পুত্রের নাম ধর্মশর্মা রাখিয়াছিলাম। ইহার নাম সর্বথা নিরর্থক হইল এবং আমারও কলঙ্কের এক শেষ হইল। লোকে যেজন্য পুত্রের কামনা করে, ইহাতে তাহার কিছুই

লক্ষিত হয় না। প্রত্যুত, পুত্রের বিরুদ্ধ গুণ সমুদায় ইহার শরীরে সুস্পষ্ট বিরাজ করিতেছে। বাহা দ্বারা পিতামাতার মুখ উজ্জ্বল হয়, বংশগৌরব বর্দ্ধিত হয়, পিতৃলোকের সন্তোষ সম্বৎপন্ন হয় এবং দেবতারা প্রসন্ন হইয়া আশীর্বাদ বিতরণ করেন, তাহাকেই পুত্র নামে উল্লেখ করা বিধেয়। সচরাচর ঐরূপ পুত্রই প্রার্থনীয় হইয়া থাকে এবং তাদৃশ পুত্রের জন্মদাতাই ষথার্থ পিতা বলিয়া পরিগণিত হইলেন। দুর্ভাগ্য বশতঃ আমার ভাহাতে ব্যাঘাতযোগ সংঘটিত হইল। এই প্রকার চিন্তা করিয়া, সেই ধর্ম্মাত্মা পিতা নিতান্ত দুঃখিত চিন্তে যুহ্বাক্যে আমাকে সন্মোক্ষন করিয়া কহিলেন, বৎস! বিদ্যা ও জ্ঞানলাভ জন্য গুরুগৃহের পরিচর্যা কর। বিশিষ্ট-রূপ বিদ্যাশিক্ষা ব্যতিরেকে কেহ কখন মামুশ বলিয়া পরি-চিত হইতে পারে না।

আমি পিতার এইপ্রকার হিতবাক্য শ্রবণ করিয়া কহিলাম, তাত! গুরুগৃহে দুঃখ বিস্তর। আমি তথায় বাইতে পারিব না। গুরু সর্বদাই তাড়না ও ক্রভঙ্জি করিয়া থাকেন। তাত! শুনিয়াছি, গুরুগৃহে দুঃখের সীমা নাই, দিবারাত্র নিদ্রা যাইবার অবসর নাই। সর্বদাই উদ্বেগ, শঙ্কা ও সন্দেহ হইয়া থাকে। এই সকল কারণে গুরুমন্দিরে গমন করিতে ইচ্ছা হয় না। বিদ্যায় আমার প্রয়োজন নাই। আমার মন সর্বদাই ক্রীড়া করিতে উৎসুক। অতএব আমি সমবয়স্ক বালকগণের সহিত দিবারাত্র নিরবচ্ছিন্ন ক্রীড়া করিব। আর, আপনার অনুগ্রহ থাকিলে, আমার স্বর্গ-লাভের অসম্ভাবনা নাই।

পিতা আমারে মুর্থ জানিয়া, অতিমাত্র দুঃখিত হইয়া

ছিলেন । এক্ষণে, এইপ্রকার বলিতে শুনিয়া, আরও হুঃখিত হইয়া কহিলেন, বৎস ! হুঃসাহসপরিত্যাগপূর্বক বিদ্যা উপার্জন কর । বিদ্যা শিক্ষা করিলে, সুখ, যশ, কীর্তি, কুল, জ্ঞান ও মোক্ষ প্রাপ্তি হয় । কেহ কখন ক্রীড়া করিয়া, সুখী ও যশস্বী হইতে পারে না । বিদ্যা শিক্ষা না করিলে, সমাজে স্থান পাওয়া দুর্ঘট । বিদ্যাশিক্ষায় প্রথমতঃ হুঃখ, পশ্চাৎ অন্তিমাত্র সুখ সম্পন্ন হইয়া থাকে । ফলতঃ, প্রথমে হুঃখ স্বীকার না করিলে, উত্তরকালে সুখলাভের সম্ভাবনা নাই । অতএব বৎস ! গুরুগৃহে গমন করিয়া, বিদ্যা সাধন কর । বিদ্যার সমান সংসারে উপাদেয় পদার্থ নাই । পৃথিবীর যাবতীয় সুখ সৌভাগ্য একমাত্র বিদ্যাতেই অধিষ্ঠিত । বিদ্বান্-ব্যক্তি সর্বত্র পূজনীয় হইয়া থাকেন । একজন চক্রবর্তী রাজা অপেক্ষাও বিদ্বানের গৌরব ও আদর লক্ষিত হয় । এই জন্য, সংসারে বিদ্যার সর্বাধিক প্রাধান্য প্রখ্যাপিত হইয়াছে । বিদ্যার সমান বন্ধু নাই, অলঙ্কার নাই, ধন নাই ও গৌরব নাই । বিদ্যা থাকিলে, অকিঞ্চন দরিদ্রও সার্বভৌমপদের অধিকৃত সমুদায় সুখ হস্তগত করিতে পারে । অতএব সাবধান হইয়া, বিদ্যা উপার্জন কর । আমি তোমার পিতা, সংসারে আমার ন্যায় তোমার হিতৈষী কেহই নাই । অতএব আমার বাক্য অবধান কর । ..

পিতা এইরূপ ও অন্যান্য উপদেশ দিলেও, আমি কৰ্ণপাত করিলাম না । তিনি প্রতিদিনই এইপ্রকার উপদেশ দিতেন । আমি তাহা না শুনিয়া, যেখানে সেখানে গমন ও অবস্থান পূর্বক অনর্থক কার্য সকলের অনুষ্ঠান করিতাম । মন, মত হস্তীর ন্যায়, নিতান্ত নিরক্ষুণ্ণ হওয়াতে, কাহারও

প্রতিরোধ শূন্যিতাম না। সৰ্বদাই পাপপথে বিচরণ করিয়া, আমার প্রকৃতি অভিযাত্র দূষিত হইয়াছিল। ভালর নাম শুনিলেও কর্ণব্যথা উপস্থিত হইত। তদর্শনে লোকসমাজে উপহাস ও নিন্দার সীমা রহিল না। যেখানে যাই, কেহই আর আদর করে না। গৃহে বাহিরে গ্লানি ও অসুখের এক শেষ উপস্থিত হইল। কলতঃ, মুখ ও দুৰাচার হইলে, যে সকল দুৰ-বস্থা উপস্থিত হয়, আমার তাহার কিছুই অবশেষ রহিল না। পিতা দেখিলেই তিরস্কার করেন, মাতা দেখিলেই গালি দেন, আত্মীয়েরা নাম শুনিলেই বিরক্ত হয় এবং প্রতিবেশিরা দেখিতে পাইলেই উপহাস ও কুৎসা করিয়া থাকে। ক্রমে ক্রমে মুখ ও দুৰাত্মা বলিয়া, সর্বত্র কলঙ্ক স্থাপিত হইলে, সাংঘাতিক লজ্জা আমাকে আক্রমণ করিল। তখন দুঃখ-শোকে অতিভূত হইয়া, ব্যাকুল হৃদয়ে বিষণ্ণবদনে চিন্তা করিলাম, কিরূপে বিদ্যা উপার্জন ও গুণ সকল সংগ্রহ করিব। এবং কিরূপে আমার স্বৰ্গ ও অপৰ্ণ প্রাপ্তি হইবে। বিদ্যা শিক্ষা না করাতই আমার একরূপ দুৰদৃষ্ট-সংযোগ সংঘটিত হইয়াছে। সর্বথা আমার জীবিতপ্রয়োজন বিগত হইল। আমি আর কতদিন বাঁচিব। কিন্তু যাবৎ জীবিত থাকিব, তাবৎ দুঃখে দুঃখে অতিবাহিত হইবে। বিদ্যা ও জ্ঞান উপার্জন না করিলে, এইপ্রকার দুৰবস্থা আপত্তিত হয়। না বুঝিয়া চলিতে জানিলে, পরিণামে দুঃখ ও অসুখ তাগ করিতে হয়। যাহারা বাল্যকালে ক্রীড়া কোতুকে ব্যাপন করে, তাহাদের বয়স্কাল নিরবচ্ছিন্ন দুঃখ পরম্পরায় পূর্ণ হইয়া থাকে। আমার তৎসমুদায়ই সংঘটিত হইয়াছে। সর্বথা আমি যার পর নাই হতভাগ্য।

বোধ হয়, বিধাতা দুঃখভোগের জন্যই আমার সৃষ্টি করিয়াছেন । হে মহামতে ! এই প্রকার চিন্তা করিতে করিতে আমার বার্কিক্য উপস্থিত হইল । বল-রূপ-বীৰ্য্য-নাশিনী জরা আসিয়া আক্রমণ করিল । মন নিস্তেজ হওয়াতে, চিন্তা আরও বর্ধিত হইল ।

একদা আমি চিন্তাকুল চঞ্চল চিত্তে কোন দেবারতনে উপবিষ্ট হইয়া, আপনার ভূত, ভবিষ্য ও বর্তমান অবস্থা-পরস্পার তুলনা পূর্বক ভাবনার গভীর সাগরে মগ্ন ও উন্মগ্ন হইতেছি ; মনের গতি নিতান্ত উদ্দাম হইয়া, আমার সমুদায় সুখ স্মৃতি হরণ করিয়াছে ; তাহাতে সমুদায় সংসার জীর্ণ অরণ্যের ন্যায় উত্তরোত্তর অধিকতর ভীষণ প্রতীয়মান হইতেছে ; এমন সময়ে মদীয় সৌভাগ্যে প্রেরিত হইয়া, কোন সিদ্ধ ব্রাহ্মণ তথায় সমাগত হইলেন । তাঁহার আহার নাই, আধার নাই, কোন বস্তুতে স্পৃহা নাই, এবং অহঙ্কার ও অভিমানের লেশমাত্র নাই । তিনি ধ্যান জ্ঞান ও সমাধিবিশিষ্ট, জিতেন্দ্রিয়তার চূড়ান্ত নিদর্শন, পরব্রহ্মে একান্ত সন্নিবিষ্ট, এবং অতিমাত্র যোগনিরত ও পবিত্র-স্বভাব । দর্শন করিলে, ভক্তি ও শ্রদ্ধা আপনা হইতেই আবির্ভূত ও উচ্ছলিত হইয়া থাকে এবং পরমপ্রিয়তম সুহৃদ বা ততোধিক আত্মীয় ভাবিয়া, মন স্বভাবতঃ আনু-গত্য বিধানে সমুদ্যত হয় । দর্শনমাত্র আমি সেই জ্ঞানরূপ মহামতি সিদ্ধপুরুষের আশ্রয় গ্রহণ করিলাম । এবং শুদ্ধ-ভাব ভক্তিভরে নতকঙ্কর হইয়া, প্রণামপূর্বক পবিত্র হৃদয়ে তদীয় পুরোভাগে অবস্থিতি করিলাম । তাঁহার স্বরূপ একান্ত উদ্দীপিত । মন্দভাগ্য দুর্ভাগ্যের আমি উদ্ধারনাসনায় তাদৃশ

মহানুভাব মহাত্মার শরণার্থী হইলাম । তিনি আমাকে দর্শন করিয়া, করুণাবশতঃ স্বভাবমধুর সুন্দর বাক্যে জিজ্ঞাসা করিলেন, তুমি কে, কিজন্য অতিমাত্র শোক করিতেছ? কিজন্যই বা তোমার সৈদৃশ দারুণ দুঃখ সমুৎপন্ন হইয়াছে? অধুনা, তোমার অভিপ্রায় কি, সমুদায় সবিশেষ কীর্তন কর । তিনি নিতান্ত বিশ্বস্ত আত্মীয়ের ন্যায়, এইপ্রকার জিজ্ঞাসা করিলে, আমি অকপট হৃদয়ে স্বকীয় যুটতা ও তজ্জনিত দুঃখবাহুল্য যথাযথ কীর্তন করিলাম এবং ক্লতাঞ্জলিপুটে গদগদ বচনে কহিলাম, ভগবন্ ! কিরূপ উপায়ে সর্বজ্ঞতা-সিদ্ধি হইতে পারে, অনুগ্রহপূর্বক নির্দেশ করুন । সর্বজ্ঞতার অভাববশতই আমার যাবতীয় দুঃখ উপস্থিত হইয়াছে । অতএব আমারে আশ্রয় প্রদান ও উদ্ধার করুন । আপনি ব্যতীত এবিষয়ে আমার গত্যান্তর বা উপায়ান্তর নাই । তিনি সমুদায় শ্রবণ করিয়া কহিলেন, বৎস ! মনোযোগপূর্বক শ্রবণ কর ; সর্বজ্ঞতালাভের উপায় ও জ্ঞানের স্বরূপ কীর্তন করি । জ্ঞানের হস্ত নাই, পদ নাই, চক্ষু নাই, বুদ্ধি নাই, নাসিকা নাই, অথবা আহারসংগ্রহ নাই । কেহ কখন তাহার সাক্ষাৎ পায় নাই ; সুতরাং তাহার স্বরূপ কি, কাহারও বলিবার সাধ্য নাই । এই জ্ঞান নিত্য ও আকার-বর্জিত এবং সর্ববিৎ ; সংসারের কোন বিষয়ই তাহার অবিদিত নাই ।



## সপ্তদশাধিকশততম অধ্যায়

—)\*++\*(—

সিদ্ধ কহিলেন, সূর্য্য দিন প্রকাশ করে, চন্দ্র রাত্রি প্রকাশ করে, প্রদীপ গৃহ প্রকাশ করে এবং জ্ঞান হৃদয় প্রকাশ করে। কিরূপ উপায়ে জ্ঞান লক্ষিত হয়, শ্রবণ কর। এই জ্ঞান অতিমাত্র দীপ্ত ও নিরাময় এবং শরীরের মধ্যে অবস্থিতি করে। সাহারা মোহমায়ার মোহিত, সেই সকল যুগ এই জ্ঞান লাভ করিতে পারে না। চন্দ্র সূর্য্যাদিও ইহার দর্শন প্রাপ্ত হয় না। ইহার হস্ত নাই, পদ নাই, কূর্ণ নাই। তথাপি এই জ্ঞান সর্বত্র গমন, সমুদায় গ্রহণ, সকল দর্শন, সকল ভ্রাণ ও সমুদায় শ্রবণ করিয়া থাকে, তাহাতে সংশয় নাই। সমুদায় অন্ধকার বিনাশ করিতে জ্ঞানের সমান প্রদীপ নাই। স্বর্গে, পৃথিবীতে অথবা পাতালে জ্ঞানের স্থান লক্ষিত হয় না। কুবুদ্ধিগণ কায়মধ্যস্থিত জ্ঞান লাভ করিতে পারে না। যাহা হইতে জ্ঞান সমুৎপন্ন ও যেখানে অধিষ্ঠিত হয়, কীর্ত্তন করি, অবধান কর। হে দ্বিজ ! প্রাণিগণের হৃদয়ে এই জ্ঞান সর্বদা অবস্থিতি করে। যিনি বিবেকরূপ বহি দ্বারা মহামোহ ও কামাদি রাগ সমুদায় দধ্ব এবং সর্বথা শান্তিময় হইয়া ইন্দ্রিয়-বিষয় সমুদয় প্রদর্শন করেন, সর্বতত্ত্বার্থপ্রদর্শক নির্মলম্বভাব জ্ঞান তাঁহা হইতে সমুদ্ভূত হয়। শান্তিই ঐ জ্ঞানের মূল। অতএব তুমি সর্বসৌখ্যপ্রবর্দ্ধনী শান্তির পরিচর্যা কর। এবং শত্রু যির আপন পর সর্বত্র সমদর্শী ও নিরত হইয়া,

আহারসংযম ও হিঙ্গ্রয়গ্রাম পরাজয় কর, বৈরভাব দূরে  
বিসর্জন পূর্বক মৈত্র অবলম্বন কর এবং নিঃসঙ্গ ও নিস্পৃহ  
হইয়া একান্তে অবস্থান কর ; সর্বদর্শী ও সর্বপ্রকাশক জ্ঞান  
লাভ করিবে, তাহাতে সংশয় নাই । বৎস ! তুমি এক  
স্থানে অবস্থান করিয়াও; আমার প্রসাদে পৃথিবীর যাবতীয়  
ঘটনা বলিয়া দিতে সক্ষম হইবে । অতঃপর তোমার শোক  
মোহ ও দুঃখবিষাদ সমুদায় বিগলিত হইবে । অধুনা তুমি  
অবাহিত হইয়া, শান্তিমার্গে প্রবৃত্ত হও ।

হে বিপ্র । এই রূপে সিদ্ধপুরুষ জ্ঞানস্বরূপ প্রকাশ  
করিলে, আমি তদীয় আদেশানুসারে অনুষ্ঠান করিতে  
লাগিলাম । অল্পকাল মধ্যেই আমার জ্ঞানস্বরূপ পরি-  
জ্ঞাত হইল । তদবধি আমি গুরুদেবের প্রসাদে একস্থানে  
অবস্থিতি করিয়া, ত্রৈলোক্যের যাবতীয় ঘটনা অবগত  
হইয়া থাকি । হে ভার্গব, আর কি বলিব, নির্দেশ করুন ।  
আপনি যাহা যাহা অভিলাষ করেন, তৎসমুদায়ই কীর্তন  
করিব ।

চ্যবন কহিলেন, আপনি জ্ঞানবানগণের শ্রেষ্ঠ হইয়া,  
কিন্তু কীটযোনি প্রাপ্ত হইলেন, এই বিষয়ে দারুণ সংশয়  
উপস্থিত হইয়াছে ; হেতু নির্দেশ করুন । সচরাচর পাপ-  
পথে প্রবৃত্ত হইলে, পাপযোনি প্রাপ্ত হয়, এবং অজ্ঞানে  
আচ্ছন্ন হইলেই, নারকী গতি লাভ হইয়া থাকে । ভাবিয়া  
দেখিলে, আপনার তাহা কিছুই নাই । তবে কেন আপনি  
পক্ষিযোনিতে পতিত হইলেন ?

কুঞ্জর কহিল, সংসর্গ হইতেই পাপ জন্মে এবং সংসর্গ  
হইতেই ধর্মের সঞ্চার হয় । এইজন্য অসৎ সঙ্গ ত্যাগ

করিবে । অসৎ সঙ্ঘে বাস করিলে, আত্মবিরুদ্ধ কললাত হইয়া থাকে । সঙ্গদোষে প্রকৃতি বেরূপ নষ্ট হয়, এরূপ আর কিছুতেই সম্ভব নহে । সংসারে উপদেশ অপেক্ষা দৃষ্টান্তের প্রাধান্য লক্ষিত হয় । কেননা, উপদেশ সকল সময়ে সকল হৃদয়ে প্রবেশ হইতে পারে না । এই সঙ্গদোষেই আমার ঈদৃশী বিনদৃশী দশা আপতিত হইয়াছে । এবিষয়ে অন্ত্যবিধ কারণ নাই । একদা কোন ব্যাধ এক শুকশিশুকে বন্ধন পূর্বক বিক্রয়ার্থ আনয়ন করে । ঐ শিশু অতিমাত্র সুন্দর, এবং উৎকৃষ্ট বাক্যবিদ্যাসে সুনিপুণ । কোন ব্রাহ্মণ ব্যাধের নিকট হইতে তাহাকে গ্রহণ করিয়া, আমাকে প্রদান করেন । তৎকালে শুকশিশু অতিমাত্র পীড়িত হইয়াছিল । ষাহা হউক, হে দ্বিজোত্তম ! আমি তাহার পঠনচাতুরী অবলোকন করিয়া, অতিমাত্র কৌতূহলাক্রান্ত এবং তদীয় কৌতুকবাক্যে নিরতিশয় মুগ্ধ হইলাম । তাহাকে পুত্রের ন্যায় স্নেহ ও যত্ন পূর্বক পালন করিতে লাগিলাম । দিন দিন সেই স্নেহ ও যত্নের স্বাক্ষর হইতে লাগিল । ইহারই নাম পরমমায়াবী ভগবানের হুরভিগম্য মায়াজক্র ; যে চক্রে পতিত হইয়া, ব্রহ্মাদিস্বাবরাস্ত্র সমুদায় বিশ্ব নিরন্তর ঘূর্ণায়মান হইতেছে ! কতদিন হইল, এইপ্রকার ঘূর্ণন আরম্ভ হইয়াছে ! আজিও তাহার শেষ হইল না ! কোন কালে যে তাহার শেষ হইবে, তাহারও সম্ভাবনা নাই ! ব্রহ্মবাদীগণ বলিয়া থাকেন, প্রলয়ের পরেও এই ঘূর্ণনের শেষ নাই । অথবা প্রলয়, এইপ্রকার ঘূর্ণনের নামান্তরমাত্র ।

সে ষাহাহউক, ঐ শুক সর্বদাই আমাকে নমস্কার পূর্বক সুস্পষ্ট মানুষভাষায় কহিত, হে ভাত ! আমার নিকট

আশ্রয়, উপবেশন করুন, স্নান করিতে যান্ এবং দেবার্চনা করুন । এইপ্রকার চাটুবাণ্ড্যে সৰ্বদাই আমার পরিতোষ সম্পাদন করিত । আমি তৎসমস্ত শ্রবণ করিয়া, যার পর নাই প্রীতিমান ও অভিভূত হইতাম । ক্রমে ক্রমে আমোদ-বশে সেই গুরুপদিক্ত বহুযত্নসম্পন্ন জ্ঞানমার্গ বিস্মৃত হইলাম । একদা নিত্যসংসর্গী সাধুচরিত্র বরশ্যগণের সহিত পুষ্পচরন ও বনস্বিহার জন্য অরণ্যে গমন করিলাম । এই সুযোগে কোন ড়িাল শুকশিশুক লইয়া গিয়া ভক্ষণ করিয়া ফেলিল । সঙ্গিগণের মুখে এই দারুণ অশুভ বার্তা শ্রবণ করিয়া, সেই চাটুভাষী প্রিয়তম শুককে স্মরণপূৰ্ব্বক মুখ ও হৃৎভাগ্য আমি দুনিবার দুঃখ ও দুর্ক্লমহ শোকে একান্ত অভিভূত ও আচ্ছন্ন হইলাম ! হে দ্বিজপুত্রব ! তৎকালে অতি দুরন্ত মোহজালে অতিমাত্র বদ্ধ হইয়া, মন একান্ত বিচলিত হইলে, সেই আপতিত দুর্নিবার শোকভার কোন মতে সহ্য করিতে না পারিয়া, নিভান্ত অধীর ও ব্যাকুল হইয়া, মত্তের ন্যায়, প্রমত্তের ন্যায়, হা শুকরাজ ! হা রাম-চন্দ্র, হা পণ্ডিত ! ইত্যাকার শোকবাক্য প্রয়োগপূৰ্ব্বক অনবরত বিলাপ ও পরিতাপ করিতে লাগিলাম । দুঃখ ও বিষাদের এক শেষ উপস্থিত হইল । অনন্তর যাহা সংঘটিত হইল, শ্রবণ কর । এই রূপে আমি শুকশোক অতিমাত্র মস্তপ্ত হইয়া, স্বকীয় কৰ্ম্মবশে সেই সিদ্ধ পুরুষের প্রকাশিত পরম নিৰ্ম্মল জ্ঞান বিস্মৃত হইলাম । তদবধি শোকে অভিভূত হইয়া, পাপকারক শুককে স্মরণপূৰ্ব্বক বৎস রৎস ! বলিয়া, অনবরত বিলাপ ও পরিতাপ করিতাম । শুক ভিন্ন সংসারে আমার অপার চিন্তা পরিহৃত হইয়াছিল ।

আমি কেবল সংস্কৃতাক্ষরসম্পন্ন গদ্যপদ্যময় বাক্য দ্বারা এই বলিয়া পরিতাপ করিতাম, হে শুক ! হে পক্ষিরাজ ! শ্রবণ কর । তোমা বিনা কে আর বিচিত্র বাগ্‌বিন্যাস সহকারে অধুনা আমাকে প্রবোধিত করিবে ! তুমি যে সকল সুমধুর বাক্য প্রয়োগ করিতে, অদ্য তৎসমস্ত স্মরণ করিয়া, আমার হৃদয় শতধা বিদীর্ণ হইতেছে । বৎস ! বল, আমি কি অপরাধ করিয়াছিলাম, তুমি এই উদ্যানে আমাকে একাকী পরিত্যাগ করিয়া, গমন করিলে ! আমি যে তোমা ব্যতিরেকে ক্ষণমাত্র জীবন ধারণে সমর্থ নছি, তাহা কি তুমি অবগত নহ ! অয়ি সংসারসর্বস্ব ! তুমি কোথায় ? আমি ব্যাকুল হইয়া তার স্বরে বারংবার আহ্বান করিতেছি, তুমি কি একবারও শুনিতে পাইতেছ না ! হে বিপ্রেন্দ্র ! এবংবিধ তত্ত্ব মহামায়াহেতুযোগে অভিতুত ও দুর্ভর শোকভারে নিতান্ত প্রপীড়িত হইয়া, দুঃখের অতিমাত্র আঘাতে আমার প্রাণবিয়োগ হইলে, তদ্ভাব-বশ আমি তন্ময়ত্ব প্রাপ্ত হইলাম । মরণসময়ে আমার মতিগতি যেরূপ ছিল, আমি তাদৃশভাবে জন্মগ্রহণ করিলাম । গর্ভে প্রবেশ করিয়া, আমার স্মৃতিবিধায়ক জ্ঞান সঞ্চারিত হইলে, অক্লতাত্মা দুর্ভাত্মা আমি পূর্বে যে যে কর্ম্য ও যেরূপ চেষ্টা করিয়াছিলাম, তৎসমস্ত স্মরণপথে সংমুদিত হইল । অধিকন্তু, গর্ভযোগ প্রাপ্ত হইলে, সেই সর্বদর্শী নির্মল জ্ঞানও পুনরায় প্রাপ্ত হইলাম । বাঁহার বিশুদ্ধ উপদেশে আমার সমস্ত কলুষ তিরোচ্চিত ও আত্মা অতিমাত্র শুদ্ধ হইয়াছিল, সেই গুরুদেব সিদ্ধদেবের প্রসাদে উল্লিখিত অমূল্য জ্ঞান অধিগত হইয়াছিল । হে বিপ্রেন্দ্র ! শুকর ধ্যানভাববশতঃ

মৃত্যু উপস্থিত হইলে, তদ্ব্যয় প্রাপ্ত হইয়া, আমার শুক-  
জাতিতে জন্ম ও তিৰ্য্যগযোনি লাভ হইল । কলতঃ, মৃত্যু-  
কালে লোকের যেরূপ স্বভাব থাকে, মৃত্যুর পরে তাহার  
তাদৃশ সহায়, তদ্রূপ পরাক্রম, তদমুরূপ গুণ ও তদ্বৎ যোনি  
প্রাপ্তি হয় ; এবিষয়ে কিছুমাত্র সন্দেহ নাই । সে  
যাহাহউক, আমি সেই সিদ্ধদত্ত অতুল জ্ঞান প্রাপ্ত হইয়া  
জন্মগ্রহণ করি, সেইজন্য তদীয় প্রসাদে ভূত ভবিষ্য বর্তমান  
কোন ঘটনাই আমার অবিদিত নাই । আমি এই স্থানে  
অবস্থিতি করিয়াই, তৎসমস্ত জানিতে পারি । সিদ্ধ পুরু-  
ষের বাক্য কখন অন্যথা হয় না । হে দ্বিজ ! মনুষ্য পাপে  
তাপে জর্জরিত ও রোগে শোকে একান্ত বিদলিত হইয়া,  
সংসারপথে অনবরত পরিবর্তিত হইতেছে । তাহার দুঃখের  
ও বিষাদের সীমা নাই এবং অনুতাপ ও পরিতাপের অন্ত  
নাই । গুরুই তাহাদের বন্ধচ্ছেদকর ও পরিত্রাণকর এক-  
মাত্র পরম তীর্থ । এই তীর্থের তুলনা নাই । হে ভার্গব-  
নন্দন ! যাহা জিজ্ঞাসা করিয়াছিলে, তৎসমুদায় কীর্তন  
করিলাম । স্থলজ ও উদজ তীর্থ সমুদায় বাহ্যায়ন পাপ  
বিনাশ করে ; জন্মান্তরসঞ্চিত পাতক নাশে তাহাদের ক্ষমতা  
নাই । অতএব সংসার তারণের হেতুভূত গুরুরূপ জঙ্গম  
তীর্থই উৎকৃষ্ট ।

বিষ্ণু কহিলেন, হে নৃপোত্তম ! মহাপ্রাজ্ঞ শুক এই রূপে  
মহাত্মা চ্যবনের নিকট সমস্ত তত্ত্ব প্রকাশ করিয়া, বিরত  
হইল । রাজন্ ! জঙ্গমতীর্থের অনুত্তমতা বর্ণন করিলাম ।  
তোমার কল্যাণ হউক । তুমি অভিলষিত বর গ্রহণ কর ।  
আমি তোমার প্রতি পরমপ্রীতিমান হইয়াছি ।

বেণ কহিলেন, আমি রাজ্য বা অন্য কিছুই প্রার্থনা করি না। কেননা, সাংসারিক বস্তু যাত্রেই নশ্বর। যাহারা নশ্বর বিষয়ের প্রার্থনা করে, তাহারা হতচিত্ত ও হতজ্ঞান। আমি কেবল মশরীরে তোমার শরীরপ্রবেশে অভিলাষ করি। হে জনাৰ্দ্দন! যদি বরদানে বাসনা হইয়া থাকে, তাহা হইলে, এইপ্রকার বর প্রদান করুন। সমুদায় সংসার যাহার পূজা করে, সমুদায় দেবতা যাহার আনুগত্য করেন, সমুদায় বেদ যাহার মহিমা গান করে, সমুদায় ক্রিয়া যাহাঁতে অধিষ্ঠিত হয় এবং সমুদায় গুণ যাহাঁতে বিরাজ করিয়া থাকে; যিনি পিতার পিতা, মাতার মাতা, আত্মার আত্মা, বিধাতার বিধাতা এবং কারণের কারণ, সেই পরমসত্য পরমদেব পত্নিতপাবন আপনাকে ত্যাগ করিয়া, যাহারা ঋণবিনশ্বর আমার বিষয়ের অভিলাষ করে, তাহারা সুবর্ণ ফেলিয়া ধূলিমুষ্টি সংগ্রহ করিয়া থাকে। আমি জানিয়া শুনিয়া কিরূপে তাদৃশ অসদ্ ব্যাপারে প্ররত হইব। অতএব আপনি ভক্ত ও অনুগত আমাকে রূথা প্রলোভিত করিবেন না।

বিষ্ণু কহিলেন, রাজন্! অগ্রে রাজসুয় ও অশ্বমেধাদি যজ্ঞানুষ্ঠান এবং অন্নাদি সুখসাধন দান সহকারে যজ্ঞন কর; পশ্চাৎ আমার শরীরে প্রবেশ পূৰ্ব্বক সুখী ও বিগতমন্তাপ হইবে। এই বলিয়া ভগবান্ নারায়ণ তৎক্ষণাৎ অন্তর্দান করিলেন। তদর্শনে মহামতি বেণ দেবদেব নারায়ণ কোথায় গেলেন, বারংবার এইপ্রকার চিন্তা করিতে লাগিলেন। অভিমত বর লাভ করিয়া, তাঁহার অতিমাত্র হর্ষ উপস্থিত হইল।

## অষ্টাদশাধিকশততম অধ্যায়

ব্যানদেব কহিলেন, দেবদেব বিষ্ণু এইরূপে জঙ্গমতীর্থ সকলের সদ্যপ্রত্যয়কারক বিবরণ এবং সর্বপাপবিনাশক পরমপবিত্র ধর্মোখ্যান কীর্তন করিলে, নরপতি বেণ কি করিয়াছিলেন, বর্ণন করুন ।

ব্রহ্মা কহিলেন, জগৎপতি জনার্দন নৃপশ্রেষ্ঠ বেণকে বলিলেন, রাজন্ ! তুমি অশমেধ দ্বারা উপাসনা ও দান সকলের অনুষ্ঠান কর । হে মহামতে ! দান করিলে, ব্রহ্মহত্যাदि পাতক ও নারকী প্রভৃতি সুঘোর গতি সমস্ত বিনষ্ট হয় । এই জন্য দানের প্রশংসা হইয়া থাকে । দান করিলে, চতুর্ধর্গেরই সিদ্ধি লাভ হয়, তাহাতে সন্দেহ নাই । হে সন্তম ! এইজন্য ধর্মোদ্দেশে দান করা বিধেয় । যে ব্যক্তি আমাকে উদ্দেশ করিয়া, যাদৃশ ভাবে দান করে, আমি তাহার তাদৃশ ভাব পূর্ণ করিয়া থাকি । অগ্রে ঋষিগণের দর্শন করিয়া, তোমার পাতক বিনষ্ট হউক ; পশ্চাৎ আমার নিলয়ে গমন করিবে । এই বলিয়া স্বর্ষীকেশ অস্ত-র্ষিত হইলে, নৃপোত্তম বেণ অতিমাত্র হর্ষিত হইয়া, চিন্তা করিতে লাগিলেন । অনন্তর তিনি নিরতিশয় আনন্দিত হইয়া, মহাত্মা পৃথুকে আহ্বান পূর্বক সুমধুর বাক্যে কহিলেন; বৎস ! তুমি আমাকে পাতক হইতে মুক্ত ও মদীয় বংশ উজ্জ্বল করিলে । আমি পাপ পরম্পরার অনুষ্ঠান পূর্বক এই বংশ বিনষ্ট করিয়াছিলাম ; তুমি স্বকীয় গুণে



ইহা প্রকাশিত করিলে। আমি সার্থক তোমার পিতা হইয়াছিলাম। লোকে যেন তোমার মত সৎপুত্রের প্রার্থনা করে। তাহা হইলে, তাহাদের পিতৃনাম সার্থক হইবে। যাহা হউক, আমি অশ্বমেধযজ্ঞ দ্বারা যজ্ঞপতি জনার্দ্রনের আরাধনা ও বিবিধ দানানুষ্ঠান পূর্বক তদীয় প্রসাদে বিষ্ণু-লোকে গমন করিব। অতএব তুমি অত্যন্ত যজ্ঞীয় সামগ্ৰী-সম্ভার আহরণ ও বেদপারগ মহাভাগ ব্রাহ্মণদিগকে আমন্ত্রণ কর। এবং অন্যান্য কর্তব্য সকলের যথাযথ অনুষ্ঠান কর। বৎস! পাপের সূক্ষ্ম ফল অনুভাপ। আমি এতদিন যে পাপমাত্রের অনুষ্ঠান করিয়া, যথা জীবন নষ্ট করিয়াছি, তাহা স্মরণ করিয়া, যার পর নাই অনুভাপ হইতেছে। আর যাহাতে এইপ্রকার দুর্নিবার অন্তর্দাহের গুরুতর যাতনা সহ্য করিতে না হয়, সত্বর তদনুরূপ বিধান করিয়া, পুত্রকৃত্য সম্পাদন কর। তোমার প্রসাদে সশরীরে আমার বিষ্ণুলোক লাভ হউক। আমি আর এই পাপদেহে পাপলোকে কণমাত্র থাকিতে অভিলাষী নহি। তাবিয়া দেখিলে, ইহাতে সুখের লেশমাত্র নাই। প্রত্যুত, সংসারে বদ্ধ হইলে, যথা সুখের জন্য অনবরত পাপপরম্পারার অনুষ্ঠান করিয়া, অনন্ত নরকদ্বার উন্মুক্ত হইয়া থাকে, যাহাতে আর কোন কালেই উদ্ধারের সম্ভাবনা নাই। বলিতে কি, তোমার ন্যায় সৎপুত্র না থাকিলে, আমার ন্যায় অসৎ পিতার নিস্তারমার্গ একেবারেই রুদ্ধ হইয়া থাকে।

মহাত্মা বেণ এইপ্রকার আদেশ করিলে, ধর্মাত্মা পৃথু পিতার সন্তুষ্টিজন্য তৎকণাৎ সমুদায় সম্পাদন করিলেন। তখন বেণ সেই প্রিয়কর পুত্র মহাত্মা পৃথুকে প্রিয় বাক্যে

কাহ্নলেন, বৎস ! রাজার পাপে রাজ্য বিনষ্ট হইয়া থাকে, ইহা ষথার্থ কথা । দেখ, পাপাত্মা আমা দ্বারা সমুদায় লোক প্রায় ধর্ম্যবর্জিত হইয়াছে । লোকের ঘেঘ হিংসা প্রভৃতি কুপ্রবৃত্তি সকল নিরতিশয় বর্দ্ধিত হইয়া উঠিয়াছে । কাহারও আর প্রায় সৎকার্য্যে মতিগতি লক্ষিত হয় না । অতএব তুমিই ধর্ম্মানুসারে ইহার শাসন কর । ফলতঃ, আমার আর নশ্বর ও পাপবহুল ঐহিক ঐশ্বর্য্যে অভিলাষ নাই, যে ঐশ্বর্য্য আমার স্বর্গদ্বার ও মোক্ষদ্বার রুদ্ধ করিয়াছিল । আমার ইহা বিলক্ষণ প্রতীতি জন্মিয়াছে, একমাত্র পরমপুরুষ বাসুদেব ব্যতিরেকে আর কেহই প্রভু হইতে পারে না । অতএব আমার বৃথা কল্পিত প্রভুত্ব লাভে আর কিছুমাত্র কামনা নাই । তুমি স্বভাবতঃ বিবিধ মহার্ছ ওণের আধার । গুণী ব্যক্তিই রাজপদের উপযুক্ত পাত্র । বিশেষতঃ, তুমি রাজপদে প্রতিষ্ঠিত হইলে, প্রজালোকে সুখ ও সৌভাগ্যের সীমা থাকিবে না ।

মহামতি বেণ এইপ্রকার কহিলে, ধর্ম্মাত্মা পৃথু উত্তর করিলেন, মহারাজ ! পিতা থাকিতে পুত্র কখন রাজপদের অধিকারী হইতে পারে না । অতএব আপনিই রাজ্য করুন এবং বিবিধ দিব্যমানুষ সুদুল্লভ ভোগ সমস্ত ভোগ ও বহুতর ষজ্ঞানুষ্ঠান পূর্ব্বক ভগবান্ বাসুদেবের উপাসনা করুন । আদি আপনার আদেশ পালনে সর্বদা কায়মনে নিযুক্ত রহিব । যে পুত্র ষথাবিধানে পিতার সন্তোষসাধন ও আজ্ঞা পালন করে, তাহারই জীবন সার্থক হইয়া থাকে । অধিকন্তু, লোকে ষেজন্য পুত্রের প্রার্থনা করে, পুত্র ষদি কিয়ৎপরিমাণেও তাহার সম্পাদন করিতে সমর্থ হয়, তাহা

হইলে, তদ্বারাই পুত্রের পরম পুরুষার্ধ লব্ধ হইয়া থাকে । অতএব আমি কখন রাজপদ গ্রহণ করিব না । আপনার আদেশ পালন করিয়া, সর্বথা জীবন সার্থক ও স্বর্গদ্বার মুক্ত করিব । তিনি সেই জ্ঞানতৎপর মহাভাগ পিতাকে প্রণাম পূর্বক এইপ্রকার কহিয়া, ধর্মুর্বাণ গ্রহণ করত সমুদায় সৈন্য-দিগকে কহিলেন, তোমরা সর্বত্র ঘোষণা কর ; কেহ যেন আর পাপপথে প্রবৃত্ত না হয় । যে ব্যক্তি নরপতি বেণের আত্মা লঙ্ঘন করিয়া, ত্রিবিধ কর্ম্ম সহায়ে পাপের অনুষ্ঠান করিবে, সে ব্যক্তি দণ্ডার্থ হইবে, তাহাতে কিছুমাত্র সংশয় নাই । অতএব সকলে দান ও যজ্ঞ দ্বারা জগৎপতি জনা-র্দ্দিনের উপাসনা কর ; সত্যপথে ও ন্যায়পথে সর্বদা বিচরণ কর ; দ্বেষ হিংসা রোষ অভিমান বিসর্জন কর এবং পরদ্রোহ ও পরপরিবাদপরিহার কর । তিনি এইপ্রকার শিক্ষা প্রদান পূর্বক ভৃত্যগণের উপরি রাজ্যভার নিক্ষেপ করিয়া, তপস্যা নিমিত্ত তপোবনে গমন করিলেন । তথায় সমুদায় দোষ পরিত্যাগ, ইন্দ্রিমগ্রাম সংযত ও শতবর্ষ আহার ত্যাগ পূর্বক কঠোর তপশ্চরণ সহকারে পিতামহ ব্রহ্মাকে সন্তুষ্ট করিলেন । ব্রহ্মা প্রসন্ন ও সাক্ষাৎকারে আবিভূত হইয়া, সস্নেহ বাক্যে কহিলেন, বৎস পৃথো ! তুমি কিজন্য তপস্যা করিতেছ ? কারণ নির্দেশ কর । পৃথু কহিলেন, মদীয় প্রীতিবর্দ্ধন পিতা সমুদায় দোষ বর্জন পূর্বক অশ্বমেধ যজ্ঞ দ্বারা বাসুদেবের আরাধনা করিবেন । আপনি তদীয় অভিলষিত সাধন করুন । আর, যে ব্যক্তি আমাদের রাজ্যে পাপানুষ্ঠান করিবে, “দেবদেব জনার্দ্দিন হরি-অদৃষ্ট মহাচক্র দ্বারা সেই নরাধমের মস্তক ছেদন ও

সমুচিত দণ্ড বিধান করিবেন । ফলতঃ, যে ব্যক্তি মন, কৰ্ম্ম ও বাক্য দ্বারা পাপাশুষ্ঠানে প্রবৃত্ত হইবে, লোকে যেরূপ পদ্ম-পত্র অনায়াসেই দলন করে, ভগবান্ বাসুদেব তদ্রূপ তদীয় শির' ছেদন করিবেন । হে সুরেশ্বর ! আমি আপনার নিকট এইপ্রকার বর প্রার্থনা করি । হে দেবেশ ! যদি বরদানে অভিলাষ হইয়া থাকে, তাহা হইলে, প্রসন্ন হইয়া তথাবিধ বর প্রদান করুন । হে চতুর্মুখ ! আমি কেবল ইহাই প্রার্থনা করি । ইহাই আমার মুখ্যকামনা । আপনি ঐ কামনা পূরণ করুন । আমার আর অন্য বরে অভিলাষ নাই । কেননা, আপনার প্রসাদে ও অনুগ্রহে পার্থিব কোন বিষয়েই আমার কোনরূপ অভাব নাই । আমার নিশ্চয় প্রতীতি আছে, পুণ্য দ্বারাই সংসারস্থিতি বিহিত হয় এবং পাপ দ্বারা তাহা ব্যাহত হইয়া থাকে । যে রাজার রাজ্যে পাপের প্রমার বৃদ্ধি হয়, তিনি সমুদায় প্রজালোকের সহিত আপনাকে অনন্ত নরকে পাতিত করিয়া থাকেন । তাঁহার বংশপরম্পরা চিরকালের জন্য অধঃপতিত হয় । পাপ যেমন আশু ধ্বংস বিধান করে, এরূপ আর কিছুতেই নহে । পাপের ফল অবশ্যস্তাবী । কোন কালেই পাপের পরিহার নাই । পাপ করিলে, দেবতারা অসন্তুষ্ট ও দৈব প্রতিকূল হইয়া, তৎকণাৎ সৰ্বনাশ প্রেরণ করেন । এরূপ সৰ্বনাশের কোনপ্রকার প্রতিকার নাই । পিতা আমার এবিষয়ের সাক্ষাৎ দৃষ্টান্ত । তিনি পাপে মলিন হইয়া, প্রায় অধঃপতিত হইয়াছিলেন । ভগবান্ বাসুদেবের প্রসাদে তাহাতে কথঞ্চিৎ পরিহার পাইয়াছেন । আমি এইজন্য প্রার্থনা করিতেছি, মদীয় রাজ্যে যেন কোন কালেই পাপের

পাদপরিগ্রহ না হয় । তাহা হইলে, প্রজালোকের অধঃপাত অপরিহার্য ও অপ্ৰতিকার্য হইবে ।

পিতামহ ব্রহ্মা নরপতি পৃথুর এইপ্রকার উদার ও রমণীয় বাগ্‌বিদ্যাসে পরমপ্রীতিমান হইয়া, যুহুমধুর রুচির বাক্যে কহিলেন, বৎস পৃথু ! যাহারা পাপকে সাক্ষাৎ যুত্ব্যর ন্যায় ভয় করে এবং মূর্ত্তমান্ অধঃপাতের ন্যায় দূরে পরিহার করে, আমি তাহাদের প্রতি সৰ্বদাই সন্তুষ্ট । বলিতে কি, তপস্যা, দান ও যজ্ঞাদি দ্বারাও আমার তদ্বৎ সন্তোষ সমুৎপন্ন হয় না । ভগবান্ নারায়ণ পুণ্য সহায়ে যে সৃষ্টি বিধান করেন, পাপে তাহা বিনষ্ট হইয়া থাকে । যুগ যেরূপ বংশ নিক্ষুণ্ণিত করে, পাপ তেমনি আত্মাকে জর্জরিত ও স্বৰ্গদ্বার রুদ্ধ করিয়া থাকে । পাপের সঞ্চারণ হইলে, অলক্ষ্মীর সঞ্চারণ হয় । যেখানে অলক্ষ্মীর বাস, সেখানে দেবতারা কখন অধিষ্ঠান করেন না । দেবতারা ত্যাগ করিলে, একমাত্র অকল্যাণ অথবা অধঃপাত আশ্রয় করিয়া থাকে এবং বিবিধ নরক প্রাপ্ত হইয়া পুত্ৰহীন হয় । এই জন্য পাপাত্মার মুক্তিলাভ সৰ্ব্বতোভাবে অসম্ভব ও অতিমাত্র অলীক হইয়াছে । বৎস ! তুমি যেরূপ ক্ষত্রিয়গণের শ্রেষ্ঠ ; তোমার এই বাক্যও তদ্রূপ সকলের শ্রেষ্ঠ । সৌভাগ্যবশতই তোমার ঈদৃশী শুভবুদ্ধি উপস্থিত হইয়াছে । সকলেই যেন তোমার ন্যায় এইপ্রকার কল্যাণময়ী বিশুদ্ধ মতি লাভ করে । তাহা হইলে, সংসারে কখন পাপের প্রসার জন্য পরিতাপের প্রবেশ হইতে পারিবে না । বলিতে কি, অদ্য আমি তোমার এই হিতকর প্রার্থনায় যেরূপ সন্তুষ্ট হইলাম, তোমার বিশুদ্ধ উপাসনায় সেরূপ প্রীতি জন্মে নাই । অতএব তোমার

অভিলষিতসিদ্ধি হইবে, তাহাতে অণুমাত্র সংশয় নাই । অধুনা, তুমি স্বরাজ্যে গমন করিয়া, যথারীতি প্রজাশাসন কর । আমার প্রসাদে ও ভগবানের অমুগৃহে তোমার রাজ্যসমৃদ্ধির কোনকালেই ক্ষয় হইবে না । ফলতঃ, যেখানে পুণ্য, সেইখানেই ভগবতী কমলা নিত্য বিরাজ করিয়া থাকেন । এই বলিয়া আদিদেব কমলযোনি তৎক্ষণাৎ অন্তর্হিত হইলেন । পৃথু চকিত হইয়া, ইতস্ততঃ নাতি-প্রসন্ন হৃদয়ে তদীয় গমনপন্থা দেখিতে লাগিলেন । অন্তিমত বরলাভ করিয়া, তাঁহার মন যেরূপ সন্তুষ্ট হইয়াছিল, এক্ষণে পিতামহের অন্তর্দ্বানে তদ্রূপ অপ্রসন্ন হইল । তিনি এই-প্রকার হর্ষবিষাদে আচ্ছন্ন হইয়া, রাজ্যে প্রত্যাবর্তন পূর্বক রাজকার্য্যে প্রবৃত্ত হইলেন এবং পিতামহের আদেশানুসারে যথাবিধানে প্রজালোকের শাসন করিতে লাগিলেন । তাঁহার সুবিহিত শাসনওঁণে সর্বত্র সৌভাগ্যসমৃদ্ধির সাতিশয় বৃদ্ধি সম্পন্ন হইল ; লোকের সৎপ্রবৃত্তি সন্স্কৃষ্টিত হইল ; সৎকার্য্যে যতি ধাবমান হইল ; পাপচিন্তা, পাপব্যবহার ও পাপকথা একবারেই তিরোহিত হইল ; ধর্ম্মানুষ্ঠান ও পুণ্যানুষ্ঠানের ভূয়সী শ্রীরুদ্ধি হইল ; কেহই আর পাপ করে না, কেহই আর মিথ্যার ছন্দাংশে বিচরণ করে না ; ন্যায়মার্গও সত্য-মার্গ প্রসারিত হইয়া উঠিল । এই রূপে মহামনা পৃথুর আজ্ঞা প্রবর্তিত হইলে, লোকমাত্রেই সদাচার ও দানভোগের নিত্য অনুষ্ঠান করিতে লাগিল । তদীয় প্রসাদে ও প্রভাবে ধর্ম্মের সমুদায় বিষয়ই তিরোহিত হইল ।

## উনবিংশাধিকশততম অধ্যায় ।

—)\*++\*(—

সুত কহিলেন, অনন্তর মহাভাগ পৃথু পিতায় আদেশে তদীয়প্রীতিকাম ও স্বর্গকাম হইয়া, অশ্বমেধাদি যজ্ঞানুষ্ঠান জন্য বিবিধ বিচিত্র ও পবিত্রতর সামগ্রীসম্ভার সংগ্রহ করিয়া, নানাদেশনিবাসী শাস্ত্রপারগ জ্ঞানপারগ ব্রাহ্মণদিগকে নিমন্ত্রণ করিলেন । পৃথুর পিতা যজ্ঞ করিবেন শুনিয়া সমুদায় পৃথিবীর লোক পরমপুলকিত হইয়া, একে একে তথায় সমাগত হইল । পৃথুর গুণে শত্রু মিত্র সকলেই বশীভূত ছিল । সুতরাং, কেহই কোনরূপে যজ্ঞবিঘ্নের হেতুভূত হইল না । প্রত্যুত, সকলেই স্বতঃ পরতঃ তাহার অচ্ছিদ্রে নিষ্পাদন জন্য কায়মন সমাহিত করিল । এইরূপে সমুদায় সুসম্পন্ন হইলে, মহাত্মা বেণ শুভ মুহূর্ত্তে অশ্বমেধ যজ্ঞ সমাধান পূর্বক ভগবান্ নারায়ণের উশাসনা ও যজ্ঞান্তে সমবেত ব্রাহ্মণদিগকে নামাবিধ দান করিলেন । ব্রাহ্মণ ভিন্ন অন্যান্য যে সকল লোক প্রার্থী হইয়া, আগমন করিয়াছিল, তাহাদিগকেও আশাতিরিক্ত ধনদান দ্বারা পরম সন্তুষ্ট করিয়া, বিদায় করিলেন । ফলতঃ, যে যেরূপ আশা করিয়া, সেই যজ্ঞে সমাগত হয়, সকলেরই বাসনা পূর্ণ হইয়াছিল । কেহই বিমুখ হইয়া প্রত্যাগমন করে নাই । এইরূপে তিনি যথাবিধানে যজ্ঞানুষ্ঠান পূর্বক মশরীরে বৈষ্ণবলোকে গমন করিলেন । তথায় বিষ্ণুর সহিত নিত্য কাল বাস করিতে লাগিলেন । এইপ্রকার অসামান্যযত্ন

সম্পন্ন সালোক্য লাভ বশতঃ তদীয় আত্মা যার পর নাই নিরন্তরিত প্রাপ্ত হইল । ইন্দ্রাদি অমরগণ নরপতির সদৃশী অনন্তমূলত সিদ্ধ দর্শনে একান্ত বিস্মিত হইয়া, তদীয় পুত্র মহাভাগ পৃথুর প্রশংসাগানে বিশ্বসংসার প্রতিধ্বনিত করিতে লাগিলেন । ঐ প্রতিধ্বনি প্রবল বেগে চতুর্দিকে ব্যাপ্ত হইয়া উঠিল । স্বর্গ মর্ত পাতালাদি সমুদায় ভুবনে পৃথুর পবিত্র নাম সুবিশ্রুত হইল । তিনি পুত্রগণের দৃষ্টান্ত-স্থানীয় ও পুণ্যাঙ্গাগণের আদর্শভূত হইলেন । তদীয় কীর্তি-স্তোম অনন্ত আকারে অনন্তকাল বিরাজ করিতে লাগিল ।

তোমার নিকট নরপতি বেণের সমুদায় চরিত্র বর্ণন করিলাম । এই চরিত্র পরিকলন করিলে, সমুদায় পাপ বিনষ্ট ও সকল দুঃখ বিগলিত হয় । অতএব পবিত্র ও শ্রদ্ধান্বিত হইয়া, সরল চিত্তে মহাত্মাগণের চরিত্রপরম্পরা পরিকলন করা বিধেয় । তদ্বারা আত্মার উন্নতি ও উৎকর্ষ লাভ হয়, তাহাতে সন্দেহ নাই । মহাভাগ পৃথু এইরূপে পৃথিবী শাসন ও ত্রিভুবনের সহিত তাহার দোহন করেন । প্রজাগণ তদীয় পুণ্য ও ধর্মনিষ্ঠকর্ম দ্বারা যারপরনাই সুখী ও স্বস্থ হইয়াছিল । তিনি পিতারন্যায়পুত্রনির্কিংশে তাহাদের অনুরঞ্জন পূর্বক দ্বিতীয় চন্দ্রের ন্যায়, সর্বলোক-প্রথিত অতুল খ্যাতি লাভ করেন । লোকে তাঁহার দর্শন করিলে, সাক্ষাৎ অভীষ্ট দর্শনের ন্যায়, পরম প্রীতি অনুভব করিত । কাহারও প্রতি তাঁহার বিরাগ বা বিদ্বেষ ছিল না । তিনি শত্রুর প্রতি সবিশেষ ক্রমা প্রদর্শন করিয়া, স্বকীয় অসামান্য চিত্তোন্নতির পরিচয় প্রদান করিতেন । তাঁহার রাজ্যবাসী ব্যক্তিমাতেই আপনাকে স্বর্গবাসী বোধ করিয়া,



উদীয় অলোকসামান্য অশুলভ গুণ সকলের অপার গৌরব ঘোষণা করিত। তিনি অসামান্য পুণ্যবলে পিতাকে, আপনাকে ও প্রজাদিগকে পরম পবিত্র করিয়াছিলেন। স্বয়ং নারায়ণ কমলার সহিত তাঁহার সান্নিধ্য আশ্রয় করিয়া, তদীয় সুখসমৃদ্ধির উপায় উদ্ভাবন করিয়াছেন।

স্মৃত বলিলেন, ঋষিগণ! আপনাদের নিকট যাবতীয় জঙ্গমতীর্থই কীর্তন করিলাম। সমুদায় তীর্থ অপেক্ষা পুত্র-তীর্থ শ্রেষ্ঠ। দেখুন, বেণ বৈষ্ণবদেষী ও সর্বধর্ম্যবহিষ্কৃত হইয়াছিল। তাহার পাপের অবশেষ ছিল না। তজ্জন্ম তাহার অধঃপাত ও আসন্ন নরকবাস অবশ্যস্তাবী হইয়াছিল। কিন্তু সে পুত্ররূপ তীর্থ সহায়ে পরমবিশুদ্ধ ও নিষ্কলুষ হইয়া, পরমপদে অধিষ্ঠিত হইল। অথবা, সৎপুত্ররূপ পরমতীর্থ প্রাপ্ত হইলে, পূর্বপুরুষমাত্রেই উদ্ধার প্রাপ্ত হইয়া থাকেন। মহাত্মা পুত্রের জন্মমাত্রেই পিতার ঋণমুক্তি সংঘটিত হয়, তাহাতে সন্দেহ নাই। পুত্র বৈষ্ণব হইলে, পূর্বপুরুষগণের উদ্ধারপ্রাপ্তির কোন অসম্ভাবনা নাই। অধস্তন বংশপরম্পরাও মুক্তিলাভ করিয়া থাকে। পুত্র দুর্ভাগ্য বা কুস্বভাব হইলে, পূর্বজ পিতৃগণ মগ্ন ও অবসন্ন হয়েন। এবং ব্যাকুল ও অতিভূত হইয়া, বারংবার ঘোরতর নরকপরম্পরায় পতিত হইয়া থাকেন। অধস্তন বংশ সকলেরও এইপ্রকার বিসদৃশী দশা সংঘটিত হয়। অজ্ঞান ব্যক্তিরূপে কুপন্ব দ্বারা সন্তরণ করিতে গিয়া মগ্ন হয়, তদ্রূপ পিতা কুপুত্র দ্বারা অকৃতমসে মগ্ন হইয়া থাকেন। পুত্র সৎ হইলে, বংশ-গৌরবরুদ্ধি, পিতামাতার মুখ উজ্জ্বল, আত্মীয়গণের হৃদয়োচ্ছাস ও কুলদেবতারার যার পর নাই প্রসন্ন ও অতিমুখীন

হয়েন । এবং পুত্র অসৎ হইলে, বংশের কলঙ্ক, মাতৃগর্ভের  
 ধিক্কার, পিতৃবীর্যের জ্বলন্তা, আত্মীয়গণের অপরাগ ও কুল-  
 দেবতাগণের অপ্রসাদ প্রভৃতি বিবিধ অনভীষ্টদর্শন হইয়া  
 থাকে । এইজন্য লোকে সৎপুত্রের প্রার্থনা করে । বরং  
 গর্ভশ্রাব হওয়া ভাল, বরং না জন্মান ভাল, বরং জন্মিয়াই  
 মৃত্যু হওয়া ভাল, তথাপি কুপুত্র হওয়া ভাল নহে । কুপুত্রের  
 পিতা হইয়া বাঁচিয়া থাকাও যার পর নাই বিড়ম্বনা ও  
 অসৌভাগ্য, সন্দেহ নাই । শাস্ত্রকারেরা, কুপুত্র পুত্রই নহে  
 নির্দেশ করেন । কুপুত্র সাক্ষাৎ অগ্নি ও মূর্ত্তিমান্ মহানরক ।  
 তদ্বারা পিতা মাতা সর্বদাই দক্ষ ও পরিতপ্ত হইয়া থাকেন ।  
 কাহারও বংশে যেন কুপুত্রের জন্ম না হয় । দেখুন, পুত্র  
 বংশে জাতমাত্রে পিতামহগণ চিন্তা করেন, এই পুত্র কি  
 বৈষ্ণব হইয়া আমাদের উদ্ধারলোকে নীত করিবে । যে পুত্র  
 পিতামহগণের এই চিন্তা সফল করে, তাহারই জন্ম সার্থক ।  
 এইপ্রকার সার্থকজন্মা হওয়া ব্যক্তিমাত্রেই কর্তব্য ।

ঋষিগণ ! আপনাদিগের নিকট পরমোৎকৃষ্ট জঙ্গমতীর্থ-  
 কথা কীর্ত্তন করিলাম । অধুনা, স্থাবর তীর্থ কীর্ত্তন করিব,  
 শ্রবণ করুন । উহা শ্রবণ করিলে, সমুদায় পাপ বিগলিত  
 হয় । ভগবান্ ব্যাস প্রসন্ন হইয়া, মদীয় পিতাকে আমার  
 সমক্ষে যাহা উপদেশ করেন, আমি পরমসমাদৃত হইয়া,  
 আপনাদের নিকট তৎসমস্ত বর্ণন করিব ।

## বিংশত্যাধিকশততম অধ্যায়।

—)\*)\*(—

লোমহর্ষণ কহিলেন, ভগবন্ ! তীর্থসম্বন্ধে আমার ধর্ম-সংশয় আছে। তজ্জন্য আপনার প্রযুগাৎ শ্রবণ করিতে অভিলাষ হইতেছে। হে ব্রহ্মন্ ! ইন্দ্রিয়গ্রাম সংঘম পূর্বক যে ব্যক্তি পৃথিবী প্রদক্ষিণ করে, তাহার কি ফল প্রাপ্তি হয়, বলিতে আজ্ঞা হউক। তীর্থ সকল লোকের মুক্তিজন্য প্রতিষ্ঠিত হইয়াছে। তৎসমস্ত পরিচর্যা করিলে, নিশ্চয়ই কামনা সিদ্ধ হয়। এই জন্য আপনার নিকট সবিশেষ শ্রবণ করিতে শ্রেয়স্ক্য জন্মিতেছে। আপনি সমুদায় তত্ত্বার্থে সুপণ্ডিত, বেদবেদাঙ্গের পারদর্শী, জ্ঞানবিজ্ঞানাদিতে সুনিপুণ, এবং সর্বজ্ঞতা ও সর্বদর্শিতা প্রভৃতি গুণরত্ন সকলের মহাসাগর স্বরূপ। প্রাচীন তত্ত্বে আপনার ন্যায় পরম বিশারদ দ্বিতীয় লক্ষিত হয় না। আপনি সাক্ষাৎ জ্ঞানরূপে অবতীর্ণ হইয়াছেন। এবং সমুদায় বিশ্ব হস্তামলকবৎ দর্শন করেন। আপনার তপোবল ও ধ্যানবল উভয়ই অসামান্য। আপনার ন্যায় বক্তা, উপদেষ্টা, ব্যাখ্যাতা, যিনির্নেতা ও মীমাংসানিপুণ দ্বিতীয় লক্ষিত হয় না। আপনি বেদ সকলের বিভাগ করিয়াছেন। সেইজন্য লোকের তাহা জ্ঞানবিষয়ের গোচর হইয়া থাকে। আপনি তত্ত্ব সকলের যথাযথ মীমাংসা করিয়াছেন, সেইজন্য লোকে তাহা বোধ-গম্য করিতে পারে।

ব্যাস কহিলেন, মহাভাগ ! যাহা ঋষিগণের পরম

আশ্রয়, সেই তীর্থফল কীর্তন করিব, অরহিত হইয়া শ্রবণ কর। যাহার হস্ত, পদ ও মন সুসংযত, সেই ব্যক্তিই বিদ্যা, তপস্যা, কীর্তি ও তীর্থফল লাভ করিতে পারে। যেব্যক্তি প্রতিগ্রহপরাঙ্কুণ, নিত্যসন্তুষ্ট, পবিত্র, নিরহঙ্কার ও নিয়মশীল, সেই ব্যক্তিই তীর্থফল লাভ করিতে পারে। যে ব্যক্তি কলহশূন্য, আবলয়নশূন্য, লজ্বাহার, জিতেন্দ্রিয় ও সর্বদোষবিশুদ্ধিত, সেই তীর্থফল লাভ করিতে পারে। যে ব্যক্তি শান্ত, দান্ত, উপরত, তিতিকা, কমাশীল, নিষ্কপটা, নিরীহ ও নিরুদগ্ধ, সেই তীর্থফল লাভ করিতে পারে। যাহার অভিমান নাই, উদ্ধতা নাই, ক্রোধ নাই, হিংসা নাই, এবং বিদ্রোহে প্রবৃত্তি নাই, সেই ব্যক্তিই তীর্থফল লাভ করিতে পারে। যাহার আকার ও স্বভাব সর্বতোভাবে নিশ্চল এবং মন ও বুদ্ধি সর্বথা বিমার্জিত, সেই ব্যক্তিই তীর্থফল লাভ করিতে পারে। ঋষিগণ বেদসকলে যথাক্রমে বহুতর যজ্ঞ নির্দেশ করিয়াছেন এবং ইহলোকে তাহাদের যেরূপ ফল লব্ধ হয়, তাহাও যথাতত্ত্ব উপদেশ করিয়াছেন। হে মহামতে ! যজ্ঞ সকল বহুপকরণসম্পন্ন ও বহুল সামগ্ৰী-সম্ভারে বিনিম্বিত হইয়া থাকে। দরিদ্র ব্যক্তির সাধ্য নহে, তৎ সমস্ত সমাধা করিতে পারে। রাজা, ঋষি ও কচিৎ কোন কোন মনুষ্য তাহার অন্তর্গত সমর্থ হয়। অতএব দরিদ্র পুরুষ শারীরিক চেষ্ঠায় যে বিধির অনুসরণ করিয়া, যজ্ঞের সমান পুণ্যফললাভ করিতে পারে, শ্রবণ কর। হে স্মৃতনন্দন ! তীর্থ সকল এরূপ যজ্ঞের সমান। যে সে ব্যক্তি তাহার ফল লাভে সক্ষম হয়। এ বিষয়ে ধনী দরিদ্র বিশেষ নাই। অধুনা তীর্থ সকলের নাম ও পরিদর্শনকল

শ্রবণ কর । পুষ্কর নামে ভুবনবিখ্যাত তীর্থ আছে ।  
 রুদ্রগণ, আদিত্যগণ, বসুগণ, সিদ্ধগণ, সাধ্যগণ, গন্ধর্বগণ  
 ও অঙ্গরোগণ এই পুষ্করে নিত্যকাল সন্নিহিত আছেন ।  
 তথায় দেবগণ, দৈত্যগণ ও প্রধান প্রধান ব্রাহ্মণগণ তপো-  
 মুষ্ঠান পূর্বক সাতিশয় পুণ্য লাভ করিয়াছেন । হে মহাভাগ !  
 পিতামহ ব্রহ্মা দেব ও দানবগণের সহিত সন্মিলিত  
 হইয়া, পরম প্রীতি সহকারে তথায় অবস্থিতি করেন । সুর  
 ও ঋষিগণ সেই পবিত্র পুষ্কর তীর্থে পরমসিদ্ধিসহকৃত  
 নিরতিশয় পুণ্য লাভ করিয়াছেন । যাবতীয় দেবতা ত্রিমুখ্যা  
 তথায় সন্নিহিত হইলেন । তাহার সেবা করিলে, মহাপাতক  
 সমস্ত সূর্য্যোদয়ে অন্ধকারের ন্যায়, বিগলিত হয় । এবং  
 জ্ঞানের উদয়ে পরম নিরুত্তির ন্যায়, অতিমাত্র পুণ্যের সঞ্চয়  
 হইয়া থাকে । ঐ পুষ্কর স্বর্গ ও অগবর্গের দ্বার স্বরূপ ;  
 ধর্ম ও সত্যের বিলাসগৃহস্বরূপ এলং জয় ও সমৃদ্ধির অক্ষয়  
 আধার স্বরূপ । এইজন্য স্বয়ং দেবরাজ ইন্দ্র তীর্থরাজ  
 বলিয়া তাহার নামকরণ করিয়াছেন । ঐ নাম পৃথিবীতে  
 সর্বত্র বিখ্যাত । তথায় ষষ্ঠাবিধানে অতিষেক পূর্বক পিতৃগণ  
 ও দেবগণের অর্চনা করিলে, অশ্বমেধযজ্ঞের ফলপ্রাপ্তি পূর্বক  
 ব্রহ্মলোকে পূজিত হওয়া যায় । যে ব্যক্তি তথায় গমন এক-  
 মাত্র ব্রাহ্মণ ভোজন করায়, তাহার ব্রহ্মসদনস্থিত পরমলোক  
 সকল প্রাপ্ত হইয়া থাকে । যে ব্যক্তি তথায় শাক, মূল ও ফল  
 দ্বারা স্বয়ং জীবিকা নির্বাহ করিয়া, শ্রদ্ধা ও অনশুয়া সহকারে  
 ব্রাহ্মণকে সেই শাক, মূল ও ফল প্রদান করে তাহার অশ্ব-  
 মেধযজ্ঞ সদৃশ বিচিত্র ফল লাভ হয় । হে সূতসন্তম !  
 ব্রাহ্মণ, ক্ষত্রিয়, বৈশ্য অথবা শূদ্র যে কেহ সেই

তীর্থে স্নান করিলে, কখন কুযোনিতে নিপতিত হয় না । বিশেষতঃ কার্তিক মাসের পূর্ণিমাতিথিতে যে কেহ তথায় গমন করে, তাহারই ব্রহ্মসদনস্থ পরম অক্ষয় লোক সমস্ত লাভ হইয়া থাকে, তাহাতে সন্দেহ নাই । কৃতাঞ্জলি হইয়া, ভক্তি ও শ্রদ্ধাপূর্বক সন্ধ্যা ও প্রাতঃকালে পুঙ্কর তীর্থে স্মরণ করিলে, তাহার সমুদায় তীর্থে অভিব্যেক জন্য ফল হয় । হে পুঙ্কর ! তুমি সমুদায় তীর্থে শ্রেষ্ঠ, এইজন্য স্বয়ং দেবরাজ তোমার নাম তীর্থরাজ রাখিয়াছেন । পিতামহ স্বয়ং দেবরাজের এবিষয়ে অনুমোদন করিয়াছেন তোমাতে সমুদায় তীর্থে অন্তর্ভাব দেখিতে পাওয়া যায়, এইজন্য তোমার অন্যতর নাম তীর্থমূর্ত্তি । সমগ্র বেদ জ্ঞান-পূর্বক অধ্যয়ন করিলে, যে ফল, তোমাতে স্নান করিলে, সেই ফল প্রাপ্তি হইয়া থাকে । সমুদায় যজ্ঞের যথাযথ অনুষ্ঠান করিলে, যে ফল, তোমাতে অভিব্যেক করিলে, তাদৃশ ফল প্রাপ্তি হইয়া থাকে । সমুদায় ক্রিয়ামোক্ষ সমাধা করিলে, যে ফল, তোমাতে অবগাহন করিলে, তদনুরূপ ফল প্রাপ্তি হইয়া থাকে । এবং সমুদায় তীর্থে স্নান করিলে যে ফল, একমাত্র তোমাতে অভিব্যেক করিলে, তাহার সমান বা অধিক ফল লাভ হইয়া থাকে । তোমাতে স্নান করা দূরে থাক, তাহার কল্পনা করিলেও, মনুষ্যের দূরিত সমস্ত দূরিত হইয়া থাকে । যে ব্যক্তি তোমার স্মরণ করে, তাহার ব্রহ্মস্মরণ জন্য বিচিত্র ফল লব্ধ হয় । হে মহাভাগ ! এই রূপ বিধানে সায়ং প্রাতঃ প্রসন্ন হইয়া, শ্রদ্ধা ও শ্রীতি সূহকারে পবিত্র মনে তীর্থরাজের স্মরণ করিতে হয় । স্ত্রী বা পুরুষ জন্ম প্রভৃতি যে পাপ করে, পুঙ্করে স্নানমাত্র তাহা

কালিত হইয়া যায় । স্বয়ং ব্রহ্মা ইহা উপদেশ করিয়াছেন । ভগবান্ মধুসূদন যেরূপ দেবগণের আদি, হে সূত ! পুঙ্কর সেইরূপ সমুদায় তীর্থের আদি বলিয়া উল্লিখিত হয় । যে ব্যক্তি নিয়মশীল ও পবিত্র হইয়া, দ্বাদশ বৎসর তথায় বাস করে, সমুদায় যজ্ঞের ফল লাভ ও চরমে ব্রহ্মলোক প্রাপ্তি হইয়া থাকে, সংশয় নাই । পূর্ণশতবৎসর অগ্নিহোত্র বিধান করিলে যে ফল, একরার কার্তিকী পূর্ণিমায় পুঙ্করে বাস করিলে, সেই ফল লাভ হইয়া থাকে, স্বয়ং আদিদেব এই-প্রকার উপদেশ করিয়াছেন । পুঙ্করে গমন করা হুঙ্কর, তপস্যা করা হুঙ্কর, দান করা হুঙ্কর, এবং বাস করাও অতি-মাত্র হুঙ্কর । ইন্দ্রিয়গ্রামঙ্গরপূর্বক নিয়মানুসারে তথায় দ্বাদশবর্ষ বাস করিয়া, পরে তাহা প্রদক্ষিণ করত জম্বুমাৰ্গে প্রবেশ করিবে । জম্বুমাৰ্গে গমন করিয়া পিতৃগণ ও দেব-গণের উপাসনা করিলে অশ্বমেধযজ্ঞের ফল লাভ ও বিষ্ণু-লোকে গতি হইয়া থাকে । দেবতা ও ঋষিগণ এই জম্বু-মাৰ্গের পূজা করেন । তথায় পবিত্র হইয়া, নিয়মানুসারে স্নান, দান ও পূজা করিবে । যে ব্যক্তি তথায় পঞ্চরাত্রি উপবাস করিয়া, ষষ্ঠরাত্রি পারণ করে, সে অবিচলিত সিদ্ধি প্রাপ্তি হয়, এবং কোন কালেই তাহার দুর্গতি হয় না ।

জম্বুমাৰ্গ দর্শন করিয়া, তুণ্ডীলক আশ্রমে গমন করিবে । ঐ আশ্রম যার দ্বার নাই পূজিত, বিখ্যাত ও শুদ্ধিশালী । তথায় প্রবেশ পূর্বক তত্রত্য পুণ্যমলিনা স্রোতস্বতীতে অবগাহন করিলে, দুর্গতিনাশ ও ব্রহ্মলোকে পূজা প্রাপ্তি হয় ।

তথা হইতে অগস্ত্যসরে গমন ও অবগাহন পূর্বক পিতৃগণ

ও দেবগণের পূজা এবং ত্রিরাত্রি অনশন করিলে, বাজ-  
পেয়র যজ্ঞের ফল লাভ হয় । মহর্ষি অগস্ত্য তপোবলে এই  
সরোবরের বিনির্মাণ করেন । এইজন্য তদীর নামে ইহার  
নামকরণ হইয়াছে । যে ব্যক্তি তথায় গমন করিয়া শাক বা  
ফল মাত্র ভক্ষণ করে, তাহার কোমার লোক লাভ হয় ।  
স্বয়ং ভগবান জনার্দন অগস্ত্যের প্রতি প্রীতিমান হইয়া, এই  
সরোবরে স্নান করিয়াছিলেন । তিনি স্নান করেন বলিয়া  
ইহার অন্যতর নাম বসুসর ।

অনন্তর কণাশ্রমে গমন করিবে । এই আশ্রমে সাক্ষাৎ  
লক্ষ্মীর বাস এবং সর্বলোকের পূজিত । এই জন্য ইহার নাম  
ধূর্ঘ্যারণ্য । ইহাতে প্রবেশ করিলে, সমুদায় কাম ফল  
লাভ হইয়া থাকে । এইজন্য কেহ কেহ ইহাকে কামদ  
বলিয়া উল্লেখ করেন । তথায় প্রবেশ মাত্র সমুদায় ত্বরিত  
দূরিত ও পরম পুণ্য সমাধা হয় । যেব্যক্তি আহারসংযম  
ও নিয়মবন্ধন পূর্বক ঐ আশ্রমে পিতৃগণ ও দেবগণের পূজা  
করে, সে অশ্বমেধযজ্ঞের পূর্ণ ফল লাভ করিয়া, চরমে স্বর্গে  
অধিরোহণ ও অমরগণের সাহিত আমোদ অনুভব করিয়া  
থাকে, তাহাতে অণুমাত্র সন্দেহ নাই ।

অনন্তর তাহা প্রদক্ষিণ করিয়া, যযাতিপতনে গমন  
করিবে । মহারাজ যযাতি এই তীর্থের প্রতিষ্ঠা করেন  
এবং এই স্থানে তপশ্চরণপূর্বক শরীর পাত্ৰ করিয়া, স্বর্গে  
অধিরূঢ় হইলেন । এইজন্য ইহার নাম যযাতিপতন বলিয়া  
সর্বলোকে বিখ্যাত হইয়াছে । কেহ কেহ বলেন, তিনি স্বর্গ  
হইতে এই স্থানেই অষ্টকাদি পুণ্যশীল সম্বায়ে নিপতিত  
হইলেন এবং পুনরায় তাহাদের পুণ্যবলে উদ্ধার লাভ করিয়া,



দেবরাজের সান্নিধ্যে গমন করেন। এই জন্য ঈহার নাম  
যযাতিপতন হইয়াছে। তথায় প্রবেশ করিলে, পতিত  
ব্যক্তিরেও পুনরায় উদ্ধার প্রাপ্তি হয়।

অনন্তর ইন্দ্ৰিয়চয় জয় পূর্বক মহাকাল তীর্থে গমন  
করিবে। দেবদেব মহাদেব মহাকাল নাম ধারণ পূর্বক  
তথায় সর্বকাল সন্নিহিত আছেন এবং দর্শকদিগকে অভীষ্ট  
ফল প্রদান করিয়া, সর্বথা ক্লতক্লতার্থ করেন। ভগবান্  
ভবানীপতির এইপ্রকার সান্নিধ্যবশতঃ ঐ তীর্থের মহাকাল  
নাম প্রতিষ্ঠিত হইয়াছে। যে ব্যক্তি তথায় স্নান, দান ও  
জপাদি অনুষ্ঠান করে, তাহার তৎসমস্ত অক্ষয় ফল প্রসব  
করিয়া থাকে। সে চিরকাল পাশুপতনামক পরমপবিত্র  
লোকে বাস ও অক্ষয় আমোদ অনুভব করে, তাহাতে সন্দেহ  
নাই।

অনন্তর কোটিতীর্থে গমন করিবে। কোটি তীর্থের  
সমবায় বশতঃ ঈহার নাম কোটিতীর্থ হইয়াছে। কেহ কেহ  
বলেন, এই তীর্থে গমন করিলে, কোটি গুণফল লাভ হয়।  
এইজন্য ঈহার তাদৃশ প্রসিদ্ধ নাম করণ হইয়াছে। তথায়  
প্রবেশমাত্র অশ্বমেধ যজ্ঞের ফল প্রাপ্তি হয়। যে ব্যক্তি  
তথায় গমন করিয়া, বিহিত বিধানে পিতৃদেবের পূজা করে,  
তাহার কোম্পুলেই হুর্গতিভোগ হয় না।

অনন্তর তথা হইতে ধর্মজ্ঞ পুরুষ ভগবান্ ঈশাপতির  
পবিত্র স্থানে গমন করিবেন। ঐস্থানের নাম ভদ্রবট  
ঈশা লোকত্রয়ে বিখ্যাত, পূজিত ও অতিমত। তথায়  
প্রবেশ পূর্বক ভগবান্ ঈশানের পূজা করিলে, গোসহস্র-  
দানের ফল লাভ হয়। এবং মহাদেবের প্রমাদে গাণপত্য

প্রাপ্তি হইয়া থাকে । এই তীর্থে দেবী ভগবতীর সাতিশয় প্রীতিভাজন । তিনি প্রসন্ন হইয়া, ইহার পরিচারকদিগকে অনুলভ সৌভাগ্য প্রদান করেন ।

তথা হইতে পুণ্যকাম পুরুষ ত্রিলোকবিখ্যাত নর্মদা-নদীতে গমন করিবে । তথায় পিতৃগণ ও দেবগণের তর্পণ করিলে, অগ্নিষ্টোম যজ্ঞের ফল লাভ হয় । এই নর্মদা অতিমাত্র পরিভ্র ও যারপর নাই শুভপ্রদ । এই জন্ত ইহার অন্যতর নাম দেবনদী । কেহ কেহ বলেন, ইহার তুলনায় অন্যান্য স্রোতস্বিনী সকল তৃণীকৃত ও উপহসিত হইয়া থাকে, এই জন্ত ইহাকে নর্মদা বলে । তথা হইতে দক্ষিণসিকুতে গমন করিবে । তথায় ব্রহ্মচারী ও জিতাসন হইয়া, স্নান, দান ও পূজা করিলে, অগ্নিষ্টোম যজ্ঞের ফল লাভ ও স্বর্গ প্রাপ্তি হইয়া থাকে । দেবগণ ও ঋষিগণ এই তীর্থের সর্বিশেষ প্রশংসা করেন । অনন্তর চর্ম্মণুতীর্থে গমন করিবে । তথায় রুদ্রদেবের আদেশানুরূপে জিতেন্দ্রিয় ও নিয়ত হইয়া, অতিষেক করিলে, জ্যোতিষ্টোমের ফল লাভ হইয়া থাকে । অনন্তর ধর্ম্মজ্ঞ পুরুষ হিমালয়প্রসূত অর্বুদতীর্থে গমন করিবেন । হে মহামতে ! পূর্বে এই স্থানে পৃথিবীর ছিদ্র ছিল । ঐ ছিদ্রযোগে পাতালভুবনে যাতায়াত হইত । সিদ্ধ ব্যতিরেকে আর কাহারও তাহাতে প্রবেশ করিবার ক্ষমতা ছিল না । ভগবান্ বশিষ্ঠ তথায় যে আশ্রম স্থাপন করেন, তাহা ভুবনত্রয়ের বিখ্যাত ও সাতিশয় পূজনীয় । ঐ আশ্রম অদ্যাপি বিরাজমান হইতেছে । তথায় এতক রজনী বাস বা উপধাস করিলে, গোসহস্রদানের ফল লাভ হয় । বশিষ্ঠের অসামান্য তপঃ প্রভাবে তত্রত্য তরুণভাগ

সকল ঋতুতেই ফল কুমুম প্রসব করে । এই সকল ফল অমৃতের ন্যায় সুস্বাদু এবং কুমুম সকল পারিজাতের ন্যায় নিরতিশয় সুগন্ধি । ভগবান্ বশিষ্ঠ যে আসনে উপবেশন করিয়া, চরাচরবিধাতা পরমদেবতার ধ্যান ও উপাসনা করিতেন, অদ্যাপি তাহার লোপ হয় নাই । কিন্তু সিদ্ধ পুরুষ ব্যতিরেকে অন্যে তাহা দেখিতে পার না । কুচিৎ দিগ্‌মাত্রে দৃষ্টিগোচর হইলে, তৎকণাৎ মায়ার ন্যায় ও ছায়ার ন্যায়, অদৃশ্য হইয়া থাকে ।

অনন্তর তথা হইতে লিপিজ্জ তীর্থে গমন করিবে । তথায় স্নান করিলে, একশত সবৎসা কপিলা দানের কল লাভ হয় । পরম সিদ্ধ মহর্ষিগণ সবিশেষ ভক্তি ও অকৃত্রিম শ্রদ্ধা সহকারে তাহার পরিচর্যা করেন । অনন্তর ধর্ম্মজ্ঞ পুরুষ লোক-বিশ্রুত প্রভাসতীর্থে গমন করিবে । যে স্থানে স্বয়ং হুতাশন নিত্য সন্নিহিত আছেন । এই অনিলসারথি অগ্নি দেবগণের মুখ স্বরূপ । তাঁহার সান্নিধ্য বশতঃ প্রভাসের নিরতিশয় মহাত্মা বর্দ্ধিত হইয়াছে । পূর্বে ভগবান্ বাসুদেব এই স্থানে আত্মীয়গণের সহিত বিবিধ ক্রিয়াযোগে প্রযত্ন করেন । তদবধি প্রভাস দেবগণের পরমপ্রীতিস্থান ও বিহারকেন্দ্র হইয়াছে । এবং তদবধি স্বয়ং কমলা প্রভাসে পরম সন্নিক্কিরূপে স্নানকণ্ডে বিরাজমান আছেন । শুচি ও জিতেন্দ্রিয় হইয়া, এই তীর্থধরে স্নান করিলে, অগ্নিকোম ও অতিরাত্র যজ্ঞের কল প্রাপ্তি হয় । এবং বিকুলোকে বিষ্ণুর সহিত বাস হইয়া থাকে ।

তথা হইতে সরস্বতীসাগরসঙ্গমে গমন করিবে । এই সঙ্গমকেন্দ্র যার পর নাই পবিত্র ও বিচিত্র ভাব বিশিষ্ট ।

পুরাণে ও অন্যান্য পবিত্র শাস্ত্র সকলে ইহার সবিশেষ প্রশংসা ও মহাত্ম্য শুনিতে পাওয়া যায় । ঋষিগণ ও সিদ্ধগণ শ্রদ্ধা প্রীতিসহকারে ইহার পরিচর্যা করেন । এবং প্রধান প্রধান দেবগণ সর্বদা ইহার সান্নিধ্য যোগ বাসনা করিয়া থাকেন । এই তীর্থে স্নান করিলে, সহস্র গোদানকল লাভ করিয়া, স্বর্গলোকে পূজিত হওয়া যায়, তাহাতে অণুমাত্র সন্দেহ নাই । হে স্মৃতসত্তম ! পণ্ডিতগণ বলিয়া থাকেন, যে ব্যক্তি তথায় স্নান করে, সে অগ্নির ন্যায়, নিত্য প্রতাপরম্পরা সহযোগে দীপ্যমান হইয়া থাকে । তাহার কোন কালেই দুর্গতি উপস্থিত হয় না । স্বয়ং দেবী সরস্বতী প্রসন্ন হইয়া, তাহার স্থিরমৌক্তাগ্য বিধান করেন ।

তদনন্তর সলিলরাজ তীর্থে গমন করিবে । তথায় প্রযত চিন্তে স্নান করিয়া, ত্রিরাত্র উপবাসানন্তর পিতৃদেবগণের তর্পণ করিলে, চন্দ্রের ন্যায় প্রতিভা প্রাহুর্ভূত ও বাজিমেষধষজ্ঞের কল প্রাপ্তি হয় । জলাধিরাজ বরুণ দেব তথায় সন্নিহিত হইয়া, উপাসকগণের মনস্কামনা পূরণ জন্য সর্বদাই অতিযুধীন আছেন । তদীয় প্রসাদে অতুল মৌক্তাগ্যশ্রী প্রাপ্ত হওয়া যায় ।

তৎপরে বরদাননামক প্রসিদ্ধ তীর্থে গমন করিবে । এই তীর্থ নিরতিশয় পবিত্র ও মহাকল বিধান করে । হে মহা-বভে ! মহর্ষি দুর্ধাসা ভগবান্ বায়ুদেবকে এই স্থানে বর প্রদান করেন । এই জন্য উহার নাম বরদান বলিয়া বিখ্যাত । চরাচরগুরু নারায়ণ শ্রদ্ধা ও প্রীতিপূর্বক বর গ্রহণ করিয়া বলিয়াছেন, যে ব্যক্তি তথায় স্নান করিবে, তাহার গো-সহস্র কল লাভ ও বৈষ্ণব গতি প্রাপ্তি হইবে । স্বয়ং

কমলা কোন কালেই তাহাকে ত্যাগ করিবেন না। তাহার বংশপরম্পরায় অক্ষয় সমৃদ্ধি সন্তোষ হইবে, সন্দেহ নাই।

তৎপরে দ্বারবর্তীতে গমন করিবে। এই দ্বারবর্তী ভগবান্ বাসুদেবের সান্নিধ্য যোগ কোন কালেই পরিহার করে না। জিতেন্দ্রিয় হইয়া, তথায় প্রবেশ করিলে, বৈকুণ্ঠে গমন করিয়া, অক্ষয় নিরুত্তি লাভ হয়। অনন্তর তথা হইতে পিণ্ডালকে গমন ও স্নান করিলে, বহু সুবর্ণ প্রাপ্তি হয়। হে মহাত্মা ! এই তীর্থে অদ্যাপি পদ্মলক্ষণলক্ষিত চিহ্ন সকল ও ত্রিশূলচিহ্নিত পদ্মসমূহ লক্ষিত হইয়া থাকে। ভগবান্ ভবদেব তথায় নিত্য সন্নিহিত আছেন। তাঁহাকে দর্শন ও পূজা করিলে, গাণগত্য লাভ ও দেবী পার্বতীর প্রীতি সমুৎপন্ন হইয়া থাকে। এবং চরমে উৎকৃষ্ট লোক সকল সংঘটিত হয়, তাহাতে সন্দেহ নাই।

হে সন্তম ! সিন্ধুমাগরসঙ্গমে গমন করিয়া, মলিনরাজ তীর্থে প্রসন্ন হইয়া স্নান এবং ইন্দ্রিয়সংযমসহকারে পিতৃগণ, দেবগণ ও ঋষিগণের তর্পণ করিলে, স্বকীয় তেজে দীপ্যমান হইয়া, চরমে বারুণ লোক লাভ করিতে পারা যায়। স্বয়ং বরুণদেব এই স্থানে সর্বদা সন্নিহিত আছেন। উপাসকগণ তদীয় প্রসাদে নিত্য অভীষ্ট সন্তোষ করেন। হে মহামতে ! তথায় প্রতিষ্ঠিত ভগবান্ শঙ্কুকর্ণেশ্বরের উপাসনা করিলে এবং যথাবিধি দানাদি ক্রিয়াযোগে প্রসন্ন হইলে, অশ্বমেধ যজ্ঞের দশগুণিত ফল প্রাপ্তি হইয়া থাকে, তাহাতে সংশয় নাই। অনন্তর তাহা প্রদক্ষিণ করিয়া, ইন্দ্রিয়জয়সহকারে দ্বিঘ্নী নামক সর্বপাপপ্রমোচন সুবিখ্যাত তীর্থে গমন ও যথাবিধানে স্নান করিবে। এই স্থানে ব্রহ্মাদি

দেবগণ সমবেত হইয়া, ভগবান্ উমাপতির নিয়ত আরাধনা করেন। তথায় ভূতগণপরিহৃত দেবদেব রুদ্রের দর্শন ও পূজা করিলে, জন্মপ্রভৃতিসঞ্চিত সমস্ত পাতক বিগলিত ও পরম পুণ্য সমাগত হয়। এবং চরমে রুদ্রলোক লাভ হইয়া থাকে। স্বয়ং নন্দী কহিয়াছেন, যাহারা তথায় গমন করিয়া, ভক্তিতরে রুদ্রদেবের উপাসনা করে, তাহাদের গ্রহপীড়াতয় কোন কালেই প্রাপ্ত হইত হয় না। হে মহাভাগ! তথায় সমুদায় দেবগণের পরিপূজিত দ্বিমৌ প্রতিষ্ঠিত আছে। যে কেহ তথায় স্নান করে, অশ্বমেধ যজ্ঞের ফল ভাগী হয়। পূর্বে পরমপ্রভাব ভগবান্ নারায়ণ দেবশত্রু অসুরগণের জয় ও সংহারপূর্বক এই স্থানে শৌচ বিধান করিয়াছিলেন। ততবধি ইহার মাহাত্ম্যের সীমা নাই। এবং ততবধি যে কেহ তথায় গমন করে, ব্রহ্মহত্যাदि গুরুতর পাতকপরম্পরায় অনায়াসেই পরিহার প্রাপ্ত হয়।

অনন্তর ধর্মজ্ঞ পুরুষ পরমপরিগণিত কমুধারাतीর্থে সমাগত হইবেন। তাহার দর্শনমাত্রেই যখন হয়মেধ যজ্ঞের ফলপ্রাপ্তি হয়, তখন স্নান করিলে, কি হয় বলা যায় না। হে মহামতে! সিদ্ধগণ কহিয়াছেন, মনুষ্য প্রয়তচিত্ত ও জিতেন্দ্রিয় হইয়া, তথায় পিতৃদেবতার তর্পণ ও দানাদি অনুষ্ঠান করিলে, বিষ্ণুলোকে পরম পূজা প্রাপ্ত হয়, তাহাতে সন্দেহ নাই। প্রধান প্রধান দেবগণ স্ব স্ব পারিপার্শ্বিক সমভিব্যাহারে শৌচলাভকামনায় প্রতিপর্বে তথায় সমাগত ও ভগবান্ বাসুদেবের উপাসনায় প্রবৃত্ত হইবেন। যে ব্যক্তি পর্বকালে তথায় গমন করে, তাহার সমস্ত দেবদর্শন ফল প্রাপ্তি হইয়া থাকে। স্বয়ং পিতামহ

এইপ্রকার উপদেশ করিয়াছেন । হে সূতনন্দন ! তথায় বসুতীর্থ নামে অন্যতর তীর্থ আছে । ঐ স্থানে স্নান ও গান করিলে, বসুদেবগণের সম্মান লাভ করা যায় । এবং চরমে বসুলোকের আধিপত্য প্রাপ্ত হইয়া থাকে ।

অনন্তর তথা হইতে সিন্ধুতম নামে সুবিখ্যাত সর্বপাপ-প্রণাশন পরমপবিত্র তীর্থে গমন করিবে । তথায় অভিব্যেক করিলে, সদা প্রচুর সুবর্ণ প্রাপ্তি হয় । যে ব্যক্তি প্রয়ত চিত্তে উত্তুঙ্গায় গমন করিয়া, যথাবিধানে পিতৃদেবগণের তর্পণ করে, সে পরম পুণ্য সঞ্চয় পূর্বক সর্বথা নিষ্কলুষ হইয়া, চরমে ব্রহ্মলোকে সমাগত হয়, তাহাতে অণুমাত্র সংশয় নাই । এই উত্তুঙ্গার অন্যতর নাম ব্রহ্মক্ষেত্র । প্রাধিতি আছে, কোন সিদ্ধপুরুষ স্বকীয় অভীষ্টদেবতা পিতামহ ব্রহ্মার প্রীতিকাম হইয়া, এই বিশুদ্ধ ক্ষেত্রের প্রতিষ্ঠা করেন । তদবধি ইহার নাম ব্রহ্মতীর্থ হইয়াছে । কেহ কেহ উল্লিখিত হেতুবাদ বশতঃ তাহার নাম সিদ্ধক্ষেত্র রাখিয়াছেন । বিশ্বে দেবগণ এই সিদ্ধক্ষেত্রের অভিমাত্র পক্ষপাতী । তাঁহার তথায় গর্বদা সন্নিহিত আছে ।

অনন্তর সিদ্ধগণের অভিষত কুমারিকাশক্র তীর্থে গমন করিবে । এই স্থানে কুমারিকাগণ সর্বিশেষ শ্রদ্ধাসহ পূজা দ্বারা দেবরাজ শতক্রতুর প্রীতিসাধন ও প্রসাদ লাভ করে । তদবধি উহার তাদৃশ নামকরণ হইয়াছে । এবং তদবধি কুমারিকামাত্রেই তথায় স্নান করিয়া, স্ব স্ব অভীষ্ট প্রাপ্ত হইয়া থাকে । কুমারিকা প্রদক্ষিণ করিলে, পঞ্চনন্দে গমন করিবে । ত্রতনিয়মসম্পন্ন হইয়া, শ্রদ্ধা সহকারে

তথায় স্নান ও পিতৃগণের তর্পণ করিলে, পরমপুণ্য সঞ্চিত  
ও পঞ্চষড়্জের কল প্রাপ্তি হইয়া থাকে ।

তথা হইতে ধর্মুজ্ঞ পুরুষ পরমোৎকৃষ্ট ভীমাস্থানে গমন  
করিবেন । ভগবতী ভীমাদেবী এই স্থানে নিত্য সন্নিহিত  
আছেন । তথায় প্রতিষ্ঠিত যোনিতে অভিব্যেক করিলে,  
মমুষ্য দেবীপুত্রত্ব প্রাপ্ত হয়, স্বয়ং ভীমাদেবী এইপ্রকার  
বর দান করিয়াছেন । এবং ভগবান্ ভবদেবও কহিয়া-  
ছেন, যে ব্যক্তি তথায় গমন করে, তাহার শত সহস্র গোদান  
ফল লাভ হইয়া থাকে, তাহাতে সংশয় নাই ।

তৎপরে পরমপবিত্র গিরিকুঞ্জে গমন করিবে । স্বয়ং  
পিতামহ তথায় নিত্য সাক্ষাৎ সন্নিহিত আছেন । তাঁহার  
পূজা ও দর্শন করিলে, সহস্র গোদানের ফল লাভ করা  
যায় । এবং চরমে ব্রহ্মলোক প্রাপ্তি হইয়া থাকে । অন-  
ন্তর তথা হইতে সুবিনল বিমলতীর্থে সমাগত হইবে । তথায়  
স্নান ও পান করিলে, বাজপেয় ষড়্জের ফল লাভ হয় ।  
বিতস্তায় সমাগত হইয়া, ভক্তিপূর্বক পিতৃগণ ও দেবগণের  
তর্পণ করিলে, বাজপেয় কল প্রাপ্তি হইয়া থাকে, এবং  
স্বর্গলোকে উপনীত হইয়া, দেবরাজ ইন্দ্রের সহিত যথাসুখে  
বিচিত্র নন্দনকাননে বিহার করা যায় । তৎকালে সুররমণী-  
গণ সমস্তিবাধারে ক্রীড়া করিয়া, চিত্তবিনোদন করিয়া  
থাকেন এবং গন্ধর্বগণ স্তুতিবাদ দ্বারা মহিমা ঘোষণা পূর্বক  
স্বর্গরক্ত প্রতিধ্বনিত করে ।

তৎপরে কাশ্মীর রাজ্যে নাগরাজ তক্ষকের অধ্যুষিত  
নৃগাস্য তীর্থে গমন করিবে । তথায় গমন করিলে, সযুদায়  
পাতক বিগলিত ও স্নান করিলে, বাজপেয় কল লাভ হইয়া



থাকে । এবং চরমে বিক্ষুব্ধলোকে গমন করিয়া, পূজিত হওয়া যায় । তথা হইতে ত্রিলোকবিখ্যাত পরমপবিত্র অমরাতে গমন করিবে । সমুদায় দেবগণ এই স্থানে নিত্য সন্নিহিত আছেন, এই জন্ম ইহার নাম অমরা । তথায় পশ্চিম সঙ্ক্যায় ষথাবিধি স্নান ও উপাসনা করিয়া, ভগবান্ সপ্তার্ধিকে বিহিত বিধানে চক্র নিবেদন করিবে । পণ্ডিতগণ এইপ্রকার চক্রনিবেদনকে পিতৃগণের উদ্দেশে অক্ষয় দান কীর্তন করিয়া থাকেন । এই নিবেদিত চক্র সহস্র অশ্বমেধ অপেক্ষা শ্রেষ্ঠ ও শ্রেয়স্কর । চক্র নিবেদন করিলে, পরমশুদ্ধি সমাগত ও অগ্নির ন্যায় পরম প্রদীপ্তি সম্পন্ন হইয়া থাকে এবং শরীরাবসানে অগ্নিলোক প্রাপ্তি হয় ।

অনন্তর জিতেন্দ্রিয় হইয়া, রুদ্রাস্পদে গমন করিবে । তথায় দেবদেব মহাদেবের উপাসনা করিলে, অশ্বমেধ ফল লাভ হয় । ভগবান্ ভবদেব সর্বদা তথায় সন্নিহিত আছেন । তাঁহার প্রসাদে উৎকৃষ্ট লোক সকল প্রাপ্তি হইয়া থাকে । এবং অমূল্য ভোগসমৃদ্ধি সংঘটিত হয়, তাহাতে কিছুমাত্র সংশয় নাই । তৎপরে ত্রতাচারী ও সমাহিত হইয়া, মণিমান্তোর্থে গমন করিবে । তথায় ত্রিরাত্রি বাস করিলে, জ্যোতিষৌমষজ্ঞের ফল লাভ হয় । অনন্তর ধর্ম্যজ্ঞ পুরুষ ত্রিলোকবিশ্রুত দেবিকায় গমন করিবেন । হে স্তুতনন্দন ! এইরূপ প্রথিত আছে, এই স্থানে ব্রাহ্মণগণের জন্ম হয় । ভগবতী দেবীর সান্নিধ্য বশতঃ ইহার নাম দেবিকা হইয়াছে । কেহ কেহ ইহাকে বেদিকা নামে উল্লেখ করেন । পিতামহ ব্রহ্মার বেদি এই স্থানে প্রতিষ্ঠিত আছে । সেই জন্ম তাদৃশ নাম প্রসিদ্ধ হইয়াছে ।

তৎপরে শূলপাণির ত্রিলোকবিখ্যাত স্থানে গমন করিবে। তথায় স্নান, ভগবান্ কেশবের পূজা সংবিধান ও যথাবিধানে চক্র নিবেদন করিলে, সমুদায় কামনা সকল ও দেবলোকে পূজা প্রাপ্তি হইয়া থাকে। এইরূপ প্রথিত আছে, ভগবান্ ভবদেব, প্রিয়তমা উমার সহিত প্রতিপর্বে তথায় আগমন করেন। তৎকালে ষাবতীয় দেবতা, সিদ্ধ, সাধ্য, গন্ধর্ব ও অপ্সরোগণ এবং প্রধান প্রধান সিদ্ধ মহর্ষিগণ সমবেত হইয়া, প্রীতি ও ভক্তিভরে সস্ত্রীক মহাদেবের আরাধনা করেন। এবং ষাঁহার যে অভীষ্ট লাভ করিয়া থাকেন। তথায় রুদ্রদেবের কালনামক তীর্থ আছে। ঐ তীর্থ দেব ও ঋষিগণের বহুমত। এবং যার পর নাই পবিত্র ও প্রভাববিশিষ্ট। তথায় স্নান করিলে, তৎকণাৎ অক্ষয় সিদ্ধি লাভ হয়। এবং চরমে রুদ্রলোক প্রাপ্তি হইয়া থাকে, তাহাতে সন্দেহ নাই।

যজ্ঞন, যাজ্ঞন, ব্রহ্মবালুক ও পুষ্যান্যাস এই সকল তীর্থে অভিষেক করিলে, মৃত্যুভয় পরিত্যক্ত ও অমরলোকে গতি হয় এবং অতুল সৌভাগ্যসমৃদ্ধি অধিগত হইয়া থাকে। পূর্বে দেবতারা একত্র সমবেত হইয়া, কেহ যজ্ঞা, কেহ যাজ্ঞিক হইয়াছিলেন। এইজন্য যজ্ঞন ও যাজ্ঞন নামে প্রসিদ্ধ হইয়াছে। স্বয়ং পিতামহ ব্রহ্মা লোকসংগ্ৰহ নিমিত্ত বালুর পিণ্ড দ্বারা পিতৃলোকের তৃপ্তিসাধন করেন; এইজন্য ব্রহ্মবালুক নাম বিখ্যাত হইয়াছে। দেব ও ঋষিগণ দেবিকা তীর্থে পূজা করেন। ঐ দেবিকা অর্দ্ধযোজন বিস্তৃত ও পঞ্চযোজন আয়ত। শাস্ত্রে দেবিকার এইপ্রকার পরিমাণ উল্লিখিত হইয়াছে। দেবিকার সর্বত্রই পবিত্রতাবলক্ষিত হয়।

দেবিকা প্রদক্ষিণ করিয়া, যথাক্রমে দীর্ঘসত্রে সমাগত হইবে । ঐস্থানে পূর্বে ব্রহ্মাদি দেবগণ, সিদ্ধগণ ও মহর্ষি-গণ যথাবিধি দীক্ষিত ও নিয়তব্রত হইয়া, দীর্ঘ সত্রে উপাসনা করেন । হে ধর্মজ্ঞ ! মহাকল দীর্ঘসত্রে গমন-মাত্রেই রাজসুর ও অশ্বমেধ বজ্রের তুল্য ফল লাভ হয় । স্বয়ং পিতামহ কহিয়াছেন, যাহাদের কিছুই নাই, তজ্জন্য যাহারা কোনপ্রকার ক্রিয়াযোগের অনুষ্ঠানে সমর্থ হয় না, তাহারা এই স্থানে আগমন করিলে, যথাভীষ্ট ফল লাভ করিতে পারে, তাহাতে সন্দেহ নাই । ঐ পবিত্র ক্ষেত্রের চতুর্দিকে অদ্যাপি যজ্ঞচিহ্ন সকল দেদীপ্যমান রহিয়াছে । জ্বিতেন্দ্রিয় ও প্রযত হইয়া, তথায় প্রবেশ করিবে । কেন না, অজ্বিতেন্দ্রিয় অশুচি পুরুষ তাহার ত্রিসীমায় যাইতে সমর্থ হয় না । ক্বচিৎ সমর্থ হইলেও, অভীষ্ট ফল লাভে বঞ্চিত হইয়া থাকে ।

তৎপরে বড়বর্গ ও ইন্দ্রিয়গ্রাম জয়পূর্বক বিনশনে গমন করিবে । যে স্থানে পুণ্ড্রসলিলা সরস্বতী অন্তর্হিত হইয়া, মেরুপৃষ্ঠে প্রবাহিতা হইতেছেন । এবং অবশেষে চমস ও নাগোস্কন্ধে দৃশ্যমান হইয়াছেন । চমসোস্কন্ধে স্নান করিলে, নাগলোক প্রাপ্তি হইয়া থাকে । ধীমান্ পুরুষ উত্তর প্রদেশেই স্নান ও তর্পণ করিবেন । তাহাতে পিতৃ-দেবতারা পরমতুষ্ট ও স্বয়ং পিতামহ প্রসন্ন হইয়া থাকেন এবং চরমে পরমপদে অধিকৃত হওয়া যায় ।

তৎপরে হে সূতজ ! যে স্থানে পুষ্কর সকল শশরূপে প্রতিচ্ছন্ন হইয়া আছে, সেই পরমদুর্লভ শশাপান তীর্থে সমাগত হইবে । তথায় প্রতি সংবৎসরে ঐ পুষ্কর সকল স্ব

স্ব রূপে সরস্বতীতে প্রাহুভূত হয় । কার্তিকী পূর্ণিমায় ঐ প্রকার স্বরূপ প্রকাশ সংঘটিত হইয়া থাকে । হে মহা-  
 ভাগ ! তৎকালে তথায় স্নান করিলে, মনুষ্য সদ্য শিবের  
 ন্যায় অক্ষয় হ্র্যতি লাভ করে এবং গোসহস্র ফল প্রাপ্ত  
 হইয়া থাক, তাহাতে সন্দেহ নাই । দেবগণ ও সিদ্ধ মহর্ষি-  
 গণ এই শশপানের সাতিশয় প্রশংসা করেন । এবং  
 উমাপতি মহেশ্বর সর্বদা তথায় সন্নিহিত আছেন । দেবী  
 ভগবতী কণমাত্রও তাহার পার্শ্ব পরিহার করেন না । এই  
 জন্ম অন্যান্য দেবগণেরও সান্নিধ্যযোগ লক্ষিত হইয়া থাকে ।  
 স্বয়ং ভগবতী বলিয়াছেন, এই স্থানে যাহারা পবিত্র হইয়া  
 সরল চিত্তে স্নান করিবে, তাহাদেরই শিবস্বরূপ প্রাপ্তি  
 হইবে, সন্দেহ নাই । এই শশপান প্রদক্ষিণ করিয়া  
 কুমারকণ্ঠে গমন করিবে । তথায় আহার সংযম ও নিয়ম  
 সাধন পূর্বক অভিষেক করিয়া, পিতৃদেবগণের অর্চনার  
 নিরত হইলে, গোসহস্রদানের ফল লাভ হয় এবং চরমে  
 দিব্য ঘোনি প্রাপ্তি হইয়া থাকে ; স্বয়ং কার্তিকেয় প্রসন্ন  
 হইয়া, এই প্রকার নির্দেশ করিয়াছেন । দেবী ভগবতী  
 পুত্রপ্রীতির বশংবদ হইয়া, এবিষয়ে কার্তিকেয়ের অনু-  
 মোদন করেন । তদবধি কুমারকণ্ঠের অতুল মাহাত্ম্য প্রখ্যা-  
 পিত হইয়াছে এবং তদবধি দেব ও দেবীগণ সর্বদা তথায়  
 যাত্রায়াত করেন ।

## একবিংশত্যাধিকশততম অধ্যায় ।

—)\*++\*(—

ব্যাসদেব কহিলেন, ধর্মজ্ঞ সূতনন্দন ! অনন্তর সম্ম-  
হিত হইয়া, রুদ্রকোটিতে গমন করিবে । পূর্বে যেখানে  
এক কোটি ঋষি একত্র সমবেত হইয়াছিলেন । ঐ সকল  
তপোধন দেবদর্শনকামনায় পরমহর্ষাবিষ্ট হইয়া, আমি  
অগ্রে, আমি অগ্রে গিরিজাপতি ভবদেবকে দর্শন করিব,  
বলিয়া, নিতান্ত সমুৎসুক চিত্তে ঐকান্তিক আহ্লাদভরে  
তথায় প্রস্থান করেন । তৎকালে ঋষিগণের আনন্দকোলা-  
হলে আকাশ পাতাল প্রতিধ্বনিত হইয়াছিল । দেবগণ  
তাহা দেখিবার জন্য স্ব স্ব অনুষায়িক সমভিব্যাহারে প্রীতি-  
ভরে অন্তরীক্ষে সমাগত হইলেন । ঋষিগণ তথায় উপ-  
নীত হইলে, যোজ্ঞেশ্বর রুদ্র তৎকালে ষোণে অবলম্বন  
করিয়া, সেই নিযতচিত্ত তপোধনগণের শোকবিনাশ-  
কামনায় এককোটি রুদ্রের সৃষ্টি করিলেন । ঐ সকল রুদ্র  
মুনিগণের পুরোভাগে অধিষ্ঠিত হইয়া, পরস্পর আপনাকে  
পূর্বস্রষ্টা বলিয়া বিচার করিতে লাগিলেন । অনন্তর ভগবান্  
মহাদেব পরমতেজস্বী ঋষিগণের প্রতি প্রীতিমান হইয়া,  
এই বলিয়া সকলকে বর দিলেন, অদ্য প্রভৃতি আমার  
প্রসাদে তোমাদের ধর্মরুদ্ধি ও পুণ্যরুদ্ধি হইবে এবং অদ্য  
প্রভৃতি তোমাদের অক্ষয় লোকপরম্পরা অবিচ্ছিন্ন হইবে ।  
হে সূতজ ! শুচি হইয়া, সেই রুদ্রকোটিতে স্নান করিয়া,

পিতৃদেবগণের আরাধনা করিলে, অশ্বমেধযজ্ঞের ফল লাভ ও বংশের উদ্ধার করিতে পারা যায় ।

তৎপরে প্রযত ও সমাহিত হইয়া, সরস্বতীসঙ্গমে সমাগত হইবে । ঐ সঙ্গম সর্বলোকবিখ্যাত ও পরম পবিত্র । তথায় সিদ্ধগণ, সাধ্যগণ, চারণগণ ও ইন্দ্রাদি অমরগণ একত্রে সমবেত হইয়া, দেবদেব বাসুদেব উপাসনা করেন । চৈত্র শুরু চতুর্দশীতে তথায় অভিষেক করিলে, সদা বহু সুবর্ণ লাভ হয় ।

অনন্তর পরমপ্রশস্ত কুরুক্ষেত্রে গমন করিবে । তথায় গমনমাত্রে প্রাণিমাত্রেরই সমুদায় পাপবিগলিত হয় । অধিক কি, আমি কুরুক্ষেত্রে গমন করিব, আমি কুরুক্ষেত্রে বাস করিব, এই প্রকার উল্লেখ করিলেও সমুদায় পাপ মুক্ত হইয়া থাকে । হে মহামতে ! ধীমান্ পুরুষ তথায় সরস্বতী তীরে একমাস বাস করিবেন । ব্রহ্মাদি দেবগণ, সিদ্ধগণ, ঋষিগণ, চারণগণ, গন্ধর্ভগণ, অঙ্গরোগণ, যক্ষগণ, সুপর্ণগণ ও পন্নগগণ এই পরম পবিত্র কুরুক্ষেত্রে সর্বদা সমাগত হইবেন । এই জন্য কুরুক্ষেত্রের মাহাত্ম্য গৌরব সর্বত্র প্রথিত হইয়াছে । কলতঃ, কুরুক্ষেত্র নানাকারণে প্রথিত । মনেমনেও ইহার কামনা করিলে, মহাফল লাভ, সমুদায় পাপ বিনষ্ট ও ব্রহ্ম লোক প্রাপ্তি হইয়া থাকে । পূর্বে এই স্থানে কুরুপাণ্ডবগণের সুপ্রসিদ্ধ যুদ্ধ সংঘটিত হয় । ঐ যুদ্ধে উভয় পক্ষকে উপলক্ষ করিয়া, যে অষ্টাদশ অকৌহিনী শমনসদনে গমন করিয়াছিল, ভগবান্ বাসুদেবের সুপবিত্র দৃষ্টিপাতে তাহাদের সকলেরই উদ্ধার লাভ সম্পন্ন হয় । তিনি এই যুদ্ধের শেষপর্য্যন্ত তথায় অবস্থিতি করিয়া, যুদ্ধ পতিত

ব্যক্তিগণের পূজনীয় গতি বিধান করেন। যুতু্যসময়ে তদীয় স্বভাবসুন্দর বদনচন্দ্রমা দর্শন করিয়া, ব্যক্তিমাত্রেই অমৃত লাভ হইয়াছিল। অধিকন্তু, ভগবান্ জমদগ্নিতনয় সাক্ষাৎ জ্বলদগ্নিকণ্ঠা পরশুরাম পিতৃবধামর্ষে প্রদীপ্ত হইয়া, ক্ষত্রিয়কুল সংহার করিয়া, তাহাদের রুধিরে যে পঞ্চহুদ নির্মাণ করেন, সেই হুদপঞ্চক এই স্থানেই প্রতিষ্ঠিত আছে। তাহাদের নাম সমস্তপঞ্চক বলিয়া সর্বলোকে বিখ্যাতি লাভ করিয়াছে। পুণ্যসলিলা ঋষিনদী সরস্বতী এই স্থানে প্রবাহিতা হইতেছেন। এই সকল কারণে ইহার সর্বিশেষ মাহাত্ম্য ও পবিত্রকারিতা প্রখ্যাপিত হইয়াছে।

তৎপরে মচক্রুক নামে মহাবল দ্বারপাল যক্ষকে অভি-  
বাদন করিয়া, গোলহস্ত দানের কল লাভ করিবে। তথা  
হইতে তীর্থার্থী পুরুষ পরমসুখাবহ বিষ্ণুস্থানে গমন করি-  
বেন। যে স্থানে ভগবান্ বিষ্ণু সর্বদা সন্নিহিত আছেন।  
এই জন্ম উহার অন্যতরু নাম ভূগোলোক। ভগবতী কমলা  
স্বীয় পতি জগৎপতির প্রীতিকাম হইয়া, তথায় নিত্য অধি-  
ষ্ঠান করেন। তথায় অভিষেকান্তে ত্রিলোকভাবন হরির  
দর্শন করিলে, অশ্বমেধকল লাভ ও দেহাবসানে বিষ্ণুলোক  
প্রাপ্তি হইয়া থাকে। স্বয়ং পিতামহ কহিয়াছেন, যে  
ব্যক্তি মনে মনেও তথায় যাইব বলিয়া সংকল্প করে, তাহা-  
রও অভিমত সিদ্ধি স্পন্ন হয়, সেবিষয়ে কিছুমাত্র সন্দেহ  
নাই। এই স্থানে পুণ্যসলিলা স্রোতস্বিনী সকল প্রবাহিত  
হইতেছে। ঋষিগণ ও সিদ্ধগণ তাহাদের অতিশয় গৌরব  
ও পূজা করেন। তাহাদের তীরভূমি সর্বকালমনোহর ও  
সকল লোকের প্রীতি বহন করে।

তথা হইতে ত্রিভুবনবিখ্যাত পরিপ্লবে গমন করিবে। এই পরিপ্লব দেবগণের শ্রিয়ভূমি, সিদ্ধগণের প্রীতিস্থান ও ঋষিগণের পরমশ্রদ্ধাস্থান। এখানে গমনমাত্রে অগ্নিষ্টোম ও অতিরাত্র যজ্ঞের কল লাভ হয়। জিতেন্দ্রির ও জিতষড়-বর্গ হইয়া, অপবর্গকামনায় ইহার সেবা করিবে। তৎপরে পৃথিবীতীর্থে সমাগত হইবে। সর্বভূতধাত্রী ধরিত্রী ইহার প্রতিষ্ঠা করেন। দেবলোকেও ইহার প্রখ্যতি প্রায়মান হইয়া থাকে। প্রথিত আছে, পৃথিবী ইহার নির্মাণ পূর্বক পিতামহের সকাশে সমাগত হইলে, দেবদেব কমলযোনি সর্বভূতের অন্তর্যামিনী অসামান্য শক্তি সহায়ে বসুন্ধরার অভিপ্রায় অবগত হইয়া কহিলেন, বৎসে! যে ব্যক্তি তোমার প্রতিষ্ঠিত ঐ তীর্থে গমন করিবে, তাহার গৌমহস্ত-ফল লাভ হইবে। আমি সর্বদা দেবগণের সহিত তথায় সন্নিহিত থাকিয়া, উপাসকগণের অভিষ্ট পূরণ করিব। তোমার নামে উহার নাম প্রসিদ্ধ হইবে। পণ্ডিতগণ বলিয়া থাকেন, প্রতিপর্বে তথায় পৃথিবীর যাবতীয় পুণ্য-কেন্দ্র সমবেত হয়। দেবগণ তৎকালে বসুন্ধরার প্রীতি-সাধনক্ষণে তথায় আগমন করিয়া, ইতস্ততঃ বিচরণ করেন। তাঁহাদের শরীরসমুখিত শোভন গন্ধে চতুর্দিক আমোদিত হয়। ঐ সময়ে সুগন্ধি মলয়ানিল স্নহমন্দ প্রবাহিত হইয়া থাকে; চন্দ্রের জ্যোতিঃ নির্মূল ও পরমসুখস্পর্শ হয়; আকাশের অপূর্ব প্রতিভা প্রাহুভূত হইয়া থাকে। যাহাদের চিত্তবৃত্তি সংযত, ইন্দ্রিয়বর্গ বশীকৃত ও আত্মা পরমসমা-হৃত এবং মাহীরা নিম্পৃহ, নিরভিমান ও নির্লিপ্ত হইয়া, সর্বদা কায়মনে ভগবান্ বাসুদেবের সেবা করে, তাহারা



শুদ্ধসত্ত্ব সিদ্ধ পুরুষগণ ঐ সকল অদৃষ্টপূর্ব অপূর্ব দৃশ্য ভোগ করিতে সক্ষম । সামান্য মনুষ্যের দৃষ্টিতে তাহার দর্শনলাভ সম্ভব নহে । আমি শত শত বার এই তীর্থে গমন করিয়াছি । দেবী বসুন্ধরা জননীর ন্যায় অকপট প্রীতিভরে আমাদের বহন ও পোষণ করেন বলিয়া, ঐস্থান আমার সান্তিশয় প্রীতিকর । গৌতম, জাবালি, বশিষ্ঠ, বামদেব, শততপা, সহস্রপাদ, জাতুকর্ণি, লোমশ, ধোম্য, লোমপাদ, ঋষ্যশৃঙ্গ, আয়োদধোম্য, অত্রি, হারীত, শঙ্কুকর্ণ, বেদশিরা, দ্বিমূর্দ্ধা, বেদগর্ভ, শৌনক, শাতাতপ, এবং অন্যান্য ঋষিগণও আমার ন্যায় কৃতজ্ঞতা প্রদর্শন ও শুদ্ধি কামনায় তথায় সর্বদা গতয়াত করেন । পর্বসময়ে তথায় ঋণিলোকের, সিদ্ধলোকের ও দেবলোকের একত্র আবির্ভাব হইয়া থাকে, বলিলেও, অসম্ভব বা অত্যাশ্চর্য হয় না । তৎকালে তথায় শোভাসমৃদ্ধির একশেষ উপস্থিত হয়, ক্রিয়াযোগের চরমকাষ্ঠা লক্ষিত হয়, এবং জ্ঞানযোগেরও চূড়ান্ত কক্ষা আবির্ভূত হইয়া থাকে । ঐ সময়ে তথায় স্নান করিয়া, দান, ধ্যান ও অর্চনা করিলে, দেবী বসুন্ধরার প্রসাদে ও আদিদেব কমলযোনির অনুগ্রহে কোন কালে হ্রবস্থা ভোগ করিতে হয় না । হে ভগবতি বসুধাত্রি ! তুমি জননীর ন্যায় আমাদের বহন কর, এবং ঈশ্বরের ন্যায় আমাদের পালন কর । তুমি না থাকিলে, কেই বা আমাদের আশ্রয় প্রদান ও অনুগ্রহ করিয়া বহন করিত । অসং ভগবান্ সর্বভূতের সুখ নিলয় বিধান জন্য বরাহ রূপে অবতীর্ণ হইয়া, তোমাকে উদ্ধার ও স্থাপন করেন । তদবধি জীবগণ সুখসচ্ছন্দে বাস করিতেছে । হে দেবি ! হে ভগবতি !

আমি সর্বথা সুখবাসের অভিলাষে তোমারে নমস্কার করিতেছি ; তুমি প্রসন্ন হইয়া আমার কামনা পূরণ কর এবং আমার ন্যায় আমার সহজনি ও সহনাসী অন্যান্য জীবগণেরও বাসনা সফল কর । এইপ্রকার উল্লেখ করিয়া, পৃথিবী দেবীর পূজা করিলে, অভিমত সিদ্ধি সমাগত হয়, তাহাতে সন্দেহ নাই ।

তথা হইতে শালুকিনীতে গমন করিয়া, তীর্থসেবী ধীমান্ পুরুষ দশাশ্বমেধিকে অভিব্যেক করিলে, দশাশ্বমেধিক ফল লাভ করে । নাগগণের প্রশস্ত তীর্থ সর্পির্দেবী সমাগত হইলে, অগ্নিষ্টোমের ফল লাভ ও নাগলোক প্রাপ্তি হয় এবং কোন কালে সর্পভয়ে অভিভূত হইতে হয় না । পূর্বে নাগরাজ বাসুকি পিতামহ ব্রহ্মার প্রীতিসাধন জন্য এই সর্পির্দেবীর প্রতিষ্ঠা করেন । ব্রহ্মা সন্তুষ্ট হইয়া তদুপলক্ষে বক্ষামাণ বাক্যে বর দিয়া বলিয়াছিলেন, নাগরাজ ! আমি প্রতিপর্বে তোমার এই প্রতিষ্ঠিত প্রদেশে সমাগত হইব । অদ্যাবধি ইহার নাম নাগতীর্থ হইবে । যাহারা এখানে আগমন করিয়া, স্নান, দান ও ধ্যানাদি করিবে, তাহাদের তৎসমস্ত অক্ষয় ফল প্রসব করিবে, সন্দেহ নাই । আমিও সতত তাহাদের প্রতি প্রীতিমান থাকিব । অধুনা তুমি প্রস্থান করিয়া, দেবগণের ও আত্মীয়গণের কার্য সাধন কর ।

অনন্তর ধর্ম্মজ্ঞ পুরুষ দ্বারপালে গমন করিবে । তথায় এক রাত্রি বাস করিলে, গৌমহস্ত্র ফল লাভ হইয়া থাকে । তথা হইতে বিজিতেন্দ্রিয় ও পুণ্যার্থী হইয়া, পঞ্চনদে গমন ও কোটিতীর্থে উপস্পর্শ করিলে, অশ্বমেধ ফল প্রাপ্তি হয় ।

এবং অশ্বতীর্থে সমাগত হইলে, মনুষ্য রূপবান্ হইয়া থাকে, তাহাতে সন্দেহ নাই । তদনন্তর ধর্ম্যকামনায় পরম প্রসিদ্ধ বারাহতীর্থে গমন করিবে । ভগবান্ বিষ্ণু পূর্বে এই স্থানে বরাহরূপে অবস্থিতি করিয়াছিলেন । হে মতিমন্ ! তথায় যথাবিধি স্নান করিয়া, ভক্তি ও শ্রদ্ধাসহকারে ভগবান্ বরাহের স্তোত্রপাঠ-সহকৃত বিশিষ্টরূপ উপাসনা করিলে, অগ্নিষ্টোমের ফললাভ ও বিষ্ণুলোকপ্রাপ্তি হইয়া থাকে । হে ভগবন্ ! হে আদিপুরুষ ! হে কমলাপতে ! তোমার মহিমা নির্ণয় করা দুঃসাধ্য এবং চেষ্টাও অধ্যবসায় একান্ত দুর্ধিগম্য তুমি লোকমঙ্গলকামনায় আনায়াসেই ইতর-যোনি বরাহ রূপ ধারণ করিলে । সেই বরাহরূপী যজ্ঞ স্বরূপ তোমাকে নমস্কার । হে বরাহ ! অনন্ত কোটি ব্রহ্মাণ্ড তোমার লোমসমূহ, পাতাল তোমার পাদ, স্বর্গ তোমার মস্তক, আকাশ তোমার শরীরবিস্তৃত, চন্দ্র সূর্য্য তোমার দুই চক্ষু, অগ্নি তোমার শরীরবিনিঃসৃত তেজোরশির কণা-মাত্র, জগৎপ্রাণ সমীরণ তোমার শ্বাস প্রশ্বাস, পৃথিবী তোমার কটিদেশ, ধর্ম্য তোমার নাভি, সত্য তোমার বক্ষ, শান্তি তোমার দীপ্তি এবং ঋয় তোমার স্বভাব ; দয়া, সেই অনুকম্পা, ধৃষ্টি, পুষ্টি, তুষ্টি, ঋদ্ধি, জয়, বিজয়, কল্যাণ তৎকালে ক্ষেম, অভয়, ইত্যাদি তোমার চেষ্টা । তুমি হইলে, স্থিতিবিধান জন্য পৃথিবীর উদ্ধার করিয়া দিন গ্রহণ পূর্বক নমস্কার । হে আদিশূকর ! হে যজ্ঞপুরুষপবিত্র আয়তনরূপে আমি পাপে তাপে জর্জরিত, ও সন্তে ! তথায় অভিষেক বিক্রত, শোকে দুঃখে ছিন্ন ভিন্ন লাভ হয় । তৎপরে একহংসে দলিত ও বিচলিত এবং

ত্বদীয় পরমপবিত্র বিচিত্র তীর্থে শুদ্ধিকামনায় স্নান করি-  
তেছি, আর যেন আমাকে সংসারনরকের ক্রমি হইয়া, পরম-  
পাপ পরিবারের দাস হইয়া, এবং অন্ধ স্নেহ মমতায় বিচালিত  
ও ব্যাহত হইয়া, দুর্নিবার যন্ত্রণা সহ করিতে না হয় । হে  
মহাবরাহ ! তুমি মহামোহরূপ অন্ধকারের প্রদীপ্ত দিবাকর,  
দুঃখবিষাদ রূপ দুর্ভয় ব্যামোহের মূর্তিমান দিব্যৌষধ এবং  
পাপ তাপরূপ জীবন্মূর্তুর সাক্ষাৎ অমৃতরস । তোমাকে  
বারংবার নমস্কার করিয়া, আমি প্রয়তচিত্তে পুতমন  
ঐকান্তিক ভাবে ত্বদীয় পবিত্র তীর্থবরে গাঢ়তর মগ্ন হইতেছি,  
তুমি আমাকে উদ্ধার কর, উদ্ধার কর । হে আদিদেব !  
হে অনন্ত ! আমি মায়াপাশে বদ্ধ ও মোহজালে জড়িত  
হইয়া, সংসার রূপ অপার সাগরে একাকী অবসন্ন দেহে  
সন্তরণ পূর্বক যে যাতনাপরম্পরা ভোগ করিয়াছি এবং  
পাপীয়সী আশার দুর্ভয় দাসত্বযোক্ত্য বহন করিয়া, যে  
আপ্তান্তিক ধর্মপীড়া অনুভব করিয়াছি, তোমার প্রসাদে  
তৎসমস্ত যেন আমাকে পুনরায় আক্রমণ না করে । আমি  
সেই ভয়ে পুত্র দারাদি সমুদায় সংসার পরিহার, বিষয়  
তাৎপাদি সমুদায় বন্ধনচ্ছেদন এবং প্রীতি মমতাди সাক্ষাৎ  
আমিওদকল বিসর্জন করিয়া, তোমার পবিত্র আশ্রয়ে মরণ  
তুমি প্রহ্লাদকুল হৃদয়ে সমাগত হইয়াছি, তুমি স্বভাবসিদ্ধ  
কর । . . . প্রদর্শন করিয়া, পতিত আমাকে, পরিতাপিত  
অনন্তর ধর্ম্যুক্ত আমাকে ও হতভাগ্য আমাকে রক্ষা কর,  
এক রাত্রি বাস করিলে তাৎপলিপুটে অবনত মস্তকে বারংবার  
তথা হইতে বিজিতেন্দ্রিয় আমি তদ্বারাই প্রসন্ন হইয়া, আমাকে  
ও কোটিতীর্থে উপস্পর্শ করিলে, ২ দেবদেব ! হে আদিদেব !

দারুণ সংসারপিপাসায় আমার শরীর শোষ সমুপস্থিত হইয়াছে। সেইজন্য তোমার পরমপবিত্র পাদপদ্ম পরাগ-  
রেণু লেশ পানকরিয়া, জন্মের মত স্বস্থ ও শিবস্থ হইবার  
আশয়ে ত্বদীয় আশ্রয়ে সমাগত হইয়াছি। আমাকে কৃপা-  
পূর্বক রক্ষা কর, রক্ষা কর। হে নাথ! হে অধিপতে! যে  
তুমি অতীব গুরুভরা পৃথিবীকে অনায়াসেই উদ্ধার করিয়া,  
সলিলপৃষ্ঠে স্থাপন করিয়াছ, অতীবক্ষুদ্রভার ক্ষুদ্র আমাকে  
উদ্ধার করিতে সেই তোমার আয়াসস্বীকারের সম্ভাবনা  
কোথায়? আমি কেবল এই বিশ্বাসে ও এই সাহসে দুর্নিবার  
বিষাদ ভার কথঞ্চিৎ পরিহার করিয়া, ত্বদীয় সকাশে সমাগত  
হইয়াছি। তুমি আমাকে অনাথ জানিয়া, অসহায় জানিয়া  
ও পরমপাগশীল দুরাচার জানিয়া, নিজগুণে উদ্ধার কর,  
উদ্ধার কর। হে গুণময়! আদিবরাহ। তুমি যেরূপে পৃথি-  
বীর উদ্ধার করিয়াছ, সেইরূপে আমাকে উদ্ধার কর। নতুবা  
পাপাত্মা আমার উদ্ধারের উপায়বিরহ। ইত্যাদি পবিত্র  
বাক্যে বরাহের স্তব ও পূজা করিয়, তথায়, অভিষেক  
করিবে।

অনন্তর ধর্ম্যজ্ঞ পুরুষ পরমবিজয়শীল সোমতীর্থে সমা-  
বিষ্ট হইবেন। দেবগণ এই স্থানে সোমপান করেন। সেই  
জন্য তাদৃশ নাম প্রসিদ্ধ হইয়াছে। ভগবান্ চন্দ্রমা তৎকালে  
তাঁহাদের অগ্রণী হইয়াছিলেন। সোমপান সমাপ্ত হইলে,  
দেবগণ এক বাক্যে পিতামহের অনুমোদন গ্রহণ পূর্বক  
কহিয়াছিলেন, অদ্যাবধি এই স্থান পরমপবিত্র আয়তনরূপে  
সর্বত্র প্রসিদ্ধ হইবে। হে মহামতে! তথায় অভিষেক  
করিলে, রাজসুয়যজ্ঞের ফললাভ হয়। তৎপরে একহংসে

গমন করিবে । তথায় গমনমাত্রে গোসহস্রদানের পুণ্য সঞ্চয় এবং নিষ্কলুষ হইয়া, পুণ্ডরীকষজ্জের ফলপ্রাপ্তি হয় ।

তদনন্তর যুগ্মবট নামে মহাদেবের পুণ্যাশ্রমে সমাগত হইবে । এই স্থান নিরতিশয় পুণ্যজনক । স্বয়ং দেবাদি-দেব মহাদেব তথায় স্বগণসমভিব্যাহারে নিত্য সন্নিহিত বিরাজ করেন । ইন্দ্রাদি লোকপালবর্গ শুভতিথিতে সমাগত হইয়া, তাঁহার উপাসনা করেন । তৎকালে গন্ধর্বগণের সুমধুর গীতধ্বনির প্রতিধ্বনি নাতিস্পষ্ট সিদ্ধগণের শ্রেয়মাণ হইয়া থাকে । এবং বিবিধ দিব্যবাদিত্রের বিচিত্র শব্দলহরী ইতস্ততঃ ব্যক্তাব্যক্ত বিচরণ করে । তৎকালে সেই স্থানের অভূতপূর্ব রমণীয়তা সহসা প্রাদুর্ভূত হয় । তথায় একরাত্রি বাস করিলে, গাণপত্যলাভ হইয়া থাকে । তথায় যে বিশালাক্ষী যক্ষী প্রতিষ্ঠিতা আছেন, তিনি ত্রিলোক-বিখ্যাত । তাঁহার উপাসনা করিলে, সমুদায় কামনা সুসম্পন্ন হয় । এই যুগ্মবট প্রদক্ষিণ করিয়া, তীর্থসেবী মহামতি মানব পুষ্করগণের সঙ্গমস্থলে অভিষেক ও পিতৃদেবগণের তর্পণ করিলে, কৃতকৃত্য হইয়া, হয়মেধষজ্জের ফল প্রাপ্ত হইবেন ।

তদনন্তর তিনি রামহুদে গমন করিবেন । শুনিয়াছি, ভগবান্ পরশুরাম অসামান্য বীর্যবলে ও অতিমাত্র প্রদীপ্ত তেজঃ সহায়ে ক্ষত্রকুল নিশ্চূল করিয়া, পাঁচটি হৃদ প্রতিষ্ঠিত করেন এবং তৎসমস্ত ক্ষত্রগণের ক্রোধেরে পরিপূর্ণ করিয়া, পিতামহ ও পিতৃগণের তর্পণ করিয়াছিলেন । এই হৃদপঞ্চ রামহুদ বলিয়া বিখ্যাত । কেহ কেহ ইহাকে সমস্তপঞ্চক শব্দে নির্দেশ করেন । সেযাহাউক, হে মহামতে

ভাগ স্মৃত ! ভগবান্ জামদগ্ন্য এই রূপে তর্পণ করিলে, পিতৃ-  
গণ পরমতৃপ্ত ও সাক্ষাৎকারে উপস্থিত হইয়া, তাঁহাকে  
কহিলেন, অগ্নি মহাবীৰ্য্য রাম ! আমরা তোমার পিতৃভক্তি  
ও বলবীৰ্য্যে সাতিশয় সন্তুষ্ট হইয়াছি। তুমি আমাদের  
সন্তোষার্থে যেরূপ দুষ্কর সাধন করিয়াছ, তোমা ব্যতিরেকে  
আর কেহই এরূপ করিতে পারে কি না সন্দেহ। বৎস !  
তোমার এই সদনুষ্ঠান সর্বত্র প্রসিদ্ধ হইবে। এবং  
লোকমাত্রেই ইহাকে দৃষ্টান্ত রূপে গণনা করিবে।  
আশীর্বাদ করি, তুমি চিরজীবী হইয়া, কায়মনে এইপ্রকার  
সদনুষ্ঠানে নিত্যপ্রবৃত্ত হও এবং প্রার্থনা করি, তোমার  
ন্যায় সৎপুত্রের পিতা হইতে যেন সকলেই অভিলাষী হয়।  
তাহা হইলে, সংসারে সদনুষ্ঠানের সীমা থাকিবে না এবং  
তৎজন্য পুণ্যসমৃদ্ধির ও সুখসম্পত্তির ও একশেষ উপস্থিত  
হইবে। বৎস ! অধুনা তোমার এই সৎকার্য্যের প্রতিদান  
করিতে আমাদের ঐকান্তিক ইচ্ছা জন্মিয়াছে। অতএব  
তুমি অভিযত বর গ্রহণ কর। তোমার ন্যায় কুলধ্বজ ও  
বংশভূষণ গুণবান্ পুত্রকে আমাদের অদের কিছুই নাই।  
অতএব তুমি সংকোচত্যাগপূর্বক অতীষ্ট প্রার্থনা কর।

পিতৃগণ শ্রিয় বাক্যে এইপ্রকার কহিলে, মহাতপা রাম  
কৃতাজ্জলি ও বিনয়াবনত হইয়া, শান্ত মধুর সুন্দর বাক্যে  
কহিতে লাগিলেন, পিতৃদেবগণ ! আমি স্বকর্তব্য সাধন  
করিয়াছি। ইহাতে আবার গৌরবের বিষয় কি ও অভি-  
মানের অবসর কোথায় ! যে পুত্র পিতৃগণের সন্তোষ সাধন  
না করে, তাহার ন্যায় হতভাগ্য ও হতজন্মা কেহই নাই। সেই  
রূপ, যে পুত্র এইপ্রকার সন্তোষ সম্পাদন পূর্বক সপত্নী বা

গৌরব বোধ করে, তাহার গায় হতজন্মা ও হতভাগ্যও লক্ষিত হয় না । তথাপি, আপনাদের বাক্য শিরোধার্য্য । কেননা, পিতৃবাক্য পরিপালনই পুত্রের একমাত্র কর্তব্য কার্য্য । তাহার অকরণে প্রভূত প্রত্যবায় সম্ভবিত হইয়া থাকে । অতএব, আপনারা যদি প্রীত হইয়া, অনুগ্রহবিতরণে অভিলাষী হইয়া থাকেন, তাহা হইলে, এই বর দিন, আপনাদের প্রসাদে আমি যেন পুনরায় তপস্যায় প্রবৃত্ত হই । আমার যেন পূর্বদে প্রভূত ও অপ্রতিম ব্রহ্মনম্বন্ধি লাভ হয় এবং দুনিবার রোষভরে ক্ষত্রিয়বংশ ধ্বংস করিয়া, যে মহাপাতক সঞ্চিত হইয়াছে, আপনাদের বরদানপ্রভাবে আমার যেন সেই পাতক বিগলিত হইয়া যায় । অধিকন্তু, ক্ষত্রিয়গণের রুধিরে যে হৃদ পঞ্চ সন্নিবেশিত হইয়াছে, তৎসমস্ত যেন ত্রিলোকবিখ্যাত তীর্থ হয় । আমি একমাত্র ইহাই প্রার্থনা করি । ইহা ভিন্ন আমার অন্য বরে অভিলাষ নাই । দেখুন, আপনারা যে আমার প্রতি প্রীতিমান হইয়াছেন, ইহাই আমার পক্ষে অমূলভ ও মহান্ অনুগ্রহ । পুত্র এইপ্রকার অনুগ্রহই প্রার্থনা করিবে । কেননা, তাদৃশ অনুগ্রহেই তাহার স্বর্গ ও অপবর্গাদি যাবতীয় অভীষ্ট অধিষ্ঠিত হইয়াছে । তৎস্ব অভীষ্ট প্রসব করিতে এই অনুগ্রহই একমাত্র পর্য্যাপ্ত হইয়া থাকে । ভাবিয়া দেখিলে, ইহাই অমৃতং, ইহাই মোক্ষ, এবং ইহাই একমাত্র অমূলভ আশীর্বাদ, যে আশীর্বাদ পরলোকেও প্রবল হইয়া থাকে । এবং যে আশীর্বাদ সাক্ষাৎ নিত্যপুরুষ ভগবানের অনুমোদিত ।

মহাতপা রাম এইপ্রকার কহিলে, পিতৃগণ তাহা আবর্ণন



পূর্বক পূর্বাশ্রয় অধিকতর সন্তুষ্ট হইয়া কহিলেন, বৎস ভার্গব ! তুমি কুশলী হও ! তোমা দ্বারা আমাদের বংশ উজ্জ্বল, মুখ উজ্জ্বল, পরলোকপদবী নিরর্গল, এবং আত্মা সার্থক হইল। আমরা যথার্থ পুত্রবান্ হইলাম। এবং আমরা যে প্রার্থনা করিয়াছিলাম, তাহাও সার্থক হইল। বৎস ! তুমি যেরূপ পূজনীয়গুণসম্পন্ন, যেরূপ লোকোত্তর-জ্ঞানবিজ্ঞানবিশিষ্ট এবং যেরূপ অসামান্যবিদ্যাবুদ্ধিতে অলঙ্কৃত, তোমার বাক্য তদনুরূপ প্রশস্ত। ফলতঃ, তুমি সর্বথা আত্মসদৃশ মহৎ কার্য প্রয়োগ করিয়াছ। বলিতে কি, আমরা ইহা দ্বারা যেমন সন্তুষ্ট হইয়াছি, তোমার তর্পণ দ্বারা সেরূপ হই নাই। বুদ্ধিমান ব্যক্তির এই প্রকার বাক্য প্রয়োগ করাই কর্তব্য। প্রার্থনা করি, তোমার ঐদৃশ সদ্-বুদ্ধি যেন চিরকাল অব্যাহত থাকে ; তোমার জ্ঞানের যেন কোন কালেই ক্ষয় হয় না। এবং তুমি যাহা প্রার্থনা করিলে, তাহা সুসম্পন্ন হইবে। আমাদের প্রসাদে তোমার প্রতিষ্ঠিত হ্রদ সকল অক্ষয় তীর্থ রূপে পরিণত হইবে, তোমার তপঃসমৃদ্ধি উত্তরোত্তর নিরতিশয় বর্দ্ধিত হইবে ; এবং ক্ষত্রিয়হত্যাজনিত পাতকও বিগলিত হইবে। অধিকন্তু, তোমার অন্যান্য সমুদায় কামনাই সুসিদ্ধ হইবে, তাহাতে সন্দেহ নাই। এক্ষণে তুমি অতীর্ষ প্রদেশে গমন ও যথাসুখে তপস্যা কর। কখন কোন বিঘ্ন তোমাকে আক্রমণ করিতে পারিবে না। তোমার কীর্তি অক্ষয় হইবে, যশ অনন্তকালস্থায়ী হইবে এবং প্রতিপত্তি সর্বলোকে বিখ্যাত ও অবিদ্বন্দ্ব হইবে।

হে সূত ! ঐ সকল হ্রদে স্নান করিয়া, পিতৃগণের তর্পণ

করিলে, তাঁহারা প্রসন্ন হইয়া, হুল্লভ বর প্রদান পূর্বক অতীত পূরণ করেন। এইরূপে পিতৃগণের প্রসাদে ভার্গবের হৃদ সকল তীর্থ হইয়াছে। ব্রহ্মচারী হইয়া, তথায় অভিষেক করিলে, বহু সুবর্ণ লাভ হয়। পরমসিদ্ধ মহর্ষিগণ সর্বদা তথায় যাতায়াত করেন। তাহাদের অধিষ্ঠান বশতঃ কুরুক্ষেত্রের মহিমা বর্দ্ধিত হইয়াছে। দেবলোকেও তাহাদের গৌরব শুনিতে পাওয়া যায়। মনে মনেও তাহাদের অভিগমন করিলে, পিতৃদেবের প্রসাদ লাভে সমর্থ হওয়া যায়। এবং দেবতারা ও ঋষিগণ প্রসন্ন হইয়া থাকেন।

সুত কহিলেন, ভগবন্ সত্যবতীহৃদয়নন্দন! আপনি অসীম যোগবলে অতীত ঘটনা সকল প্রত্যক্ষ দর্শন করেন। এবং ঘটন্যমাণ বিষয় সকল বর্তমানের ন্যায় অনায়াসেই বলিতে পারেন। আপনার জ্ঞানচক্ষু বিশ্বব্রহ্মাণ্ডের অন্তর বাহির কুত্রাপি প্রতিহত হয় না। প্রত্যুত, অপ্রতিম ঐশী মায়ার ন্যায়, সর্বত্র অবলীলাক্রমে বিচরণ করিয়া থাকে। আপনি শাস্ত্র সকলের পারদর্শী, পুরাণ সকলের অভিজ্ঞ, ইতিহাস সকলের বিশেষজ্ঞ এবং ঘটনা সকলের যথাযথ তত্ত্বজ্ঞ। আপনার জ্ঞান বিজ্ঞানের সীমা নাই, বহুদর্শিতার অন্ত নাই। আপনি সাক্ষাৎ পিতামহের ন্যায় সর্বজ্ঞ, বৃহস্পতি অপেক্ষাও বুদ্ধিমান এবং স্বয়ং নারায়ণের অংশে প্রাহুভূত হইয়াছেন। সুতরাং আপনার কোন বিষয়ে জ্ঞানের অভাব নাই। অধিকন্তু, আপনি অজ্ঞানাস্থ জনগণের মোহাকারবিনাশ জন্য সাক্ষাৎ বিজ্ঞানমিহির রূপে অবতীর্ণ হইয়াছেন। আপনার প্রসাদে ও প্রভাবে

লোকের জ্ঞানচক্ষু বিকসিত হইয়াছে। সেই আপনি বলিতেছেন, ভগবান্ রাম যুদ্ধে কত্রিয়দিগকে জয় করেন। মহাতপা রাম পরমব্রহ্মনিষ্ঠ ও অতিমাত্রযোগশীল। সর্বদাই তপশ্চরণপূর্বক পরব্রহ্মের উপাসনা করিয়া, অপবর্গের অন্বেষণ করেন। তাঁহার অভিজ্ঞান ও অমর্ষের লেশ নাই। এবং হিংসা ও বিগ্নেহবুদ্ধির সম্পর্ক নাই। কত্রিয়গণ অপরাধী হইতে পারে, সন্দেহ নাই। কিন্তু তপস্বীর অস্ত্রগ্ৰেহণ ও যুদ্ধপ্রবৃত্তি নিরতিশয় বিস্ময়ের বিষয়। আপনার মুখে শ্রবণ করিয়া, আরও বিস্ময় ও কৌতূহল উপস্থিত হইতেছে। অতএব কিজন্য ও কিরূপে ভগবান্ রামের সহিত কত্রিয়গণের বংশবিনাশকর দারুণ যুদ্ধ উপস্থিত হয়, অনুগ্ৰহপূর্বক বর্ণন করুন। মহাতপা রাম সামান্য কারণে এই জুগুপ্সিত অনুষ্ঠানে প্রবৃত্ত হইবেন নাই। তাঁহার ক্রোধের কোন গুরুতর কারণ থাকিতে পারে, যে কারণ সহসা সংঘটিত হইবার সম্ভাবনা নাই। কেননা, তপোনিষ্ঠ ব্রহ্মগতি যোগাচারী পুরুষগণ ইতর লোকের ন্যায়, সামান্য কারণে ক্ষুণ্ণিত ও সহসা অন্যায় ব্যবহারে প্রবৃত্ত হইবেন না। তৃণাদি লঘুভার পদার্থ সকল বায়ুবেগে বিচলিত হইয়া থাকে, দেখিয়া, প্রস্তরাদির তদ্রূপতা কল্পনা করা উচিত হয় না। যাঁহারা লোকস্থিতি বিধান জন্য কায়মনে তপস্বী করেন, এবং সর্বদা লোকের ঐকান্তিক উপকার সমাধান জন্য স্বতঃ পরতঃ চেষ্টা করেন এবং কোন রূপে সেই উপকার করিবার সুযোগ প্রাপ্ত হইলে, তাহা কখনই পরিহার করেন না, তাঁহারা কিরূপে লোকের অমঙ্গল বিধানে প্রবৃত্ত হইতে পারেন, অনুভবেই উপস্থিত হইতেছে না। অতএব

অনুগ্রহপূর্বক যথাযথ কীর্তন করিয়া, আমার সন্দেহ নিরসন, কৌতুক নিরাকরণ ও অভিশাপ পূরণ করুন। বলিতে কি, আমার ঔৎসুক্য উত্তরোত্তর যতশক্ত বহিবৎ সন্মুক্ত হইতেছে।

## দ্বাবিংশত্যধিকশততম অধ্যায় ।

—)\* ++\*(—

ব্যাসদেব কহিলেন, শ্রুত! তোমার সন্দেহবিষয় অযথার্থ নহে। আকৌমার-ত্রক্কাচারী তপোনিরত ব্যক্তিগণ বালকের ন্যায় সরল প্রকৃতির অনুসরণ করেন। সংসারের কোন বিষয়ে কিছুমাত্র সম্পর্কযোগ অভ্যাস করেন না। তথাপি, মহাতপা রাম যে কারণে ক্ষত্রিয়বংশ ধ্বংস করেন, বলিতেছি, অবধান কর। ভৃগুবংশাবতংস মহাতাগ জমদ-গ্নিনন্দন সেই রামের চরিতকথা শ্রবণ করিলে, পরম পুণ্য সঞ্চয় হয়। অতএব আমি তাঁহার উৎকৃষ্ট ও মহৎ আখ্যান কীর্তন করিব, শ্রবণ কর। ভগবান্ রাম তৈহয়াদ্বিপতি কার্তবীর্য্য অর্জুনকে সংহার করেন। শুনিয়াছি, অর্জুনের সহস্র বাহু ছিল। এবং পরাক্রমের সীমা ছিল না। রাজর্ষি পরম ভক্তি সহকারে ভগবান্ দত্তাত্রেয়ের পরিচর্যা করেন। মহাতাগ দত্তাত্রেয় তদীয় উপাসনায় পরমপ্রীতিমান্ ও প্রসন্ন হইয়া, অনুগ্রহস্বরূপ কার্তবীর্য্যকে কাঞ্চননির্ম্মিত এক দিব্য বিমান প্রদান করেন। ঐ রথের গতি অব্যাহত ও বেগ

অসামান্য । তাহাতে আরোহণ করিলে, অনার্যাসে ত্রিলোকী  
 পরিক্রম করা যায় । হৈহয়পতি মহাপ্রভাব দত্তাত্রেয়ের  
 বরপ্রভাবে নিতান্ত দর্পিত ও একান্ত উদ্ধত হইয়া, অকুতো-  
 ভয়ে ও অসংকুচিত চিত্তে সেই কাঞ্চন রথে আরোহণ  
 করিয়া, সর্বদা সর্বত্র বিচরণ এবং দেব, দানব, যক্ষ, রাক্ষস  
 ও জিতেন্দ্রিয় ঋষিগণের উৎপীড়ন করিতেন । ঐশ্বর্যমদে  
 তদীয় চিত্তবৃত্তি একান্ত কলুষিত হইয়াছিল । তজ্জন্য তাঁহার  
 গুরু লঘু জ্ঞান তিরোহিত ও হিতাহিত বোধ বিদূরিত  
 হইয়াছিল । তিনি মত্তের ন্যায়, প্রমত্তের ন্যায়, যথেষ্ট  
 ব্যবহার করিতেন । কেহ প্রতিষেধ করিলে, অলস্ত অনলের  
 ন্যায়, রোষভরে যেন প্রজ্বলিত হইয়া উঠিতেন । তৎকালে  
 তাঁহার ত্রিনীমায় গমন করা কাহারও সাধ্য হইত না । ক্রমে  
 ক্রমে তদীয় অত্যাচারের একশেষ উপস্থিত হইলে, সমস্ত  
 প্রজালোক একান্ত ব্যাকুল হইয়া উঠিলে, দেবগণ ও ঋষিগণ  
 তদর্শনে একত্র সমবেত হইয়া, পরম্পরা যন্ত্রণা করিয়া,  
 দেবদেব মহাপ্রভাব জগৎপ্রভব জনার্দ্রনের সকাশে উপনীত  
 হইলেন । এবং বিনয়নত্র বেদগর্ভ মধুর বাক্যে স্তব করিয়া  
 কহিলেন, ভগবন্ ! আপনি প্রজাগণের জন্ম সময়ে রজো-  
 গুণ, স্থিতি সময়ে সত্ত্বগুণ এবং প্রলয় সময়ে তমোগুণ  
 আশ্রয় করিয়া থাকেন । এই জন্ম লোকে আপনার ত্রিবিধ  
 মূর্ত্তি কল্পিত হইয়াছে । ব্রহ্মা, বিষ্ণু, মহেশ্বর যথাক্রমে  
 ঐ ত্রিবিধ মূর্ত্তির অধিষ্ঠান । বাস্তবিক, আপনি এক ও অদ্বি-  
 তীয়, আপনার রূপভেদ কল্পনামাত্র । তথাপি, আমরা  
 ঐ ত্রিবিধ মূর্ত্তির নমস্কার ও উপাসনা করি । হে আদিদেব !  
 হে অচিন্ত্য ! আমরা আপনার অংশাংশ হইতে প্রাপ্ত হুঁত

হইয়াছি । সুতরাং আপনার অপার মহিমার কি জানিব ? আমরা কেবল এইমাত্র মহিমা অবগত আছি, যে, বিপদে পতিত হইলেই, আপনি তাহার উদ্ধার করেন । সে সময়ে আপনি ভিন্ন উদ্ধারের উপায়ান্তর নাই । হে বিষ্ণো ! হে জগৎপতে ! আমরা আপনার অমুগত ও পরমবশংবদ ভৃত্য । সর্বদা আপনার সেবা করিয়া, সময় যাপন করিয়া থাকি এবং যাহাতে পরমপ্রভু ও পরমপিতা পিতা আপনার প্রসাদলাভে সমর্থ হইয়া, পরমপুরুষার্ধ প্রাপ্ত হইতে পারি, তজ্জন্য সর্বদা চেষ্টা করি । কিন্তু দুর্ভাগ্য কার্তব্যার্থ্য আমাদের অভীষ্ট বিষয়ে সাক্ষাৎ অন্তরায় রূপে প্রাচুর্ভূত হইয়াছে । পাপাত্মা হৈহয় শুদ্ধ আমাদের নহে ; আপনার বহুযত্নরক্ষিত প্রজালোকেরও সর্বনাশ করিতেছে । সংসারের কেহই আর সুস্থ বা নিরুদ্বিগ্ন নহে । লোকের ধন প্রাণ রক্ষা হ্রাস হইয়া উঠিয়াছে । সংসারে বিপদের অভাব বা অসম্ভাবনা নাই, ইহা আমাদের বিলক্ষণ প্রতীত আছে । কিন্তু এই আপতিত বিপদ একান্ত দুর্নিবার ও অসহ হইয়া উঠিয়াছে । আপনি ব্যতীত এই বিপদের পরিহার করা অন্য কাহারও সাধ্য নহে । সেইজন্য ব্যাকুল ও উৎসুক হইয়া, রক্ষাকামনার আপনার সকাশে সমাগত হইলাম । অমুগত ও শরণার্থী আমাদের দিগকে নিজগুণে রক্ষা করিয়া, স্বকীয় অসীম মহিমা ও লোকোত্তর করুণাগুণগৌরব প্রদর্শন করুন । দুর্ভাগ্য ষেরূপ অত্যাচার আরম্ভ করিয়াছে, তাহাতে স্বপ্নকাল মধ্যেই প্রজালোক নিঃশেষিত হইবার ঐকান্তিক সম্ভাবনা । আমরা মূর্ত্তমান কৃতান্তের ন্যায় তাহার কঠোর দণ্ড সহ

করিতে কোন মতেই সমর্থ নহি। এবং হুরায়া যে তব প্রভাবে নিতান্ত উদ্ধাম ও নিরঙ্কুশ হইয়া, লোকসকল বিদ্রো-  
 বিত করিতেছে, সেই মহর্ষিদত্ত মহাপ্রভাব বরেরও কোন-  
 প্রকার প্রতিঘাত করিতে আমাদের সামর্থ্য নাই। অতএব  
 আপনি অমুকুল ও অভিমুখী হইয়া, স্বকীয় সৃষ্টি রক্ষা  
 করুন। এবং পাণ্ডায়া অর্জুনকে সংহার করিয়া, লোককণ্টক  
 বিনষ্ট করুন। মহর্ষি দত্তাত্রেয় না বুঝিয়া বরদান করিয়া-  
 ছেন, এবিষয়ে তাঁহার অপরাধ কি? পাপসহায় অর্জুন  
 উৎপথে প্রবৃত্ত হইয়া, সর্বথা তাঁহার অপমান করিয়াছে,  
 ইহাও তাহার গুরুতর অপরাধ। কেননা, আপনি লোক-  
 স্থিতিবিধানার্থে যে সকল মহাত্মার অবতারণা করেন, তাঁহারা  
 সাক্ষাৎ আপনার স্বরূপ। ঐ স্বরূপের বিরোধীমাট্রেই  
 সর্বথা দণ্ডার্থ। অন্ততঃ এই অনুরোধেও তাহাকে শাসন ও  
 প্রশমিত করুন। ভগবান্ জনার্দন শ্রবণ পূর্বক সকলকে  
 আশ্বস্ত করিয়া, দেবরাজ ইন্দ্রের সহিত অর্জুনবিনাশের  
 মন্ত্রণা করিতে লাগিলেন। অনন্তর এবিষয়ে অঙ্গীকার  
 করিয়া কাহিলেন, অর্জুন যেমন ঋষির বরে উদ্ধত ও উৎ-  
 পাতিক হইয়াছে, তদ্রূপ ঋষির হস্তেই আশু বিনষ্ট হইবে।  
 এই বিনাশ অবশ্যস্তাবী, অপ্রতিবিধের ও আশু ভবিষ্যমাণ  
 হইয়াছে। পাপ করিয়া কেহ কখন পরিহার প্রাপ্ত হয়  
 না। পাপের ফল অধঃপাত ও অপমৃত্যু। অতএব ঋষির  
 সম্মানরক্ষার্থে প্রতীক্ষা করা কর্তব্য। আমি স্বহস্তে এই  
 মুহূর্ত্তে তাহাকে বিনাশ করিতে পারিতাম। কিন্তু দত্তাত্রেয়  
 আমারই অংশ। অতএব তোমরা সময় প্রতীক্ষা কর।  
 এই বলিয়া তিনি সকলকে বিদায় করিলে, তাঁহারা অর্জুনকে

মৃত বলিয়া বোধ করত, স্ব স্ব স্থানে প্রতিপ্রস্থান করিলেন ।

ঐ সময়ে কান্যকুঞ্জে সৰ্বলোকবিখ্যাত গাধি নামে মহাবল রাজা ছিলেন, তিনি কোন কারণে অরণ্যবাস আশ্রয় করেন । তথায় তাঁহার অপ্সরাপ্রতিম এক সৰ্বাঙ্গসুন্দরী কন্যা সমুদ্ভূত হয় । ঐ কন্যার রূপসম্পত্তি অলোকসামান্য । স্বয়ং রতিও তাহার নিকট তিরস্কৃত হয় । তাহার বদন-চন্দ্রমার অপূৰ্ব সৌকুমার্য ত্রিভুবনের আশ্চর্যভূত হইয়াছিল । হিংস্রজন্তুদিপরিপূর্ণ অরণ্যের কথা কি, সচরাচর অমরেন্দুপম নগরাদিতেও তাদৃশ অমূল্য রূপরাশির সম্ভাব দেখিতে পাওয়া যায় না । কাচমাণির আকরে পদ্মরাগের ন্যায়, উষরভূমিতে শালিলতার ন্যায়, বিজন অরণ্যপ্রান্তরে ঐ কন্যা জন্ম গ্রহণ করে । কিন্তু পুষ্পের মৌরভের ন্যায়, গুণের গৌরব কখন লুক্কায়িত হইবার নহে । পুষ্পলোভী মধুকরের ন্যায়, রূপলোভী ব্যক্তিগণ স্বপ্নকালমধ্যেই তাহা অবগত হইল । এমন কি, ভৃগুবংশাবতংস মহর্ষি ঋচীক স্বয়ং সমাগত হইয়া, তাহার প্রার্থনা করিলেন । রাজা মহর্ষিকে সমাগত দর্শন করিয়া, প্রথমতঃ সাতিশয় বিস্মিত হইলেন । পরে কন্যার লোকোত্তর রূপগরিমা পরিকলন করিয়া, সেই বিস্ময় বিপুল আনন্দরূপে পরিণত হইল । তখন তিনি আপনাকে সবিশেষ সৌভাগ্যশালী বোধ করিয়া, বিনয়নম্র মধুর বচনে মহর্ষিকে কহিলেন, ভগবন্ ! আপনার ন্যায় সৎপাত্রে কন্যা সম্প্রদান করিতে কাহার না অভিলাষ হয় ? লোকে যে যে পাত্রগুণের কামনা করে, আপনাতে তাহার অভাব নাই । আমার কন্যার রূপ যেমন অসামান্য, আপনার গুণরাশিও



তদ্রূপ লোকোত্তরস্বভাববিশিষ্ট । সুতরাং, কন্যাদানে কিছু মাত্র আপত্তি নাই । কিন্তু প্রতিজ্ঞাপালন পুরুষের অবশ্য-কর্তব্য পরমধর্ম । তদনুসারে আপনাকে শুল্ক প্রদান করিতে হইবে । পাণ্ডুবর্গসহস্র অশ্ব কন্যার শুল্ক নিরূপিত করি-য়াছি । ঐ সকল অশ্বের এক দিকের কর্ণ শামবর্গ হইবে । যে ব্যক্তি তাদৃশ শুল্ক আহরণ করিতে পারিবে, তাহাকেই কন্যা সম্প্রদান করিব ।

ঋগীক শুনিয়া কহিলেন, রাজন্ ! তজ্জন্ম চিন্তা নাই । আমি তথাবিধ অশ্বসহস্র আহরণ করিব । আপনি প্রস্তুত হইয়া থাকুন । আপনার বাক্য যেন সত্য হয় । এবং সত্যবতী যেন আমার ভার্য্যা হইয়েন । এইপ্রকার প্রতিজ্ঞা করিয়া তিনি অশ্বের আহরণে গমন করিলেন । সলিল-পতি বরুণের সকাশে সমাগত হইয়া, তাঁহার নিকট অশ্ব সকল প্রার্থনা করিলেন । বরুণদেব পরমপ্রীত চিত্তে ঘোটক প্রদান করিয়া, কহিলেন, ভগবন্ ! আপনার ন্যায় মহাভাগ মহাত্মা লোক যাহার নিকট প্রার্থী রূপে সমাগত হয়, তাহার সৌভাগ্যের সীমা নাই । যাহারা ভবাদৃশ-সৎপাত্রে দান না করে, তাহাদেরও ধনসম্পদ নিতান্ত অসার ও অকিঞ্চিৎ । অদ্য আপনাকে দান করিয়া, আমার ঐশ্বর্য্য সার্থক ও জলাধিপত্য অদ্বর্ষ হইল । কলতঃ, যাহারা লোকো-পকার সংবিধান জন্য, সদ্দৃষ্টান্ত প্রদর্শন করিবার জন্য, ধর্মু ও তপস্যার সমৃদ্ধি সমাধান জন্য এবং সত্য ও শান্তির পরি-পালন জন্য জন্মগ্রহণ করেন, সেই পুরুষপ্রভাব ও পরম-পূজ্য ঋষিবংশের কয় না হয়, ইহা সকলেরই প্রার্থনীয় । আপনার ন্যায় মহাভাগ ব্যক্তি পরিণয় দ্বারা বংশপরম্পরা

বিস্তৃত করিতে অভিলাষী হইয়াছেন, ইহা সংসারের পরম সৌভাগ্য, বলিতে হইবে । এই বলিয়া তিনি মহর্ষিকে ঘোটক সহিত বিদায় করিলেন । মহাতপা ঋচীক অশ্বলাভে নিরতিশয় হর্ষিত হইয়া, বরুণদেবকে যথারীতি সন্তানগ করিয়া, তৎক্ষণাৎ সেই সকল ঘোটক সমভিব্যাহারে উস্থিত হইলেন । এই রূপে ঘোটক সকল উস্থিত হয়, বলিয়া, সেই স্থানের নাম অশ্বতীর্থ হইয়াছে । সে যাহা হউক, মহাতপা ঋচীক ঘোটক সমভিব্যাহারে সমাগত হইলে, মহীপতি গাধি অভিমাত্র প্রহৃষ্ট হইয়া, ধর্ম্মানুসারে বিধিপূর্বক তাঁহাকে স্বকীয় দুহিতা সত্যবতী সম্প্রদান করিয়া, কৃতকৃত্য বোধ করিলেন । তপোধন ভার্গব সত্যবতীকে ভার্য্যালাভ করিয়া, পরমপ্রীতিতরে তদীয় সমভিব্যাহারে বহুবৎসর যথাসুখে বিহার করিলেন । পতিপত্নী উভয়ের প্রীতির সীমা রহিল না । ঋচীক যেরূপ অভিমত পত্নী লাভে পরম প্রীতিমান হইলেন ; সত্যবতী সেইরূপ অভিমত পতি লাভে ততোধিক হর্ষশালিনী হইয়া, কায়মনে তদীয় পরিচর্যায় প্রবৃত্ত হইলেন । যে সকল গুণ থাকিলে, স্ত্রীজাতির গৌরববৃদ্ধি ও প্রতিষ্ঠা সম্পন্ন হয়, সত্যবতীতে তাহার অধিক ভিন্ন কোন অংশে কিছুমাত্র স্থানতা ছিল না । তাঁহানের পরম্পর যোগে অভিমাত্র শোভার আভির্ভাব হইয়াছিল । উভয়েই উভয়ের হিতকামনার প্রবৃত্ত হইয়া, ঐকান্তিক চিত্তে পরম্পর সুখদুঃখ বিনিময় করত সাক্ষাৎ নির্মল দাম্পত্যপ্রণয়ের ন্যায়, দর্শকগণের ও শ্রোতৃবর্গের মনোহরণ করিতেন । এক দিন এক কণের জন্যও পরম্পরের ঘৃণাকর বিরোধও লক্ষিত হয় নাই । হে স্মৃত ! সত্যবতী যেরূপ

সতীত্বের পরাকাষ্ঠা, ঋচীক তদ্রূপ সাধুতার অদ্বিতীয় নিদর্শন ।

ঋচীকের পিতা পুত্রের এইপ্রকার অভিমত পত্নীলাভ-ঘটনা শ্রবণ করিয়া, যার পর নাই সুখী হইলেন । সপত্নীক পুত্রের দর্শন জন্য তদীয় চিত্তবৃত্তি একান্ত উৎসুক হইয়া উঠিল । তিনি তাহার বেগধারণে অসমর্থ হইয়া, তথায় আগমন করিলেন । এবং পুত্রবধূকে অভিমতগুণশালিনী দর্শন করিয়া, নিরতিশয় হর্ষাবিক্ত হইয়া, পিতার যতদূর ক্ষম্য, তাহা অপেক্ষা অধিকতর আশীর্বাদ প্রয়োগ পুরঃসর গদগদ বাক্যে কহিলেন, বৎস ঋচীক ! বৎস সত্যবতি ! চন্দ্র ও পূর্ণিমার ন্যায়, বিষ্ণু ও লক্ষ্মীর ন্যায়, তোমাদের শুভযোগ দর্শন করিয়া, অদ্য আমার নয়ন সার্থক হইল । অলৌকিক সৌভাগ্যক্রমেই তোমাদের পরম্পর শুভসংযোগ সংঘটিত হইয়াছে । আশীর্বাদ করি, কোন কালেই যেন চন্দ্রের সহিত পৌর্ণমাসীর ন্যায় তোমাদের বিচ্ছেদ সংঘটিত না হয় । তোমাদের উত্তরোত্তর-বর্দ্ধমান পরমবিশুদ্ধ দাম্পত্য দর্শন করিয়া, লোকে যেন তাহার অনুকরণ করে । ঈশ্বর যেন কোন কালেই তোমাদের মৃত্যু প্রেরণ না করেন ; একমাত্র অমৃত যেন তোমাদিগকে আশ্রয় করে । তোমাদের চিত্তবৃত্তি যেন কোন কালেই অপ্রসন্ন না হয় । সত্য ও ধর্ম যেন সর্বকাল তোমাদের সহায় হয়েন । এবং শান্তি যেন পরম স্নেহময়ী জননীর ন্যায়, তোমাদিগকে চিরকাল ক্রোড়ে বহন করেন । অনন্তর তিনি স্ত্রীকে কহিলেন, বৎসে ! তুমি সাতিশয় বুদ্ধিমতী ও গুণবতী, স্বামির প্রতি কিরূপ ব্যবহার করিতে হয়, তাহা তোমাকে উপদেশ

করিতে হইবে না । তথাপি, গুরুজনেরা স্নেহের পাত্রকে উপদেশ করিয়া থাকেন । অতএব আমার বাক্যে অবধান কর । তুমি রাজপুত্রী, চিরকাল পরমদুর্লভ ভোগসুখে ষাপন করিয়াছ । তোমার পিতার গৃহে কিছুই অভাব নাই । চিরকাল দাসদাসীতে পরিবেষ্টিত হইয়া, তোমার সুখময় সময় অতীত হইয়াছে । মাদৃশ নিষ্কলন তপস্বীর গৃহে তাদৃশ সুখ ও তাদৃশ ঐশ্বর্যের সম্ভাবনা কোথায় ? অতএব আমাদের যদৃচ্ছালক ফল মূলে তোমার যেন সেই রাজতৃপ্তি সমুপস্থিত হয় । অদ্যাবধি তুমি তপস্বিনী হইলে ; সুতরাং বিষয়ীর সুখসচ্ছন্দ অদ্যাবধি তোমার দূরতরে গমন করিল । এই পর্ণনির্মিত জীর্ণ কুটির যেন তোমার সেই রমণীয় পিতৃগৃহের মমতা দূর করিতে সমর্থ হয় । আর তুমি সেই রাজকুমারী নাই, ইহা যেন সর্বদা স্মৃতিপথে স্মরণ থাকে । স্বামী কোন কারণে কদাচ ক্রুদ্ধ হইলে, শান্ত মধুর কোমল বাক্যে তাঁহার সান্ত্বনা করিবে । কদাচ যথা অভিমানিনী বা অসহমানা হইয়া, প্রতিরোধে প্রবৃত্ত হইবে না । সর্বদা স্বামীর সন্তোষ বিধান করাই পতিব্রতের লক্ষণ । অথবা, তোমার ন্যায় গুণবতী ললনাকে অধিক বলিবার আবশ্যক নাই । একগুণে অভিমত বর গ্রহণ কর । আমি তোমার দর্শনে অতিমাত্র সন্তুষ্ট ও সন্তোষিত হইয়াছি । . তোমাকে আমার অদেয় কিছুই নাই ।

সত্যবতী সাক্ষাৎ দেবকম্প শ্বশুরকে স্বয়ং সন্তুষ্ট দর্শন করিয়া, কৃতকৃত্য বোধ করিলেন এবং প্রফুল্ল মনে ও গদগদ বাক্যে কহিলেন, তাত ! যদি প্রসন্ন হইয়া থাকেন, তাহা হইলে, আমি ও আমার জুননী উভয়েই যেন

পুত্রমুখদর্শনে সুখী হইতে পারি । আপনার আশীর্ষাদে মদীয় জনকজননীর কোন সুখেরই অভাব নাই । কিন্তু একমাত্র পুত্র বিরহে তাঁহাদের সকল সুখ বিফল হইয়াছে । পিতা মাতাকে সুখী ও সন্তুষ্ট করা পুত্রের অবশ্যকর্তব্য পরম ধর্ম । আমি সেই ধর্মের অবশ্যপ্রতিপাল্য সর্বলোক বরণীয় দুঃশ্চদ্য অনুরোধ পালিহারে অসমর্থ হইয়া, ক্লান্তাঞ্জলিপুটে সবিনয় সোৎসুক বাক্যে প্রার্থনা করিতেছি, যদি তজ্জন্য আমাকে পুত্রলাভে বঞ্চিত হইতে হয়, তাহাতেও আমার কিছুমাত্র ক্লেশ বা মনোহানির আশঙ্কা না করিয়া, আপনি শুদ্ধ জননীর অভিলাষ পূরণ করুন । শুনিয়াছি, গুরুলোকের ও দেবলোকের দর্শন কখন ব্যর্থ হয় না । অতএব অদ্য আমি নিশ্চয়ই চিরসঞ্চিত মনোরথ লাভে কৃতার্থম্ভ্য হইব, তাহাতে অণুমাত্র সংশয় নাই । ভাগ্যক্রমেই অদ্য পরম অভীষ্ট দেব আপনার শুভ সাক্ষাৎকার সংঘটিত হইল ।

ভার্গব এই বাক্যে পূর্বাপেক্ষা অধিকতর সন্তুষ্ট হইয়া, প্রীতি চিত্তে কহিলেন, বৎসে ! সতী স্ত্রীগণের ষেরূপ বিশুদ্ধ বাক্য প্রয়োগ করা সমুচিত, তোমার তাহাতে কিছুমাত্র ত্রুটি লক্ষিত হয় না । আমি তোমার পিতৃভক্তিতে নিতরাং প্রীতীলাভ করিলাম । বলিতে কি, যাহার! পরমদেবতা-স্বরূপ পিতামাতার প্রতি অকৃত্রিম শ্রদ্ধা প্রীতি প্রদর্শন করে এবং সর্বদাই কায় মনে তাঁহাদের অকপট পরিচর্যায় স্ব স্ব প্রাণ মন সমাহিত করিতে কোন মতেই বিমুখ না হয়, দেবগণ অতিমাত্র প্রসন্ন হইয়া, স্বয়ং প্ররতি বিধান পূর্বক তাহাদের অভিমত সিদ্ধি সম্পাদন ও পরলোকসমৃদ্ধি সাধন

করিয়া থাকেন, এবিষয়ে কিছুমাত্র সন্দেহ নাই । অত-  
এব তোমার মনোরথসিদ্ধির কিছুমাত্র ব্যাঘাত নাই । তুমি  
ও তোমার জননী তোমরা উভয়েই মনোমত পুত্র লাভ  
করিবে । বৎস ! ঋতুকাল সমাগত হইলে, তুমি ও তোমার  
জননী পুত্রপ্রসব জন্য পৃথক্ পৃথক্ বৃক্ষ আলিঙ্গন করিও ।  
তুমি স্বয়ং ডুমুর বৃক্ষ আর তোমার জননী অশ্বথ আলিঙ্গন  
করিবেন । আর এই চরুদ্বয় তোমার ও তোমার জননীর  
জন্য গ্রহণ কর । উভয়ে পরম যত্ন পূর্বক এই চরু ভক্ষণ  
করিও ; অভিমতপুত্রলাভে সমর্থ হইবে । এই বলিয়া  
মহর্ষি দর্শনপথ পরিহার করিলেন । সত্যবতী শ্বশুরদর্শন-  
জনিত-সন্ত্রমবশতঃ নিতান্ত মুগ্ধচিত্ত হইয়াছিলেন । তাহাতে  
আবার যুগপৎ আপনার ও জননীর উভয়েরই অভীষ্ট  
সাফল্য হইবে, এই চিন্তায় তাঁহার নিরতিশয় আত্মবিস্মৃতি  
উপস্থিত হইয়াছিল । সুতরাং তিনি মহর্ষির বাক্যবিস্মরণ  
পূর্বক আলিঙ্গন ও চরুপ্রাশন উভয়েরই বিপর্যয় করিলেন,  
অর্থাৎ তিনি স্বয়ং অশ্বথ আলিঙ্গন ও জননীর চরু ভক্ষণ  
করিয়া ফেলিলেন । বহুকাল পরে মহর্ষি ভূগু দিব্যজ্ঞান  
প্রভাবে এই ব্যাপার অবগত হইয়া, তথায় সমাগত হইলেন  
এবং শাস্ত মধুর স্তম্ভর বাক্যে বধকে সন্মোদন করিয়া কহি-  
লেন, বৎস ! তুমি আপনার দোষে আপনি বঞ্চিত হইয়াছ ।  
তুমি না জানিয়া, জননীর চরু ভক্ষণ ও অশ্বথ আলিঙ্গন  
করিয়াছ । এই বিপর্যয় প্রযুক্ত তোমার গর্ভে কৃত্রিয়াচার  
ব্রাহ্মণ পুত্র জন্ম গ্রহণ করিবে । আর তোমার জননীর যে  
পুত্র জন্মিবে, ঐ পুত্র কৃত্রিয় কিন্তু ব্রাহ্মণাচার হইবে ।  
এবিষয়ে আমার অপরাধ নাই । সত্যবতী শুনিয়া অতিমাত্র

দুঃখিতা হইলেন। কিন্তু গত বিষয়ের অনুশোচনার প্রয়োজন নাই ভাবিয়া, শোকত্যাগপূর্বক আপতিত ক্রটির পরিহারবাসনায় শ্বশুরকে বারংবার প্রসন্ন করিতে লাগিলেন। মহর্ষি ভৃগু যুধুবাক্যে কহিলেন, বৎসে! আমি সর্বকাল তোমার প্রতি প্রসন্ন আছি এবং সর্বদাই কায়মনে তোমার ঐকান্তিক কল্যাণ কামনা করিয়া থাকি। কিন্তু দৈবনির্ভঙ্ক অপরিহার্য, যাহা ঘটিয়াছে, কোন মতেই তাহার পরিহার-প্রাপ্তির সম্ভাবনা নাই। অতএব তুমি অশ্রুবার প্রার্থনা কর। সত্যবতী এই বাক্যে কথঞ্চিৎ স্বস্থ হইয়া নতি-হর্ষিত উৎসুক ভাবে কহিলেন, ভগবান! আমার পুত্র কত্রিয়াচার হউক, আপনকার বাক্য সত্য হউক, তাহাতে আমার অনুশোচনা নাই। কিন্তু পৌত্র যেন ব্রহ্মনিষ্ঠ ব্রাহ্মণ হয়। তাহা হইলেই আমি মনোরথের পার প্রাপ্ত হইব। বিধিকৃত কখনই অন্যথা হইবার নহে। অদৃষ্টের গতিও পরিবর্তিত করা সহজ নহে। কর্ণের ফলও একান্ত দুর্ভিত্তব্য। তজ্জন্য আপনার বাক্য মিথ্যা করিতে যত্ন করা উচিত নহে। যাহা ঘটিয়াছে, আমারই দুর্দৃষ্টের পরিণাম, সন্দেহ নাই। আমি যদি সাবধান হইতাম, তাহা হইলে, এক্রপ ঘটনা কদাচ সম্ভব হইত না। এইজন্য পণ্ডিতগণ সকল বিষয়েই সর্বথা সাবধান হইতে উপদেশ করেন। কেননা, সাবধানে কখন বিনাশ নাই। অধুনা, আপনি ইতিকর্তব্যতা বিধান করিয়া, আমার পরিতাপ নিবারণ করুন। ভৃগু সম্মুখে হইয়া, পূর্ববৎ শান্ত বাক্যে কহিলেন, বৎসে! শোক পরিত্যাগ কর। ভ্রম প্রমাদ, লোকের স্বভাবসিদ্ধ। ভবিত্রব্যতার প্রভাবও অপ্রতিহত। শতশঃ সাবধান হইলেও বিপাদে

পতিত হইতে হয় । কেননা, এরূপ অনেক আগল  
বিপদ আছে, যাহা ক্রমে ক্রমে বা স্বপ্ন বশেও কল্পনার  
পথে উপনীত হয় না । লোকে ঐ সকলের জন্য কিরূপে  
সাবধান হইতে পারে? অতএব ধৈর্য্য অবলম্বন পূর্বক শুভ্র  
বিপদ সহ্য করাই বুদ্ধিমানের কার্য্য । যে বিপদের কোন-  
প্রকার প্রতিকার সম্ভাবনা নাই, অধীরতায় তাহার কি  
হইতে পারে? অধীর হইলে, তাহার বেগ বৃদ্ধি হয় ।  
এইজন্য জ্ঞানপণ্ডিত সাধুগণ বিপদে ধৈর্য্য ধারণ  
উপদেশ করেন । তোমার ন্যায় বুদ্ধিমতী রমণীরা কখন  
বিপদে অধীর হয়েন না । পর্বত সর্বদা ধীর বলিয়া বায়ু-  
বেগে বিচলিত হয় না । অতএব গতানুশোচনা ত্যাগ  
কর । যাহা প্রার্থনা করিলে, তাহা সিদ্ধ হইবে, পৌত্র  
ব্রাহ্মত্যাচার হইবে, তাহাতে সন্দেহ নাই । এই বলিয়া তিনি  
অভিমত দেশে প্রস্থান করিলেন ।

এদিকে সময় সমুপস্থিত হইলে, সত্যবতী যথাকালে  
জমদগ্নি নামে জ্বলদগ্নিকল্প এক সুকুমার কুমার প্রসব  
করিলেন । ঐ পুত্র সাতিশয় তেজস্বী ও দিনদিন সমৃদ্ধি-  
মান হইতে লাগিলেন । সমুদায় বেদ ও ধর্ম্মবেদ যুগপৎ  
তাঁহার প্রতিভাত হইয়া উঠিল । তিনি যুগপৎ যুক্তিমতী  
তপস্যা ও সাক্ষাৎ সংযুগের ন্যায়, সাতিশয় গৌরব বহন  
করত সর্বলোকের ভয় সম্বন্ধে বিষয়ীভূত হইলেন । এবং  
এক কালে চন্দ্রাদিত্য বৎ প্রতিভাত হইয়া অপূর্ব বিস্ময়া  
রসের অবতারণা করিলেন । তিনি আশ্রমে থাকিয়া  
জননীর সহিত তপস্যা করিতে লাগিলেন । সত্যবতী  
সর্বদাই পুত্রের প্রতি আশুকুল্য প্রদর্শন করিতেন । জননীর



সাহায্যে তদীয় তপঃসমৃদ্ধি দিন দিন বৃদ্ধিমতী হইতে লাগিলেন । কাল সহকারে তদীয় ঔরসে রেণুকার গর্ভে পাঁচ পুত্রের জন্ম হইল । তন্মধ্যে ভগবান রাম সর্বকনিষ্ঠ তাঁহার। সকলেই পিতার সদৃশ তপস্বী ছিলেন । এবং তাঁহাদের তেজঃ ও তপোবীৰ্য্য অতুলিত ছিল । তাঁহাদের আবির্ভাবে পৃথিবীতে যেন ষট্ সূর্যের উদয় হইয়াছিল। সকলেই বেদবেদান্তে পারদর্শী মহর্ষি ছিলেন । একদা তাঁহার। একত্রিত হইয়া, ফলমূল আহরণার্থে অরণ্যে প্রবেশ করিলে, নিয়তাত্রতা রেণুকা স্নান করিতে গমন করিলেন । গম্যসময়ে পশ্চিমধ্যে ষড়্ছাত্ত্রমে সমাগত গন্ধর্বরাজ চিত্ররথ তদীয় দর্শনগোচরে পতিত হইলেন । চিত্ররথের রূপসম্পত্তির সীমা নাই । তিনি দেখিতে পরম সুকুমার এবং সাক্ষাৎ সৌন্দর্যের অবতার । তাঁহার রূপ ও মনোহারিতা জগদ্বিখ্যাত । রেণুকার ঞ্চায় মুগ্ধস্বভাব। ললনা তাহার বশবর্তী হইবে, আশ্চর্য্য কি ? ফলতঃ পরম-ঋদ্ধিদান্ চিত্ররথকে দেখিবামাত্র রেণুকা চিত্তবৃত্তি সাতিশয় স্পৃহয়ালু হইয়া উঠিল । তিনি কোন মতেই বেগ ধারণে সমর্থ হইলেন না । কোথায় অতিবিলাসী চিত্ররথ, আর কোথায় বা তপস্বিন রেণুকা । দৈবের অসাধ্য কিছুই নাই । অদ্য নিশ্চয়ই ভাগ্যবিপর্ক্যর বশতঃ রেণুকার তাদৃশ অসম্ভাবিতপূর্ব মতিবৈষম্য উপস্থিত হইয়াছিল । নতুবা, আজন্ম তপস্বী বনবাসীর মনে ইতরমূলভ-বিকার সঞ্চারিত হইবে কেন ? যাহা হউক, জলের স্বভাব স্নিগ্ধতা, তাহা কোন কারণে উষ্ণ হইলে, কত কণ তদবস্থ থাকিতে পারে ? বুদ্ধিমতী রেণুকা পরক্ষণেই আপনার দারুণ

ব্যতিক্রম জানিতে পারিলেন । এবং সঙ্গে-সঙ্গে অবশ্য-  
স্ত্রাবী অধঃপাতও জানিতে পারিলেন । জানিতে পারিয়া,  
তঁাহার বোধ হইল, পৃথিবী যেন ঘূর্ণায়মান হইতেছে এবং  
প্রগাঢ় অন্ধকার যেন চতুর্দিক আবরণ করিয়াছে । স্মৃত স্মৃত্যুর  
পূর্বে যেপ্রকার অবস্থা উপস্থিত হয়, তাহার অবিকল  
উদ্ভূত ঘটিল । ভয়ে ও হুশিস্তায় তদীয় কলেবর কম্পিত  
হইয়া উঠিল । তৎক্ষণাৎ চেতনা তঁাহাকে পরিহার করিল ।  
কি করিব, কি হইবে ভাবিয়া কিছুই স্থির করিতে পারি-  
লেন না । অনন্তর ইতস্ততঃ চিন্তা করিয়া, কি হুই নির্দ্ধারণ  
করিতে না পারিয়া, অবশেষে ব্যাত্তভয়ভীত। ক্ষুদ্র জম্বু-  
কীর ন্যায় এবং ব্যাধ কর পরিতাড়িত। ব্যাকুল। হরিণীর  
নিভাস্ত চকিত হইয়া সখরিত পদে ও কম্পিত হৃদয়ে  
আশ্রমে প্রবেশ করিলেন ।

মহাপ্রভাব ও মহাতেজা জমদগ্নি অপ্রতিহত যোগ-  
বলে সমুদয় প্রত্যক্ষ দর্শন করেন । এই ঘটনা সমকালেই  
তদীয় জ্ঞানগোচর হইয়াছিল ; সুতরাং তঁাহাকে গোপন করা  
তঁাহার সাধ্য হইল না । মহর্ষি বিষম রোষভরে স্বতাহত  
হতাশনের ন্যায়, প্রজ্বলিত হইয়া, নিরতিশয় কঠোরস্বরে  
কহিলেন, রে পাপীয়সি ! লোকে গোপনে পাপ করে, দেব-  
তার। তাহা প্রকাশ করিয়া থাকেন । এবং তাহাদের আকার  
প্রকারও এবিষয়ের সুস্পষ্ট সাক্ষ্য প্রদান করে । সুতরাং,  
তুই গোপন করিবি কি, আমি পূর্বেই জানিতে পারিয়াছি ।  
এই মুহূর্তেই ইহার সমুচিত ফল প্রাপ্ত হইবি । আমি স্বয়ং  
তোকে দণ্ড করিতে পারিতাম । কিন্তু পাপীয়সী তোকে  
স্পর্শ করিতে আমার প্রবৃত্তি নাই । হায়, ইন্দ্রাদি

লোকপালবর্গও যাহাদের নিকট অবনত, তুই সামান্য গন্ধর্বের প্রলোভন অতিক্রম করিতে না পারিয়া সেই পরমপবিত্র ভৃগুবংশে কলঙ্ক আরোপ করিলি। সুতরাং ইহার প্রতিফল কোন রূপেই পরিহার করিতে পারিবি না। হায় কি দুর্ভাগ্য! আমা হইতে চিরনির্মূল ভৃগুবংশ অপবিত্র হইল? আমি যদি তোকে পত্নীত্বে বরণ না করিতাম, তাহা হইলে কখনই ঈদৃশ অগৌরব সংঘটিত হইত না। আমি না জানিয়াই সাক্ষাৎ কলঙ্ক স্বরূপ পরমপাপিনী তোকে গৃহে আনয়ন করিয়াছিলাম। মাদৃশ তপস্বীগণ তাদৃশ ক্ষুদ্রপ্রাণ চিত্ররথকে সামান্য ভৃত্য মধ্যেও গণ্য করেন না। বুঝিলাম, তোর স্বভাব অতি নীচ। সেই জন্য, কাক যেমন সরোবর ত্যাগ করিয়া, ক্ষুদ্র গর্ভের অনুসরণ পূর্বক তৃষ্ণা নিবারণের চেষ্টা করে, তুইও তেমনি মাদৃশ পূজ্যবংশীরের পরিহার করিয়া, ইতর যোনির সেবা করিতে কুণ্ঠিত হইলি না। বুঝিলাম, যাহার যে স্বভাব, সে সহজে তাহা ত্যাগ করে না। হস্তীকে স্নান করাইয়া ধৌত করিলে, সে পুনরায় ধূলি সংগ্রহ করিয়া, আত্মাকে মলিন করিয়া থাকে। তিনি এইরূপ ও অন্যান্য বহুরূপবাক্যে পত্নীর যথোচিত ভৎসনা করিতে লাগিলেন। তথাপি, তাঁহার ক্রোধের কিছুমাত্র উপশম হইল না।

তিনি এইরূপে ভৎসনা করিতেছেন, এমন সময়ে রাম ব্যতিরেকে পুত্রচতুষ্টয় উপস্থিত হইলে, তাহাদের সকলকেই ক্রমে ক্রমে কহিলেন, তোমরা এই পাপীর্ণী জননীকে এই যুদ্ধে নিপাত কর? এই কলঙ্কিনীর মুখ দর্শন করিতে আর আমার স্পৃহা নাই। ইহাকে রক্ষা করিলে, পাপের

আশ্রয় দান প্রযুক্ত পাপে পরিণিপ্ত হইয়া, বরকগতি লাভ হইবে । বলিতে কি, ইহার সান্নিধ্য বশতঃ তপোবনের মলিনতা উপস্থিত হইয়াছে । অতঃপর পাপীরগীকে রক্ষা করিলে, সকলেরই ব্রহ্মতেজ বিগলিত এবং তজ্জন্য যোগাক্ষেম বিনষ্ট হইবে । অতএব কিছুমাত্র বিলম্ব না করিয়া, সত্বর বিনিপাত ও তদ্বারা সকলের উদ্ধার কর । তিনি নির্বন্ধাতিশয় সহকারে সকলকে এইপ্রকার আদেশ করিলেন কিন্তু পুত্রগণ একে একে সকলেই তাদৃশ বৃহদ্বধে অসম্মত হইলেন । তদর্শনে মহাভাগ ও মহাপ্রভাব জমদগ্নির ক্রোধের সীমা রহিল না । তিনি পূর্বাপেক্ষা অধিকতর অমর্ষবশ হইয়া, লোহিত নেত্রে কহিতে লাগিলেন, বুঝিলাম, তোমাদের তপশ্চর্য্যা আত্মপ্রসাদন মাত্র; ধর্মচর্য্যা কপটমাত্র এবং সত্যশীলতা মিথ্যাচরণের উপকরণ মাত্র । অথবা যাহার ষেরূপ সহবাস ও ষেরূপ জন্ম, তাহার স্বভাবও তদনুরূপ হইয়া থাকে । পাপীরসীর গর্ভে জন্ম গ্রহণ করিয়া, তোমাদেরও মলিনতা উপস্থিত হইয়াছে । সেই জন্য, পাপাত্মা তোমরা পরমপূজনীয় পিতা আমার বাক্যে কর্ণপাত করিতেছ না । অতএব তোমাদেরও মুখদর্শনে আমার অভিলাষ নাই । তোমরাও পাপের সমুচিত প্রতিকল ভোগ কর । এ বিষয়ে আমার অপরাধ নাই । যে পুত্র পিতার বিরোধী, সে দেবগণের অভিশপ্ত ও ঈশ্বরের পরিত্যক্ত । সুতরাং এই মুহূর্ত্তেই তোমাদের পতন হওয়া সমুচিত । এবিষয়ে কালবিলম্ব হইলে আমার গুরুতর শ্রুতক হইবার সম্ভাবনা । এই বলিয়া তিনি পূর্বাপর-পর্যালোচনাপরিশূন্য হইয়া, আর পুত্রস্নেহে অলাঞ্জলি

দিয়া, তৎক্ষণাৎ তাঁহাদিগকে অভিশপ্ত করিলেন। পুত্রগণ পিতৃশাপে হতচেতন হইয়া, দেখিতে দেখিতেই যুগ ও পক্ষীগণের এবং জড়ের সদৃশ ধর্ম্মাক্রান্ত হইলেন; সকলেরই পূর্ব প্রতিভা দূরীভূত হইল, তপস্বেজ বিগলিত হইল, ব্রহ্মবর্চ অপোহিত হইল এবং জ্ঞানবিজ্ঞান পরিভ্রষ্ট হইল।

ঐ সময়ে পরবীরহা ভগবান্‌ রাম কল যুল আহরণ পূর্বক অরণ্য হইতে সমাগত হইলেন। জমদগ্নি দর্শনমাত্র তাঁহাকে সর্বিশেষ সমস্ত অবগত করিয়া কহিলেন, বৎস! তোমার জননী গাণ্ডে মলিনা হইয়াছেন। ইনি আর তপোবন বাসের ও জীবন ধারণের উপযোগিনী নহেন। অতএব সত্বর ইহাকে নিপাত কর। রাম শ্রবণমাত্র কিছুমাত্র বিচার না করিয়া, খরধার পরশু গ্রহণ পূর্বক তৎক্ষণাৎ জননীর শিরশ্ছেদন করিলেন। এবং পিতৃপদে প্রণাম করিয়া কহিলেন, তাত! আর কি করিতে হইবে, আজ্ঞা করুন। মহাতপা জমদগ্নি তৎক্ষণাৎ মহাক্রোধ সংযম-পূর্বক নির্বাণ অগ্নির ন্যায়, শীতল হইয়া, শাস্ত্বাক্যে কহিলেন, বৎস! আমি তোমার এই কার্যে সান্তিশয় সন্তুষ্ট হইলাম। এবং আপনাকে যথার্থ পুত্রবান্‌ বলিয়া, কৃতার্থম্‌ন্য বোধ করিলাম। সে পুত্র পিতৃব্যক্তি পরিপালন না করে, সে জননীর বিষ্ঠামাত্র, পৃথিবীর ভারমাত্র এবং সৃষ্টির কলঙ্কমাত্র। জ্ঞানপণ্ডিত সাধুগণ কুপুত্রের এই প্রকার কুৎসা করিয়াছেন। সৌভাগ্য বশতঃ আমি অতি সৎপুত্র প্রাপ্ত হইয়াছি। বুঝিলাম, তুমিই আমার বংশের উদ্ধার ও মুখ উজ্জ্বল করিবে। আমি যেন তোমার ন্যায় সৎপুত্রের সশ্রম জন্ম পিতা হই। বৎস! অদ্য তুমি যে আমাকে সন্তুষ্ট

করিলে, তাহার প্রতিদান করা বিধেয় । উপকারের প্রতিদান দ্বারা পুণ্যের সঞ্চয় ও দেবতার প্রসন্ন হইবেন এবং আপনারও কৃতার্থতা ঘটয়া থাকে । অতএব তুমি অভিমত বর গ্রহণ কর ।

রাম কহিলেন, তাত্ত ! পিতা যে পুত্রের প্রতি সন্তুষ্ট হইবেন, ইহাই তাহার অভিমত বর । পিতার প্রসাদ অপেক্ষা পুত্রের প্রার্থিতব্য আর কি আছে ? তবে পরমগুরু পিতা আপনার বাক্য পালন করা বিধেয় । অতএব যদি প্রসন্ন হইয়া থাকেন, তাহা হইলে, আপনার বরে জননী নিষ্কলুষ হইয়া পুনর্জীবিত হউন, এবং আমি যে তাঁহার বধ করিয়াছি তাহা বিস্মৃত হউন ; তাঁহাকে বধ করিয়া আমার যে পাতক সঞ্চয় হইয়াছে, তাহা অপনীত হউক ; ভ্রাতৃগণ শাপযুক্ত হইয়া, পূর্বের ন্যায় প্রকৃতিস্থ হউন ; এবং আমি যেন যুদ্ধে অপ্রতিদ্বন্দ্বী ও চিরজীবী হই । আমার আর অন্য বরে অভিলাষ নাই । মহাতপা জমদগ্নি প্রসন্ন হইয়া কহিলেন, বৎস ! আমার প্রসাদে তোমার সমুদায় প্রার্থিত সিদ্ধি হইবে । বলিতে কি, দেবগণ ইতিপূর্বেই তোমার কামনা সফল করিয়া রাখিয়াছেন । আমি উপলক্ষ মাত্র । কেননা, সৎপুত্র সর্বদা দেবগণের অভিমত ও আশীর্বাদ ভোগ করিয়া থাকে । পার্থিব আশীর্বাদের কথা আর কি বলিব ? অদ্যাবধি লোকে তোমার নাম পরশুরাম বলিয়া, পিতৃভক্তির নিদর্শন স্বরূপ সর্বকাল বিখ্যাত হইবে । এবং স্মরণ করিলে, সকলেরই পুণ্যসঞ্চয় হইবে । অদ্যাবধি তোমার ন্যায় গুণবান্ পুত্রের পিতা বলিয়া আমারও গৌরবরুদ্ধি হইবে, সন্দেহ নাই । বৎস ! তুমি কুশলী হও ।

অনন্তর কিয়ৎকাল অতীত হইলে, রামাদি পুত্রগণ পূর্ব-  
 বৎ সমিৎ কুশাদি সংগ্রহার্থ অরণ্যে প্রস্থান করিলে,  
 জমদগ্নি ভার্যার সহিত একাকী অবস্থিতি করিতে লাগি-  
 লেন । ঐ সময়ে অনুপপতি মহাবল কার্তবীৰ্য্য মহামা  
 আশ্রমপদে সমাগত হইলেন । সৎপত্নীক ঋষি অতিমাত্র  
 সন্তোষিত হইয়া, সাদরবাদনহকারে সবিশেষআশীঃসমাধান  
 পূর্বক কহিলেন, অদ্য ভাগ্যবশতঃ রাজদর্শন সম্পন্ন হইল ।  
 মহারাজ ! আপনার ন্যায় মহাভাগ জনের সাক্ষাৎকারও  
 আমাদের তপস্যার অন্যতম ফল । অধুনা, আপনার কুশল,  
 আপনার রাজ্যের ও প্রজালোকের কুশল, এবং আপনার  
 বলবাহনাদি সকলেরই কুশল ? আমরা আপনার রাজ্যে  
 বাস করি ; আপনি রক্ষা করেন বলিয়া, নির্বিঘ্নে তপ-  
 স্চরণ করি এবং তজ্জন্য সতত আপনার কুশল কামনা  
 করিয়া থাকি । প্রার্থনা করি, আপনার রাজ্য নির্বিঘ্ন  
 হউক ; রাজপদ চিরস্থায়ী হউক এবং রাজবুদ্ধি নিত্য  
 প্রতিভাত হউক । অধিকন্তু, আপনার যেন ধর্মে, সত্যে,  
 শান্তিতে, পরলোকে ও ঈশ্বরে বিশুদ্ধ বুদ্ধির সঞ্চার হয় ।  
 ইহা অপেক্ষা মাদৃশ তপস্বিজনের অন্য প্রার্থনিতব্য কি  
 আছে ? আপনি সুখী ও স্বস্থ থাকিলেই, প্রজালোকের  
 মঙ্গল । বলিতে কি, নরপতিগণ সাক্ষাৎ ঈশ্বরের অংশ ।  
 তজ্জন্য মাদৃশ ঋষিগণেরও ঐকান্তিক নমস্ । আমি সেই  
 কারণে আপনার সবিশেষ সপর্য্যা বিধান করিতেছি । এই  
 বলিয়া তিনি বিহিত বিধানে তাঁহার ঋয়ুচিত পূজাবিধি  
 সমাধা করিলেন ।

ব্যাসদেব কহিলেন, সূত ! কার্তবীৰ্য্যের দ্রাচাবিজ্ঞান

মহর্ষি জমদগ্নির সবিশেষ পরিজ্ঞাত ছিল । হৈহয়পতি নিশ্চয়ই দুরভিসন্ধানবশংবদ হইয়া সমাগত হইয়াছেন, ইহাও তিনি জানিতে পারিয়াছিলেন । ঐ রাজর্ষি যে ধর্ম্মের শত্রু ও অধর্ম্মের মিত্র এবং তপস্যার মূর্ত্তিমান্ বিদ্ব ও শান্তিলতার খরধার কুঠার স্বরূপ, তাহাও তাঁহার সবিশেষ বিদিত ছিল । কেন না, তৎকালে ভয়ঙ্কর ঔৎপাতিক গ্রহের ন্যায়, অর্জুনের লোকবিদ্রোহিতা দর্বলোকপ্রখ্যাত হইয়াছিল । ফলতঃ মানুষ পতনের পূর্বে যেরূপ উদ্ধত হয়, হৈহয়পতির তাহাতে কিছুমাত্র অভাব ছিল না । মহর্ষির মন স্বভাবতঃ কোমল, উদার ও প্রবণ হইয়া থাকে, এই জন্য যুগপৎ দয়া, ভয় ও হিতৈষিতার বশংবদ হইয়া, শশব্যস্তে ও সমভ্রমে ঐরূপে রাজার পূজা করিলেন । কিন্তু সর্পকে দুষ্কদানের ন্যায়, তদ্বারা বিপরীত ফল আপ-  
 তিত হইল । অথবা হৈহয়রাজ কালপ্রেরিত হইয়া, অগ্নি-  
 পতিত শলভের ন্যায়, সদ্য বিনষ্ট হইবার জন্য সমাগত  
 হইলেন । তাঁহার পাপের ভার পূর্ণ হইয়াছিল । লোক-  
 ষিষ্ঠাত্রী দেবতারা আর তাহা সহ্য করিলেন না । সেই  
 জন্য তিনি হতদর্প ও হতশ্রী হইবার অভিলাষে শাস্ত্রসাম-  
 প্পদ তপোবনে দুরভিসন্ধানসাধন জন্য প্রবেশ করিয়া-  
 ছিলেন । সুতরাং পরমহিতৈষী জমদগ্নির পরমহিতকর  
 পবিত্র বাক্যে কর্ণপাত বা তদীয় পূজায় ক্রংকপও করিলেন  
 না । প্রত্যুত, অতিমত্ত মাতঙ্গের ন্যায় একান্ত নিরঙ্কুশ ও  
 সমুদ্রত হইয়া, মদভরে মহর্ষির অবমাননা পূর্বক সমুদায়  
 তাম্রম প্রমথিত করিলেন । এবং প্রবল ঝটিকার ন্যায়  
 একান্ত উদ্যম হইয়া, তত্রত্য বৃক্ষ লতাাদি সমুদায় এক



কালে ভগ্ন করিয়া ফেলিলেন, । ঋষিগণ কেহ জপ, কেহ হোম, কেহ ধ্যান, কেহ বেদপাঠ, কেহ সামগান, কেহ অধ্যয়ন, কেহ অধ্যাপনা, কেহ তর্ক, কেহ মীমাংসা এবং কেহ বা অন্যান্য রূপে স্বকর্তব্যে সন্নিবিষ্ট ছিলেন । মহর্ষি এই উপাত দর্শনে আশ্রমস্থ যুক্তস্বভাব পশু পক্ষীর ন্যায় চকিত ও ব্যাকুল হইয়া, ইতস্ততঃ পলায়মান হইলেন । তাঁহাদের আসন ও অগ্নিভাণ্ডাদি যথাস্থানে পতিত হইয়া রহিল । তৎসমস্ত গ্রহণ করিতে কাহারও অবসর হইল না । সকলেই ঝটিকামুখনিপতিত তুলসীরাশির ন্যায়, এক কালেই দিগ্দিগন্তুর আশ্রয় করিলেন । মহাভাগ জমদগ্নি নির্বাক্ ও নিরীকান্ত হইয়া, গন্তীর বদনে সমুদায় দেখিতে লাগিলেন । মহর্ষির মনে ক্রোধ ও হিংসা সহজে স্থান প্রাপ্ত হয় না । সুতরাং তিনি ভাল মন্দ কিছুই বলিতে অভিলাষী হইলেন না । পাছে ক্রোধের উদ্বেক হয় বলিয়া, উদাসীনব উপবিষ্ট রহিলেন । পরবীরহা কার্ত্তবীর্য্য নিতান্ত উদ্ধত ও নির্বিঘ্ন হইয়া, অনায়াসেই সমুদায় আশ্রম মর্দন করিয়া, অবশেষে বলপূর্বক হোমধেনুর বৎস হরণ করিয়া লইলেন । তাহাতে সে সমুদায় আশ্রম প্রতি-  
 ধ্বনিত ও জননীর হৃদয় বিদীর্ণ করিয়া, করুণ স্বরে চীংকার করিতে লাগিল । তদর্শনে মহর্ষিরও অতিমাত্র মর্ম্মব্যথা উপস্থিত হইল । তথাপি তিনি কিছুমাত্র বাঙ্‌নিপ্তি না করিয়া, অম্লানচিত্তে হুরাচার কার্ত্তবীর্য্যের এই দারুণ অতিক্রম সহ্য করিয়া রহিলেন । হৈহয়পতি এই অবসরে বৎস মমতিব্যাহারে রাজধানীতে প্রত্যাগত হইলেন ।

এদিকে মহাবীর্য্য রাম পরক্ষণেই আশ্রমে আগমন করিলেন। কিন্তু আশ্রমে প্রবেশ করিয়া, পূর্বের ন্যায় তাঁহার প্রীতি সঞ্চারিত হইল না। তিনি দেখিলেন, উহার পাদপ ও লতা সকল ভগ্ন হইয়াছে; পশু পক্ষী সকল নীরব ও নিস্তব্ধ হইয়াছে, তপস্বী সকল কে কোথায় অদৃশ্য হইয়াছেন; তাঁহাদের আসন সকল ইতস্ততঃ বিক্ষিপ্ত হইয়াছে এবং অকৃত্যাদি দ্রব্য সকল ভগ্ন পতিত রহিয়াছে। কলতঃ, তপোবনের আর সে শোভা ও সে মাধুরী নাই। বেদপাঠ বন্ধ হইয়াছে, সামগান স্তব্ধ হইয়াছে, হোমগন্ধ নিরস্ত হইয়াছে এবং জপ যোগ পরাহত হইয়াছে। পিতা একাকী বসিয়া আছেন, তাঁহার বাকশক্তি শূন্য হইয়াছে। তদর্শনে রাম শশব্যস্ত হইয়া বিনয়সহকারে সবিশেষ জিজ্ঞাসা করিলেন। জমদগ্নি আদ্যোপান্ত সমুদায় ঘটনা বথায়থ বর্ণন পূর্বক কহিলেন, বৎস! ক্রোধে তপস্ত্যার ক্ষয় হয়। বিশেষতঃ, ভগবান্ দত্তাত্রেয় আমাদের সকলেরই মাননীয়। তাঁহার অবমাননা বা লংঘন করা উচিত বা সাধ্য নহে। আমি এই উভয় কারণে অগত্যা দুঃখান্বিত অসহনীয় অতিক্রম সহ করিয়াছি। কিন্তু পাপের উচিত দণ্ড হওয়া বিধেয়। তাহাতে আমার অগ্রয়ত্তি বা অপরাগ নাই। তুমি পিতার উপযুক্ত পুত্র। তোমাকে স্নেহবশতঃ সমুদায় কহিলাম। যাহা বিহিত হয়, কর। পাপাত্মা অতিমাত্র অন্যায় অনুষ্ঠান করিয়াছে। ইহাতে সবিশেষ ক্রোধের উদ্বেক হইতে পারে, সন্দেহ নাই।

পরবীরহা রাম স্বভাবতঃ সাতিশয়্য অমৰী ছিলেন।

কোন মতেই ছিদ্রাংশেও অন্যায় সহ্য করিতে পারিতেম না। পিতৃমুখে এই ঘটনা শ্রবণ করিয়া, তাঁহার রোষের পরিসীমা রহিল না। দুর্জয় ক্রোধে অধরোষ্ঠ প্রক্ষুরিত হইয়া উঠিল; নয়নদ্বয় অগ্নিবর্ণ হইল; যুগান্তকালীন কৃতান্তের ন্যায় ভয়ংকর দ্রাকুটির উদয় হইল; নিখাস প্রথমে প্রলয়গ্নি প্রবাহিত হইতে লাগিল; বদনমণ্ডলে সহসা যেন স্নাত্যর ছায়া আবিষ্ট হইল। তিনি আর স্থির থাকিতে পারিলেন না। ভয়ংকর কঠিন স্বরে কহিলেন, তাত ! পাপের প্রশ্রয়দান মহাপাপ। অতএব আমি দুর্ভাগ্যের এই অন্যায় ও অত্যাচার কোন মতেই সহ্য করিতে পারিব না। ভগবান্ দত্তাত্রেয় কখনই লোকসংহার জন্ম বরদান করেন নাই। সূতরাং তাঁহার অমাননার সম্ভাবনা কোথায়? যাহারা উদ্ধত হইয়া, মদাস্ক হইয়া, অন্যায়পথে প্রবৃত্তিবিধানপূর্বক দেব-প্রসাদ কদর্ষিত করে, তাহাদের সংহার করিলে, কখনই তপস্যার ক্ষয় হয় না। যে কোন রূপে শান্তিরক্ষা করাই তপস্যার ধর্ম্ম। কলতঃ হৈহয়গতির পাপভার পূর্ণ হইয়াছে। সে শুদ্ধ আপনার তপোবন নহে, অন্যান্যঅনেক ঋষির বিনাহেতুতে ও বিনাদোষে সর্বনাশ করিয়াছে। লোকমুখে প্রায়ই তাহার অত্যাচার শুনিতে পাওয়া যায়। স্ত্রী, বালক, বৃদ্ধ ও আতুরগণও তাহার নিকট পরিহার প্রাপ্ত হয় না। ঋষিগণ স্বভাবতঃ শান্তশীল। বলিয়া তাহারে মার্জনা করেন এবং অন্যান্যেরা দত্তাত্রেয়ের ভয় করিয়া থাকেন। পাপাত্মা এই কারণে অতিশয়

প্রশ্রিত ও উদ্ধত হইয়া উঠিয়াছে । আজি আর তাহার  
 নিস্তার নাই । আমি কোন মতেই সহ্য করিব না । এই  
 বলিয়া তিনি কুপিত কেশরীর ন্যায়, ক্ষোভ হইয়া  
 উঠিলেন এবং তৎক্ষণাৎ সুরুচির শরাসন ও সুশোভিত  
 ভল্লপরম্পরা গ্রহণ করিয়া, যুদ্ধে প্রবলপরাক্রমপ্রকাশ-  
 পুরঃসর চর্নিবার রোষভরে কার্তবীৰ্য্যকে আক্রমণ করিলেন  
 এবং মূর্তিমান্ কৃতান্তের ন্যায়, ভীগণজকুটিবিধানপূর্বক  
 জলদগন্তীর ভয়ংকর স্বরে কহিলেন, রে পাপ! তুই  
 মদে সমুদ্ধত ও গুরুলঘু জ্ঞানশূন্য হইয়া, অনেক মহাপাতক  
 অনুষ্ঠান করিয়াছিস্ । ভগবান দত্তাত্রেয় স্বভাবমূলভ সরলতা  
 প্রযুক্ত পৃষ্ঠাপরবিচার না করিয়া, করুণাবশতঃ পাপাত্মা  
 তোমাকে বর দান করিয়াছিলেন । কিন্তু মহাপাতক  
 তুই স্বভাবমূলভ কুটিলতা প্রযুক্ত তাহার গৌরব বা মৰ্য্যাদা  
 রক্ষা করিতে পারিলি না । বুঝিলাম, কাচবণিক কখন  
 পদ্মরাগের সম্মান বুঝিতে পারে না । যাহা হউক, তুই  
 এতদিন যে পরিহার প্রাপ্ত হইয়া আনিয়াছিস্, তাহার  
 বলে তোর সাহস যেমন আতমাত্র বর্দ্ধিত হইয়াছে, তেমনি  
 অদ্য আমার হস্তে তাহার সমুচিত প্রতিকল প্রাপ্ত  
 হইবি । আজি আর তোর কোন মদত নিস্তার নাই ।  
 দুরাঅন্ রাজরূপী পরমকুটিল দুষ্টি নিশাচর ! আজি তুই  
 ক্ষুদ্রপ্রাণ মূষিকের ন্যায়, সিংহসদৃশ মদীয় ভূজপিঞ্জরে  
 পতিত হইয়াছিস্ । অতএব আপনার কাল আপতিত  
 বলিয়া বোধ কর। সৌভাগ্যক্রমে অদ্য লোককষ্টক  
 উদ্ধত হইবে ; সৌভাগ্যক্রমে আজি তুই জলন্ত অনল-

সদৃশ মদীয় ক্রোধের বিষয়বর্তী হইয়াছি; সৌভাগ্যক্রমে অদ্য মূর্ত্তিমান্ মহানিষ্ঠ পাপাত্মা তোমাকে সংহার করিয়া, লোকসকলের হৃদয়শাল উদ্ধার করিব এবং সৌভাগ্যক্রমে অদ্য তপস্যার মূর্ত্তিমান্ বিশ্ব ও শান্তির সাক্ষাৎ অন্তরায় পরিস্কৃত হইবে। হায় কি আনন্দ! কি সৌভাগ্য! অদ্য লোক সকল নিরুদ্ধিগ্ন, দেবগণ প্রকৃতিস্থ ও তপোধনগণ নিরাপদে হইবেন। আজি ঈদৃশ ও তাদৃশ অসীম সৌভাগ্য কোন মতেই ত্যাগ করিতে পারিব না। পাপাত্মন! আজি তোমার এই বসন ভূষণবিভূষিত সুদিব্য রাজদেহ শৃগাল কুকুরের উদরসাৎ হইবে। পূর্বে অনেক সময়, দুঃখফণনিত সুকোমল শয্যায় শয়ন করিয়াও তোমার নিদ্রা হয় নাই। আজি আমার প্রণোদিত এই শরশয্যায় শয়ন করিয়া, গাঢ় নিদ্রা তোমাকে অভিভূত করিবে। আর তোমার কোন কালেই জাগরিত হইতে হইবে না। যাহারা পাাপ করে, তাহাদের পরিণাম এইপ্রকার বিসদৃশ ও ভয়ঙ্কর হইয়া থাকে। এক্ষণে স্মরণ কর, তুমি দীর্ঘ নিদ্রায় অভিভূত হইলে, কে তোমার বন্দী কার্য সাধন করিবে। অনুতাপ করিলে, পাপের প্রায়শ্চিত্ত হয়। কিন্তু আমার হস্তে পতিত হইয়া, তাহার অবসরমাত্র প্রাপ্ত হইবার কাহারই সম্ভাবনা নাই। আমি এক উদ্যমেই দুর্চার তোমার সংহার করিব। অদ্য পৃথিবীর ভার অপনীত হইবে। ইহা অপেক্ষা সৌভাগ্য কি আছে? অমূল্য রাজপদে প্রতিষ্ঠিত হইয়া, কখনই তাহার সমুচিত ব্যবহার

কর নাহি । প্রত্ন্যত, অতিদুরন্ত দস্যুর ন্যায় নিতান্ত নির্দয়  
 ও নিৰ্মম হইয়া, অনবরত লোকসকল উদ্বেজিত করিয়াছ ;  
 লিংহ ব্যাঘ্রাদি ইতর পশুর ন্যায়, কেবল শোণিত শোষণ  
 করিয়া, আত্মাদর পোষণ করিয়াছ ; ঔৎপাতিক গ্রহের  
 ন্যায়, নিতান্ত দুর্দ্দম্য হইয়া, অনবরত বিদ্রোহপরম্পরার  
 অবতারণা করিয়াছ এবং সাক্ষাৎকৃতান্তের ন্যায়, নিরন্তকুশ  
 হইয়া, অকৃতাপরাধে শত শত সরলপ্রাণ সংহার ও আহত  
 করিয়াছ ; এতস্তিন্ন অন্যান্য কত শত গুরুতর পাতক অনু-  
 ষ্ঠান করিয়াছ ; তাহা বলিবার নহে । অদ্য সেই সকলের  
 সমুচিত প্রায়শ্চিত্ত হইবে । অতএব সময় থাকিতে থাকিতে  
 আপনার আত্মীয় পরিজন সকলকে স্মরণ করিয়া লও এবং  
 লোকের সর্বনাশ করিয়া, যে সুখপরম্পরা ভোগ করিয়াছ,  
 তাহাও স্মরণ করিয়া লও । অতঃপর আর স্মরণ করিবার  
 অবসর প্রাপ্ত হইবে না । অধিকন্তু, সেই সকলের মায়া  
 ও মমতা পরিহার কর । কেননা, আর তাহাদিগকে দেখিতে  
 পাইবে না । অতঃপর অনন্ত নরকপরম্পরা তোমার অধি-  
 বসতি হইবে । সেখানে পৃথিবীর কেহই তোমার সঙ্গে  
 যাইবে না । তুমি আপনি যে পাপ করিয়াছ, আপনিই  
 তাহা ভোগ করবে । তোমার পাপের ভাগী কেহই হইবে  
 না । হায় কি দুরদৃষ্ট ! যে তুমি স্বর্গবাসেও সন্তুষ্ট হও  
 নাই; সেই তোমার নরকবাস সংঘটিত হইবে ।

বলিতে বলিতে রামের ক্রোধানল শতগুণ প্রজ্বলিত হইয়া  
 উঠিল । তিনি আর কণবিলম্বও সহ্য করিতে পারিলেন না ।  
 তৎক্ষণাৎ সুশাণিতভল্লপ্রয়োগপূর্বক কার্তবীৰ্য্যের সহস্র বাহু

ছেদন করিয়া ফেলিলেন । তিনি ব্রহ্মতেজঃ ও ক্ষত্রতেজঃ যুগপৎ এই উভয়ের সাক্ষাৎ অবতার । তদীয় অনন্তবীৰ্য্য ও দুর্দ্রাধৰ্ষ প্রভাব সহ্য করা সহজ নহে । হৈহয়পতি স্বভাবতঃ সান্তিশয় তেজস্বী হইলেও, তদীয় দুর্দ্রান্ত প্রহারবেগ কোন মতেই সহ্য করিতে পারিলেন না । অগ্নিপতিত শলভের ন্যায়, তৎক্ষণাৎ কালধর্ম্মের বশতাপন্ন হইলেন । দেবগণ অন্তরীক্ষে অধিক্রুত হইয়া, এই ঘটনা দর্শন করিতে ছিলেন । সহসা হৈহয়পতিকে মৃতপতিত অবলোকন করিয়া, স্বপ্নদৃষ্টবৎ বোধ করিলেন । অনন্তর সকলে সম্মুখে হইয়া, একবাক্যে মহাতেজা রামের প্রশংসা পূর্বক অনবরত পুষ্পাঙ্কি দ্বারা তাঁহাকে আচ্ছন্ন করিয়া তুলিলেন । সমকালেই দিব্য বাদি ত্রিনিশাঙ্ক দিক্ বিদিক্ প্রতিধ্বনিত হইয়া উঠিল । গন্ধর্বগণ আনন্দভরে অবশ হইয়া, সুস্বরে সঙ্গীত আরম্ভ করিল ; অঙ্গুরাগণ ততোধিক প্রীতিমান হইয়া, নৃত্য করিতে লাগিল । ফলতঃ, ক্ষণমধ্যেই সমস্ত সংসার আনন্দ পূর্ণ ও উৎফুল্ল হইয়া উঠিল । রামের গুণগানে জগৎ পরিপূরিত হইল । দেবরমণীগণ শঙ্খধ্বনি করিয়া, এই মঙ্গলঘটনার প্রতিনন্দনে প্রবৃত্ত হইলেন । বায়ু অমুকুল হইয়া প্রবাহিত হইতে লাগিল ; সমুদায় দিক্ যেন প্রশান্ত হইয়া উঠিল এবং লোকের হৃদয় বিপুল পুলকভারে বারংবার স্ফীত হইতে লাগিল । কার্তবীৰ্য্য স্বীয় দুর্দ্রাচারিতা বশতঃ সকলেরই বিরাগসংগ্রহ করিয়াছিলেন । অথবা, সমস্ত সংসারই পাপের শত্রু হইয়া থাকে । সুতরাং তাঁহার মৃত্যুতে কাহারও বিষাদ বা অবসাদ উপস্থিত হইল না । এই জন্য, মনীষিগণ

পাপ করিতে প্রতিষেধ করেন পাপাত্মার আত্মীয় কেহই নাই।

সে যাত্রা হউক, রাম এই শুভকার্য সমাধান করিয়া, দণ্ডযুক্ত তুঙ্গঙ্গমের ন্যায়, সগর্জনে দারুণ নিশ্বাস ত্যাগ করিতে করিতে পিতৃসংকাশে সমুপস্থিত হইলেন এবং ভক্তিতরে প্রণাম পূর্বক সমুদায় ঘটনা সর্বিশেষ নিবেদন করিয়া, কহিলেন, তাত ! আপনার আশীর্বাদ অখণ্ডনীয়। সুতরাং, সামান্যপ্রাণ কার্ত্তবীর্যের কথা কি, দেবগণও আপনার বিরোধী হইয়া, আমার নিকট পরিহার প্রাপ্ত হইতে পারেন না। কলতঃ, পিতার আশীর্বাদ সাক্ষাৎ অমৃত ও মূর্ত্তিমান্ অবিনাশী তেজঃ। নিতান্ত সৌভাগ্যযোগ না হইলে, তাহা প্রাপ্ত হওয়া দুর্ঘট। দুর্ভাগ্য যেমন যথা ঐশ্বর্যে অন্ধীভূত ও বরগর্বে অতিমাত্র মত্ত হইয়া, আপনার বিদ্রোহে প্রবৃত্ত হইয়াছিল, তদ্রূপ আপনার আশীর্বাদে আমার হস্তে তাহার সমুচিত প্রতিকূল প্রাপ্ত হইয়াছে। বলিতে কি, যে কেহ এইরূপে আপনার অপকার চেষ্টা করিবে, আপনার অখণ্ড আশীর্বাদে তাহারই মস্তক ছেদন করিব। বিধাতা কখন আপনার সৃষ্টির মূর্ত্তিমান্ অন্তরার স্বরূপ পাপের পরিহার প্রদান করেন না। কিয়ৎকালের জন্য পরিহার প্রদান করিলে, অবশেষে এক উদ্যমেই সংহার করিয়া থাকেন। দুর্ভাগ্য হৈছয়পতি তাহার নিদর্শন। দেখুন, দুর্ভাগ্য বহুকাল যাবৎ পাপপরম্পরা অনুষ্ঠান করিয়া জীবিত ছিল। অবশেষে এক উদ্যমেই মৃত্যুমুখে নিপতিত হইল। পাপ করিলে সকলেরই এইপ্রকার দারুণ



বিপরিণাম উপস্থিত হইয়া থাকে । তাহাতে অণুযাত্র  
সন্দেহ নাই ।

মহামতি জমদগ্নি শুনিয়া সাতিশয় সুখী ও সন্তুষ্ট হই-  
লেন । এবং আন্তরিক অকপট আশীঃ সহকারে কহিলেন,  
বৎস ! তুমি লোককণ্টক উদ্ধার করিয়াছ ; দেবতারা  
তোমার মঙ্গল করুন । এবং তোমার এই সর্বলোকমঙ্গল  
দিব্য তেজঃ আরও বর্দ্ধিত হউক । লোকের উপকার  
করাই যথার্থ সাধুতার লক্ষণ । সৌভাগ্য ক্রমে তুমি সেই  
সাধুতাভূষণে অলঙ্কৃত হইয়াছ । ইহা অপেক্ষা পিতা আমার  
প্রীতির ও সুখের বিষয় কি আছে ? এই লোকোপ-  
কাররূপ মহাশুভে স্বয়ং ঈশ্বর তোমার সহায় হইবেন,  
তাহাতে সন্দেহ নাই । কেননা, লোকের উপকার সাধন  
করাই জগৎ বিভূ পরমাত্মার প্রধান উদ্দেশ্য । যাহারা  
সেই উদ্দেশ্য পূর্ণ করে, তাহাদের কামনা পূর্ণ হইয়া থাকে ।  
অতএব তোমার সমুদায় কামনাই সম্পন্ন হইবে, তাহাতে  
সন্দেহ নাই । এই বলিয়া তিনি সবিশেষ স্নেহ সহকারে  
পিতৃভক্ত রামের মস্তক আশ্রয় পূর্বক সমুচিত অভিনন্দন  
করিলেন ।

এদিকে, অনুপপতি নিহত হইলে, তদীয় দায়াদগণ  
ষারপরনাই শোকাবিষ্ট হইল । তাহাদের সকলেরই প্রকৃতি  
প্রায় অর্জুনের সদৃশ সাতিশয় কুটিলভাবাপন্ন । সুতরাং  
বৈরনির্ঘাতনে তাহাদের একান্ত অভিলাষ হইল । তাহারা  
কোন মতেই মনোবেগ সংবরণ করিতে সমর্থ হইল না ।  
কিন্তু মহাতেজা রামের হ্রস্ব প্রভাব ও দারুণ বীর্ষ  
তাহাদের পরিজ্ঞাত ছিল । সেজন্য, সাফাৎকারে

কোনরূপ প্রতিহিংসা করা অসাধ্য ও দুঃসাহস ভাবিয়া, গোপনে তাহার বিধান করিতে উদ্যুক্ত হইল এবং অনবরত তাহার সমুচিত উপায় অনুেষণ করিতে লাগিল । হে সূতনন্দন ! তাহাদেরও কাল পূর্ণ হইয়াছিল । যত্ন, অর্জুনের ন্যায়, তাহাদিগকেও আহ্বান করিতেছিল এবং পৃথিবীও তাহাদের ভারে নিপীড়িত হইয়া, আর বহন করিতে উৎসুক ছিলেন না । তজ্জন্ম, তাহারা এই দারুণ দুশ্চেষ্টায় প্রতিনিবৃত্ত হইল না । একদা রামাদি সকলে পূর্ব-বৎ কুশসমিধ, আহরণার্থে অরণ্যে গমন করিলে, জমদগ্নি একাকী উপবিষ্ট ও পরব্রহ্মের ধ্যাননিষ্ঠা হইয়া আছেন; পদার্থে হোমধেনু বৎসের সহিত রোমন্থন করিতেছে, অন্যান্য-গোরা যাহার যে কার্যে সন্নিবিষ্ট হইয়া, নিরুদ্ধেগে আসীন আছেন; কোন দিকে কোনরূপ উৎপাতের শঙ্কা নাই; আশ্রমস্থ মুকুম্ভভার হরিণহরিণীগণ নিঃশঙ্কে ইতস্ততঃ বিচরণ করিতেছে; শান্তস্বভাব ঋষিবালকগণ নির্ভয়ে সিংহ-ব্যাঘ্রাদি হিংস্রস্বভাব ঋষিপদগণের সহিত সর্পাদি সংযম ও লাম্বুলাদি গ্রহণ পূর্বক ক্রীড়া করিতেছে, পক্ষিগণ কেহ নীড়ে, কেহ বৃক্ষশাখায়, কেহ লতাকুঞ্জে এবং কেহ বা কুটীরশিখরে উপবেশন করিয়া, ঋষিগণের বেদপাঠের প্রতিধ্বনি করিতেছে; তাহাদের সুমধুর কলনির্নাদে তপো-রস পূর্ণ হইয়াছে; দিব্য মোহন হোমগন্ধ যত্ন মন্দ বায়ুভরে হিল্লোলিত হইয়া, সকলের আণরক্ত্র আর্প্যায়িত করিয়া, ধীরে ধীরে ইতস্ততঃ প্রবাহিত হইতেছে এবং বৃক্ষ ও লতা লক্ষ লক্ষ সুশীতল মুখস্পর্শ সমীরণের প্রতিঘাতে ঈষৎ আন্দোলিত হইয়া, পথশ্রান্ত পথিকদিগকে যেন আহ্বান করিতেছে;

এমন সময়ে মহাবীর্য্য কার্ত্তবীর্য্যের দুরাচার সহায়-  
 গণ দুৰ্দ্ধৃষ্টিপরতন্ত্র ও দুর্নিবার কাল প্রেরিত হইয়া, সদ্যো-  
 যুত্বুর অভিনাষে সিংহের গুহামধ্যে জম্বুকের ন্যায়, সর্পের  
 গর্ভমধ্যে মুষিকের ন্যায় অথবা শ্যেনেরকুলায় মধ্যে ক্ষুদ্ৰ-  
 প্রাণ চটকের ন্যায়, তাদৃশ শান্তুরসাদিপদ তপোবনে প্রবেশ  
 করিল । ভৌরুস্বভাব শান্তপ্রকৃতি জমদগ্নি লোকক্ষয়পারি-  
 হারকামনায় শান্তবাক্য প্রয়োগ করিয়া, তাহাদিগকে নিবৃত্ত  
 করিবার চেষ্টা করিলেন । কিন্তু কাল আসন্ন হওয়াতে  
 তাহারা তাহাতে কৰ্ণপাত না করিয়া, দুর্দান্ত দস্যুর ন্যায়,  
 সমস্ত তপোবন উপক্রম করিল । অবশেষে খরধার-শর-  
 প্রহারপুরঃসর নিরীহমতি জমদগ্নিকে আক্রমণ করিয়া,  
 তৎক্ষণাৎ তাঁহাকে নিহত করিল । আশ্রমবাসী ঋষিগণ  
 এই ঘটনা দর্শনে নিতান্ত ভীত ও ব্যাকুল হইয়া, স্ব স্ব  
 প্রাণরক্ষার অভিনাষে কেহই এ বিষয়ে কিছুমাত্র বাণ্-  
 নিষ্পত্তি করিলেন না । সকলেই একান্ত উৎসুক হইয়া,  
 ভগবান্ রামের আগমনপ্রতীক্ষা করিতে লাগিলেন । হে  
 সূত ! দুরাচারী রামের প্রভাব অবগত ছিল । তিনি যে  
 কুপিত হইলে, এক উদ্যমেই তাহাদের সকলকে সংহার  
 করিতে পারেন, ইহাও তাহাদের বিলক্ষণ পরিজ্ঞাত ছিল ।  
 এইজন্য তাহারা আর অধিক বিলম্ব না করিয়া, শশ-  
 ব্যস্তে আশ্রম হইতে বহির্গত ও যথাস্থানে সমাগত হইল ।

ব্যাসদেব কহিলেন, সূত ! দুরাচার দায়াদর্গণ এই  
 রূপে মহাভাগ জমদগ্নিকে সংহার করিয়া, অপক্রান্ত হইলে,  
 ভগবান্ রাম অব্যবহিত পরক্ষণেই সমিত্কুশ হস্তে আশ্রম-  
 পদে প্রবেশ করিলেন । তিনি যখন আশ্রম হইতে

বহির্গত হয়েন, তখন তাঁহার মন অপ্রসন্ন হইয়াছিল। সচরা-  
 চর অনিষ্টদর্শনের পূর্কক্ষেণে এইপ্রকার অপ্রসত্তি ঘটয়া  
 থাকে। কিন্তু, কর্তব্যের অনুরোধে অগত্যা অরণ্যে গমন  
 করিতে হইয়াছিল। অরণ্যে প্রবেশ করিয়া, বিবিধ দুর্নি-  
 মিত দৃষ্ট হইতে লাগিল। তজ্জন্য অধিক বিলম্ব না করিয়া  
 সঁত্বরে তপোবনে প্রবেশ করিলেন। প্রবেশ করিয়াই পিতৃ-  
 সন্দর্শনে একান্ত উৎসুক হইলেন। তিনি স্বভাবতঃ  
 সাত্ত্বিয় পিতৃভক্ত। পিতৃদেবের চরণবন্দন ও সন্দর্শন  
 না করিয়া, কখনই কোন বিষয়ে প্ররুত্ত হইতেন না।  
 যাইবার সময় ও আসিবার সময় উভয় কালেই অগ্রে  
 পিতার সমুচিত সতাজন ও অভিবাদন করিতেন। তাঁহার  
 দৃঢ়তর প্রতীতি ছিল, পিতার সন্তোষেই দেবগণের সন্তোষ  
 এবং পিতার উপাসনা, দেবগণের উপাসনাসম্পন্ন হইয়া  
 থাকে। তিনি এই প্রকার সদ্বুদ্ধির প্রণোদিত হইয়াই,  
 সৰ্বদা পিতার প্রিয় কার্য অনুষ্ঠান করিতেন। তাহাতে  
 ভাল মন্দ বিচারণা করিতেন না। জননীহত্যায় যে  
 গুরুতর মহাপাতক সঞ্চিত হয়, তাহা তিনি বিলক্ষণ অবগত  
 ছিলেন। তথাপি পিতার আদেশপালন পরম ধর্ম জানে  
 তাদৃশ অনুষ্ঠানে সহসা প্ররুত্ত হয়েন। ইহাতেই তাঁহার  
 পিতৃভক্তির পরাকাষ্ঠা প্রদর্শিত হয়।

সেঁযাহা হউক, অদ্য তিনি পূর্ব পূর্ব দিন অপেক্ষা সমধিক  
 উৎসুক হইয়া, আশ্রমে প্রবেশমাত্র পিতার সন্দর্শন ও চরণ-  
 বন্দনার্থ গমন করিলেন। কিন্তু গমন করিয়াই দেখিলেন, তদীয়  
 পিতৃদেব পিতৃদেব পরলোক গমন করিয়াছেন এবং নিতান্ত  
 অনাথের ন্যায় পতিত রহিয়াছেন। দর্শনমাত্র প্রথমতঃ

স্বপ্নদৃষ্টির স্মৃতি, বোধ করিয়া, একান্ত চকিত হইয়া  
 রহিলেন । তিনি স্বপ্নেও ভাবেন নাই যে, প্রত্যাগত  
 হইয়া, পিতাকে আর দেখিতে পাইবেন না । অথবা এই  
 রূপে অসহায় হইয়া পিতৃদেব পরলোকের অতিথি হইবেন,  
 ইহাও তাঁহার কল্পনাপথে কখনই সমুদিত হয় নাই ।  
 সুতরাং, দর্শনমাত্র তাঁহার শোকমাগর একেবারেই  
 উদ্বেল হইয়া উঠিল । অচলরাজ হিমাচলের স্মৃতি, তাদৃশ  
 ধৈর্য্যনিধি এক বারেই বিচলিত ভাব প্রাপ্ত হইলেন ।  
 তিনি উচ্ছলিত মনোবেগে কোন মতেই সহ্য করিতে না  
 পারিয়া, অতিমাত্র দুঃখ ও বিষাদভরে অনর্গল অশ্রুসলিল  
 বিনির্গলিত করিয়া, গদগদ বচনে বিলাপ ও পরিতাপ  
 করিতে লাগিলেন ।

## ত্রয়োবিংশত্যাধিকশততম অধ্যায়



ব্যাসদেব কহিলেন, স্মৃত ! তিনি মৃতপাতিত পিতার  
 চরণযুগল পূর্বাপেক্ষা সমধিক ভক্তিভরে গাঢ়তর বারংবার  
 আলিঙ্গন ও মস্তকোপরি সময়ে স্থাপন এবং প্রগাঢ় প্রীতি-  
 ভরে পুনঃ পুনঃ চুম্বন ও আশ্রয় করিয়া, করুণস্বরে কহিতে  
 লাগিলেন, তাত ! আপনি কিজন্য ধূলায় শয়ন করিয়া  
 আছেন ? কিজন্য আপনার প্রসন্ন মুখকমল ঐদৃশ-ম্লান  
 হইয়াছে ? কিজন্য আমাকে পূর্বের স্মৃতি সাদর ও মৃদুবাণে

সম্ভাষণ করিতেছেন না? আমি পূর্বে কখন আপনাকে  
 এরূপ স্নান, অপ্রসন্ন ও নিরুত্তর অবলোকন করি নাই।  
 আমি নিকটে আসিতে না আসিতেই আপনি উৎসুক ও  
 অভিযুক্ত হইয়া অগ্রে আমাকে আলিঙ্গন করিতেন এবং  
 চরণে পতিত হইলে, স্নেহভরে উত্থান করাইয়া, কোমল  
 করে অঙ্গের ধূলি অপনীত করিতেন। আজি আমি বারং-  
 বার ব্যাকুল হইয়া, আপনার চরণাবিন্দে লুণ্ঠিত হই-  
 তেছি, তথাপি আপনি আমাকে উত্থান করাইতেছেন না,  
 ইহার কারণ কি? তাহা! আমি আপনার একান্ত ভক্ত  
 ও অনুগত। ইহা জানিয়াও আমাকে ত্যাগ করিয়া গেলেন।  
 আপনি আমাকে না বলিয়া ও সমাভিব্যাহারে না লইয়া,  
 কখন একাকী কোন স্থানে গমন করিতেন না। আজি  
 কেন তাহার বিরুদ্ধ অনুষ্ঠান করিলেন? আমি কি কোন  
 অপরাধ করিয়াছি, সেইজন্য এরূপ বিসদশ ব্যবহারে  
 প্রবৃত্ত হইয়াছেন। তাহা! পিতার বিরাক্ত ও অপ্রসন্নতা  
 অপেক্ষা অভিশাপ ও অপমৃত্যু শতগুণে শ্রেয়স্কর।  
 অতএব আপনি কেন আমাকে অভিশপ্ত করিলেন না।  
 তাহাতে আমার ঈদৃশ দারুণ বিপদ ও অবসাদ উপস্থিত  
 হইত না। তাহা! আমি আজিও আপনার অপার স্নেহ ও  
 পালন গুণে সেই সুকুমার শিশু আছি। আপনি পরি-  
 ত্যাগ করিয়া গেলেন, শিশু আমার কি হইবে, অন্ততঃ ইহাও  
 আপনার একবার চিন্তা করা কর্তব্য। ঐ দেখুন, বৃদ্ধ-  
 বিহঙ্গম কুলায় হইতে বহির্গত হইয়া, অতি কষ্টেও আপনার  
 ব্রজাতপক্ষ উড্ডয়নসমর্থ শাবকের জন্য আহাৰ সংগ্রহ  
 করিতেছে। আমি সমর্থ ও সক্ষম হইলেও, আপনি

প্রতিদিন এইরূপে আমার জন্য আহাৰ স গ্রহ করিয়াছেন। এবং আমাকে ভোজন না করাইয়া স্বয়ং কখন ভোজন করেন নাই। অতঃপর কে আমাকে সেইরূপে ভোজন প্রদান করিবেন। আপনার নিকট আমার অভিমানের সীমা ছিল না। আপনি তৎসমস্ত অনায়াসেই সহ্য করিতেন। কখন বয়স্ক ভাবিয়া তাহাতে বিরক্ত হইতেন না। স্নেহ ও মমতা ত্যাগ করা তপস্বির স্বভাব। আপনি স্নেহ মমতা অনায়াসে ত্যাগ করিয়া, নিতান্ত নির্দয়ের ন্যায়, একাকী গমন করিলেন, যাহা হউক, গাত্ৰোখান করুন। আপনার জন্য পরম যত্ন পূর্বক এই সমিৎকুশ আহরণ করিয়াছি। উঠিয়া এই সমস্ত পূর্বের ন্যায় পরম প্রীতিভরে গ্রহণ করিয়া, আমরা পরিশ্রম সার্থক ও স্বকর্তব্য সাধন করুন। ঐ দেখুন, তপস্বিগণের পরম শ্রদ্ধাস্পদ হোমবেলা উপস্থিত হইয়াছে। ঐ দেখুন, যজ্ঞীয় অগ্নি স্বয়ং প্রজ্জ্বলিত হইয়া, উর্দ্ধ প্রবণ শিখারূপ হস্ত-বিসারণ পূর্বক আপনাকে আহ্বান করিতেছেন। ঐ দেখুন আপনার পরম প্রীতি ভোজন হোমধেনু ভোজনবেলা উপস্থিত দেখিয়া, বৎসের সহিত তারস্বরে বারংবার চীৎকার করিতেছে। উঠিয়া ইহাকে পূর্বের ন্যায় স্বহস্তে ভক্ষণ প্রদান করুন। তাতঃ আপনি লোককল্যাণ-মহাপাতক জানিয়াও, পূর্বে ইহার বৎসের জন্য আমাকে তাহার প্রবর্তিত করিতেও কুণ্ঠিত হয়েন নাই। আর আজ কেন ইহার চীৎকারে কর্ণপাত করিতেছেন না? ঐ দেখুন, ঋষিগণ আপনার অভিবাদন ও অভ্যর্থনা জন্য সমাগত হইয়া, চক্ষু-দ্বিকে দণ্ডায়মান অছেন। আপনি অনুমতি না করিলে,

ইহারা কোন বিষয়ে প্ররক্ত হয়েন না । ঐ দেখুন, আপ-  
নার কৃত্রিম পুত্র কন্যা হরিণ হরিণী উৎসুক ও ব্যাকুল  
হইয়া, বারাংবার লোলজিহ্বায় ভবদীয় চরণার বিদ্বের, ধূলি  
লেহন করিতেছে । ইহাদিগকে পূর্বের ন্যায় অলিঙ্গন ও  
সস্তাষণ করিয়া, পরিতৃপ্ত ও অপ্যায়িত করুন । তাতঃ !  
ঐই হস্তিশাবক আপনাকেই পিতা মাতা বলিয়া অবগত  
আছে সেইজন্য প্রতিদিন আপনার হস্তে ভোজন প্রতীক্ষা  
করিয়া থাকে । আজিও পূর্বের ন্যায়, পরম উৎসুক হইয়া,  
ভোজনার্থ উপস্থিত হইয়াছে । কিজন্য উদাশীন হইয়া,  
শয়ন করিয়া আছেন । ঐ দেখুন, বিহঙ্গম সকল আপনার  
সুন্দর, বেদ পাঠের প্রতীক্ষা আছে । কেননা, তদ্বারা  
ইহাদের হৃদয় পরিতৃপ্ত ও আত্মা পুলকিত হয় । সর্বা-  
পেক্ষা আমি আপনার প্রিয়পাত্র, ভক্ত ও অমুগত । সেই  
আমি ক্ষুধায় কাতর হইয়া, আপনার নিকট অন্ন  
প্রার্থনা করিতেছি অরণ্যে অরণ্যে ভ্রমণ করিয়া, ক্ষুধা ও  
তৃষ্ণায় দারুণ শ্রমজনিত আমার নিরতিশয় ক্লেশ উপস্থিত  
হইয়াছে । আমি এইপ্রকার শ্রমকাতর হইয়া, খিন্নদেহে  
সমীপে সমাগত হইলেই, আপনি সমুচিত ভোক্ষ্য ভোজ্য  
প্রদান করিয়া, আমাকে সুখীও শান্ত করিতেন । সর্বকনিষ্ঠ  
পুত্র বলিয়া আমার উপর আপনার স্নেহ ও প্রীতির সীমা  
ছিলনা । আমি যেখানে সেখানে সেই স্নেহে প্রীতির  
গৌরব করিয়া, আপনার সৌভাগ্য গর্ব প্রদর্শন করিতাম ।  
বলিতে, কি, আপনার আদর ও আশীর্বাদে প্রভাবে কেহই  
আমার স্পর্ধী হইতে সাহসী নহে । তাতঃ ! আজি আমার  
সমুদায় বিনষ্ট হইল । আজি আমি অনাথ ও অশরণ



হইলাম । আমার আর জীবনধারণে প্রয়োজন কি ?  
হায় ! অদ্য আপনাকে এই রূপে যুতপাতিত দর্শন করিয়া,  
সুস্পষ্ট প্রতীতি হইল, তপস্যায় কিছুমাত্র পৌরব নাই ;  
তপোবনে অণুমাত্র স্বর্গীয়তা নাই এবং ধর্ম্মানুষ্ঠানের  
লেশমাত্র ফল নাই । আপনি যখন পতিত হইলেন,  
তখন ধর্ম্ম ও সত্য পতিত হইয়াছে, সন্দেহ নাই ।

ভগবান্ রাম পিতার উদ্দেশে এইরূপে ও অন্যান্য বহুরূপ  
বিলাপ ও পরিতাপ করিতে লাগিল । তদীয় শোক সাগরে  
ক্রমশঃ উদ্বেল হইয়া উঠিতে লাগিল । অনন্তর তিনি সমা-  
গত ঋষিগণের সান্ত্বনায় ও স্বকীয় অসামান্য বুদ্ধিবলে  
এই উচ্ছলিত শোকবেগ কথঞ্চিত সংবরণ করিয়া, পূর্ব  
প্রকৃতি লাভ করিলেন এবং যথা বিধানে পিতার পর-  
লোকে কার্য সমাধানান্তে সকলকে জিজ্ঞাসা করিলেন,  
ঋষিগণ ! আমি আশ্রম হইতে বহির্গত হইলে যে যে  
ঘটনা ঘটিয়াছিল এবং পরম পূজ্যপদ পিতৃদেব যেরূপে  
পরলোক প্রাপ্ত হইলেন, সমুদায় আনুপূর্বিক কীর্তন করুন ।  
শুনিয়া যথোচিত প্রতীকার করিব । অপোধনগণ ! যদি  
অমার প্রতি স্নেহ ও করুণা থাকে, তাহাহইলে, কিছুমাত্র  
গোপন করিবেন না । পিতা আমার স্বভাবতঃ শান্ত-  
শীল ও নিরীহ প্রকৃতি । অতএব বোধ হয়, বিনাপরাধেই  
তদীয় প্রাণ দণ্ড সংঘটিত হইয়া থাকে । অথবা, পিতা  
আপাতঃ অপরাধী হইলেও, তদীয় প্রাণদণ্ড সহ করা  
পিতৃ প্রাণ পুত্রের কদাচ সাধ্য হয় না ।

ঋষিগণ কহিলেন, ভার্গব ! তুমি অসীম জ্ঞান-শক্তি  
বিশিষ্ট । তোমার অনুমান কখন ব্যর্থ হইতে পারে না

তোমার পিতৃদেব বাস্তবিক নিরপরাধে নিহত হইয়াছেন । তিনি শক্তি সত্ত্বেও দুরাত্মাদিগকে ক্ষমা করিয়াছেন । তাঁহার ভূপোবল যেক্রপ অসামান্য, তাহাতে মনে করিলে, তিনি অনায়াসেই শত্রুদিগকে ভস্ম করিতে পারিতেন । তাহা না করাতেই, শত্রুগণ প্রবল হইয়া, বিশেষতঃ তোমার অমুপস্থিতি রূপ সুযোগ পাইয়া, পিতৃ দেবকে সংহার করিয়া, অনায়াসেই পলায়ন করিয়াছে । সর্বথা, শৃগাল হস্তে সিংহের পরাজয় ও পরাভব সমাহিত হইয়াছে । ইহা অপেক্ষা শোকের ও পান্নিতাপের বিষয় আর কি হইতে পারে !

রাম কাহিলেন, বুঝিলাম, দৈব নির্দিষ্ট বা বিধিকৃত্য অতিক্রম বা পরিহার করা সহজ নহে । বিধাতার মনে ষাহা আছে, তাহা অবশ্যই সংঘটিত হইয়া থাকে । সে বিষয়ে অনুতাপ ও শোক করা রূথা । অধুনা, কাল বিলম্ব করা বিধেয় নহে । অতএব সত্বর শত্রুগণের নাম নির্দেশ করিয়া, আমাকে স্বস্থ ও উপকৃত করুন । পিতৃ শত্রু জীবিত থাকিতে, সৎপুত্রের স্বস্তি সম্ভাবনা কোথায় ? নিশ্চয় বলিতেছি, শত্রুকুল নির্মূল না করিয়া, জলস্পর্শ করিব না । যদি নিপাত করিতে না পারি, তাহা হইলে, ইহ লোকেও আর অবস্থিতি করিব না । আপনাদের সমক্ষে এই খরধার হেতি প্রয়োগ করিয়া, পাপজীবন বাহর্গত করতঃ পিতৃ ঋণের নিষ্কাশন করিব । আমার বাক্য কদাচ অন্যথা হইবে না । যে পুত্র পিতার ঋণ পরিষ্কার না করে, সে কখন পুত্র বলিয়া গণ্য হইতে পারে না । ইহলোকে পিতৃ পুত্র সম্বন্ধই সর্বাপেক্ষা বলবান ও প্রধান ।

পিতা সাক্ষাৎ ঐশ্বর স্বরূপ । সেই পিতার অপমৃত্যু দর্শন সাক্ষাৎ নরক দর্শন, সন্দেহ নাই ।

ভগবান্‌ রাম গদগদ বচনে এইপ্রকার কহিয়া ধীরে ধীরে বিনিবৃত্ত হইলে, ঋষিগণ ত্রাহাঁকে সান্ত্বনা করিয়া কহিলেন, রাম ! তোমার পিতৃভক্তির সীমা নাই । এই গুণে তোমার সমুদায় কামনাই সম্পন্ন হইবে, সন্দেহ নাই । অধিকন্তু, তোমার ব্রহ্মতেজে ত্বদীয় পিতার নিশ্চয়ই সদগতি লাভ হইবে । অতএব তুমি শোকত্যাগ করিয়া ; অনন্তর কর্তব্য সাধনে যত্নবান্‌ ও ত্বরাপর হও । শোকে ধৈর্য্য নাশ ও বুদ্ধি হানিকরে এবং তেজ ক্ষয় করিয়া থাকে । বুদ্ধিমান্‌ পুরুষগণ এই কারণে শোকের বশবর্তী হইয়েন না । শোক হৃদয়ের শঙ্কু স্বরূপ । এবং আত্মলাভের হুরন্ত প্রতিঘাত স্বরূপ । তুমি সেই শোকত্যাগ করিয়া, পিতৃশত্রুর উৎপাটন কর । অধুনা, তাহাদের নাম নির্দেশ করি, শ্রবণ কর । তুমি আশ্রম হইতে বহির্গত হইলে, একদল শস্ত্রধারী পুরুষ সহসা প্রবেশ করিল ; জিজ্ঞাসা করিয়া, অবগত হইলাম, তাহারা কার্ত্তবীৰ্য্যের দায়াদ । তুমি যে সেই কার্ত্তবীৰ্য্যের ভুজবল ছেদন করিয়া সংহার করিয়াছ, তাহার বৈরশোধ করাই ঐ পুরুষগণের উদ্দেশ্য । তুমি যে আশ্রমের বহির্গত হইয়াছ, হুরাচারগণ তাহা বিশেষ রূপে অবগত ছিল । এই জন্য আশ্রমে প্রবেশমাত্র কাপুরুষের ন্যায়, তোমার নাম নির্দেশ করিয়া, কহিতে লাগিল, হুরাচার রাম কোথায় ? সেই পাপাত্মা আমাদের আগমন সংবাদ জানিতে পারিয়া, ভয় বশতঃ নিশ্চয়ই পলায়ন করিয়াছে । এই বলিয় তা

সিংহগুহা প্রবিষ্ট জম্বুকের ন্যায় ভীত দৃষ্টি ইত-  
স্ততঃ সঞ্চাৰিত করিতে লাগিল । অনন্তর কাল বিলম্ব না  
করিয়া, নিরপরাধে ত্বদীয় পিতাকে সংহার পূৰ্বক অপ-  
ক্রান্ত হইল । আমরা, সবিশেষ সাবধান না হইতেই, এই  
দারুণ শোকাবহ ঘটনা সংঘটিত হইয়াছে । তোমার  
পিতাও শান্ত স্বভাব প্রযুক্ত লোকক্ষয় আশঙ্কায় আমা-  
দিগকে সাবধান হইতে প্রতিষেধ করিয়াছিলেন । তিনি  
ধৰ্ম্মবুদ্ধিতে কমা করিয়া, স্বয়ংই হত হইয়াছেন । তাদৃশ  
লোকেহাত্যকারী মহাত্মার জন্ম শোক করা বিধেয় নহে ।  
ফলতঃ, দুরাচারী তাঁহার কৃত উপকার তুচ্ছ করিয়া, যে  
রূপ কৃতঘ্নতা করিয়াছে, তুমি প্রতীকার বিহিত না করি-  
লেও, স্বয়ং জগদীশ্বর কখনই ইহা সহ্য করিবেন না ।  
কেন না, অপকারের প্রতিঘাত না করিলে, লোকস্থিতির  
সম্ভাবনা কোথায় ? এই জন্ম, তিনি লোকমঙ্গল সাধন  
কামনায় যুগে যুগে অবতীর্ণ হইয়া থাকেন । এবং এই  
জন্মই অপকার করিয়া, কোন ব্যক্তিই সহজে পরিহার  
প্রাপ্ত হয় না । হে ভার্গব ! আমরা সমুদায় ঘটনা  
কলাকল বর্ণন করিলাম, এক্ষণে যাহা বিহিত হয়, সত্বর  
বিধান কর ।

রাম কহিলেন, ঋষিগণ ! স্বয়ং ঈশ্বর প্রতিকার  
করুন বা না করুন তাহাতে আমার আশঙ্কপ নাই ।  
আমি নিজেই ইহার প্রতিকার চেষ্টাকরিয়া বলিতেছি,  
ঈশ্বরের অনতিমত হইলেও, এবিষয়ে নিরত বা নিরস্ত  
হইব না । প্রাণপর্যন্ত পণ করিয়া, পিতৃবৈরনির্যাতন  
করিব । এবিষয়ে আমার সমস্ত তপোবল নিয়োগ

করিলাম । আপনারা এই স্থানেই প্রতীক্ষা করুন ; আমি মুহূর্তমধ্যে কণ্টকনিপাত করিয়া, প্রত্যাগমন ও আপনাদিগকে অভিবাদন করিব । যাবৎ শত্রু নিপাত না করিতেছি, তাবৎ আমার স্বস্থতা নাই । যন্তুক পার্শ্বে অগ্নি প্রজ্বলিত থাকিতে, কোন্ বস্তু নিরুদ্ধেগে নিদ্রিত হইতে পারে ? এই বলিয়া ভগবান্ পরবীরহা মহাবীৰ্য্য রাম তৎক্ষণাৎ খরতর শস্ত্র গ্রহণ করিয়া, মুর্তিমান্ কৃতান্তের ন্যায়, প্রবল রোষভরে কার্তবীৰ্য্যের পুরমধ্যে প্রবেশ করিলেন । তৎকালে তদীয় সুপ্রসিদ্ধ শাস্ত্র স্বরূপ উৎপাত কেতুর ন্যায়, নিরতিশয় ভয়াবহ হইয়া উঠিল । নগরের স্ত্রী বালক বৃদ্ধগণ এবং অতিমাত্র সাহসী পুরুষগণও তদর্শনে ভীত হইয়া, মনে মনে সৃষ্টিনাশ সম্ভাবনা করিতে লাগিল । তিনি দণ্ডাণি কৃতান্তের সহায় তজ্জন্মে তাহাদের বধদণ্ড বিধানে প্ররুত হইলেন । ক্ষণমধ্যেই নগরী শূন্য হইয়া গেল । ক্ষত্রিয় শোণিতের নদী প্রবাহিত হইল । তাহাতেও তাঁহার ক্রোধের শান্তি হইল না । প্রত্যুত, ঘৃতাভূতি হৃতাসনের ন্যায়, উছা যেন বর্দ্ধিত হইয়া উঠিল । তিন সেই প্রজ্বলিত ক্রোধানলে পৃথিবীর তাবৎ ক্ষত্রিয়কে আভূতি দান করিয়া, নিরুত হইলেন । এই দূতি তাঁহার হস্তে ক্ষত্রিয় বংশ ধ্বংস হইয়াগেল ।

অনন্তর প্রতাপবান্ পরশুরাম মহৎ যজ্ঞের অনুষ্ঠান পূর্বক দেবেন্দ্রের তর্পণ ও ঋত্বিক দিগকে পৃথিবী দান করিলেন । সেই মহামতি রাম ভগবতী বসুমতীকে ধেনুরূপে কল্পনা করিয়া, মহাত্মা কশ্যপকে প্রদান করিলেন । ব্রাহ্মণেরা কশ্যপের আজ্ঞানুসারে সেই ধেনুকে খণ্ড খণ্ড

করিয়া, পরম্পর ভাগ করিয়া লইলেন । এই রূপ খণ্ড করাতে তাঁহার খাণ্ডবায়ন ব্রাহ্মণ নামে বিখ্যাত হইলেন । মহাবল পরাক্রান্ত রাম মহাত্মা কশ্যপকে সমগ্র পৃথিবী দান করিয়া, কঠোর তপোমুষ্ঠানে প্রবৃত্ত হইয়া, মহেন্দ্র পর্বতে বাস করিতে লাগিলেন । তাঁহার বিক্রমের সীমা নাই । আমি তোমার নিকট এই পরম প্রশস্ত রাম চরিত কীর্তন করিলাম । সেই মহাত্মা ক্ষত্রিয় রুধিরে পঞ্চ দ্রব্য বিনির্মাণ কারণ তথায় স্নান ও পিতৃগণের তর্পণ করিলে, পরম পুণ্য সঞ্চিত হয় ।

হে মহামতি ! তীর্থসেবী পুরুষ তথা হইতে বংশমূলক তীর্থে গমন করিয়া, স্নান করিলে, তাহার বংশের উদ্ধার হয় । হে সূত নন্দন ! তথা হইতে কায় শোধন তীর্থে গমন ও স্নান করিলে, দেহশুদ্ধি সাধন হয়, সন্দেহ নাই । অনন্তর ধার্মিক পুরুষ ত্রিলোক বিস্তৃত বিষ্ণুতীর্থে গমন করিবে । প্রভু বিষ্ণু পূর্বে এই স্থানে লোক সকলের উদ্ধার করিয়া ছিলেন । এই জন্ম ইহার অন্যতর নাম-লোকোদ্ধার বলিয়া, ত্রিভুবনে ঘোষিত হইয়া থাকে । সূত ! তথায় স্নান করিবে, স্বকীয় লোক সকলের উদ্ধার প্রাপ্তি সংঘটিত হয় ।

অনন্তর শ্রীতীর্থে গমন করিয়া, উত্তম শ্রীলাভ করিবে । তথা হইতে ব্রহ্মচারী ও সমাহিত হইয়া, কপিলাতীর্থে গমনপূর্বক স্নান এবং পিতৃগণ ও দেবগণের পূজা করিবে । এই রূপ পূজায় লক্ষ্য কপিলা দানের ফল প্রাপ্ত হইয়া থাকে । সূর্য্য তীর্থে গমন করিয়া, নিয়ত চিত্ত ও উপবাস পরারণ হইয়া, সে বাগ ও পিতৃগণের তর্পণ করিলে,

অগ্নিষ্টোমযজ্ঞের ফল লাভ ও সুরলোক প্রাপ্তি হয় । তীর্থ-  
সেবী পুরুষ গোতবনেগমন করিয়া, যথাবিধানে তথায়  
অভিষেক করিলে, গোনহস্ত দানের ফল লাভ করেন ।  
শত্বিগী তীর্থে গমন করিলে পুণ্য প্রচুর সকল ও মনুষ্য  
মধ্যে উৎকর্ষ লাভ এবং দেবী তীর্থে স্নান করিলে, নিরতি  
বীৰ্য্য প্রাপ্তি হয় ।

অগ্নি মহামতে ! ধর্ম্মজ্ঞ পুরুষ তথা হইতে ব্রহ্মাবর্তে  
গমন করিয়া, যথাবিধানে স্নান করিলে, ব্রহ্মলোকেগমন  
করেন । অনন্তর অনুভম স্মৃতীর্থে সমাগত হইয়া, বিহিত  
বিধানে স্নান করিয়া, তথায় দেবগণের সহিত নিত্য সন্নি-  
হিত পিতৃগণের পূজা করিবে । নিত্য নিয়মাবলম্বন পূর্বক  
ইন্দ্রিয়গ্রাম জয় করিয়া, ঐ রূপ পূজা করিলে, অশ্বমেধ  
যজ্ঞের ফল প্রাপ্তি হয় । অনন্তর ধর্ম্মজ্ঞ পুরুষ অমুতীর্থে  
সমাগত হইয়াই কাশীশ্বর তীর্থে স্নান করিলে, সমস্ত রোগ  
বিনিমুক্ত ও চরমে ব্রহ্মলোকে সমুপস্থিত হয় । ঐখানেই  
মাতৃতীর্থ প্রতিষ্ঠিত আছে । তথায় স্নান করিলে, অতুল  
সন্তান সমৃদ্ধি ও বিপুল শ্রীলাভ হয়, এবিষয়ে কোন সন্দেহ  
নাই ।

তথা হইতে ইন্দ্রিয় গ্রাম জয় ও আত্মা সংযত করিয়া  
শীতবনে গমন করিবে । এই তীর্থে কেশপাশ প্রক্ষালিত  
করিলে, সমস্ত পাতক দূর ও পরম পুণ্য সঞ্চিত হইয়া  
থাকে । তথায় শ্বোলোসাপই নামে সুবিখ্যাত আরু একটি  
প্রধান তীর্থ আছে । ঐস্থানে স্নান করিলে, হে স্মৃত !  
বিবিধ বিদ্যায় বিশিষ্ট রূপ পারদর্শিতা প্রাপ্তি হয় । এবং  
পরম গতি লাভ হইয়া থাকে । হে ঈজোত্তম ! প্রাণায়াম

করিলে, শ্বলোম সকল নিরহিত হয় । এবং পূতাশ্রা হইয়া, চরমে পরমগতি প্রাপ্তি হইয়া থাকে ।

দশাস্ব মেধিতে স্নান করিলে, নিশ্চয় গতি লাভ হয় । অনন্তর ধর্মাজ্ঞ পুরুষ তথা হইতে সর্বলোক বিখ্যাত মানুষ তীর্থে গমন করিবে । হে সূত ! তথায় ব্যাধ কর্তৃক শর পীড়িত কৃষ্ণ যুগসকল অবগাহন করিয়া, মানুষ্যোনি লাভ করিয়া ছিল । ব্রহ্মচারী ও ঐতেন্দ্রিয় হইয়া, সেই তীর্থে স্নান করিলে, সমস্ত পাপ বিনিমুক্ত ও স্বর্গে দেবতার ন্যায় বাসস্থান প্রাপ্ত হওয়া যায় । হে সূত ! মানুষ্য-তীর্থের পূর্বে ক্রোশমাত্র ব্যাধানে আপগা নামে বিখ্যাত পরম সিদ্ধি দায়িনী প্রবাহিত হইতেছে । তথায় স্নান করিয়া, পিতৃগণ ও দেবগণের উদ্দেশে কথামাত্র ভক্ষাদি দান করিলে, যে পুণ্য ফল প্রাপ্তি হয়, শ্রবণ কর । এক মাত্র ব্রাহ্মণ ভোজন করাইলে, কোটি ব্রাহ্মণ ভোজনের ফল প্রাপ্ত হওয়া যায় ।

অনন্তর ধর্মাজ্ঞ ব্যক্তি পরম পবিত্র ব্রহ্ম স্থানে গমন ও যথাবিধি অবগাহন করিয়া, পিতৃদেবগণের পূজা করিবে । ঐস্থান ব্রহ্মতুস্বর নামে বিখ্যাত । হে সূত নন্দন ! তথায় সপ্তর্ষিকুন্তে স্নান করিলে, সর্ব পাপবিনষ্ট ও ব্রহ্মলোক লাভ হইয়া থাকে । তথা হইতে কপিল কেদারে গমন ও বিধিপূর্বক অবগাহনাদি করিলে, আর পুনর্জন্ম হয় না । সমস্ত পাপক্ষয় হইয়া, নির্বাণ মুক্তি লাভ হয় ।

অনন্তর পুণ্যাথী পুরুষ সর্বলোক সুবিখ্যাত সর্বতীর্থে সমাগত হইয়া, কৃষ্ণ পক্ষীয় চতুর্দশীতে তথায় প্রতিষ্ঠিত দেবদেব মহাদেবো পূজা করিলে, সে সমস্ত কামনা



লাভান্তে শিবলোকে মিলিত হইয়া থাকেন। হে সুত-  
নন্দন! এই সর্বকর্তীর্থে তিনকোটি তীর্থের অধিষ্ঠান  
আছে। এই জন্য ঐ তীর্থ পরমপবিত্র ও পরম পুণ্যদ।  
তথায় ইলাশ্যাদ নামে যে পুণ্য তীর্থ প্রতিষ্ঠিত আছে,  
সেখানে বিহিত বিধানে অভিব্যেকাদি করিয়া, পিতৃ  
দেবগণের পূজা করিলে, কোন কালে দুর্গতি লাভ হয় না  
এবং রাজপেয়যজ্ঞের ফল প্রাপ্তি হইয়া থাকে। ইহা  
স্বয়ং মহাদেব দেবী পার্বতীর নিকট বর্ণনা করিয়াছেন।

অয়ি মতিমন্! কিন্দানে ও কিঞ্জপো স্নান ও দান  
করিলে, দান ও জপের অপরিমেয় ফল প্রাপ্তি হইয়া থাকে।  
সবকেরপূর্বে মহাত্মা নারদের যে অনাজন্ম নামে বিখ্যাত  
তীর্থ আছে, উহা নিরাতশয় পুণ্যবিধান করে। তথায়  
ধার্মিক পুরুষ স্নান করিয়া, প্রাণ পরিহার করিলে, দেবর্ষি  
নারদের প্রসাদে অতুভম লোক সকল প্রাপ্ত হইয়েন। এই  
প্রকার বিখ্যাত আছে, দেবর্ষি দেবদেব আদিদেব নারা-  
য়ণের শ্রীতি কাম হইয়া, তথায় যথাবিধি স্নানদানেও  
বৈষ্ণবগীতা প্রচার করিয়াছিলেন। ঐ গীতার নাম নারদ  
পঞ্চরতি। এই নারদ পঞ্চবেদ অপেক্ষাও উৎকৃষ্ট ও  
বিশিষ্ট রূপ শুশ্রূষনীয়। লোক মাত্রেরই যথাভক্তি ও  
যথাশ্রদ্ধা এই তীর্থের সেবা করিবে। এখানে স্নান করিলে,  
আর পুনরায় জন্মগ্রহণ করিতে হয় না। এই জন্য ইহার  
নাম অনাজন্ম হইয়াছে। তথায় তরণী নামে পরম পবিত্র  
পাপমোচনী তরঙ্গিনী প্রবাহিত হইতেছে। ঐ নদীতে  
অবগাহনান্তর উমাপতি মহাদেবের অর্চনা করিলে, সমস্ত  
পাপে পরিহার প্রাপ্তি ও পরম পদে অধিষ্ঠান হইয়া থাকে।

অনন্তর ধর্মজ্ঞ পুরুষ কলকী তীর্থে গমন করিয়া, যথাবিধি স্নানদামাদি করিবে । স্মৃত ! তথায় দেবগণ কলকী তীর্থ আশ্রয় করিয়া, বহু বর্ষসহস্র তপস্যাচরণ করিয়াছিলেন । এই তীর্থে অবগাহন করিলে, দেবগণের প্রসাদে সকল অভীষ্ট সুসিদ্ধ হয় ।

‘ হে ধর্মজ্ঞ ! তথাহইতে সর্বলোক বিখ্যাত মিশুক তীর্থে গমন করিবে । মহাত্মা নারদ বিপ্রকার্য সাধনার্থ পূর্বে এই স্থানে বহু সংখ্য তীর্থ মিশ্রিত করিয়াছিলেন । যে ব্যক্তি তথায় স্নান করে, তাহার সকল তীর্থে স্নান করা হয় । অনন্তর মধুবর্তীতে দেবী স্থানে গমন করিয়া, প্রয়ত ও শুচি হইয়া, স্নান করত পিতৃগণ ও দেবগণের অর্চনা করিলে, দেবীর প্রসাদে গোসহস্র দানের কললাভ হইয়া থাকে । এই স্মৃতজ ! কেশিকা ও দৃশদ্বতী এই নদীর সঙ্গমে সমাগত হইয়া, আহার সংযম সহকারে অবগাহন করিলে, সমস্ত পাপ প্রক্ষালিত হয় । কিন্ত কূপে গমনপূর্বক তিল প্রস্থান প্রদান করিয়া, যথাবিধি অভিষেক করিলে, ঋণত্রয়ে পরিহার প্রাপ্তি ও পরমাসিদ্ধি সম্পন্ন হয় । বেদ তীর্থে অবগাহন করিলে, গোসহস্র দানের কল প্রাপ্তি হইয়া থাকে । অহঃ ও সুদিন নামক দুই তীর্থ পরম দুর্লভ । হে মহাত্মা তথায় স্নান করিলে, সূর্যালোক লাভ হয় ।

তথা হইতে ত্রিলোক বিখ্যাত নৃপগন্ধমে গমন করিবে । তথায় রুদ্রপাদে স্নান করিলে, চরমে রুদ্রপাদে অধিষ্ঠান হয় । দেবহুদে স্নান করিলে, সহস্র গোদান দ্বারা যে ফল প্রাপ্তি হয়, সেই ফল পাওয়া যায় । অনন্তর তিনলোক

বিখ্যাত বামনকে সমাগত হইবে । তথায় বিষ্ণুপাদ স্নানান্তর ভগবান্ বামনের বিশিষ্ট রূপ অর্চনা করিলে, সমস্ত পাতক বিদূরিত ও সূর্যালোক বাস সংঘটিত হয় । শ্রীকৃষ্ণ ও সরস্বতী তীর্থে পরম পুণ্য জনক । তথায় অবগাহন করিলে, স্বর্গলোকে অমরবৎ অধিষ্ঠান করিতে পারা যায় । অনন্তর সুদূর্লভ নৈমিষ কুঞ্জ সমাগত হইয়া, ষথাবিধি স্নানদানাদি বিধি সমাহিত করিবে । তথায় নৈমিষীয় তপোধন ঋষিগণ সর্বদা অধিষ্ঠান করেন । ঐ তীর্থে স্নান করিলে, হয়মেধ যজ্ঞের ফল প্রাপ্তি হইয়া থাকে ।

হে ধর্ম্মজ্ঞ! তথা হইতে অনুত্তম কন্যা তীর্থে গমন করিবে । তথায় স্নানকরিলে, জ্যোতিষ্ঠোম যজ্ঞের ফল লাভে সমর্থ হওয়া যায় । হে মহাত্মা! তথা হইতে সর্বলোকোত্তর ব্রহ্মস্থানে গমন করিবে । এই স্থানে গমন করিলে, শূদ্রেও ব্রাহ্মণ হইয়া থাকে । এবং ব্রাহ্মণের আত্মশুদ্ধিসমাধান পুরঃসর পরম্পদে অধিষ্ঠান লাভ সংঘটিত হয় ; এবিষয়ে অণুমাত্র সংশয় নাই । সোম তীর্থে অবগাহন করিলে, সোমযাগের ফললাভ হইয়া থাকে । অনন্তর পুণ্যবান্ পুরুষ সপ্তসারস্বতে গমন করিবে । তথায় অভিষেকান্তর জপ্য জপ করিলে, ব্রহ্মলোক প্রাপ্তি হয় । তৎপরে ত্রৈলোক্য তীর্থে সমাগত হইবে । হে ...তক! এই তীর্থে ত্রিলোক বিখ্যাত এবং ভগবান্ কাণ্ডিকের নিত্য অধিষ্ঠানক্ষেত্র । তিনি ভার্গবের প্রিয় কামনা বংশব্দ হইয়া, তথায় ঐ রূপ নিত্য সন্নিহিত আছেন ।

কপাল মোচন তীর্থ সমস্ত পাপনিঃশেষে বিদূরিত করে । মহাত্মা! তথায় অবগাহন করিলে, ব্রহ্মণ্য লাভ

হইয়া থাকে। অতএব শুচি ও প্রয়ত মানসে তথায় অব-  
গাহন করিয়া ব্রহ্মযোনি লাভ করিবে। হে ধর্ম্মজ্ঞ! তদ-  
নন্তর ভগবান্ কার্ত্তিকেয়ের অধিকৃত পৃথুদক নামক  
ত্রিলোক বিখ্যাত পরমপুণ্য জনক তীর্থে সমাগত হইবে।  
তথায় যথাবিধি অভিষেক বিধি সুবিহিত করিলে, অশ্বমেধ  
যজ্ঞের ফললাভ হয়। শাস্ত্রকারেরা বলিয়া থাকেন, কুরু-  
ক্ষেত্র পরম পবিত্র। সেই কুরুক্ষেত্র অপেক্ষা সরস্বতী ও  
সরস্বতীর তীর্থ সকল শ্রেষ্ঠ এবং সারস্বত তীর্থ অপেক্ষা  
পৃথুদক পুণ্য জনক। এই সর্বতীর্থোত্তম পৃথুদকে কলে-  
বর পরিহার করিবে। এখানে জপ করিলে, পুনরায় মরি-  
বার জন্য জন্মিতে হয় না। অয়ি মহামতে! পৃথুদকই  
পরম পবিত্র, অন্য তীর্থ সে রূপ নহে। তাহার স্নান  
করিলে, পাপাত্মাদেরও দিব্য লোক গতি হয়। হে সূত  
নন্দন! ঐস্থানেই মধুশুব নামে যে অনুত্তম তীর্থ প্রতিষ্ঠিত  
আছে, তথায় অবগাহন করিলে, সদ্যই গোসহস্র দানের  
ফললাভ হইয়া থাকে।

অনন্তর যথাক্রমে দেবীতীর্থে এবং সরস্বতীরূণাসঙ্গমে  
গমন করিবে। এই সঙ্গম ত্রিলোকে বিখ্যাত। ত্রিরাত্র  
উপবাস করিয়া স্নান করিলে, ব্রহ্মহত্যাপাতকেরও পরিহার  
হয়। হে সূত কুলোদ্ভহঁ! তথায় অবকীর্ণ নামে যে তীর্থ  
প্রতিষ্ঠিত আছে, পূর্বে মহাভাগদত্তী বিপ্রগণের প্রতি  
অনুকম্পা প্রদর্শনে কামনা প্রণোদিত হইয়া, ঐ তীর্থ নির্মাণ  
করিয়াছিলেন। তথায় চূড়া, উপনয়ন ও উপবাস এবং  
ক্রিয়ামন্ত্রানুষ্ঠান করিলে, ব্রাহ্মণ হওয়া যায়, তাহাতে  
সংশয় নাই। মহাশু! দত্তী তথায় চারি সমুদ্রই আনয়ন

করিয়াছেন। সেই সকলে স্মান করিলে, হে মহাত্মা !  
কোন কালেই দুর্গতি হয় না।

হে ধর্মজ্ঞ ! অনন্তর শত সহস্রক তীর্থে গমন করিবে।  
তথায় সহস্রকনামে আর একটা তীর্থ আছে। এই দুই তীর্থই  
লোকবিশ্রুত। উভয়ে অভিসেক করিলেই, অশ্বমেধ সহ-  
স্রের ফল লাভ হইয়া থাকে। এবং দান বা উপবাস  
যাহাই করা যায়, তাহারই সহস্র গুণ ফল প্রাপ্তি হইয়া  
থাকে। অনন্তর পরম প্রশস্ত রেণুকা তীর্থে সমাগত  
হইবে। তথায় পিতৃদেবগণের অর্চনা পরায়ণ হইয়া,  
অভিসেক করিবে। তাহা হইলে, সমস্ত পাপ পরিহার  
প্রাপ্তি ও অগ্নিষ্টোম যজ্ঞের ফলপ্রাপ্তি সংঘটিত হয়।  
বিমোচনে গমন করিয়া, জিতক্রোধ ও জিতেন্দ্রিয় হইয়া,  
উপর্চনা করিলে, প্রতিগ্রহ জনিত সমস্ত পাপের পরিহার  
প্রাপ্তি হইয়া থাকে।

## চতুবিংশত্যাধিকশততম অধ্যায়

ব্যাস কহিলেন, ব্রহ্মচারী ও জিতেন্দ্রিয় হইয়া, পঞ্চযতে  
গমন করিলে, নিরতিশয় পুণ্যকে সুসম্পন্ন ও সুরলোকে  
মহিত হওয়া যায়। তথায় রথবাহন যোজ্ঞেশ্বর শত্ৰু স্বয়ং  
সন্নিহিত আছেন। গমন মাত্রে দেব দেবের আরাধনা  
করিলেই সিদ্ধিলাভ হয়।

বরুণদেবের জন্ম নামক তীর্থ তদীয় তেজে প্রশোভিত হইতেছে। ব্রহ্মাদি দেবগণ, এবং সিদ্ধচারণাদি প্রমুখ ঋষিগণ সমবেত হইয়া, ভাবোনুকার্ত্তিরকে ঐ স্থানে কেনা পতিপদে প্রতিষ্ঠিত করিয়া ছিলেন। মহামতে ! তৈজসব পুরোঁ কুলতীর্থ ! তথায় অবগাহন করিলে, রুদ্রলোক লাভ হয়। অনন্তর স্বর্গদ্বারে গমন করিবে। বিশিষ্ট রূপে ইন্দ্রিয়গ্রাম জয় করিয়া; তথায় অভিষেক করিলে, অগ্নিষ্টোম যজ্ঞের ফল প্রাপ্ত হওয়া যায়। মহামতে ! এই কস্তুরতীর্থ সেটী অনরকতীর্থে সমাগত হইয়া, স্নান করিলে তাহার সমস্ত দুর্গতি দূর হইবে। মহামতে ! ব্রহ্মা সমস্ত দেবতার সহিত তথায় চিন্তা বিরাজমান আছেন। নারায়ণ সুরোলোক, সেই সকল দেবতা তাঁহার পূজা করেন। তিনি মানবগণের প্রতি করুণা পরতন্ত্র হইয়া, ঐরূপে ঐ স্থানে সন্নিহিত আছেন। ভগবতী ভবানীও কোতুহল পরায়ণা হইয়া, তথায় অধিষ্ঠান করিতেছেন। তাঁহার অর্চনা করিলে, কোন কালেই দুর্গতি হয় না। মহাভাগ ! দেবাদিদেব বিশ্বেশ্বর উমাপতি মহাদেবও তথায় বিরাজমান আছেন। তাঁহার উপাসনা করিলে, সমস্ত পাপের ক্ষালন হইয়া থাকে।

মহামতে ! তদনন্তর তীর্থদেবে অস্থিপুর যামক পরম পবিত্র তীর্থে গমন করিবে। এবং পিতৃ দেবগণের অর্চনায় প্ররত হইবে। তাহা হইলে, অগ্নিষ্টোম যজ্ঞের ফল লাভ করিবে। গঙ্গাহ্রদ নামে ত্রিলোক বিখ্যাত পরম কুপ ঐ স্থানেই প্রতিষ্ঠিত। সেই হ্রদে তিন কোটি প্রসিদ্ধ তীর্থ অধিষ্ঠান করিতেছে। স্মৃত ! সেখানে স্নান যাত্রাই ব্রহ্মলোক লাভ হইয়া থাকে। অন্তর লোকত্রয়ে বিখ্যাত

স্বাগ্ণবটে গমন করিয়া, রুদ্রদেবের আরাধনা করিলে, তৎ-  
প্রসাদে চরমে রুদ্রলোক লাভ হয়। তৎপরে মহাতাগ  
বশিষ্ঠের প্রতিষ্ঠিত বদরীপাটলে গমন করিবে। তথায়  
তিন রাত্রি উপবেশনানন্তর বদর সকল ভক্ষণ করিলে অশ্ব-  
মেধ যজ্ঞের ফল লাভ ও হরলোকে পূজা প্রাপ্তি সংঘটিত  
হয়।

মহামতে ! তীর্থসেবী ইন্দ্রমার্গে সমাসন্ন হইয়া, অহে'-  
রাত্র উপবাস করিলে, ইন্দ্রলোকে মহিত হইয়া থাকে।  
অনন্তর যেখানে তেজোরশি মহাত্মা আদিত্যের আশ্রম,  
সেই ত্রিলোক বিশ্রুত তীর্থে সমাগত হইয়া, অবগাহন  
করিলে, সূর্যালোকে মহিত হওয়া যায়। মহামতে ! তীর্থ-  
সেবী তথা হইতে সোমতীর্থে গমন করিবে। তথায় স্নান  
করিলে, িঃসন্দেহই সোমলোক লাভ হয়। হে ধর্মজ্ঞ !  
হে মহামতে ! অনন্তর মহর্ষি দধীচির লোকবিশ্রুত পুরম  
পবিত্র তীর্থে গমন করিবে। ঐ তীর্থ নিরতি পুণ্যজনক।  
তথায় তপোনিধি সারস্বত অঙ্গিরার জন্ম হয়। সেখানে  
অবগাহন করিলে, বাজপেয় যজ্ঞের ফল প্রাপ্তি হইয়া  
থাকে।

অনন্তর নিরত ও ব্রহ্মচারী হইয়া, ফলাশ্রমে গমন  
করিয়া অনশন ব্রত অবলম্বন পূর্বক তিন রাত্রি বাস করিবে।  
তাহা হইলে, ফলাসাতের পতি হইয়া, ব্রহ্মলোকে চরমে  
পূজিত হইবে। তৎপরে সন্নিহিতা নামক পরম পবিত্র  
তীর্থে গমন করিবে। পিতামহ প্রমুখ দেবগণ ও তপোধন  
ঋষিগণ তথায় মাঘ মাসে সমাগত হইয়া পরম পুণ্য যৌনী-  
ভোগ করেন। সূর্য্য গ্রহণ সময়ে তথায় অবগাহনাদি

করিলে, হে সূত ! শত অশ্বমেধ যজ্ঞের অনুষ্ঠান করা হয় । পৃথিবী ও অন্তরীক্ষে যে সকল তীর্থ, নদী, নদ, হ্রদ, প্রস্রবণ ও অন্যান্য জলাশয় আছে, তৎসমস্ত অমাবস্থাতে তথায় সমবেত হইয়া থাকে । হে মহামতে ! মাসে মাসে এই প্রকার ঘটনা হইয়া থাকে, এ বিষয়ে সন্দেহ নাই । তীর্থ-গণেরও উল্লিখিত রূপ সন্নয়ন প্রযুক্তই উহার নাম সন্নীত বা সন্নিহিত হইয়াছে । এই নাম পৃথিবী বিখ্যাত । তথায় স্নান করিয়া, যথাবিধি শ্রাদ্ধ করিবে । সেখানে অবগাহন মাত্র স্ত্রী বা পুরুষ সকলেরই সমস্ত দুষ্কৃত তিরোহিত হয় । এ বিষয়ে অণুমাত্র সন্দেহ নাই । অধিকন্তু, স্নানকারী ব্যক্তি পদ্মবর্ণ যানারোহণে পদ্মযোনির লোকে পদার্পণ করে । হে সূতনন্দন ! গঙ্গাহ্রদ নামে পরম প্রশস্ত তীর্থ এ স্থানেই প্রতিষ্ঠিত । তথায় অনাহার ও জিতেন্দ্রিয় হইয়া, স্নান করিলে, হে ধর্মজ্ঞ ! রাজসূয় অশ্বমেধ যজ্ঞ জনিত ফল লাভ হয়, সন্দেহ নাই ।

পৃথিবীতে নৈমিষে, জম্বরীক্ষে পুষ্কর এবং ত্রিলোকী মধ্যে কুরুক্ষেত্র পুণ্যোত্তম । তরুশ্রুকা ও বণকা এই উভয়ের যে অন্তর এবং রামহ্রদ ও মচক্রূক এই দুয়ের যে ব্যবধান, তাহারই নাম কুরুক্ষেত্র সমস্তপাপক ইহাকে পিতামহের উত্তরাবদি বলে ।



## পঞ্চবিংশত্যধিকশততম অধ্যায়

ব্যাসদেব করিলেন, অনন্তর ধর্মজ্ঞ ব্যক্তি পুরাতন ধর্ম-  
তীর্থে গমন করিবে। যেখানে মহাত্মা ধর্ম উৎকৃষ্ট তপু-  
শ্চরণ করিয়াছিলেন। তিনি স্নান চিহ্নিত এই পুণ্য  
তীর্থে প্রার্থনা করেন। সূত! ধর্মশীল ও জিতেপ্রিয়  
হইয়া তথায় স্নান করিলে, সপ্তম কুল পর্যন্ত পবিত্র হইয়া  
থাকে। এ বিষয়ে সংশয় নাই। নিরতি কৃষ্ণামুষ্ঠান সহ-  
কারে তথায় অবগাহন করিলে, অগ্নিস্টোম যজ্ঞের ফল লাভ  
ও বিষ্ণু লোকে পূজা প্রাপ্তি হইয়া থাকে।

অনন্তর সৌগন্ধিক বনে গমন করিবে। যেখানে ব্রহ্মাদি  
দেবগণ, ঋষিগণ, সিদ্ধচারণগণ, গন্ধর্বগণ, ও যক্ষগণ প্রতি-  
দিন প্রবেশ করে। এ বনে প্রবেশ করিবামাত্র সমস্ত  
পাপ প্রক্ষালিত হয়। অনন্তর সরিষরা, স্রোতশ্রেষ্ঠা, মহা-  
পুণ্য পল্লবিনিসৃত দেবী সরস্বতীতে অভিষেক করিয়া,  
পিতৃদেবগণের অর্চনা রত হইলে, এবং কলেবর পরিহার  
করিয়া, গাণপত্য লাভ হইয়া থাকে। ইহাতে সংশয় নাই।  
অনন্তর দেবীর অধিষ্ঠানক্ষেত্রে সুদুল্লভ রাজগৃহে গমন  
করিবে। হে তাত! তিন লোক বিখ্যাতা শাকস্তুরী নামে  
সুবিদিতা দেবী, এইরূপ প্রসিদ্ধি আছে, দিব্য সহস্রবর্ষ  
মাসে মাসে শাকমাত্র আহার করিয়াছিলেন। প্রসিদ্ধি  
আছে, দেবীর ভক্ত তপোধন ঋষিগণ তথায় আগত হইলে,  
দেবী সেই শাক দ্বারাই তাহাদের আতিথ্য সংকার করিয়া

ছিলেম । তদবধি তদীয় শাকন্তরী নামে প্রতিষ্ঠিত হই-  
য়াছে । মহানতে ! ব্রহ্মচারী হইয়া, শাকন্তরীতে গমনানন্তর  
তিন রাত্রি উপবাসের পর শাকমাত্র ভক্ষণ করিয়া, দ্বাদশবর্ষ  
পর্যন্ত ভক্ষণের ফল প্রাপ্তি হইয়া থাকে । শুচিও  
প্রয়ত হইয়া, এইরূপ করিলে, দেবীর প্রসাদে ঐরূপ ফল  
লাভ হয় ।

অনন্তর রুদ্রতীর্থে গমন করিবে । ইহা ত্রিলোক  
বিখ্যাত । দেবাদিদেব মহাদেব পূর্বে বিষ্ণুর প্রসাদনর্থ এই  
স্থানে তাহার আরাধনা করিয়াছিলেন । এবং দেবতাগণও  
সুদুল্লভ বহুবিধ বর লাভ করেন । তীর্থার্থী তথায় অভি-  
গমন পূর্বক ভগবান্ বৃষভ্জের পূজা করিলে, অশ্বমেধ  
যজ্ঞের ফল ও গাণপত্য লাভানন্তর ধুমাবতীতে গমন করিয়া,  
ত্রিাত্র বাস করিলে, মনোভিলষিত বিষয় সকল প্রাপ্ত  
হওয়া যায়, সন্দেহ নাই । তথায় বদরীর দক্ষিণ পাশে যে  
বামাবর্ত আছে, জিতেন্দ্রিয় হইয়া, শ্রদ্ধা সহকারে তাহাতে  
আরোহণ করিলে, মহাদেবের প্রসাদে পরম গতি প্রাপ্তি  
হইয়া থাকে । স্ক্রুতী ব্যক্তি উহা প্রদক্ষিণ করিয়া, মহা  
প্রাজ্ঞ ! সর্বপাপ প্রণাশিনী ধারাতে গমন করিবে । তীর্থ-  
সেবী তথায় স্নান করিয়া, কোন কালেই শোকে অভিভূত  
হয় না । ধনমত্ত পুরুষ তাহাকে প্রণাম করিয়া, মহা-  
গিরিতে গমন করিবে । গঙ্গাদ্বার স্বর্গদ্বারের সমান, সন্দেহ  
নাই । সমাহিত হইয়া, যোগিতীর্থে অবগাহন করিলে,  
পুণ্ডরীক যজ্ঞের ফল লাভ ও স্বকীয় বংশের উদ্ধার করিতে  
পারা যায় । তথায় একরাত্রি বাস করিয়াই গোলহস্ত দানের  
ফল লাভ হইয়া থাকে । সপ্তস্পদ, ত্রিস্পদ ও সপ্তাবর্ত

এই সকল তীর্থে পিতৃগণের সমিধি অর্পণ করিলে, পুণ্য-লোক প্রাপ্তি হয় । যে ব্যক্তি গঙ্গাবয়ুনা সঙ্গমে স্নান করে, সে দশাশ্বমেধ যজ্ঞের ফল লাভ ও স্বীয় বংশের উদ্ধার করিয়া থাকে ।

অনন্তর কনঘলে স্নান করিয়া, ত্রিরাত্রি বাস করিলে, অশ্বমেধ যজ্ঞের ফললাভ ও ত্রৈলোকে পূজা প্রাপ্তি হইয়া থাকে । মহামতে ! তৎপরে কপিলা বরে গমন করিয়া, তীর্থ সেবী ফলাবিধি অবগাহনাদি করিলে, সহস্র কপিলাদানের ফল প্রাপ্তি হয় । অনন্তর শান্তনুর প্রতিষ্ঠিত ললিতকায় গমন করিবে । তথায় অভিষেক করিলে হে স্মৃত ! দুর্গতি দর্শন হয় না । হে ধর্ম্মাক্ত ! তথা হইতে লোক বিশ্রুত সুগন্ধায় গমন করিলে, সর্ব পাপাবিশুদ্ধায়া ও ত্রৈলোক্য মহিত হওয়া যায় । মহামতে ! তীর্থ সেবী তথা হইতে রুদ্রবর্তে গমন করিবে । তথায় অভিষেক করিলে, ত্রৈলোকে মহিত হইয়া থাকে । মহাভাগ ! গঙ্গা সরস্বতী সঙ্গমে স্নান করিলে, সমস্ত পাপ প্রক্ষালিত ও স্বর্গলোক লাভ হয় । তথায় কর্ণহ্রদে স্নান ও দেবদেব শঙ্করের উপাসনা করিলে, কোন কালেই দুর্গতি ভোগ হয় না এবং বিষ্ণু লোকে পূজা প্রাপ্তি হওয়া যায় ।

মহামতে ! অনন্তর তীর্থ সেবী কুজাম্রকে গমন করিবা মাত্র স্বর্গলোক প্রাপ্তি হয় ; এবিষয়ে জপাদির অপেক্ষা নাই । তৎপরে অরুন্ধতী বটে গমন করিয়া, এক রাত্রি বাস ও সামুদ্রকে অবগাহন করিয়া, তিনরাত্রি উপরাস করিলে, এক সহস্র গোদানের যে ফল, সেই ফল লাভ করা যায় এবং বংশেরও উদ্ধার হইয়া থাকে । অনন্তর

ব্রহ্মচারী ও সমাধিত হইয়া, ব্রহ্ম বর্তে গমন করিলে, অগ্নিস্টোম যজ্ঞের ফল লাভ ও ব্রহ্ম লোকে পূজ্য প্রাপ্তি হয়। যমুনা প্রভাবে গমন ও অভিষেক করিলে, অশ্বমেধ যজ্ঞের ফল লাভ ও স্বর্গলোকে পূজাদি লাভ সংঘটন হয়। অনন্তর ধার্মিক পুরুষ দুর্বা সংক্রমণ নামধেয় প্রশস্ত তীর্থে গমন করিয়া যথাবিধি স্নান করিলে, বাজিমেধ ফল ও ব্রহ্মলোক প্রাপ্তি হয়। গন্ধর্ক, অপ্সর উরগগণের নিষেবিত নিকু প্রভাবে গমন করিয়া, পঞ্চ রাত্রি বাস করিলে, বহু সুবর্ণ লাভ হয়।

তথা হইতে অথ বেদীতে সমাগত হইয়া, অবগাহন করিয়া অশ্বমেধ যজ্ঞের ফল প্রাপ্তি ও স্বর্গলোক প্রাপ্তি হয়, যে সূতজ ! তথা হইতে পরম দুর্লভ ঋষিকুল ও তদনন্তর বাশিষ্ঠীতে গমন করিবে। এই বাশিষ্ঠীর সমতী-ক্রম মাত্রেই সমস্ত বর্ণই দ্বিজোত্তম হইয়া থাকে। এবং ঋষিকুলায় স্নান করিলে, ঋষিলোক লাভ হয়। মহামতে ! শাকাহারী হইয়া, যদি তথায় এক মাস বাস করা যায়, তাহা হইলে, ঐরূপ ফল লাভ হয়। তৎপরে ভৃগুতুঙ্গে গমন করিয়া, বাজিমেধ ফল লাভ করিবে। অনন্তর বীর প্রমোক্ষে সমাগত হইলে, সমস্ত পাপ বিনষ্ট হইয়া থাকে। তথা হইতে কৃত্তিকা তীর্থে গমন করিলে, অগ্নিস্টোম ও অতিরাত্র যজ্ঞের ফল লাভ হইয়া থাকে। তথা হইতে, অনুত্তম বিদ্যা তীর্থে সমাগত হইয়া, সঙ্গসময়ে অভিষেক করিলে, যথা তথা বিদ্যালাভ হয়। তৎপরে মহাশ্রমে এক রাত্রি বাস করিলে, সর্বপাপ বিমোচন, এক কাল নিরাহার হইলে শুভ লোক লাভ, ষষ্ঠকাল উপবাস.

করিলে আপনার সহিত অধস্তন দশ ও উর্দ্ধতম দশ পুরু-  
ষের উদ্ধার, তথায় প্রতিষ্ঠিত সুরাসুর নমস্কৃত মহেশ্বরকে  
দর্শন করিলে সকল কার্য সিদ্ধি, শোক নিরাস্তি ও মৃত্যু  
প্রতিষেধ এবং সর্বপাপ বিশুদ্ধায়া হইয়া, বহু সুবর্ণ  
প্রাপ্তি হইয়া থাকে।

অনন্তর বিতংসিকায় গমন করিয়া, যথাবিধি স্নানদান  
করিবে। স্বয়ং পিতামহ ইহার সোত করেন। এখানে  
স্নান করিলে, অশ্বমেধ যজ্ঞের ফল ও ঐশানসীগতি সম্পন্ন  
হয়। অনন্তর দেবনিষেবিত সুন্দরিকায় গমন করিয়া,  
অবগাহন করিবে। প্রাচীন ব্যক্তিগণ প্রত্যক্ষ করিয়াছেন,  
তথায় অভিষেক করিলে, রূপবান্ হওয়া যায়। মহা-  
মতে! তথা হইতে তীর্থবেদী ব্যক্তি ব্রাহ্মনিকায় গমন  
করিলে, পদ্মসবর্ণ ষানারোহণে ব্রহ্মলোকে গমন করে।  
অনন্তর সিদ্ধ নিষেবিত নৈমিসে গমন করিবে। স্বয়ং  
পিতামহ দেবগণে পরিবৃত হইয়া, তথায় নিত্য অধিষ্ঠান  
করেন। নৈমিষ গমন প্রার্থনা করিলেও অর্দ্ধ পাপ বিমো-  
চন হয়। এবং প্রবিষ্ট মাত্রই সমুদায় পাতকের ধ্বংস  
হইয়া থাকে। হে সূতোঅজ! বিদ্যান্ ব্যক্তি এক মাস  
তথায় বাস করিবেন। পৃথিবীর যাবতীয় তীর্থ নৈমিষে  
বিরাজ মান হইতেছে। সম্যক প্রকারে নিয়ম অবলম্বন  
ও ইন্দ্রিয় গ্রাম জয় করিয়া তথায় অবগাহন  
করিলে, ভূরি পুণ্য শুভলোক সকল জয় ও চরাম নির্বাণ  
মোক্শদয় এবং সপ্তমকুল পর্যন্ত পবিত্র হইয়া থাকে।  
হে সূতকুলর্ষভ! মনীষিগণ বলিয়াছেন, যে ব্যক্তি উপ-  
বাস পরায়ণ হইয়া, এই নৈমিষে গ্রাম পরিহার করে

তাহার স্বর্গলোকে আমোদ সন্তোষ হয় । হে স্মৃতনন্দন !  
এই নৈমিষ নিত্য পবিত্র ও পরম প্রশস্ত ।

অনন্তর গঙ্গোদ্ভেদে গমন ও ত্রিরাত্র উপবাস করিয়া,  
বাজিমেষের ফল লাভ ও বিষ্ণুলোকে বাস করিবে । তথা  
হইতে সরস্বতীতে গমন করিয়া, পিতৃদেবগণের তর্পণ  
করিবে । তাহা হইলে ; সারাস্বত লোক সমুদায়ে সমা-  
গত হইয়া, আমোদানুভাব সমস্ত হইবে । এবিষয়ে সংশয়  
নাই । অনন্তর ব্রতচারী ও জিতেন্দ্রিয় হইয়া, বাহুদয় গমন  
করিবে । তথায় এক রাত্রি বাস করিলে, ব্রহ্ম লোকে  
পূজিত হওয়া যায় । তথা হইতে সরস্বতীরে গো-  
প্রচারে গমন করিবে । রাম যেখানে কলেবর পরিহার  
পূর্বক তদীয় তেজ বলে, বাহন ও ভূত্যগণের সহিত স্বর্গে  
গমন করিয়াছিলেন । হে স্মৃতক ! রামের প্রসাদে ও  
ব্যবসায় প্রযুক্ত সকলেরই ঐ প্রকার সদগতি লাভ  
হয় । হে মহামতে ! সেই গোপ্রচারে লোকে অবগাহন  
করিলে, সর্বপাপ বিমুক্ত ও দেবলোকে মহিত হইয়া  
থাকে । হে স্মৃতনন্দন ! গোমতীতে রামতীর্থে সান  
করিলে, অশ্বমেধ যজ্ঞের ফল লাভ ও স্বীয় বংশের পবি-  
ত্রতা সুবিহিত হয় । অনন্তর সাহস্রক তীর্থে গমন করিয়া,  
ধার্মিক ব্যক্তি রাজসূয় ও অশ্বমেধ যজ্ঞের ফল সাধন  
করিবে । তথা হইতে তীর্থসেবী রাজগৃহে গমন ও ইন্দ্রিয়  
গ্রাম জরু করিয়া, যথাবিধি সান করিলে, পক্ষীগণের ন্যায়  
আমোদ অনুভব করে । তথায় শুচি হইয়া, যক্ষিনীর  
নৈতিক প্রমাণ করিবে । তদীয় প্রসাদে ব্রহ্মহত্যার পাতক  
হইতে মুক্ত হওয়া যায় ।

অনন্তর মণিনাগে গমন করিলে, গোসহস্রদানের ফল-লাভ হয়। যেব্যক্তি মণিনাগের উদ্দেশে নৈতিকবিধান করে, আশীবিষদষ্ট হইলেও তাহার শরীরে বিষের আবেশ হয় না। তথায় একরাত্রি বাস করিলে, সমস্ত পাপ প্রক্ষালিত হইয়া যায়। তথা হইতে মহর্ষি গৌতমের মহাবনে গমন করিবে। তথায় 'অহল্যা হ্রদে অবগাহন করিলে, পরম গতি লাভ হইয়া থাকে। অনন্তর শ্রীদেবীতে গমন করিলে, উৎকৃষ্ট শ্রী প্রাপ্তি হয়। হে ধর্ম্মজ্ঞ ! তথায় যে উদপান আছে, উহা ত্রিভুবনে বিশিষ্ট-রূপে বিখ্যাত। উহাতে কৃতভিষেক হইলে, বাজিমেষধযজ্ঞের ফলপ্রাপ্তি হয়। অনন্তর রাজর্ষি জনকের ত্রিদশপূজিত কুপে অবগাহন করিলে, বিষ্ণুলোকবাসে সমর্থ হওয়া যায়। তৎপরে সর্বপাপপ্রণাশন বিনশনে গমন করিবে। তথায় স্নান করিলে বাজপেয় যজ্ঞের ফল ও চন্দ্রলোক-বাস সংঘটন হয়। অনন্তর সর্বতীর্থজলোদ্ভবা বিশালায় গমন করিলে, বাজপেয়যজ্ঞফললাভ ও সূর্যালোকে বাস করিবে। তথা হইতে সিদ্ধনিষেবিত কম্পানানদীতে গমন করিয়া, অবগাহন করিলে, নিশ্চয়ই পুণ্ডরীকধাগ-ফলপ্রাপ্তি হয়। অনন্তর পুণ্যকলপ্রদায়িনী বিশালা-নাম্নী তরঙ্গিণীতে সমাগত হইয়া অবগাহন করিলে, অগ্নিষ্টোম যজ্ঞের ফল লাভ ও স্বর্গলোকে বাস হইয়া থাকে। মহামতে ! মাহেশ্বরীতে স্নানদানাদি করিলে, অশ্ব-মেধ যজ্ঞের ফল লাভ ও স্ববংশের সমুদ্বার সংঘটনে সমর্থ হওয়া যায়। মহামতে ! দেবগণের পুষ্করিণীতে অবগাহন করিলে বাজিমেষ ফল, প্রাপ্তি হয়। এক

কোন কালেই দুর্গতি হয় না। অনন্তর ব্রহ্মচারী ও সমাহিত হইয়া, রামপদে গমন ও মাহেশ্বরপদে অভিনেক করিলে, অশ্বমেধযজ্ঞফললাভ হইয়া থাকে। স্মৃতনন্দন! তথায় কোটিতীর্থের অধিষ্ঠান আছে, এইপ্রকার শুনিতে পাওয়া যায়। ধর্ম্যজ্ঞ! মহামায় মহাবল কোন অশুর ঐ সকল তীর্থ হরণ করিলে, প্রভাবিস্মু বিস্মু কুর্মরূপ ধারণ করিয়া, তাহাদের উদ্ধার করেন। মহামতে! সেই তীর্থকোটিতে অভিনেক করিলে, পুণ্ডরীক যজ্ঞের ফল লাভ ও চিরানন্দ ভোগ হইবে।

অনন্তর ধর্ম্যজ্ঞ পুরুষ নারায়ণস্থানে গমন করিবে। স্মৃত! ভগবান্ নারায়ণ যেখানে সর্বদা সন্নিহিত আছেন। এইং যেখানে ব্রহ্মাদি দেবগণ, তপোধন ঋষিগণ, আদিত্য সহিত বসুগণ ও রুদ্রগণ সমবেত হইয়া জনার্দনের উপাসনা করেন। অদ্ভুতকর্মা বিস্মু শালগ্রাম রূপে তথায় বিরাজ করিতেছেন। সেই দেবদেব ত্রিলোকীনাথ বরদ অব্যয় বিস্মুর অভিগমন করিলে, অশ্বমেধ যজ্ঞের ফল ও বিস্মুলোকে গতি হইয়া থাকে। ধর্ম্যজ্ঞ! তথায় যে সর্বপাপপ্রমোচন উদপান আছে, সেই কূপে চারি সাগর সর্বদা সন্নিহিত রহিয়াছে। ধর্ম্যজ্ঞ! তথায় স্নান করিলে, কোন কালেই আর দুর্গতি হয় না। পুনশ্চ, সেই স্থানে প্রতিষ্ঠিত বরদ অব্যয় শূলী মহাদেবের অভিগমন করিলে, অশ্বমেধ ফল লাভ করিয়া, ইন্দ্রের সহিত বিহার করিতে পারা যায়। তথায় জাতিস্মর নামে যে পরম পাবন তীর্থ আছে, উহাতে স্নান করিলে জাতিস্মর হওয়া যায়। অনন্তর বটেস্বরপুরে ভগবান্ কেশবকে



দর্শন ও অর্চনা করিয়া, উপবাস করিলে অতীত বিষয় লাভে সমর্থ হওয়া যায়, সন্দেহ নাই ।

তৎপরে সর্ষপাপপ্রমোচন দামন তীর্থে গমন করিয়া অবগাহন করিলে, দুর্গতিমুক্ত ও বিষ্ণুলোকে মহিত হইয়া থাকে । ধার্মিক ব্যক্তি তথায় প্রতিষ্ঠিত সর্ষপাপরিনাশিনী কৌশিকীর সেবা করিলে, রাজসুয় যজ্ঞের ফল প্রাপ্ত হইবেন । ঐ কৌশিকী প্রদক্ষিণ করিয়া, পরমপ্রশস্ত চম্পকারণ্যে গমন করিবে । তথায় একরাত্রি বাস করিলে, গোসহস্রদানের ফল প্রাপ্ত হওয়া যায় । তৎপরে মহামতি তীর্থসেবী গোষ্ঠীল তীর্থে সমাগত হইয়া, এক রাত্রি বাস করিলে, অগ্নিষ্টিম ফল লাভ করে । দেবাদিদেব মহাদ্যুতি মহাদেব ভগবতী পার্বতীর সহিত এই স্থানে বিরাজ করিতেছেন । তাঁহাকে দর্শন করিলে, সকল দুর্গতি দূর হয় । এবং মিত্রাবরুণলোকে চিরকাল বাস করিতে পারা যায় ।

অনন্তর বিজিতায়া হইয়া, কন্যাসম্ব্যেদ্য তীর্থে গমন করিলে, নিঃসন্দেহই প্রজাপতি মনুর লোকলাভ হইয়া থাকে । সংশিতব্রত ঋষিগণ বলিয়াছেন, তথায় কন্যাকে অনাদি যে কিছু দান করা যায়, তাহাই অক্ষয় হইয়া থাকে । তথা হইতে নিশ্চীরায় গমন করিলে, অশ্বমেধ যজ্ঞের ফল লাভ ও বংশের উদ্ধার হয়, সন্দেহ নাই । যাহারা এই সঙ্কমে দান করে, হে সূত ! তাহারা সেই পুণ্যবলে ব্রহ্মলোকে নিঃসন্দেহই গমন করিয়া থাকে । এই ত্রিলোক-বিখ্যাত নিশ্চীরায় ত্রিলোকবিশ্রুত বশিষ্ঠাশ্রম প্রতিষ্ঠিত আছে । তথায় কৃতান্তিষেক হইলে, বাজপেয়যজ্ঞফল লাভ হইয়া থাকে ।

অনন্তর ব্রহ্মর্ষিগণের নিষেধিত দেবকূটে গমন করিয়া, বাজিমৈধ ফল লাভ ও স্বীয় বংশের উদ্ধার করিবে। তথা হইতে ধর্ম্যুজ্জ পুরুষ কৌশিক হ্রদে গমন করিবে। কুশিক-বংশাবতংস মহাভাগ বিশ্বামিত্র যোগানে পূর্বে সিদ্ধ হইয়া-ছিলেন। তীর্থসেবী ব্যক্তি তথায় এক মাস বাস করিবে। তাহা হইলে, অশ্বমেধমমান পুণ্য প্রাপ্ত হইবে। সমুদায় তীর্থের মধ্যে প্রধান মহাহ্রদে স্নান করিলে, দুর্গতি-বিরহ ও বহু স্তবর্ণ লাভ হইয়া থাকে। বীরাশ্রমনিবাসী কুণারের দর্শনাদি করিলে, অশ্বমেধযজ্ঞানুষ্ঠান দ্বারা যে ফল প্রাপ্ত হয়, সেই ফল লাভ করা যায়, এ বিষয়ে কোনরূপ সন্দেহ নাই।

অনন্তর ত্রিলোকবিখ্যাত অগ্নিধারায় গমন করিলে, অশ্বমেধ ফল লাভ ও স্ববংশের উদ্ধার হইয়া থাকে। তথায় বরদাতা মহাদেব ও সনাতন বিষ্ণু প্রতিষ্ঠিত আছেন। তাঁহাদিগকে দর্শন ও অর্চনা করিলে, পরম পুণ্য ফল লাভ হয়। শৈলরাজে প্রতিষ্ঠিত পিতামহসরোবরে সমাগত হইয়া, কৃতান্তিষেক হইলে, অশ্বমেধতুল্য ফল প্রাপ্ত হয়। পিতামহের সরোবর হইতে যে ত্রিলোক-ভাবিনী কুমারধারা বিনিঃসৃত হইয়াছে, উহা ত্রিভুবনে বিশিষ্টরূপ বিখ্যাত। সেখানে স্নান করিলে আপনাকে কৃতার্থ বলিয়া স্পষ্টই বুঝিতে ও প্রত্যক্ষ করিতে পারা যায়। এখানে যথাকালে উপবাস করিলে, ব্রহ্মহত্যার পাপ মুক্তি হইয়া থাকে। অনন্তর তীর্থার্থী অনুভূতম গৌরশিরে গমন করিবে। তথায় অবগাহন করিবামাত্র আত্মশুদ্ধি সম্পন্ন ও বংশের উদ্ধার হয়। এবং পিতৃদেবগণের

অর্চনারত হইয়া, ঐ স্থানে আভিষেক করিলে, হরমেধ যজ্ঞ ফল লাভ ও স্বর্গে গমন করা যায়। অনন্তর ব্রহ্মচারী ও জিতেন্দ্রিয় হইয়া তাত্ত্বরুণায় গমন করিলে, বাজিমেধ ফল ও স্বর্গলোক প্রাপ্তি হইয়া থাকে। নন্দিনীতে প্রতিষ্ঠিত ত্রিদশমেবিত কূপে অবগাহন করিলে, অগ্নি মহামতি স্মৃত ! নরমেধ যজ্ঞের অনুষ্ঠানে যে পুণ্য, সেই পুণ্য সঞ্চিত হয়। কৌশিকী ও অরুণাসঙ্গমে অবগাহন করিলে, বিদ্বান ব্যক্তি সর্বপাপবিনিমুক্ত হইয়েন ।

তথা হইতে উর্বশীতীথে গমন ও তৎপরে সোমাত্মমে প্রবেশ করিয়া, কুম্ভকর্ণাত্মমে কৃতভিষেক হইলে, পৃথিবী-পূজ্য হওয়া যায়। এবং অশ্বমেধ যজ্ঞের ফল ও স্বর্গলোক প্রাপ্তি হইয়া থাকে। ব্রহ্মচারী ও জিতেন্দ্রিয় হইয়া, কোকামুখে অবগাহন করিলে জাতিস্মর হওয়া যায়, এবিষয় প্রাচীনগণ প্রত্যক্ষ করিয়াছেন। নন্দায় গমনমাত্রই কৃতার্থ হইয়া থাকে। এবং সমস্ত পাপ প্রক্ষালিত ও স্বর্গলোক প্রাপ্ত হয়। ঋষভদ্বীপে সমাগত হইয়া, ক্রৌঞ্চানসূদন কার্ত্তিকের সেবা করিয়া, তত্রত্য সরস্বতীতে কৃতভিষেক হইলে, বিমানারোহণে বিরাজ করা যায়। মহর্ষি উদ্যালকের প্রতিষ্ঠিত মুনিসেবিত মহারাজতীথে অবগাহন করিলে, সমস্ত পাপমোচন হয়।

## ষড়বিংশত্যধিকশততম অধ্যায়

বাসুদেব কহিলেন, অনন্তর ত্রৈলোক্যসেবিত পরমপবিত্র ত্রৈলোক্যতীর্থে গমন করিয়া, অবগাহন করিলে, বাজপেয়ফল লাভ হইয়া থাকে, সন্দেহ নাই। তথা হইতে ভাগরথীতে কৃতোদক হইয়া, দণ্ডার্পণে সমাগত হইলে, গোসহস্রদানের কল প্রাপ্তি হয়। অনন্তর সিদ্ধনিবেদিত পরমপবিত্র নবেতিকায় গমন করিলে, বাজপেয়ফললাভ ও বিমানচারী হইয়া পূজা প্রাপ্ত হইয়া থাকে। তথা হইতে সংবিন্দ্যনাগক উৎকৃষ্ট তীর্থে সন্ধ্যাকালে সমাগত হইয়া, অবগাহন করিলে, লোকে নিঃসন্দেহে বিদ্বান্ হয়। মহাপ্রভাব রাম পূর্বে প্রসন্ন হইয়া এই তীর্থে সকল তীর্থের রাজা অর্থাৎ শ্রেষ্ঠ করিয়াছিলেন। লোহিত্য তীর্থে গমন করিলে প্রচুর সুরণ লাভ হইয়া থাকে। করতোয়ায় গমন ও ত্রিরাত্রি উপবাস করিলে, মহাফল লাভ হয়, সন্দেহ নাই। কোশলায় সমাগত হইয়া তত্রত্য কালতীর্থে কৃতোদকে হইলে, গোসহস্রফললাভান্তে সুরলোকে পূজিত হওয়া যায়। হে ধর্ম্মজ্ঞ ! গঙ্গাসাগরসঙ্গমে অবগাহন করিলে, একাদশ সুরভ ফল প্রাপ্ত হওয়া যায় এবং মনীষিগণ বলিয়া থাকেন, অশ্বমেধ যজ্ঞ করিলে যে কল, তাহার শত গুণ ফল সংঘটিত হইয়া থাকে। স্মৃত ! তত্রত্য বরদ্বীপে স্নান করিয়া, ত্রিরাত্রি অনশন করিলে, সমস্ত অভীষ্ট সিদ্ধ হয়।

অনন্তর বৈতরণীনাম্নী পাপপ্রমোচনী তরঙ্গিণীতে

গমন করিয়া। তথা হইতে যেখানে শশধর স্বয়ং বিরাজ করিতেছেন, সেখানে স্নান করিলে, বংশের উদ্ধার ও সর্ব পাপ পরিহার হইয়া থাকে। এবং সহস্র গোদান করিলে যে ফল, সেই ফল লাভ ও স্বীয় বংশের পাবিত্রতা বিধান করা যায়। শোণ ও জ্যোতিঃ এই দুই নদীর সঙ্গমে অবগাহন করিয়া, প্রয়াত হইয়া, পিতৃ-দেবগণের তর্পণ করিলে, অগ্নিস্টোম যজ্ঞের ফল প্রাপ্তি হয়। হে স্মৃতনন্দন ! শোণ ও নর্মুদা প্রভাবে এবং বংশগুলো অবগাহন করিলে, অশ্বমেধ ফল লাভ হয়। ঋষভ তীর্থে সমাগত হইলে, গোসহস্র ফল প্রাপ্ত হওয়া যায়। পুষ্প-বতীতে অবগাহন করিয়া, তিনরাত্রি উপবাস করিলে, গোসহস্রফললাভ ও স্বীয় বংশের উদ্ধার করিতে পারা যায়। অনন্তর প্রয়াতমানসে বদরিকাতীর্থে কৃত্যভিষেক হইলে দীর্ঘায়ুলাভ ও স্বর্গলোকে বাস হইয়া থাকে

অনন্তর জামদগ্ন্যের নিষেবিত মাহেশ তীর্থে গমন ও অবগাহন করিলে, বাজিমেধফললাভ হয়। হে স্মৃতনন্দন ! তথায় প্রতিষ্ঠিত মতঙ্গকেদারে স্নান করিলে, নিঃসন্দেহই স্বর্গলোক প্রাপ্ত হওয়া যায়। শ্রীপর্বতে গমন করিয়া, তত্রত্য তরঙ্গিণীমলিলে কৃত্যভিষেক হইলে, অশ্বমেধ ফল লাভ ও পরম সিদ্ধি সম্পন্ন হয়। মহাদ্যুতি মহাদেব মহাদেবী উমার সহিত এই শ্রীপর্বতে পরম শ্রীতি সহকারে বাস করিয়াছিলেন এবং পিতামহ ব্রহ্মাও দেবগণে পরিবৃত হইয়া, অধিষ্ঠান করেন। শুচি ও প্রয়াতমনা হইয়া, তত্রত্য হ্রদে অবগাহন করিলে, অশ্বমেধ ফল লাভ করিয়া শিব-লোকে সমাগত হওয়া যায়।

পাণ্ড্যদেশে প্রতিষ্ঠিত দেবপূজিত ঋষভ পর্বতে গমন করিলে, বাজপেয় ফল লাভও স্বর্গে আবেদন সন্তোষ করিতে পারা যায়। অনন্তর অঙ্গরোগনে পরিবৃত কাবেরীতে গমন করিলে, গোসহস্রকললাভ হইয়া থাকে। পূর্ণাথী পুরুষ কন্যাভীর্থে অবগাহন করিলে, সর্বপাপবিমুক্ত হইয়েন। অনন্তর ত্রিলোকবিখ্যাত গোকর্ণে গমন কারবে। হে ধর্মজ্ঞ! এই গোকর্ণ সাগর মধ্যে প্রতিষ্ঠিত ও সর্বলোক-নমস্কৃত। ব্রহ্মাদি দেবগণ, তপোধন ঋষিগণ, ভূতগণ, যক্ষ-গণ, পিশাচগণ, কিন্নরগণ, মহারাগগণ, সিদ্ধগণ, চারণগণ, গন্ধর্বগণ ও পন্নগগণ এই গোকর্ণে গমন করিয়া থাকে। ইহার জল স্পর্শ করিলে, গোসহস্রদানের ফল লাভ হয়।

মহাত্মা কুশের ও মহাভাগ শরভঙ্গের আশ্রমে গমন করিলে, দুর্গতিবিরহ ও বংশের পবিত্রতা সমাহিত হয়। তথায় জমদগ্নির নিষেবিত সুপারকে গমন করিয়া, কুতাভিষেক হইলে, প্রচুর স্বর্গ লাভ হয়। প্রয়ত ও জিতেন্দ্রিয় হইয়া, সপ্তগোদাবরে স্নান করিবে। পূর্বে মহাভাগ সারস্বত মুনিদিগকে যেখানে বেদ অধ্যয়ন করাইয়াছিলেন। হে সূত! তিনি তথায় মহর্ষিগণের উত্তরীয়ে উপবেশন পূর্বক প্রনস্ত বেদ সকলের উদ্ধার করেন। তিনি যথ ন্যায় সমগ্ বিধানে ওঁকার উচ্চারণ করিবা-মাত্র, ষিনি যাহা পূর্বে অভ্যাস করিয়াছিলেন, তাঁহারই তাহা স্মৃতিপথে সমুপস্থিত হইল। ঋষিগণ, দেবগণ, বরুণ, অগ্নি, প্রজাপতি, নারায়ণ হরি, দেব মহাদেব এবং সমস্ত দেবগণে পরিবৃত ভগবান্ পিতামহ সমবেত হইয়া, মহাত্ম্যতি ভূতকে ঐস্থানে যজনার্ণ নিয়োজিত করেন।

উগ্ৰানন্দ ঙ্গ বেদবিহিত কন্যামুদারে বিধি পূর্বক সমস্ত  
 ঋষিগণের পুনরাধান সম্পাদন করিয়াছিলেন। দেব-  
 গণ ঐ স্থানেই অজ্যজাগ দ্বারা যথাবিধি অর্চিত  
 হইয়া, স্বর্গে প্রস্থান এবং ঋষিগণও যথাগত গমন করিয়া-  
 ছিলেন। স্ত্রী বা পুরুষ তথায় প্রবিষ্টমাত্র তৎকণাৎ  
 পাপমুক্ত হইয়া থাকে। ধীর ব্যক্তি নিয়ত ও জিতেদ্রিক  
 হইয়া তথায় একমাস বাস করিবে। তাহা হইলে, স্বীয়  
 বংশ পবিত্রিত করিয়া, ত্রৈলোক্যগমনে সমর্থ হইয়া থাকে।  
 তথায় পিতৃদেবগণের অর্চনা ও তর্পণ করিলে, মেধাধিক্য  
 লাভ হয়। এবং অগ্নিষ্টোম যজ্ঞের ফল প্রাপ্তি সহকারে  
 স্মৃতিশক্তি অধিগত হইয়া থাকে।

অনন্তর লোকবিশ্রুত কালঞ্জরে গমন করিয়া, তত্রত্য  
 দেবহুদে স্নান করিলে, সূর্যালোকে পূজিত হওয়া যায়।  
 সমবেত। তথা হইতে গিরিবরাগ্রগণ্য ত্রিকূটে গমন  
 করিয়া, পাপপ্রমোচনী মন্দাকিনীনাম্নী তরঙ্গিনীতে পিতৃ-  
 দেবগণের অর্চনানিরত হইয়া, কৃতার্ভিষেক হইলে, অশ্ব-  
 মেধযজ্ঞকললাভ ও পরমগতি সুবিহিত হইয়া থাকে।  
 অনন্তর মহেশ্বর তীর্থে গমন করিবে। দেবগণ, ঋষিগণ,  
 মনুষ্যগণ, পন্নগগণ, সরিদ্গণ, সাগরগণ এবং শৈলাগণ  
 সমবেত হইয়া, তথায় উমাপতির উপাসনা করেন। ঐ  
 স্থানে মহাদেবের অর্চনা করিয়া, ত্রিরাত্র উপবাস করিলে,  
 দশাশ্বমেধকললাভ ও গাণপত্যপ্রাপ্তি হইয়া থাকে; এবং  
 দ্বাদশরাত্র উপবাস করিলে, কৃতার্থ হওয়া যায়। ঐ স্থানেই  
 ত্রিলোকবিখ্যাত গারত্রীস্থান প্রতিষ্ঠিত। তথায় ত্রিরাত্র  
 বাস করিলে, গৌমহর্ষফল প্রাপ্তি হইয়া থাকে। অগ্নি

মহামতে ! ব্রাহ্মণগণ ইহার নিদর্শন সাক্ষাৎ  
করিয়াছেন। তথায় ষোণিসংকরসমুৎপন্ন ব্রাহ্মণও  
পাঠ করিলে, তাহা তাহার সিদ্ধ হইয়া থাকে। এমন বি  
অব্রাহ্মণও পাঠ করিলে, তাহার সাবিত্রী সাধিত হয়।

তথা হইতে বিপ্রসি সন্মুখের সুদূর্ভ বাপীতে সমান।  
হইলে, রূপবান্ ও সৌভাগ্যবান্ হওয়া যায়। অনন্তর  
বেণাতে সমান হইয়া, পিতৃদেবগণের তর্পণ করিলে, ময়ূর-  
হংসসহিত বিমান লাভ হয়। সিদ্ধগণ নিয়তই যাহার  
সেবা করেন, সেই গোদাবরীতে স্নান করিলে, গোস্বৈ  
ফল লাভ ও স্বর্গলোকে পূজিত হওয়া যায়। বেণাসঙ্গমে  
কৃতান্তিষেক হইলে, সমস্ত পাপ প্রক্ষালিত হয়। বরদা-  
সঙ্গমে স্নান করিলে, বাজিম্বেধ কম প্রাপ্তি হইয়া থাকে।  
ব্রহ্মকুল্যায় গমন করিয়া, ত্রিরাত্র বাস করিলে, গোস্বৈ  
ফল লাভ ও স্বর্গলোক প্রাপ্তি হয়। ব্রহ্মচারী ও সমাধানপর  
হইয়া, কুশপ্লবনে বাস করিলে, চন্দ্রলোকে পূজিত হওয়া যায়।

অনন্তর কৃষ্ণবেণার উদ্ভবক্ষেত্র দেবহ্রদে, জ্যোতির্গাত্র  
হ্রদে এবং কন্যাশ্রমে গমন করিয়া, স্নান দানাদি করিলে,  
অগ্নিষ্টোম যজ্ঞের ফল লাভ হয়। দেবরাজ এই স্থানেই  
শত অশ্বমেধ করিয়া, স্বর্গে সমাগত হইলেন। সর্বদেবহ্রদে  
স্নান করিলে, গোস্বৈফল প্রাপ্তি হওয়া যায়। জাত-  
মাত্র হ্রদে স্নান করিলে, জাতিস্মরত্ব লাভ হয়। অনন্তর  
পরম পবিত্র সরিদ্ভবরা পয়োধীতে কৃতান্তিষেক হইলে,  
গোস্বৈফলপ্রাপ্তি হইয়া থাকে। দণ্ডকারণ্যে গমন  
করিয়া, স্নানদানাদি করিলে, সহস্র গোদান দ্বারা যে ফল  
হয়, সেই ফল লাভ করা যায়।



অনন্তর ধর্ম্যজ্ঞ পুরুষ অনুত্তম তর্কস্থানে সমাগত হইয়া  
কৃতান্তিমেক হইবে। দেব দেব মহাদেব নিত্য তথায় সন্নিহিত  
আছেন। তথায় গমন করিলে, তীর্থসেবীর সমস্ত কাৰ্য্য  
সম্বন্ধ হইয়া থাকে। কোটি তীর্থে স্নান করিলে, গো-  
সহস্র ফল লাভ হইয়া থাকে। ঐ তীর্থ প্রদক্ষিণ করিয়া,  
জ্যেষ্ঠ স্থানে গমন করিবে। তথায় মহাদেবের উপাসনা  
করিলে, শশধরের ত্রায়, বিরাজ করা যায়। মহাভাগ সূত-  
নন্দন! তত্রত্য ত্রিলোকবিখ্যাত কূপে চারি সমুদ্রে নিরন্তর  
বাস করিতেছে। ধর্ম্যজ্ঞ! তথায় স্নান করিয়া, নিয়ত  
চিত্তে প্রদক্ষিণ করিলে, পরম পবিত্র ও পরম গতি প্রাপ্ত  
হওয়া যায়। মহাভাগ! তথা হইতে মহাদেবের পুরে গমন  
করিবে। পূর্বে দশরথনন্দন মহাপ্রাজ্ঞ রাম যেখানে পদার্পণ  
করিয়াছিলেন। ব্রহ্মচারী ও যীতাহারী হইয়া, গঙ্গাস্নান  
করিলে পাপ প্রক্ষালন ও বিষ্ণুলোক লাভ হইয়া থাকে।  
অনন্তর তথা হইতে যুগ্মবীটে গমন করিয়া, যথাবিধানে  
অভিগমনপূর্বক মহাদেবের পূজা ও প্রদক্ষিণ করিলে,  
গাণপত্য লাভ হয়। সেই তীর্থে জাহ্নবীতে অবগাহন  
করিলে, পাপমোচন হয়।

অনন্তর ধর্ম্যজ্ঞ পুরুষ ঋষিগণের বহুমানাম্পদ প্রয়াগে  
গমন করিবে। যেখানে ব্রহ্মাদি দেবগণ, দিক্ সহিত  
দিক্‌পালগণ, লোকপালগণ, সিদ্ধগণ, পিতৃগণ, মনু-  
কুমারপ্রমুখ মহর্ষিগণ, নাগগণ, সুপার্নগণ, ক্রতুগণ,  
গন্ধর্বগণ, অঙ্গরোগণ, সরিদ্গণ, সাগরগণ, এবং প্রজাপতি  
গণে পরিবৃত্ত ভগবান্, হরি বিরাজ করিতেছেন। তথায়  
তিনটি অগ্নিকুণ্ড আছে। তাহাদের দুইটির মধ্যে জাহ্নবী

প্রবাহিতা হইতেছেন। তিনি উদবহার সংস্কার  
 হইয়া, প্রয়াগ হইতে সমতীক্রান্তা হইয়াছেন। ত্রিলোক্যে  
 প্রতিপত্তিশালিনী লোকভাবিনী তপননন্দিনী যমুনা তথায়  
 স্নানার্থে মিলিত হইয়াছেন। এই গঙ্গা যমুনার  
 মধ্যে পৃথিবীর জঘন সংস্থাপিত, এইপ্রকার প্রতিষ্ঠা  
 আছে। ঋষিরা জানেন, প্রয়াগ ঐ জঘনের অস্ত বা  
 উপস্থ স্বরূপ। ভোগবতী তীর্থ প্রজাপতির বেদি  
 বলিয়া কথিত হইয়া থাকে। মহামতে! দেবগণ, মূর্তি-  
 মান্ যজ্ঞ সকল ও মহাত্মত ঋষিগণ এইস্থানে প্রজাপতির  
 উপাসনা করেন। এবং দেবগণ এখানে বিবিধ যজ্ঞের  
 অনুষ্ঠান করিয়া থাকেন। স্মৃত! ত্রিভুবনে প্রয়াগ অপেক্ষা  
 পুণ্যতম নাই। ব্রাহ্মণেরা বলিয়া থাকেন, প্রয়াগ সমুদায়  
 তীর্থের শ্রেষ্ঠ। এই তীর্থের নাম শ্রবণ বা কীর্তন এবং  
 মৃত্তিকা লভন মাত্রই সর্ব গাপ মোচন হয়। তথায়  
 সংশিতব্রত হইয়া স্নান করিলে, রাজসূয় ও অশ্বমেধ  
 যজ্ঞানুষ্ঠান তুল্য পুণ্যলাভ হয়। এই প্রয়াগ দেবগণের  
 পরমপূজনীয় যজনক্ষেত্র। হে সূতনন্দন! এখানে স্বপ্ন-  
 মাত্র দান করিলেও, তাহা মহৎ হইয়া থাকে। কি বেদান্ত-  
 শাসন, কি লোকবাক্য কিছুতেই মন প্রয়াগমরণে  
 পরাস্থখ হয় না। স্মৃতাঙ্গ! ষষ্ঠকোটি দশ সহস্র তীর্থ  
 এই প্রয়াগে সন্নিহিত, এইপ্রকার কথিত হইয়াছে।  
 তিন লোকে যে পুণ্য প্রতিষ্ঠিত আছে এবং সমুদায়  
 বেদ অধ্যয়ন করিলে যে ফল লাভ হয়, প্রয়াগে স্নান  
 করিলামাত্র সেই পুণ্যফল প্রাপ্তি হইয়া থাকে।

তথা হইতে ভোগবতী নামে বাসুকিতীর্থে

উখায় - অভিষেকমাত্রেই হরমেধকর্মে  
 হয়। ত্রৈলোক্যবিখ্যাত হংসপ্রপতন তীর্থ উখায়  
 প্রতিষ্ঠিত আছে। স্মৃতনন্দন! কুরুক্ষেত্রে গমন করিয়া  
 যেখানে সেখানে অবগাহন করিবে। কনথলে কিছু বিশেষ  
 আছে। প্রয়াগে পিণ্ডকার্যই প্রশস্ত বলিয়া পরিগণিত হইয়া  
 থাকে। যেখানে গঙ্গা উত্তরবাহিনী হইয়াছেন, সেখানে  
 শত গুণে পবিত্র, যেখানে পশ্চিমবাহিনী হইয়াছেন,  
 তাহা আবার তাহা অপেক্ষাও শত গুণে পবিত্র। শত  
 শত অকার্য করিয়াও গঙ্গায় স্নান করিলে, অগ্নিতে  
 ইন্ধনের ন্যায় তৎসমস্ত তৎক্ষণাৎ দগ্ধ হইয়া যায়।

সতাত্মজ তীর্থ মাত্রেই পবিত্র ছিল। ত্রেতায় পুষ্কর, সত্য-  
 যুগে দ্বাপরে কুরুক্ষেত্র এবং কলিযুগে গঙ্গা পুণ্যজনক বলিয়া  
 পরিগণিত হইয়াছেন। পুষ্করে তপস্যা ও মহালয়ে জ্ঞানই  
 সার। আর ভৃগুতুঙ্গে ভোজনই প্রশস্ত। পুষ্কর,  
 কুরুক্ষেত্র ও গঙ্গা সলিল এই সকলে অবগাহন মাত্র  
 আত্মার সহিত স্বীয় বংশের উদ্ধার করিতে পারা যায়।  
 গঙ্গার নাম করিলে, পবিত্রত, দর্শন করিলে ভদ্রস্বতা,  
 এবং অবগাহন ও পান করিলে, আসপ্তম কুলের নিকৃতি  
 বিহিতা হইয়া থাকে। লোকের অস্থি যাবৎ গঙ্গাজল  
 স্পর্শ করিয়া থাকে তাবৎ সে স্বর্গলোকে পূজা প্রাপ্ত হয়।  
 গঙ্গাসদৃশ তীর্থ নাই, এবং ব্রাহ্মণ অপেক্ষা শ্রেষ্ঠ নাই,  
 পিতামহ এই প্রকার কহিয়াছেন। মহাভাগ! যেখানে  
 গঙ্গা, সেই তপোবন, এবং সেই সিন্ধুক্ষেত্র।

যেখানে শিবলিঙ্গ ও বিষ্ণুলিঙ্গ সকল স্বয়ং ব্যক্ত  
 ও কাহা কর্তৃক স্থাপিত হইয়াছে, সেই সকল তীর্থ সর্ব

\* কালই পুণ্য বিধান করে। অযোধ্যা, মথুরা, গয়া, কাশী,  
 ধ্বী, অবন্তিকা ও দ্বারাবতী—এই সপ্তপুরী যুক্তি সম্পা-  
 দন করে। এই সকল স্থলে বাস করিলে বা মৃত্যু হইলে,  
 কুত্রাপি মানবগর্ভে পুনর্জন্ম হয় না। ইত্যাদি সত্যসূক্ত  
 দ্বিজাতিগণের, সাধুগণের, পুত্রের ও অনুগত শিষ্যের  
 কর্ণে জপ করিবে। ইহাই ধর্ম, ইহাই পুণ্য, ইহাই  
 পরম শুদ্ধ, ইহাই পরম পাবন, ইহাই ধর্মজনক এবং  
 ইহাই সর্বপাপবিনাশক। দ্বিজমধ্যে এই তীর্থবংশাম্বু-  
 কীর্তন পাঠ করিলে, মতি নির্মূল হয়, এবং স্মৃতিলাভ।  
 মহাপুণ্যসঞ্চয়, সর্বপাপবিমোচন, মেধানমুদ্ভাবন,  
 অপুত্রের পুত্র, দরিদ্রের ধন, ও বিদ্যার্থীর বিদ্যা হইয়া  
 থাকে। তীর্থাম্বুকীর্তনে উল্লিখিত রূপ ফল সকল প্রাপ্ত  
 হওয়া যায়। গম্য অগম্য সমস্ত তীর্থই কীর্তন করিলাম।  
 মনে মনেও ঐ সকলে গমন করিলে, পুণ্যফল লাভ হয়।  
 বসুগণ, সাধ্যগণ, আদিত্যগণ, মরুদ্গণ, দেবকম্প ঋষি-  
 গণ ও অন্যান্য সূকৃতার্থী ব্যক্তিগণ সকলেই উল্লিখিত  
 তীর্থ আশ্রয় করিয়াছেন।

এই তীর্থাম্বুকীর্তন যতচিত্তে পাঠ করিলে, ব্রাহ্মণ  
 জ্ঞানবান, ক্ষত্রিয় লোকবিজেতা রাজা। বৈশ্য বিপুলধন-  
 বিলম্বী ও সদগতি মান্ এবং শূদ্র সকল দুর্ভিচ্চ যুক্ত  
 হইয়া স্বর্গলোক প্রাপ্ত হয়।

## সপ্তবিংশত্যাধিকশততম অধ্যায় ।

শ্রুত কহিলেন, ভূমিতেই সকলের জন্ম ও ভূমিতেই সকলের নাশ হইয়া থাকে । এবং ভূমিতেই তীর্থ সকলের অধিষ্ঠান ও ভূমিই সকলের পরম আশ্রয় স্থান । অরি মহামতে ! আপনি যে যে তীর্থের কীর্তন করিলেন, যাহাদের পরিচর্যা করিলে, প্রচুর পুণ্য ফল সঞ্চয় হয়, সে সমস্তই ভূমিতে প্রতিষ্ঠিত । অধিক কি, আপনার কল্পিত যাবতীয় নদী, পর্বত, বন, উপবন, এবং পবিত্র ক্রম সকল সমস্তই ভূমি আশ্রয় করিয়া আছে । অতএব মহামুনে ! প্রমাণ ও লক্ষণ সমেত সমুদায় ভূসংস্থান শ্রবণ করিতে আমার ইচ্ছা হইতেছে । নদী, পর্বত, জনপদ ও অন্যান্য প্রদেশ সকলের নাম সমস্ত ও অশেষরূপে শ্রবণ করিতে আমার অভিলাষ জন্মিয়াছে । ভগবন্ ! অনুগ্রহ পূর্বক এই সকল আমাকে বলিতে আজ্ঞা হউক । মহামতে ! আমি আপনার প্রিয়তম শিষ্য ও সর্বথা শরণাগত ।

ব্যাসদেব কহিলেন, মহামতি শ্রুত ! শ্রবণ কর, এবিষয়ের ইতিহাস কীর্তন করি । শ্রুত ! পূর্বে যুগি বন্দ্যায়ণ ভগবান্ শেষকে এবিষয় জিজ্ঞাসা করিয়া ছিলেন । পূর্বে দেব দেব ব্রহ্মা দেবর্ষিগণের সহিত মিলিত হইয়া, বাসুকিকে সমুদায় প্রজাগণের রাজপদে বরণ করিলে, সেই বাসুকি নাগগণের অর্থসিদ্ধির নিমিত্ত রাজসুয়ং যজ্ঞানুষ্ঠানে প্রবৃত্ত হইলেন । মহেন্দ্রপ্রযুথ দেবগণ, তপোধন ঋষিবর্গ গন্ধর্ব

ও অঙ্গরোগণ, যক্ষ ও সিদ্ধ সমূহ এবং বিদ্যাধর ও উরোগণ সমস্ত নিমন্ত্রিত হইয়া যজ্ঞ দর্শনাভিলাষে তথায় আগমন করিলেন। সর্বদেবমুখপ্রদ সেই যজ্ঞ সমাপ্ত হইলে, বাসুকি তাঁহার অবসানে অবভূত জ্ঞান করিয়া মুনিগণে পরিব্রত হইয়াই উৎসুক হৃদয়ে শেষকে নমস্কার করিতে গমন করিলেন। ঋণালের ঞায় মূদুবচীরা সহস্রশিবির শেষ স্বীয় লক্ষ্মী সহকারে প্রগাঢ় তমঃপটল নিরাকৃত করিয়া বিরাজমান হইতেছেন, নাগকন্যাগণ কৃতাজলি পুটে তাঁহার চতুর্দিক বেষ্টিত করিয়াছেন, এবং তাঁহার একমাত্র মস্তকে এই বিশ্ব ব্রহ্মাণ্ড সর্বপবৎ প্রতিষ্ঠিত রহিয়াছে, দর্শন করিয়া মুনিগণ পরম ভক্তি সহকারে আহ্লাদভরে কৃতাজলিপুটে তাঁহাকে প্রণাম করিলেন। বাসুকি যজ্ঞসম্পন্ন হেতু তদীয় অনুমতি গ্রহণান্তর দেব ও গন্ধর্বগণে পরিব্রত হইয়া স্বস্থানে বিলি-  
ব্রত হইলেন।

কোন কোন জ্ঞানকোবি মহাপ্রাজ্ঞ ঋষি বিবিধ তত্ত্ব পরিজ্ঞান বাসনায় ভগবান্ শেষের উপাসনায় প্রবৃত্ত হইলেন। এবং আমাদের মধ্যে মহামুনি বাৎসায়নকে ব্রহ্মাণ্ড সংস্থান জিজ্ঞাসা করিবার জন্ত প্রেরণা করিলেন। তখন মহাভাগ বাৎসায়ন তাঁহাদের সকলের অভিপ্রায় পর্যবেক্ষণ পুরঃসর বারংবার নমস্কার করিয়াই, ভগবান্ শেষকে জিজ্ঞাসা করিলেন, অনন্তস্বরূপ শেষকে নমস্কার। তুমি ধরণী ধারণ করিতেছ, তোমাকে নমস্কার। তুমি সঙ্কর্ষণ, মহাদেব ও তুমি সহস্রশিরা, তোমাকে স্তুতি কর হইলে তোমারই বদন পথ হইতে রুদ্র নামক

একাদশ ব্যাহরূপে সঙ্কর্ষণগণ প্রাহুভূত হইবে । লোক সকল তোমারই মুখানলে বিনির্দগ্ন ও তোমারই শূলে বিদারিত হইয়া, প্রলয়কালে নিপতিত হয় । কোন্ ব্যক্তি তোমার স্তব করিতে সমর্থ । হে বিশ্বেশ্বর ! হে ভূধর ! আমার ও ঋষিগণের এক প্রশ্ন শ্রবণ করিয়া উপস্থিত সংশয় নিরাকরণে আজ্ঞা হউক । তোমার মস্তকে এই যে ব্রহ্মাণ্ডমণ্ডল সর্ষপবৎ প্রতিভাত হইতেছে, অগ্নিরাথ ! তাহার প্রমাণ শ্রবণার্থ আমাদের ব্রহ্মক্য জন্মিয়াছে । হে ভূধর ! এই ভূখণ্ড কিয়ৎপরিমাণ ? স্বর্গই বা করিত, এবং পাতালই বা করিত, অনুগ্রহপূর্বক বলিতে আজ্ঞা হউক ।

শেষ কহিলেন, জ্ঞানপরায়ণ ঋষিগণ নিত্যই আমার প্রিয়তম । অতএব তোমার সমস্ত প্রশ্নের উত্তর করিব । ফলতঃ যাহা হইয়াছে, হইবে এবং হইতেছে; তৎসমস্তই বিস্তার ক্রমে বলিব । তোমাদের ন্যায় মহাত্মাদিগের সমাগমে আমার সাতিশয় কৌতুহল উপস্থিত হইয়া থাকে । আমি ঈশ্বরের নিদেশে ব্রহ্মাণ্ড ধারণ করিতেছি । সেই ঈশ্বর সকলের কর্তা, হর্তা, রক্ষিতা ও বিধাতা । ব্রহ্মা, বিষ্ণু, মহেশ্বর, তাহারই মূর্ত্তিভেদ । শক্রাদি দেবগণ ও আমি আমরা সকলেই তাহার অংশ । ..সেই পরমেশ্বর যাহাকে যে কর্মে নিয়োগ করেন, সে তাহাই করিয়া থাকে, কদাচ তাহার অতিবর্তনে সমর্থ হয় না ।

সেই ঈশ্বর সৃষ্টি বাসনায় প্রকৃতিতে তেজ আধান করেন । তাহাতে মহানের জন্ম হয় । মহান হইতে অহঙ্কার, এবং অহঙ্কার হইতে পঞ্চতন্মাত্র এবং শব্দ,

স্পর্শ, রূপ, রস, গন্ধ এই পঞ্চগুণ কীর্তিত হইয়া থাকে।  
 হে মহাভাগ! ইহাদেরই সংগ্রহে পঞ্চ মহাভূত। সেই  
 পঞ্চভূত হইতে সমস্ত গুণশালী পদার্থের সৃষ্টি হইয়াছে।  
 ভূমি, জল, বায়ু, অগ্নি ও আকাশ, ইহারা সকলে পরস্পর  
 গুণোত্তর। ইহাদের মধ্যে ভূমি প্রধান। শব্দ, স্পর্শ,  
 রূপ, রস ও গন্ধ এই পাঁচটি গুণ পরস্পরাক্রমে  
 ভূমিতে সন্নিহিত আছে। জলের গুণ চারিটি। তাহাতে  
 গন্ধ নাই। তেজের গুণ তিন, শব্দ, স্পর্শ ও রূপ,  
 বায়ুর দুইটি শব্দ ও স্পর্শ; এবং আকাশের গুণ একটি  
 শব্দ। পঞ্চ মহাভূতে এই পাঁচটি গুণ উল্লিখিত হইয়াছে।  
 সমস্ত ভূতেই এই সকল গুণ বিদ্যমান আছে। ইহারা  
 পরস্পরকে অতিবর্তন না করিয়া, সম্যক জ্ঞাবে অধিষ্ঠান  
 করিলেই, লোকপ্রতিষ্ঠা রক্ষিত হইয়া থাকে। যখন  
 পরস্পর বৈষম্য আশ্রয় করে, তখনই দেহিগণের দেহ  
 বিয়োগ সংঘটিত হয়, তাহা না হইলে, তাহা  
 হয় না। ইহারা আনুপূর্ব্যক্রমে উদ্ধৃত ও আনুপূর্ব্য  
 ক্রমে তিরোভূত হইয়া থাকে। এবং সকলেই অপরি-  
 মেয় ও ঈশ্বর স্বরূপ বিশিষ্ট। পদার্থমাত্রই পঞ্চ-  
 ভৌতিক ধাতুনিচয় লক্ষিত হইয়া থাকে। মনুষ্যেরা  
 তর্ক দ্বারা তাহাদের প্রমাণ কীর্তন করে। কিন্তু যে  
 সকল বিষয় চিন্তার অতীত, তাহাদের উদ্দেশ্যে তর্ক  
 করা বিধেয় নহে। যাহা প্রকৃতির অতীত, তাহাই  
 অচিন্ত্যের লক্ষণ।

মুহামতি বাৎসায়ন। জম্বুদ্বীপের, বিষয় বলিব।  
 মহাভাগ! এই দ্বীপ সর্বতোভাবে মণ্ডলাকৃতি ও



চক্রবৎ প্রতিষ্ঠিত এবং বিবিধ নদী, পর্বত, পাতন, বন, জনপদ, বৃক্ষ; ফল, পুষ্প, এবং সমস্তাৎ লবণসাগরে পরি-  
 রত। ইহাতে প্রগায়ত হয় রত্নপর্বত উভয়ত পূর্ব ও  
 পশ্চিমসাগরে অবগাহন করিয়াছে। ইহাদের নাম,  
 হিমবান্, হেমকূট, নিষধ, নীল, শ্বেত ও শৃঙ্গবান্।  
 ইহারা সকলেই রত্ন ও ধাতু সমূহে বিচিত্রিত। ইহা-  
 দের উচ্চায় অযুতযোজন, পৃথুত্ব দ্বিসহস্রযোজন এবং  
 অন্তরবর্ষন্ত নব্যসহস্রযোজন।

ইহার দক্ষিণে তিনটী বর্ষ আছে। হে তাপস!  
 সেই সকল বর্ষে সর্বপ্রকার প্রাণীর নিবাসভূত বহুবিধ  
 পুণ্য জনপদ প্রতিষ্ঠিত আছে। তন্মধ্যে ভারতবর্ষ  
 ইহার দক্ষিণেও লবণসাগরের উত্তরে সন্নিবিষ্ট। হিমা-  
 লয় ইহার সীমা। অনন্তর কিংপুরুষবর্ষ হেমকূটের  
 অধোভাগে প্রতিষ্ঠিত তাহার পর হরিবর্ষ। ইহার  
 সীমা নিষধ পর্বত।

তপোধন! উত্তরদিকেও এইপ্রকার তিন বর্ষ প্রাতি-  
 ঠিত আছে। সাগরের কূল হইতে কুরবর্ষ শৃঙ্গবানপর্বত  
 সীমা অধিকার করিয়া বিরাজ মান হইতেছে। অনন্তর  
 হিরণ্য বর্ষ। ইহার সীমা শেতগিরি, এইরূপ কথিত হয়।  
 অনন্তর রমণক বর্ষ। ইহার সীমা নীল গিরি। মহাভাগ!  
 নীলগিরির দক্ষিণে ও নিষধপর্বতের উত্তরে প্রগায়ত  
 মাল্যবান্ ভূধর প্রতিষ্ঠিত, পশ্চিমে গন্ধমাদন, এবং পূর্বে  
 সমুদ্রকূল হইতে ভদ্রাশ্ব নামকবর্ষ বিরাজমান। মাল্যবান্  
 ইহার সীমাপর্বত। পশ্চিমে কেতুমাল। গন্ধমাদনসীমান্ত  
 এই কেতুমাল নব সহস্র যোজন বিস্তৃত।

ইহাদের মধ্যে সর্বতোভাবে গোলাকৃতি কনকপর্বত  
 মেরু তৰুণাদিত্যের ন্যায়, বিধুমপাবকের ন্যায় বিরাজমান  
 হইতেছে । ইহার উচ্চুতে লক্ষযোজন এবং শিখরের  
 পরিমাণ ষাট্ৰিংশৎ যোজন । ইহা ভূগর্ভে ষোড়শ  
 সহস্র যোজন প্রবেশ করিয়াছে । এবং ইহার মূল  
 দেশের পরিমাণও তদনুরূপ । ইহা উর্দ্ধে ও অন্তরে  
 ভুরি ভুরি লোক আরুত করিয়া, অবস্থিতি করিতেছে ।  
 ইহার সর্বতঃ ইলারুত বর্ষ পরিকীর্তিত হইয়াছে । সুপ-  
 র্ণের আত্মজ সুমুখ অন্যান্য পক্ষিদিগের সকলকেই মেরু  
 সংসর্গে স্তবর্ণময় দর্শন করিয়া ডিত্তা করিল, যেহেতু  
 এই মেরু উত্তম মধ্যম অধম পক্ষিমাত্রকেই অবি-  
 শেষ করিয়া থাকে, সেই হেতু ইহাকে স্তবর্ণ করিবন  
 জ্যোতিঃশ্রেষ্ঠ আদিত্য এই মেরুকে প্রদক্ষিণ করেন ।  
 চন্দ্রও সমুদায় নক্ষত্রের সহিত ঐরূপ করিয়া থাকেন  
 এবং বায়ুও তাহাকে প্রদক্ষিণ করেন । মহাভাগ ! দিব্য-  
 পুষ্পসমন্বিত এই পর্বত জাম্বুনদবিনিশ্চিত পরম-  
 সুন্দর গৃহসমূহে আরুত । দেবগণ, গন্ধর্বগণ, অমুরগণ,  
 রাক্ষসগণ ও অপ্সরোগণ এই পর্বতে সর্বদা ক্রীড়া  
 করে । মন্দর মেরুমন্দর, সুপার্শ্ব ও কুমুদ নামক  
 চারি পর্বত ইহার চারিদিক অবষ্কৃত করিয়া আছে । ইহার  
 উর্দ্ধেও বিস্তারে অযুতযোজন । হে ব্রাহ্মণসভ ! হে ধর্মজ্ঞ  
 এই চারি পর্বতে চূত, জম্বু, কদম্ব ও ন্যগ্রোধ এই চারিটি  
 বৃক্ষ আছে । ইহার উর্দ্ধে ও বিস্তারে সহস্র যোজন  
 এবং তত্তৎ পর্বতের শত যোজন বিশাল কেতুরূপে বিরাজ  
 করিতেছে । হৃৎকহুদ, মদ্যহুদ, ইক্ষুহুদ, ও জলহুদ এই

চারি হ্রদ এবং চৈত্ররথ, নন্দন, সর্বতোভদ্র ও বৈভ্রাজক এই চারি দেবোদ্যান তথায় প্রতিষ্ঠিত আছে । দেবাজনারা দেবগণের সহিত ঐ সকল উদ্যানে নিত্য বিহার করেন । এতদ্ভিন্ন, গন্ধর্ব, কিন্নর, সিদ্ধ, চারণ ও তাপসগণ, ইহারা দিব্য মধুর গান ও স্ত্রীগণের সহিত ক্রীড়া করিয়া থাকেন ।

মন্দর পর্বতের উৎসঙ্গে যে অযুতযোজন সমুচ্ছি তঁদুচ্চ বৃক্ষ আছে, বহুদূর হইতে তাহার অমৃতকণ্ঠ ফল সকল পতিত হইয়া থাকে । পতন বেগে বিশীর্ণ হইলে, সেই সকল ফলের রস ইহাতে যে নদী সমুৎপন্ন হয়, তাহার নাম অরুণোদা । ঐ নদী মন্দরপর্বত হইতে প্রবাহিত হইয়া থাকে । উহার জল স্পর্শমাত্রেই শিষ্য গণপদ লাভ হয় । হে বাৎসায়ন ! উহাদের দেহসৌরভে সমস্তাৎ দশ যোজন সুগন্ধিত হইয়া থাকে । এই ব্যাপার অতিমাত্র বিস্ময়রসের আধার ।

এই রূপ, হস্তিকায় প্রমাণজন্ম ফল সকল মেরু মন্দরে পতিত হওয়াতে উহাদের রসে যে জম্বুনদী নাম্নী মহানদী সমুৎপন্ন হয়, উহা ইলারতবর্ষের দক্ষিণভাগে প্রবাহিত হইতেছে । উহার উত্তর তীরের জন্ম রসপরিপ্লুত স্নতিকাই বায়ু ও সূর্য্য কিরণ সম্পর্কে সুবর্ণ হইয়া থাকে । ঐ সুবর্ণের নাম জাম্বুনন্দ । দেব, উপদেব ও গন্ধর্বে'রা স্বস্ব স্ত্রীর সহিত নানাভরণসেবিত উল্লিখিত জম্বুনদ ধারণ করেন ।

হে তাপস ! সুপার্শ্ব পর্বতের উপরিভাগে যে মহা কদম্ব বৃক্ষ প্রতিষ্ঠিত আছে, তাহার কোটরসমূহ হইতে

যে পাঁচটি মধু ধারা পতিত হইতেছে সেই পঞ্চায়াম বিস্তৃত মধুধারা ইলারতের পশ্চিমে প্রবাহিত হইতেছে। উহাদের রসপান করত স্বকীয় মুখোদ্যারমাক্তে সমস্তাৎ. শত যোজন সুগন্ধিত হইয়া থাকে।

কুমুদপর্বতের শিখরদেশে যে শতশাখ মহাবট বিরাজমান হইতেছে, উহার স্কন্ধ হইতে নদী সকল প্রাদূর্ভূত হইয়া ইলারতের উত্তরে প্রবাহিত হইতেছে। উহাদের নাম পরিস্বিনী, দধিহ্রদা, স্নাতকুল্যা, মধুকুল্যা ও মুড়শ্রবা এই পাঁচটি নদীর জলপান করিলে, বলি, পলিত, দৌর্গন্ধ ও জরাদোষ বিনাশ হয়।

কুরঙ্গ, কুরর, শঙ্খ, কুমুত্ত, শিখর, চিত্রকূট, রুচক, ঋষভ, পতঙ্গ, নিষধ, ত্রিকূট, কালঞ্জুর, জ্যোতিষি, এবং অন্যান্য পর্বত সকল মেরি মূলদেশে পরিকল্পিত হইয়াছে। জঠর ও দেবকূট এই দুই পর্বত মেরুর পূর্বভাগে প্রতিষ্ঠিত। হে ঐবিশ্বেন্দ্র! মেরুর শিখর দেশে বিশ্বস্রষ্টার পুরী বিরাজমান হইতেছে। ঐ পুরী চতুরস্রা, সুবর্ণময়ী ও যোজনায়ুত বিস্তৃত। দিক্-পালগণের পুরী সকল মেরুর পূর্বদিকে যথাক্রমে প্রতিষ্ঠিত আছে। তন্মধ্যে ব্রহ্মপুরী চতুর্থ ভাগে পরিকল্পিত হইয়াছে। তথায় ব্রহ্মা, রুদ্র, সুরেশ্বর শক্র, ইঁহারা সমবেত হইয়া, বিবিধ ভূরিদক্ষিণ যজ্ঞের অনুষ্ঠান করেন। তুস্ক, নারদ, বিশ্বাবসু, হাহাহু ইহারা তথায় সমাগত হইয়া, বিবিধ স্তব সহকারে সুরশ্রেষ্ঠের স্তব করিয়া থাকেন। মহাত্মা সপ্তর্ষিমণ্ডল ও প্রজাপতি কশ্যপ, ইঁহারা পর্বে পর্বে তথায় সমাগত হইলেন। উহারই

শিখরদেশে দৈত্যগণ ভগবান্ শুক্রের পূজা করে। তাহারই হেমময় রত্ন ও রত্ন পর্বত। ভগবান্ কুবের তাহারই চতুর্থভাগ ভোগ করেন। এবং তাহারই কলাংশ মনুষ্য-দিগকে প্রদান করিয়া থাকেন।

মেরুর উত্তর পার্শ্বে সর্বত্র কুমুমাস্থিত দিব্য কানন এবং শিলাজালসমুদ্রগত রমণীয় কর্ণিকার বন বিরাজমান হইতেছে। তথায় সাক্ষাৎ ভূতভাবন দেব মহাদেব ভয়ঙ্কর ভূতগণে পরিবৃত হইয়া, দেবী পার্বতীর সহিত বিহার করেন। তাঁহার গলদেশে কর্ণিকারময়ী মালা। উহা তাঁহার পাদদেশ পর্য্যন্ত লম্বমান।

অগ্নি মহামতে সেই সৌম্য পর্বতের শিখর হইতে বিশ্বরূপা ঐশ্বরীমিতা ক্ষীরধারা নির্ধাতনিস্বনে নিপতিত হইতেছে। ঐ ক্ষীরধারা পরম পবিত্র এবং পুণ্যতমগণের নিসেবিত। উহাই শুভা ভাগীরথী গঙ্গা। পিণাক-ধ্বক্ মহাদেব শতবর্ষ সহস্র স্বীয়মস্তকে পর্বতগণের ও দুর্দ্ধয়া-গণ শরাশরণ করেন। দেবী ভাগীরথী মেরুর শিখর হইতে চতুর্বিধ রূপে বিদ্যমান হইয়াছেন। উহাদের নাম সীতা, অলকলন্দা, বংখু ও ভদ্র। তন্মধ্যে সীতা ব্রহ্মসদন হইতে কেশবাঙ্গি মহা পর্বত ইহাকে অতিক্রম পূর্বক বিনি-স্পতিতা হইয়া গন্ধলাদ শিখর সমূহে অবতরণ পূর্বক ক্রমানুসারে ভদ্রাশ্বপর্বতের পবিত্রতা বিধান করিতেছে। এবং হে মহাভাগ! পূর্বদিকে লবণ সাগরে প্রবেশ করিয়াছে। বজ্রকু মালাবান্ পর্বতের শিখর হইতে কেতু-খাল পর্বতে পতিত হইয়া, হে বিপ্রেন্দ্র! প্রতীর্ষাদিগকে মহাসাগরে প্রবিষ্ট হইয়াছে। ভদ্রা উত্তর মেরু শিখর

হইতে পতিত হইয়া, পর্বতে পরম্পর অতিক্রম পূর্বক শৃঙ্গ-  
বান্ পর্বতের শৃঙ্গ হইতে সবেগে উত্তর কুরুমণ্ডলে গমন  
করিয়া, লবণ সাগরে অবগাহন করিয়াছে। আর অলক-  
শেখর সমূহে পতিতা হইয়া, হিমালয় ভেদ ও ভারতবর্ষে  
অবতরণ পূর্বক দক্ষিণ দিকে লবণ সাগরে প্রবেশ করিয়াছে।

অয়ি মহামতে! মেরুর পশ্চিম পার্শ্বে কেতুমাল নামে  
পর্বত বিরাজমান। তত্রত্য মানবগণের পরমায়ুর পরিমাণ  
দশ সহস্র বর্ষ। পুরুষগণ সুবর্ণ বর্ণ এবং স্ত্রীগণ অঙ্গুর  
সদৃশী। তাহাদের রোগ নাই, শোক নাই, ভয় নাই।  
তাহারা নিত্য আনন্দিত। তথায় প্রতপ্ত কনকপ্রভ  
মানবগণ জন্ম গ্রহন করেন।

গুহাকাশিপ কুবের গন্ধমাদন শিখর সমূহে রাকস,  
অঙ্গুর ও গন্ধকগণের সহিত নিজে বিহার করে। গন্ধ-  
মাদনের পার্শ্বে সহস্র সহস্র কেতু শৈল বিরাজমান  
হইতেছে। তত্রত্য অধিবাসীগণের পরমায়ু একাদশ  
সহস্র বৎসর। তাহারা সকলেই রণবীর্য পরাক্রম বিশিষ্ট  
ও সর্বদাই হর্ষাবিষ্ট এবং স্ত্রীগণ সকলেই উৎপন্ন পত্র  
সন্নিধ ও অতিমাত্র প্রিয়দর্শিনী।

অয়ি মহামতে! উত্তর কুরু, ভারতবর্ষ, ধনু ও সগ  
নামক দক্ষিণ ও উত্তর দুই বর্ষ এবং ইলারুত এই পাঁচটিবর্ষ  
ষথাক্রমে পরম্পর উত্তরোত্তর সমধিক গুণবিশিষ্ট। ভারত-  
বর্ষ ব্যতিরেকে অপরাপর বর্ষবাসী লোক সকলের আয়ুঃ  
পরিমাণ দশ সহস্র বর্ষ।

মহাভাগ! পৃথিবী এইরূপে পর্বতে পরম্পরায়  
পরিব্যক্ত হইয়াছেন।

## অষ্টবিংশ ত্যাধিকশততম অধ্যায়

—১০০—

শ্রীশেষ কহিলেন, ভূতভাবন ভগবান্ লোকদিগকে অমুগৃহীত করিবার বাসনায় এই নয় বর্ষে মায়াবিগ্ৰহু পরিগ্ৰহ পূর্বক বিরাজ করিতেছেন। তন্মধ্যে ভগবান্ ভব দেবী উমার সহিত একাকী নিয়ত ইলায়ত বর্ষে অধিষ্ঠান করিতেছেন। দ্বিজ! ভবানীর শাপভয়ে অন্য কোন ব্যক্তি তথায় প্রবেশ করিতে পারে না। বৈবস্বতের পুত্র ঐল মোহ বশতঃ তথায় প্রবেশ করিয়া স্ত্রীভাব প্রাপ্ত হইয়াছিলেন। ষাটার গর্ভে পুরুষবার জন্ম হয়। তথায় মহাত্মা বিষ্ণুর অংশরূপী দেব সংকর্ষণ প্রতিষ্ঠিত আছেন। ভগবান্ ভব ভবানীর সহিত এইরূপে ভক্তি-

স্বরে তাঁহার স্তব করেন, ভগবান্ তোমাকে নমস্কার। তুমি মহাপুরুষ। তুমি পূর্বজ। তুমি অনন্ত। তুমি অব্যক্ত। তুমি নিগুণ। তুমি গুণাত্মা। তোমাকে নমস্কার।

বাৎস্যায়ন কহিলেন, ভবানী কি কারণে শাপ দিয়াছিলেন, আমার নিকট বলুন, শুনিবার জন্য সাতিশয় কৌতুহল হইতেছে।

শেষ কহিলেন, একদা মহাদেব তত্রত্য আনন্দকাননে ভবানীর সহিত হর্ষভরে বিহারমুখে মগ্ন হইয়া আছেন। শাল, তাল, তমাল, বিল্ব, বকুল, পাটল, চিরবিল্ব, তিন্তীড়ী, চুত, চম্পক, কাঞ্চন, করঞ্জ, কোবিদার, কেশর, কুঞ্জর, অংশন, তিলক, কর্ণিকার, কুম্ভী, খদির, তিন্দুক,

বানীর, জম্বীর, পীলু, উদ্ভূষর, বেতস, শাকট, বদর, করহাট, বট, কুটজ, পানরস, অশোক, জম্বু, নিম্ব, কদম্ব, ক্ষীরিকা, করমর্দ, বীজপূর, রস্তা, প্লক্ষ, আসন, নারিকেল, সদাকল, সপ্তচ্ছদ, ত্রৈপত্র, শিরীষ, আমলক, কর্কন্দু, লিকুচ, পারিভদ্র, ধব, কেতক, শিশুমার, তগর, কুম্ভ, মল্লিক, পদ্ম, ইন্দীবর, কহ্লার, মালতী, যুথিকা, মন্দার, পারিজাত, সন্তান, কম্পারক্ষ, এবং অন্যান্য বহুবিধ দেবতরু, ইত্যাদি বৃক্ষসমূহে ঐ আনন্দকানন পরিবৃত্ত ও আমোদিত এবং মধুকরগণের ষষ্কার, কোকিলগণের কলনাদ ও ময়ূরগণের নৃত্যে পরম আনন্দজনক । ভবদেব সকলঋতুস্বলভকুমুমসম্পন্ন ও সর্বগন্ধমনোহর আনন্দকাননে ঐরূপে বিহার করিতেছেন এমন সময়ে সনকাদি ব্রহ্মপুত্রগণ মহেশ্বরের দর্শন কামনায় তথায় প্রবেশ করিলেন । তাঁহারা সকলেই সিদ্ধাশ্রম ও সর্ববিদ্যাশিষ্য । দেব উমাপতি সেই সিদ্ধ মহর্ষিদিগকে সমাগত দর্শন করিয়াই, সমস্ত্রমে সত্ত্বর স্থানিত চর্ম্মাস্বর ষথাস্থানে ধারণ করিলেন । অস্তবসনা দেবীও নীবীবন্ধনে তৎপরা হইয়া, ব্যগ্রচিত্তে কূর্পাসক দর্শন করিতে লাগিলেন । তাঁহার অতিমাত্র লজ্জা উপস্থিত হইল । সেই সিদ্ধ মহর্ষিগণও বিহারপরায়ণ হরপার্ষ্বতীর এই প্রকার সমস্ত্রম পরিভ্রাত হইয়া, খিন্নহৃদয় ও পরাবৃত্ত হইয়া, প্রাচ্যেতস আশ্রমে গমন করিলেন । কমললোচনা ভবানী ব্যাকুলা হইয়া, তদবধি এই শাপ প্রদান করিলেন, অতঃপর কোন পুরুষ এই কাননে প্রবেশ করিলে, তৎক্ষণাৎ স্ত্রীযোনি প্রাপ্ত হইবে । কেবল



ভগবান্ শঙ্করের এইপ্রকার হইবে না । বিপ্র ! দেবী যে কারণে শাপ প্রদান করেন, তোমার নিকট এই তাহা কীর্ত্তন করিলাম ।

দ্বিজ ! ভগবান্ হরি হয়শীর্ষ বিপ্রহ পরিগ্রহ পূর্বক ভদ্রাশ্বে বিরাজমান হইলেন । তত্রত্য পুরুষগণ সেই জগদ্গুরুর স্তব করিয়া থাকেন । ভগবান্ নারায়ণ নরু-সিংহদেহ ধারণ করিয়া, হরিবর্ষে বিরাজ করেন । দৈত্য-পতি মহাভাগ প্রহ্লাদ তাঁহার স্তব করেন । ভগবান্ কেতুমাল বর্ষে কামদেব স্বরূপে বিরাজমান হইলেন । প্রজা-পতির হৃহিতৃগণ ও স্বয়ং লক্ষ্মী তাঁহার সহিত তথায় বিহার করেন । তত্রত্য পুরুষগণ পরম ভক্তি সহকারে সেই জগন্মোহন-রূপ-ধারীর স্তব করিয়া থাকে । ভগবান্ রম্যকবর্ষে দয়াপার মৎস্যরূপে বিরাজ করেন । বৈবস্বত মনু ভক্তি সহকারে তদীয় স্তব করিয়া থাকেন । ভগবান্ কূর্ম্মদেহ ধারণ করিয়া, হিরণ্ময় বর্ষে বিরাজমান হইলেন । প্রেতাধিপতি যম পরম ভক্তি যুক্ত হইয়া, তাঁহার স্তব করেন । ভগবান্ বরাহরূপে কুরুবর্ষে অধিষ্ঠিত আছেন । স্বয়ং দেবী বসুন্ধরা তত্রত্য বর্ষপতিদিগের সহিত মিলিত হইয়া, তাঁহার স্তব করেন । ব্রহ্মন ! ভগবান্ কিংপুরুষ বর্ষে আদিপুরুষ লক্ষ্মণাশ্রয় রাাম রূপে সীতার সহিত সর্বদা বিহারপরায়ণ বিরাজ করেন । পবননন্দন হনুমান্ তত্রত্য পুরুষগণের সহিত নিয়ত ভক্তি সহকারে তাঁহার স্তব করিয়া থাকেন । ভগবান্ নরনারায়ণ ঋষিরূপে ভারতবর্ষে বিরাজ করেন । দেবার্ষি নারদ কৃতানতি হইয়া, তাঁহার স্তব করিয়া থাকেন ।

ব্রহ্মন্ ! এই দ্বীপে বহুসংখ্য নদী, পর্বত ও অনেক দেশ আছে । তৎ সমস্ত যথাক্রমে তোমার নিকট কীর্তন করিব । মেরুর উত্তরদিকস্থ দেশ সকলের বিষয় পর্যায়ক্রমে বলিব । মেরুর উত্তর পার্শ্বে উত্তর-কুরু নামে সিদ্ধনিষেবিত পবিত্র দেশ আছে । তত্রত্য বৃক্ষ সকল সকল কালেই সুস্বাদু ফল ও সুগন্ধি কুসুম সম্পন্ন । এবং সকলেই কাম দোহন করিয়া থাকে । হে মুনিপুত্র ! ক্ষীরী নামক আর একজাতীয় বৃক্ষ সর্বদা অমৃত তুল্য ক্ষীর ক্ষরণ করিয়া থাকে । এবং কালে আভরণ ও বস্ত্র প্রদান করে । তত্রত্য সমস্ত ভূমিই মনিমুয় ও সুক্ষম সৃণ বালু বিশিষ্ট । এবং সকল ঋতুতেই সর্বদা সুখপ্রদ । তথায় পক্ষ নাই, কঙ্কর নাই । মনুষ্যেরা স্বর্গভোগীবশেষে তথায় জন্ম গ্রহণ করে । তাহারা সকলেই বিশুদ্ধাভিজ্ঞানবিশিষ্ট, সকলেই সুচারু-সুখপঙ্কজ-সম্পন্ন । তত্রত্য স্ত্রীমাত্রেই সুরসুতা-সদৃশী । তাহারা উল্লিখিত ক্ষীর বৃক্ষ সকলের সুধাস্বাদ ক্ষীর পান করে । তথায় তুল্যরূপ-বেশ-বয়স-বিশিষ্ট ও তুল্য-রূপ-রূপ-গুণ-সম্পন্ন মিথুন সকল সমুৎপন্ন হয় । তত্রত্য অধিবাসীমাত্রেই নীরোগ, নির্বিঘ্ন ও সর্বদা আনন্দিত । তাহাদের আয়ুর পরিমাণ একাদশ সহস্র বৎসর । তাহারা সকলেই মহাভাগ ও পরস্পর বিরোধ শূন্য । ভারুণ্ড নামক তীক্ষ্ণতৃণ্ড মহাবল শকুন সকল তত্রত্য স্বভূ-দিগকে নিহরণ ও নদীতলে নিক্ষেপ করে । ব্রহ্মন্ ! তোমার নিকটে সংক্ষেপে উত্তরকুরুর ব্যাখ্যা করিলাম । হিরণ্য ও রম্যকবর্ষেও এইপ্রকার ধর্ম প্রকীর্তিত

হইয়াছে । অধুনা যেরূর পূর্ব পার্শ্ব যথাযথ কীর্তন করিব ।

ব্রহ্মন্ ! ভদ্রাশ্বে ভদ্রবান্ নামে মহীপতি রাজত্ব করেন । তথায় ভদ্র-শালবন ও কালাত্র নামক মহারক্ষ প্রতিষ্ঠিত আছে । সিদ্ধ ও চারণগণ নিত্য ঐ রক্ষের সেবা করেন । উহা যোজনৈক-সমুচ্ছিত । তত্রত্য পুরুষগণ শেতবর্ণ, তেজোযুক্ত ও মহাবল এবং স্ত্রীগণ কুমুদাত্মা, সুনাসা, সুলোচনা, চন্দ্রভা, চারুরূপা, পূর্ণেন্দুমদৃশাননা, নৃত্য-গীতকলাভিজ্ঞা ও চন্দ্রশীতলকান্তিশালিনী । ব্রহ্মন্ ! তথায় আয়ুর পরিমাণ দশ বর্ষ সহস্র । কালাত্ররস পান করিয়া, তাহাদের যৌবন নিত্য সুস্থিরভাববিশিষ্ট ।

নীল পার্বতের দক্ষিণে ও নিষধের উত্তরে স্দর্শন নামে মহাজম্বু রক্ষ বিরাজমান হইতেছে । উহার কোন কালে বিনাশ নাই । সিদ্ধচারণসেবিত ঐ রক্ষ পরম পবিত্র ও সর্বকামকলপ্রদ । এব' পরম শ্রী সম্পন্ন ও সহস্র-যোজন-সমুচ্ছিত । উহা দ্বারা দ্বীপ বিখ্যাত হইয়াছে । উহার বিস্তার দশ পঞ্চশত সহস্র অরত্বী । তত্রত্য মানবগণ তরুণাদিত্যবর্ণবান্ । তথায় মাল্যবান্ পার্বতে সম্বর্তক নামে প্রলয়ান্তক কালাগ্নি হব্যবাহন দৃশ্যমান হয়েন । ঐ পার্বত ষট্ পঞ্চ সহস্র যোজন । তত্রত্য মানবগণ মহারজতবর্ণবিশিষ্ট হইয়া জন্ম গ্রহণ করে এবং উর্দ্ধরেতা হইয়া, তপস্যা করিয়া থাকে এবং ভূতগণের রক্ষণার্থ দিবাকরে প্রবেশ করে । উহাদের সংখ্যা ষষ্টি সহস্র ও ষষ্টিশত । তাহারা দিবাকরকে পরিবৃত্ত করিয়া, অরুণের অগ্রে অগ্রে গমন করে । এই

রূপে তাহার ষষ্টি সহস্র ষষ্টিশত বৎসর আদিত্য কর্তৃক তপ্ত হইয়া, পরিশেষে শশধরমণ্ডলে প্রবেশ করে।

## নববিংশত্যাধিকশততম অধ্যায়

শ্রী শেষ কহিলেন, শীত পর্বতের দক্ষিণে ও নিষধের উত্তরে রমণক বর্ষ। তত্রত্য লোকমাত্রেই বিশুদ্ধাভিজনসম্পন্ন ও পরমপ্রিয়দর্শন। এবং পরম সৌভাগ্যশালী ও নিত্যমুদিতচিত্ত। তাহাদের আয়ুঃপরিমাণ দশ সহস্র দশ পঞ্চ শত বৎসর।

নীল গিরির দক্ষিণ ও নিষধের উত্তর হিরণ্য বর্ষ প্রতিষ্ঠিত। তথায় হৈমবতী নদী প্রবাহিত হইতেছে। মহাভাগ! পতগোত্রম পক্ষিরাজ গরুড় ও বহুসংখ্য মহাবল যক্ষাঙ্গ ধনী পুরুষ তথায় বাস করে। মহামতে! তাহাদের আয়ুঃপরিমাণ একাদশ সহস্র শত পঞ্চ শত বৎসর। হে ব্রাহ্মণর্ষভ! তত্রত্য তিনটি শৃঙ্গ বিচিত্রভাববিশিষ্ট। তন্মধ্যে একটি শৃঙ্গ মণিময়, দ্বিতীয় স্বর্ণময় ও তৃতীয় শৃঙ্গ রত্নময় ও পরম সৌভাগ্যসম্পন্ন। এই তৃতীয় শৃঙ্গে সুর্য প্রভাদেবী বাস করেন। কৈলাশ পর্বতে রাজা কুবের গুহ্যকগণের সহিত বিহার করিয়া থাকেন। কৈলাসের উত্তরে ও মৈনাকের পশ্চাতে স্বর্ণময়শৃঙ্গবিশিষ্ট দিব্যভাবাপন্ন মণিময় পর্বত।

তাহার পার্শ্বে সুন্দর কনকরেণুবিভূষিত পরমমনোহর দিব্য মহৎ বিন্দুসর প্রতিষ্ঠিত । রাজা ভগীরথ যেখানে পুণ্যাপণা গঙ্গাকে দর্শন করিয়া, বহু বৎসর বাস করিয়া- ছিলেন । তত্রত্য যুগ সকল মণিময় ও চৈত্য সকল হিরণ্ময় । ইন্দ্র তথায় ষষ্ঠ করিয়া সিদ্ধ হইয়াছিলেন । সমস্ত লোক ও ভূতগণ সমাগত হইয়া, তথায় ক্ষয়-বিনাশবিরাহিত তিগ্নতেজা . সৃষ্টিকর্তা ভূতপতি ব্রহ্মার উপাসনা করে । নর, নারায়ণ, ব্রহ্মা, মনু ও স্বাগু ইহারা তথায় বিরাজ করেন । ত্রিপথগা প্রথমে ঐ স্থানে প্রতি-ষ্ঠিত হইলেন । তিনি ব্রহ্মলোক হইতে বিনিম্পতিতা হইয়া, তথায় সপ্তধারায় অবतरণ করেন । এই সপ্তধারার নাম নীলনী, পাণবনী ও সরস্বতী ইত্যাদি । এই দিব্যভাবাপন্ন সপ্তগঙ্গা ত্রিলোকে বিখ্যাত ।

হিমালয়ে রাক্ষসগণ, হেমকূটে গুহকগণ, নিম্নে সর্প ও নাগগণ, শ্বেতপর্বাতে দেব ও অসুরগণ, এবং শৃঙ্গবান্ পর্বাতে দেবগণ বাস করেন ।

মহাভাগ ! এই সাতবর্ষ যথাক্রমে কীর্তন করিলাম । ভূতগণ ইহাতে বাস করে । প্রণস্তাগতিসম্পন্ন ও অবিনাশ-পদবিশিষ্ট এই সাত বর্ষে বহুবিধ দেবমানুণী সমৃদ্ধি দৃষ্ট হইয়া থাকে । ঐ সমৃদ্ধির পরিমংখ্যান করা সাধ্য নহে । ভগবান্ ভব ভবানীর সহিত ইলার্বত বর্ষে বিহার করেন । এই অষ্টবর্ষ তোমার নিকট বর্ণিত হইল ।

অনঘ ! সম্প্রতি পরমপবিত্র কর্ণভূমি ভারতবর্ষের বিষয় শ্রবণ কর । দেবরাজ ইন্দ্র, বৈবস্বত মনু, মহাত্মা পৃথু ইক্ষাকু, যমাত, অশ্বরীষ, মাকাতা, নহুষ, মুচুকুন্দ,

শিবি, রাজর্ষি সোমপা, মহানুভাব গাধি, ঋষভ, ঐল, দিলীপ, কুশীন্দ, নৃগ, এবং অন্যান্য মহাভাগ মহাবল কত্রিয়গণ এই ভারতবর্ষে আধিপত্য করিয়াছেন। তাঁহাদেরও কথা সকল বলিতেছি, শ্রবণ কর। অত্রত্য পর্বতগণ ধাতুবিচিহ্নিত, স্বত্বশালী, সুমহান্ ও চিত্রসানুবিশিষ্ট। ধর্মজ্ঞ! আর্ষ্য, শ্লেচ্ছ ও মিশ্রশ্রেণী পুরুষগণ এখানে বাস করে। গঙ্গা, সিন্ধু, সরস্বতী, শতদ্রু, চন্দ্রভাগা, বিপাশা, গোদাবরী, নর্মদা, যমুনা, মহানদী, দৃশদ্বতী, বিশালা, সরিষরা বাহুদা, বেত্রবতী, পয়োক্ষী, দেবিকা, বেদস্মৃতি বেদাঙ্গিনী, চিত্রাসনা, করীষিণী, চিত্রমহা, কৃষ্ণবেণী ইরাবতী, বিতস্তা, ত্রিদিবা, ইক্ষুনা, কুন্দি, গোমতী, ধূতপাপা, নিচিতা, লোহিতাবল, কৌশিকী, ত্রিদিবা, কুত্যা, সরযু, চর্মণতী, বেত্রবতী, চন্দ্রলা, রহস্যা, শতকুম্ভা, হরিলোমা, দিক্, শরাবতী, পয়োক্ষী, বাঙ্গিনী, পুন্ড্রমালিনী, পূর্বাভিরামা, ধীরা, বাপা, শিতবলী, পলামিনী, সুপ্রয়োগা, মহামতী, কাবেরী, অলকা, বেণী, ভীমরথী, কুশতীরা, স্নাতাচী, মরুতী, প্রথরা, সেনা, মহেন্দ্রা, পাটলাবতী, পুরাবতী, মনুষ্যা, কুশধারা, সদানীরা অধুষ্যা, বীরবতী, অশিকী, হিরণ্যুরী, সদাশান্তা, শিবা, মহানদী, বীরকরা, বিশ্বামিত্রী, কর্ণপঞ্জলা, বসু, সুবস্ত্রা, গৌরী, কুবের, রথচিত্রা, জ্যোতিরথা, তুঙ্গবেণী, বৈনন্দী, পিঞ্জলা, তুঙ্গবেণী, রিদিশা কৃষ্ণবেণী, হরিশ্রবা, সন্ধ্যা, সনাশ, বৈদস্ব, ভারদ্বাজী, শীত্রা, পিচ্ছলা, কৌশিকী, দুর্গা, মন্ত্রশীলা, ব্রহ্মবিদ্যা, পরোক্ষা, রোহী সামান্যা, বরণা, অসি, সুরসা, তমস, সাক্ষী, পর্ণাশা, মালবা, বৃষভা, ভাস, ব্রহ্মমধ্যা, দৃশদ্বতী,

মহাকৃষ্ণা, মন্দগা, মন্দবাহিনী, চিত্রোৎপলা, চিত্ররথা ব্রহ্মাশ্ব  
মহামাগরী, কাশ, শুভ্রিমতি, মঙ্গলা, মঞ্জরা, বাহিনী, কুমারী,  
ঋষিলা, মন্দাকিনী, সুপাণা, গঙ্গা, মারিষেব, সরস্বতী, লো-  
হিত্যা, করতোল রূষভাহারে, ইত্যাদি শতমহত্ব বিশ্বজননী  
মহাকলা মহানদী ভারতবর্ষে বাহিত হইতেছেন । অনব !  
তোমার নিকট তাহাদের রূভাস্ত এই কীর্তন করিলাম ।

দ্বিজ ! ভারতবর্ষে যে সকল পর্বত আছে, বলিতেছি  
শ্রবণ কর । মলয়, মঙ্গল প্রস্থ, মৈনাক, চিত্রকূট, ঋষভ,  
কোটক, কোন্দ, মহ, দেবসিরি, মহেন্দ্র, বারিধার, বিদ্যা  
বৈষ্ণট, শ্রীশৈল, ঋষ্যমুখ, শুভ্রিমান, ঋক্ষ, দ্রোণ,  
পারিপাত্র, রৈবত, ককুভ, গোবর্দ্ধন, চিত্রকূট, নীল, গোকর্ণ  
কোকামুখ, ইন্দ্রকীল, কামগিরি, ইত্যাদি পর্বত ভারত  
বর্ষে প্রতিষ্ঠিত আছে ।

দ্বিজসত্তম ! অতঃপর জনপদ সকল কীর্তন করিব ।  
সুবিখ্যাত করুপঞ্চাল, শালু, মাদ্রেয়, জাঙ্গল, মৎস্য, কুশট  
মৌদিগ্য, ভোজ, সিন্ধু, কুলিন্দ, শূরসেন, পুলিন্দ, কুস্তি,  
কেশি, কোশল, পাঞ্চাল, কোশল, বোধমাল, চেদি, করুষ ।  
নৈকপৃষ্ঠ, যুগন্ধর, উত্তম, দশাণ, কাশী, অপার কাশী,  
কুন্তী, অবন্তী, গোপরাক্ষ, কুলাতি, জার, কুকুট, অপার  
কুন্তী, গোমন্ত, মণ্ডক, পোণ্ডু, মল্ল, কেয়লী, অশ্বকাশোত্তর  
মনজ, বিজয়, আধিরাজ্য, সকুট, মালব, উপবাহ, চক্র-  
বক্রাতি, যকুল্লোম, বাহলীক, বাটধান, শংকর, চর্ম্মচণ্ড,  
মল্ল, সুদেষ, প্রহ্লাদ, মহিম, শনিক, অপারান্ত, পরান্ত,  
আভীর, কালতোয়, অটবী, শিখর, যেরুভূত, উপবিষ্ট,  
অনুপবিষ্ট, জঙ্গলাকর, কুট, পরান্ত, মাহের মগধ, মালব

জট, কক্ষ, সামুদ্রনিকট, বহির্গির্ঘা, অন্তর্গির্ঘা, প্রবিশেষ, সুদেষ, যামুন, লক, নিষাদ, নিষদ, ভার্গব, পুণ্ড্রভাগ, কিরাত, আনন্ত, মৈখত, তীরগ্র্যহ, শূরসেন, কুন্তল, কুশল, গান্ধার, দর্শ, দবীব্যা, সুদাম, সুমল্লিক, কুশিক, রত্নবট্ট, বাবঘামবশেবলা, কুলিন্দ, উপেত্যক, করীষক, গঙ্গ, গোপাল, কচ্ছ, মুষিক, বাণবাশিক, কিরাত, বর্বর, সিদ্ধ, ও ক্রম্লেচ্ছ, নৈরাক্কু, বৈদেহিক, তাত্রলিপ্ত, দ্রবিড়, কেৱল, বিকম্প, কোবেটুক, চেল, সৌহদ, মলকামল, উৎসবসংকেত, কোঙ্ক, বেঙ্কট, মালব-দণ্ডক, কোরক, কুরঙ্গ, রমরিক, বিকুচুলিক, ত্রিগর্ত, সন্ধাসেন্নয়, সমঙ্গ, কবর অপর বর্তক, মুষিক, তনবাণ, পুলিন্দ, বর্বর, মুনিবাট, শিখর, সর, বেগসর, বিদর্ভ, ঋষিক, কাক বিক্কক, যবন কাশ্মোজ, তঙ্গন পারতঙ্গন, মকুদ্বহ, কুলা-প্যা, ম্লেচ্ছজাতি, অপরম্লেচ্ছ, হুন, পারসিক, রমন, চীন, দর্শমালিক, অঙ্গ, বঙ্গ, কলিঙ্গ, পাহুব, লিরিক, কন্দর, খাম্বীক, বৈশা, শূদ্রকুল, শূদ্রাত্তর, দরদ ও অন্যান্য ম্লেচ্ছ-ভূমি, আত্রৈয়, ভারত্বাজ, স্তনপোষক, হ্বেষক, কলিঙ্গ তোমর, করভঞ্জক, ইত্যাদি প্রাচ্য ও উদীচ্য জনপদ সকল ভারতে প্রতিষ্ঠিত আছে। আমি উদ্দেশে তোমার নিকট জনপদ সকল কীর্তন করলাম।

ব্রহ্মন্ ! ভারতবর্ষে ত্রিবর্গফল লাভ হয়। সম্যক্ রূপে অনুষ্ঠান করিলে, অন্নত্য় ভূমি কাম দোহন করে। এখানে শুভাশুভ কর্ম করিলে ষথোক্ত ফল প্রাপ্ত হওয়া যায়। অন্যান্য বর্ষ সকল ভূস্বর্গনামে অভিহিত। ভারতবর্ষে যোগধ্যানাদি লক্ষণ কর্ম বিধান করিলে, সমক্ রূপে ফল



লাভ হয় এবং বিক্রয় করিলে, নরকাপত্তি হইয়া থাকে ।  
 ব্রহ্মন্ ! এখানে তপস্যাও আরাধনা সহজে সিদ্ধি লাভ হয় ।  
 ব্রাহ্মণ্যত ! সত্য ত্রেতা, দ্বাপর ও কলি এই চারি যুগ  
 যথাক্রমে ভারতে আবিভূত হইয়া থাকে । হে ব্রাহ্মণ-  
 সন্তম ! সত্য যুগে ভারতবর্ষে আয়ুঃ পরিমাণ চতুঃসহস্র  
 বৎসর । ত্রেতাযুগে তিন সহস্র, দ্বাপরে দুই সহস্র এবং  
 কলিযুগে এক শত । এই শত বৎসরেরও আবার স্থিরতা  
 নাই । কেহ গর্ভে থাকিয়াই মরে ও কেহ জন্মিয়াই  
 মরিয়া যায় । সত্যযুগে মহাবল, মহাসত্ত্ব জ্ঞানবান্,  
 ধর্ম্মতৎপর, তপস্বী, ধ্যাননিষ্ঠ, মানবগণ জন্ম গ্রহণ  
 করে । ত্রেতাযুগে সকল বর্ণই সর্বদা স্বধর্ম্মনিরত হইয়া  
 থাকে । মহাভাগ ! দ্বাপরযুগের মানবগণ ক্রুর, পর  
 হিংসক, লুক্র, আনৃতিক, কোপান ও দুষ্কর্ম্ম । কলিযুগের তা  
 কথাই নাই । এই যুগে ভারতবর্ষে তাপস ব্রাহ্মণগণ সমু-  
 ৎপন্ন হইবেন । দ্বিজ ! সমস্ত বর্ষের মধ্যে ভারতবর্ষই  
 প্রকৃষ্ট । যেহেতু, এখানে হরিভক্তপারায়ণ মনুষ্যেরা  
 চরমে সিদ্ধিলাভ করেন । হে দ্বিজোত্তম ! ভারতবর্ষে  
 সকলেই প্রায় ভগবদ্ভক্তিপারায়ণ । তীর্থ সকলও যে  
 রূপ অনেক সেইরূপ ফলপ্রদ ।

আমি এই লক্ষ যোজন বিস্তৃত জম্বুদ্বীপ কীর্ত্তন করিলাম ।  
 ইহা আপনার সমানপ্রমাণ লবণ সাগরে বেষ্টিত । যুনি-  
 গণ তথায় আটটি উপদ্বীপ নির্দেশ করিয়াছেন । মহাভাগ !  
 এই সকল উপদ্বীপ সিন্ধু মধ্যে প্রতিষ্ঠিত ও বিবিধজাতীয়  
 লোকে অধুনিত । বাৎসায়ন ! শ্রবণকর, তাহাদের নাম  
 করিতেছি । সগরের পুত্রেরা অশ্বাশ্বমণে প্রকৃত হইয়া,

পৃথিবীর চারিদিক্ খনন করিতে করিতে ঐ আটটা দ্বীপ  
মহাসাগরে কণ্ঠনা করেন। তাহাদের নাম স্বর্ণপ্রস্থ,  
চন্দ্রশঙ্ক, সিংহল, আবর্তন, পাল্কজন্য, মন্দ, হরিলোমপ ও  
লঙ্কা। দ্বিজ ! তোমার নিকট জম্বুদ্বীপের অন্তরও কীর্তন  
করিলাম।

## দশবিংশত্যাধিকশততম অধ্যায়

শেষ কহিলেন, দ্বিজ বাৎসয়েন ! শ্রবণ কর, প্লক্ষ-  
দ্বীপ বর্ণন করিব। জম্বুদ্বীপ ও তাহার বেষ্টিত লবণ  
সাগরের যে পরিমাণ, মহামতে ! প্লক্ষদ্বীপ তাহার দ্বিগুণ।  
পুর যেমন পরিখ দ্বারা বেষ্টিত থাকে, তদ্রূপ জম্বুদ্বীপ  
আপনার সমপরিমাণ লবণ সলিলে বেষ্টিত। আবার  
উপবন যেমন পরিখার বেষ্টিত, সেইরূপ প্লক্ষদ্বীপ  
লবণসাগরকে বেষ্টিত করিয়া দ্বিলক্ষ যোজন বিস্তৃত  
হইয়াছে। মহাভাগ ! তথায় প্লক্ষনামে যে মহারক্ষ আছে,  
তদ্বারা দ্বীপের খ্যাতি হইয়াছে। ঐ রক্ষ স্বর্ণাশ্বি  
সন্নিভ ও জম্বুরক্ষের সম পরিমাণ। এই দ্বীপে সাতটা  
বর্ষ প্রতিষ্ঠিত আছে। তাহাদের নাম সুভদ্র, যবদ,  
শিব, অমৃত, ক্ষেম ও শান্ত। সীমা পর্বতে সাতটা  
এবং নদী ও সাতটি প্রকীর্তিত হইয়াছে। মণিকূট বজ্রকূট  
জ্যোতিষ্মান্ ইন্দ্রসেনক হিরণ্যষ্ঠীব মেঘমাল ও নেতু-  
শৈল এই সাত সীমাপর্বত। এবং অরুণা নৃমণা সাবিত্রী

আঙ্গিরস, সতস্তুরা; সুপ্রভা ও ঋতস্তুরা এই সাতটা নদী। এই সাত মহানদীর দর্শন মাত্রেই পবিত্র হওয়া যায়। তত্রত্য ব্রাহ্মণাদি বর্ণচতুষ্টয় যথাক্রমে হংস পতঙ্গ উদ্ধায়ন ও সত্যঙ্গ নামে পরিগণিত। তাঁহারা সকলেই ধর্ম্মার্থাকোবিদ।

মহাভাগ! তথায় অন্যান্য অনেক পর্বত ও মহাকলু নদী আছে। তন্মধ্যে মলয়. নামক পর্বত প্রাগায়ত। এই পর্বত হইতেই মেঘ সকল প্রোদুভূত ও সর্বত্র প্রভূত হইয়া থাকে। বিপ্রেন্দ্র! মলয়ের পর জলধার পর্বত। দেবরাজ ইন্দ্র পৃথিবীতে বর্ষণ করিবার জন্য এই পর্বত হইতেই জল গ্রহণ করেন। তাহাতেই বর্ষাকালে বৃষ্টি ও কৈশ্যাদির সমুৎপত্তি হইয়া থাকে। অনন্তর রৈবত নামক পর্বত। এই পর্বতেই রেবতী নক্ষত্র আকাশে সমুদিত দৃশ্য হয়। অনন্তর মহাভাগ! দুর্গ নামক মহাগিরি। এই পর্বত হইতেই বায়ু প্রবর্তিত হয়।

এই প্লক্ষদ্বীপে ভগবান্ শঙ্করের উপাসনা হইয়া থাকে। এবং সিদ্ধচার ও দৈবতগণ সর্বদা গতায়াত করেন। ব্রহ্মণ! তত্রত্য প্রজা মাত্রেই ধার্ম্মিক জরায়ুত্যা বিব-জ্জিত দীর্ঘায়ু সত্যপর ভোগবদ্ধিত ও বুদ্ধিশীল। এবং নদী সকল পরম পবিত্র ও পবিত্রকারিণী। তাহাদের সংখ্যা অনেক। মহানদী, মহাজলা সীতাসী, কালিকা সুকুমারী কুমারী বজ্র, বিবর্দ্ধিনী এবং অন্যান্য সহস্র নদী এখানে প্রবাহিতা হইতেছে। তাহাদের সংখ্যা করা সাধ্য নহে। তথায় লোকসম্মত পরম প্রশস্ত চারিটা জনপদ আছে। তাহাদের নাম মগ মশক মানস ও মন্দর্গ।

তন্মধ্যে যোগে অধিকাংশ ব্রাহ্মণের বাস ও নিত্য সুকর্মের  
অনুষ্ঠান হইয়া থাকে। মশকে ক্ষত্রিয়গণ বাস করে।  
তাহারা ধার্মিক ও সর্বকামপ্রদ। মহাভাগ! মানসে  
ধর্মনিষেধী বৈশ্যগণ বাস করে। আর মন্দগে শূর ও  
ধর্মার্থনিশ্চিত শূদ্রেরা বাস করে। বিশ্রেন্দ্র! তথায়  
রাজা নাই, দণ্ড নাই. দণ্ডাতা নাই। তাহার স্বধর্ম  
সহায়ে পরস্পরের রক্ষা করিয়া থাকে। দ্বিজ! প্লক্ষ-  
দ্বীপ আপনার সমপরিমাণ ইক্ষুসাগরে বহির্দিকে বেষ্টিত।  
ঐ সাগর বিবিধ রত্নপূর্ণ।

শাল্মল দ্বীপ প্লক্ষদ্বীপের দ্বিগুণ। এবং চতুলক্ষ যোজন  
সূরা সাগরে বেষ্টিত। তথায় দ্বিলক্ষ যোজন সমুচ্ছিত  
শাল্মলী নামে যে বৃক্ষ আছে তাহা হইতেই ঐ দ্বীপের নাম-  
করণ হইয়াছে। সুপর্ণ ঐ বৃক্ষে বাস করে।

হে সুলোচন! এই দ্বীপেও সাতটি বর্ষ উল্লিখিত হই-  
য়াছে। তাহাদের নাম সৌমনস্ত রমণক দেববর্ষ সুবো-  
চন পারিতন্ত্র আপ্যা ঋনও অভিজাত। তত্রত্য শৈল-  
সংখ্যাওসপ্ত যথা সুরস শতশৃঙ্গ বামদেব কুন্দ কুমুস্ত  
পুষ্পবর্ষ ও সহস্রাতি। ব্রহ্মন্! তথায় প্রধান নদীও  
সাতটি কীর্তিত হইয়াছে। তাহাদের নাম অনুমতি সিনী-  
বালর নন্দা বাকা সরস্বতী রজনী ও কুহু। এই সকল  
মহানদী পরম-পুণ্য সম্পাদন করে। তত্রত্য বিশ্রাদি বর্গ  
চতুষ্টয় যথাক্রমে বক্ষ্যমাণ নাম ধারণ করে। যথা প্রথম  
বর্গের নাম শ্রুতধর দ্বিতীয় বর্গের নাম বীর্যধর তৃতীয়  
বর্গের নাম বসুন্ধর ও চতুর্থ বর্গের নাম ইন্দর। তাহার  
সকলেই ভগবান্ আত্মরূপী সোমের উপাসনা করে।

কুশদ্বীপ সুরা সাগরকে বেষ্টিত করিয়া তাহার দ্বিগুণ পরিমাণে বিস্তৃত ও আপনার সমপরিমাণ স্নাত সাগরে বেষ্টিত । তথায় যে সুবিশাল কুশস্তম্ব আছে তাহাতেই দ্বীপের নামকরণ হইয়াছে । ঐ কুশস্তম্ব আপনার দীপ্তিতেই মহাগ্নিরাশিবৎ জ্বল্যমান । তথায় প্রধানতঃ সন্মান সাতটি বর্ষ আছে । তাহাদের নাম বসুদান, হবরুচি নাভিগুপ্ত, সত্যত্রত, বিপ্রাণ ও দেবনাম । তথায় সীমা পর্বতও সাতটি । তাহাদের নাম বক্র, চতুঃশৃঙ্গ, কপিল, চিত্রকূট, দেবনাক, উর্দ্ধরমা ও দ্রুবিণ । মহানদীও সাতটি তাহারা সর্বপাপবিনাশকারি তাহাদের নাম রসকুল্যা, মিত্রবিন্দা, শ্রুতরিন্দা, দেবভা, মন্ত্রমালা, স্নাতচ্যুতা । অত্রত্য ঋশিাদি বর্ণ সকল নামান্তর ধারণ করেন । যথা প্রথম বর্ণের নাম কুশল দ্বিতীয়ের নাম কোবিদস্ত, তৃতীয়ের অভিযুক্ত ও চতুর্থবর্ণের নাম কুলক । তাহারা সকলেই জ্ঞানবান্ ও জাতোদরূপী, ভগবান্ নারায়ণের উপাসক এবং সকলেই কর্মকৌশলযাজী ।

ক্রৌঞ্চদ্বীপ স্নাতসাগর অপেক্ষা দ্বিগুণ এবং আপনার সমান ক্ষীরসাগরে বেষ্টিত । তথায় ক্রৌঞ্চ নামে যে পর্বত আছে, তাহা হইতে দ্বীপের নামকরণ হইয়াছে । হে মহামতে ! মহাসেন কার্তিকেয়ের করাঘাতে এই সুমহান্ পর্বতে ছিদ্র হইয়াছে । এই দ্বীপ ক্ষীরোদ সাগরের বাঁচি সমূহে সতত অভিষিক্ত । তথায় সাতটি বর্ষ প্রতিষ্ঠিত আছে । আমার নিকট তাহাদের নাম শ্রবণ কর । আশ্রয় মধুরুহ, মেবশৃষ্ঠ, বনস্পতি, গোহিতবর্গ, সুধাম, ভ্রাজ্জিষ্ণু এই সাত বর্ষ । দ্বিজ ! এই সকল বর্ষের সীমাকর পর্বতে

সংখ্যাও সপ্ত । যথা শুক্লক, বর্দ্ধমান, ভোজন, উপবর্হন, নন্দক, নন্দন ও সর্বতোভদ্র । ব্রাহ্মণসপ্তম । মহানদী ও সাতটী, তাহারা পবিত্রতা সাধন করে । তাহাদের নাম অভয়া ; অমৃতৌষা, তৃপ্তি রূপবতী, তীর্থবতী, আৰ্য্যকা ও পবিত্রবতী । তত্রত্য বিপ্রাদিবর্গ সকল নামান্তর বিখ্যাত । তন্মধ্যে ব্রাহ্মণকে পুরুষ, ক্ষত্রিয়কে ঋষভ, বৈশ্যকে দ্রাবিণ ও শূদ্রবর্গকে দেবসঙ্গ বলে । ইহারা বিষ্ণুর জলময়ী মূর্তির উপাসনা ও ধ্যান করে ।

দ্বিজর্ষভ ! ক্ষীরোদের পর শাক দ্বীপ । ইহার আয়তন দ্বাত্রিংশৎ লক্ষ যোজন । এবং ইহার চতুর্দিক দধি মণ্ডোদ সাগরে বেষ্টিত । ইহার পরিমাণ ঐ দ্বীপের অক্ষুরূপ । তথায় শাক নামে এক মহাবৃক্ষ বিরাজমান ইহিতেছে । সেই শ্রীমান্ বৃক্ষ হইতেই দ্বীপের নামকরণ হইয়াছে । এই শাকমুরভিত্ত দ্বীপেও সাতটী মাত্র বর্ষ প্রতিষ্ঠিত আছে । তাহাদের নাম পুরোজব, মনোজব, ধুম্রলাক, বেগবান বিশ্বাধার বহুরূপও চিত্ররেফ । পর্বত ও সাতটী । যথা ঈশান উরুশৃঙ্গ বলভদ্র মহানদ শতকেশবানামা, সহস্রশ্রোত ও দেবপাল । এই সকল পর্বত বর্ষসীমা প্রবর্তক । নদীও সাতটী বিখ্যাত । আয়ু-জ্ঞাপী অলম্বা সহস্রশ্রুতি পঞ্চনদী নিকুতি বর্গরাজিতা ও উত্তরদৃষ্টি । এই সকল নদীই মহাপুণ্যা ও মহাফলা । বিপ্রাদিবর্গ সকল নামান্তর বিখ্যাত । তন্মধ্যে আদ্যবর্গ ঋতব্রত দ্বিতীয় বর্গ সত্যব্রত তৃতীয় বর্গ দানব্রত ও চতুর্থ বর্গ অনুব্রত নামে বিখ্যাত । তথায় লোক বায়ুরূপী স্তম্ববানের ভজনা ও উপাসনা করে ।

দক্ষি সাগরের পর মহান্ পুষ্কর দ্বীপ । শাক অপেক্ষা  
 । বৃষ্ণ প্রমাণ ও সমান, স্বাহ্ সাগরে বেষ্টিত । তথায়  
 জ্বলজ্বলনসন্নিভ পত্রসহস্রায়ুতশোভিত অতুচ্চ পুষ্কর  
 বিরাজিত আছে । তাহা হইতেই দ্বীপের খ্যাতি হইয়াছে ।  
 ঐ পুষ্করকেই বিশ্বশ্রুতা ব্রহ্মার আসন বলিয়া থাকে ।  
 দ্বীপ মধ্যে বেষ্টিতক নামে গিরি বিরাজমান হইতেছে ।  
 এখানে রমণক ও ধাতক নামে দুইটি বর্ষ বিখ্যাত । বিপ্র !  
 ঐ পর্বতের উচ্চায় অযুত যোজন । তাহার বিস্তারমানও  
 তদনুরূপ । ঐ পর্বতের শেখরে ইন্দ্রাদি লোকপালগণের  
 চারিটি পুর প্রতিষ্ঠিত আছে । বিপ্র ! দিবাকর মেরু-  
 পরিক্রমে প্রবৃত্ত হইলে, এই শৈলেন্দ্রেই স্বীয় মস্তকে  
 তুদীয় মন্বৎসরাঙ্ক চক্র ধারণ করে । মহাবল প্রজাসকল  
 ঐ দুই বর্ষে বাস করে । তত্রন্ত বর্ষ সকলের নামান্তর  
 নাই ।

স্বাহ্ সাগরের পরেই লোকালোক পর্বত । লোক ও  
 অলোক এই উভয়ের মধ্যে থাকিয়া, সমুদায় লোক বেষ্টিত  
 করিয়া প্রাচীরবৎ অবস্থিতি করিতেছে । এই জন্য ইহার নাম  
 লোকালোক পর্বত কীর্তিত হইয়াছে । মানসোত্তর মেরুর  
 অন্তর্ভুক্তিনী যাবতীয় ভূমিই কাঞ্চনময়ী । উহা লোকালোক  
 পর্বতের পরেই প্রতিষ্ঠিত । ঐজ ! তথায় প্রহিত বস্তু  
 কোন মতেই উপলব্ধ হয় না । তথায় যে উদ্দীপ্ত সৌবর্ণ  
 কাঞ্চি প্রাহুভূত হইতেছে, তাহা স্বর্ণবর্ণের তিরস্কারিণী ।  
 এইজন্য, প্রাণিনাত্রেই সেই ভূমি বর্জিত করিয়া থাকে ।  
 সুবিশাল লোকালোক পর্বত লোকান্তে প্রতিষ্ঠিত আছে ।  
 এই জন্য, তদারা সূর্যাদিরও তেজঃ আয়ত হইয়া থাকে ।

মহামতে ! জ্যোতিঃ সমুদায় ঐ পর্বতকে অতিক্রম  
করিয়া, স্বব্যাপার সাধনে সক্ষম হয় না। ব্রহ্মন্ ! এই  
পর্বতের যেমন উন্নাহ, সেইরূপ আয়াম। পৃথিবী আয়াম  
ও বিস্তারে পঞ্চাশৎ কোটিযোজনা। এই লোকালোক  
পর্বত তাহার চতুর্বাংশ। সুমহাবল গজেন্দ্রচতুষ্টয় ব্রহ্মার  
নিয়োগানুসারে তাহার উপরি উপবেশন করিয়া, স্বশ্ব কর  
দ্বারা পৃথিবীকে আকর্ষণ পূর্বক অবস্থিতি করিতেছে। স্বয়ং  
ভগবান্ ও বিশ্বক্সেনাদি পার্শ্বদপ্রবরপ্রচয়ে পরিবৃত হইয়া,  
হে মারিষ ! সমুচ্ছিত ভূজপারস্পরায় প্রায় পর্য্যন্ত পৃথি-  
বীকে ধারণ করিয়া, তথায় বিরাজ করেন।

ভূমির অন্তর্বিস্তার সমস্তই তোমার নিকট কীর্তন করি-  
লাম। গাঢ়সংতমসে সমাচ্ছন্ন ভুবলোকেরও এই প্রকার  
অন্তর্বিস্তার নির্দিষ্ট হইয়াছে। শ্বেতদ্বীপ সাক্ষাৎ ভগবা-  
নের স্থান বলিয়া পরিগণিত হইয়া থাকে। ব্রহ্মন্ !  
তোমার নিকট এই ভূগোল বর্ণনা করিলাম।

ব্যাসদেব কহিলেন, স্মৃত ! যে ব্যক্তি এই গোল বর্ণনা  
শ্রবণ করে, তাহার সমাগরা সশৈলবনকাননা সদ্বীপা ও  
সবর্ষা সমস্ত বসুন্ধরা প্রদক্ষিণ করা হয়।

একাদশবিংশত্যধিকশততম অধ্যায়।

শ্রীশ্রুত কহিলেন, এই আমি আপনাদের নিকট অল্প-  
তম ভূমিও আন্যোপান্ত কীর্তন করিলাম। প্রথমে সৃষ্টি



খণ্ড, তাহার পর ভূমিখণ্ড । পুনরায় ভূমিখণ্ডমাহাত্ম্য কীর্তন করিব । যে নরোত্তম এই খণ্ডের শ্লোক শ্রবণ করে, তাহার দিনত পাপক্ষয় হইয়া থাকে । যে সুধী ভক্তিতরে ইহার এক অধ্যায় শ্রবণ করে, বিদ্বান্ ও কুটুম্বী ব্রাহ্মণদিগকে সুপার্বৈ গো সহস্র দান করিলে যে ফল, দ্বিজ ! তাহার সেই ফল প্রাপ্তি ও বিষ্ণু প্রসন্ন হইবেন । প্রতিদিন এই পদ্মপুরাণ পাঠ করিলে, কলিযুগে বিদ্বান্ ও নরপতি হইয়া জন্মগ্রহণ করা যায় ।

ঋষিরা কহিলেন, পুণ্যকাম ব্যক্তি পুরাণাদি শ্রবণে প্রবৃত্ত হইলেও, হে সূতজ ! কি জন্ম কলিযুগে তাহাদের বিবিধ সুদারুণ বিঘ্ন সমাগত হয় ?

সূত কহিলেন, অশ্বমেধযজ্ঞানুষ্ঠানে যে ফল, হে দ্বিজবর্গ ! এই পদ্মপুরাণ পাঠেও সেই ফল । পরম প্রশস্ত অশ্বমেধ যজ্ঞ কলিতে প্রবর্তিত হয় না । এই পুরাণও সেই অশ্বমেধের কার্য্য করে । পাপপথে প্রবৃত্ত পাপাত্মা মানবগণ অশ্বমেধযজ্ঞ জনিত স্বর্গ-মোক্ষ-ফলপ্রদ পুণ্য ভোগে সমর্থ হয় না । এই রূপ, কলিযুগে পাপাত্মা মানবগণ অশ্বমেধসম এই পুরাণেরও তদ্বৎ ফল ভোগ করিতে পারে না । কলিতে মনুষ্যেরা প্রায়ই পাপশীল । তজ্জন্ম নরকার্ণবে গমন করে । কিরূপে তাহারা এই চতুর্বর্গ ফলপ্রদ পরম প্রশস্ত পুরাণ শ্রবণ করিবে ও এই পুরাণ শ্রবণ করিলে, চতুর্বর্গের সাধন সমস্তই সাধিত হয় । হে দ্বিজবর্ষ্যসমাজ ! কলিতে অশ্বমেধাদি যজ্ঞ নষ্ট এবং সাক্ষ ও সস্বর বেদের সহিত স্বর্গে সমাগত হইয়াছে । যাহা হউক, এই পুরাণ শ্রবণ করিলে, সমস্ত মহাবিঘ্নই দূর

হয়। পাকাস্তরে, অশ্রদ্ধা জন্মিলে, তৎক্ষণাৎ পাতক কর্তৃক আকৃষ্ট হইয়া থাকে। হে সত্তমবর্গ! তাহার লোভ জন্মিয়া থাকে। বিষ্ণুদৈবত কর্তৃক সুদারুণ মোহ প্রেরিত হয়। অথবা দৈব কিংবা বলবান্ কর্ম বলে তাহার মোহ উপস্থিত হয়। কিংবা পুরাণশ্রবণ সময়ে দুষক, কুৎসক ও অন্যান্য বহুবিধ পাপাত্মার প্রাদুর্ভাব হইয়া থাকে। স্বীয় বুদ্ধি দ্বারাই ঐরূপ বিঘ্নরূপ সমুদায় পরিজ্ঞাত হইবে। অথবা, বিঘ্ন উপস্থিত হইয়াছে, দেখিতে পাইলেই, তাহার নিরাকরণার্থ বৈষ্ণব মহামন্ত্র ও পরমপূর্ণ্যজনক বিষ্ণুসূক্ত সহায়ে কিংবা বিষ্ণুর বিরাট মন্ত্র অথবা সহস্র শীর্ষক দূরা হোম করিবে। কিংবা দ্বাদশাক্ষর বিষ্ণু সুমন্ত্রে হোম করিতে হইবে। যে দেবতার যে হোম বা যে মন্ত্র তাহারই প্রয়োগ করিবে। অষ্টোত্তর তিলাজ্য ও পলাশ সমিধ দ্বারা স্থাপন, পূজন ও আবাঁহন করিবে। তৎকালে বিঘ্নেশ, সুরেশ্বরী সারদা, অগ্নি, মহামায়া, চণ্ডিকা, ক্ষেত্রনায়িকা, ইত্যাদি দেবতার পূজা করিবে। তিল, তুণ্ডল আজ্য ও সমিধ যুক্ত মন্ত্র সহায়ে ঐরূপ পূজা করিয়া হোম ও পরিশেষে ব্রাহ্মণদিগকে ধন দান করিবে। দোক্খিকা গো দক্ষিণার্থ সংযুক্ত করিয়া প্রদান করিবে। তাহা হইলে বিঘ্নসমূহ বিনাশ ও পুরাণও সিদ্ধি প্রাপ্ত হইবে। যে ব্যক্তি এইপ্রকার অনুষ্ঠান না করে, তাহার বিঘ্ন বলিতেছি, শ্রবণ কর। তাহার বহু-যন্ত্রণাদায়ক রোগ, ভার্য্যাশোক, পুত্রশোক, ধনহানি, এবং বিবিধ মহারোগ ভোগ হইয়া থাকে, সন্দেহ নাই। যাছার ধনাদি দান করিবার ক্ষমতা নাই, সে উপবাস

করিয়া, একাদশীতিথিসমাগমে মধুসূদনের পূজা করিবে।  
ষোড়শ উপচারে আনুষ্ঠানিক ভক্তি সহকারে ঐরূপ পূজা  
করিয়া, সূত্রাক্ষণদিককে যথাবিত্তানুসারে ভোজন  
করাইবে। এই খান্নপুরাণ শ্রবণ করিলে, গোসহস্রদানের  
ফল লাভ হয়।

## দ্বাদশবিংশত্যধিকশততম অধ্যায়

সূত্র কহিলেন, হে ব্রাহ্মণসত্তমগণ! অধুনা ভূমি-  
খণ্ডের অনুক্রমণিকা কীর্তন করিব। যাহা শুনিলে, সর্ব  
পাপ-মোচন ও সদগতি প্রাপ্তি হইয়া থাকে। ভূমিখণ্ডে  
শিবশর্ম্মার চরিত, তদীয় পুত্রগণের পিতৃভক্তির তৎ-  
কর্তৃক পরীক্ষা, তাহাদের বিষ্ণুপদপ্রাপ্তি, কনিষ্ঠের পরীক্ষা  
ও দৈত্যবংশে পুনরুৎপত্তি এবং পুনরায় প্রহ্লাদরূপে  
জন্ম গ্রহণ, ইন্দ্রার্থ বাসুদেবে প্রার্থনার জন্য ইন্দ্রসৃষ্টি, বিষ্ণুর  
অদিতিকে বরদান, বিষ্ণুলোক হইতে সূত্রতের অদितिগর্ভে  
অবतरণ, অদিতির অত্যাগ্র তপস্যা, ইন্দ্রের জন্ম ও অভিষেক,  
তজ্জন্ম দনুর অনুতাপ ও দিতির সহিত বিলাপ, কশ্যপ  
কর্তৃক তদীয় সান্ত্বনা, পঞ্চাঙ্গক প্রসঙ্গে জীবের ঘোর  
সংসার প্রাপ্তি ও বীতরাগের সহিত কথোপকথন, জীবের  
তত্ত্বজ্ঞান, স্বার্থ সিদ্ধির জন্য কশ্যপের সহিত দৈত্যদিগের  
সন্তোষণ, কশ্যপ কর্তৃক উপদেশ দান ও ধর্ম্মসাধন, দৈত্য-  
গণের মন্ত্রণা ও তপস্যায় দৃঢ় সংকল্প, চতুর্বিধপুত্রকারণ-

ବର୍ଣନ, ପୁଣ୍ୟପ୍ରଶଂସା, ପାପାନିନ୍ଦା, ଧର୍ମର ଦର୍ଶନାର୍ଥ ଦୁର୍ବାସାର  
 ମହାତପସ୍ତ, ସାକ୍ଷାତକାରେ ଆବିର୍ଭୂତ ହେୟା ଧର୍ମ କର୍ତ୍ତୃକ କ୍ରୁଦ୍ଧ  
 ଦୁର୍ବାସାର ଉପସାନ୍ତନ, ଦୁର୍ବାସାର ଧର୍ମେ ଶାପ, ବ୍ରହ୍ମଚର୍ଯ୍ୟାଦିଲକ୍ଷଣ,  
 ସାଧୁଗଣେର ପୁଣ୍ୟ ଯରଣ, ପାପିଗଣେର ସ୍ୱତ୍ୱା ଓ ନାରକୀ ଗତି  
 ଏବଂ ପୁନରାୟ କୁଷୋନିତେ ଜନ୍ମ, ବଶିଷ୍ଠ କର୍ତ୍ତୃକ ସୋମଶର୍ମାର  
 ଶୂଦ୍ରତ୍ୱ କୀର୍ତ୍ତନ, ବିଷ୍ଣୁ କର୍ତ୍ତୃକ ପ୍ରମନ୍ତ ହେୟା ସୋମଶର୍ମାକେ  
 ବରଦାନ, ସୁବ୍ରତେର ତପସ୍ତା ଓ ଧନପୁତ୍ରାଦି ଲାଭ, ତଦୀୟ ବାଲ୍ୟ-  
 କାଳୀନ ହରିଭକ୍ତି, ତଦୀୟ ତପସ୍ତାୟ ଦୁଷ୍ଟ ହେୟା ହରି କର୍ତ୍ତୃକ  
 ବରଦାନ, ତତ୍ପ୍ରଭାବେ ପିତା ମାତାର ପୁତ୍ର ସୁବ୍ରତେର ସହିତ,  
 ସଦେହେ ବୈକୁଣ୍ଠଗମନ ହିରଣ୍ୟକଶିପୁର ବରଦାନ ଓ ନିପାତ,  
 ଦିତିର ଅନୁତାପ, ବଳାସୁରେର ଜନ୍ମ, ଇନ୍ଦ୍ର କର୍ତ୍ତୃକ ତାହାର  
 ନିଧନ, ତତ୍ପ୍ରୟୁକ୍ତ ରୋଷ ବଶ କଶ୍ୟପ କର୍ତ୍ତୃକ ଶ୍ୱକ୍ରବିନାଶ ଜୁଷ୍ଠ  
 ଜଟାଞ୍ଜ ହୈତେ ସ୍ୱତ୍ରେର ଉତ୍ପାଦନ, ଇନ୍ଦ୍ରେର ଅହ୍ନାମନ ପ୍ରଦାନ,  
 ପୂର୍ବକ ତାହାର ସହିତ ସକ୍ଳିମସ୍ପାଦନ, ଏବଂ ରତ୍ନାମହାୟେ  
 ବିଶ୍ୱାମ ବିଧାନ ପୂର୍ବକ ବଜ୍ର ଦ୍ୱାରା ତାହାର ଶିରଶେଦନ, ତତ୍  
 ପ୍ରୟୁକ୍ତ କଶ୍ୟପ କର୍ତ୍ତୃକ ଦିତିର ଉପସାନ୍ତନ, ମରୁତଗଣେର ଜନ୍ମ ଓ  
 ଇନ୍ଦ୍ରେର ସହିତ ବନ୍ଧୁତା, ଦେବାସୁରଗଣେର ଦିଗାଧିପତ୍ୟନିରୂପଣ,  
 ପୃଥ୍ୱର ପୃଥିବୀଦୋହାନଦି ଚରିତ ବିସ୍ତାର, ବ୍ୟାଧଧୀବରମହାଦ ଓ  
 ବେଦମାହାତ୍ମ୍ୟ, ବେଣମାତା ସୁନୀଥାର ଗନ୍ଧର୍ବଜନା ଶାପକୀର୍ତ୍ତନ,  
 ଇନ୍ଦ୍ରେକେ ଦେଖିୟା ମହାବଳ ଦୁହ୍ନେର ତତ୍ତଲ୍ୟପୁତ୍ରକାମନାୟ ତପୋ-  
 ରୁଚ୍ଚାନ, ପିତୃବାକ୍ୟେ ସୁନୀଥାର ସୁହଃସହ ଅନୁତାପ, ସଖୀଗଣ  
 କର୍ତ୍ତୃକ ତାହାର ସାନ୍ତନ ଓ ତପୋନିରୁଦ୍ଧି, ବେଣେର ଜନ୍ମ, ଧର୍ମ୍ୟୟୀ  
 କୀର୍ତ୍ତି ଓ ଗଂଶାଞ୍ଜ ପାତକମଜ୍ଜମ, ଏବଂ ନିଜଧର୍ମୋପଦେଶ,  
 ସ୍ୱଧର୍ମତ୍ୟାଗ, ସଜ୍ଜବେଦାଦି ନିନ୍ଦା, ତଦ୍ଦର୍ଶନେ କ୍ରୋଧପରାୟଣ  
 ସପ୍ତର୍ଷିଗଣ କର୍ତ୍ତୃକ ତାହାର ଉରୁମନ୍ତନ, ପୃଥ୍ୱର କରମନ୍ତର୍ନେ ନିଷାଦେର

ৎপালি, বেণের ছুরাচার পরিহার ও তপস্যা, বিষ্ণু কর্তৃক  
 দানমহাত্ম্যাও অদাননিন্দা, কখন এবং দানকালনির্দেশ,  
 কুরাখ্যান, স্ত্রীধর্মবিস্তার, সুদেবচরিত, শূকরশুকরী  
 সংবাদ, ইক্ষাকুর সহিত শূকরের যুদ্ধ, স্বাকলাভ, শূকরীর  
 যুদ্ধ, জীবমাত্র শেষ শূকরীর সহিত রাজ্যীর কথোপ-  
 কথন, সুকলার উৎকৃষ্ট ধর্ম চর্যা, সুদেবাচরিত পুনর্বর্ণন,  
 সুকলার মোহনার্থ ইন্দ্র ও কামের মন্ত্রণা, পতিব্রতাধর্ম্যনাশে  
 মদনের প্রতিচ্ছা, সুকলার ধৈর্য ও পতিব্রতের পরাকাষ্ঠা,  
 পিতৃতীর্থ, পিপ্পলোপাখ্যান, অর্বাচীনপরাচীনজ্ঞানো-  
 পাখ্যান, মাতালযযাতিসংবাদ, দেহতত্ত্ব বিচার, পাপা-  
 আদের গতি, পুণ্যাত্মাদের গতি, বিষ্ণুতন্ত্র যযাতি কর্তৃক  
 রাজ্যের সুমনীকরণ ও স্বর্গাধিক্যসংবিধান, যমদূত সংবাদ,  
 যমবাক্যে ইন্দ্রের মদন সংপ্রেষণ ও কাম কর্তৃক নাট্য-  
 প্রসঙ্গে যযাতির বিমোহন, যযাতির জরাপ্রবেশ ও মায়ামুগ-  
 বিলোভন, সুন্দরীদর্শন ও তদীয় গীত শ্রবণ, যযাতির  
 পুত্রশাপ, জরাগ্রহণ, পুরঃসর পুরুর রাজ্যলাভ, অশ্রুবিন্দু-  
 মতী বাক্যে পূর্বস্ত্রীবিসম্ভ্রম, তাঁহাদের গান্ধর্ব বিবাহ ও  
 ক্রীড়া, যযাতির পুরুত্ব অখমেধপ্রবৃত্তি, শর্মিষ্ঠার ও দেব-  
 ষানীবধার্থ যযাতির যুদ্ধে আজ্ঞাদান ও যহুর তাহাতে অনা-  
 দর; যহুরে যযাতির পুনঃশাপদান, কামকলাপ্রলোভন,  
 যযাতির স্বর্গলাভ ত্রিলোকগতি, শিবলোকারোহণ ও  
 বৈকুণ্ঠ প্রাপ্তি, গুরুতীর্থপ্রসঙ্গে মহাত্ম্য চ্যবনের তীর্থা-  
 ভিগমন ও রেবাতীরে জাগরণ, কুঞ্জরশুকসংবাদ, দিব্যার  
 বরনাশ, পূর্বজন্মকথা, বৈশ্য জাতিতে হ্রস্ব, পরগেহ  
 প্রপীড়ন, উজ্জলের পুনঃ প্রস্র ও হংসদর্শনসম্ভব, ইন্দ্র-

নারদসংবাদ, তীর্থসমাগম, তীর্থস্নান করিয়া, ব্রহ্মহত্যা  
 ব্রহ্মহত্যাাদি বিনাশন, তীর্থরাজ্যভিষেক, মহাপাতকি  
 চতুষ্টয়ের পরিসংখম, চারিটা তীর্থের ব্রহ্মহত্যাাদিলিখিত  
 হংসরূপী তীর্থ সকলের সর্বতীর্থে প্রয়াণ, ব্রহ্মহত্যাাদি পাপ  
 সকলের স্ত্রীস্বরূপতা, ব্যাধির পাত্তীসম্বাদপ্রযুক্ত নর্ষদা-  
 কলকীর্তন, সপত্নীক ব্যাধির পুনরার নর্ষদার স্নান, তাহাদের  
 দিব্যগতি দর্শনে তথায় হংস সকলের মজ্জন, তৎস্নান  
 মাত্রে তাহাদের কৃষ্ণরূপপারিত্যাগ, অনন্তর.. পাপরূপিণী  
 বিকট স্ত্রীগণের নর্ষদা তটে মরণ, বিজ্বলের আনন্দবন-  
 সন্তুবপ্রশ্ন, দিব্যযানগামী দম্পতীর শবমাংসাদন, কর্ষের  
 বিবিধ গতি, সুবাহুচরিত্র, জৈমিনীর উপদেশে বিষ্ণুর আরা-  
 ধনা, সুবাহুর ভার্য্যা সহ বৈকুণ্ঠ লাভ, ও বিষ্ণুকে না  
 দেখিয়া ক্ষুধা তৃষ্ণা ও রোগ সংপত্তি, বাসুদেবস্তব জন্ম  
 বাসুদেবের উদেশ, অনন্তর আনন্দকাননে গমন পূর্বক  
 বিজ্বলের তদুৎকৃষ্টশান্তি জন্ম বাসুদেবস্তবপাঠ, স্তবপাঠে  
 শুদ্ধ হইয়া বৈকুণ্ঠপ্রাপ্তি, কৈলাসাদ্রুত দর্শন জন্ম কপিঞ্জলের  
 প্রশ্ন, শিবের সহিত দুর্গার নন্দনে গমন, দুর্গার কল্পক্রম  
 প্রশংসা ও তৎপারিক্রিয়া, অশোকমুন্দরীর সৃষ্টি ও তাহার  
 পতিনিরূপণ, আমার ভার্য্যা হও বলিয়া অশোকার সহিত  
 তুণ্ডের কথোপকথন, তুণ্ডের প্রত্যাখান ও মায়াবলে হরণ,  
 এবং তুণ্ডের প্রতি অশোকার শাপ, পুত্রার্থ আয়ুর তপস্যা  
 ও দত্তাত্রেয়বর, তুণ্ড কর্তৃক সহসা শিশু নহুষের হরণ,  
 ভার্য্যাকে বধার্থ অর্পণ ও সুদবাক্যে দাসী কর্তৃক বশিষ্ঠা-  
 শ্রমে শিশুর নিক্ষেপ জন্ম রুদ্ধি ও বিদ্যাভ্যাসে, তুণ্ডের বধ  
 বশিষ্ঠদেশে নহুষের প্রশ্ন, ও তাহাকে দেখিয়া অশোক











